


Luda yã takada kũ

Bisã yão



Portions of the Holy Bible in the Busa language of Nigeria

Luda yá takada kũ Bisá yáo

Portions of the Holy Bible in the Busa language of Nigeria

copyright © 2005 SIM International

Language: Bisá (Busa)

Translation by: SIM

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-10-10

PDF generated using Haiola and XeLaTeX on 21 Feb 2024 from source files dated 31 Aug 2023
8631d380-7d17-5581-abf9-174814e8ccc3

Contents

MATIU	1
MAAKU	39
LUKU	62
YUHANA	102
ZĪRINĶ	129
ROMUDENĶ	163
1 KĶRINTIDENĶ	180
2 KĶRINTIDENĶ	195
GALATIANĶ	205
EFESUDENĶ	211
FILIPIDENĶ	216
KĶLĶSEDENĶ	220
1 TESALONIKADENĶ	224
2 TESALONIKADENĶ	227
1 TIMĶTI	229
2 TIMĶTI	234
TITU	237
FILIMĶ	239
EBERUNĶ	240
YAMISI	252
1 PITA	256
2 PITA	261
1 YUHANA	264
2 YUHANA	268
3 YUHANA	269
Yudu	270
ZIA YĀ	272
ZABURA	292

MATIU

Baaru nna kū Matiu kēē
 Yesu Kirisi inaa 1:1-2:23
 Yahaya Da'itēkeri waazikēnaa 3:1-3:12
 Yesu da'itēkēnaa 3:13-4:11
 Yesu yādannēna Galili 4:12-18:35
 Zaa Galili ari Yurusalemu 19:1-20:34
 Yesu kunna Yurusalemu 21:1-26:13
 Yesu gana kū a vunaa 26:14-28:20

Yesu Kirisi buri bozire
(Luk 3:23-38)

- ¹ Ibrahī kū Daudao buri Yesu Kirisi boziren dí:
² Ibrahī Isaaku ì,
 Isaaku Yakubu ì,
 Yakubu Yuda ì kū a v̄ninō kū a dakūnanō,
³ Yuda Perēzi kū Zerao ì kū a nō Tamao,
 Perēzi Ezerōnu ì,
 Ezerōnu Ramu ì,
⁴ Ramu Aminadabu ì,
 Aminadabu Nasō ì,
 Nasō Salamō ì,
⁵ Salamō Bōaza ì kū a nō Rahabuo.
 Bōaza Ōbedi ì kū a nō Rutuo,
 Ōbedi Yesē ì,
⁶ akū Yesē kīna Dauda ì.
- Akū Dauda Sulemanu ì kū Uria nanō, ⁷ Sulemanu Reoboamu ì,
 Reoboamu Abia ì,
 Abia Asa ì,
⁸ Asa Yosafata ì,
 Yosafata Yehoramū ì,
 Yehoramū Uzia ì,
⁹ Uzia Yotamu ì,
 Yotamu Aza ì,
 Aza Ezekaya ì,
¹⁰ Ezekaya Manase ì,
 Manase Amō ì,
 Amō Yosia ì,
¹¹ Yosia Yoyakini ì kū a dakūnanō gōrō kū ò gbēnō kūkū ò tà kūrwo
 Babilōnu.
- ¹² Tana kū gbēnō Babilōnu gberan Yoyakini Sealatieli ì,
 Sealatieli Zerubabēli ì,
¹³ Zerubabēli Abiudu ì,
 Abiudu Eliakimu ì,
 Eliakimu Azō ì,
¹⁴ Azō Zadōki ì,
 Zadōki Akimu ì,
 Akimu Eliudu ì,
¹⁵ Eliudu Eleaza ì,
 Eleaza Matā ì,

Matā Yakubu ì,
 16 Yakubu Mariama zā Yusufu ì,
 akū Mariama Yesu kū òdi pinε Arumasihu ì.

17 Zaa Ibrahī gɔɔa ari à gèε pé Daudaa, de kū a néo kun gēro donsarimeε. Zaa Dauda gɔɔa ari gɔɔ kū ò tà kū gbēnɔ Babilɔnu, de kū a néo kun gēro donsarimeε. Zaa tana kū gbēnɔ Babilɔnu ari à gèε pé Arumasihua, de kū a néo kun gēro donsarimeε.

Yesu Kirisi inaa
 (Luk 2:1-7)

18 Deran ò Yesu Kirisi ì nàndí: A da Mariama kun Yusufu nɔkpamma ũmε. Ari àgɔ gé zā ke, à nò sɪ kū Luda Nini gbānao. 19 A gɔkpamma Yusufu bi gbē manameε, à ye à wé'i daaro, akū à zèo kū áni bo a yān asiri gūn. 20 Gɔɔ kū àtɛn laasun lé yā piia, Dikiri malaika bò à sùu nana gūn à pìne: Dauda buri Yusufu, òsun bídi ke n nɔkpamma Mariama sena yā musuro, zaakū nò kū à sinaa bò Luda Nini kīnaame. 21 Ani né i gɔgbē ũ, ìni tó kpáne Yesu, zaakū ani a gbēnɔ bo ñ durunnanɔ gūn. 22 Abirekū kè pínki, de yā kū Dikiri dà annabii gāi ke, à pì:

23 Nɔkpare lési mé ani nò sí

à né i gɔgbē ũ,

oni tó kpáne Imanueli.

Tó pìi pì, Luda kú kúoo.

24 Kū Yusufu vù, à kè lākū Dikiri malaika ditene nà, à a nɔ pìi sè. 25 Ama adi a dɔ nɔgbē ũro ari à gèε à négɔgbē pìi ì. Akū à tó kpáne Yesu.

2

Susuneyádɔrinɔ suna Yesu gwa

1 Ò Yesu ì Betilihamu Yudea busun kína Herɔdu gɔɔa. Akū susuneyádɔrinɔ bò ifáboki kpa, ò sù Yurusalemu, 2 ò gbēnɔ là ò pì: Né kū ò ì Yudanɔ kína ũ kú máa? O a susune è ifáboki kpa, akū o su kútene. 3 Kú kína Herɔdu yā pìi mà, à bídi kè kú Yurusalemudenɔ ñ pínki. 4 À Yuda sa'orikínɔ kú lundayádannerinɔ kākara ñ pínki, akū à ñ lá gu kú oni Arumasihu in. 5 Ò wèa ò pì: Betilihamumeε zaa Yudea busun. Zaakū lākū annabii kè nàndí:

6 Betilihamu kú à kú Yudanɔ busun,

ñ kīana Yuda wētɛnɔiro fá.

Zaakū n gūnn kína ni bon,

kū ani do ma gbē Isarailanɔne are.

7 Akū Herɔdu susuneyádɔrinɔ sisi asiri gūn, à susune pì bogɔɔ sānsān gbèkaríma. 8 Akū à ñ gbare Betilihamu à pì: À gé à né pì baaru gbekagbeka kú laakariio. Tó a a è, à su à omene, makū se, mani gé kútene.

9 Kū ò kína yā mà, akū ò dà zén. Akū susune kū ò è ifáboki kpa yā pìi dònne are dɔ ari à gèε à zè né pì kúkila. 10 Kū ò susune pìi è, ñ pɔ kè nna manamana. 11 Ò gè kpén, ò né pìi è kú a da Mariamao, akū ò kùte ò donyī kène. Akū ò ñ aruzeke àkpatinɔ wèwè, ò a gbà wura kú turaretitio kú lí'ɔ gbī nnanna. 12 Luda òñne nana gūn kú òsun bote Herɔdu kīnaaro, akū ò tà ñ busun kú zé pānde.

Gena kú Yesuo Misila

¹³ N̄ tanaa gbera Dikiri malaikaa bò à sù Yusufua nana gūn à pì: N̄ fute n̄ né pì sé kù a dao, n̄ bàa lé n̄ gé kúnwo Misila, ìnig̃ó kú gwe ari mà su mà yā onne d̃o, zaakū Her̃odu ni né pì wete à deme.

¹⁴ Akū Yusufua fute gwāani, à né pì sé kù a dao, à g̃e kúnwo Misila. ¹⁵ À kú gwe ari Her̃odu g̃e à g̃ao. Abirekū k̃e, de yā kú Dikirii ò annabii g̃ai ke yāime, à pì:

Ma a né gb̃e Misila.

Né̃g̃ōgb̃ēn̄o d̃e d̃e n̄aa

¹⁶ Kū Her̃odu è susuneyād̃ōrin̄o ònd̃o k̃eare, akū a p̃o f̃ē manamana. À susun̄e bog̃o taka d̃o yā kú à gb̃eka susuneyād̃ōrii p̃in̄o yāi, akū à gb̃ēn̄o z̃i ò né̃g̃ōgb̃ē kū ò kà w̃e pla ke kū ò k̃ain̄o d̃e d̃e Betilihamu kū a burano p̃inki. ¹⁷ Yā kú annabi Ilimia òo k̃e sà, à pì:

¹⁸ Ò wiki gb̃āna mà Rama,

òten s̄o d̃o, òten wiki pé.

Rahila teni a n̄ēn̄o s̄o d̃o,

à g̃i ò a n̄ēse kp̃at̃ei,

zaakū ò kun doro.

Suna kū Misilao

¹⁹ Kū Her̃odu g̃a, akū Dikiri malaika bò à sù Yusufua Misila nana gūn ²⁰ à pì: N̄ fute n̄ né pì sé kù a dao, n̄ tá kúnwo Isarailan̄o b̄usun, zaakū gb̃ē kū òten wete ò né pì d̃e n̄o g̃aga.

²¹ Akū à fute à né pì sé kù a dao, à tà kúnwo Isarailan̄o b̄usun. ²² Kū à mà Ak̃elau mé àten kí ble Yudea a de Her̃odu g̃ēne ũ, vutena gwe v̄ina a k̃u. Luda yā òne nana gūn, akū à tà Galili b̄usun, ²³ à g̃e à v̄ute w̃ete kū òdi p̃i Nazera gūn. Len yā kú annabin̄o òo p̃apa, kū ò p̃i: Oni a s̄isi Nazera gb̃ē.

3

Yahaya Da'itekeri waazikenaa

(Maa 1:1-8, Luk 3:1-18, Yuh 1:19-28)

¹ Abire gbera Yahaya Da'itekerii sù Yudea gb̃arannan, àten waazi ke ² à pì: À n̄ēse lite, kpata kú à bò Luda k̃inaa kà k̃ani. ³ A yān annabi Isaya ò yā à pì:

À baarukparii k̃oto ma d̃o gb̃arannan,

àten pi à z̃e keke Dikirine,

à z̃e térereno porone s̄usu.

⁴ Yahaya òig̃ó p̃okasa kū ò t̃a kú lakumi k̃aon̄o dana, àdi bára asa d̃o a pi. Kwa kú z̄ó'iom̄e a p̃oble ũ. ⁵ Òdig̃ó b̄ote Yurusalemu kú Yudea b̄usu gu s̄inda p̃inkio kú Yoda d̃ōr̄oio òg̃ó su a k̃inaa. ⁶ Òdi n̄ durunnano o gupuraa, akū àdi n̄ da'ite ke Yodan.

⁷ Kū Yahaya è Farisin̄o kú Sadusin̄o ten su a k̃inaa dasi ò da'ite ke, akū à p̃inne: Bis̄asiri pitikon̄o! Dí mé à lé dàawa à bàa sí p̃of̃e kú Luda ni kipa'mman̄e? ⁸ À n̄eselitena yā ke, onig̃ó d̃o kú a lite. ⁹ Kū Ibrah̄i de á dizi ũ, àsung̃ó da kú abirekū mé ani á boro. Maten oáre, Luda ni f̄o à gb̃e d̃ino ke Ibrah̄i burin̄o ũ. ¹⁰ Kp̃ása ditena l̄inoi k̃e. Luda ni lí kú àdi né mana iro z̄o à zu té gūn. ¹¹ Matení á da'ite ke á n̄eselitena s̄eeda ũme, ama gb̃eke ni su ma gbera a gb̃ana demala, mádi ká mà a kyate s̄etenero. Àkū mé ani á da'ite ke kú Luda Ninio kú téo. ¹² À gbaka k̃una a òi èseg̃ēkia. Tó à f̄a, ani a p̃oblewe ká a d̃ōn, ani a s̄ako ká té kú àdi garo gūn.

Yesu da'itekēnaa
(*Maa 1:9-11, Luk 3:21-22*)

¹³ Akū Yesu bò Galili būsun, à sù Yahaya kīnaa Yodai de à a da'ite ke.
¹⁴ Yahaya ye à gí à pì: Makū kū má de ò ma da'ite ken n su ma kīnaa yá?
¹⁵ Akū Yesu wèa à pì: Àgō de le gĩa, zaakū à kō sì kōoo le yā sīnda pínki kēna a zéa yāi. Akū à wè. ¹⁶ Kū Yesu da'ite kè, à bikù gǝṅ. Zī birea ludambe wèkōa, akū à è Luda Nini ten su lán potēne bà à diawa. ¹⁷ Akū ò kōtoo mà bona ludambe à pì: Ma né mèn do légelege yenyīden dí, kū ma pō nnaa manamana.

4

Yesu yōgwanaa
(*Maa 1:12-13, Luk 4:1-13*)

¹ Akū Luda Nini gèe kū Yesuo gbárannan de Ibilisi a yō à gwa. ² Yesu lé yì fānantē kū gwāanio ari gōrō bupla. Kū nà teni a de, ³ akū gbèkakerii pì nài à pì: Tó Luda Néme n ũ, ò pi gbè dīno li burodi ũ. ⁴ Yesu wèa à pì: À kú Luda yān ò pì: Póblen bisāsiri nigō kúo adoro, sé yā kú Luda ten o pínki.

⁵ Akū Ibilisi a sè à gèeo Luda wēten, à a zè Luda kpé mīsōntea ⁶ à pì: Tó Luda Néme n ũ, ò gbare n zīdai la, zaakū à kēna Luda yān ò pì: Anì n yā o a malaikanōne.

Oni n sé n ũ de òsun gè sī gbèearo yāi.

⁷ Yesu wèa à pì: Ò kè dō ò pì, òsun Dikiri n Luda lé ò gwaro.

⁸ Akū Ibilisi a sè à gèeo dō kpi lei manamana musu, à andunia kpatano mōne pínki kú n aruzekeno ⁹ à pì: Mani n gba adino pínki, tó n kute n donyī kemene. ¹⁰ Akū Yesu pīne: Ò gomala Setan! Zaakū ò kè Luda yān ò pì: Ò donyī ke Dikiri n Ludane ògō doi ado.

¹¹ Akū Ibilisi a tò gwe sà, akū malaikanō sù ò kpai.

Yesu nana a zā zaa Galili
(*Maa 1:14-15, Luk 4:14-15*)

¹² Kū Yesu mà ò Yahaya kù ò dà kpésiran, akū à tà Galili. ¹³ Adi vute Nazera doro, à gèe à vute sèbee sare Kapenam, Zebuluni burino kú Nafatali burino būsun, ¹⁴ de yā kú annabi Isaya ò ke yāi à pì:

¹⁵ Zebuluni burino kú Nafatali burino būsū, zaa ísira kpa ari Yoda bara,

Galili būsū kú buri pādeno kun pì,

¹⁶ n gbè kú ò kú gusira gūnnō gupura zōkō è, gu dō būsū kú à kú ga léi pì denōne sà.

¹⁷ Zaa gōrō kua Yesu nà waazikenanaa à pì: À nèse lite, kpata kú à bò Luda kīnaa kà kāni.

Yesu ìba káakunō sisinaa
(*Maa 1:16-20, Luk 5:1-11*)

¹⁸ Kū Yesu ten do Galili sèbee, à gbēnōn plano è, vīni kú dakūnao, Simō kú òdi pi Pita kú a dakūna Anduruo. Òten táaru kpá sèbee pìn, zaakū sōrōkōnōme. ¹⁹ Akū Yesu pīne: À mō à témai, mani á ke gbēweterino ũ.

20 Zaa gwe gònò ò n táarunò tòn, ò bò ò tèi. 21 Kū à gèe arɛ, à gbēnɔn pla pāndenɔ è, vīni kū dakūnao dɔ, Zebedi né Yamisi kū a dakūna Yuhanao. Ò kú gó'ite gūn kū n de Zebedio, òteni n táarunò keke. Yesu n sísi, 22 akū ò n de tò gó gūn gwe gònò, ò bò ò tèi.

Yesu yādannenaa
(Luk 6:17-19)

23 Yesu digō kure Galili būsun, àdi yā dañe n aduakekpɛnɔ gūn, àdi kpata kū à bò Luda kīnaa baaru kpá, àdi gbēnɔ kēkōa kū gyā buri sīnda pínki. 24 A tó dà Siria būsula pínki, akū òdigō sunɛ kū gbē kū òten gyā buri sīnda pínki kū wāwāo kenɔ kū tādadenɔ kū létɛlɛtegyādenɔ kū ɛrenɔ, akū àdi n werekōa. 25 Ò bò Galili kū Wētɛmenkuri būsuo kū Yurusalemuo kū Yudeao kū Yoda barao dasidasi ò tèi.

5

Arubarikadenɔmɛ Yesu ibanɔ ũ
(Luk 6:20-23)

1 Kū Yesu pari pìnɔ è, à didi sīsīa. Kū à vùte, a ibanɔ sù a kīnaa, 2 akū à nà yādannenaaa à pì:

3 Arubarikadenɔmɛ gbē kū ò n kīana dōnɔ ũ, zaakū kpata kū à bò Luda kīnaa de n pó ũ.

4 Arubarikadenɔmɛ pɔsiradenɔ ũ, zaakū Luda ni n laakari kpátɛñɛ.

5 Arubarikadenɔmɛ zīdabusarinɔ ũ, zaakū mókōnɔ mé onigō andunia vī.

6 Arubarikadenɔmɛ yāzede nidɛrinɔ ũ, zaakū mókōnɔ mé oni kā.

7 Arubarikadenɔmɛ wēndadōnnerinɔ ũ, zaakū Luda ni n wēnda dō.

8 Arubarikadenɔmɛ nēsɛpuradenɔ ũ, zaakū mókōnɔ mé oni wé si Ludale.

9 Arubarikadenɔmɛ ibɛɛmidɛrinɔ ũ, zaakū oni n sísi Luda nénɔ.

10 Arubarikadenɔmɛ gbē kū òdi wari dōrīma n yāmanakɛna yāinɔ ũ, zaakū kpata kū à bò Luda kīnaa de n pó ũ.

11 Arubarikadenɔmɛ á ũ, tó ò á sōsō, tó ò wari dōáwa,

tó ò yā vāni sīnda pínki diáwa ma yāi.

12 À pɔnna ke à yáa dɔ, zaakū á láada zōkō ludambɛ. Len ò wari dō annabi kū ò kú á ānɔa lɛ.

Yesu ibanɔmɛ wisi ũ kū gupurao
(Maa 9:50, Luk 14:34-35)

13 Ákōnɔ mé á wisi ũ andunianɛ. Tó wisi i nna tà, deran oni ke nà à gō wisi ũ dɔɔ? À àre ke vī doro, séde ò kóte gbēnɔ taa oa.

14 Ákōnɔ mé á gupura ũ andunianɛ. Wēte kū ò kàte sīsīi musu di fō àgō utenaro. 15 Òdi fitila na ò gbaka kútɛaro. Òdi a di a dibɔɔ musumɛ, de à gu pu gbē kū ò kú ònnnɔnɛ. 16 À gu pu gbēnɔnɛ lɛ, de ò á yāmanakɛnanɔ e ò á De kū à kú musu tó kpá.

Musa doka bōkɔtenaa

¹⁷ Àsungõ da ma su Musa doka kũ annabinõ yãñõ gboronlo. Mádi su gbororo, ma su de mà papame. ¹⁸ Yápuran maten oáre, ludambe kũ zĩteo ni gẽte, ama doka pi wãnzãn fitinle ke a pó kete ke ni gẽtero, yã sında pínki ni ke. ¹⁹ Abire yãí tó gbẽ gi yã kũ ò dìte pìnõ dokei, bee a kũ à kĩańyĩ, tó àdi da gbẽnõne ò ke le, ade nigõ kĩańyĩ kpata kũ à bò Luda kĩnaa gbẽnõ téme. Tó gbẽ kũna, tó àdi dańne le sõ, ade nigõ zõkõ kpata kũ à bò Luda kĩnaa gbẽnõ té. ²⁰ Maten oáre, tó á yãmanakena de ludayádannerinõ kũ Farisinõ pólaro, áni gẽ kpata kũ à bò Luda kĩnaa gũnlo.

Pɔfɛnaa

²¹ A mà ò pi yádenõne òsun gbẽ dero. Gbẽ kũ à gbẽ dèe, oni yákpate ke kãao. ²² Makũ sõ, maten oáre, gbẽ kũ à pɔ fẽ a gbẽdakei kà ò yákpate ke kãao. Gbẽ kũ à a gbẽdake sõsõ kà ò gé kãao gbãnadeno kĩnaa. Gbẽ kũ à pi a gbẽdakenẽ misaride sõ kà à gẽ tén gyãwãnn. ²³ Tó n su ò Luda gba pó a gbagbakia, tó n dɔn gwe kũ ò gbẽdake n yã kũna, ²⁴ ò n gba tó sa'oki are gwe, ò gé ò kúte ke n adene gĩa, gbasa ò su ò sa o sà. ²⁵ Tó n ibere ten gé kũnwo yákpatekerikia, ò ke likalika ò ke kãao nna zaa zén, de àsun ò kpá yákpatekeriario yãí. Tó ndi ke lero, yákpatekeri pi ni ò kpá dogariia, dogari ni ò da kpésiran. ²⁶ Yápuran maten onne, òni bo gwero ari ò gé fina boo pínki. Bee kɔbɔ ni gõ ténýĩro.

Zinakanaa

²⁷ A mà ò pi, àsun zina kero. ²⁸ Makũ sõ, maten oáre, tó gbẽ nɔgbẽ gwà kũ laasun pãndeo, ade zina kè kãaon gwe kò. ²⁹ Tó n ɔpla wé dì tó ò fu, ò a bo ò zukũna. N kurana n mɛgu kei mana de ò n mɛgu sında pínki zu ténla. ³⁰ Tó n ɔpla dì tó ò fu, ò zõ ò zukũna. N kurana n mɛgu kei mana de n mɛgu sında pínki tana ténla.

Yigidena

(Mat 19:9, Maa 10:11-12, Luk 16:18)

³¹ Ò pi dɔ, tó gbẽ ten gí a nanɔi, à yigidetakada kpáa. ³² Makũ sõ, maten oáre, gbẽ kũ à gi a nanɔi, tó adi ke à gõpose kènlo, a zã pi mé àdi tó à gõ zinakeri ũ. Gbẽ kũ à nɔ kũ ò giĩ sè sõ, à zina kèn gwe.

Ladanaa

³³ A mà ò pi yádenõne dɔ, ò yã kũ ò si kũ Dikirio papa, òsun fuaro. ³⁴ Makũ sõ, maten oáre, àsun la da sero. Àsun la da kũ ludambeoro, zaakũ Luda kiblegbaame, ³⁵ ke andunia, zaakũ Luda tintimmmẽ, ke Yurusalemu, zaakũ Kina zõkõ wẽteme. ³⁶ Nsun la da kũ n mĩoro, zaakũ òni fõ ò n mikã mèn do pura kũ ke ò a sira kũro. ³⁷ Agõ pi ee ke oi. Yã kũ à de abirekũla bò yã vãni gũmmẽ.

Fĩnabonaa

(Luk 6:29-30)

³⁸ A mà ò pi, ò wé fina bo kũ wéo, saka kũ sakaao. ³⁹ Makũ sõ, maten oáre, àsun fina bo gbẽ kũ à vãni kèárearo. Tó gbẽ n sãn kè n ɔpla gasuua, ò a do dɔne dɔ. ⁴⁰ Tó gbẽ ye à n uta lokomma yákpate ke kũnwo, ò n uta zõkõ tóne dɔ. ⁴¹ Tó gbẽ gã nãmma ò aso séare kiloo do, ò géone kiloo pla. ⁴² Tó gbẽ pó wé kemma, ò kpáa. Nsun gbẽ kũ à ye à pɔ sákamma tẽro.

Yena ibereei

(Luk 6:27-28, 32-36)

⁴³ A mà ò pì, àgõ ye á gbēdakei, à zā á iberēgu. ⁴⁴ Makū s̄s, maten oáre, àgõ ye á iberēn̄i, à adua ke gbē kū òdi wé t̄áawan̄ne, ⁴⁵ de à ḡs á De kū à kú musu n̄n̄o ū yāpura. Zaakū àdi ifāntē bo gbē vānin̄ne kū gbē manan̄o n̄ p̄nki, àdi legū ma taarisariden̄ne kū taariden̄o n̄ p̄nki. ⁴⁶ Tó gbē kū ò yeáin̄n̄o á yeñyī, áni láada ke le Luda k̄naa yá? Bee be'oḡosirin̄o di ke leroo? ⁴⁷ Tó á gbēn̄n̄o adì f̄o kpákpar̄uma n̄tēne, bó á deo gbē pānden̄o laa? Bee kifirin̄o di ke leroo? ⁴⁸ Abire yāi àgõ kun papana, lán á De kū à kú musu kun papana nà.

6

Gbadanaa

¹ À laakari ke á donyīyākena gupuraa. Àsun ke bisāsiri wé yāiro. Tó áten ke le, áni láada le á De kū à kú musu k̄naaro. ² Tó nten gba da takasiden̄ne, ñsun a kpákpa ke lán manafikiden̄o bàro. Òdi ke aduak̄ekpen̄o gūn kū gānulean̄o de gbēn̄o n̄ tó nna sí yāime. Yāpura maten oáre, ò n̄ láada lèn gwe kò! ³ M̄k̄n̄, tó nten gba da takasiden̄ne, ñsun tó n̄ ɔze d̄s lán n̄ ɔpla ten ke n̄aro. ⁴ Ñ tó n̄ gbadana ke asiriyā ū, n̄ De kū à asiriyā d̄s ni a f̄ina bonne.

Aduak̄ena (Luk 11:2-4)

⁵ Tó áten adua ke, àsunḡo de lán manafikiden̄o bàro. Òdiḡo ye ò adua ke zena aduak̄ekpen̄o kū zérankpak̄ōan̄o de gbēn̄o n̄ e yāi. Yāpura maten oáre, ò n̄ láada lèn gwe kò! ⁶ M̄k̄n̄, tó nten adua ke, n̄ gē n̄ kpé gūn, n̄ gbà tata, n̄ wé ke n̄ De kū à kú gwe asiri gūnwa, n̄ De kū à asiriyā d̄s ni sí kūnwo. ⁷ Tó áten adua ke, àsun yā b̄te dasi lán kifirin̄o bàro. Òdiḡo da n̄ yāb̄t̄ena dasi gūn Luda ni sí kūnwo. ⁸ Àsunḡo de lán n̄ bàro, zaakū á De p̄o kū á a ni v̄i d̄s ari àgõ gé gbekaa. ⁹ Àgõ adua ke lán dí bà:

Ó De kū à kú musu,

ñ tó òḡo d̄s kū n̄ tó adona,

¹⁰ Ñ tó kpata kū à b̄o n̄ k̄naa bo gupuraa,

ò n̄ p̄yenyīna ke andunia gūn,

lákū òdi ke zaa musu nà.

¹¹ Ñ ó gba ú kū óni ble gbāra.

¹² Ñ ó taarin̄o kēwá,

lákū odi kē gbē kū ò taari kēw̄eren̄ne nà.

¹³ Ñsun tó ò fu ȳogwanaaaro,

ñ ó sí a v̄ania.

¹⁴ Tó á gbēn̄o taari kēñne, á De kū à kú musu ni á p̄o kēár̄e se. ¹⁵ Tó adi gbēn̄o taarin̄o kēñne s̄ro, á De ni á taarin̄o kēár̄ero.

Léyīnaa

¹⁶ Tó á léyīna s̄s, àsun ān sisi lán manafikiden̄o bàro. Òdi n̄ ān yākate de gbēn̄o ḡo d̄s kū ò léyīna yāi. Yāpura maten oáre, ò n̄ láada lèn gwe kò! ¹⁷ M̄k̄n̄, tó n̄ léyīna, n̄ ān p̄ipi, n̄ n̄isi māmamma, ¹⁸ de gbēn̄o sún d̄s n̄ léyīnaro, sé n̄ De kū à kú asiri gūn baasiro. N̄ De kū à asiriyā d̄s ni a f̄ina bonne.

Aruz̄eke ya (Luk 11:33-36, 12:33-34, 16:13)

¹⁹ Àsun aruzekε kakaraáí andunia gūn laro, gu kū kòkòno dì pò yakan, pòno dì dàa kpán akūsò kpānino dì gu fò ò pòno sétén. ²⁰ À á aruzekε kakara ludambe, gu kū kòkòno dì pò yakanlo, pòno dì dàa kpánlo akūsò kpānino dì gu fò ò pòno séténlo. ²¹ Zaakū gu kū n aruzekε kún, gwen n laakaríi dìgò kún se.

²² Wéme mè fitila ù. Tó n wé aafia, n mè pínki nigò gupura ù. ²³ Tó n wé manaro sò, n mè pínki nigò gusira ù. Tó gupura kū ñ kúna de gusira ù, gusira pì zòkò. ²⁴ Gbēke dì fò à zò ble dikiri mèn planero, zaakū ani zā gbē don àgò ye gbē doi, kesò ani na gbē doa à gbē do gya bo. Áni fò àgò zò ble Ludane kū ɔgɔ leelero.

Ludanaanikēnaa
(Luk 12:22-31)

²⁵ Abire yāi maten oáre, àsun á wèndi damu ke à pi bón óni ble ke bón óni miro. Àsun mè damu ke à pi bón óni daro. Wèndi de pòblelaroo? Mè de pòkasalaroo? ²⁶ À gwa bānoa. Òdi pò tōro, òdi pò kēro, òdi pò ká dōo gūnlo, ama á De kū à kú musu dì pòble kpáíma. Á bèere vī manamana de bānolaroo? ²⁷ Á té, dí mé ani fò à a wèndi gbāna kara, bee goro do, a damukenaa gūnn?

²⁸ Bóyāin adì pòkasa damu kee? À lāvuno gwa sèn lākū ò de nà. Òdi zī kero, òdi buu tāro, ²⁹ ama maten oáre, bee Sulemanu kū a aruzekεo, adi uta da a mana kà ñ ke ūro. ³⁰ Sèla kū à kun gbāra ani té kū zia, lākū Luda dì pò nai le nà, ákòno ludanaanikīanadeno, oní á pò o do yá? ³¹ Abire yāi àsun pòke damu ke à pi bón óni ble ke bón óni mi ke bón óni daro. ³² Kifirinon pò pino pínki yā dì doñne are. Zaakū á De kū à kú musu dō kū pò pino kò sī kááo, ³³ à tó kpata kū à bò a kīnaa kū a yázedeo doáre are gīa, ani á pò pino karaáre pínki. ³⁴ Abire yāi àsun zia damu kero, zaakū zia a zīda yā dō. Goro sīnda pínki yā'ummanaa m̀ba.

7

Kò taari'ēnaa
(Luk 6:37-38, 41-42)

¹ Àsun gbē taari ero, Luda ni á taari e sero. ² Zaakū lākū ndi gbē taari e nà, len Luda ni n taari e le. Zaka kū n yòoñne ani yòonne. ³ Bóyāi nten sèburu kū à da n gbēdake wén ei, akūsò nten límukutu kū à da n wén yā daroo? ⁴ Kū límukutu da n wén, à kè dera ñni pi n gbēdakene à tó ñ sèburu kū à da a wén bonεε? ⁵ Manafikide! Ñ límukutu kū à da n wén bo gīa, gbasaa ñ gu e swáswa de ñ le ñ sèburu kū à da n gbēdake wén bonε.

⁶ Àsun Luda pò kpá kifirinoro,
de òsun era ò á kari kero yāi.

Àsun á gbè bèeredeno zu aledenoro,
de òsun taa o'oo yāi.

Wékenaa
(Luk 11:9-13)

⁷ À wé ke, Luda ni kpááwa. À wete, áni le. À gbà lé, Luda ni wéáre. ⁸ Zaakū gbē kū à wé kēen òdi kpáa, gbē kū à wete sò ádi le, gbē kū à gbàa lēen oni wēne. ⁹ Á té, dí mé ani gbè kpá a néa, tó à burodi wé kēaa? ¹⁰ Tó à kpò wé

kèa sɔ, ani mlɛ̀ sɛ̀ à kpáa yá? ¹¹ Bee kũ á vānikεo, á pɔ́ mana kpána á nɛ́nɔa dɔ́. Oni á De kũ à kú musu pɔ́ mana kpána gbɛ́ kũ ò wé kèanɔa pɔ́ o dɔ́ yá?

¹² À ke gbɛ́nɔne lákũ á ye ò kéáre nà. Musa doka kũ annabinɔ yānɔ mìn gwe.

Zéle kpakoto

(Luk 13:24)

¹³ À zéle kpakoto sɛ́. Zé kũ a lé yàasa akũ à mɛ̀poroki vī di gé kṹwo kakatɛnaa gũmmɛ. Abirekũn pari ten sɛ́. ¹⁴ Zé kũ àdi gé kṹwo wɛ̀ndii gũn lé kpakoto à nakɔana, akũsɔ gbɛ́ kũ ò lè ò sɛ́nɔn dasiro.

Gbɛ́ dɔ́na a yákenaaa

(Luk 6:43-44, 13:25-27)

¹⁵ À laakari ke annabi ékenɔi. Òdi su á kīnaa kũ sã bárao dana, ama lewanna nàderinɔme ní ũ. ¹⁶ Áni ní dɔ́ ní yákenaaa. Òdi geepi bo lè líaro. Òdi kaka e babare láaro. ¹⁷ Lí mana di né nna i, lí vāni di né gina i. ¹⁸ Lí mana di fɔ́ à né ginaa ìro, lí vāni di fɔ́ à né nna ìro. ¹⁹ Òdi lí kũ àdi né mana iro zɔ́ ò zu té gũmmɛ. ²⁰ Lɛme áni ní dɔ́ ní yákenaaa le.

²¹ Adi ke gbɛ́ kũ àdigɔ́ ma sísi Dikiri, Dikiri, mé ani gɛ́ kpata kũ à bò Luda kīnaa gũnlo, sɛ́ gbɛ́ kũ àdi ma De kũ à kú musu pɔ́yenyīna keɛ. ²² Yákpatekegɔɔ zī pari ni pimɛne: Dikiri, Dikiri, o Luda yā ónne kũ n tɔ́o bi! O tānanɔ gòmma kũ n tɔ́o bi! O daboyānɔ kè dasi kũ n tɔ́o bi! ²³ Mani piínne súsú: Má á dɔ́ zikiro. À gomala yāvānikerinɔ!

Kpébori gbɛ́nɔn planɔ

(Luk 6:47-49)

²⁴ Abire yāi gbɛ́ kũ à ma yā dínɔ mà, akũ à zī kèa de lán gbɛ́ laakaride kũ à a kpé bò gbèèa bàme. ²⁵ Kũ legū mà, í dàgula, ĩa kàka à sù kpé pīia, akũ adi létero, kũ ò a ɛ́ pɛ̀te gbèèa yāi. ²⁶ Gbɛ́ kũ à ma yā dínɔ mà, akũ adi zī kearo de lán mīsaride kũ à a kpé bò būsú'atɛ̀a bàme. ²⁷ Kũ legū mà, í dàgula, ĩa kàka à sù kpé pīia, akũ à gbòro à lète gbìrim.

Yesu ikoo

²⁸ Kũ Yesu yā birenɔ ò à làka, a yādannɛnaa bò pari sarɛ, ²⁹ zaakũ adi yā dańne lán ludayādannerinɔ bàro, à dańne kũ ikooɛ.

8

Kusu werekɔanaa

(Maa 1:40-45, Luk 5:12-16)

¹ Kũ Yesu kipa s̩s̩iia, pari téi. ² Akũ kusu ke sù à kùte a are à pì: Dikiri, tó ní yei, ĩni fɔ́ ò ma werekɔa swáswa. ³ Yesu ɔ̀ bò à nàa à pì: Má yei. Ñ gɔ́ swáswa. Zaa gwe gònɔ a kusu làka. ⁴ Akũ Yesu pìne: Ñsun o gbèke maro. Ñ gé ò n zīda mɔ sa'oriine, ò sa'opɔ kũ Musa dite kpá n werekɔana sèeda ũ gbɛ́nɔne.

Sozanɔ gbɛ́ zɔ́kɔ zīkeri werekɔanaa

(Luk 7:1-10)

⁵ Kũ Yesu ten gɛ́ Kapɛnamu, akũ Romu sozanɔ gbɛ́ zɔ́kɔ sù a kīnaa, a wé kèa ⁶ à pì: Dikiri, ma zīkeri wútɛna be, à k̩nɔ kũ, mè ten ũa manamana. ⁷ Akũ Yesu pìne: Mani gé mà a werekɔa. ⁸ Akũ gbɛ́ zɔ́kɔ pì pìne: Dikiri, mádi ká ò gé ma bearo. Ñ yā o dé, ma zīkeri ni werekɔa. ⁹ Zaakũ makũ se, ò iko vī ma musume, akũ má iko vī sozanɔa. Madì o ní gbɛ́ done à gé, àdi

gé. Madì o a pāndenε à mós, àdi su. Madì o ma zīkeriine à adikū ke, akū àdi ke.

¹⁰ Kū Yesu yā pii mà, à bò a sare, akū à pì gbē kù ò ténɔnε: Yāpuran maten oáre, mádi le gbēke ma náani kè ɛ Isarailanɔ téro. ¹¹ Maten oáre, gbēnɔ ni bo ifāboki kpa kù ifālete kpao dasidasi oni su pó ble kù Ibrahimō kù Isaakuo kù Yakubuo kpata kù à bò Luda kīnaa gūn. ¹² Gbē kù ò de yā ògō kù kpataa pìi gūnnɔ sō, oni n̄ zu bàai gusira gūmmε. Gwen oni sɔ dɔn ò ɔ di n̄ mīia. ¹³ Akū Yesu pì sozanɔ gbē zōkɔ pìine: N̄ tá be. À kenne lākū n̄ ma náani kè nà. Akū a zīkerii pì gbāna kù gɔɔ kùà gònnɔ.

Yesu gyārenɔ werekɔana dasidasi

(Maa 1:29-34, Luk 4:38-41)

¹⁴ Yesu gèe Pita bea, akū à è a nanɔ da wútena, àten mēwāna ke. ¹⁵ Kū à ɔ nà a ɔa, akū a mē yīda kù, akū à fùte à póble kène.

¹⁶ Kū okosi kè, akū ò sùnε kù tānadenɔ dasidasi, akū à tāna pìnɔ gòm̄ma kù yā'onaa, à gyārenɔ wèrekɔa n̄ pínki. ¹⁷ Len yā kù annabi Isaya òo kè le à pì:

À ó gbānasarike sè,

à ó gyānɔ kēwá.

Gbē kù ò ye ò té Yesuinnɔ

(Luk 9:57-62)

¹⁸ Kū Yesu è pari kākaraai, akū à pì a ibanɔnε: Ò bikū sèbeε bara. ¹⁹ Akū ludayādanneri ke sù à pì Yesunε: Danneri, gu kù nten gén sīnda pínki manigō tén̄yī. ²⁰ Yesu pìne: Gbēgbonnɔ n̄ tò vī, bānɔn n̄ sà vī, Bisāsiri Né sō à ãmpaki vīro.

²¹ Akū iba pānde pìne: Dikiri, n̄ tó ari ma de kpágui gā. ²² Akū Yesu pìne: N̄ témai. N̄ tó gènnɔ n̄ gènnɔ vī.

Yesu zàgā'ia zēnaa

(Maa 4:35-41, Luk 8:22-25)

²³ Yesu gè gó'ite gūn, akū a ibanɔ tēi ò dà zén. ²⁴ Kānto zàgā'ia gbāna kàka sèbela, í ten vīvī àten káka n̄ gón. Yesu ten i o, ²⁵ akū a ibanɔ nài, ò a vù ò pì: Dikiri, n̄ ó sura ba, óten kakateme. ²⁶ Akū à pìnnε: Ludanaanikīanadenɔ! À kè dera á vīna vī ɛε? Akū à fùte à gī ãne kù ío, akū gu kè kítikiti. ²⁷ Yā pii bò gbē pìnɔ sare ò pì: Gbē kpate taka burin dí? Bee ãa kù ío di a yā mame.

Tānanɔ gbarεna alēdenɔa

(Maa 5:1-20, Luk 8:26-39)

²⁸ Kū Yesu bikū bara dire Gadara būsun, tānade gbēnɔn pla kenɔ bò miranɔ té, ò sù ò dàale. Ò pāsī manamana, gbēke di fō à bote gwero. ²⁹ Ò wiki lè ò pì: Bón ó vī kō ɔi, Luda Né? N su wé tawá la ari a gɔɔ gō kán yá? ³⁰ Alēde kpàsa zōkō kù kúnwo zà dire, òten pó ble. ³¹ Akū tāna pìnɔ kúte kè Yesunε ò pì: Tó n pèwá, n̄ ó gbarε alēde kpàsa dire gūn. ³² Akū Yesu pìnnε: À gé. Akū ò gòm̄ma ò gè alēdenɔ gūn. Akū alēde kpàsaa pìi wì kù bàao pínki, ò sòro s̄is̄igororoa, ò s̄i s̄eben, akū ò gāga í gūn gwe. ³³ Akū alēdedārinɔ bàa lè ò gè wēte gūn, ò yā pìnɔ bàbañne kù yā kù à tānadenɔ lēeo pínki. ³⁴ Akū wētedenɔ bōte ò gèε da Yesule n̄ pínki. Kū ò a è, ò kúte kène kù à boñne n̄ būsun.

9

K̀nɔde werek̄anaa
(Maa 2:1-12, Luk 5:17-26)

¹ Yesu ḡɛ̀ gó gūn, à ɛ̀ra à sèbɛ bikù à kà a bɛ w̄ɛ̀tɛa. ² Akū gb̄ɛkenɔ̀ m̀nɛ kū k̀nɔde wútɛna gyāresɛbɔn. Kū Yesu è ò a náani vī, akū à pì k̀nɔde p̄ine: Ma gb̄ɛ, ñ laakari kp̄átɛ! N durunnanɔ̀ k̀ɛmma. ³ Ludayādanneri kenɔ̀ kú gwe, akū ò ò́ n̄ n̄sɛɛ gūn ò pì: Gb̄ɛ bire ten d̄ɔkɛ kū Ludaome. ⁴ Yesu ñ laasun d̄ɔ, akū à ñ lá à pì: B̄óyāi átɛn laasun vāni lé á n̄sɛɛ gūnn? ⁵ Tó ma pì, a durunnanɔ̀ k̀ɛa, ke tó ma pì à futɛ à t̄aa o, a kpate mé à aragaa? ⁶ Ma ò lɛ de aḡɔ d̄ɔ kū Bisāsiri Né durunnanɔ̀ k̀ɛmmana iko vī z̄itɛ lame. Akū à pì k̀nɔde p̄ine: Ñ futɛ ñ n wútɛbɔ̀ sé ñ tá bɛ. ⁷ Akū à futɛ à tà bɛ. ⁸ Kū pari è lɛ, vīna ñ kū, ò Luda kū à iko bire taka kp̄a bisāsirinɔ̀a t̄ɔ̀ b̀ò.

Matiu sisinaa
(Maa 2:13-17, Luk 5:27-32)

⁹ Yesu b̀ò gwe, àtɛn ḡɛ̀tɛ, akū à gb̄ɛ kū òdi pì Matiu è vutena a bɛ'oḡɔsikpɛn. À p̄ine: Ñ m̀ó ñ t̄ɛmai. Akū à f̄utɛ à t̄ɛi. ¹⁰ Kū Yesu ten p̀ó ble a b̄ɛa, bɛ'oḡɔsirinɔ̀ kū kifirinɔ̀n kú gwe dasi, òtɛn p̀ó ble k̄aa kū à ìbanɔ̀ lɛlɛ. ¹¹ Kū Farisinɔ̀ è lɛ, akū ò a ìbanɔ̀ là ò pì: B̄óyāi á dikiri ten p̀ó ble kū bɛ'oḡɔsirinɔ̀ kú kifirinɔ̀o? ¹² Kū Yesu yā p̄i mà à pì: Gb̄ɛ kū à aafia vī bàka kú kū likita yāoro, sé gyāre. ¹³ À ḡɛ̀ à laasun lé yā kū à k̄ɛna Luda yān bire m̄ia ò pì: K̄ɔ w̄ɛ̀ndagwanaan má yei, adi ke sa'onaaanlo. Mádi su gb̄ɛ mananɔ̀ s̄isiro, sé kifirinɔ̀.

Léyīnaa
(Maa 2:18-22, Luk 5:33-39)

¹⁴ Akū Yahaya Da'itɛkɛri ìbanɔ̀ sù ò Yesu là ò pì: À k̄ɛ dera ók̄ɔnɔ̀ kū Farisinɔ̀ òdi lé yī, akū n ìbanɔ̀ dì yī s̄s̄roo? ¹⁵ Akū Yesu yā l̄ɛ̀k̄āɛn̄ɛ à pì: N̄sɛri gb̄ɛnɔ̀ ni p̄ɔsira ke ḡɔrɔ̀ kū à kú k̄ūn̄wo n̄sɛ gūn yá? Oi, ama a ḡɔrɔ̀ ni su kū oni n̄sɛrii p̄i bo ñ t̄ɛ, gbasa ò lé yī s̄a. ¹⁶ Gb̄ɛke dì uta z̄i nambata na kū p̀óle dufuoro, zaakū à dufu ni s̄k̄ūn à k̄ɛk̄ɔrɛ, uta z̄i f̄ɔna ni kara. ¹⁷ Òdi s̄ɛ̀w̄ɛ dufu ká t̄uru z̄i gūnlo. Tó ò k̄ɛ lɛ, t̄uru ni p̄ūt̄amɛ, w̄ɛ̀ p̄i ni k̄ɔtɛ, t̄uru ni w̄iwi. Oi, òdi s̄ɛ̀w̄ɛ dufu ká t̄uru dufu ḡūmmɛ, oniḡɔ̀ mana ñ p̄inki.

N̄nɔ̀kp̄are vuna kū n̄gb̄ɛ kū à ɔ̀ n̄a Yesu utaa
(Maa 5:21-43, Luk 8:40-56)

¹⁸ Ḡɔrɔ̀ kū Yesu ten yā birenɔ̀ oñɛ, gb̄anade ke sù à k̄utɛ a arɛ à pì: Ma n̄nɔ̀gb̄ɛ ḡa tera dí. Ñ m̀ó ñ ɔ̀ naa, aniḡɔ̀ kú w̄ɛ̀ndiio. ¹⁹ Akū Yesu f̄utɛ à t̄ɛi kū a ìbanɔ̀.

²⁰ N̄nɔ̀gb̄ɛ ke kú gwe, aru dì b̄ɔtɛa à kà w̄ɛ̀ kuri aw̄ɛɛpla. À sù à ɔ̀ n̄a Yesu uta léa a kpɛ kpa. ²¹ Zaakū à pì: Bee tó ma ɔ̀ n̄a a utaa dé, mani werek̄ɔa. ²² Yesu litɛ à a è, akū à pì: Ñ n laakari kp̄átɛ, n̄nɔ̀gb̄ɛ! Ma náani kū n k̄ɛ mé à n werek̄ɔa. Gwe ḡɔ̀nɔ̀ n̄nɔ̀gb̄ɛ p̄i w̄ɛ̀k̄ɔa.

²³ Kū Yesu kà gb̄anade p̄i b̄ɛa, à è òtɛn kute pé, pari k̄ini d̄ɔ. ²⁴ Akū Yesu p̄i: Á á z̄ida gá. Né p̄i dí garo, àtɛn i omɛ. Akū òtɛn a lalandi ke. ²⁵ Kū ò p̄ɛ gb̄ɛnɔ̀a ò b̄ɔtɛ bàai, akū Yesu ḡɛ̀ kp̄én, à né p̄i k̄ú a ɔ̀a, akū à f̄utɛ. ²⁶ Akū yā p̄i baaruu dà b̄usuu p̄ila p̄inki.

V̄ñanɔ̀ werek̄anaa

²⁷ Kū Yesu b̀ò gwe, v̄ñna gb̄ɛnɔ̀n planɔ̀n t̄ɛi kū wikio òtɛn p̄i: Ñ ó w̄ɛ̀nda gwa, Dauda buri! ²⁸ Kū Yesu kà bɛ, v̄ñna p̄inɔ̀ n̄ai, akū à ñ lá à pì: Á ma náani

vĩ kũ mani f5 mà yã pi keáre yá? Ò wèa ò pi: Leme, Dikiri. ²⁹ Akũ à ɔ nà ñ wéa à pi: Àgõ deáre lákũ a ma náani kè nà. ³⁰ Akũ ñ wé gu è. Yesu kpàkènyĩ à pi: Àsun o gbèke maro. ³¹ Bee kũ abireo ò gèe ò a baaruu dàgula bùsunu pìn pínki.

Nénenatenade werekšanaa

³² Gɔɔ kũ v̄nanaɔ ten bote, ò sù Yesune kũ tãnade kũ a néne natenaao. ³³ Kũ Yesu tãna pii gò, akũ à yã ò. Yã pii bò pari sare ò pi: Òdi yã bire taka e Isarailanaɔ bùsun yãro. ³⁴ Akũ Farisinaɔ pi: Àdi tãna gońma kũ tãnana kína gbãnaome.

Yesu wëndadãna gbēnɔne

³⁵ Yesu gèe wētenɔa kũ lakutunaɔ pínki, à yã dàinne ñ aduakεkpeno gũn, à kpata kũ à bò Luda kĩnaa baaru nna kpáinne, à gyãrenɔ wèrekša ñ pínki kũ gbãnasaridenɔ ñ pínki. ³⁶ Kũ à pari è, akũ ò kènè wēnda, zaakũ ò kũ bídin, ò likara lán sã kũ ò dàri v̄ironɔ bà. ³⁷ Akũ Yesu pi à ibanɔne: Pókēna zókō, ama zikerinɔn dasiro. ³⁸ À wé ke Buradea de à zikerinɔ gbarε ò a póno kē.

10

Yesu z̄iri gbēnɔn kuri awεεplanɔ ditenaa

(Maa 3:13-19, Luk 6:12-16)

¹ Yesu a iba gbēnɔn kuri awεεplanɔ s̄isi, akũ à ñ gba iko ò tãnanaɔ gońma, ò gyãrenɔ werekša kũ gbãnasaridenɔ ñ pínki. ² Z̄iri gbēnɔn kuri awεεpla p̄inaɔ t̄onɔn dí: Gbē káaku Simɔ kũ òdi p̄ine Pita kũ a dakũna Anduruo, Zebedi né Yamisi kũ a dakũna Yuhanao, ³ Filipi, Batɔɔmiu, Tomasi, be'oḡsiri Matiu, Alafeu né Yamisi, Tadeu, ⁴ Simɔ Kokaride kũ Yudasi Isikariɔti kũ à bò a kpeo.

Yesu z̄irinɔ z̄inaa

(Maa 6:7-13, Luk 9:1-6)

⁵ Kũ Yesu ten gbēnɔn kuri awεεpla p̄inaɔ z̄i, à piinne: Àsun gé buri pãndeno kĩnaaro. Àsun gē Samaria wēteno gũnlo. ⁶ À gé Isaraila kũ ò sãte lán sã b̄anaɔ kĩnaa. ⁷ À gé àgõ waazi ke àgõ géo à pi: Kpata kũ à bò Luda kĩnaa kà kãni! ⁸ À gyãrenɔ werekša, à gènɔ vu bona gan, à kusunaɔ werekša swáswa, à tãnanaɔ gońma. Lákũ a lè pókεkpanaa sari nà, à keĩne pókēsinaa sari. ⁹ Àsun ɔḡ da á b̄ok̄nlo. ¹⁰ Àsun b̄ok̄lokona séro ke uta plade ke kyate ke gò, zaakũ z̄ikerii kà à a p̄ble le. ¹¹ Wēte kũ áni kán s̄inda pínki ke lakutu, à gbē mana wete à kipaa, àgõ kú gwe ari à gé gēo zéla. ¹² Tó a gē onn, à f̄o nna kpámma. ¹³ Tó ondeno kà, á f̄o nna ni ḡinne. Tó odi ká s̄ro, á f̄o nna ni era à sukpaáwa. ¹⁴ Gu kũ odi gbãnake kpáái ke odi sã kpá á yãiro, à bo on ke lakutu pii gũn à lukutē warawara á gbãna. ¹⁵ Yãpuran maten oáre, yãkpatekεḡɔ z̄i wētãmma kũ S̄oɔmu kũ Ḡom̄radeno ni le nigõ s̄ana de wēte pi deno p̄ola.

Yã kũ ani Yesu ibanɔ le onnena

(Maa 13:9-13, Luk 21:12-17)

¹⁶ Mateni á z̄i lán s̄anaɔ bà lewannanaɔ téme. Àgõ laakari vĩ lán ml̄eno bà, àgõ de yãkerisaridenɔ ũ lán potēnenɔ bà. ¹⁷ A laakari ke bisásirinɔi, zaakũ oni á kũkũ ò á na yãkpatekerinɔne ñ ɔi, oni á gbēgbē ñ aduakεkpeno gũn. ¹⁸ Oni gé kááo bùsu gbē z̄ok̄nɔ kũ k̄inana kĩnaa ma yãi. Ánigõ deĩne

ma sèedadenɔ ũ kũ buri pãndenɔ. ¹⁹ Tó ò á kpámma, àsun yã kũ áni o damu kero ke yã kũ áni lírma. Zĩ kũa Luda mé ani yã kũ áni o da á lén. ²⁰ Adi ke ákɔnɔ mé áni yã oro, á De Nini mé ani yã da á lén.

²¹ Vĩni kũ dakũnanɔ ni kɔ kpámma ò de. Denɔ ni bo n̄ n̄nɔ kpe. N̄nɔ ni bo n̄ denɔ kũ n̄ danɔ kpe ò n̄ de. ²² Gb̄e s̄inda p̄inki ni z̄áágu ma yã, ama gb̄e kũ à zena gb̄ana ari a gɔɔ léa ni surabana le. ²³ Tó òten wé t̄ááwa w̄ete ken, à bàa lé à tá a pãnden. Yãpuran maten oáre, áni gé Isarailanɔ b̄usu w̄etenɔ gũn à láka p̄inkiro, Bisāsiri Né ni ḡinake à su. ²⁴ Ibaa òḡɔ de a dannerilaro. Z̄irii òḡɔ de a dikirilaro. ²⁵ Tó iba a yãdanneri lenaa lè ke tó z̄iri a dikiri lenaa lè, abirekũ mò le. Tó ò tó kpà ɔn bedene Belezebubu, tó kũ a v̄ani de abirekũlan oni kpá a ɔndenɔne.

Zena kũ Yesuo gb̄enɔ are
(Luk 12:2-9)

²⁶ Àsun v̄ina keñnero. Póke kun utena kũ ani bo gupuraaro. Asiriyã ke kun kũ oni gí òsiro. ²⁷ À yã kũ maten oáre gusiran o gupuraa. À yã kũ áten ma á sã gũn kpàkpa ke ḡanulea. ²⁸ Gb̄e kũ òdi mè kakate, ama òdi f̄ɔ ò nini òronɔ, àsun v̄ina keñnero. À v̄ina ke Ludane, kũ ani f̄ɔ à nini kũ mèeo kakate té gũn p̄inki. ²⁹ Òdi b̄antoro m̄en pla yía kɔbɔ donloo? Ama n̄ ke di léte z̄ite á De yãd̄naa sariro. ³⁰ Bee á mik̄anɔ, à a lé ò. ³¹ Abire yã àsun v̄ina kero. Á b̄ere de b̄antoro dasinola.

³² Gb̄e kũ à zè kũmao gb̄enɔ are, mani ze k̄aao ma De kũ à kú musu are. ³³ Gb̄e kũ à ledi kp̄amai gb̄enɔ are s̄ɔ, mani ledi kp̄ái ma De kũ à kú musu are.

K̄ek̄k̄ana Yesu yã
(Luk 12:51-53, 14:26-27)

³⁴ Àsunḡɔ da ma su de gb̄enɔ ḡɔ nna kũ k̄ɔo andunia gũnnlo. Mádi su de gb̄enɔ ḡɔ nna kũ k̄ɔo yáinlo, sé futena kũ k̄ɔo. ³⁵ Ma sume, de ḡɔgb̄e bo a de kpe, n̄gb̄e bo a da kpe, n̄z̄are bo a z̄á da kpe. ³⁶ Gb̄e bedenɔ ni ḡɔ a ib̄erenɔ ũ. ³⁷ Gb̄e kũ à ye a de ke a dai demala dí ká àḡɔ de ma iba ũro. Gb̄e kũ à ye a n̄éḡgb̄e ke a n̄gb̄ei demala dí ká àḡɔ de ma iba ũro. ³⁸ Gb̄e kũ adi a lígb̄andurukpana sé àḡɔ téomairo, ade dí ká àḡɔ de ma iba ũro. ³⁹ Gb̄e kũ à a w̄endi kũna, ade ni kurai. Gb̄e kũ à ḡi a w̄endiii ma yã s̄ɔ, ade niḡɔ w̄endi v̄i.

Láada yã

⁴⁰ Gb̄e kũ à á sí ma sim̄e. Gb̄e kũ à ma si s̄ɔ, ade gb̄e kũ à ma z̄i sim̄e. ⁴¹ Gb̄e kũ à annabii s̄i a annabike yã ni annabi láada le. Gb̄e kũ à gb̄e mana s̄i a manake yã ni gb̄e mana láada le. ⁴² Bee í ȳidan, gb̄e kũ à né d̄inɔ doke gb̄a ma ìbake yã, yãpuran maten oáre, ade ni kura a láadairo.

11

Yahaya Da'itek̄eri z̄irinɔ
(Luk 7:18-35)

¹ Kũ Yesu yã bireno dà a iba gb̄enɔn kuri aw̄eɛplanɔne à láka, à bò gwe, à ḡe waazi ke n̄ w̄etenɔ gũn, áten yã òne.

² Zaa kp̄esiran Yahaya Kirisi yákenanɔ mà, akũ à a iba kenɔ z̄i ³ ò a la, àkũ mé à gb̄e kũ ani su ũ yá, ke òḡɔ wé ò gb̄e pãndeime? ⁴ Akũ Yesu w̄em̄ma à pi: Á gé yã kũ áten ma áten e gb̄a Yahayane à pi, ⁵ v̄inanɔ ten gu e, ɛrenɔ

ten táa o, kusunɔ ten werekɔa, sátonɔ ten yá ma, gènɔ ten vu, takasidenɔ ten baaru nna waazi ma. ⁶ Arubarikademe gbɛ kú àdi fu ma yáaro ũ.

⁷ Kú Yaaya zիրinɔ tà, Yesu Yahaya yá ò parine à pi: Bón a ge gwa gbáranan? Kápa kú ía ten yīgán yá? ⁸ Bón a ge gwa sàa? Gbɛ kú à pókasa zāne danan yá? Pókasamanadarinɔ digɔ kú kínabeame. ⁹ Bón a ge gwa sàa? Annabiin yá? Leme! Maten oáre, à de annabila se. ¹⁰ Zaakú Yahayan ò a yá kè Luda yān ò pi: Mani ma zիրi gbare n á de à zé kekenne.

¹¹ Yápuran maten oáre, nɔgbɛ né'inaa gūn gbɛke dí bo à kà Yahaya Da'itekəri ũro. Bee kú abireo gbɛ kú à de gbɛ kpade ũ kpata kú à bò Luda kīnaa gūn deala. ¹² Zaa gɔɔ kú Yahaya Da'itekərii nà waazikenaaa ari suna gbàa, òten kɔde ke ò gɛ kpataa pìn, akú kùgbānadeno ten gēn. ¹³ Musa kú annabinɔ pínki gīnake ò a yá ò ari à gèe pé Yahayaa. ¹⁴ Tó áni f5 à sí, Yahaya pì mé à Iliasu kú ò pì ani su ũ. ¹⁵ Gbɛ kú à sá vī à yá pì ma.

¹⁶ Bón mani gbāragbēnɔ lekɔaoo? Ò de lán né kú ò kú ete gūnnɔ bà òten lé zukɔi ¹⁷ òten pi:

O kutee pèáre, ádi ũ wāro,
o wēnda lēe siáre, ádi ɔɔ dɔro.

¹⁸ Zaakú Yahaya sù, adi burodi sóro, adi wɛ miro, akú ò pi tānademe. ¹⁹ Kú Bisásiri Né sù, ádi pó ble, ádi í mi, akú ò pi: Guturu wēmiriime, be'ogɔsirinɔ kú kifirinɔ gbēname! Ama òdi ɔndɔ d5 a yākenaaame.

Yesu zukakana wēte kenɔ denɔ
(Luk 10:13-15)

²⁰ Akú Yesu fūte à zuka kà wēte kú à a daboyā paride kēnnɔ gbēnɔ, kú odi n nēse litero yāi à pi: ²¹ Waiyoo Kɔrazidenɔ! Waiyoo Betesaidadenɔ! Tó ma daboyā kú ma kè á ténɔ kè Taya kú Sidɔo yā, de wētepideno pókasanɔ dàdañla, ò vūte tuburaa à gūi kè nēselitena sèeda ũ. ²² Maten oáre, yākpatekegɔɔ zī á wétāmmaa nigɔ de Tayadenɔ kú Sidɔdenɔ póla. ²³ Ákɔnɔ Kapenamudenɔ s5 áni gbā à z5 Ludaan yá? Oni ɔ z5ái ari gyāwānn. Zaakú tó ò daboyā kú ma kèárenɔ kè Sɔɔomu yā, de à kun ari kú a gbārao. ²⁴ Maten oáre, yākpatekegɔɔ zī á wétāmmaa nigɔ de Sɔɔomudenɔ póla.

Kámmabona Yesu kīnaa
(Luk 10:21-22)

²⁵ Zī kúa Yesu pi: Baa, musu kú zíteo Dikiri, ma n sáabu kè, kú n yā bireno ùte yād5rinɔne kú ɔnd5rinɔ, akú n boo kyód5risarinɔne. ²⁶ Leme, Baa, zaakú n pɔyenyīnaame. ²⁷ Ma De pó sīnda pínki nāmenɔ ma ɔī. Gbɛke Luda Né d5ro, tó adi ke De Luda baasiro. Gbɛke De Luda d5ro, tó adi ke a Né kú gbɛ kú Né pi ye à a mɔñnenɔ baasiro.

²⁸ À mós ma kīnaa ákɔnɔ kú á aso sena a kpasanɔ pínki, mani á gba zé à kámma bo. ²⁹ À ma gbāngo sé à yā dada ma kīnaa, á laakari ni kpáte, zaakú má buse akūs5 ma nēse yīda. ³⁰ Ma gbāngo sena zī ũro, ma aso tikisiro.

12

Kámmabogɔɔ yá
(Maa 2:23-3:6, Luk 6:1-11)

¹ Gɔɔ birea Yesu ten pá buranɔla kámmabogɔɔ zī. Nà teni a ìbanɔ de, akú ò póblewe wòro, òten só. ² Kú Farisinɔ è le, akú ò pìne: Ñ n ìbanɔ gwa, òten yá kú òdi ke kámmabogɔɔ zīro ke. ³ Akú Yesu pīñne: Adi kyó ke a è lákú

Dauda kè nà kù a gbě̀nɔ ɔ̄ɔ̄ kù nà teni n̄ deroo? ⁴ À gè̀ Luda ɔ̄n̄, àp̄ii kù a gbě̀nɔ burodi kù ò kàte Ludan̄e sò, burodi kù ò a sona zé v̄iro, sé sa'orin̄. ⁵ Kù sa'ori kù ò kù Luda ɔ̄n̄ kámmaboḡɔ̄ z̄in̄ d̄i ɔ̄ɔ̄ p̄i yá daro, akūs̄ adi keñ̄e taari ũro, ádi a kyó ke a è Luda yánloo? ⁶ Maten oáre: Pó kù à z̄k̄s̄ de Luda ɔ̄n̄la kù la. ⁷ Tó á yá dík̄ina m̄i d̄s̄, kù k̄ówēndagwanaan má yei, adi ke sa'onaanlo, de ádi taarisariden̄ taari lero. ⁸ Zaakū Bisāsiri Né mé à iko v̄i kámmaboḡɔ̄ɔ̄.

⁹ Kù Yesu bò gwe, akū à gè̀ n̄ aduakekp̄en. ¹⁰ Ḡs̄gb̄e ke kù gwe, a ɔ̄ do íbana. Gb̄eken̄ ten zé wete ò yá dí Yesua, akū ò a là ò p̄i: Gb̄e werek̄s̄ana kámmaboḡɔ̄ z̄i zé v̄i yá? ¹¹ Akū à wèr̄mma à p̄i: Tó á gb̄eke sá v̄i à zu wēen kámmaboḡɔ̄ z̄i, à ḡi ḡé à boii? ¹² Bisāsiri de sála zà. Abire yá i yámanak̄ena kámmaboḡɔ̄ z̄i zé v̄i. ¹³ Akū Yesu p̄i ḡs̄gb̄e p̄iine: N̄ n̄ ɔ̄ p̄i poro. Kù à p̄oro, akū à kè a gb̄en swáswa lán a do bà. ¹⁴ Akū Farisin̄ b̄òte ò ḡe ò yá ḡs̄ḡs̄ deran ò ke nà ò Yesu de.

Z̄ikeri kù Luda s̄e

¹⁵ Yesu d̄s̄, akū à gò gwe. Pari b̄ò ò t̄ei, akū à n̄ gyären̄ wèrek̄s̄a n̄ p̄inki, ¹⁶ à ḡin̄e ò ò gb̄e kù á de a ũ. ¹⁷ Len Luda yá kù annabi Isaya òò kè le, à p̄i:

¹⁸ Ma z̄ikeri kù ma s̄en dí,
ma yenȳide kù a yá d̄i kámagu.

Mani ma Nini di a musu,
ani yáze de da burin̄e.

¹⁹ Ani lékpak̄s̄a kero, ani patar̄mmo,
gb̄eke ni a zuka ma d̄o batunlo.

²⁰ Ani kàpa kù à kpana zén éro,
ani fitila wé'ipak̄ena dero,
ari à tó yáze de z̄i ble.

²¹ Buri s̄inda p̄inki t̄amaa niḡs̄ d̄o.

Tānagona gb̄ēn̄a

(Maa 3:20-30, Luk 11:14-23)

²² Akū ò sù Yesun̄e kù t̄anade v̄ina kù a néne natenaao. Yesu a wèrek̄s̄a, àten yá ò sà, àten gu e. ²³ Akū yá p̄i b̄ò gb̄ēn̄o sare n̄ p̄inki ò p̄i: Dauda buri p̄in̄ díroo? ²⁴ Kù Farisin̄ mà, akū ò p̄i: Gb̄e dík̄ina n̄i f̄s̄ à t̄ana goóm̄aro sé kù t̄anan̄o k̄ina Belezebubu gb̄ānao. ²⁵ Yesu n̄ laasun̄ d̄s̄, akū à p̄i: Kpata kù a gb̄ēn̄o iberēe s̄e kù k̄s̄o ni kakate. W̄ete ke ɔ̄n̄ kù a gb̄ēn̄o iberēe s̄e kù k̄s̄o ni ḡs̄ bezi ũme. ²⁶ Tó Setan̄ teni a z̄ida go gb̄ēn̄o, à iberēe s̄e kù a z̄idaon gwe. A kpata ni ḡi ke deramēe? ²⁷ Tó Belezebubu gb̄ānan̄o mad̄iḡs̄ t̄anan̄o goóm̄ma s̄s̄, á gb̄ēn̄o d̄i n̄ go kù dí gb̄ānaomēe? Len á z̄ida gb̄ēn̄o á éke b̄ò le. ²⁸ Tó Luda Nini gb̄ānan̄o maten t̄ana goóm̄ma, àḡs̄ d̄s̄ kù k̄ina kù Luda k̄a sù à á len gwe.

²⁹ Deran gb̄e ni ke nà à ḡe ḡs̄sa gb̄āna kp̄én à a p̄óno s̄étēe? Séto à a ȳi ḡia, gbasa à a kp̄é wara. ³⁰ Gb̄e kù à de ma gb̄e ũro bi ma iberēeme. Gb̄e kù àten p̄ó kakara kùmaoro ten f̄ák̄amē. ³¹ Abire yá maten oáre, Luda ni gb̄ēn̄o durunn̄an̄o k̄er̄mma kù a t̄ó v̄ani kù òdi sísin̄o p̄inki, ama ani gb̄e kù à a Nini t̄ó v̄ani si k̄ero. ³² Tó gb̄e Bisāsiri Né t̄ó v̄ani b̄ò, Luda ni k̄ea, ama tó gb̄e Luda Nini t̄ó v̄ani b̄ò, ani ade k̄e andunia tera dík̄ina ḡunlo ke a kù àten su.

Gb̄e d̄s̄na a yakenaaa
(Luk 6:43-45)

³³ Tó lí mana, a né nigõ maname. Tó lí vāni sõ, a né nigõ vānime. Zaakū línen òdi lí dõa. ³⁴ Bisāsiri pitikonõ! Kū á vāni, à kè dera áni fõ à yā mana oo? Zaakū yā kū à swèè pàn lé di o. ³⁵ Gbè mana di a mana bo a mana kū à katena a gūmmme. Gbè vāni sõ àdi a vāni bo a vāni kū à katena a gūmmme. ³⁶ Maten oáre, yākpatekegõrõ zĩ gbēnõ ni n fayasariyā kū ò ò baba Ludane pínki. ³⁷ Zaakū yā kū n ò mé ani yā nna kpámma kesõ à yā danla.

Sèedagbekana Yesua

(Maa 8:11-12, Luk 11:29-32)

³⁸ Akū ludayādannerinõ kū Farisi kenõ pì Yesune: Danneri, ó ye ò sèeda ke ke ò e. ³⁹ Akū Yesu wèrĩma à pì: Gbāragbè vāni ludanaanikerisarinõ mé òdi sèeda gbekama, ama mani sèeda ke keñnero, sé annabi Inusa pó. ⁴⁰ Lákū Inusa kè kpò gbèntè gberè gūn nà fānantè kū gwāanio ari gõrõ aakõ, len Bisāsiri Né ni ke le zĩten fānantè aakõ gwāani aakõ. ⁴¹ Yākpatekegõrõ zĩ Ninevadenõ ni fute ò yā da gbāragbēnõla, zaakū kū ò Inusa waazi mà, ò n nèsee lite, akū gbè kū à zõkõ de Inusala kú la. ⁴² Yākpatekegõrõ zĩ gènmidõki kpa saraunia ni fute à yā da gbāragbēnõla, zaakū à bõ zaa andunia léa à sù Sulemanu òndõyā ma, akū gbè kū à de Sulemanula kú la sà.

Tāna erana a be zĩa

(Luk 11:24-26)

⁴³ Tó ò tāna gò gbēa, àdigõ likara zõ gukorin àgõ vuteki wete. Tó adi lero, ⁴⁴ akū àdi pi: Mani era mà tá ma be zĩame. Tó à kà gwe, àdi le à da pā, à warana swáswa zéazea. ⁴⁵ Akū àdi gé à à tāna kú n pāsĩ dealanõ sète mèn suppla à su kúńwo òdi gè ò vuten. Leme ade gwena kpede vāni dīgõ de a káakupõla. Gó dokõnõ pì mé ani gbāragbè vāninõ bikū sõ.

Yesu danenõ

(Maa 3:31-35, Luk 8:19-21)

⁴⁶ Kū Yesu ten yā ò gbēnõne, akū a da kū a dakūnanõ kà, ò zè bàai, ò ye ò yā ò káao. ⁴⁷ Akū ò pine: N da kū n dakūnanõ zena bàai, ò ye ò yā ò kūnwo. ⁴⁸ Akū à wèa à pì: Dín ma da ũu? Dín ma dakūnanõ ũu? ⁴⁹ Akū à ò dõ à ibanõa à pì: Ma da kū ma dakūnanõn dí. ⁵⁰ Zaakū gbè kū àdi ma De kū à kú musu poyenyĩna ken ma dakūna kū ma dāreo kū ma dao ũ.

13

Yālekõana kú pówefariio

(Maa 4:1-20, Luk 8:4-15)

¹ Gõrõ dokõnõ pì zĩ Yesu bõ be à gèe à vùte sèbe léa. ² Ò kàkarai dasidasi, akū à gèe à vùte gó'iten, gbēnõ gò sīsĩa n pínki. ³ Akū à yā lèkõañne dasi à pì: Búbari ke mé à bõ à gèe pówè fā. ⁴ Lákū àten fā nà, akū a kenõ lète zé gūn, bānõ sù ò blè. ⁵ A kenõ lète gbè sàraa musu, gu kū à bũsu vĩ zõkõro, akū ò bõte gõnõ, kū bũsuu gègete gwero yāi. ⁶ Kū ifántè fùte, akū ò té kù ò gàga, kū ò zĩni vĩro yāi. ⁷ A kenõ lète lèe gūn, akū lèe fùte à nàkaramma. ⁸ A kenõ sõ ò lète zĩte mana gūn, ò fùte ò né ì, a kenõ wé basõõõro, a kenõ baaakõkõ, a kenõ baraakurikuri. ⁹ Gbè kū à sã vĩ, à yā pì ma.

¹⁰ Akū Yesu ibanõ nài, ò a là ò pì: Bóyāi nten yā oñne kū yālekõanaao? ¹¹ Akū à wèrĩma à pì: Luda á gbá zé à kpata kū à bõ a kĩnaa asirinõ dõ, ama adi n gba zéro. ¹² Zaakū gbè kū à pó vĩn Luda ni karane ari àgõ dasi. Gbè kū à pòke vĩro sõ, bee a fiti kū à vĩn Luda ni síame. ¹³ Abire yāin maten

yā oñne kũ yálekōanaao, de ò gu gwa pòke'ena sari, òdi sã kpá yãmana sari, a d̄r̄o d̄ōna sari.

¹⁴ Luda yā kũ annabi Isaya òo k̄r̄ma à pì:

oniḡō sã kpá yākemana sari,
oniḡō gu gwa pòke'ena sari.

¹⁵ Ò n̄eε v̄iro de òsun ònd̄ō k̄uro yāi,

ń sã gb̄ana de òsun yā maro yāi,

ń w̄é kukurena de òsun gu ero yāi,

zaakū ò ye ò are òma mà ń gba aafiaro.

¹⁶ Arubarikaden̄me á ũ kũ á w̄é ten gu e akūs̄ á sã ten yā ma. ¹⁷ Yāpuraan maten oáre, annabin̄o kũ gb̄e manan̄on kun yā dasi, ò ye ò pò kũ áten eno e, odi ero, ò ye ò yā kũ áten man̄o ma, odi maro.

¹⁸ À pów̄efari yā mì d̄ō sà. ¹⁹ Tó gb̄e kpata kũ à bò Luda k̄inaa yā mà akũ adi d̄oro, Setan dì su à pò kũ ò t̄ō a sw̄̄e ḡun pì síame. Pów̄e kũ à l̄ete zé ḡun miin gwe. ²⁰ Pów̄e kũ à l̄ete gb̄e sàraaa s̄ō, abirekūme gb̄e kũ à yā mà à s̄i ḡōn̄o kũ p̄on̄nao ũ. ²¹ Zaakū à z̄ini v̄iro, àdi ke ḡoro plaro. Tó yā'ummana a l̄e ke tó ò w̄é t̄aa yā pì yāi, àdi fume ḡōn̄o. ²² Pów̄e kũ à l̄ete l̄e ḡun de lán gb̄e kũ à yā mà à s̄i bà, ama andunia yā damuk̄ena kũ yena aruzek̄eiiio dì nakaraa, akũ àdi ḡō àree sari. ²³ Pów̄e kũ à l̄ete z̄ite mana ḡun de lán gb̄e kũ à yā p̄i mà à a d̄r̄o d̄ō bà. Àdi ke karana pò ũ, ń ken̄o bas̄ōōro, ken̄o baaak̄ō, ken̄o baraakurikuri.

Yalekōana kũ f̄n̄o

²⁴ Yesu yā p̄ande l̄ek̄ōañne à pì: Lákū kpata kũ à bò Luda k̄inaa de n̄an dí: Gb̄eke ése mana t̄ō a bura. ²⁵ Ḡoro kũ òten i o, akũ a ibereε s̄u à f̄n̄o w̄é f̄ā ése p̄in, akũ à ḡè z̄éla. ²⁶ Kũ ése n̄ō s̄i, áten pia, akũ f̄n̄o p̄i bò gupuraa. ²⁷ Akũ burade z̄ikerin̄o s̄u ò p̄ine: Dikiri, pów̄e manan n̄ t̄ō n buranloo? F̄n̄o ḡè à bò máa? ²⁸ Akũ à p̄inne: Iberε mé à abirekū k̄e. Akũ z̄ikerin̄o p̄ine: N̄ ye ò gé wotowoton yá? ²⁹ Akũ à pì: Oi! Tó áten wotowoto, áni woto kũ éseome. ³⁰ À tó ò fute lele ari pòk̄eḡoro. Mani o pòk̄er̄in̄one ò f̄n̄o p̄i k̄e ḡia, ò a bàka ȳi té pò ũ, gbas̄a ò ése k̄e ò ká ma d̄ōn.

Yalekōana kũ musadi w̄eo

(Maa 4:30-32, Luk 13:18-19)

³¹ Yesu yā p̄ande l̄ek̄ōañne à pì: Kpata kũ à bò Luda k̄inaa de lán musadi w̄é kũ gb̄e s̄e à t̄ō a buraa bàme. ³² A w̄é kete de pów̄enola p̄inki, ama tó à f̄ute, àdi ke z̄ōk̄ō de dò p̄on̄la p̄inki. Àdi lí ke ari b̄an̄o dì su ò didi a ḡan̄o.

Yalekōana kũ l̄uben̄eεo

(Luk 13:20-21)

³³ Yesu yā p̄ande l̄ek̄ōañne à pì: Kpata kũ à bò Luda k̄inaa de lán l̄ubene kũ n̄ogb̄e s̄e à kà flawa zaka lé aak̄ō ḡun à yàkate p̄inki bà.

Pò kũ à t̄ō Yesu yā l̄ek̄ōañne

(Maa 4:33-34)

³⁴ Yesu yā biren̄o ò gb̄en̄one kũ yálekōanaao. Adi yāke oñne yálekōanaa sariro, ³⁵ de yā kũ annabii ò ke yāi, zaakū à pì: Mani lé w̄e mà yálekōana oñne, mani yā kũ à utena zaa anduniakatena ḡoro oñne.

F̄n̄o yā b̄ok̄tenaa

³⁶ Akū Yesu gbēno tò gwe à tà be. A ibanò nài ò pì: Ì bura fñno yā bokote kewere. ³⁷ Akū à piñne: Pówemanatōri bi Bisāsiri Némē. ³⁸ Bura bi anduniamē. Pówe mana bi kpata kù à bò Luda kīnaa gbēno. Fñno bi Setan gbēno. ³⁹ Iberē kù à ñ tō bi Ibilisimē. Pókēna bi andunialakagoro. Pókērino bi malaikanome. ⁴⁰ Lákū òdi fñno kē ò ká tén nà, len ani ke le andunialakagoro. ⁴¹ Bisāsiri Né ni a malaikanò gbare ò gbēkerino kù yāvānikerino bote a kpata gbēno té ñ pínki, ⁴² ò ñ ká té pāsī gūn. Gwen oni ò ò ò di ñ mīa. ⁴³ Akū gbē manano nigō té ke lán ifāntē bà kpata kù à bò ñ De kīnaa gūn. Gbē kù à sã vī à yā pì ma.

Yalekōana kù aruzekēo

⁴⁴ Kpata kù à bò Luda kīnaa de lán aruzekē kù à utena zīte gūn bāmē. Kù gbēke bōa, à kēke à ùte, akū ponna gūnn à tà à pó kù à vīno yīa pínki, akū à zīte pīi lù.

Yalekōana kù gbē bèere deo

⁴⁵ Lákū kpata kù à bò Luda kīnaa de nàn dí do. Lagatari mé àten òso manano wete. ⁴⁶ Kù à òso ogode lè, akū à tà à pó kù à vīno yīa pínki, akū à òsoo pīi lùo.

Yalekōana kù táaru

⁴⁷ Lákū kpata kù à bò Luda kīnaa de nàn dí do. Ò táaru kpà sèben, à kpò buri sīnda pínki kù. ⁴⁸ Kù à pà, ò gāte ò bikùo bara, akū ò vùte ò a manano plèple ò ká tānkon, ò a vānino kòte. ⁴⁹ Len anigō de le andunialakagoro. Malaikanò ni su gbē vānino sète ò ñ bo gbē manano té, ⁵⁰ oni ñ ká té pāsī gūn. Gwen oni ò ò ò di ñ mīa. ⁵¹ Akū Yesu ñ lá à pì: A yā bireno mīi dō sà pínki yá? Ò wèa ò pì: Ee! ⁵² Akū à piñne: Tó yādanneri kpata kù à bò Luda kīnaa yā dàda, anigō de lán bede kù àdi pó dufu kù a zīo bo a laasii gūn bāmē.

Nazeradenò gina Yesui

(Maa 6:1-6, Luk 4:16-30)

⁵³ Kù Yesu yā bireno lèkōañne à làka, à bò gwe, ⁵⁴ à gèe a be wēten, akū èe yā daañne ñ aduakēkpen. A yā bò ñ sare ò pì: Mákpan gōgbē pì òndō kù daboyā bireno lènn? ⁵⁵ Lí'ari nén díroo? A da tón Mariamaroo? A dakūnanon Yamisi kù Yusufuo kù Simo kù Yudao ūroo? ⁵⁶ A dārenò kù kūoo laroo? A yā bireno lè māmē pínkii? ⁵⁷ Akū ò gīi. Yesu piñne: Annabii digō bèere sariro, sé a be wēten kù a onnwo. ⁵⁸ Adi daboyā ke gwe dasiro, kù òteni a náani kero yāi.

14

Yahaya Da'itekeri ganaa

(Maa 6:14-29, Luk 9:7-9)

¹ Goro kua būsuu pì kīna Herodu Yesu baaruu mà. ² Akū à pì a ibanone: Gbē pì bi Yahaya Da'itekeriime. À vù bona gan. Abire yāin à gbāna lè àten daboyāno ke. ³ Zaakū Herodu Yahaya kù yā, à mòò kàa, à a dà kpésiran a vīni Filipi nana Herodia yāi. ⁴ Zaakū Yahaya digō pine: N Herodia kūna no ū zé vīro. ⁵ Herodu ye à a de, ama àten vīna ke gbēno, zaakū ò a annabike sī.

⁶ Herodu igoro làa kōkō zī Herodia nēnokpare ū wà gbē kù ò sù gwenone, akū à kè Herodune nna manamana. ⁷ Akū à lé sè à pì: Ma la dà kù mani n gba pó kù n a wé kèma pínki. ⁸ Akū a da yā kàkanē à pì: Ì ma gba Yahaya

Da'itekerii mì dana tiree gūn la tera. ⁹ Akū kína pɔ yàka, ama kū à la dà nibɔnɔ wára yāin à pì ò kpáa. ¹⁰ Akū à gbē zì ò Yahaya mì z̄̀ kpésiran. ¹¹ Kū ò sù kū a miio dana tiree gūn, ò kpà né piia, akū à ḡ̀eɔ a danɛ. ¹² Akū Yahaya ibanɔ sù ò a ḡ̀e sè ò v̄̀, akū ò ḡ̀e ò ò Yesune.

Yesu pɔblekpana ḡ̀sgbē gbēnɔn dúbu sɔɔronɔa
(Maa 6:30-44, Luk 9:10-17, Yuh 6:1-15)

¹³ Kū Yesu yā pìi mà, akū a ḡ̀e gó'ite gūn, àten gé gusare de àḡ̀ kú ado. Kū gbēnɔ mà, ò bò w̄̀ete kū w̄̀eteo dasi ò p̄̀etei ḡ̀eɛ. ¹⁴ Kū Yesu bò gó gūn, à gbēnɔ è dasidasi, akū ò k̄̀ene w̄̀enda, akū à n̄ gyārenɔ gbà aafia. ¹⁵ Kū ɔkɔsi k̄̀e, a ibanɔ nài ò pì: Gu díkína bi s̄̀enteɔɔtumɛ, akūs̄̀ gu ten si. N̄ gbēnɔ gbare ò tá lakutunɔ gūn, ò pɔble wete ò lú. ¹⁶ Akū Yesu w̄̀m̄̀ma à pì: Adi ke tilasi ò táro. À pɔ kpám̄̀ma ò ble. ¹⁷ Akū ò p̄̀ine: Burodi m̄̀en sɔɔro kū kpò m̄̀en plaon ó v̄̀ la. ¹⁸ Yesu p̄̀inne: À m̄̀om̄̀ene la. ¹⁹ À ò gbē p̄̀inɔne ò vute s̄̀eɛa, akū à burodi m̄̀en sɔɔro kū kpò m̄̀en pla p̄̀io s̄̀e, à a w̄̀e s̄̀e musu, à arubarikaa dàn. Akū à burodii p̄̀i lilik̄̀re à kpà a ibanɔa, ò kpàatete gbēnɔne. ²⁰ Ò pɔ bl̄̀e ò k̄̀a n̄ p̄̀inki. Akū ò a kp̄̀ara kū ò ḡ̀nɔ s̄̀ete t̄̀anko m̄̀en kuri aw̄̀eɛpla p̄̀a. ²¹ Ḡ̀sgbē kū ò pɔ bl̄̀e k̄̀a gbēnɔn dúbu sɔɔro taka, nɔgbēnɔ kū n̄nɔ baasi.

Yesu táa'ona s̄̀eb̄̀ela
(Maa 6:45-56, Yuh 6:16-25)

²² Yesu ḡ̀a nà a ibanɔa ḡ̀nɔ ò ḡ̀e gó'iten, ò done are gena s̄̀ebeɛ bara dire ari àḡ̀ pari gbare. ²³ N̄ gbar̄̀ena gbera, à didi s̄̀is̄̀i musu à adua ke ado. Gu ten si, à kú gwe ado. ²⁴ Gó'ite p̄̀i k̄̀a z̄̀a kū í léao, akū í teni góro p̄̀i ȳ̀paȳ̀pa kū z̄̀aga'ia k̄̀aka'ȳ̀i ȳ̀i. ²⁵ Gud̄̀o Yesu ḡ̀e n̄ k̄̀inaa, àten táa o íla. ²⁶ Kū ò a è àten táa o íla, akū sw̄̀e k̄̀éngu ò pì: Gyāw̄̀andeme! Ò wiki l̄̀e kū v̄̀inao, ²⁷ akū Yesu p̄̀inne ḡ̀nɔ: À á laakari kp̄̀ate, makūme! Àsun tó v̄̀ina á k̄̀uro. ²⁸ Akū Pita p̄̀ine: Dikiri, tó m̄̀ok̄̀m̄̀me, n̄ tó mà táa o íla mà su n̄ k̄̀inaa. ²⁹ Akū Yesu p̄̀i: N̄ m̄̀ó! Akū Pita bò gó gūn, àten táa o íla, àten gé a k̄̀inaa. ³⁰ Kū à è ía ten k̄̀aka, akū v̄̀ina a k̄̀u. Àten vl̄̀e, akū à wiki l̄̀e à pì: Dikiri, n̄ ma sura ba. ³¹ Gwe ḡ̀nɔ Yesu ɔ bò à a k̄̀u, akū à p̄̀ine: Ludanaanik̄̀ianade! B̄̀ȳ̀ai n̄ sikaa k̄̀eɛ? ³² Kū ò ḡ̀e gó gūn, ía z̄̀e. ³³ Akū gbē kū ò kú gó gūnɔ donȳ̀i k̄̀ene ò pì: Luda Néme n̄ ũ ȳ̀apura.

Yesu gyārenɔ werek̄̀sana za Genesareti

³⁴ Kū ò bik̄̀u bara, ò k̄̀a Genesareti b̄̀usun. ³⁵ Gwedenɔ Yesu d̄̀s̄̀, akū ò a baaruu d̄̀agula b̄̀usu p̄̀in gu s̄̀inda p̄̀inki, akū ò m̄̀one kū gyārenɔ n̄ p̄̀inki. ³⁶ Ò w̄̀e k̄̀e de ò ɔ na bee a uta léa. Akū gbē kū ò ɔ n̄anɔ w̄̀erek̄̀s̄̀a n̄ p̄̀inki.

15

Futeokaraya
(Maa 7:1-13)

¹ Farisinɔ kū ludayādanneri kenɔ bò Yurusalemu ò sù Yesu k̄̀inaa, akū ò a là ò pì: ² B̄̀ȳ̀ai n̄ ibanɔ diḡ̀ ò dizinɔ futeokaraȳ̀a k̄̀unaroo? Òdi ɔ p̄̀ipi gbasa ò pɔ b̄̀lero. ³ Akū Yesu w̄̀m̄̀ma à pì: B̄̀ȳ̀ain adì p̄̀a kp̄̀a Luda ȳ̀aditenanɔa de àḡ̀ a futeokaraȳ̀a k̄̀inaa? ⁴ Zaakū Luda p̄̀i, à á de kū á dao b̄̀ere d̄̀s̄̀. À p̄̀i d̄̀s̄̀, gbē kū à a de ke a da kpe bò, ò ade de. ⁵ Ák̄̀nɔ s̄̀ adì pi, tó gbē p̄̀i a de ke a danɛ, pɔ kū á v̄̀ à n̄ kpe tao ḡ̀ Luda pɔ ũ, ⁶ àton a de kpe taoro. Lem̄̀e adì

Luda yā ke pā le, de àgõ á futeokarayā kūna yāi. ⁷ Á manafikidenõ! Isaya annabikeyā ò á yā musu swáswa à pì:

⁸ Buri bire dì bèere limene kū léome, ñ swè òmaro.

⁹ Òdigõ donyī kemene pāme, bisāsiri yāzekpaten òdi dañne.

*Yā kū àdi tó ò gõ gbasī
(Maa 7:14-23)*

¹⁰ Akū Yesu pari sisiai à pì: Á sã kpá à yā ma. ¹¹ Adi ke pò kù àdi gē lén mé àdi tó gbē gõ gbasīro. Yā kū àdi bo lén mé àdi tó gbē gõ gbasī. ¹² Akū a ìbanõ nài ò pì: Ñ dõ kù Farisino yā pìi mà à ñ zõ ñ swèearoo? ¹³ Yesu wèrúma à pì: Pó kù ma De kù à kú musu dí tōro oni wuteme. ¹⁴ Á ñ tó gwe. Vīna don'aredenome! Tó vīnaa gò kūna vīnaanē, ñ pla ñ pínki ni zu wèemme. ¹⁵ Pita pìne: Ñ yā pì bokotewere. ¹⁶ Akū Yesu pì: Á laasun kpé yīda se yá? ¹⁷ Á dõ kù pò kù à gē lén dì tá gberen gbasa a bo mē gūnloo? ¹⁸ Yā kū àdi bo lén sõ àdi bo swèe gūmme. Akū mé àdi tó gbē gõ gbasī. ¹⁹ Zaakū zaa swèe gūnn laasun vāni dì bon: Gbēdenaa, zinakenaa, pāpākenaa, kpāni'onaa, éketona kū gbēsōsōnaao. ²⁰ Yā birenõ mé àdi tó gbē gõ gbasī. Póblena òpipisari dì tó gbē gõ gbasīro.

*Nõgbē zītõ wékēnaa
(Maa 7:24-30)*

²¹ Akū Yesu bò gwe, à gèe Taya kū Sidõo bùsun. ²² Kanaa nõgbē ke kù bùsuu pìn, à sù à wiki lèa à pì: Dikiri, Dauda Buri, ñ ma wēnda gwa. Tāna ten wé tā ma nénokparea manamana. ²³ Akū Yesu dí wearo. A ìbanõ nài, ò wé kèa ò pì: Ñ pé nõgbē pīia, zaakū àdigõ téwái kù wikiome. ²⁴ Yesu wèrúma à pì: Isarailanõ sātēna lán sānõ bàme. Ñ kīnaan Luda ma zīn ado. ²⁵ Akū nõgbē pīi sù à donyī kènē à pì: Dikiri, ñ kpámai. ²⁶ Yesu pìne: Á mana ò néno pòble sé ò zu gbēdanõnero. ²⁷ Akū nõgbē pīi pì: Yāpuramē Dikiri! Ama bee gbēdanõ dì pòble bùru kù ò lète ñ dikiri teburuu zītenõ sése. ²⁸ Akū Yesu wèa à pì: Nõgbē, ñ ma náani vī zōkõ. Á kenne lākū ñ yei nà. Akū a nénokpare pīi aafiaa lè gōrõ birea gōnõ.

Yesu gyārenõ werekōanaa

²⁹ Yesu bò gwe à gèe àten do Galili sèbēei, akū à bikù à vùte sīsīia. ³⁰ Ò sùnē kù erenõ kù vīnanõ kù kōndenõ kù sātõ kpáturukunõ kù gyāre pāndenõ dasidasi. Ò ñ kátē a are, akū à ñ wérékōa. ³¹ Kù gbēnõ è sātõ kpáturukunõ ten yā o, kōndenõ ten gõ swáswa, erenõ ten taa o, vīnanõ ten gu e, yā pīi bò ñ sare, akū ò Isarailanõ Luda sáabu kpá.

*Yesu pòblekpana gbēnõn dúbu siikōna
(Maa 8:1-10)*

³² Yesu a ìbanõ sisiai à pīine: Gbē dínõ kèmenē wēnda, zaakū ò gīnake ò kù kūmao gōrõ aakõ, akū ò pòke vī ò blero. Má ye mà ñ gbarē kù nàaoro, de gu sún lírúma zénlo yāi. ³³ Akū a ìbanõ a là ò pì: Mákpan óni pòble len sèntepōrōtu la, à pari dí taka kāa? ³⁴ Akū Yesu ñ lá à pì: Burodi mèn ūgban á vīi? Ò pì: Mèn supplamē kù kpò kete kenõ. ³⁵ Akū à pì pari vute zīte. ³⁶ Akū à burodi mèn suppla pìnõ sè kù kpōnõ, à sáabu kè, akū à lìlikōre à kpà a ìbanõ, ò kpà gbēnõa. ³⁷ Gbē sīnda pínki pò blè ò kà. Ò a kpara kù à

g̃n̄o s̄ete ari t̄anko m̄en suppla p̄a. ³⁸ G̃gb̄ē k̄ū ò p̄ó bl̄en̄o k̄à gb̄ēn̄on d̄úbu siik̄ō, n̄gb̄ēn̄o k̄ū n̄én̄o baasi. ³⁹ K̄ū Yesu gb̄ēn̄o gb̄àre, ak̄ū à ḡè ḡó'ite ḡūn, à ḡè Magad̄a b̄usun.

16

Farisin̄o manafiki

(*Maa 8:11-21, Luk 12:54-56*)

¹ Farisin̄o k̄ū Sadusin̄o s̄ù Yesu k̄īnaa de ò a ȳō ò gwa, ak̄ū ò a gb̄eka à s̄èda ke k̄éine k̄ū Luda gb̄ānao ò e. ² Ak̄ū Yesu w̄èr̄ma à p̄i: Tó íf̄ant̄ē ḡè kp̄én̄ adì p̄i, ludambe ni k̄ēk̄ōa, zaak̄ū à t̄era k̄ū. ³ Tó k̄onk̄ome adì p̄i, leḡū ni ma gb̄ara, zaak̄ū ludambe de t̄ēē ḡēn̄eḡēn̄e. Á ludambe w̄é d̄ōk̄ōn̄e, ama ádì f̄ō à ḡōr̄o d̄ik̄ina s̄èda d̄ōro. ⁴ Gb̄aragb̄ē v̄ani ludanaanik̄erisar̄in̄o mé òdì s̄èdaa gb̄ekama, ama mani s̄èda ke k̄éin̄ero, sé Inusa p̄ó. Ak̄ū à n̄ tó gwe à tà.

⁵ K̄ū a ìban̄o bik̄ū bara gwe, burodi z̄ana ȳā s̄āngu. ⁶ Ak̄ū Yesu p̄in̄e: Àḡō á z̄ida k̄ūna d̄ō! À laakari ke Farisin̄o k̄ū Sadusin̄o l̄uben̄ei. ⁷ Ak̄ū òten pik̄ōn̄e: K̄ū òdì burodi séro ȳāin à ò le. ⁸ Yesu d̄ōr̄ma, ak̄ū à n̄ lá à p̄i: Ludanaanik̄ānad̄en̄o, b̄óȳāin àten pik̄ōn̄e k̄ū á burodi v̄īro ȳāimeē? ⁹ Ari tera adì d̄ōro? Burodi m̄en s̄ōro k̄ū ma kp̄à gb̄ēn̄on d̄úbu s̄ōron̄o ȳā dí d̄ōguroo? Á s̄ete t̄anko m̄en ūgbameē? ¹⁰ Burodi m̄en suppla k̄ū ma kp̄à gb̄ēn̄on d̄úbu siik̄ōn̄o s̄ō, a s̄ete t̄anko m̄en ūgbameē? ¹¹ B̄óȳāin adì d̄ō k̄ū burodi ȳān m̄adi oár̄eroro? À laakari ke Farisin̄o k̄ū Sadusin̄o l̄uben̄ei! ¹² Ak̄ū ò d̄ō s̄à adì ke l̄uben̄ēn̄ àten ōn̄e ò laakari keiro, Farisin̄o k̄ū Sadusin̄o ȳadann̄enaame.

Pita Yesu Arumasihuk̄ena onaa

(*Maa 8:27-33, Luk 9:18-22*)

¹³ K̄ū Yesu k̄à Sizaria Filipi b̄usun, ak̄ū à a ìban̄o là à p̄i: Dín gb̄ēn̄o ten pi Bis̄āsiri Né de a ūu? ¹⁴ Ò w̄èa ò p̄i: Gb̄ēken̄o òdì pi Yahaya Da'it̄ek̄er̄ime, gb̄ēken̄o òdì pi Iliasu, gb̄ēken̄o òdì pi d̄o Ilimia ke annabi ȳān̄o dokeme n̄ ū. ¹⁵ Yesu p̄i: Ák̄ōn̄o s̄ō, dín adì pi má de a ūu? ¹⁶ Sim̄o Pita w̄èa à p̄i: Arumasihume n̄ ū, Luda W̄èndide Né. ¹⁷ Ak̄ū Yesu p̄in̄e: Arubarikademe n̄ ū, Inusa né Sim̄o! Zaak̄ū adì ke bis̄āsiri mé à ȳā bire d̄ān̄ero, ma De k̄ū à kú musume. ¹⁸ Mat̄en on̄ne: Pitame n̄ ū, gb̄ēsi p̄in̄ mani ma s̄osi k̄átea, gȳāw̄ān gb̄āna ni z̄ì blearo. ¹⁹ Mani kpata k̄ū à b̄ò Luda k̄īnaa m̄n̄en̄o kp̄amma. P̄ó k̄ū n̄ ȳì z̄ite ȳīna musu. P̄ó k̄ū n̄ p̄òro z̄ite porona musu. ²⁰ Ak̄ū Yesu a ìban̄o s̄ā f̄īn̄e de òsun o gb̄ēkene k̄ū Arumasihun a ūro.

Yesu a ga k̄ū a vunaao ȳā'onaa

(*Maa 8:31-38, Luk 9:22-26*)

²¹ Zaa ḡōr̄o k̄ūa Yesu teni a Yurusalemu gena b̄ok̄ote a ìban̄one à p̄i, séde à w̄ét̄amma le manamana gb̄ē z̄ōk̄ōn̄o k̄ū sa'orik̄in̄o k̄ū ludaȳadann̄er̄in̄o oī, oni a de, a ḡōr̄o aak̄ōde z̄ī áni vu. ²² Ak̄ū Pita ḡèe k̄āao kpado, àten ḡine à p̄i: Kai Dikiri! Abirek̄ū ni n̄ lero! ²³ Ak̄ū Yesu lit̄e à p̄i Pitane: N̄ gomene gwe Setan! N̄ ye ò z̄é z̄ōmeneme. N̄ laasun bi Luda p̄ón̄lo, bis̄āsiri p̄óme.

²⁴ Ak̄ū Yesu p̄i a ìban̄one: Tó gb̄ē ye à ke ma ìba ū, séde à ḡí a z̄ida w̄èndiii, à a lígb̄āndurukpana sé à téomai. ²⁵ Gb̄ē k̄ū à ye àḡō a w̄èndi k̄ūna ni kurai. Gb̄ē k̄ū à ḡi a w̄èndiii ma ȳāi s̄ō, ade mé aniḡō w̄èndi v̄i. ²⁶ Tó gb̄ē ḡō à andunia v̄i p̄ínki, tó à k̄ūra a w̄èndiii, b̄ó àreen ani lee? B̄ón̄ gb̄ē ni le à a

wèndi lilin keoo? ²⁷ Zaakū Bisāsiri Né ni era à su a De gakuri gūn kū a malaikanɔ, ani fina bo baadini a yákenaaa.

²⁸ Yápuran maten oáre, gbēkenɔ kú gu dín oni garo ari ò Bisāsiri Né e, àten su kína ũ.

17

Yesu linaa

(Maa 8:34-9:13, Luk 9:23-36)

¹ Gɔɔɔ suddo gbera Yesu Pita kú Yamisio kú a dakūna Yuhanao sète à gèe kúñwo kpi leia ntēne. ² Akū à li n wára. A an ten té ke lán ifantē bà, a pɔkasanɔ gɔ pú táitai lán legūpinaa bà. ³ Akū Musa kú Iliasuo bò ò sùmma, òten yā o kú Yesuo. ⁴ Akū Pita pì Yesune: Dikiri, à mana kú ó kú la. Tó n yei, mani kuta dɔ mèn aakɔ, n pɔ mèn do, Musa pɔ mèn do, Iliasu pɔ mèn do. ⁵ Gɔɔɔ kú àten yā o, ludambe luku tékenaa dàñla, akū ò kòtoo mà a gūn à pì: Àkūme ma Né mèn do légelege yenyīde ũ, a yā dī kámagu. À a yā ma. ⁶ Kū a ibaa pìnɔ kòtoo pì mà, vīna n kú manamana, ò wùte n gbera. ⁷ Akū Yesu nànyī, à ɔ nàmma à pì: À fute, àsun vīna kero. ⁸ Kū ò wé sè musu, odi gbēke ero, sé Yesu ado.

⁹ Kū òten kipa kpi pìia, Yesu dīteine à pì: Àsun wégupu kú a è yā o gbēke maro ari Bisāsiri Né vu bona gan. ¹⁰ Akū a ibanɔ a là ò pì: Býyāin ludayádannerinɔ dī pi Iliasu mé ani su káakuu? ¹¹ Akū à wèmma à pì: Iliasu ni su yápurame, ani yā sīnda pínki keke a gbèn. ¹² Ama maten oáre, Iliasu sù kò, akū odi a dɔro, akū ò n pɔyeinaa kēne. Len ò wé tā Bisāsiri Néa le dɔ. ¹³ Akū a ibanɔ dɔ kú Yahaya Da'itekeri à téa.

Yesu négōgbē tanade werekšanaa

(Maa 9:14-29, Luk 9:37-42)

¹⁴ Kū ò kà pari gūn, gōgbē ke sù à kùte Yesune ¹⁵ à pì: Dikiri, n ma né wènda gwa, zaakū gasindademē. Àdi wari ke manamana, àdigō léte tén ke ín baala'i. ¹⁶ Ma su kāao n ibanɔne, odi fɔ ò a wèrekšaro. ¹⁷ Akū Yesu pì: Gbāragbē yakana ludanaanikerisarinɔ! Manigō kú kāáo ari bɔremēe? Manigō mena kāáo ari bɔremēe? À mɔmene kú né pìio la. ¹⁸ Yesu gī tñane, akū à gò né pìia, à wèrekša gwe gōnɔ.

¹⁹ Abire gbera Yesu ibanɔ nài ntēne, ò a là ò pì: À kè dera ódi fɔ o pé tñana pìia à bòroo? ²⁰ À wèmma à pì: Kū á Luda náani vī zškōro yāime. Yápuran maten oáre: Tó á Luda náani vī fiti lán efɔ wé bà, áni o kpi dīkīnane à go la à gé zāa, ani ke le. Yáke ni á furo. ²¹ Tāna dí taka dī sí boro, sé kú aduakēnaao kú léyīnaao.

Yesu era à a ga kú a vunaao yá'onaa

(Maa 9:30-32, Luk 9:43-45)

²² Gɔɔɔ kú à kú kú a ibanɔ lele Galili, à pírne: Oni Bisāsiri Né nañne ní ɔ, ²³ oni a de, a gɔɔɔ aakōde zī ani vu. Akū n pɔ yāka manamana.

Luda ɔn ɔgɔ fīnabonaa

²⁴ Kū ò kà Kapenamū, Luda ɔn ɔgɔsirinɔ sù ò Pita là ò pì: Á dannerii dī Luda ɔn ɔgɔ kpároo? ²⁵ Pita wèmma à pì: Àdi kpá. Kū Pita ten gē be, Yesu gīnake à pīne gōnɔ: Simɔ, dīnɔn andunia dí kīnanao dī be'ɔgɔ ke ete'ɔgɔ sīmmaa? N nēnɔn yá ke gbē pāndenɔmē? N yā pìi è deraa? ²⁶ Pita pì: Gbē pāndenɔmē. Yesu pīne: Tó lemē, ní nēnɔ bàka kunlo. ²⁷ Ama de ó yā sún

ũm̄maro yāi, ñ gé ñ daburu da sèbɛɛ gūn. Kpò kũ ñni kũ káaku, ñ a lé wɛ, ñni ɔɔ le a gūn. Ñ abirekũ sé ñ kpám̄ma, makũ kũ m̄ɔk̄ɔnwɔ p̄ ó.

18

Tena Yesu lán né bà

(Maa 9:33-48, Luk 9:46-48, 15:3-7)

¹ Zĩ kũa Yesu ìbanɔ sù ò a là ò pì: Dí mé à deñla kpata kũ à bò Luda kĩnaa gbɛ̄nɔ tɛɛ? ² Akũ Yesu né fiti ke sisi à a zè ñ arɛ ³ à pì: Yápuran maten oáre, tó ádi nɛsɛ litɛ a ḡɔ lán né fiti bàro, áni gɛ kpata kũ à bò Luda kĩnaa gūnlo. ⁴ Gbɛ̄ kũ à a zĩda b̄usa à ḡɔ lán né fiti dikĩna bà, ade mé à deñla kpata kũ à bò Luda kĩnaa gbɛ̄nɔ gūn. ⁵ Gbɛ̄ kũ à né bire taka s̄i ma ìbake yāi, makũm̄ɛ à ma si.

Ya kũ àdi tó ò sate

⁶ Tó gbɛ̄ tó né kũ à ma náani v̄i dikĩnanɔ do s̄ate, aniḡɔ s̄ana adene ò w̄isilɔgbɛ gbɛ̄ntɛ do a wakale ò a zu s̄ɛbɛ lòkoton. ⁷ Waiyoo andunia, kũ yā kũ àdi tó ò sate kú a gūn yāi. Séde yā kũ àdi tó ò sate ḡɔ kun, ama waiyoo gbɛ̄ kũ s̄atena yā p̄iì bò a kĩnaa. ⁸ Tó n ɔ ke n gbá mé àdi tó ñ sate, ñ z̄ɔ ñ zukũna. À s̄annɛ ñ gɛ w̄ɛndii gūn kũ ɔ kusuo ke erɛ ũ de n ḡɔ ɔ m̄ɛn pla ke gbá m̄ɛn pla v̄ila ò n zu tɛ kũ àdi garo gūn. ⁹ Tó n wé mé àdi tó ñ sate, ñ bo ñ zukũna. À s̄annɛ ñ gɛ w̄ɛndii gūn kũ wé doo de n ḡɔ wé m̄ɛn pla v̄ila ò n zu tɛ gūn gyāwānn.

Yalɛk̄ɔana kũ s̄a s̄atenaao

¹⁰⁻¹¹ À laakari ke d̄ɔkɛna kũ né dikĩnanɔ dooi, zaakũ maten oáre, ñ malaikan̄n kú musu, ò kú k̄ɔ wén kũ ma De kũ à kú gweo baala'i. ¹² Áten da deramɛɛ? Tó gbɛ̄ s̄a v̄i m̄ɛn bas̄ɔɔro, tó a do s̄ate, ani a m̄ɛn bas̄ɔɔro donsari tó s̄is̄igerɛɛi gwe, à gé à a s̄a kũ à s̄ate p̄i weteroo? ¹³ Yápuran maten oáre, tó à bòa, a p̄ɔ niḡɔ nnaa de a m̄ɛn bas̄ɔɔro donsari kũ odi s̄ateronɔla. ¹⁴ Len á De kũ à kú musu ye né d̄inɔ doke s̄ate s̄ɔro le.

S̄urukena kũ k̄ɔ

¹⁵ Tó n gbɛ̄dake taari kè, ñ gé ñ a le ndo, ñ yā p̄i bone gupuraa. Tó à n yā mà, n n gbɛ̄ p̄iì mile blè. ¹⁶ Tó adi n yā ma s̄ɔro, ñ gbɛ̄ m̄ɛn doke gbɛ̄nɔn pla sé ñ namma, de à yā p̄i sí s̄eedade gbɛ̄nɔn pla ke aak̄ɔ musu. ¹⁷ Tó à ḡi ñ yā mai, ñ yā p̄i ò s̄osi gbɛ̄nɔnɛ. Tó à ḡi à s̄osi gbɛ̄ p̄inɔ yā mai do, ñ a dite kifiri ke gbɛ̄ z̄it̄ɔ ũ.

¹⁸ Yápuran maten oáre, p̄ó kũ a ȳi z̄ite ȳina musu, p̄ó kũ a p̄òro z̄ite porona musu. ¹⁹ Maten oáre do, tó á gbɛ̄nɔn planɔ lé kè dok̄ɔnɔ z̄ite la, yā kũ a a wé kè ma De kũ à kú musua p̄ínki, ani keáre. ²⁰ Zaakũ gu kũ gbɛ̄nɔn pla ke gbɛ̄nɔn aak̄ɔnɔ k̄ɔ kàkaran kũ ma t̄ɔo, má kú ñ tɛ.

²¹ Abire gbera Pita sù à Yesu là à p̄i: Dikiri, ḡɛn ũgban mà s̄uru ke kũ ma gbɛ̄ kũ àdiḡɔ taari kemɛnɛoo? Ḡɛn supplan yá? ²² Yesu wèa à p̄i: Maten onne, adi ke ḡɛn supplanlo, ḡɛn suppla leu baaak̄ɔ akurimɛ.

²³ Abire yāi kpata kũ à bò Luda kĩnaa de lán dí bà. Kĩna ke mé à ye à a ɔɔɔ yā ḡɔḡɔ kũ à ìbanɔ. ²⁴ Kũ à nà ɔɔɔ p̄i yāa, akũ ò s̄unɛ kũ gbɛ̄ kũ à a fina s̄ena m̄il̄iɔ w̄aa kuriio. ²⁵ Kũ à ɔɔɔ v̄i à f̄inaa p̄i boro, akũ a dikiri p̄i ò a yia kũ a nanɔ kũ a n̄ɛnɔ kũ p̄ó kũ à v̄inɔ p̄ínki gbasa ò a k̄ɛ. ²⁶ Akũ ìbaa p̄i w̄ute a dikiri arɛ, à kúte k̄ɛnɛ à p̄i: Ñ mena ke kũmao, mani n f̄ina bonne p̄ínki. ²⁷ Akũ a dikiri a w̄ɛnda gwà a a gbàre, à f̄inaa p̄i t̄onɛ. ²⁸ Kũ ìbaa p̄i bò dé, à

dàkare kù a ìba dake kù a fīna d̄a andurufu ɔ̄ɔ mèn bas̄ɔroo. Akù à a kù, àtèn ɔ̄ t̄s̄ a kòtooa à pì: Ñ ma fīna bomene. ²⁹ A gb̄edake pìi wùte a are, à kùte kène à pì: Ñ menamene, mani n fīna bonne. ³⁰ Ama adi wero. À tò ò a dà kp̄ésiran ari à a fīna bone. ³¹ Kù a ìba kparan̄o è le, ñ p̄o yàka manamana, akù ò ḡe ò yā kù à k̄e pìi gb̄à ñ dikiriine p̄inki. ³² Akù dikiri pì a sisi à pì: Ìba p̄āsī! Ma n fīnaa t̄onne p̄inki, kù n kùte k̄emenē yāi. ³³ Lākù ma s̄uruu k̄e k̄unwo nà, de n s̄uru k̄e kù n gb̄edakeo le se. ³⁴ A dikiri pì p̄o f̄è, à tò ò a dà kp̄ésiran, òḡs̄ wé t̄aa ari à gé à fīnaa pì boo p̄inki. ³⁵ Akù Yesu èra à pì: Tó á baadi d̄i s̄uru ke kù a gb̄edakeo kù n̄es̄eero mèn doro, len ma De kù à kù musu ni keáre le se.

19

Yigidena yā

(Maa 10:1-12)

¹ Kù Yesu yā bireno ò à làka, à bò Galili, à ḡe Yudea bùsu kpado Yoda bara. ² Pari t̄ei, akù à ñ gyāno w̄erek̄s̄ar̄ma gwe. ³ Farisi ken̄o sù ò a ȳ ò gwa, akù ò a là ò pì: Ḡogb̄e z̄é v̄i à ȳigi de yā s̄inda p̄inki yāin yá? ⁴ À w̄er̄ma à pì: Kù Luda ñ ké ḡogb̄e kù n̄ogb̄eo ū zaa káaku, ádi a kyó ke a màroo? ⁵ Luda pì, abire yāin ḡogb̄e ni a de kù a dao tó, ò nak̄s̄a kù a nan̄o, ñ gb̄en̄on pla ni ḡs̄ mè do ū. ⁶ Ò kun pla doro, sé do. Abire yāi gb̄e kù Luda ñ n̄ák̄s̄ano, bis̄āsiri s̄un ñ k̄ek̄s̄aro. ⁷ Akù Farisino a là ò pì: B̄óyāi Musa d̄ite ḡogb̄e ȳigidetakada kp̄a a nan̄o à a gbar̄eoo? ⁸ Yesu w̄er̄ma à pì: Á s̄agb̄ana yāin Musa á gb̄a z̄é à á n̄ono gbar̄e, ama à de le zaa káakuro. ⁹ Maten oáre, gb̄e kù à ȳigii d̄e kù a nan̄o, tó adi ke à ḡs̄pose k̄enlo, tó à n̄o p̄ande s̄e, ade zina k̄en gwe.

¹⁰ Akù a ìban̄o p̄ine: Tó len ḡogb̄e yā de le kù a nan̄o, à mana ò n̄o séro. ¹¹ Akù Yesu p̄inne: Adi ke ḡogb̄e s̄inda p̄inki mé ani yā pì f̄s̄o, sé gb̄e kù Luda ñ gb̄a a z̄en̄o. ¹² Zaakù gb̄eken̄o d̄i n̄o séro, kù ò ñ í le yāi, gb̄eken̄o d̄iḡs̄ kun le kù ò ñ f̄ere k̄e yāi, gb̄eken̄o ñ z̄ida kù le kpata kù à bò Luda k̄inaa yāi. Gb̄e kù ani yā pì f̄s̄ à f̄s̄.

Arubarikadana n̄en̄gu

(Maa 10:13-16, Luk 18:15-17)

¹³ Òdi su Yesune kù n̄eno de à ɔ̄ nar̄ma à adua keíne, akù a ìban̄o ḡinne. ¹⁴ Akù Yesu pì: À tó n̄eno m̄o ma k̄inaa. Àsun ḡín̄ero, zaakù ñ takano p̄ome kpata kù à bò Luda k̄inaa ū. ¹⁵ Kù à ɔ̄ n̄anar̄ma, akù à bò gwe.

Aruzekede

(Maa 10:17-31, Luk 18:18-30)

¹⁶ Akù ḡogb̄e ke sù Yesu k̄inaa, à a là à pì: Danneri, b̄o manan mani ke mà w̄end̄i kù àdi lākaro lee? ¹⁷ À w̄eà à pì: À k̄e dera n̄teni ma la manak̄ena yāii? Luda ado mé à mana. Tó ñ ye ñ ḡe w̄end̄ii p̄i ḡun, ñḡs̄ a yāditenano k̄una. ¹⁸ Akù à a là à pì: A kpatem̄e? Akù Yesu pì: Ñsun gb̄e d̄ero, ñsun zina kero, ñsun kp̄ani oro, ñsun yā di n gb̄edakearo, ¹⁹ ñḡs̄ b̄eere lí n de kù n daoone, ñḡs̄ ye n gb̄edakei lán n z̄ida w̄end̄ii bà. ²⁰ Kefenna p̄i p̄ine: Má yā bireno k̄una p̄inki. A kpate mé à ḡs̄mene d̄oo? ²¹ Yesu p̄ine: Tó ñ ye ñḡs̄ papana, ñ gé ñ n p̄ono yia p̄inki, ñ a ɔ̄ɔ kp̄a takasiden̄o, ñ m̄o ñ t̄emai, ñiḡs̄ aruzek̄e v̄i ludambe. ²² Kù kefenna p̄i yā p̄i mà, à tà kù p̄osirao, kù à aruzeken̄o v̄i dasi yāi.

²³ Akū Yesu pì a ibanɔne: Yāpuran maten oáre, à zī'ū aruzekedene à gē kpata kū à bò Luda kīnaa gūn. ²⁴ Maten oáre dɔ, lakumi gēna pɔɔwεen araga de aruzekede gēna kpata kū à bò Luda kīnaa gūnla. ²⁵ Kū a ibanɔ yā pìi mà, akū à bò n sare manamana ò pì: Tó lemε, dí mé ani f̄ à surabana lee? ²⁶ Akū Yesu n gwá tíii, à piinne: Bisāsiri ni f̄ro. Luda kīnaa bee pò sīnda pínki dì sí ke.

²⁷ Akū Pita wèa à pì: O pò sīnda pínki tò o tenyī. Bó mé ani gōwεe sàa? ²⁸ Yesu piinne: Yāpuran maten oáre: Tó Bisāsiri Né vùte a kiblegba gakuridea andunia dufu gūn, ákɔnɔ kū á témainɔ áni vute kiblegba mèn kuri awεεplanɔa, àgō yā gōgō Isaraila buri mèn kuri awεεplanɔne. ²⁹ Gbē kū à a be ke a vīninɔ tò ke a dakūnanɔ ke a de ke a da ke a néno ke a buranɔ ma yāi, ade ni era à abire taka le leu basɔɔro, akūsō ani wēndi kū àdi lákaro le. ³⁰ Ama gbē káakunɔ nigō gbē kpedenɔ ū dasi, gbē kpedenɔ nigō gbē káakunɔ ū dasi.

20

Yalékšana kú zamalingakerinɔ

¹ Lákū kpata kū à bò Luda kīnaa de nàn dí: Ōmbede ke mé à bò kɔnkɔkɔnkɔ, à gēe zamalingakerinɔ wete ò zī keare a bura. ² N̄ yā kō sè à fīna boñne andurufu ɔgɔ mèn dodo. Akū à n gbāre a bura. ³ À bò dɔ m̀ kēndo, akū à gbē pāndenɔ lè ete gūn katena pā. ⁴ À piinne: Ákɔnɔ s̄, à gé à zī ke ma bura, mani fīna boáre a zéa. ⁵ Akū ò gēe. À era à bò dɔ ifāntē midangura, akū à era à bò ifāntē ura kipana, à ò gbē pāndenɔne le dɔ. ⁶ Kū à bò ɔkɔsi, à gbē pāndenɔ lè katena, akū à n lá à pì: Bóyāi á katena la pā zaa kɔnkɔ? ⁷ Ò wèa ò pì: Kū òdi zī dawerero yāime. À piinne: À gé à zī ke ma bura se. ⁸ Ifāntē gēna kpénn burade pìi pì a zamalingakerinɔ gbē zōkōɔne: N̄ zamalingakerinɔ s̄isi n̄ fīna boñne. N̄ naa gbē kpedenɔa ari à gé mì de gbē káakunɔa. ⁹ Akū ɔkɔsidenɔ sù, ò andurufu ɔgɔ lè mèn dodo. ¹⁰ Kū gbē káakunɔ sù, òten da n̄ ɔgɔ nigō de gbē kpedenɔ p̄lamε, akū andurufu ɔgɔ mèn don ò lè n̄ pínki. ¹¹ Kū ò n̄ ɔgɔ s̄i, akū ò léfɔtɔ kà bede p̄ii ¹² ò pì: Awa don gbē kpedenɔ zī kē, akū n̄ n̄ ké sára kū ókɔnɔ kū o zī zōkō kē ifāntē gbāna gūnwoo yá? ¹³ Akū à wè n̄ gbē do p̄ia à pì: Ma gbē, mádi n̄ blero. O kō yā mà andurufu ɔgɔ mèn do musunloo? ¹⁴ N̄ n̄ pò sí n̄ tá. Má ye mà kpá gbē kpede díkīnaa lán n̄ pò bàme. ¹⁵ Má zé vī mà ke kū ma ɔgɔ lákū má yei n̄aroo? Nten wé boboi kū má gbēke vī yāin yá? ¹⁶ Len gbē kpedenɔ nigō gbē káakunɔ ū le, gbē káakunɔ nigō gbē kpedenɔ ū.

Yesu era à a ga kú a vunaao yá'onaa

(Maa 10:32-34, Luk 18:31-34)

¹⁷ Gɔɔ kū Yesu ten gé Yurusalemu, à a iba gbēnon kuri awεεplanɔ sète ndona, à yā òñne zén à pì: ¹⁸ Òten gé Yurusalemume. Gwen oni Bisāsiri Né kpá sa'orikinɔa kū ludayādannerinɔ, oni yā daala à ga, ¹⁹ oni a kpá buri pānde gbēna. Oni a fobo, oni a gbē kū flāao, oni a pá lía ò a de, a gɔɔ aakōde zī ani vu.

Yamisi kú Yuhanao wékenaa

(Maa 10:35-45)

²⁰ Akū Zebedi néno da sù Yesu kīnaa kū a néno. À ye à wé kea, akū à kùtene. ²¹ Akū à a là à pì: Bón n̄ yeii? À wèa à pì: N̄ tó ma né gbēnon pla díno vute kūnwɔ n̄ kpatan, gbē do n̄ oplai, gbē do ɔzei. ²² Akū Yesu pì né

pìnɔnɛ: Á yā kū átɛni a wé kema d̄s̄ro. Toko'i kū mani mi, áni f̄s̄ à mi yá? Ò wèa ò pi: Óni f̄s̄. ²³ Yesu p̄ìnɛ: Toko'i kū mani mi, áni mi fá, ama vutena ma ɔplai ke ma ɔzei bi ma yānlo. Gbē kū ma De kèkèñnɛno p̄ómɛ. ²⁴ Kū a ìba gbēnɔn kuri kparanɔ yā p̄ii mà, ñ p̄o f̄è v̄ini kū dakūnao p̄iii. ²⁵ Akū Yesu ñ kákara à p̄ìnɛ: Á d̄s̄ kū buri pānde k̄inanɔ di gbāna ble ñ gbēnɔa, gbānadɛno s̄s̄ òdi iko m̄óñnɛ, ²⁶ ama à de le á k̄inaaro. Á té gbē kū à ye à ḡs̄ gbē z̄ōk̄s̄ ũ, sé ade ke á z̄iri ũ. ²⁷ Lɛmɛ d̄o gbē kū à ye à ḡs̄ gbē káaku ũ, sé ade ke á z̄ò ũ. ²⁸ Zaakū Bisāsiri Né dí su de ò z̄i k̄ɛnɛro, à s̄u de à z̄i k̄éñnɛmɛ, à a z̄ida wèndi kpá de à gbēnɔ bo dasi yāi.

V̄ina barakerinɔ werek̄s̄anaa
(*Maa 10:46-52, Luk 18:35-43*)

²⁹ Ḡo kū òten bo Yeriko, pari té Yesui. ³⁰ V̄ina gbēnɔn planɔ vutena zé léa, ò mà Yesu mé àten ḡète, akū òten lé gbāna zu ò pi: Dikiri, Dauda Buri, ñ ó wènda gwa! ³¹ Ó giñnɛ ò pi ò ȳite, akū ò lé gbāna zunaa kàra òten pi: Dikiri, Dauda Buri, ñ ó wènda gwa! ³² Akū Yesu zè à ñ sísi, à ñ lá à pi: Bón á ye mà k̄éáre? ³³ Ó wèa ò pi: Dikiri, ó ye ó wé gu emɛ. ³⁴ Yesu ñ wènda gwà, à ɔ nà ñ wéa. Gwe ḡonɔ ñ wé gu è, akū ò tèi.

21

Gbānakɛkpana Yesui Yurusalemu

(*Maa 11:1-26, Luk 19:28-48, Yuh 12:12-22*)

¹ Kū ò kà k̄ani kū Yurusalemuo, ò kà Betefage lakutu kū à kú Kùkpe s̄is̄igereei, akū Yesu a ìba z̄i gbēnɔn pla ² à p̄ìnɛ: Á gé lakutu kū à káte á are dire gūn. Tó a ḡè ḡonɔ, áni zaaki e kū a néo bàdɔna gwe. À poro à suomɛnɛ. ³ Tó ò á lá ò pi, à kè deraa, à pi Dikiri mé à yei, ani era à suo tera. ⁴ À kè le de yā kū annabii ò ke yāime à pi:

⁵ À o Zaiṣdenɔnɛ

ñ k̄ina mé àten su ñ k̄inaa.

À buse à di zaakine b̄o kpe.

⁶ Ìbaa p̄inɔ ḡè ò kè lán Yesu òñnɛ nà. ⁷ Ò s̄u kū zaaki p̄io kū a néo, ò ñ utanɔ kp̄atɛñma, akū Yesu dia. ⁸ Gbēnɔ teni ñ utanɔ kp̄atɛ zén dasidasi, gbēkenɔ ten lá z̄s̄, òten kp̄atɛ zén d̄o. ⁹ Gbē kū ò té arenɔ kū gbē kū ò té kp̄enɔ ten wiki lé òten pi:

Ñ gbāna ke, Dauda buri!

Arubarikaden gbē kū àten su kū Dikiri t̄o ũ!

Ò gbānake kpái ari ludambe.

¹⁰ Kū Yesu ḡè Yurusalemu, w̄ete lòko, gbē s̄inda p̄inki ten pi: Dín gbē bire ũu? ¹¹ Pari pi: Annabi Yesumɛ. À b̄o Nazera, Galili b̄usun.

Yesu kunna Luda ɔnn

(*Maa 11:15-19, Luk 19:45-48, Yuh 2:13-22*)

¹² Yesu ḡè Luda ɔnn, à pè lagayarinɔ kū lagalurinɔa à ñ bóte ñ p̄inki. A ɔḡolilinkerinɔ teburunɔ kū pot̄ɛnyarinɔ gbànɔ ȳipa à k̄ot̄éñnɛ. ¹³ À p̄ìnɛ: Ò kè Luda yān, ma kpé niḡs̄ de aduakɛkpe ũ, akū a kè gbēblerinɔ tò ũ.

¹⁴ V̄inanɔ kū ɛrɛnɔ s̄u a k̄inaa Luda ɔnn gwe, akū à ñ wérek̄s̄a. ¹⁵ Kū sa'orikinɔ kū ludayādannerinɔ yābonsare kū àten kenɔ è, akūs̄ ò mà néno ten wiki d̄a Luda ɔnn òten pi, ñ gbāna ke, Dauda Buri, akū ñ p̄o f̄è. ¹⁶ Ò

pìne: N mà lákū òten o nà yá? Yesu wèmma à pì: Leme! Kū Luda dà né fítinone kū nékpāntēno ò a sáabu kpá, ádi a kyó ke a màroo? ¹⁷ Akū à bò wēte pìn à n tón, à gèe à i Betani.

Yesu kaka lí kanaa
(Maa 11:12-14, 20-24)

¹⁸ Kū gu dō kōnkōkōnkō, à èra àten su wēten, akū nà teni a de. ¹⁹ À kaka lí è zé léa, akū à nài adi pòke learo, sé a lánō. Akū à pì lí pìine: Ìni né i ziki dorō. Gwe gōno lí pìi kori kè à gà. ²⁰ Kū a ìbanō è, akū à bò n sare ò pì: À kè dera kaka lí pìi kori kè le gōngōgōno? ²¹ Yesu wèmma à pì: Yāpuran maten oáre, tó á Luda náani vī sikaa sari, adi ke kaka lí pì yān áni ke adoro. Tó a ò kpi díne à fute à a zīda sé à zu sēben, ani ke le. ²² Tó á Luda náani vī, yā kū a a wé kèa aduakēnaa gūn pínki, áni le.

Yesu gbekana a ikooi
(Maa 11:27-33, Luk 20:1-8)

²³ Yesu gè Luda onn, àten yā dañne. Akū sa'orikino kū gbē zōkōno sù ò a là ò pì: Iko kpaten nten yā dínō keoo? Dí mé à n gba ikoo pì? ²⁴ Akū Yesu wèmma à pì: Makū sō, yā mèn don mani gbekaáwa. Tó a òmēne, mani iko kū maten yā dínō keo oáre. ²⁵ Dí ikoon Yahaya gbēno da'ite kèoo? À bò Luda kīnaa yāa, ke bisāsiri kīnaame? Akū ò yā gōgō ò pì: Tó o pì Luda kīnaame, ani ó la, bóyāin ódi Yahaya yā síroo. ²⁶ Tó o pì bisāsiri kīnaame sō, ó gbēno vīna vī, zaakū gbē sīnda pínki Yahaya annabike si. ²⁷ Akū ò wè Yesua ò pì: Ó dōro. Akū Yesu pìinne: Èhē makū se, mani iko kū maten yā dínō keo oáre.

Négōgbē gbēnon planō

²⁸ Akū Yesu pì: Gbēke négōgbēno vī gbēnon pla. Akū à pì Worunc: Ìn gè ò zī ke bura gbāra. ²⁹ Woru pì: Mani géro. Akū à a nèsee lite zā à gèe. ³⁰ Mare pii gèe à pì Sabine le dō. Sabi pì: Tō. Akū adi géro. ³¹ A è deraa? Gbēnon pla pino gūn, n dí mé à a de poyeinaa kèe? Ò pì: Worume. Akū Yesu pìinne: Yāpuran maten oáre, be'ogōsirino kū karuano ni gē kpata kū à bò Luda kīnaa gūn á ā. ³² Zaakū Yahaya sù, à zé sūsu mōáre, ádi a yā síro. Be'ogōsirino kū karuano mé ò a yā si. Bee kū abirekū enaao ádi á nèse lite zā a a yā síro.

Geepi líkpe arukerino
(Maa 12:1-12, Luk 20:9-18)

³³ À yā pānde ma dō. Burade ke mé à kun, à geepi líkpe bà à karaa likai, à wèe yō a gūn geepi'ifēki ū à búdákpāgbaa dō. Akū à bú pìi nà arukerino ò n ōi, akū à fūte kū táo. ³⁴ Kū geepizōgōno kà, akū à a zìrino zì arukerii pino, de ò a geepi né sí. ³⁵ Akū arukerii pino a zìrino kùkù, ò n gbē do gbē, ò n gbē do dè, ò n gbē do pāpa kū gbèe ò a dè. ³⁶ Akū à èra à zìri pāndeno zìrīma, n dasi de gbē káakunola, akū ò kèñne le dō. ³⁷ Kpekpe à a né zìrīma à pì: Oni ma né yā da. ³⁸ Kū arukerii pino né pìi è, ò pìkōne: Túbileriin dí. À tó ò a de, a túbi ni gō ó pō ū. ³⁹ Akū ò a kù ò bò káao bura gūn, ò a dè. ⁴⁰ Tò! Tó burade pìi sù, bōn ani ke arukerii pino òne? ⁴¹ Ò wèa ò pì: Ani gbē pāsī pino dede pāsīpāsī, ani bura pì na arukeri pānde kū oni a baka kpáa a gōwanone n ōi. ⁴² Akū Yesu pìinne: Ádi Luda yā dí kyó keoo? Gbè kū kpéborino pā kpài mé à gō kpé kusuru gbè mīde ū.

Dikiri mé à abirekū kè
akū à kèwèrè yābonsare ũ.

43-44 Abire yāi maten oáre: Luda ni á bo kpata kū à bò a kīnaa gūn, ani gbē kū oni a baka kpáano kán.

45 Kū sa'orikinɔ kū Farisinɔ Yesu yālekɔanaa pìnɔ mà, ò dɔ kū n̄ yān àten o. 46 Akū ò zé wète ò a kū, ama ò vīna kè parine, kū ò a dìte annabi ũ yāi.

22

Nɔse pɔnnakenaa

(Luk 14:15-24)

¹ Yesu èra à yā lèkɔañne à pi: ² Lákū kpata kū à bò Luda kīnaa de nàn dí dɔ. Kína ke mé àten nɔse pɔnna ke a néne, ³ akū à a zīrinɔ zī ò o gbē kū à n̄ sīsì ò mós pɔ blenɔne ò mós, ama ò ye ò suro. ⁴ Akū à èra à zīri pāndenɔ zī à pīnne: À gé à o gbē kū ma n̄ sīsìnɔne ma sorumii mà, ma zùsanɔ kū pókāde mēkpananɔ dè ma kèke kò. Ò mós nɔsepoblekia. ⁵ Akū odi laakari dɔ yā pīiaro, n̄ baadi gèe a bókote kè. Gbēkenɔ gèe n̄ bura, gbēkenɔ gèe laga tá. ⁶ Gbē kparanɔ zīrii pìnɔ kùkū, ò wé'i dàrma, ò n̄ dede. ⁷ Akū kína pì pò fè, à a sozanɔ gbàre, ò gèe ò gbēderii pìnɔ dède, akū ò té s̄s̄ n̄ wētea. ⁸ Akū kína pì pì a zīrinɔne: Nɔsepoble mà, ama gbē kū ma n̄ sīsìnɔ dí k̄s̄ síoro. ⁹ À gé zérankpakɔanɔ gūn, à gbē kū a lè sīnda pínki sīsì nɔsepoblea. ¹⁰ Akū zīrii pìnɔ fūte ò gèe zéno gūn, ò gbē kū ò n̄ léno kākara, gbē vāninɔ kū gbē mananɔ n̄ pínki. Len nɔse pɔnnakerinɔ gu pà le.

¹¹ Kū kína pìi gè à pɔnnakerii pìnɔ gwa, à gōgbē ke è gwe, à nɔse pɔnna uta danaro, ¹² akū à pīne: Ma gbē, à kè dera n̄ gē la nɔse pɔnna uta danaa sarii? Akū à yītēna kítikiti. ¹³ Akū kína pì a dogarinɔne: À a ɔno yī kū a gbánɔ, à a zu bàai gusiran. Gwen oni ɔɔ dɔn ò ɔ di n̄ mīia. ¹⁴ Zaakū gbē kū Luda n̄ sīsìnɔn dasi, ama gbē kū à n̄ sénɔn dasiro.

Be'ogɔkpana Sizaa yā

(Maa 12:13-17, Luk 20:20-26)

¹⁵ Abire gberan Farisinɔ bò ò gèe ò yā gōgō lákū oni ke nà ò Yesu kū a yā'onaa gūn. ¹⁶ Akū ò n̄ ibano zīa kū Herɔdu gbēno ò pi: Danneri, ó dɔ kū gbē yāpurademe n̄ ũ. Ndì Luda zé dañne sūsu, ndì gbē wé gwaro, ndì gbē gwena gwaro. ¹⁷ Lákū n̄ è nà n̄ owere. À zé vī ò be'ogɔ kpá Sizaa yā, ke à zé vīro? ¹⁸ Yesu n̄ nèse vāni dōrma, akū à pi: Manafikidenɔ! Bóyāi átēni ma yō à gwaa? ¹⁹ À ɔgo kū òdi be'ogɔ kpáo mɔmēne. Akū ò ɔgo pì do kpaa. ²⁰ Akū à n̄ lá à pi: Dí mì wānzān dí kū a tsoo? ²¹ Ò wèa ò pi: Siza pómē. Akū à pīnne: Èhē à pó kū à de Siza pó ũ kpá Sizaa, á pó kū à de Luda pó ũ kpá Ludaa. ²² Kū ò yā pīi mà, à bò n̄ sare, akū ò tà ò a tò gwe.

Gèno vuna yā

(Maa 12:18-27, Luk 20:27-40)

²³ Gɔɔ dokɔnɔ pì zī Sadusi kū òdi pi gèno di ga à vuronɔ sù Yesu kīnaa, akū ò a gbèka ò pi: ²⁴ Danneri, Musa òwèrē tó gōgbē gà né'isari, a dakūna a vīni gyaano sé de à né buri dato a vīnīne. ²⁵ T̄. Dedokɔndenɔn kú ó té yā gbēnon suppla. Woru nɔ sè, akū à gà à nɔ pīi tò né'isari, akū gyaano gò Sabine. ²⁶ À kè Sabine le dɔ kū Bibo ari à gèe pé n̄ suppladea. ²⁷ N̄ pínki gberan nɔ pīi gà se. ²⁸ T̄! Gèno vuna gɔɔ zī n̄ gbēnon suppla pìnɔ té dí mé aniḡs̄ nɔ pì vīi? Zaakū n̄ pínki ò a d̄s̄ nɔ ũ. ²⁹ Akū Yesu wēm̄ma à pi: A s̄ate á

Luda takada kù a gbānao dōnaa sari yāi. ³⁰ Tó gènò vù, ò nò séro, ò zā kero, onigò kun lán malaikanon kun nà ludambeme. ³¹ Gènò vuna yā musu ádi yā kù Luda óaré kyó keroo? À pì ³² akáame Ibrahī kù Isaakuo kù Yakubuo Luda ũ. Luda ò ke gènò Luda ũro, gbē bēnenò Ludame. ³³ Kù gbēnò yā pìi mà, a yādannenaa bò ñ sare.

Dokayā kù à deñla

(Maa 12:28-34, Luk 10:25-28)

³⁴ Kù Farisinò mà Yesu Sadusinò fù, ò kò kàkara. ³⁵ Akù ñ dokadōrinò do a yò à gwa, à a là à pì: ³⁶ Danneri, dokayā kpate mé à de a kparanòlaa? ³⁷ Yesu wèa à pì: Ñgò ye Dikiri n Ludai kù nèse mèn doo kù n ninio pínki kù n laasunnwo pínki. ³⁸ Dokayā kù à bèere vī de a kparanòlan gwe. ³⁹ A plade kù à bòkōaon dí: Ñgò ye n gbēdakei lán n zīda wèndii bà. ⁴⁰ Musa doka pínki kù annabinò yāoo lokona dokayā mèn pla dínōame.

Arumasihu buriyā

(Maa 12:35-37, Luk 20:41-44)

⁴¹ Lákù Farisinò kakarana nà, Yesu ñ lá à pì: ⁴² A è dera Arumasihu yā musuu? Dí burin a ũu? Ò wèa ò pì: Dauda burime. ⁴³ Akù Yesu pínne: À kè dera Luda Nini òdi Daudaa, akù Dauda Arumasihu sisi Dikiri? À pì, ⁴⁴ Dikiri pì ma dikirine à vute a opla ari àgò a iberenò kátene a gbá gbáru. ⁴⁵ Kù Dauda pínne Dikiri, à kè dera anigò de a buri ũ doo? ⁴⁶ Gbēke dí fò à wèaro. Zaa goro birea gbēke dí sù à yāke laa doro.

23

Ludayādannerinò kù Farisinò manafiki

(Maa 12:38-39, Luk 11:43, 46, 20:45-46)

¹ Abire gbera Yesu yā ò gbēnōne kù a ìbanò ² à pì: Ludayādannerinò kù Farisinò mé ò gò Musa gēne ũ. ³ Abire yāi à yā kù òdi oárenò ke pínki àgò kùna. Ama àsun ñ yākena kero, zaakù òdi yā kù òdi o kero. ⁴ Òdi aso tikisi yīyī ò di gbēnōne ñ gān akūsò bee onne do òdigò ye ò káiro. ⁵ Òdi ñ yā sīnda pínki ke de gbēnò ñ e yāime. Len òdi Luda yā ezeba gbēntē da le, òdi būsibusu gbāna da ñ pòkasanò. ⁶ Òdigò ye ò vute pōnna pòble vuteki mananon kù aduakekpe vuteki manano. ⁷ Òdigò ye ògò fò kpákparúma etenò, ògò ñ sisi Rabi. ⁸ Àsun tó ò á sisi Rabio, zaakù á pínki vīninò kù dakūnanōme á ũ, á Danneri mèn dome. ⁹ Àsun gbēke sisi á de zīte laro, zaakù á De mèn dome, àkù mé à kù musu. ¹⁰ Àsun tó ò á sisi Arēdero, zaakù á Arēde mèn dome, àkù mé à Arumasihu ũ. ¹¹ Á zīrin gbē zōkò ũ á té. ¹² Gbē kù àdi a zīda kara, Luda ni a busa. Gbē kù àdi a zīda busa, Luda ni a kara.

Yesu kpākēna ludayādannerinò kù Farisinò

(Luk 11:37-42, 44, 52)

¹³ Waiyoo ákōnò yādannerinò kù Farisinò! Manafikidenò! Adì kpata kù à bò Luda kīnaa zé tata gbēnōne. Adì gē a gūnlo, akūsò adì we gbē kù ò ye ò gē a gūnno gēn sero.

¹⁴ Waiyoo ákōnò yādannerinò kù Farisinò! Manafikidenò! Adì adua gbāna ke de gbēnò á e yāi, akù adì gyaanonò kpé símma. Abire yāi á wētamma nigò pásì de gbē sīnda pínki pòla.

¹⁵ Waiyoo ákǎnǎo yádannerinǎo kǎ Farisinǎo! Manafikidenǎo! Adì kure zǐte kǎ ísiraò ìba mèn do lena yái. Tó a a lè sǎ, adì a ke té pǎ ù deála leu pla.

¹⁶ Waiyoo ákǎnǎo vǎna don'arèdenǎo! Adì pi, tó ò pi ò si kǎ Luda kpéò, à yáke vǐro, ama tó ò pi ò si kǎ Luda kpé wuraaò, abirekǎ mé à yá vǐ. ¹⁷ Vǎna yǎnkǎnǎo! A kpate mé à zǎkǎo? Wuraan yá, ke Luda kpé kǎ àdi tó wura gǎ a pǎ ù? ¹⁸ Adì pi dǎ, tó ò la dà kǎ sa'okio, a yáke vǐro, ama tó ò la dà kǎ sa'obǎ kǎ à kǎ gweò, abirekǎ mé à yá vǐ. ¹⁹ Vǎnanǎo! A kpate mé à zǎkǎo? Sa'obǎnǎo yá, ke sa'oki kǎ àdi tó sa'obǎ gǎ Luda pǎ ù? ²⁰ Gbǎ kǎ à la dà kǎ sa'okio la dà kǎ pǎ kǎ à kǎ gwenǎo pínkime dǎ. ²¹ Gbǎ kǎ à la dà kǎ Luda kpéò la dà kǎ Luda kǎ à kǎ a gǎnwome dǎ. ²² Gbǎ kǎ à la dà kǎ ludambèò la dà kǎ Luda kíblegbaao kǎ Luda kǎ à vutènaaome.

²³ Waiyoo ákǎnǎo yádannerinǎo kǎ Farisinǎo! Manafikidenǎo! Adì tofenǎo tǎkǎtedo kǎ kpè'akáo kǎ dà láo kuride kpá Ludaa, akǎ adì dokayá tikisinǎo tón, yázede kǎ sùruuo kǎ náanio. Yá birenǎo mé à de ògǎ kǎna a kpára tonaa sari. ²⁴ Vǎna don'arèdenǎo! Adì mǎsǎ né bo á pǎminan, akǎ adì lakumi mǎ.

²⁵ Waiyoo ákǎnǎo yádannerinǎo kǎ Farisinǎo! Manafikidenǎo! Adì tokonǎo kpè gbási bo kǎ tanǎo, ama wákǎ kǎ zǐdakúnadǎnasario mé à á nèseè pà. ²⁶ Mǎkǎn Farisi vǎna! Ñ gbási bo toko gǎnne gǎ, a kpè ni gǎ gbási sari.

²⁷ Waiyoo ákǎnǎo yádannerinǎo kǎ Farisinǎo! Manafikidenǎo! Á de lán mira kǎ ò gbǎ pura lèanǎo bàme. Ñ kpè mana wéne, ama gèwanǎo kǎ gbási pínkio mé à ñ gǎn pà. ²⁸ Leme ákǎnǎo se dǎ, á kunna mana gbèǎo wéne, ama manafiki kǎ yá vǎnio mé à á gǎn pà.

²⁹ Waiyoo ákǎnǎo yádannerinǎo kǎ Farisinǎo! Manafikidenǎo! Adì pǎ bo annabinǎo miranǎo, adì zǎ ble Luda gbèǎo pǎa ³⁰ adì pi: Tó ó kun yá ó dizinǎo gǎra, ó bàka nigǎ kǎ kǎnwo annabinǎo dedènaa gǎnlo. ³¹ Leme a si kǎ gbǎ kǎ ò annabinǎo dèdèǎo burinǎo á ù. ³² À ania ke, à á dizinǎo tàragaa ba à a mì de sà! ³³ Mlènǎo! Bisásiri pitikonǎo! Áni ke dera à bo té yá kǎ à danaála gǎnn? ³⁴ Abire yái manì annabinǎo kǎ òndǎrinǎo kǎ yádannerinǎo zǐáwa. Áni ñ gbèkenǎo dede, áni ñ gbèkenǎo pá lía, áni ñ gbèkenǎo gbǎ kǎ fláao á aduakekpenǎo gǎn, áni péfuma wète kǎ wèteo. ³⁵ Leme Luda gbǎ kǎ ò ñ dèdèǎo yá ni wí á musu le, sena zaa gbǎ mana Habila denaaa ari à gèè pé Berekia né Zakari kǎ a a dè Luda kpé kǎ sa'okio daguraa. ³⁶ Yápuran maten oáre, yá birenǎo pínki ni wí gbāragbèǎo musume.

Yurusalemu yá

(Luk 13:34-35)

³⁷ Yurusalemudenǎo, Yurusalemudenǎo! Adì annabinǎo dede, adì gbǎ kǎ Luda ñ zǐáwanǎo papa kǎ gbèèò à ñ dede. Madigǎ ye mà á kakaramai gèn baaakǎ, lán ko ò di a dèmbere kǎ a nènǎo nà, ama ádi weiro. ³⁸ Luda ni á kpé tóáre bezí ùme sà. ³⁹ Maten oáre, áni ma e dorò ari à pi, arubarikaden gbǎ kǎ àten su kǎ Dikiri tóò ù.

24

Yurusalemu yakana kǎ andunia lákagǎo sèedanǎo

(Maa 13:1-20, Luk 21:5-24)

¹ Yesu bò Luda ònn àten tá, akǎ à ìbanǎo nàai ò lézuki kènè a kpénǎo. ² Akǎ Yesu pínnè: A abirekǎ è pínki yá? Yápuran maten oáre, oni gbè ke tó dikǎro, oni gboro pínkime.

³ Gɔɔ kũ Yesu vutena Kùkpe s̄is̄iger̄ei, a ìbano sù a k̄inaa gusare, ò a là ò pì: Ñ owere, boren yā dínò ni kee? Bó mé aniḡo de n suna kũ andunialakagɔɔ sèeda ũu? ⁴ Yesu wemma à pì: À laakari ke, àsun tó ò á s̄atero. ⁵ Zaakũ oni su dasi kũ ma t̄oo, oniḡo pì Arumasihume ñ ũ, oni gb̄en̄o s̄ate dasi. ⁶ Áni z̄in̄o baaru ma kũ a òpiio. Àsun bídi kero. Sé abirekũn̄o ke, ama gɔɔ lakana kpé. ⁷ Buri kũ burio ni fute kũ k̄oo, leme d̄o b̄usu kũ b̄usuuo. Nà kũ z̄ite ȳḡaȳḡanaao niḡo kú guken̄on. ⁸ Yā bireno pínki òw̄aw̄a naana ũ. ⁹ Abire gbera oni á kũkũ ò á kpár̄ma, ò wé tááwa ò á de, buri s̄inda pínki ni z̄áágu ma yái. ¹⁰ Gb̄en̄o ni fuma dasi, ò bo k̄o kpe, oni z̄ák̄n̄. ¹¹ Annabi ékeno ni su dasi ò gb̄en̄o s̄ate dasi. ¹² Yā v̄ani ni k̄o, gb̄en̄o yenyī ni busa dasi. ¹³ Gb̄e kũ à zena gb̄ana ari a gɔɔ léa mé ani surabana le. ¹⁴ Oni kpata kũ à b̄o Luda k̄inaa pì baaru kpá andunia gu s̄inda pínkia sèeda ũ buri s̄inda pínkine, gbasa p̄o pínki ni láka.

¹⁵ Tó a t̄e guyakari kũ annabi Danieli a yā òo è Luda onn, kyókeri ḡo d̄o, ¹⁶ gb̄e kũ ò kú Yudeano bàa sí ò mì pé kp̄in̄o. ¹⁷ Gb̄e kũ à kú a kpé musu sún kipa à ḡe kpé ḡun à p̄oke sé à booro. ¹⁸ Gb̄e kũ à kú bura sún era be à a uta séro. ¹⁹ Waiyoo ònsindaren̄o kũ néranden̄o gɔɔ birea. ²⁰ À adua ke de bàasinaa pì sún ke bunsire ke kammabogɔɔ z̄iro. ²¹ Zaakũ gɔɔ pì wétamma niḡo z̄ók̄o. Zaa gɔɔ kũ Luda andunia kè ari gb̄ara, a taka dí kero, akūs̄o ani ke zikiro. ²² Tó Luda dí gɔɔ p̄in̄o lagoro, de gb̄eke ni boro. Ama ani gɔɔ p̄in̄o lagoon a gb̄e kũ à ñ s̄en̄o yáime.

Bisāsiri Né sunaa

(*Maa 13:21-37, Luk 17:20-37, 21:25-33*)

²³ Gɔɔ birea tó gb̄eke piàre, à Arumasihu gwa la kes̄o à Arumasihu gwa z̄aa, àsun síro. ²⁴ Zaakũ Arumasihu ékeno kũ annabi ékeno ni su ò sèeda z̄ók̄n̄o kũ daboyān̄o ke, de ò gb̄e kũ Luda ñ s̄en̄o s̄ateo se, tó ani sí ke. ²⁵ À ma, ma ḡinake ma oàre zaa káaku k̄o. ²⁶ Tó ò piàre à gwa, à kú s̄en̄, àsun géro. Ke tó ò piàre à gwa, à kú kpéne ḡun, àsun síro. ²⁷ Zaakũ lákũ legū d̄i pí à ludambe pura kũ zaa if̄aboki kpa ari a léte kpa nà, len Bisāsiri Né suna niḡo de le. ²⁸ Gu kũ ḡe kún, gwen yumburukun̄o ni k̄o kakaran.

²⁹ Gɔɔ p̄in̄o wétamma gbera ḡn̄o if̄ant̄e ni sira kũ, m̄ovura ni í kero, susunen̄o ni wowo ludambe, gb̄ana kũ ò kú musun̄o ni dege. ³⁰ Bisāsiri Né sèeda gbasa à bo ludambe, buri kũ ò kú andunia ḡun̄n̄o ni ñ z̄ida k̄ek̄e ñ pínki, oni Bisāsiri Né suna e ludambe lukun kũ gb̄anao kũ gakuri z̄ók̄o. ³¹ Ani a malaikan̄o z̄i kũ kākāki'ũ gb̄anao, oni a gb̄e kũ à ñ s̄en̄o kakara andunia kusuru siik̄o zaa ludambe lé díkũ kũ a lé direkūo.

³² À yā dada kaka lía. Tó a ḡan̄o í kp̄akpa, àten lá b̄òto kú, á d̄o guwānagɔɔ kà k̄ani. ³³ Leme s̄o, tó a yā p̄in̄o è pínki le, àḡo d̄o kũ a sunaa kà k̄ani, à kú kpélelea. ³⁴ Yāpuran maten oàre, gɔɔ dí gb̄en̄o ni ḡetero ari yā p̄in̄o ḡe keo pínki. ³⁵ Musu kũ z̄iteo ni ḡete, ama ma yān̄on ḡetena v̄iro.

³⁶ Gb̄eke a gɔɔ ke a gɔɔ zaka d̄oro, bee malaika kũ ò kú musun̄o ke Luda Né, sé De Luda. ³⁷ Lákũ à de na Nuhu gɔɔ, len aniḡo de le se Bisāsiri Né sugɔɔ. ³⁸ Gɔɔ kũ í dí da andunialaro, òten p̄o ble òten í mi, òten n̄o sé òten z̄a ke ari Nuhu ḡe à ḡe ḡo'ite ḡun. ³⁹ Odi d̄oro, akú í sù à ñ s̄ete ñ pínki. Len aniḡo de le se Bisāsiri Né sugɔɔ. ⁴⁰ Gɔɔ birea gb̄en̄on plan̄o niḡo kú bura, oni gb̄e do sé ò gb̄e do tón. ⁴¹ N̄ogb̄e gb̄en̄on plan̄o niḡo p̄o l̄l̄o gb̄en̄, oni gb̄e do sé ò gb̄e do tón. ⁴² Abire yái á wé ḡo d̄o, zaakũ á d̄o gɔɔ kũ á Dikiri ni suro. ⁴³ Àḡo adik̄ina d̄o. Tó bede gɔɔ zaka kũ kp̄ani ni suawa d̄o

yā, de á wé g5 dɔ, ani tó à a kpé f5ro. ⁴⁴ Abire yāi ákɔnɔ sɔ, àg5 kú kú soruo, zaakú Bisásiri Né ni su gɔrɔ zaka kú á wé dɔiroame.

Zikeri náanide laakaride
(Luk 12:41-48)

⁴⁵ Díme zikeri náanide laakaride kú a dikiri a zikerinɔ nàne a ɔĩ de à póble kpámma a gɔrɔa úu? ⁴⁶ Arubarikaden zikeri kú a dikiri a lè àten ke le a sugɔrɔa ú. ⁴⁷ Yápuran maten oáre, ani a aruzeke sɔnda pínki nanɛ a ɔĩme. ⁴⁸ Ama tó zikerii pì pásì, akú à pì a nèsee gūn a dikiri ten gì ke, ⁴⁹ akú à nà a zikeri dakenɔ gbēgbēnaaaa, àten pò ble àten í mi kú wēderinɔ, ⁵⁰ a dikiri ni su gɔrɔ kú a wé dɔiroame, gɔrɔ zaka kú à d5roa, ⁵¹ ani a z5z5k5re, à a baka da kú manafikidenɔ. Gwen oni ɔɔ dɔn ò ɔ di n̄ m̄ia.

25

Nɔkpare gbēnɔn kurinɔ

¹ Gɔrɔ birea kpata kú à bò Luda kīnaa nig5 de lán nɔkpare gbēnɔn kuri kú ò n̄ fitilano sè ò bòo, òten gé da nɔserile bàme. ² N̄ gbēnɔn sɔɔronɔ bi yōnkɔnɔme. N̄ gbēnɔn sɔɔronɔ s5 laakaridenɔme. ³ A yōnkɔnɔ n̄ fitilano sè n̄isi zànaa sari, ⁴ a laakaridenɔ s5 ò n̄ fitilano sè kú n̄isi zànaao. ⁵ Nɔseri dí su likalikaro, akú í n̄ sé n̄ pínki, òten í o. ⁶ Lizāndo ò wiki lè: Nɔseri ten su! À fute à gé daale. ⁷ Akú nɔkpare pìnɔ vù n̄ pínki, ò n̄ fitilano kèke. ⁸ Akú yōnkɔnɔ pì laakaridenɔne: À ó gba n̄isi fíti sàee! Ó fitila ten ga bi! ⁹ Akú laakaride pìnɔ wēm̄ma ò pì: Ani m̄ówá kááo pínkiro. À gé à á pò lú a ylarinɔ kīnaa. ¹⁰ Kú ò gēe lú, akú nɔserii kà. Gbē kú n̄ soru kènɔ gēe káao nɔse gūn, akú ò gbàa tàta. ¹¹ Kú à kè saa nɔkpare kpara pìnɔ sù, òten lé zu: Dikiri, Dikiri! N̄ ze wēwēre! ¹² Akú à wēm̄ma à pì: Yápuran maten oáre, má á d5ro. ¹³ Abire yāi á wé g5 dɔ, zaakú á a gɔrɔ ke a gɔrɔ zaka d5ro.

Ɔɔɔɔɔɔ zikerinɔne
(Luk 19:11-27)

¹⁴ Kpata kú à bò Luda kīnaa de lán gbē kú àten gé wētea ba, akú à a zikerinɔ sisi, à a aruzeke nānne n̄ ɔĩ. ¹⁵ À ɔɔɔɔda kè n̄ gbē done s5nɔ sɔɔro, gbē plade s5nɔ pla, gbē aakɔde s5nɔ do, n̄ baadi gbāna lén, akú à gēe wētea. ¹⁶ S5nɔsɔɔrode gēe à laga tà kú ɔɔɔ p̄io g5nɔ, akú à àree lè s5nɔ sɔɔro. ¹⁷ S5nɔplade kè le dɔ, akú à àree lè s5nɔ pla. ¹⁸ S5nɔdode s5 à gēe à wēe y5, akú à a dikiri ɔɔɔ p̄ii ùten. ¹⁹ Gɔrɔ pla gbera zikerii pìnɔ dikirii sù, akú àteni a ɔɔɔ yā g5g5 kúnwo. ²⁰ S5nɔsɔɔrode sù kú s5nɔ sɔɔro pānde kú à lèeo à pì: Dikiri, n̄ s5nɔ sɔɔro kú n̄ kpàma gwa, à àree kàramene s5nɔ sɔɔro dɔ. ²¹ Akú a dikirii p̄ine: N̄ kè zikeri mana náanide! Lákú n̄ náani v̄i kú a fítio nà, mani a z5k5 nanne n̄ ɔĩ sà. N̄ gē ma pōnnakenaa gūn. ²² S5nɔplade sù dɔ à pì: Dikiri, n̄ s5nɔ pla kú n̄ kpàma gwa, à àree kàramene s5nɔ pla dɔ. ²³ Akú a dikirii p̄ine: N̄ kè zikeri mana náanide! Lákú n̄ náani v̄i kú a fítio nà, mani a z5k5 nanne n̄ ɔĩ sà. N̄ gē ma pōnnakenaa gūn. ²⁴ Akú s5nɔdode sù sà à pì: Dikiri, má d5 kú n̄ yānɔn zī'ú. Ndì pò kē gu kú ndi t5nlo. Ndì pò kakara gu kú ndi gbēnlo. ²⁵ Akú v̄ina ma kú, ma ge ma n̄ ɔɔɔ ùte wēen. N̄ pón dí. ²⁶ Akú a dikirii p̄ine: Zikeri vāni ma'ade! N̄ d5 kú madì pò kē gu kú mādì t5nlo, madì pò kakara gu kú mādì gbēnloo? ²⁷ À mana yā n̄ ɔɔɔda kèo gbēkene, de tó ma su, mà a pò sí kú a ío. ²⁸ À s5nɔ do pì sía à kpá s5nɔsɔɔrodea. ²⁹ Zaakú gbē kú à pò v̄in

Luda ni karane ari agō din. Gbē kū à vīro sō, bee pō kū à vī Luda ni síame. ³⁰ Zíkēri pà dí sō, à a zu bàai gusiran. Gwen oni ɔɔ dɔn ò ɔ dí n mīa.

Ziakpe zī yākpatekenaa

³¹ Tó Bisāsiri Né sù a gakuri gūn kū a malaikanó ń pínki, ani vute a kiblegba gakuridea. ³² Andunia burinó ni kakara a aré ń pínki, ani ń kēkōa, lākū pódārii dī sānó kēkōa kū blēnó nà. ³³ Ani sānó kpá a ɔplai, blēnó sō ɔzei. ³⁴ Abire gbera Kína pì ni pi gbē kū ò kú a ɔplainone: Ákōnó kū ma De arubarikaa daágunó, à mós à kpata kū à a soru kēáre zaa anduniakatena goró ble. ³⁵ Zaakū kū nà teni ma de, a póbble kpàma. Kū ími teni ma de, a í kpàma. Kū má kun nibó ũ, a ma si. ³⁶ Kū má kun punsi, a asiri tàmene. Kū maten gyá ke, a ma gwa. Kū ò ma da kpésiran, a su wé kpàtemai.

³⁷ Gbē mananó ni pine: Dikiri, boren o è nà teni n de o póbble kpàmma ke ími teni n de, o í kpàmmaa? ³⁸ Boren o n e nibó ũ o n si, ke ń kun punsi o asiri tàmene? ³⁹ Boren o n e nten gyá ke, ke ò n da kpésiran o ge wé kpàtenyíi? ⁴⁰ Kína pì ni weńma à pi: Yāpuran maten oáre, yā kú a kè gbē kíanaane ma gbē dínnó té, makūme a kēmene.

⁴¹ Abire gbera ani pi gbē kū ò kú a ɔzeinone: À gomene gwe ákōnó kū Luda lé kēárennó! À tá té kú àdi garo kú Luda kēke Ibilisine kú a ìbanó gūn. ⁴² Zaakū nà teni ma de, ádi póbble kpámaro. Ími teni ma de, ádi í kpámaro. ⁴³ Má de nibó ũ, ádi ma síro. Má kun punsi, ádi asiri tàmenero. Maten gyá ke ke ò ma da kpésiran, ádi su à wé kpàtemairo. ⁴⁴ Oni gbasa ò a la ò pi: Dikiri, boren o n e kú nàao ke ímio ke nibó ũ ke punsi ke gyáre ke purusuna ũ, akū ódi kpányíroo? ⁴⁵ Kína ni weńma à pi: Yāpuran maten oáre, lākū ádi ke gbē kú à kíanaane gbē dínnó téro nà, makūme ádi kemenero. ⁴⁶ Gbē birenó ni tá wétamma kú àdi lākaro gūmme, gbē mananó sō wèndi kú àdi lākaro gūn.

26

Lékpakūsūna Yesuii

(Maa 14:1-2, Luk 22:1-2, Yuh 11:45-53)

¹ Kū Yesu yā birenó ò pínki à lāka, akū à pì a ìbanóne: ² Á dō kú Vīnla dikpe gō goró pla, oni Bisāsiri Né kpámma ò a pá lía.

³ Abire gbera sa'orikinó kú Yuda gbē zōkōnó kō kākara sa'oriki zōkō kú òdi pi Kayafa bea. ⁴ Ò yā gōgō ɔndōso lākū oni Yesu kú ò a de nà ⁵ ò pì: Òsun ke dikpe zīro, de gbēnó sūn zuka káro yāi.

Nísi gbī nna kuna Yesu mīa

(Maa 14:3-9, Yuh 12:1-8)

⁶⁻⁷ Kū Yesu kú Betani, Simó Kusu bea, àten pō ble gengesekena, akū nōgbē ke nài, à lo fítinna kú nísi gbī nna ɔgode kú a gūn kūna, akū à kú Yesu mīa. ⁸ Kú a ìbanó è le, akū ń pō fūte ò pì: Bón pō lalasekēna dí ũu? ⁹ De ò nísi pì yia yā kú ɔgō zōkōnó ò kpà takasidenōa. ¹⁰ Yesu dōmma, akū à píne: Bóyāi áten wari dō nōgbē pīaa? À zī mana kēmene. ¹¹ Takasidenon kú kááo goró sīnda pínki, makū sō manigō kú kááo goró sīnda pínkiro. ¹² Kú à nísi pì kú ma mēea, à kè le de à ma gē keome. ¹³ Yāpuran maten oáre, gu kú òteni ma baaru nna waazi ken andunia gūn pínki, onigō yā kú nōgbē pìi kè o a dōngu yāi.

*Yudasi bona Yesu kpe**(Maa 14:10-11, Luk 22:3-6)*

¹⁴ Abire gbera gbēnɔn kuri awεεplanɔ do kũ òdi pine Yudasi Isikarioti gèe sa'orikinɔ kīnaa ¹⁵ à pì: Tó ma Yesu kpàáwa, bón á ye à kpámaa? Akũ ò andurufu ɔgɔ mèn baraakurii nàro ò kpàa. ¹⁶ Zaa gɔɔ birean àten zé wete à Yesu kpámma.

*Vĩla pɔblenaa**(Maa 14:12-21, Luk 22:7-14, Yuh 13:21-38)*

¹⁷ Burodi Futenasari dikpe gɔɔ káaku zĩ Yesu ibanɔ sù ò a là ò pì: Mán n̄ ye ò gé kekenne n̄ Vĩla pɔ blenn? ¹⁸ À wèmm̄a à pì: À gé wēten gɔgbē ke kīnaa à pine, Danneri pì a gɔɔ kà kāni. A bean áni Vĩla pɔ blen kũ a ibanɔ. ¹⁹ Yesu ibanɔ kè lákũ à dànn̄e nà, ò Vĩla pɔbleyá kèk̄e. ²⁰ Kũ ɔkɔsi kè, Yesu gengesekena teburuui kũ a gbēnɔn kuri awεεpla pìnɔ. ²¹ Gɔɔ kũ òten pɔ ble à pì: Yāpuran maten oáre, á gbē mèn do ni ma kpámma. ²² N̄ nèsee yàka manamana, akũ òteni a la dodo: Asa makūmeroo, Dikiri? ²³ Yesu wèmm̄a à pì: Gbē kũ òten ɔ kakara ta gūn lēelē mé ani ma kpámma. ²⁴ Bisāsiri Né n̄ kpágui lákũ à kēna a yā musu nà, ama waiyoo gbē kũ ani Bisāsiri Né kpámma p̄i. Ani ke s̄ana adene tó odi a i yāro. ²⁵ Akũ Yudasi kũ ani a kpámma p̄i p̄i: Asa makūmeroo, Rabi? Yesu pine: Mɔkɔmm̄e n̄ ò gwe.

*Dikiri pɔble**(Maa 14:22-26, Luk 22:14-20, 1Kɔ 11:23-25)*

²⁶ Kũ òten pɔ ble, Yesu burodii sè, à arubarikaa dàn, akũ à likɔre à kpà a ibanɔ à pì: À sí à só, ma mēen dí. ²⁷ Akũ à toko sè do à arubarikaa dàn, à kpámma à pì: À mi á pínki. ²⁸ Ma arun dí, Luda bàka kunna kũ gbē dasinɔ aru ũ, kũ ani bɔtema n̄ durunn̄anɔ kēmmana yāi. ²⁹ Maten oáre, zaa gbāra mani geepi'i dí mi doro ari kpata kũ à bò ma De kīnaa gé boo gupuraa, gbasa mà a dufu mi kááo sà. ³⁰ Kũ ò lèe si, akũ ò bòte ò gèe Kùkpe s̄is̄iger̄ēi.

*Yesu gĩnake à d̄s̄yá kũ Pita ni ke**(Maa 14:27-31, Luk 22:31-34, Yuh 13:36-38)*

³¹ Akũ Yesu p̄inne: À pínki áni fuma gwāaniala, zaakũ ò kè Luda yān ò pì: Mani sādāri lé, s̄anɔ ni fák̄sa. ³² Ama ma vunaa gbera mani doáre are gena Galili. ³³ Akũ Pita p̄inne: Bee tó ò fūmma n̄ pínki, mani fumma zikiro. ³⁴ Akũ Yesu p̄inne: Yāpuran maten onne, gwāaniala ari ko ḡó gé lé zu, ñni ledi kpámai gèn aak̄s̄. ³⁵ Pita p̄inne: Bee tó mani sù mà ga kúnwo, mani ledi kpányi zikiro. Akũ a ibanɔ ò lè se n̄ pínki.

*Yesu aduak̄ena zaa Getesemani**(Maa 14:32-42, Luk 22:39-46)*

³⁶ Akũ Yesu kũ a ibanɔ kà gu kũ òdi pi Getesemani, akũ à p̄inne: À vute la ari mà gé adua ke zà dire. ³⁷ À Pita kũ Zebedi né gbēnɔn planɔ sè à gèe kũñwo. A pɔ sira kũ à nèseyɔkɔ si. ³⁸ Akũ à p̄inne: Ma pɔ sira kũ manamana ari ga léi. À ze la à itē ke kūmao. ³⁹ Kũ à gèe are fiti, akũ à kùte zĩte à adua kè à pì: Baa, tó ani sí ke, n̄ tó toko'i d̄ik̄ina gētemala. Ama adi ke lákũ má yei nàro, séde lákũ n̄ yei nà. ⁴⁰ Akũ a èra à sù à a ibanɔ lè, òten i o. Akũ à pì Pitane: Len yá? Ádi f̄s̄ a itē kè kūmao bee awa doroo? ⁴¹ À itē ke àḡó adua ke de àsun fu ȳogwanaaaro yāi. Nini yei, ama mēe buse. ⁴² À kēm̄ma a gèn plade, à adua kè à pì: Baa, tó toko d̄ik̄ina ni gētemala a í minaa sariro, n̄ tó n̄ poyenyina ke. ⁴³ Kũ à èra à sù à n̄ lé, òten i o do, zaakũ òten idekũ dede.

44 Akū à ñ tón dɔ, à gèe à wé kè a gèn aakɔde, à yā dokɔnɔ pìi ò dɔ. 45 Akū à èra à sù à ibanɔ kīnaa à pìinne: Áten i o, áten kámma bo ari teran yá? À gwa! Gɔɔ kà káni. Ò Bisásiri Né kpà durunnakerinɔa. 46 À fute ò tá. Gbē kū à ma nañne ñ ɔĩ ten su.

Yesu kūnaa

(Maa 14:43-50, Luk 22:47-53, Yuh 18:3-12)

47 Kū à kpé áten yā pì o, akū Yudasi, a iba gbēnɔn kuri awɛɛplanɔ doke sù kū pario, ò fēnedanɔ kūna kū gònɔ, ò bò sa'orikinɔ kū Yuda gbē zɔkɔnɔ kīnaa. 48 Bonkpede pì sɔ, à sèedaa óñne à pì: Gbē kū mani lé péa, àkūme gwe. À a kū. 49 Akū à mii dɔ Yesua gònɔ à pì: Fɔɔ, Rabi! Akū à lé péa. 50 Yesu pìne: Ma gbē, ñ n kena ke! Akū ò sù ò ɔ pète Yesua ò a kù. 51 Akū Yesu gbēnɔ do a fēneda wòto, à sa'oriki zɔkɔ žrii lèo à a sá gò. 52 Akū Yesu pìne: Ñ n fēneda sɔɔ a plen. Zaakū gbē kū à zè kū fēnedao, fēneda mé ani a de. 53 Tó má ye ma De malaika žikarinɔ gbaremenɛ gònɔ de gá kuri awɛɛplanɔla, ñ dɔ mani fua mà a wé kean yá? 54 Tó ma kè le sɔ, deran yā kū ò kè Luda yān ò pì ani ke le ni kee? 55 Akū Yesu pì parine: Kpāni wédewen ma ũ kū a su à ma kū kū fēnedanɔ kū gònɔ yá? Madigɔ vute Luda ɔnn lákū gu digɔ dɔ nà madigɔ yā daáre, ádi ma kūro. 56 Ama yā pìi kè pínki, de yā kū annabinɔ kè Luda yān ke yāi. Akū a ibanɔ bàa lè ñ pínki ò a tòn.

Yuda gbānadenɔ yákpatekena kū Yesuo

(Maa 14:53-65, Luk 22:54-55, 63-71, Yuh 18:13-14, 19-24)

57 Gbē kū ò Yesu kūnɔ gèe káao sa'oriki zɔkɔ Kayafa bea. Lundayādannerinɔ kū gbē zɔkɔnɔ kakarana gwe. 58 Pita té a kpé zà dire ari sa'oriki zɔkɔ pìi bea. À gè ɔnn, à vùte kū dogarinɔ de à yā pìi mīdena e. 59 Sa'orikinɔ kū Yuda yákpatekerinɔ ñ pínki ten sèeda wete Yesua ò a de. 60 Bee kū gbēnɔ sù ò ékèyānɔ didia dasi, adi kero. Kpekpé gbēnɔn pla kenɔ sù 61 ò pì: Gbē pìi pì, áni fɔ à Luda kpé wí, áni era à bo gɔɔ aakɔ dagura sé! 62 Akū sa'oriki zɔkɔ fùte à zè à pì Yesune: Ñ yáke vī ñ weñmaroo? Yā kū òten didimma dí de deraa? 63 Yesu yíte kpēn, akū sa'oriki zɔkɔ pìi pìne: Ma nanne Luda Wēndidei, ñ owere tó Luda Né Arumasihume n ũ. 64 Yesu wèa à pì: Len n ò le. Makū sɔ, maten oáre, zaa gbāra áni Bisásiri Né e vutena Gbānasīndapinkide oplai, akūsɔ áni a suna e ludambe lukun. 65 Akū sa'oriki zɔkɔ pì a utanɔ gà à kè à pì: A dɔkè kū Ludao! À kè dera óten sèedade pānde kenɔ wete dɔɔ? A mà lákū à dɔkè kū Ludao nà. 66 Yā kpaten a zeo teraa? Akū ò wèa ò pì: A taari kà ò a de. 67 Akū ò l'é'i sù a ānnwa, ò a lèle kū okūo. Gbēkenɔ a sán kèke 68 ò pì: Arumasihu, ñ annabikeyā ò ñ gbē kū à n le owere.

Pita ledikpana Yesui

(Maa 14:66-72, Luk 22:56-62, Yuh 18:15-18, 25-27)

69 Pita vutena ɔnn, akū zɔnɔkpare ke sù à pìne: Mɔkɔn sɔ ndigɔ kú lele kú Galili gbē Yesu pìiome. 70 Akū à ledi kpà ñ pínki wára à pì: Mádi yā kú nten ò dɔɔ dɔɔ. 71 Akū à fùte à gè gānun. Nɔgbē pānde a è, akū à pì gbē kú ò kú gwenɔne: Gbē díkina lele kú Yesu Nazeraome. 72 Pita era à ledi kpà à la dà à pì: Má gbē pì dɔɔ. 73 Kū à kè saa fiti, gbē kú ò zena gwenɔ nà Pítai ò pì: Yāpurame, ñ gbē dome n ũ, zaakū ó n dɔ n yā'onaaame. 74 Akū à fùte à a zīda kà à la dà à pì: Má gbē pì dɔɔ. Zaa gwe gònɔn ko lé zù. 75 Akū yā

kū Yesu òo dō Pítagu kū à pì, ari ko gō gé lé zu, ani ledi kpáai gèn aakō. Akū Pita bò bàai à pōsira óo dō.

27

Yudasi ganaa

(Zīr 1:18-19)

¹ Kū gu dō kōnkōkōnkō sa'orikinō kū Yuda gbē zōkōnō n pínki yā gōgō Yesui de ò a de. ² Ò a yī, akū ò gēe ò a nà bùsu gbē zōkō Pilatine a òi.

³ Kū Yudasi kū à bò a kpe è yā dàala, à gō dīndōmēne gūn, akū à gēe andurufu ɔɔ mèn baraakurii pì era sa'orikinōne kū gbē zōkōnō ⁴ à pīnne: Ma durunna kè, ma taarisaride kpà gai. Akū ò pīne: Ó bàka ūgbaa? N yān gwe. ⁵ Akū Yudasi ɔɔ pì zù Luda kpén, akū à tà à gēe à a zīda lòko. ⁶ Akū sa'orikinō ɔɔ pì sète ò pì: ɔɔ pì kana Luda kpé ɔɔdaki gūn zé vīro, zaakū gbēde'ɔɔmē. ⁷ Kū ò yā gōgō, akū ò orobori gbīdāki lù kū ɔɔ pìio nibōnō vīki ū. ⁸ Abire yāi ari kū a gbārao òdi pì zīte pīne Zīte Arude. ⁹ Akū yā kū annabi Ilimia òo kè à pì: Ó andurufu ɔɔ mèn baraakurii pì sète, ɔɔ kū Isarailanō zèò ò kpà a yā musu pì, ¹⁰ akū ò orobori gbīdāki lùo, lākū Dikiri dītemēne nà.

Pilati yākpatekena kū Yesuo

(Maa 15:2-5, Luk 23:3-5, Yuh 18:33-38)

¹¹ Yesu zēna bùsu gbē zōkō are. Akū gbē zōkō pì a là à pì: Mōkōn Yudanō kīna ū yā? Yesu wēa à pì: Len n ò le. ¹² Gōrō kū sa'orikinō kū gbē zōkōnō ten yā didia, adi yāke weñmaro. ¹³ Akū Pilati pīne: Ndi yā dasi kū òten didimma maroo? ¹⁴ Ama Yesu dí yāke o yā pīno doke musuro, akū yā pìi bò bùsu gbē zōkō pìi sare manamana.

Yadana Yesula

(Maa 15:6-15, Luk 23:13-25, Yuh 18:39-19:16)

¹⁵ Vīnla dikpe zī pínki bùsu gbē zōkō pìi dī purusunanō do kū gbēnōn yei gbareñne. ¹⁶ Gōrō kùā sō purusuna tōde kú gwe òdi pì Baraba. ¹⁷ Kū pari kākara, akū Pilati n lá à pì: Dín á ye mà gbareáree? Baraban yá, ke Yesu kū òdi pì Arumasihu? ¹⁸ Zaakū à dō kū nèsegōba vīna kū Yesuo yāin ò a kpàawa.

¹⁹ Gōrō kū Pilati vutena a gbīgbaaaa, a nanō gbē zīa à pì: Nsun yāke ke gbē mana pīnoro, zaakū nana kū ma ò a yā musu gīa gwāani wari dōma manamana.

²⁰ Sa'orikinō kū gbē zōkōnō nākara gbēnōa ò Baraba gbeka, ò pì ò Yesu de. ²¹ Akū bùsu gbē zōkō pìi n lá à pì: Gbēnōn pla pīno gūn, dín á ye mà gbareáree? Akū ò pì, Barabame. ²² Akū Pilati n lá à pì: Bón mani ke kū Yesu kū òdi pì Arumasihuoo? Gbē sīnda pínki pì: N a pá lía. ²³ Akū à n lá à pì: Bó dāan à kēe? Akū ò wiki lè ò kàra ò pì: N a pá lía. ²⁴ Kū Pilati è ani fō à yāke kero, zuka ten kara, akū à í dà, à a ɔ pìpì gbēnō wāra à pì: Ma ɔ bōte gbē pì gana yān. Á yāme. ²⁵ Akū gbē pīno pì: A dēna yā wí ó musu kū ó nēnō. ²⁶ Akū à Baraba gbareñne, à pì ò Yesu gbē kū flāao ò a pá lía.

Sozanō Yesu fobonaa

(Maa 15:16-20, Yuh 19:2-3)

²⁷ Akū Pilati sozanō gē kū Yesuo bùsu gbē zōkō pìi bēa, akū ò n gā kākara pínki ò likai. ²⁸ Ò a pōnō bōtea ò arukīmba tēra dāne, ²⁹ akū ò lè fūraa tã ò

kùne, ò leba nàne a ɔplan gò ũ. Akū òten kúte kutene, òteni a fobo òten pi: Fɔɔ, Yudanɔ kína! ³⁰ Ò lé'i sùà, ò leba pìi sè ò a lèò a mìaia. ³¹ Kū ò a fobò ò làka, akū ò arukĩmba pìi gòala ò a zĩda pókasanɔ dàne, akū òten gé a pá lía.

Yesu pana lía

(*Maa 15:21-32, Luk 23:26-43, Yuh 19:17-27*)

³² Kū ò bòte òten gé, ò dàkare kú Sireni gbē kú òdi pi Simɔɔ, akū ò gā nàa à Yesu lígbāndurukpana sé. ³³ Akū ò kà gu kú òdi pi Gɔgɔta kú à pì m̀tokoki. ³⁴ Akū ò sèwē kú ò yàkate kú ezee d̀ne à mi. Kū à í kè, akū à g̀ mii. ³⁵ Kū ò a pá lía, akū ò kàpaa kpà ò a pókasanɔ kpàatekōne. ³⁶ Akū ò vùte òteni a dàkpá gwe. ³⁷ Ò yā kú ò d̀aa kè ò nà a m̀la ò pì:
Yudanɔ kína Yesun dí.

³⁸ Akū ò kpāni wédewenɔ pà lía a sare gbēnɔn pla, gbē do a ɔplai, gbē do a ɔzei. ³⁹ Gbē kú òten gē zéla gweno teni n̄ m̀i ke dékūdekū, òteni a s̀s̀ ⁴⁰ ò pì: M̀kōn kú n̄ pì òni Luda kpé wí n̄ era n̄ bo gɔɔ aakō daguran gweroo? Tó m̀kōmme Luda Né ũ, n̄ n̄ zĩda sura ba n̄ kipa lía. ⁴¹ Leme do sa'orikinɔ kú ludayādanerinɔ kú gbē zōkōnɔ teni a fobo le ò pì: ⁴² À gbē pāndenɔ sura bà, ama ani f̀ à a zĩda sura baro. Isarailanɔ ḱnanloo? À kipa lía tera, óni a náani ke. ⁴³ À Luda náani v̄. Tó Luda yei, à a bo sà, zaakū à pì akāame Luda Né ũ. ⁴⁴ Bee kpāni kú ò n̄ pá lía lèlèno teni a s̀s̀ le do.

Yesu ganaa

(*Maa 15:33-41, Luk 23:44-49, Yuh 19:28-30*)

⁴⁵ Kū ifantē kà midangura, akū gusira dà b̀suu p̀la pínki ari fānantē mò aakō. ⁴⁶ Fānantē mò aakōn Yesu wiki lè gbānagbāna à pì: Eloi, Eloi, lema sabatani! Abirekū pì, ma Luda, ma Luda, à kè dera n̄ ma tonn? ⁴⁷ Kū gbē kú ò zena gwe kenɔ yā p̀i mà, akū ò pì: Dake ten Iliasu sísi. ⁴⁸ Zaa gwe g̀nɔ n̄ gbē do bàa lè à gèe à sako sè à dà sèwē kpàkpāa gūn, à fífí lebaa, akū à d̀ Yesune à mi. ⁴⁹ Akū gbē kparanɔ pì: À ze g̀a ò gwa tó Iliasu ni su à a sura ba. ⁵⁰ Yesu era à wiki gbāna lè do, akū à a wèndii gbàre.

⁵¹ Akū Luda kpé lábure kèkōa pla bona musu suna zĩte. Zĩte yīgāyīgā, gbèno pàrapara, ⁵² miranɔ wèwē, akū Luda gbèno fùte bona gan dasi. ⁵³ Yesu vuna gan gbera ò bòte miran, ò gè Luda wèten, gbèno n̄ é dasi. ⁵⁴ Kū sozanɔ gbē zōkō kú a gbē kú òten Yesu dàkpānɔ zĩte yīgāyīgānaa p̀i è kú yā kú ò kènɔ pínki, v̄ina n̄ kú manamana ò pì: Yāpurame Luda Né n̄ gbē dí ũ. ⁵⁵ Nɔgbèno kú gwe dasi, òten gu gwa zà dire. Ò té Yesui bona Galilime, òdigō p̀ble kene. ⁵⁶ N̄ tén Mariama Magadalenì kun kú Mariamao Yamisì kú Yusufuo da kú Zebedi nènɔ dao.

Yesu v̄inaa

(*Maa 15:42-47, Luk 23:50-56, Yuh 19:38-42*)

⁵⁷ Kū ɔkosi kè, Arimatea gbē ɔgɔde kú òdi pine Yusufu sù. Yesu ibaame do. ⁵⁸ À gèe à Yesu gèe gbēka Pilatia, akū Pilati pì ò kpáa. ⁵⁹ Kū Yusufu gèe p̀i sè, a táaru biza dufu fífí, ⁶⁰ à a dà a zĩda gbèwèe kú ò s̀ mira ũ gūn. Akū à gbè gbèntèe gbigiri kè à tà wèe p̀le à tà. ⁶¹ Mariama Magadalenì kú Mariama pānde p̀io vutena gwe, ò areɔna miraa.

⁶² Kū gɔɔ lite, kāmabogɔɔ zĩ kà, akū sa'orikinɔ kú Farisinɔ gèe Pilati k̄inaa lèle ⁶³ ò pì: Yā kú gbèkakerii p̀i ò a bēne zĩ d̀ógu à pì, gɔɔ aakō gbera áni vu. ⁶⁴ N̄ tó ògō mira pì dàkpá ari a gɔɔ aakōde zĩ. Tó lenlo, a òbanɔ ni

su ò a gè sé kpāni, oni o gbēnōne à fùte bona gan. Èke kpe bire nigō de a káakupōla. ⁶⁵ Akū Pilati pìñne: À sozanō sí à gé à mira pì dākpā lākū áni fō nà. ⁶⁶ Akū ò gèe ò sèedaa kè miragbēea, ò sozanō tò gwe ògō dākpā.

28

Yesu vunaa

(Maa 16:1-8, Luk 24:1-12, Yuh 20:1-10)

¹ Kámmabogōrō gbera azumanēna zī kōnkōkōnkō Mariama Magaleni kū Mariama pānde pìio bò ò gèe mira gwa. ² Akū zīte yìgāyīgā gbānagbāna, zaakū Dikiri malaika ke bò musu, à sù à gbēe pì gbigiri kè à gò mira léa, akū à vùtea. ³ A ān de lán legūpinaa bà, a uta de pú táitai lán buu bà. ⁴ Vīna gudākparinō kù, òten lukaluka, akū ò gō sàii. ⁵ Akū malaika pìi pì nōgbē pìnōne: Àsun tó vīna á kūro. Má dō kū Yesu kū ò pà líaan áten wete. ⁶ À kú laro, à fùte lākū à ò nà. À mō à gu kū ò a wùten gwa, ⁷ á gé à o a ìbanōne likalika à fùte bona gan. Ani doñne are gena Galili. Gwen áni a en. Ma òáren gwe.

⁸ Akū ò bò miran likalika kū vīnao, ama n pō nna zōkō. Ò bàà lè òten gé a baaru kpá a ìbanōne. ⁹ Akū Yesu dàñle gōnō, à fō kpàmma. Kū ò nài, ò donyī kēne, akū ò ò nà a gèsekpea. ¹⁰ Akū Yesu pìñne: Àsun tó vīna á kūro. À gé à o ma gbēnōne ò gé Galili. Gwen oni ma en.

Soza gudākparinō yagbānēnaa

¹¹ Kū nōgbēnō tà, akū soza gudākpari kenō gè wēte gūn, ò yā kū ò kēnō ò sa'orikinōne pínki. ¹² Akū sa'oriki pìnō gbē zōkōnō sisi, ò yā gōgō, akū ò gō zōkō kpà sozaa pìnōa gusare ¹³ ò pì: À pi a ìbanō mé ò sù gwāani, ò a gèe sé kpāni gōrō kū áten i o. ¹⁴ Tó būsū gbē zōkō yā pìi mà, óni kúte kēne, áni bo yāketen. ¹⁵ Sozanō gōrō pìi sì, akū ò kè lākū ò dàñne nà. Akū yā pìi gō Yudanōne baaru ũ ari kū a gbārao.

Yesu zī nana a ìbanōne n cī

(Maa 16:9-20, Luk 24:36-53, Yuh 20:11-23, Zīr 1:6-8)

¹⁶ Yesu ìba gbēnōn kuri awēedonō gèe Galili kpi kū à a ki gōgōñne yā musu. ¹⁷ Kū ò a è, ò donyī kēne, ama n gbēkenō ten sika ke. ¹⁸ Akū Yesu nànyī à pìñne: Luda musu kū zīteo iko pínki kpāma. ¹⁹ Abire yāi à gé à buri sīnda pínki ke ma ìbanō ũ, à n da'ite ke kū De Luda tóo kū a Né tóo kū a Nini tóo, ²⁰ à yā kū má dìteárenō dañne ògō kūna pínki. À ma, manigō kú kááo gōrō sīnda pínki ari andunia gé lākao.

MAAKU

Baaru nna kū Maaku kèè
 Yesu da'itekènaa 1:1-1:13
 Yesu yádannèna Galili 1:14-9:50
 Zaa Galili ari Yurusalemu 10:1-10:52
 Yesu kunna Yurusalemu 11:1-14:9
 Yesu gana kū a vunaao 14:10-16:20

Yahaya Da'itekeri waazikenaa
 (Mat 3:1-17, Luk 3:1-22, Yuh 1:19-28)

¹ Luda Né Yesu Kirisi baarun dí. ² À nàa lákū à kú annabi Isaya takada gūn nà à pì:

Mani ma z̄iri gbarɛ n ā

à zé kekɛnɛ.

³ À baarukparii kòto ma dɔ gbárannan àten pì:

À zé keke Dikirine,

à zé kotinanɔ poronɛ súsu.

⁴ Len Yahaya Da'itekeri sù gbárannan le, àten waazi ke gbɛnɔnɛ à pì ò nèse lite ò da'ite ke, Luda ni n̄ durunnanɔ kɛ́n̄ma. ⁵ Yudea b̄usudenɔ kū Yurusalemudenɔ ḡɛ a k̄inaa n̄ p̄inki. Òdi n̄ durunnanɔ o gupuraa, akū àdi n̄ da'ite ke Yodai. ⁶ Yahaya diḡɔ pókasa kū ò t̄à kū lakumi k̄aonɔ dana, àdi bára asa dɔ a pi. Kwa kū z̄ó'ioomɛ a pób̄le ũ. ⁷ À waazi kè à pì: Gb̄eke ni su ma gbera a gb̄ana demala. M̄adi ká mà kúte mà a kyate bobonero, ⁸ m̄adi á da'ite ke kū íome, àkū mé ani á da'ite ke kū Luda Ninio.

Yesu da'itekèna
 (Mat 3:13-4:11, Luk 3:21-22)

⁹ Gɔrɔ b̄irea Yesu b̄o Nazera, Galili b̄usun, à sù, akū Yahaya a da'ite kè Yodai. ¹⁰ Kū Yesu bikù ḡonɔ, à è ludambe ten w̄k̄ɔa, Luda Nini ten suawa lán pot̄ɛnɛ bà. ¹¹ Akū à kòtoo mà bona ludambe à pì: M̄ok̄ɔmɛ ma né m̄en do légelege yenyĩde ũ, kū ma p̄o n̄nanna manamana.

Yesu ȳogwanaa
 (Mat 4:1-11, Luk 4:1-13)

¹² Akū Luda Nini a gb̄are gbárannan ḡonɔ, ¹³ akū à kú gwe kū n̄b̄os̄ɛntɛnɔ ari gɔrɔ bupla, Setan teni a ȳò à gwa. Akū malaikanɔ sù ò kp̄ai.

Yesu ìba káakunɔ sisinaa
 (Mat 4:18-22, Luk 5:1-11)

¹⁴ Yahaya k̄unaa gberan Yesu tà Galili, àten baaru nna kū à b̄o Luda k̄inaa kp̄á ¹⁵ à pì: A gɔrɔ kà, kpata kū à b̄o Luda k̄inaa kà k̄ani. À nèse lite à baaru nna pì sí.

¹⁶ Kū Yesu ten do Galili sèb̄ei, à Simɔ kū a dakūna Anduruuo è, òten birigi kp̄á sèb̄eɛ p̄in, zaakū s̄ɔr̄ok̄onɔmɛ. ¹⁷ Akū Yesu p̄in̄ne: À m̄ó à t̄émai, mani á ke gb̄eweterinɔ ũ. ¹⁸ Zaa gwe ḡonɔ ò n̄ biriginɔ t̄on ò b̄o ò t̄èi. ¹⁹ Kū à ḡɛ arɛ fiti, à Zebedi né Yamisi è kū a dakūna Yuhanao. Ò kú gó'ite gūn, òteni n̄ biriginɔ keke. ²⁰ À n̄ sísi ḡonɔ, akū ò n̄ de Zebedi kū zamalingakerinɔ t̄ò gó gūn gwe ò b̄o ò t̄èi.

Yesu tånade werekõana Kapenamumu
(Luk 4:31-37)

²¹ Ò gèe Kapenamumu. Kù kámmabogorò kà, Yesu gèe aduakekpen, àten yá dañne. ²² A yádannena bò ñ sare, zaakù àdi dañne kù ikoomme, adi ke lán ludayádannerino pò bànlo.

²³ Gorò birea gōgbē tånade ke kù aduakekpen gwe. À wiki lè à pì: ²⁴ Bón ó vī kō ñi, Yesu Nazera? N su ñ ó kakaten yá? Má dō gbē kù ñ de a ù, mōkōmmme Luda gbē kù à kù adona ù. ²⁵ Akù Yesu gì tana pìne à pì: Ñ yīte! Ñ go gbē pìia. ²⁶ Akù tana pì a yīgāyīgā à wiki gbāna lè, akù à gò. ²⁷ Bìdi gbēno kù ñ pínki, òten kō lala: Bó taka buri yān díi? Yádannena dufun yá? Àdi yá dañne kù ikooó fá! Bee kù tånano, tó à yá dìteñne, òdi a yá mame. ²⁸ Akù kánto a tó dà Galili būsula pínki.

Yesu gyārenō werekõana dasi
(Mat 8:14-17, Luk 4:38-41)

²⁹ Kù Yesu bò aduakekpen, akù à tà Simo kù Anduruo bea gōno kù Yamisio kù Yuhanao. ³⁰ Simo nana da wútena, mēwāna a kù, akù ò a yá ò Yesune gōno. ³¹ À gèe a kīnaa à a kù a o a a fùte. Akù a sikonnaa pìi wèrea ari à pòble kēñne.

³² Kù okosi kè, ifāntē ten gē kpén, ò sùne kù gyārenō kù tånadenō ñ pínki. ³³ Wētedenō kākara a kpé kpélelele ñ pínki. ³⁴ À gbēno kēkōa dasi kù gyā buri sīnda pínki, à tånano gò gbēno a dasidasi. Àdi tånano gba zé ò yá oro, zaakù ò dō gbē kù à de a ù.

Yesu waazikena zaa Galili
(Luk 4:42-44)

³⁵ Kōnkōkōnkō Yesu fùte à bò à gèe sēn gusare, àten adua ke gwe. ³⁶ Akù Simo kù a gbēno pètei. ³⁷ Kù ò bò, ò pìne: Gbē sīnda pínki teni n gbeka. ³⁸ Akù à pìñne: Ò gé gu pāndea lakutu kù à kù ó sareno gūn, mani waazi ke gwe dō, zaakù abire yāin ma su. ³⁹ Leme àdigō kure Galili būsū gu sīnda pínkia le, àdigō waazi ke ñ aduakekpeno gūn àdigō tånano gogomma.

Kusude werekõanaa
(Mat 8:1-4, Luk 5:12-16)

⁴⁰ Akù kusude ke sù a kīnaa à kùte à wé kèa à pì: Tó ñ yei, ñni fō ñ ma werekōa swáswa. ⁴¹ À kè Yesune wēnda, akù à bō à kèa à pì: Má yei, ñ gō swáswa. ⁴² Zaa gwe gōno a kusu làka à gō swáswa. ⁴³ Akù Yesu a gbàre gōno à gine à pì: ⁴⁴ Ñsun o gbēke maro. Ñ gé ñ n zīda mo sa'oriine, ñ sa'opo kù Musa dìte kpá n werekōana sēda ù gbēno. ⁴⁵ Kù à bō, à gèe àten yá pì o'oinne. Yá pìi dàgula, akù Yesu dì fō à gē wēten gupuraa doro. Àdigō kù sēn gusareme, akù òdigō bo gu sīnda pínkia ògō su a kīnaa.

2

Gbē kōnkōkuna werekõanaa
(Mat 9:1-8, Luk 5:17-26)

¹ Gorò pla gbera Yesu era à tà Kapenamumu. Kù ò mà à kù be, ² akù ò kàkarai dasidasi, gēki kun doro bee kpélelele, àten Luda yá oñne. ³ Akù ò sùne kù gbē kōnkōkuna, gbēnon siikō mé ò a sena. ⁴ Kù odi le ò nà kāao Yesuiro pari yāi, akù ò dīdi kāao kpé musu, ò kpé fō gu kù Yesu kunwa. Kù ò fō, akù ò gyāre pìi kipa kù a wútebo. ⁵ Kù Yesu è ò a náani vī, à pì gbē kōnkōkuna

piine: Ma gbě, n durunnano kemma. ⁶ Ludayadanneri ken vutena gwe òten o n nesee gun: ⁷ Bóyái gbě dí ten o lee? Àten dake kú Ludaome! Dí mé ani f̄ à durunnano kemma, tó adi ke Luda ado baasiroo? ⁸ Gwe ḡno Yesu d̄ a nesee gun laasun kú òten lé, akú à n lá à pì: Bóyái àten laasun bire taka lé á nesee gunn? ⁹ Tó ma pì gbě k̄nkunaa piine a durunnano k̄ea, ke tó ma pì à fute à a wútebo sé à táa o, a kpate mé à aragaa? ¹⁰ Ma ò le de aḡ d̄ kú Bisāsiri Né durunnano kemmana iko v̄i z̄ite lame. Akú à ò gbě k̄nkunaa piine à pì: ¹¹ Ma ònne ò fute ò n wútebo sé ò tá be. ¹² Akú à fute ḡno à a wútebo p̄i s̄ à b̄o gb̄no wára n p̄inki. Yā p̄i b̄o n sare, akú ò Luda tó b̄o ò pì: Ódi yā dí taka e yāro.

Yesu Levi sisinaa
(Mat 9:9-17, Luk 5:27-39)

¹³ Yesu era à b̄o à ḡe s̄ebe léa. Òten su a k̄naa dasidasi, akú àten yā dañne. ¹⁴ Ḡo kú àten ḡete, akú à Alafeu né Levi è vutena a be'oḡosikin. À pine: Ñ m̄ ò t̄mai. Akú à fute à t̄i.

¹⁵ Z̄ikea kú Yesu ten p̄o ble Levi p̄i bea, be'oḡosirino kú kifirino ten p̄o ble k̄ao dasi kú a ibano lee. Zaakú gbě bire takanon t̄i dasi. ¹⁶ Farisi kú òdi Luda yā dañnenon kú gwe. Kú ò è Yesu ten p̄o ble lee kú be'oḡosirino kú kifirino, akú ò a ibano là ò pì: Bóyáin àten p̄o ble lee kú be'oḡosirino kú kifirino? ¹⁷ Kú Yesu yā p̄i mà, à p̄inne: Gb̄e kú à aafia v̄i bàka kú kú likita yāoro, sé gyāre. Madi su gb̄e manano sisiro, sé kifirino.

Léyinaa
(Mat 9:14-17, Luk 5:33-39)

¹⁸ Yahaya Da'itek̄eri ibano kú Farisino ten lé ȳi, akú ò s̄u ò Yesu là ò pì: Yahaya ibano kú Farisi ibano di lé ȳi, akú n ibano di ȳi sero bi? ¹⁹ Akú Yesu p̄inne: N̄seri gb̄eno ni lé ȳi ḡo kú à kú k̄uwo n̄se gun yā? Oi! Ḡo kú n̄seri kú k̄uwo, oni lé ȳi. ²⁰ A ḡo ni su kú oni n̄seri bo n̄ té. Ḡo birean oni lé ȳi s̄a. ²¹ Ódi p̄ole dufu nambata di uta z̄ilaro. Tó ò k̄e le, a dufu ni s̄okun oni k̄ek̄sa, uta z̄i f̄na ni kara. ²² Ódi s̄ew̄e dufu ká t̄uru z̄i gunlo. Tó ò k̄e le, w̄e p̄i ni t̄uru p̄ut̄a, w̄e kú t̄uruo ni yaka n̄ p̄inki. Oi, òdi s̄ew̄e dufu ká t̄uru dufu gumme.

Kámmaboḡo yā
(Mat 12:1-21, Luk 6:1-11)

²³ Kámmaboḡo z̄i kea Yesu ten p̄a buranola. Lákú àten gé nà a ibano p̄oblewe w̄oro òten só. ²⁴ Akú Farisino pine: Ñ gwa! Bóyáin òten yā kú òdi ke kámmaboḡo z̄i ro kee? ²⁵ Akú Yesu w̄er̄ma à pì: Àdi a kyó ke ziki a è lákú Dauda k̄e ḡo kú à p̄ii kú a gb̄eno ten takasi ke, kú nà teni n̄ deroo? ²⁶ Sa'oriki Abiata ḡo a à ḡe Luda onn, à burodi kú ò k̄ate Ludanee s̄o, kú gb̄eke a sona z̄e v̄i, sé sa'orino, akú à kp̄a a gb̄eno. ²⁷ Yesu era à p̄inne d̄o: Luda kámmaboḡo dìte bisāsiri aafia yāime. Adi ke kámmaboḡon à bisāsiri k̄eiro. ²⁸ Abire yāi Bisāsiri Né iko v̄i kámmaboḡo se.

3

¹ Yesu era à ḡe aduak̄ep̄en. Ḡogb̄e ke kú gwe a o do íbana. ² Gb̄ekenon ten Yesu t̄aasi ká, tó ani a werek̄sa kámmaboḡo z̄i, de ò yā le ò dia. ³ Akú Yesu p̄i gb̄e kú a o íbanaa piine: Ñ fute ò ze z̄a gun. ⁴ Akú à n lá à pì: Kámmaboḡo z̄i à z̄e v̄i ò a mana ken yā, ke a v̄ani? Ò gb̄e m̄i sín yā, ke ò deme? Akú odi

yàke oro. ⁵ Yesu n gwá pofeò à likai, zaakū a pɔ yàka n sàgbàna yāi. Akū à pì gōgbē pìine: Ñ n ɔ pìi poro. Kū à pòro, akū a ɔ pìi kè a gbèn. ⁶ Akū Farisino bôte ò gèe ò yā gōgō kū kína Herodu gbēno gōno, deran oni ke nà ò Yesu de.

Dasi kōkakarana sèbe léa

⁷ Yesu kū a ìbanɔ n zīda gānne gwe ò gèe sèbe léa. Akū pari bò Galili ò tēi. ⁸ Gbēkenɔ bò Yudea ɔ kū Yurusalemuo kū Edomu būsuuo kū Yoda barao kū Tayao kū Sidšo ò sù a kīnaa dasidasi, kū ò yā kū àten kenɔ baaruu mà yāi. ⁹ Pari yāi Yesu ò a ìbanone ò gó'ite soru keare, de òsun nakaraawaro yāi. ¹⁰ Zaakū Yesu gbēno wèrekōa dasi yāi, akū gyāreno ten nakaraa dasi de ò le ò ɔ naa. ¹¹ Tānadeno sō, tó ò a wé è, òdi su ò wúte a areme, òdi wiki lé ò pi: Mōkōmme Luda Né ũ. ¹² Akū Yesu di gīnne ò o gbē kū á de a ũ.

Yesu ziri gbēnon kuri aweeplanɔ ditēnaa

(Mat 10:1-4, Luk 6:12-16)

¹³ Kū Yesu didi kpia, à gbē kū à yeino sisiai, akū ò sù a kīnaa. ¹⁴ Akū à gbēnon kuri aweeplanɔ dite ògō kú káao, de ògō n zī waazi ke, ¹⁵ ògō iko vī ò tānanɔ gorŋma. À tó kpānne zīrinɔ. ¹⁶ Ñ tón dí: Simɔ kū à tó kpāne Pita. ¹⁷ Zebedi né Yamisi kū a dakūna Yuhanao. À tó kpānne Bōanege. Tó bire pì surapatammarinɔ. ¹⁸ Abire gbera Anduru, Filipi, Batolmiu, Matiu, Tomasi, Alafeu né Yamisi, Tadeu, Simɔ Kokaride ¹⁹ kū Yudasi Isikarioti kū à bò a kpeo.

Tānagona gbēnoa

(Mat 12:22-32, Luk 11:14-23)

²⁰ Kū Yesu tà be, akū gbēno èra ò kākara ɔ dasi, akū Yesu kū a ìbanɔ dí zé le ò pɔ blè sero. ²¹ Kū a bedenɔ yā pìi mà, ò dà zén ò a gbese, zaakū òten pì ìa kàame.

²² Ludayādanneri kū ò bò Yurusalemu ò sùnɔ pì: À Belezebubu vī, tānanɔ kína pì gbānan àdi tāna goorŋma. ²³ Akū Yesu n sisiai à yālekōana ònne à pì: Setan ni fō à a zīda gorŋma yá? ²⁴ Tó kpata gbēno ìberēe sè kú kōo, kpata pì ni gì ke yá? ²⁵ Tó be kèkōa leu pla, akū ìberē kú n dagura, be pì ni gì ke yá? ²⁶ Tó Setan ìberēe sè kú a zīda gbēno ò kèkōa, ani gì kero, ani mì demē. ²⁷ Gbēke ni fō à gē gōsa gbāna kpén à a pónɔ sétero, séto à a yī gīa, gbasa à a kpé wara.

²⁸ Yāpuran maten oáre, Luda ni gbēno durunnano kēmŋma kū a tó vāni kú òdi sísino pínki, ²⁹ ama tó gbē Luda Nini tó vāni sisi, ani kēaro, zaakū ade durunna kú àdi sí kēmŋmaro kēme. ³⁰ Yesu ò le kú ò pì à tāna vī yāime.

Yesu danenɔ

(Mat 12:46-50, Luk 8:19-21)

³¹ Kū a da kū a dakūnanɔ kà, ò zè bàai, akū ò gbē zī ò a sísi. ³² Gbēnon vutena ò likai dasi, akū ò pìne: Ñ gwa! N da kú n dakūnanɔ ze bàai òteni n gbeka. ³³ Akū à wēmŋma à pì: Dín ma da kú ma dakūnanɔ ũu? ³⁴ Akū à gbē kú ò vutenaainɔ gwà à pì: Ma da kú ma dakūnanɔn dí. ³⁵ Gbē kú àdi Luda pɔyenyīna kemē ma dakūna kú ma dāreo kú ma dao ũ.

4

Yālekōana kú pōwefariio

(Mat 13:1-23, Luk 8:4-15)

¹ Yesu era àten yá dañne sèbèe sare. Ò kàkarai dasidasi, akū à gè à vùte gó'iten íla, gbēnɔ gò katena sīsī bara sèbe léa ní pínki. ² À yá dañne kū yālekšananɔ dasi. Lákū àten dañne nà à pì: ³ À sá kpá! Búbari ke mé à kun à bò à gèe pówè fā. ⁴ Lákū àten fā nà, akū a kenɔ lète zé gūn, bānɔ sù ò blè. ⁵ A kenɔ lète gbè sàraa musu, gu kū à bùsu vī dasiro, akū ò bùte gònɔ, kū bùsuu gègete gwero yāi. ⁶ Kū ifántē fùte, akū ò té kū ò gàga, kū ò zīni vīro yāi. ⁷ A kenɔ lète lènɔ gūn, akū lèe fùte à nàkaramma odi né iro. ⁸ A kenɔ sō ò lète zīte mana gūn. Ò bùte ò fùte ò né ì, a kenɔ karanaa kè baraakurikuri, kenɔ baaakòkò, kenɔ basɔsɔro. ⁹ Akū Yesu pì: Gbē kū à sā vī à yā pì ma.

¹⁰ Kū Yesu gòrñe gwe à kú ado, akū a gbēnɔn kuri awèeplanɔ kū gbē kū ò kúinɔ sù ò yá pìnɔ m̀i gbèkaa. ¹¹ Akū à pìñne: Luda kpata kū à bò a kīnaa asiri kpááwa àgò dō, ama madì yā sīnda pínki o gbē kparanɔne kū yālekšananɔme,

¹² de ògō gwagwa pòke'ena sari,
ògō sá kpákpa a d̀rɔ d̀naa sari,
de òsun arɛ d̀ Ludaa,
à ní durunnanɔ kēím̄maro yāi.

¹³ Akū Yesu ní lá à pì: Á yá pì d̀roo? Deran áni yālekšana ke d̀o? ¹⁴ À ma! Búbari p̄i Luda yān àten fā. ¹⁵ Gbēkenɔ de lán zé gūn pówè bà, gu kū ò Luda yā fān. Tó ò mà, akū Setan dì su à Luda yā kū ò fā ní té pì símma gònɔ. ¹⁶ Gbēkenɔ de lán pówè kū à lète gbè sàraa musu bà. Tó ò Luda yā mà, òdi sí gònɔ kū p̄nnao. ¹⁷ Zaakū ò zīni vīro, òdi ke gɔrɔ plaro. Tó yá ūmmana ní lé ke tó ò wé tām̄ma yā pì yāi, òdi fume gònɔ. ¹⁸ Gbēkenɔ de lán pówè kū à lète lènɔ gūn bà. Ò Luda yā mà, ¹⁹ ama andunia yā damukena kū yena aruzek̄eiio kū p̄ kparanɔ nidenaò dì nakaramma, akū yā p̄i dì gō àree sari. ²⁰ Gbēkenɔ de lán pówè kū ò lète zīte manaanɔ bà. Òdi Luda yā ma ò sí, akū òdi ke karana p̄ ū, ní kenɔ baraakurikuri, kenɔ baaakòkò, kenɔ basɔsɔro.

Yālekšana kū fitilao
(Luk 8:16-18)

²¹ Yesu pìñne: Òdi fitila na ò gbaka kútea ke ò dite gádo gbáru yá? fitiladibɔɔ musun òdi dinloo? ²² Asiri ke kun kū oni gí boaaíro. Pòke kun utena kū ani bo gupuraaro. ²³ Gbē kū à sā vī à yā pì ma.

²⁴ À pìñne d̀: À laakari ke yā kū áten maa. Zaka kū adì ỳoóñnen Luda ni ỳoáre ani era à karaáre d̀. ²⁵ Gbē kū à p̄ vī Luda ni karane. Gbē kū à pòke vīro sō, bee a fítinna kū à vī Luda ni sía.

Yālekšana kū pówèbutenaao

²⁶ À pì d̀: Kpata kū à bò Luda kīnaa de lán pówè kū gbē fā bura bà. ²⁷ Gwāani kū fānantēo bee tó àten i o ke à bēne, pówè p̄i dì bute à zòkò kū, gbē p̄i dìgō dō lákū àdi ke nàro. ²⁸ Zīte mé àdi pòblewe i a zīda. Àdi kà pá gīa gbasa à nò sí, a gberan àdi pia. ²⁹ Tó à mà, akū òdi kē kū kōmao, zaakū a kēgɔrɔ mé à kà.

Yālekšana kū musadi wéo
(Mat 13:31-32, 34, Luk 13:18-19)

³⁰ À pì d̀: Bón kpata kū à bò Luda kīnaa bòkšaoo? Bón óni le ò lekšaoo? ³¹ À de lán musadi wé bà, kū a wé kete de pówè kū òdi t̄nɔla pínki, ³² ama tó ò t̄s̄, àdi bute à zòkò kū de d̀ò p̄nɔla pínki. Àdi ɔne gègetenɔ ke ari bānɔ dì su ò didi a lá uran.

³³ Yesu Luda yā ònne dasi kù yálekōana bire takanó n̄ mana lén. ³⁴ Adì yáke oñne yálekōanaa sariro. Tó à kù kù a ìbanō òtēne, akù àdi yā sīnda pínki bókoteñne.

Yesu zàga'ia zēnaa
(Mat 8:23-27, Luk 8:22-25)

³⁵ Kù ɔkosi ten ke, à pì a ìbanōne: Ò bikū bara. ³⁶ Lákū Yesu kù gó gūn nà, akù ò gè káao lēle ò dà zén le ò pari tò gwe. Gó pāndenō gèe kūnwo. ³⁷ Akù zàga'ia gbāna fūte. Í ten gó yīpayīpa àten ká a gūn ari à ye à pa. ³⁸ Yesu kù gó kpe kpa, àten i o a mì di mibókɔɔa. Akù a ìbanō a vù ò pīne: Danneri! Kù óten kákate, n̄di bídi keroo? ³⁹ Akù à fūte à pàta ìaa à pì íne: N̄ yīte! N̄ ze tēne! Akù ìa kpàte, gu yī kítikiti. ⁴⁰ Akù à n̄ lá à pì: À kè dera á sika vī lēe? Ase á ma náani vīro ari tera yá? ⁴¹ Akù ò gō bídi gūn òten kō lala ò pì: Dín gbē dí ũ sée? Bee ìa kù ío dì a yā mame.

5

Tānanō gbarena alēdenōa
(Mat 8:28-34, Luk 8:26-39)

¹ Ò kà Gadara būsun sèbēe bara. ² Kù Yesu bò gó gūn gōnō, tānade ke bò gēvīkia à sù à dàale. ³ Àdigō kù gbēwee kù à de mira ũnō gūn. Bee mōkakōanaa dì fō à a yī doro. ⁴ Zaakū òdi a yī kù mōkakōanaaome òdi a da lín baala'i, ama àdi mō pīnō kēkē àdi lí pīnō gborogboro. Gbēke dì a gbāna fōro. ⁵ Gwāani kù fānantēo pínki àdigō kure gēvīkin kù sīsigerēnō, àdigō wiki lé àdigō a zīda líli kù gbēeo.

⁶ Kù à Yesu è zāa, akù à bàa lè à sù à kùte a arē. ⁷⁻⁸ Kù Yesu pì tāna pì goa, akù à wiki gbāna lè à pì: Yesu, Luda Musude Né, bōn ó vī kō ɔi? Ma nanne Ludai, òsun wé tāmāro. ⁹ Akù Yesu a là à pì: N̄ tón deraa? Akù à wèa à pì: Ma tón Dasi, zaakū ó dasi. ¹⁰ Akù ò kùte kè Yesune manamana ò pì àsun pémma būsuu pìi gūnlo.

¹¹ Alēde kpàsa zōkō kù gwe, òten pó ble sīsigerēi. ¹² Akù tāna pīnō wé kè Yesua ò pì: N̄ ó gbare alēdenō té ò dirīma. ¹³ Yesu n̄ gbá zé, akù tāna pīnō gòà ò dì alēde pīnōa. Akù alēde kpàsa kù à kà wàa kuri taka pīnō bò kù bàao ò sòro sīsigerēi ò sì sèben, akù ò gàga gwe. ¹⁴ Akù alēdēdārinō bàa lè ò gèe yā pì bàbañne wēte gūn kù buranō. Akù gbēnō bōte ò gèe yā kù à kèe pì gwa. ¹⁵ Kù ò sù Yesu kīnaa, ò gōgbē kù tāna kù a gūn dasi yā pìi è vutena gwe, à uta dana à bànn pìi wèrea, akù vīna n̄ kù. ¹⁶ Gbē kù ò yā pìi è kù wéonō yā kù à tānade pì lèe ònne kù alēdenō yāo. ¹⁷ Akù ò kùte kè Yesune kù à boñne n̄ būsun.

¹⁸ Kù Yesu ten gē gó'iten, gōgbē kù à tānanō vī yā pì wé kèa de à le à tá káao. ¹⁹ Yesu dí wero à pīne: N̄ tá n̄ bea n̄ gbēnō kīnaa, n̄ yā kù Dikiri kēnne oñne pínki, dera à n̄ wēnda bò nà. ²⁰ Akù gōgbē pìi tà, àten yā kù Yesu kēne kpákpa ke Wētēmenkuri būsun, akù yā pìi bò gbē sīnda pínki sare.

Yairu né vuna kù nōgbē kù à ɔ nà Yesu utaaao
(Mat 9:18-26, Luk 8:40-56)

²¹ Yesu èra à bikū sèbēe bara kù góo, akù pari kàkarai sèbe léa. ²² Aduakekpe gbē zōkō kù òdi pīne Yairu sù gwe. Kù à Yesu è, à wùte a kùaa a gbá sare, ²³ akù à kùte kēne manamana à pì: Ma nēnōgbē kù ga léi.

Ñ mós ñ ɔ naa de à gbāna kū àgō kú wèndiio. ²⁴ Akū Yesu dà zén kāao. Pari téi òten nakaraa.

²⁵ Nɔgbē ke kú gwe aru di bɔtea à kà wè kuri awεεpla. ²⁶ Ezedenɔ a kè takaside ũ manamana, à a ɔgɔ dè pínki. Adi aafia lero, àdi kεke àgō karamε. ²⁷ Kū à Yesu baaruu mà, akū à nà Yesu pari gūn kpε kpa. Akū à ɔ nà a utaa, ²⁸ zaakū à pì: Bee tó ma ɔ nà a utaa dé, mani werekōa. ²⁹ Akū a arubɔtenaa pìi zè gōnɔ. À dō a mēe gūn a werekōa kú a gyā pìio. ³⁰ Zaa gwe gōnɔ Yesu dō a mēe gūn gbāna ke bò a gūn, akū à lite pari gūn à pì: Dí mé à ɔ nà ma utaaa? ³¹ Akū a ìbanɔ pìne: N è lākū gbēnɔ ten nakaramma nà, akū n pì dí mé à ɔ nàmma yá? ³² Akū Yesu gbēnɔ gwà à likai de à gbē kú à yā pìi kè e. ³³ Vīna nɔgbē pìi kù àten lukaluka, zaakū à dō yā kú à a lè a mēe gūn, akū à sù à wùte a kúaa a gbá sare à a yāpura òne pínki. ³⁴ Akū Yesu pìne: Nɔgbē, ma náani kú n kè mé à n werekōa. Ñ tá be aafia, n gyā pìi kèmmann gwe.

³⁵ Kū Yesu kpé àten yā o, ò bò aduakekpε gbē zōkō pìi bea ò sù ò òne: N né pìi kè sari, ñsun wari dɔ danneriia doro. ³⁶ Yesu dí sã kpá n yāiro, ben à pì gbē zōkō pìine: Ñsun tó swè kēnguro, ñ ma náani ke dé. ³⁷ Adi we gbēke gé zearero, sé Pita kú Yamisio kú Yamisi dakūna Yuhanao. ³⁸ Kū ò kà gbē zōkō pìi bea, Yesu è òten ɔɔ dɔ òten wiki gbāna lé òten n zīda kēkē manamana. ³⁹ Kū à gè kpén, à n lā à pì: Bóyāi átēni á zīda kēkē àten ɔɔ dɔɔ? Né pì dí garo, àten i omε. ⁴⁰ Kū òtēni a lalandi ke, akū à pèrīma ò bòte bàai n pínki. Sé né pì de kú a dao kú a ìba kú ò kú káaonɔ, mókōnɔmε à n sé à gè kúnwo gu kú né pìi kunwa. ⁴¹ Akū à né pì ɔ kú à pìne: Talita kum! Yā pìi pì, nénɔkpare, ñ futε. ⁴² Zaa gwe gōnɔ né pìi fùte à taa ò. Né pìi sō à kà wè kuri awεεpla. Yā pìi bò n sare manamana. ⁴³ Akū Yesu giñne sãnsãn òsun o gbēke maro. Akū à pì ò pòble kpáa à ble.

6

Nazeradenɔ gina Yesu (Mat 13:53-58, Luk 4:16-30)

¹ Yesu bò gwe à gèe a be wēten, a ìbanɔn téi. ² Kū kámmabogɔɔ kà, akū àten yā dañne aduakekpen. Akū pari kú ò a yā mànɔ bídi kè ò pì: Mákpan gōgbē pì yā dínɔ lènn? Ɔndɔ kpaten ò kpàa, akū àten daboyā dí takanɔ keε? ³ Akūme lí'ari ũroo? Mariama nénloo? Yamisi kú Yusufuo kú Yudaoo kú Simɔnɔ vīnin gweroo? A dārenɔ mé ò kú kúoo laroo? Akū ò gi. ⁴ Akū Yesu pìine: Annabii digō bèereε sariro, sé a be wēten kú a danenɔ kīnaao kú a ɔnnwo baasiro. ⁵ Yesu dí fō à daboyā ke kè gwero, sé gyāre kú à ɔ nàrīma à n werekōa kenɔ baasiro. ⁶ Kū odi a náani kero, n yā bò a sare manamana.

Yesu zīrinɔ zīnaa (Mat 10:5-15, Luk 9:1-6)

Akū à gèe lakutu kú lakutuo, àten yā dañne. ⁷ Akū à a ìba gbēnɔn kuri awεεplanɔ sisiai, akū à n zī gbēnɔn plapla, à n gbá iko ò tãnanɔ gorūma. ⁸ À pìine: Àsun pòke sé à géoro, zàna ke bòkolokona ke ɔgɔ, sé gòo. ⁹ À kyate kpá, ama àsun uta da mèn plaro. ¹⁰ Be kú a kipan, àgō kú gwe ari à gé boo wēte pìi gūn. ¹¹ Gu kú odi gbānake kpáái ke odi sã kpá á yāiro, tó àten tá, à lukutē warawara à gbānɔa n tona kú Ludao sēda ũ. ¹² Akū ò dà zén ò nēsilitena waazi kè gbēnɔne ¹³ ò tãnanɔ gòrīma dasi, ò nīsi màma gyārenɔa dasi ò n werekōa.

Yahaya Da'itekeri ganaa

(Mat 14:1-12, Luk 9:7-9)

14 Kí Herɔdu yā pìno mà, zaakū Yesu tó kà gu sinda pínkia. Gbēkeno ten pi Yahaya Da'itekeri mé à fùte bona gan, abire yāin à gbāna lè àten daboyāno ke. 15 Gbēkeno pi Iliasume, gbēkeno pi annabiime lán annabi yāno doke bà. 16 Kū Herɔdu mà à pì: Yahaya kū ma a mi zò mé à vù bona gan.

17-18 Zaakū Herɔdu dokɔno pì mé à a vīni Filipi no Herɔdia sia à sè. Kū Yahaya digō one a vīni no sinaa manaro, akū Herɔdu tò ò Yahaya kù ò mò kàa ò a dà kpésiran. 19 Herɔdia sō à Yahaya pētē kūname à ye à a de, ama adi zé lero, 20 zaakū Herɔdu dō kù Yahaya bi Luda gbē súsume, akū àdi vīna kene àdi tó ò wari dɔaro. Tó à gèe à a yā ma, laasun di gēmmē. Bee kū abireo àdigō ye a fāaibonaai.

21 Herɔdia zé è Herɔdu ina goro kókō zī. Herɔdu gbānadeno kū soza gbē zōkɔno kū Galili gbē bèeredeno kākara pōblekia. 22 Akū Herɔdia nēno kpare gē à ū wā. À kè Herɔdune nna kū a nibɔno n pínki, akū kína pì né piine: Pó kù n yei n a wé kema, mani n gba. 23 Akū à era à pine: Ma la dānne pó kù n a wé kema pínki, mani n gbame, bee ma kpata kpaate. 24 Akū nēno kpare pì bò à gèe à a da là à pì: Bón mani wé keaa? Akū a da pine, Yahaya Da'itekerii mi. 25 Gwe gōno à era à sù likalika à gèe à ò kínane: Má yei n ma gba Yahaya Da'itekerii mi dana tiree gūn la tera.

26 Akū kína po yāka manamana, ama kū à la dà nibɔno wára yāin adi fō à gi doro. 27 Akū kína pì a dogari ke zì gōno, à pine à gé à a mi zō à móo. Akū à gèe à a mi zò kpésiran 28 à dà tiree gūn à sù à kpà né piia, akū à kpà a daa. 29 Kū Yahaya ibanɔ yā pii mà, akū ò sù ò a gèe sè ò vī.

Pōblekpana gbēnon dūbu sɔronɔa

(Mat 14:13-21, Luk 10:9-17, Yuh 6:1-15)

30 Yesu zìrii pìno sù a kīnaa, akū ò yā kù ò kèno kù yā kù ò dānne no òne pínki. 31 Òten gé òten su, akū Yesu kù a zìrinɔ dí zé le ò pó blè sero pari yāi. Akū à piinne: À mó ò gé gusare ó tēne ò kamma bo fiti. 32 Akū ò dà zén gó'ite gūn òten gé gusare ntēne. 33 Kū gbēno n gena a è, ò n dō, akū ò bò wēte kù wēteo dasi ò bàa lè gèe ò kà gwe n ā. 34 Kū Yesu bò gó gūn, à gbēno è dasidasi, akū ò kène wēnda, zaakū ò de lán sã kù ò dāri virono bàme. Akū àten yā dañne manamana.

35 Kū ifantē būsaa, akū a ibanɔ nài ò pì: Gu dí bi sēntepɔɔtumē, akūsō gu ten si. 36 N gbēno gbarē ò tá bura kù lakutu kù ò kú káninɔa, ò pó wete ò lú ò ble. 37 Akū Yesu wēm̄ma à pì: À pó kpám̄ma ò ble. Akū ò pine: N ye ò gé burodi lú andurufu ɔgo wàa do ò kpám̄ma ò blen yá? 38 Akū Yesu n lá à pì: Burodi mèn ūgban á vīi? À gé gwa. Kū ò kà, ò pì: Burodi kun mèn sɔoro kù kpòno mèn pla.

39 Akū à piinne: À gbēno vutevute sèla bòtɔa gāagāa. 40 Akū ò vutevute gā kù gāao, gā kenɔ gbēnon basɔoro, gā kenɔ gbēnon bupla akuri. 41 Akū Yesu burodi mèn sɔoro kù kpòno mèn pla piio sè à wé sè musu à arubarikaa dān. Akū à burodii pìi è'ε à kpà a ibanɔa, ò kpàatete gbēnone. Akū à kpò mèn pla pìno kpàateteñne n pínki. 42 Ò pó blè ò kà n pínki. 43 Akū ò burodi kpaa kù kpò kpaa kù à gōno sète tānko mèn kuri awēepla pà. 44 Gōgbē kù ò pó blèno kà gbēnon dūbu sɔoro.

Yesu táa'ona sèbela
(Mat 14:22-36, Yuh 6:16-21)

⁴⁵ Yesu gā nà à ìbanɔa gòɔnɔ ò gē gó'iten, de ò done are gena Betesaida ari àgɔ pari gbare. ⁴⁶ Kū à lé zámma, akū à didi kpi musu à gèe adua ke. ⁴⁷ Kū ɔkɔsi kè gó'ite kú sèbɛɛ dagura, Yesu sɔ à kú í bara ado. ⁴⁸ Akū à è gófina ten wari dómma, kú ïa gbāna ten kákañyī yāi. Gudɔnaao à gèe n kīnaa àten taa o íla, akū à kè deran á ye à gētemma bà. ⁴⁹ Kū ò a è àten taa o íla, òten da gyāwāndeme, akū ò wiki lè. ⁵⁰ Zaakū ò a è n pínki, akū swèe kèngu. Akū Yesu pìinne gòɔnɔ: À á laakari kpáte, makūme. Àsun tó vīna á kuro. ⁵¹ Kū à gè gó gūn, akū ïa zè, akū yā pìi bò n sare manamana, ⁵² zaakū n wé dí kē burodi yāaro kú laasun kīarūma yāi.

Yesu gyārenɔ werekɔana zaa Genesareti
(Mat 14:34-36)

⁵³ Kū ò bikū bara, ò kà Genesareti, akū ò n gó bàa dò gwe. ⁵⁴ Kū ò bòte gó gūn, ò Yesu dɔ gòɔnɔ, ⁵⁵ akū ò bàa lè ò gèe būsuu pì lakutu pínkin, ò gyārenɔ sète kú wúteɔnɔ, gu kú ò mà à kunwa pínki òdigɔ su kūño a kīnaa. ⁵⁶ Gu kú à gèen pínki, lakutunɔ ke wètenɔ ke buranɔ, òdigɔ sunɛ kú gyārenɔ ari ò n káte etenɔn, akū òdi wé kea de ò ɔ na bee a uta léa. Akū gbē kú ò ɔ nàanɔ wèrekɔa n pínki.

7

Futeokarayā
(Mat 15:1-9)

¹ Farisinɔ kú ludayādanneri kú ò bò Yurusalemu kenɔ sù Yesu kīnaa, ² akū ò è a ìba kenɔ ten pɔ ble ɔpipinaa sari. ³ Zaakū Farisinɔ kú Yudanɔ n pínki n dizinɔ futeokarayā kūname, òdi pɔ ble ɔpipina a zéa sariro. ⁴ Tó ò bò eten ò sù, òdi pɔ ble zú'onaa sariro. Ò futeokarayā pāndenɔ kūna dasi. Lemɛ òdi tokonɔ kú lonɔ kú butanɔ pípi le. ⁵ Akū Farisinɔ kú ludayādannerii pìnɔ Yesu là ò pì: Bóyāi n ìbanɔ òdigɔ ó dizinɔ futeokarayā kūnaroo? Òdi pɔ ble ɔpipinaa sari. ⁶ Yesu wèmma à pì: Isaya annabikɛyā ò á manafikidenɔ yā musu swáswa lākū à kè Luda yān nà à pì:

Buri bire di bèere limene kú léome,
n swè kúmaro.

⁷ Òdigɔ donyī kemene pāme,
bisāsiri yāzekpaten òdi dañne.

⁸ A pā kpá Luda yādannenaai, akū á bisāsiri futeokarayā kūna. ⁹ Akū à pìinne dɔ: A pā Luda yāne de à le àgɔ á futeokarayā kūna manan yá?

¹⁰ Musa pì, àgɔ á de kú á dao bèere dɔ. A pì dɔ, gbē kú à a de ke a da kpe bò, ò ade de. ¹¹ Akòɔnɔ sɔ, adì pì tó gbē pì a de ke a danɛ, pɔ kú á vī à n kpe tao bi Kɔɔbāme, ¹² à zé vī à a de kú a dao kpe tao doroo. Kɔɔbāme pɔ kú òdi kpá Ludaa ũ. ¹³ Lemɛ adì Luda yā ke pā le á futeokarayā kú adì dañne yāi. Yā bire takanɔn adì ke dasi.

Yā kú àdi tó ògɔ gbāsī
(Mat 15:10-20)

¹⁴ Akū Yesu èra à pari sisiai à pì: À sá kpá à ma yā ma á pínki. ¹⁵ Póke kun kú àdi gē gbē gūn kú àdi a gbà léro. Pɔ kú àdi bo gbē gūn mé àdi tó àgɔ gbāsī. ¹⁶ Gbē kú à sá vī, à yā pì ma. ¹⁷ Kū à pari tò gwe à tà be, akū a ìbanɔ a là yā pìi mīi. ¹⁸ À pìinne: Á laasun kpé yīda se yá? Kū póke kun

kū àdi gē gbē gūn à tó àgō gbāsīro, á dōroo? ¹⁹ Pó pìi dì gē a swèè gūnlo, sé a gberen, gbasà à bo mèn. Len Yesu pòble sīnda pínki kè blena pò ũ le tēè sari. ²⁰ Akū à pì: Yā kū àdi bo gbē gūn mé àdi tó àgō gbāsī. ²¹ Zaakū zaa bisāsiri swèè gūn laasun vāni dì bon: Pāpākenaa, kpāni'onaa, gbēdenaa, zinakenaa, ²² wākūu, nēsevāni, manafiki, wé'isariyā, sānkara, gbēsōsōnaa, karambaani kū mīsariyāo. ²³ Yā vāni pìnò dì bo swèè gūn pínki, àkū mé àdi tó gbē gō gbāsī.

*Nɔgbē zītɔ Yesu náanikenaa
(Mat 15:21-28)*

²⁴ Yesu bò gwe à gèe Taya būsun, akū à kipa be kea. À ye ò a dōro, ama adi le à a zīda ùtero. ²⁵ Nɔgbē kū a nénokpare tāna vī Yesu baaruu mà, akū à sù à wùte a are gōnò. ²⁶ Nɔgbē pì sō Giriki gbēme ò a i Siria Fenisia būsun. À wé kè Yesua de à tāna goare a néa. ²⁷ Akū Yesu pìne: Ñ tó ò pòble kpá nénɔa gīa, zaakū à mana ò nénò pòble sé ò zu gbēdanɔero. ²⁸ Akū nɔgbē pìi wèa à pì: Dikiri, bee gbēda kū òdi wùteńyīnò dì nénò pòble bŭru sése. ²⁹ Yesu pìne: Kū n yāwenama mana yāi, ñ tá, n né tāna gòa. ³⁰ Kū à kà be, à a né lé wùtena pèea, tāna pìi gòa.

Sato werekšanaa

³¹ Akū Yesu fùte Taya būsun à gèe Sidō, akū à bòte kū Wētemenkuri būsuo ari à gèe à kà Galili sèbeei. ³² Akū ò sùne kū sato bebekariio, ò wé kèa de à ɔ naa. ³³ Yesu bò pari gūn kū sato pìio à a ɔnetere pèpe a sán. Kū à lé'i sù, akū à ɔ nà sato pì nénea. ³⁴ À wé sè musu à wesa kākara à bò, akū à pìne: Efata. Yā pìi pì ñ wē. ³⁵ Zaa gwe gōnò gōgbē pì sā wè a néne fùte, akū à yā ò swáswa. ³⁶ Yesu pìíne òsun o gbēke maro, ama lākū àten gííne nà, lemè òteni a kpàkpa kéíne le. ³⁷ Yā pìi bò ñ sare manamana à gè onala, akū ò pì: A yā sīnda pínki kenaa ògō maname. Àdi tó bee sátonɔ yā ma, akū àdi tó bebekarinɔ yā o.

8

*Pòblekpana gbēnɔn dúbu siiknɔa
(Mat 15:32-39)*

¹ Gɔɔ kŭnɔ gūn ɔ gbēnɔ kàkarai dasi. Ò pòble vī ò blero, akū Yesu a ìbanɔ sisiai à pìíne: ² Gbē díno kèmene wēnda, zaakū ò gīnake ò kú kŭmao gɔɔ aakō, akū ò pòke vī kú ò blero. ³ Tó ma ñ gbáre ò tá be kŭ nàao, gu ñi lírŭma zé gūn, zaakū ñ gbēkenɔ boki zà. ⁴ Akū a ìbanɔ a là ò pì: Mákpan óni pòble len sèntepɔɔtu la kŭ ani gbē pìnɔ káa? ⁵ Akū Yesu ñ lá à pì: Burodi mèn ũgban á vīi? Ò pì: Mèn supplame. ⁶ Akū à pì pari vute zíte. Akū à burodi mèn suppla pìnò sè à sáabu kè, ben à è'e à kpà a ìbanɔ ò kpaatete parine, akū ò kpàateteíne. ⁷ Ò kpò fítinnanɔ vī fítí ɔ. Kū à arubarikaa dàn, à pìíne ò era ò abirekŭ kpaateteíne ɔ. ⁸ Akū ò blè ò kà, akū ò a kpara kŭ ò gōnò sète tánkò mèn suppla. ⁹ Gbē pìnò kà káni dúbu siikō. Kŭ Yesu ñ gbáre, ¹⁰ akū à gè gó'ite gūn kŭ a ìbanɔ, ò gèe Dalamanuta būsun.

*Farisinɔ sèedagbekanaa
(Mat 16:1-12)*

¹¹ Akū Farisinɔ sù òten lékpakōa kpá káao òten lí kpátea, òten wete à sèeda ke kéíne kŭ Luda gbánao. ¹² Akū à wesa bò à pì: Bóyāi gbāragbēnɔ

dì sèeda gbekamaa? Yāpuran maten oáre, mani sèeda ke keñnero. ¹³ Akū à ñ tó gwe à èra à gè gó'ite gūn à tà bara.

¹⁴ A ìbano sà̀n ò burodi zàna sé. Burodi mèn do mé à gò'íne gó gūn. ¹⁵ Akū Yesu lé dàímma à pì: Àgò á zīda kūna dō. À laakari ke Farisinò kù Heròdu gbēno lùbenēei. ¹⁶ Akū òten pikōne: Kū ó burodi vīro yā mé à tò à ò le. ¹⁷ Yesu dōímma, akū à ñ lá à pì: Bóyái áten pi kù á burodi vīro yáii? Ari tera á wé dí kē à dōroo? Á laasun vīroo? ¹⁸ Á wé vī à gu eoroo? Á sá vī à yā maoroo? Yáke di dōáguroo? ¹⁹ Kū ma burodi mèn soro è'e ma kpà gbēnon dúbu sōrono, a a kpàra sète tãnko mèn ũgbamē? Ò wèa ò pì: Mèn kuri awēplamē. ²⁰ Akū à èra à ñ lá à pì: Kū ma burodi mèn suppla è'e ma kpà gbēnon dúbu siikōno, a a kusu sète sù mèn ũgbaa? Ò wèa ò pì: Mèn suppla. ²¹ Akū à píinne: Ari tera á dōroo?

Betesaida vīna wéwēnaa

²² Kū ò kà Betesaida, akū ò sùne kù vīnaao ò wé kèa à o naa. ²³ Akū à vīnaa pì kù a o à bò káao wēte kpe. À lé'i kà a wéa à o nàa, akū à a là à pì: Nteni gu e yá? ²⁴ Akū gōgbē pì a wé sè musu à pì: Maten gbēno e lán líno bà òten táa o. ²⁵ Akū Yesu èra à o nà a wéa dō. Kū gōgbē pì wé kè biribiri, akū a wé wè áten pò sīnda píinki e sà swáswa. ²⁶ Akū Yesu a gbàre à tá be à pì: Ñsun bote lakutu gūnlo.

Pita Yesu Arumasihukena onaa
(Mat 16:13-23, Luk 9:18-22)

²⁷ Kū Yesu ten gé kù a ìbano Sizaria Filipi lakutuno gūn, akū à a ìbano là zé gūn à pì: Dín gbēno di pi má de a ũu? ²⁸ Ò wèa ò pì: Gbēkeno di pi Yahaya Da'itekeriime, gbēkeno di pi Iliasu, gbēkeno di pi dō annabi yāno dokemē n ũ. ²⁹ Akū à ñ lá à pì: Ákōno sō, dín adì pi má de a ũu? Pita wèa à pì: Arumasihumē n ũ. ³⁰ Akū Yesu ñ sá fííne de òsun yā pì o gbēke maro.

Yesu a ga kù a vunaao yá'onaa
(Mat 16:21-28, Luk 9:22-27)

³¹ Akū à nà yádannēnaaa à pì: Séde Bisāsiri Né wétamma le manamana, gbē zōkōno kù sa'orikino kù ludayādannerino ni gii, oni a de, a goro aakōde zī ani fute. ³² À yā pìi òíne swáswa, akū Pita gèe káao kpado, áten gíne. ³³ Kū Yesu lite à a ìbano gwà, akū à pàta Pítàa à pì: Ñ gomene gwe Setan! N laasun bi Luda pónlo, bisāsiri pómē.

³⁴ Abire gbera Yesu pari sisiai kù a ìbano à píinne: Tó gbē ye à ke ma ìba ũ, séde à gí a zīda wèndiii à a lígbāndurukpana sé à téomai. ³⁵ Gbē kù à ye àgò a wèndi kūna ni kurai. Gbē kù à gí a wèndiii ma yá kù ma baaru yāo sō, ade nigō wèndi vī. ³⁶ Tó gbē gò andunia vī píinki, tó à kùra a wèndiii, bó àreen à vīi? ³⁷ Bón bisāsiri ni le à a wèndi lilin keoo? ³⁸ Tó gbē makū kù ma yāno wé'i dè gbāragbē durunnade ludanaanikerisarinò té, Bisāsiri Né ni ade wé'i de goro kù ani su a De gakuri gūn kù a malaikano.

9

¹ Akū à píinne: Yāpuran maten oáre, gbēkeno kú la kù oni garo ari ò kína kù Luda kà e, áten su kù gbānao.

Yesu linaa
(Mat 16:24-17:13, Luk 9:23-36)

² Gɔɔɔ suddo gbera Yesu Pita kũ Yamisio kũ Yuhanao sè à dìdì kũńwo kpi leia ñtēne. Akũ à li ñ wára, ³ a pókasanɔ ten té ke púu táitai. Gbēke kũ andunia gũn kũ ani f̄s̄ à a pura kũ lero. ⁴ Akũ Iliasu kũ Musao bò ò sùńma, òten yā o kũ Yesuo. ⁵ Akũ Pita pì Yesune: Danneri, à mana kũ ó kú la. Ò kuta dɔ mèn aakɔ, n pɔ mèn do, Musa pɔ mèn do, Iliasu pɔ mèn do. ⁶ À d̄s̄ yā kũ áten oro, zaakũ v̄ina ñ kũ manamana. ⁷ Ludambe luku kipa à dàńla, akũ ò kòtoo mà a gũn à pì: Àkũme ma Né mèn do légelege yenyīde ũ. À a yā ma. ⁸ Kānto kũ ò gu gwàgwa, odi gbēke e doro, sé Yesu ado.

⁹ Kũ òten kipa kpi p̄lia, akũ Yesu p̄l̄ine òsun yā kũ ò èe pì o gbēke maro ari Bisāsiri Né vuna gan. ¹⁰ Ò yā pì kũna, ama òten k̄o lala òten pì: Vuna gan yā bire de deramee? ¹¹ Akũ ò a là ò pì: Bó yā mé à tò ludayādannerinɔ d̄i pì Iliasu mé ani su káakuu? ¹² À wēm̄ma à pì: Iliasu ni su káaku yāpurame, ani yā s̄inda p̄inki keke a gbèn, ama à kè dera ò kè Luda yān ò pì, Bisāsiri Né ni wētām̄ma le manamana ari ò ḡīii? ¹³ Ama maten oáre Iliasu sù kò, akũ ò kèn̄e ñ p̄oyeinaaame, lákũ ò a yā ò Luda yān nà.

Yesu néḡgbē t̄anade werek̄ōanaa

(Mat 17:14-21, Luk 9:37-42)

¹⁴ Kũ ò sù ñ gbē kparanɔ k̄inaa, ò è pari likańyī, ludayādannerinɔ ten lékpak̄ōa ke kũńwo. ¹⁵ Kũ pari Yesu è, a yā bò ñ sare, akũ ò bàa lè ò ḡèe ò f̄o kp̄aa ḡõn̄ ñ p̄inki. ¹⁶ Akũ à a ibanɔ là à pì: Bó lékpak̄ōan áten ke kũńwo lee? ¹⁷ Akũ ḡōgbē ke wèa z̄aa gũn à pì: Danneri, ma sunne kũ ma néome, t̄ana mé à a néne n̄ate. ¹⁸ Tó à d̄idia, àdi a p̄ate z̄ite, àdiḡō lé'ifuta b̄ote, àdiḡō saka só, àdi gbāgbā s̄ɔɔɔ. Ma pì n ibanɔ ò pé t̄ana p̄lia à bo, akũ ò f̄ua. ¹⁹ Akũ Yesu p̄l̄ine: Gbāragbē ludanaanikerisarinɔ! Maniḡō kú k̄áo ari b̄oremee? Maniḡō mena k̄áo ari b̄oremee? À mómene kũ né p̄lio la.

²⁰ Kũ ò s̄une k̄áo, kũ t̄ana pì Yesu è ḡõn̄, akũ à né p̄ii ȳiḡaȳiḡā à a p̄ate z̄ite bèn. Akũ àten gbigiri ke àten lé'ifuta b̄ote. ²¹ Yesu né pì de là à pì: Zaa b̄oreme à kúo lee? A wèa à pì: Zaa a né fiti z̄ime. ²² Àdiḡō a zu té kũ ío gũn baala'i, àdiḡō ye à a de. Tó ñni f̄s̄ ñ p̄oke ke ñ ó wēnda gwa, ñ kp̄awái. ²³ Yesu p̄ine: N pì, tó mani f̄s̄ yá? Bee pɔ s̄inda p̄inki d̄i sí ke gbē kũ à ma náani v̄ine. ²⁴ Akũ né pì de wiki lè ḡõn̄ à pì: Má n náani v̄i. Ñ n náani kũ àten k̄iama karamene. ²⁵ Kũ Yesu è z̄a ten nakaram̄ma, à ḡi t̄ana p̄ine à pì: T̄ana s̄ato kp̄aturuku, ma ònne ñ go né p̄lia. Ñsun ḡē a gũn doro. ²⁶ Akũ t̄ana pì wiki lè à a ȳiḡā p̄ās̄ip̄ās̄i, akũ à gò. Né p̄ii ḡò wút̄ena lán ḡèe bà ari gbē daside pì à ḡame. ²⁷ Akũ Yesu a k̄u a ɔa à a f̄ute à zè.

²⁸ Kũ Yesu ḡē ɔnn, akũ à ibanɔ a gbēka gusare ò pì: À kè dera ódi f̄s̄ ò pé t̄ana p̄lia à boroo? ²⁹ Akũ à wēm̄ma à pì: Adi taka d̄i sí boro, sé kũ aduakenaao.

Yesu era à a ga kũ a vunaao ya'onaa

(Mat 17:22-23, Luk 43-45)

³⁰ Kũ ò bò gwe, akũ ò p̄à Galiline. Yesu ye òḡō a kúki d̄ɔro, ³¹ zaakũ àten yā da a ibanɔne. À p̄ine: Oni Bisāsiri Né na gbēn̄ne ñ ɔ̄ ò a de, a ḡɔɔ aak̄ode z̄i ani fute. ³² Odi a yā p̄ii d̄ɔro d̄ɔro, akũ v̄ina ñ kũ ò yā pì gbekaa.

T̄ena Yesui lán né fiti bà

(Mat 18:1-9, Luk 9:46-50)

³³ Akũ ò kà Kapenam̄u. Gɔɔɔ kũ à kú b̄e, à a ibanɔ là à pì: Bó lékpak̄ōan áten ke zé gũnn? ³⁴ Akũ ò ȳit̄ena, zaakũ òten lékpak̄ōa ke zé gũn deńla yā

musume. ³⁵ Akū à vùte à gbēnɔn kuri awεεpla pìno sisiai à pì: Tó gbē ye à ke gbē káaku ũ, ade gō gbē kpede ũ, àgō gbē sīnda pínkine zīri ũ. ³⁶ À né fíti sè à a zè n arε, akū à a sè à a kpà a kùla à pìinne: ³⁷ Gbē kū à né dínɔ do si ma ìbake yāi, makūme à si. Gbē kū à ma si sō, makūme à si madoro, gbē kū à ma zīn à si.

Gbē kū adi ibεε kpá kùoro bi ó gbēme
(Luk 9:49-50)

³⁸ Akū Yuhana pìne: Danneri, o gbēke è, àten tānanɔ gorñma kū n tóo, akū o gine, zaakū ó gbēnlo. ³⁹ Akū Yesu pì: Àsun gínεro, zaakū gbēke ni fō à daboyá ke kū ma tóo à era à ma tó vāni sí doro. ⁴⁰ Gbē kū adi ibεε kpá kùoro bi ó baakpeme. ⁴¹ Yāpuran maten oáre, gbē kū à á gba ímina kū á kun Kirisi pō ũ yāi, ade ni kura a láadairo.

⁴² Tó gbē tò né kū ò ma náani vī dínɔ doke sàte, anigō sàna adene ò wísilgbē zōkō do a wakale ò a zu sèβεε gūn. ⁴³⁻⁴⁴ Tó n ɔ mé àdi tó ò fu, ò zō ò zukūna. À sànanne ò gē wëndii gūn kū ɔ kusuo de n gō kū ɔ mèn plaola ò gē té kū àdi garo gūn gyāwān. ⁴⁵⁻⁴⁶ Tó n gbá mé àdi tó ò sàte, ò zō ò zukūna. À sànanne ò gē wëndii gūn εre ũ de n gō kū gbá mèn plaola ò n zu tén. ⁴⁷ Tó n wé mé àdi tó ò fu, ò bo. À sànanne ò gē kpata kū à bò Luda kīnaa gūn kū wé doo de n gō kū wé mèn plaola ò n zu tén, ⁴⁸ gu kū n kòkòbirii di lákaro, té pì di garo.

⁴⁹ Té ni mè ũ gbē sīnda pínkia lákū òdi pō keke kū wisio nà. ⁵⁰ Wisi bi pō maname, ama tó a nna tà, deran oni ke nà à gō wisi ũ doo? À tó wisi gō kú á gūn, áni gō nna kū kōo.

10

Yìgidena yā
(Mat 19:1-12)

¹ Akū Yesu bò gwe à gèe Yudea bùsun ari Yoda bara. Pari èra ò kàkarai gwe, akū à yā dàinne lákū àdi ke nà. ² Farisi kenɔ sù ò a yō ò gwa, akū ò a là ò pì: Gōgbē zé vī à yìgi de yá? ³ À wèmma à pì: Musa dàáre deraa? ⁴ Ò pì: Musa gōgbē gbà zé à yìgidetakada kē à a nanɔ gbarεo. ⁵ Akū Yesu pìinne: Á sāgbāna yā mé à tò Musa doka birekū dàáre. ⁶ Zaa káaku kū Luda andunia kè, à gōgbē kè kū nɔgbēome. ⁷ Abire yāi gōgbē ni a de kū a dao tó, ò nakōa kū a nanɔ, ⁸ n gbēnɔn pla oni gō mè do ũ. Ò kun pla doro, sé do. ⁹ A yā mé à tò gbē kū Luda n nakōanɔ, bisāsiri sún n kēkōaro. ¹⁰ Kū Yesu tà be, a ìbanɔ a là yā pì mīii. ¹¹ Akū à pìinne: Gbē kū à yìgii dè kū a nanɔ à nɔ pānde sè, ade zina kè a nɔ káakune. ¹² Nɔgbē kū à yìgii dè kū a zāo à gō pānde sè sō, à zina kēen gwe.

Yesu arubarikadana nénɔn
(Mat 19:13-15, Luk 18:15-17)

¹³ Òten su Yesune kū nénɔ de à ɔ narñma, akū a ìbanɔ gínne. ¹⁴ Kū Yesu è le, à pō fē à pìinne: À tó nénɔ mós ma kīnaa, àsun gínεro, zaakū kpata kū à bò Luda kīnaa mé à n takanɔ pō ũ. ¹⁵ Yāpuran maten oáre, gbē kū adi kpata kū à bò Luda kīnaa sí lán né fíti bàro ni gēnlo. ¹⁶ Akū à nénɔ sè à n kpákpa a kùla, à ɔ nànarñma à arubarikaa dàngu.

Aruzekede
(Mat 19:16-30, Luk 18:18-30)

17 Kū Yesu dà zén àten gé, akū gōgbē ke bàa lè à sù à kùte a arɛ à a là à pì: Danneri mana, deran mani ke nà mà wèndi kù àdi láraro lee? 18 Akū Yesu pìne: À kè dera n pì má manaa? Gbēke manaro, sé Luda ado. 19 N̄ dokano dō: N̄sun gbē dero, n̄sun zina kero, n̄sun kpāni oro, n̄sun yā di n gbēdakearo, n̄sun gbē blero, n̄gō bēere lí n de kù n daoone. 20 Akū à pì: Danneri, zaa ma né fiti gɔɔan má yā bireno kùna pínki. 21 Akū Yesu a gwà kù yenyī wéó à pìne: Yā mèn do mé à gōnne. N̄ gé n̄ pó kù n̄ vīno yía pínki n̄ a ɔɔo kpá takasidenɔa, n̄ mós n̄ témai, ñigō aruzekε vī ludambe. 22 Akū gōgbē pì ãn̄ sisi yā pì yāi, à tà kù p̄siraio kù à aruzekεno vī zōkō yāi. 23 Akū Yesu a ìbano gwàgwa à pìne: À zī'ù manamana aruzekεdenε à gē kpata kù à bò Luda kīnaa gūn. 24 A yā p̄i bò a ìbano sare, akū Yesu èra à p̄inne: Gbēno, à zī'ù gbēne manamana à gē kpata kù à bò Luda kīnaa gūn! 25 Lakumi gēna p̄ɔwεen araga de aruzekede gēna kpata kù à bò Luda kīnaa gūnla. 26 Akū yā p̄i bò a ìbano sare manamana, ò pikōne: Dí mé ani f̄s à surabana lee? 27 Yesu n̄ gwà à pì: Bisāsiri ni f̄ro, sé Luda. Luda kīnaa bee pó s̄inda pínki di sí ke.

28 Akū Pita pìne: O bee pó s̄inda pínki tò o tenyī. 29 Yesu pì: Yāpuran maten oáre, gbē kù à a be tò ke a v̄ininɔ ke a dakūnanɔ ke a da ke a de ke a néno ke a bura ma yāi kù ma baarukpannena yāo, 30 ade ni era à beno kù v̄ininɔ kù dakūnanɔ kù danɔ kù néno kù burano e leu basɔoro andunia dí gūn, ama kù wétammaome, ani wèndi kù àdi láraro le andunia kù àten su gūn. 31 Gbē káakuno nigō gbē kpedenɔ ũ dasi, gbē kpedenɔ nigō gbē káakuno ũ.

*Yesu era à a ga kù a vunaao yá'onaa
(Mat 20:17-19, Luk 18:31-34)*

32 Ò èra ò dà zén òten gé Yurusalemu. Yesu do a ìbanone arɛ, akū yā p̄i bò n̄ sare, vīna gbē kù ò té a kpeno kù. Akū Yesu a gbēnon̄ kuri awεεplanɔ s̄ete n̄ dona, à èra à yā kù oni keare ònne do 33 à pì: À ma! Óten gé Yurusalemume. Oni Bisāsiri Né kpá sa'orikino kù ludayádannerinɔa, oni yā daala à ga, oni a kpá kifirinɔa. 34 Oni a lalandi ke oni lé'i káa oni a gbē kù fláao oni a de, a gɔɔo aakōde zī ani fute.

*Yamisi kù Yuhanao wékenaa
(Mat 20:20-28)*

35 Akū Zebedi néno Yamisi kù Yuhanao nà Yesui ò pìne: Danneri, ó ye n̄ yā kù óten wé kemma kewere. 36 Akū à n̄ lá à pì: Bón á ye mà keáree? 37 Ò wèa ò pì: N̄ tó ò vute kúnwo n kpata gūn, gbē do n ɔplai gbē do ɔzei. 38 Yesu p̄inne: Á yā kù áteni a wé kema d̄ro. Toko'i kù mani mi, áni f̄s à mi yá? Wétamma kù mani gēn áni f̄s à gē a gūn yá? 39 Ò wèa ò pì: Óni f̄s. Akū Yesu p̄inne: Toko'i kù mani mi áni mi, wétamma kù mani gēn áni gēn, 40 ama vutena ma ɔplai ke ma ɔzei bi ma yānlo. Gbē kù Luda kèkér̄nenɔ pómε.

41 Kù a ìba gbēnon̄ kuri kparano yā p̄i mà, n̄ p̄o f̄e Yamisi kù Yuhanaooi. 42 Akū Yesu n̄ kákara à pìne: Á dō kù gbē kù òteni n̄ gwa buri pānde kīnano ũno di gbāna ble n̄ gbēnoa, gbānadenɔ s̄ō òdi iko m̄óne, 43 ama à de le á kīnaaro. Á té gbē kù à ye à gō gbē zōkō ũ, sé ade ke á z̄iri ũ. 44 Leme do gbē kù à ye à gō gbē káaku ũ, sé ade ke á s̄inda pínki zò ũ. 45 Zaakū Bisāsiri Né dí su de ò zī kenero, à sù de à zī k̄énneme à a z̄ida wèndi kpá de à gbēno bo dasi yāi.

Batimeu wéwēnaa
(*Mat 20:29-34, Luk 18:35-43*)

46 Ò kà Yeriko. Kū Yesu ten bo gwe kù a ìbano kù pario, vīna Timeu né Batimeu vutena zé léa, àten bara ke. 47 Kū à mà ò pì Yesu Nazera mé àten gēte, akū à nà lé gbāna zunaa à pì: Yesu, Dauda Buri, ò ma wēnda gwa! 48 Akū pari ten gīne òten pì à yīte. Akū a lé gbāna zunaa kàra àten pì: Dauda Buri, ò ma wēnda gwa. 49 Yesu zè à pì: À a sísi. Akū ò vīnaa pì sísi ò pīne: Ñ laakari kpáte ò fute. Àteni n sísi. 50 Akū vīnaa pì a uta bò à vī à fūte à sù Yesu kīnaa. 51 Akū Yesu a là à pì: Bón n ye mà kennē? Vīnaa pì wèa à pì: Rabi, má ye ma wé gu eme. 52 Akū Yesu pīne: Ñ gé, ma náani kù n kè mé à n werekōa. Zaa gwe gōno a wé gu è, akū à dà káao zén.

11

Gbanakekpana Yesui Yurusalemu
(*Mat 21:1-11, Luk 19:28-40, Yuh 12:12-19*)

1 Kū ò kà káni kù Yurusalemuo, ò kà Betefage kù Betani kù à kù Kùkpe sīsigerēiio, akū Yesu a ìbano zì gbēnon pla 2 à pīnne: À gé lakutu kù à káte á are dire gūn. Tó a gē gōno, áni zaakine bōro e bàdona gwe, gbēke dí dia zikiro. À poro à suo. 3 Tó ò á lá ò pì, bón àten ke gwe, à pì Dikiri mé à yei, ani era à suo tera. 4 Akū ò gēe ò zaaki è bàdona kpélele bàai. Kū òten poro, 5 akū gbē kù ò ze gweno n lá ò pì: Bón àten ke kù zaaki pīo kù àten poroo? 6 ò wēm̄ma lákū Yesu ònne nà, akū ò n tó ò táo. 7 Ò sù kù zaaki pīo Yesune, ò n utano kpàtea, akū Yesu dia. 8 Gbēno teni n utano kpáte zé gūn dasi, gbēkeno ten lánō zō sèn òten kpáte dō. 9 Gbē kù ò té areno kù gbē kù ò té kpeno ten wiki lé òten pì:

Ñ gbāna ke!

Arubarikaden gbē kù àten su kù Dikiri tóo ū.

10 Luda arubarika da ó dizi Dauda kpata kù àten bo gupuraan.

Ò gbānake kpái ari ludambe.

11 Kū Yesu kà Yurusalemu, à gē Luda onn, akū à pó sīnda pínki gwà à likai. Kū ifantē ten gē kpén yāi, akū à bò à gēe Betani kù a ìba gbēnon kuri awēplano.

Yesu láaribona kaka lía kù a kunna Luda onnwo
(*Mat 21:12-22, Luk 19:45-48, Yuh 2:13-22*)

12 Kū gu dō, ò bò Betani, akū nà ten Yesu de. 13 À kaka lí è zà dire a lá kù. Akū à gēe gwa ke tó à né vī. Kū à kà gwe, adi póke lero, sé a lánō, zaakū kaka goro dí ká kōro. 14 Akū à pì lí pīine: Gbēke ni n né ble ziki doro. A ìbano yā pì mà.

15 Kū ò kà Yurusalemu, Yesu gē Luda onn, akū à pè eteblerinōa kù lagatarinō à n bōte. À oḡlilinkerinō teburunō kù potēnyarinō gbāno yīpa à kōteñne. 16 Adi we gbēke a aso sè à gētēo Luda onno. 17 Akū à yā dà gbēnonē à pì: Ò kē Luda yān ò pì: Ma kpé nigō de aduakēkpe ū buri sīnda pínkinē, akū a kē gbēblerinō tò ū. 18 Sa'orikinō kù ludayādannerinō yā pì mà, akū òten zé wete ò a de. Òten vīna kene, zaakū a yādannēnaa bò gbē sīnda pínki sare. 19 Kū okosi kē, akū Yesu kù a ìbano bōte wēte pì gūn.

20 Kū gu dō, òten gēte, akū ò kaka lí pì è à kori kē kù a zīnio. 21 Akū à yā dō Pitan, akū à pì Yesune: Rabi, ò kaka lí kù n láari bòa gwa, à kori kù. 22 Yesu

wèmma à bè: Àg̃s Luda náani vī. ²³ Yāpuran maten oáre, tó gb̃è ò kpi díne à fute à a zīda sé à zu s̃èben, tó ádi sika ke a nèsee gūnlo, tó à náani vī kú yā kú à òo pì ni ke, ani keneme. ²⁴ Abire yāi maten oáre, tó áten adua ke, yā kú a a wé kè pínki, à dite à g̃nake a lè kò, áni le s̃. ²⁵ Tó a fute áten adua ke, tó á nèse vāni kūna kú gb̃ekeo, à k̃ene, de á De kú à kú musu á durunnano k̃éáre do. ²⁶ Tó ádi gb̃eno k̃e s̃ro, á De kú à kú musu ni á durunnano k̃éáre sero.

Yesu gbekana a ikooi

(Mat 21:23-27, Luk 20:1-8)

²⁷ Akū ò kà Yurusalemu. Lákū Yesu ten kure Luda onn nà, sa'orikinò kú ludayādannerinò kú gb̃e z̃k̃ōnò sù ²⁸ ò a la ò pi: Iko kpaten nten yā díno keoo? Dí mé à n gba yā pi kena ikoo? ²⁹ Akū Yesu wèmma à pi: Yā mèn don mani gbekaáwa. À wema, mani iko kú maten yā díno keo oáre. ³⁰ À omene. Yahaya gb̃eno da'itekēnaa bò Luda kīnaan yā, ke bisāsiri kīnaame? ³¹ Akū ò yā g̃ōg̃ ò pi: Tó o pi Luda kīnaame, ani ó lá b̃oyāin ódi Yahaya yā síroo? ³² Tó o pi bisāsiri kīnaame s̃, t̃! Ò gb̃eno vīna vī, zaakū gb̃e s̃inda pínki Yahaya annabike si. ³³ Akū ò wè Yesua ò pi: Ó d̃ro. Akū Yesu piñne: Èh̃e makū se, mani iko kú maten yā díno keo oáre.

12

Geepi líkpe arukerino

(Mat 21:33-46, Luk 20:9-18)

¹ Akū Yesu fùte áten yálek̃ōañne à pi: Gb̃eke mé à geepi líkpe bà à karaa likai, à w̃ee ỹò geepi'if̃eki ũ à búdākp̃āgbaa k̃e, akū à bú pi nà arukerino ñ c̃i, akū à fute kú táo. ² Kú geepiz̃ōg̃o kà, akū à a z̃irii z̃i arukerii p̃ino de à a geepi né sí. ³ Akū arukerii p̃ino a kú ò a gb̃è, ò a gb̃are okori. ⁴ Akū à èra à z̃iri p̃ānde z̃i do. Akū ò gb̃e bire lè a m̃ia ò wé'i d̃aa. ⁵ A èra à gb̃e p̃ānde z̃i do, akū ò gb̃e bire d̃e. Len à gb̃e p̃āndenò z̃i le dasi, ò ñ gb̃ekenò gb̃è ò ñ gb̃ekenò d̃e. ⁶ À nég̃ōgb̃e mèn do yenỹide mé à g̃ōne sà, akū à a z̃i z̃ā à pi: Oni ma né yā da. ⁷ Akū arukerii p̃ino pik̃ōne: Túbibliiime dí. À tó ò a de, a túbi ni g̃ō ó p̃ó ũ. ⁸ Akū ò a kú ò a d̃e, akū ò a g̃e s̃è ò bòo bura gūn. ⁹ T̃! B̃ón burade pi ni kee? Ani su à arukerii p̃ino dede à bura pi na gb̃e p̃āndenone ñ c̃i. ¹⁰ Ádi Luda yā dí kyó keeroo?

Gbè kú kp̃éborinò p̃ā kp̃ai

mé à g̃ō kp̃é kusuru gbè m̃ide ũ.

¹¹ Dikiri mé à abirekū k̃e, akū à k̃ewere yābonsare ũ.

¹² Akū ò zé w̃ete ò a kú, zaakū ò d̃ō kú ñ yāin à yálek̃ōanaa pii ò, ama ò vīna k̃e parine, akū ò a tò gwe ò tà.

B̃e'ōg̃ōkpana Sizaa yā

(Mat 22:15-22, Luk 20:20-26)

¹³ Akū ò Farisi kenò kú Her̃odu gb̃eno z̃i Yesu kīnaa kú ònd̃ō, de ò a kú a yā'onaa gūn. ¹⁴ Kú ò kà, akū ò p̃ine: Danneri, ó d̃ō kú gb̃e yāpurademe n ũ. Ndì gb̃e wé gwaro, ndì gb̃e gwena gwaro, ndì Luda zé dañne súsu. À zé vī ò bùsu'ōg̃ō kp̃ā Sizaa yā, ke à zé ṽiro? Ò kp̃aan yā, ke òsun kp̃áaro? ¹⁵ Yesu ñ manafikike d̃ōm̃ma, akū à piñne: B̃oyāin áteni ñ lé áten gwaa? À mó k̃ōn òg̃ō pi doo mà gwa. ¹⁶ Kú ò kp̃aa, akū à piñne: Dí m̃i wānzān dí kú a t̃soo?

Ò wèa ò pì: Siza pómɛ. ¹⁷ Akū Yesu pìnnɛ: À pó kú à de Siza pó ũ kpá Sizaa, à pó kú à de Luda pó ũ kpá Ludaa. A yā bò ñ sare.

Gènɔ vuna yā

(Mat 22:23-33, Luk 20:27-40)

¹⁸ Akū Sadusí kú òdi pì gènɔ dì vuronɔ sù Yesu kīnaa, ò a gbèka ò pì: ¹⁹ Danneri, Musa òwɛɛ a takada gūn à pì, tó gbɛ gā à a nanɔ tòn né'isari, a dakūna gyaanɔ pì sé, de à né buri dato a vīnɛ. ²⁰ Tò! Dedokɔnɔnɔn kun gbɛnɔn suppla. Woru nɔ sè, akū à gā né'isari. ²¹ Akū Sabi nɔ pì sè dɔ, akū à gā à nɔ pì tò né'isari. Akū Bio kè lɛ dɔ ²² ari à gèɛ à pè ñ suppladea. Ní pínki ò gā né'isari. Ní pínki gberan nɔ pì gā se. ²³ Gènɔ vuna gɔɔ zī ñ dí mé anigɔ nɔ pì vīi? Zaakū ñ gbɛnɔn suppla ñ pínki ò a dɔ nɔ ũmɛ. ²⁴ Akū Yesu wèmma à pì: Á Luda yā kú a gbānao dñasari yāin a sātɛroo? ²⁵ Tó gènɔ fùtɛ, oni nɔ séro, oni zā kero, onigɔ kun lán malaikanɔn kun nà ludambɛmɛ. ²⁶ Gèvuna yā musu, ádi Musa takada kyó keroo? Gu kú à lèkara yā òn Luda pìne akāamɛ Ibrahī kú Isaakuo kú Yakubuo Luda ũ. ²⁷ Luda dì kɛ gènɔ Luda ũro, gbɛ bɛnɛnɔ Ludamɛ a ũ. A sātɛ à kè zɔkɔ.

Dokayā kú à deñla

(Mat 22:34-40, Luk 10:25-28)

²⁸ Ludayādanneri ke kú gwe, à lékpakɔa kú òtɛn ke mà. Kú à è Yesu yā wèmma manamana, akū à nài à a là à pì: Dokayā kpate mé à de a kparanɔla pínkii? ²⁹ Yesu wèa à pì: Yā kú à deñlan dí: Isarailanɔ à sā kpá. Dikiri ó Ludamɛ Dikiri ũ ado. ³⁰ Ngɔ ye Dikiri n Ludai kú nèɛ mèn doo kú n ninio pínki kú n laasunnwo pínki n gbāna lén. ³¹ A pladen dí: Ngɔ ye n gbɛdakei lán n zīda wèndii bà. Dokayā ke de abirenɔlaro. ³² Akū ludayādannerii pì pìne: Yā manamɛ, danneri. N yāpura ò, n pì Luda mèn dome, a pānde kunlo, sé àpii. ³³ Yena Ludai kú nèɛ mèn doo kú n laasunnwo pínki n gbāna lén kú yena n gbɛdakei lán n zīda wèndi bàao de sa'opɔ kú òdi ká tén à té kúla kú sa'ona buri sīnda pínkio. ³⁴ Kú Yesu è à yā wèawa kú laakarrii, à pìne: Gēna kpata kú bò Luda kīnaa gūn zā kūnworɔ. Zaa gɔɔ birea gbɛke dí sù a yāke laa doro.

Arumasihu buri yā

(Mat 22:41-46, Luk 20:41-44)

³⁵ Yesu èra àtɛn yā dañne Luda ɔnn, akū à gbɛnɔ là à pì: À kè dera ludayādannerinɔ dì pì Dauda burin Arumasihu ũu? ³⁶ Kú Luda Nini dīdi Daudaa, à pì:

Dikiri pì ma dikirine à vute a ɔplai ari àgɔ a ibɛrɛnɔ kátɛnɛ a gbá gbáru.

³⁷ Lákú Dauda pìne Dikiri ũ, à kè dera anigɔ de a buri ũ dɔɔ?

Ludayādannerinɔ kú Farisinɔ manafiki

(Mat 23:1-36, Luk 20:45-47)

Akū pari teni a yā ma kú pɔnnao. ³⁸ A yādannɛnaa gūn à pì: À laakari ke ludayādannerinɔi. Òdigɔ ye kurenaai kú uta zɔkɔnɔ dana, de ògɔ fɔ kpákparímma etɛnɔa. ³⁹ Òdigɔ wɛtɛ ò vute aduakekpɛ vuteki mananɔ gūn kú dikpɛ vuteki mananɔ. ⁴⁰ Òdi adua gbāna ke de gbɛnɔ ñ e yāi, akū òdi gyaanɔnɔ kpé sírma. Ní wétamma nigɔ pásípásī de gbɛ sīnda pínki póla.

*Gyaanɔ takaside gba
(Luk 21:1-4)*

⁴¹ Akū Yesu vùte Luda ɔnn ɔɔɔɔɔɔɔ are, àten gbēnɔ gwa lākū òten ɔɔɔ dan nà. ɔɔɔɔɔɔɔ ten ɔɔɔ zōkō dan. ⁴² Akū Yesu takaside sù à kɔbɔ pla dàn, adi ká sisiro. ⁴³ Akū Yesu a ibanɔ kàkara à pínne: Yāpuran maten oáre, gyaanɔ takaside dí ɔɔɔ dà ɔɔɔɔɔɔɔ gūn de gbē sīnda pínkila. ⁴⁴ Zaakū n ɔɔɔ dasi gūnn ò bòn ò kàn n pínki. Nɔgbē dí sō, a takasike gūnn pó kú à vī à pó bleon à dàn pínki.

13

*Yurusalemu yakana kú andunialakagɔɔ sèedanɔ
(Mat 24:1-22, Luk 21:5-24)*

¹ Lākū Yesu ten bo Luda ɔnn nà, a ibanɔ doke pínne: Danneri, n gwa lākū ò kpé mana dí takanɔ bò nà kú gbē mana dí takanɔ. ² Akū Yesu pínne: N kpé zōkō dínɔ è pínki yá? Gbē ke kú gu dí kú oni tó dikōaro, oni gboro pínkime.

³ Yesu vutena Kùkpe sīsigerēei areɔkōana kú Luda ɔnnwo, akū Pita kú Yamisio kú Yuhanao kú Anduruo a gbēka gusare ò pì: ⁴ N owere, bɔren yā dínɔ ni kee? Bó mé anigō de a pínki kegɔɔ sèeda ũu? ⁵ Akū Yesu pínne: À laakari ke, àsun tó ò á sātero. ⁶ Oni su dasi kú ma tóo, onigō pì Arumasihume n ũ oni gbēnɔ sāte dasi. ⁷ Tó a zīnɔ baaru ma kú a òpìio, àsun bídi kero. Sé abirekūnɔ ke, ama andunia lakana kpé. ⁸ Buri kú burio ni futekōi, leme ɔ būsú kú būsúuo. Zīte yīgāyīgāna nigō kú gukenɔn kú nāao. Yā dínɔme nòwāwā naana ũ.

⁹ À laakari ke. Oni á kūkū ò á na yākpatekerinɔne n ũ, oni á gbēgbē aduakekpenɔ gūn. Oni á ze būsú gbē zōkōnɔ kú kīnanɔ are ma yāi, de àgō deñne ma sèedadenɔ ũ. ¹⁰ Sé ò ma baaru nna waazi ke buri pínki ma gīa. ¹¹ Tó ò gēe kāáo yākpatekēkia, àsun gīnake à bídi ke yā kú áni oaro. Yā kú Luda dàáre á lén gɔɔ kú à o, zaakū ákōnɔ mé áni yā oro, Luda Ninime. ¹² Vīni kú dakūnanɔ ni kō kpámma ò de. Denɔ ni bo n nénɔ kpé. Nénɔ ni bo n denɔ kú n danɔ kpé ò n de. ¹³ Gbē sīnda pínki ni zāágu ma yāi, ama gbē kú à zena gbāna ari a gɔɔ léa ni surabana le.

¹⁴ Tó a tēe guyakari è gu kú à de àgō kunlo, kyókeri gō dō, gbē kú ò kú Yudeanɔ bàa sí ò mì pé kpínɔa. ¹⁵ Gbē kú à kú a kpé musu sún kipa à gē kpé gūn à pōke sé à booro. ¹⁶ Gbē kú à kú bura sún era be à a uta séro. ¹⁷ Waiyoo nòsindarenɔ kú nérandenɔ gɔɔ birea. ¹⁸ À adua ke de yā pì sún ke bunsire gɔɔɔ, ¹⁹ zaakū wétámma nigō kun gɔɔ pínɔa. Zaa gɔɔ kú Luda andunia kè ari gbāra a taka dí kero, ani sō ke zikiro. ²⁰ Tó Dikiri dí gɔɔ pínɔ lagoro, de gbēke ni boro. Ama à gɔɔ pínɔ làgo a gbē kú à n sēnɔ yāime.

*Bisāsiri Né sunaa
(Mat 24:23-44, Luk 21:25-38)*

²¹ Gɔɔ birea tó gbēke piáre, à Arumasihu gwa la kesō à Arumasihu gwa zà dire, àsun síro. ²² Zaakū Arumasihu ékenɔ kú annabi ékenɔ ni su ò sèedanɔ kú daboyānɔ ke, de ò gbē kú Luda n sēnɔ sāteo, tó ani sí ke. ²³ À laakari ke. Ma gīnake ma yā pínki oáre zaa káaku kò.

²⁴ Gɔɔ pínɔ wétámmanaa gbera ifántē ni sira kú, mɔvura ni í kero, ²⁵ susunenɔ ni woro ludambē, gbāna kú ò kú musunɔ ni yīgā, ²⁶ gbasa ò Bisāsiri Né suna e ludambē lukun kú gbāna zōkōo kú gakurio. ²⁷ Ani a

malaikanɔ zĩ andunia kusuru siikɔ gũn, de ò gbẽ kũ Luda n sɛnɔ kakara zaa andunia lé díkũ kũ a lé direkũo.

²⁸ Á yã dada kaka lía. Tó a ɔnenɔ í kpàkpa àten lá b̀̀to kú, á d̄s kũ guwãnagorɔ kà kãni. ²⁹ Lɛmɛ s̄s, tó a è yã p̄nɔ ten ke, àḡs d̄s kũ a sunaa kà kãni, à kú kpéleleá. ³⁰ Yãpuran maten oáre gorɔ dí gb̄nɔ ni ḡetero ari yã p̄nɔ gé keo p̄nki. ³¹ Musu kũ zĩteo ni ḡete, ama ma yãnon ḡetena v̄ro. ³² Gb̄ke a gorɔ ke a gorɔ zaka d̄ro, bee malaika kũ ò kú musunɔ ke Luda Né, sé De Luda.

³³ Á laakari ke, á wé ḡs d̄o, zaakũ á d̄s gorɔ kũ ani suro. ³⁴ A de lán gbẽ kũ àten gé w̄etea bà. Á a be tò a zĩkerinɔne baadi kũ a z̄io, akũ à p̄i a gudãkpãriine á wé ḡs d̄o. ³⁵ Ák̄nɔ s̄s, á d̄s gorɔ kũ bede ni suro, ɔk̄sin yá, lizãndon yá, kolezuon yá, ke gud̄o. A yã mé à tò á wé ḡs d̄o, ³⁶ de àsun su kãnto à á le àten i oro yãi. ³⁷ Yã kũ maten oáre maten o gbẽ s̄inda p̄nkineme, à wé ḡs d̄o.

14

Lékpakúsuna Yesui

(*Mat 26:1-5, Luk 22:1-2, Yuh 11:45-53*)

¹ V̄nla dikpe kũ Burodi Futenasari dikpeo ḡs gorɔ pla, akũ sa'orikinɔ kũ ludayãdannerinɔ ten zé wete kũ ònd̄so ò Yesu kũ ò de. ² Zaakũ ò p̄i: Òsun ke dikpe z̄iro, de gb̄nɔ s̄un zuka káro yãi.

Nísi gb̄i nna kuna Yesu m̄ia

(*Mat 26:6-13, Yoh 12:1-8*)

³ Gorɔ kũ Yesu kú Betani, Simɔ kusu bea, àten pó ble gengesekena, akũ nɔgbẽ ke nài a lo fitinna kũ nísi gb̄i nna buri mana ɔḡode kú a ḡun kũna. Akũ à lo p̄i wakaa è, à nísi p̄i kũ Yesu m̄ia. ⁴ Gb̄kenɔ kú gwe, n̄ p̄o f̄ute ò p̄i: Bóme nísi p̄i laalasekena ũu? ⁵ Oni f̄s ò yía de andurufu waa do kpé basɔrola ò a ɔḡo kpá takasidenɔa. Akũ ò léf̄to kpá nɔgbẽ p̄ii. ⁶ Akũ Yesu p̄i: Á a tó gwe. Bó yã mé à tò àten wari d̄aa? Á zĩ mana k̄emeneme. ⁷ Takasidenɔ niḡs kú kãáo gorɔ s̄inda p̄nki, gorɔ kũ á yei, áni f̄s à keĩne. Makũ s̄s maniḡs kú kãáo gorɔ s̄inda p̄nkiro. ⁸ Á kè a gbãna lémm̄e, à ḡinake à nísi kú ma m̄eaa de à ma gè keome. ⁹ Yãpuran maten oáre, gu kũ òteni ma baaru nna waazi ken andunia ḡun p̄nki, oniḡs yã kũ nɔgbẽ p̄i kè o a d̄ongu yãi.

Yudasi bona Yesu kpe

(*Mat 26:14-16, Luk 22:3-6*)

¹⁰ Abire gbera gb̄enon kuri awɛɛplanɔ do kũ òdi pine Yudasi Isikariɔti ḡe sa'orikinɔ k̄naa de à Yesu kpám̄ma. ¹¹ Kũ ò a yã mà, akũ n̄ p̄o kè nna, akũ ò lé s̄ene kũ oni ɔḡo kpáa. Akũ àten zé wete à Yesu kpám̄ma.

V̄nla p̄oble kekenna

(*Mat 26:17-25, Luk 22:7-14, 21-23, Yuh 13:21-30*)

¹² Burodi Futenasari dikpegorɔ kãaku zĩ kũ òdi V̄nla s̄ane b̀̀ro kũtu kpá, Yesu ibanɔ a là ò pine: Mán n̄ ye ò gé kekenne n̄ V̄nla pó blenn? ¹³ Yesu gb̄enon pla zĩ a ibanɔ té à piinne: Á gé w̄ete ḡun. Ḡogbẽ ke ni daále à í sena kũ loo. Á téi ¹⁴ ari ɔn kũ ani ḡen. Á o ɔn p̄i bedene, danneri p̄i mán a kipaki kunn, gu kũ áni V̄nla pó blen kũ a ibanɔ? ¹⁵ Ani kpé musu z̄ok̄s kũ ò k̄eke m̄áre. Á p̄obleyã kekewere gwe. ¹⁶ Yesu ibaa p̄nɔ dà z̄en, ò ḡe w̄ete p̄i ḡun, akũ ò lè lákú à òrine nà. Akũ ò V̄nla p̄obleyã k̄eke gwe.

17 Kū ɔkɔsi kè, akū Yesu gèe gwe kū a gbēnɔn kuri awɛɛpla pìnɔ. 18 Kū ò gɛngesekɛna òten pɔ ble, akū à pì: Yápuran maten oáre, á gbē mèn do kū òten pɔ ble lɛlɛ ni ma kpámma. 19 N nèsɛɛ yàka, akū òteni a la dodo: Asa makúroo? 20 Akū à pìnnɛ: Á gbēnɔn kuri awɛɛplanɔ do kū òten pɔ ble ta gūn lɛlɛmɛ. 21 Bisásiri Né ni kpágui lákū a kɛna a yā musu nà, ama waiyoo gbē kū ani Bisásiri Né kpámma pìi. Ani kɛ sàna adene tó odi a i yāro.

Dikiri pɔble

(Mat 26:26-30, Luk 22:14-20, 1Kɔ 11:23-25)

22 Kū òten pɔ ble, Yesu burodii sè à arubarikaa dàn, akū à likɔre à kpà a ibanɔa à pì: Á sí, ma mèn dí. 23 Akū à toko sè à arubarikaa dàn à kpámma, akū ò m̀ ní pínki. 24 Akū à pìnnɛ: Ma arun yè, Luda bàka kunna kū gbē dasinɔ aru ũ kū ani bɔtema. 25 Yápuran maten oáre, mani geepi'i mi gĩa dororo ari kpata kū à bò Luda kīnaa gé boo gupuraa, gbasà mà a dufu mi sà. 26 Kū ò lèe sì, akū ò bòte ò gèe Kùkpe s̀s̀igereɛi.

Yesu gīnake à d̄s̄ yā kū Pita ni ke

(Mat 26:31-35, Luk 22:31-34, Yuh 13:36-38)

27 Akū Yesu pìnnɛ: Á pínki áni fuma, zaakū ò kè Luda yān ò pì: Mani sādāri lé, sānɔ ni fākɔa. 28 Ama ma vunaa gbera mani doáre are gena Galili. 29 Akū Pita pìnnɛ: Bee tó ò fù ní pínki, mani furo. 30 Akū Yesu pìnnɛ: Yápuran maten onne, gwāaniala ari ko ḡ gé lé zu gèn pla, ĩni ledi kpámai gèn aakɔ. 31 Akū Pita pì māmam: Bee tó mani sù mà ga kúnwo, mani ledi kpányi zikiro. Akū ò ò lɛ se ní pínki.

Yesu aduakɛna zaá Getesemani

(Mat 26:36-46, Luk 22:39-46)

32 Ò kà gu kū òdi pì Getesemani, akū Yesu pì a ibanɔne: Á vute la ari mà gé adua ke. 33 Á Pita kū Yamisio kū Yuhanao sè à gèe kúnwo. Pɔsira a kù a nèseyɔkɔ si. 34 Akū à pìnnɛ: Ma pɔ sira kù manamana ari ga léi. Á ze la à ibēne ke. 35 Kū à gèe are f̄iti, akū à kùte z̄ite à adua kè tó ani sí ke, gɔrɔ zakaa pì gēteala. 36 Á pì: Baa, ma De, pɔ s̄inda pínki d̄i sí kenne. N̄ toko'i dí síma, ama adi ke yā kū má yeinlo, sé kù ní yeii. 37 Akū à èra à sù à a ibanɔ lè, òten i o. Akū à pì Pitane: Simɔ, nteni i on yá? N̄di f̄ɔ n̄ ibēne kè bee awa doroo? 38 Á ibēne ke àḡ adua ke de àsun fu ȳogwanaaaro yāi. Nini yei, ama m̀ buse. 39 Á èra à gèe adua ke, akū à yā dokɔnɔ pìi ò dɔ. 40 Kū à èra à sù à ní lé, òten i o, zaakū òten idekū d̄ede. Ò d̄s̄ deran oni yā onɛ nàro. 41 A suna gèn aakɔdeo à pìnnɛ: Áten i o áten kámma bo ari teran yá? À mò lɛ. Gɔrɔ kà sà. Á gwa, ò Bisásiri Né kpà durunnakerinɔa. 42 Á fute ò gé. Gbē kū à ma kpámma pì ten su fá.

Yesu kūnaa

(Mat 26:47-56, Luk 22:47-53, Yuh 18:3-12)

43 Kū à kpé àten yā pì o, akū Yudasi à iba gbēnɔn kuri awɛɛplanɔ doke sù kū pario, ò f̄enedanɔ kùkūna kū gònɔ. Ò bò sa'orikinɔ kù ludayādannerinɔ kù gbē z̄ɔkɔnɔ kīnaa. 44 Bonkpede pì s̄ɔ à s̄edaa ònnɛ à pì: Gbē kū mani lé péa, àkūn dí. Á a kù gbāna à tá k̄āao. 45 Akū à m̀i pè Yesua ḡn̄nɔ à pìnnɛ: Rabi! Akū à lé pèa. 46 Akū ò p̄ete Yesua ò a kù ḡinḡin. 47 Akū gbē kū ò zena gwɛnɔ doke a f̄eneda wòto à sa'oriki z̄iri ke lè ò a s̄á gò. 48 Akū Yesu pìnnɛ: Kpāni w̄édewen ma ũ kū a su à ma kù kù f̄enedanɔ kù gònɔ yá? 49 Madiḡɔ

kú kááo Luda ɔnn lákú gu dígō dɔ ná, madígō yá daáre, ádi ma kúro. Ama sé yá kú ò kè Luda yān papa. ⁵⁰ Akú a ìbanɔ bàa lè ń pínki ò a tòn.

⁵¹ Kefenna ke téi à p̄ske danaro, bizatarun à kùala. Kú ò a kù, ⁵² akú à bò ń ɔ̄ à a biza tònne gwe à bàa si à tà punsi.

Yuda gbanadenɔ yápatekena kú Yesuo

(*Mat 26:57-68, Luk 22:54-55, 63-71, Yuh 18:13-14, 19-24*)

⁵³ Akú ò gèe kú Yesuo sa'oriki zókō bea. Sa'orikinɔ kú gbē zókōnɔ kú ludayádannerinɔ kàkara gwe ń pínki. ⁵⁴ Pita té a kpe zà dire ari à gèe à gèe sa'oriki zókō be ɔnn. À vùte gwe àten té kpákpa kú dogarinɔ lèele. ⁵⁵ Sa'orikinɔ kú Yuda yákpatekerinɔ ń pínki ten sèeda wete Yesui ò a de, akú odi a lero. ⁵⁶ Ò ékeyá didia dasi, ama ń yáke dí kō séro. ⁵⁷ Akú gbēkenɔ fùte ò ékeyá didia ò pì: ⁵⁸ O mà à pì áni Luda kpé kú bisāsiri bò wí áni a pānde bo gɔɔ aakō dagura kú bisāsiri dí boro. ⁵⁹ Bee kú abireo ń yá dí kō séro. ⁶⁰ Akú sa'oriki zókō fùte à zè ń are à Yesu gbèka: Ń yáke ví n̄ weńmaroo? Yá kú òten didimma dí de deraa? ⁶¹ Yesu yíte kpēn adi yáke wearo, akú sa'oriki zókō pìi era à a gbèka: Mòkōn Arumasihu, Luda arubarikade Né ũ yá? ⁶² Akú Yesu pì: Makūme a ũ. Áni Bisāsiri Né e vutena Gbānasīndapinkide ɔplai, akūsō áni a suna e ludambe lukun. ⁶³ Akú sa'oriki zókō pì a utanɔ gā à kè à pì: À kè dera òten sèedade pānde kenɔ wete dɔɔ? ⁶⁴ A mà lákú à dɔkè kú Ludao ná. Yá kpaten a zeo teraa? Akú ò yá dàala ń pínki ò pì ò a de. ⁶⁵ Akú gbēkenɔ fùte ò lé'i kàa. Akú ò p̄ yìne a ānwa, òteni a léle kú okūo òten pine: N̄ annabikeyá ò n̄ gbē kú à n̄ le o. Akú dogarinɔ a kú ò a s̄an kèke.

Pita ledikpana Yesui

(*Mat 26:69-75, Luk 22:56-62, Yuh 18:15-18, 25-27*)

⁶⁶ Pita kú ɔnn zīte, akú sa'oriki zókō zònɔkparenɔ doke sù gwe. ⁶⁷ Kú à Pita è àten té kpákpa, akú à wé dia à pine: Mòkōn s̄o ndigō kú lèele kú Yesu Nazerao. ⁶⁸ Akú à ledi kpà à pì: Má a d̄oro, mádi yá kú nteni o d̄oro d̄oro. Akú à fùte à gèe gānun. ⁶⁹ Kú zònɔkpare pì a è gwe dɔ, akú à ò gbē kú ò zena gwenɔne à pì: N̄ gbē mèn don dí. ⁷⁰ Akú Pita ledi kpà dɔ. Kú à kè saa fíti, gbē kú ò zena gwenɔ pì Pitane: Yápurame n̄ gbē dome n̄ ũ, zaakú Galili gbēme n̄ ũ. ⁷¹ Akú Pita fùte à a zīda kà à la dà à pì: Má gbē kú áteni a yá o pì d̄oro. ⁷² Zaa gwe ḡōnɔ ko lé gèn plade zù, akú yá kú Yesu òo d̄o Pitan, kú à pì, ari ko ḡō gé lé zu gèn pla, ani ledi kpái gèn aakō. Akú à nà ɔ̀dɔnaaa.

15

Pilati yákpatekena kú Yesuo

(*Mat 27:1-2, 11-14, Luk 23:1-5, Yuh 18:28-38*)

¹ Kú gu d̄o ḡōnɔ sa'orikinɔ kú gbē zókōnɔ kú ludayádannerinɔ kú gbānadenn̄ n̄ pínki yá ḡōḡō, akú ò Yesu yì ò gèe ò a nà Pilatine a ɔ̄. ² Akú Pilati a là à pì: Mòkōmme Yudanɔ kína ũ yá? Yesu wèa à pì: Len n̄ ò le. ³ Sa'orikinɔ ten yá didia, ⁴ akú Pilati a là dɔ: Īni yáke oroo? Yá kú òten didimma ma fá! ⁵ Ama Yesu dí yáke weńmaro, akú yá pìi bò Pilati sare.

Yádana Yesula

(*Mat 27:15-26, Luk 23:13-25, Yuh 18:39-19:16*)

⁶ Vīnla dikpe zī òdi purusunanɔ doke kú gbēnɔ a wé kè gbareñne. ⁷ Gɔɔ kúa s̄o gbēke kú kpésiran òdi pì Baraba. À kú kú gbē gaavude kú ò gbē

dènɔ. ⁸ Akū pari nà Pilatii ò wé kèa à ke lákū àdi keńne nà. ⁹ Akū Pilati n lá à pì: Á ye mà Yudanɔ kína gbareáren yá? ¹⁰ Zaakū à dɔ kú nèsɛgɔba kú sa'orikinɔn vī kú Yesuo yáin ò a kpàawa. ¹¹ Akū sa'orikinɔ gbēnɔ laakarīi fùte, de ò o Pilatine à Baraba gbareńne. ¹² Akū Pilati n lá à pì: Bón á ye mà ke kú gbē kú adì pì Yudanɔ kinao teraa? ¹³ Akū ò wiki lè ò pì: N a pá lía! ¹⁴ Akū Pilati pìńne: À kè deraa? Bó dàan à kèe? Akū ò wiki lè ò kàra ò pì: N a pá lía! ¹⁵ Pilati ye à gbēnɔ ponna wete, akū à Baraba gbareńne. À Yesu kpà sozanɔ ò a gbē flàao ò a pá lía.

Yesu fobona

(Mat 27:27-31, Yuh 19:2-3)

¹⁶ Akū sozaa pìno gèe káao bùsu gbē zɔkɔ pì be ɔnn, akū ò n gá kàkara pínki. ¹⁷ Ò arukĩmba tēra dāne, akū ò lè fūraa tà ò kùne. ¹⁸ Akū òten fɔ kpáa ò pì: Fɔɔ Yudanɔ kína! ¹⁹ Òteni a lé kú gòoo a mìa òten lé'i káa òten kúte n koso a òten mì natene. ²⁰ Kú ò a fobò ò làka, akū ò arukĩmba tēra pìi gòala ò a zīda pókasa dāne. Akū ò bò káao òten gé a pá lía.

Yesu pana lía

(Mat 27:32-44, Luk 23:26-43, Yuh 19:17-27)

²¹ Kú òten gé, Sireni gbē kú ò pine Simɔ bò lakutu kea àten su wēte gūn, akū ò gā nàa à Yesu lígbāndurukpana sé. Àkūme Alesanda kú Rufuo de ū. ²² Akū ò gèe kú Yesuo gu kú òdi pì Gɔgɔta kú à pì mitokoki. ²³ Akū ò sèwē kú ò yàkate kú ezee dōne, ama adi miro. ²⁴ Kú ò a pá lía, akū ò a pókasanɔ kpàate ò kàte, akū ò kàpaa kpà lákū n baadi ni sé nà. ²⁵ Ò a pá lía mò kēndome. ²⁶ Ò yā kú ò dīaa kē ò nà lía a mīla ò pì:

Yudanɔ kína.

²⁷ Ò kpāni wédewenɔ pà lía a sare gwe dɔ gbēnɔn pla, gbē do a ɔplai gbē do a ɔzei. ²⁸ Len yā kú ò kē Luda yān pāpa le kú ò pì: Ò a kàkara kú dàkerino.

²⁹ Gbē kú òten gē zéla gwenɔ teni n mì ke dékūdekū, òteni a sōsō ò pì: Èhē! Mɔkɔn kú n pì ìni Luda kpé wí n era n bo gɔɔ aakɔ daguran gweroo? ³⁰ N n zīda mì sí n kīpa lía! ³¹ Lemé dɔ sa'orikinɔ kú ludayādannerino teni a fobo le ò pì: À gbē pādenɔ mī si, ama ani fɔ à a zīda mì sīro. ³² Tó Arumasihu, Isarailanɔ kína kīpa lía tera ò e, óni a náani ke. Akū gbē kú ò n pá lía leelenɔ teni a sōsō dɔ.

Yesu ganaa

(Mat 27:45-46, Luk 23:44-49, Yuh 19:28-30)

³³ Kú ifāntē kà midangura, akū gusira dà bùsuu pīla pínki ari fānantē mò aakɔ. ³⁴ Fānantē mò aakɔn Yesu wiki lè gbānagbāna à pì: Eloi, Eloi, lēma sabatani! Abirekū pì: Ma Luda, ma Luda, à kè dera n ma tonn? ³⁵ Kú gbē kú ò zena gwe kenɔ yā pìi mà, akū ò pì: À ma, àten Iliasu sísi. ³⁶ Akū gbēke bàa lè à gèe à sako sè à dà sèwē kpàkpāa gūn, à fīfī lebaa, akū à dō Yesune à mi. Akū à pì: À ze gīa ò gwa, tó Iliasu ni su à a kīpa. ³⁷ Yesu wiki gbāna lè à wēndii tà. ³⁸ Akū Luda kpé lābure kēkɔa pla bona musu suna zīte. ³⁹ Kú sozanɔ gbē zɔkɔ kú à ze Yesu are gwe è lākū à gā nà, akū à pì: Yāpurame Luda Nén gbē dī ū. ⁴⁰ Nɔgbē kenɔ kú gwe dɔ òten gu gwa zà dire. N tén Mariama Magadalēni kun kú Mariamao Yamisi Fīti kú Yusufuo da kú Salomeo. ⁴¹ Gɔɔ kú Yesu kú Galili, mɔkɔnɔ mé òdigɔ téi ògɔ kpái. Nɔgbē pādenɔn kú gwe dɔ dasi kú ò gèe káao Yurusalemu lele.

Yesu vīnaa
(*Mat 27:57-61, Luk 23:50-56, Yuh 19:38-42*)

⁴² Azuma zī ɔkɔsi. Kū òɔten kámmbogɔɔɔ soru ke, ⁴³ Yusufu Arimatea gbē sù. Gbē tódemε Yuda gbānadeno té. Àkū sō àten kpata kū à bò Luda kīnaa dā. À kùgbāna kè à gèε Pilati kīnaa à Yesu gèε gbèkaa. ⁴⁴ Kū Pilati mà Yesu gīnake à gà kò, à bò a sare. Akū à sozano gbē zōkō sisi à a là tó Yesu gà kò. ⁴⁵ Kū Pilati gbē zōkō yā pìi mà, akū à Yusufu gbà zé à gèε pìi sé. ⁴⁶ Akū Yusufu gèε à táaru biza lù, akū à gèε à a gèε kipa lía à biza pìi fīfia. À a dà gbèwεε kū ò sò mira ũ gūn, akū à gbè gbèntē gbigiri kè à tàta wèε pìi. ⁴⁷ Mariama Magadaleni kū Mariama Yusufu dao è gu kū ò Yesu gèε pìi wùten.

16

Yesu vunaa
(*Mat 28:1-10, Luk 24:1-12, Yuh 20:1-10*)

¹ Kámmbogɔɔɔ lakanaao ɔkɔsi Mariama Magadaleni kū Mariama Yamisi dao kū Salomεo nísi gbī nna lù, de ò gé ò kú Yesu mēεa yāi. ² Azumanenna zī kɔnkɔkɔnkɔ ò bò òɔten gé mira pìi kīnaa. ³ Ò kō là zén ò pìi: Dí mé ani gbèε kù gbigiri ke à gowεε mira léa sōo? ⁴ Zaakū gbèε pìi zōkō manamana. Kū ò wé sè ò gwà, akū ò è ò gbèε pìi gbigiri kè ò gò mira pìi léa. ⁵ Kū ò gè mira pìi gūn, akū ò kefenna ke è vutena ɔplai à utagyaba pura dana. Akū ò kè gīri. ⁶ À pīnne: Àsun ke gīriro, Yesu Nazera kū ò pà lían àten weteroo? À vù, à kú laro. À gu kū ò a wùten gwa, ⁷ áni gé à o a ibanone kū Pitao kū àten doñne are gena Galili. Gwen oni a en lákú à órīne nà. ⁸ Òɔten lukaluka, yā pìi bò ní sare, akū ò bò miran ò bàa lè. Odi yáke o gbèkenero kū vīna ní kú yāi.

Yesu bo à suna a ibanone
(*Mat 28:16-20, Luk 24:36-53, Yuh 20:11-23*)

⁹ Kū Yesu fūte azumanenna zī kɔnkɔkɔnkɔ, à a zīda mò Mariama Magadaleni káaku. Nɔgbē pìi gūnn Yesu pè tana mèn supplanɔa. ¹⁰ Akū nɔgbē pìi gèε à ò gbē kū ò kú káao yānne. Ní nēεε yakana òɔten sò dɔ. ¹¹ Kū ò mà kú Yesu kú kú wēndiio ari nɔgbē pìi à è kú wéo, odi síro.

¹² Abire gbera gɔɔɔ kū ní gbēnɔn planɔn té zé gūn òɔten gé wēte gūn, à bò à sūmma lán gbē pānde bà. ¹³ Kū ò èra ò sù, ò ò gbē kparanone, ama odi ní yā síro. ¹⁴ Kū à kè saa à bò à sù a iba gbēnɔn kuri awēdonone kū òɔten pò ble. Akū à kpàkēnyī ní sāgbāna yāi, zaakū odi a náani kero akūsò odi gbē kū ò a è à vūno yā síro. ¹⁵ Akū à pīnne: À gé andunia gu sīnda pīnkia à ma baaru nna kpá gbēnne ní pīnki. ¹⁶ Gbē kū à si akū à da'ite kè mé ani surabana le. Gbē kū adi sí sōro, yā ni bo adene vāni. ¹⁷ Gbē kū ò baaru pìi sìnɔ yākenanɔn dí: Oni tānanɔ goñma kū ma tóo, oni yáke buri o. ¹⁸ Oni mlè sé kú ɔo. Bee tó ò sewε mì, pòke ni ní lero. Oni ɔ na gyārenɔa ò gbāna kū.

Tana kū Yesuo ludambe
(*Luk 24:50-53, Zīr 1:9-11*)

¹⁹ Kū Dikiri Yesu yā órīne à làka, akū Luda a sè à tà káao musu, akū à vùte Luda ɔplai. ²⁰ Akū à ìbaa pīnɔ gèε ò waazi kè gu sīnda pīnkia. Dikiri zī kè kūrīwo à a yā zīni pēte kū daboyá kū ò téino.

LUKU

Baaru nna kū Luku kēē
 Yesu Kirisi inaa 1:1-2:52
 Yahaya Da'itekeri waazikenaa 3:1-3:20
 Yesu da'itekenaa 3:21-4:13
 Yesu yādannena Galili 4:14-9:50
 Zaa Galili ari Yurusalemu 9:51-19:27
 Yesu kunna Yurusalemu 19:28-22:46
 Yesu gana kū a vunaa 22:47-24:53

¹ Gbēnɔ kpà dasi, de ò yā kū à kè ó té baba takada gūn zéazea, ² lākū gbē kū ò de yā pii sēedadēnɔ ũ kū a baarukparinɔ òwēre nà zaa káaku. ³ Tera sà makū s̄s, lākū ma wé pè yā pinɔi nà dodo zaa a naana, ma è à mana mà kēnne zéazea, ma gbē bēere de Tioflu, ⁴ de ò yā kū ò dānne sānsān d̄s.

Malaika gīnake à Yahaya Da'itekeri ina yā'onaa

⁵ Yudea bùsu kína Herɔdu gɔɔ sa'ori ke kun, a tón Zakari. À kú Abia sa'orinɔ gāa gūmme. A nanɔ tón Elizabeti. Haruna burime d̄o. ⁶ N̄ pla n̄ pínki mana Ludan̄e. Òdiḡs kun taari sari, ò Dikiri doka kū yā kū à ditenɔ kūna. ⁷ Ama ò né vīro, zaakū Elizabeti bi paramē, akū n̄ gbēnɔn pla n̄ pínki zī kū.

⁸ Gɔɔ kū sa'onaa kà n̄ gāaa, Zakari mé àten sa'ona Ludaa zī ke. ⁹ Lākū sa'orii pinɔ d̄i ke nà, ò kàpaa kpà, akū kàpa Zakari kù de à gé turaretiti kpata Dikiri kpén. ¹⁰ Turaretitikpatana gɔɔ pari kàkara kpélele a n̄ pínki, òten adua ke. ¹¹ Akū Dikiri malaikaa bò a s̄ua, à zè turaretitikpataki ɔplai. ¹² Kū Zakari a è, à kè ḡiri, vīna a kù. ¹³ Akū malaikaa p̄i pin̄e: N̄sun tó vīna n̄ kūro Zakari. Luda n̄ wéke s̄i, n̄ nanɔ Elizabeti ni né i ḡs̄gbē ũ, n̄ tó kpáne Yahaya. ¹⁴ N̄ p̄o ni ke nna, n̄ yāa d̄o, gbēnɔ ni p̄onna ke a ina yā musu dasi, ¹⁵ zaakū aniḡs̄ de Dikirin̄e gbē z̄s̄k̄s̄ ũmē. An̄i wē ke í gbāna ke miro, Luda Nini niḡs̄ kúa zaa a da gberem̄mē. ¹⁶ An̄i tó Isarailanɔ ar̄e d̄o Dikiri n̄ Ludaa dasi, ¹⁷ an̄i do Dikirin̄e ar̄e kū Luda Nini gbāna kū Iliasu vī yāo. An̄i tó denɔ lé ke do kū n̄ n̄n̄o, an̄i tó s̄ayāmarisaridenɔ gbē mananɔ ɔnd̄s̄ sé. An̄i tó gbēnɔ ḡs̄ kú soru gūn Dikirin̄e.

¹⁸ Akū Zakari p̄i malaikaa pin̄e: Deran mani yā p̄i yāpura d̄s̄o? Zaakū mare zīkūnaan ma ũ, akū ma nanɔ zī kū d̄o. ¹⁹ Akū malaikaa p̄i wēa à p̄i: Makūmē Gibirilu ũ, madiḡs̄ zena Luda ar̄e. Àkū mé à ma zī mà yā p̄i onne, mà baaru nna p̄i kpánne. ²⁰ N̄ ma, n̄ néne ni nate, ĩni f̄s̄ n̄ yā oro ari yā p̄i gé keo, kū n̄di ma yā kū an̄i ke a gɔɔa síro yāi. ²¹ Gɔɔ kúa s̄s̄ òten Zakari dā. A gikenaa Luda kpén bò n̄ sare. ²² Kū à bò, adi f̄s̄ à yā ò kúnworo, akū ò d̄s̄ kú à wégupu è Luda kpén. Lākū a néne n̄ate nà, akū àten yā oñne kū ɔo. ²³ Kū Zakari sa'ogɔɔ p̄apa, akū à tà bē. ²⁴ Abire gb̄era a nanɔ Elizabeti n̄ò s̄i, akū à a zīda ùte ari m̄o s̄ɔɔro à p̄i: ²⁵ Dikiri yā dí kēmene, à ma wēnda gwà, à ma bo wé'iyān.

Malaika gīnake à Yesu ina yā'onaa

²⁶ A m̄o suddode gūn Luda malaika Gibirilu zī Galili lakutu kū òdi p̄i Nazera gūn. ²⁷ À ḡèe n̄okpare būnu kū a tón Mariama kīnaa. À ḡs̄k̄pamma vī Dauda buri ũ. A tón Yusufu. ²⁸ Kū malaikaa p̄i ḡè a kīnaa, à pin̄e: F̄ɔɔ

arubarikade! Dikiri kú kúnwo. ²⁹ Mariama bídi kè manamana yā p̄ia, à laasun lè à p̄i: Fɔɔ bire mì de deraa? ³⁰ Akū malaikaa p̄i p̄ine:

Mariama, ñsun tó v̄ina n k̄uro,
zaakū Luda gb̄eke k̄enneme.

³¹ Ñ ma! Ñni nò sí ñ né i ḡɔgb̄e ũ,
ñ t̄s kp̄ane Yesu.

³² Aniḡɔ de gb̄e z̄ɔk̄ɔ ũ,
oni a s̄isi Luda Musude Né.
Dikiri Luda ni a ká
a dizi Dauda kpatan,

³³ aniḡɔ kí ble Yakubu burinɔa ḡɔɔ s̄inda p̄inki,
a kíblena niḡɔ lakana v̄iro.

³⁴ Akū Mariama p̄i malaikaa p̄ine: Mádi ḡɔgb̄e d̄s zikiro, abirekū ni sí ke deraa? ³⁵ Malaikaa w̄ea à p̄i:

Luda Nini ni summa,
Luda Musude gb̄ana ni danla.

Abire yāi né kú ñni i p̄i kunna niḡɔ adona,
oni a s̄isi Luda Né.

³⁶ N dane Elizabeti néḡɔgb̄e n̄òsina se a z̄ikūnaa ḡun. Nɔgb̄e kú ò dìte para ũ p̄i kú kú nò m̄ɔ suddoo tera. ³⁷ Zaakū Luda k̄inaan p̄ó s̄inda p̄inki ò sí ken. ³⁸ Akū Mariama p̄i: Dikiri z̄òbleriin ma ũ. À kemene lákū n ò nà. Akū malaikaa p̄i tà à a tòn.

Mariama gena Elizabeti k̄inaa

³⁹ Ḡɔɔ k̄ua Mariama f̄ute à ḡe lakutu kú à kú Yudea b̄usu gus̄is̄iden ḡònɔ.
⁴⁰ À ḡe Zakari bea, akū à f̄o kp̄a Elizabetia. ⁴¹ Kú Elizabeti Mariama f̄ɔɔ p̄i mà, a né v̄l a ḡbere ḡun, akū Luda Nini s̄u Elizabetia, ⁴² à wiki gb̄ana lè à p̄i: Arubarikademe n ũ de nɔgb̄e s̄inda p̄inkila. Arubarikaden né kú à kú n ḡberen ũ d̄ɔ. ⁴³ B̄ón ma ũ, kú ma Dikiri da s̄u ma gwaa? ⁴⁴ Ḡɔɔ kú ma n f̄okpammanaa mà dé, né kú à kú ma ḡberen v̄l kú p̄onnaome. ⁴⁵ Arubarikademe n ũ, m̄ɔk̄ɔn kú n yā kú Dikiri ònne s̄i, kú ani ke.

Mariama Dikiri t̄s sena lei

⁴⁶ Akū Mariama p̄i:
Maten Dikiri t̄s sé lei ma sw̄e ḡun,
⁴⁷ ma p̄o ten ke nna
Luda ma Surabariia,
⁴⁸ zaakū à ma yā dà,
makū a z̄òbleri kú mádi ká p̄oke ũro.
Zaa tera ari ḡɔɔ s̄inda p̄inki oni p̄imene arubarikademe,
⁴⁹ zaakū Luda gb̄anade yā z̄ɔk̄ɔ k̄emene.
A t̄s kú adona.
⁵⁰ Àdi w̄enda d̄s gb̄e kú òdi a v̄ina kenone
ari ñ buria.
⁵¹ À a ḡaa p̄oro, à a gb̄ana m̄òñne,
à z̄idabirino f̄ák̄ɔa kú ñ laasunnɔ.
⁵² À gb̄anadenɔ b̄o kpatan,
à talakanɔ s̄e lei.
⁵³ À p̄o mananɔ kp̄a n̄aderinɔa ò kà,
ama à ɔḡodenɔ gb̄are ɔkori.
⁵⁴ À kp̄a a z̄òbleri Isarailanɔi,

ń yā dí s̄aguro.

⁵⁵ À wēnda d̄s̄ Ibrahīne k̄u a buri p̄ino

lákū à ò ó dizin̄one nà.

⁵⁶ Mariama v̄ute k̄u Elizabetio lán mo aak̄o bà, akū à èra be.

Yahaya Da'itekeri inaa

⁵⁷ Elizabeti né'iḡoro kà, akū à né'ì ḡs̄gb̄e ũ. ⁵⁸ Kū a f̄arandiden̄o k̄u a danen̄o mà lákū Dikiri a wēnda gwà nà, ò p̄onna k̄e k̄aao. ⁵⁹ A ḡoro s̄oraak̄ode z̄i ò s̄u t̄s̄ z̄s̄ né piine, de ò a de Zakari t̄s̄ kp̄ane, ⁶⁰ akū a da pi: Oi! Oni a sísi Yahayame. ⁶¹ Ò p̄ine: Gb̄eke kú n danen̄o té k̄u à t̄s̄ bire v̄iro. ⁶² Akū ò yā ò a den̄e k̄u o, de ò d̄s̄ deran à ye ò t̄s̄ kp̄ane nà. ⁶³ Zakari anlo gb̄eka, akū à k̄eà: A t̄s̄n Yahaya. Yā pii bò ń sare ń p̄inki. ⁶⁴ Gwe ḡs̄no a néne s̄e lei, à lé bò àten yā o, àten Luda s̄áabu kp̄á. ⁶⁵ Akū v̄ina ń f̄arandiden̄o k̄u ń p̄inki, akū Yudea b̄usu ḡus̄is̄ide gb̄en̄o ten yā pi ò ń p̄inki. ⁶⁶ Akū gb̄e k̄u ò yā pii màno k̄una ń n̄es̄e ḡun ò pi: B̄on né pi niḡo de a ũ ziaa? Zaakū Dikiri o k̄ua.

Zakari annabik̄eyā'onaa

⁶⁷ Luda Nini s̄u a de Zakaria, akū à annabik̄eyā ò à pi:

⁶⁸ Ò Dikiri Isarailan̄o Luda s̄áabu kp̄á!

À s̄u à a gb̄en̄o bò.

⁶⁹ À Surabari gb̄anade b̄owere

a z̄òbleri Dauda buri té,

⁷⁰ lákū à ò a annabin̄o ḡai nà zaa ḡik̄ena.

⁷¹ Ò p̄i ani ó sí ó iberen̄o,

ani ó bo gb̄e k̄u ò z̄àogu p̄ino ōi.

⁷² Leme à ó dizin̄o wēnda gwà le,

a bàka kunna k̄un̄wo yā dí s̄aguro.

⁷³ À la dà ó dizi Ibrahīne

⁷⁴ à p̄i ani ó bo ó iberen̄o ōi,

áni ó gba z̄é ò doare v̄ina sari,

⁷⁵ de ó kunna ḡone adona gb̄e manano ũ

ari ó w̄endi lén.

⁷⁶ M̄ok̄on s̄o ma né,

oni n sísi Luda Musude annabii,

zaakū m̄ok̄on mé ïni do Dikirine are ñ z̄é kek̄ene.

⁷⁷ ïni t̄o a gb̄en̄o d̄s̄ lákū ani ń sura ba nà,

lákū ani ń durun̄nan̄o k̄em̄ma nà.

⁷⁸ Zaakū ó Luda s̄uru v̄i,

bonaa musu ani su ó gwa lán gud̄naa bà,

⁷⁹ de à gu pu gb̄e k̄u ò kú gusira ḡunn̄one

k̄u gb̄e k̄u ò kú ga léino,

de à ó gb̄á da aafia z̄én.

⁸⁰ Né pi z̄s̄k̄ k̄u, à ḡs̄ k̄agb̄anade ũ. A kú gb̄arannan ari ḡoro k̄u à bò

Isarailan̄one gupuraa.

2

Yesu Kirisi inaa

(Mat 1:18-25)

¹ Ḡoro k̄ua Siza Oḡosutu bò k̄u yāo, à pi ò a b̄usu gb̄en̄o n̄aro ń p̄inki.

² N̄arona k̄áaku k̄u ò k̄en gwe ḡoro k̄u Kiriniu de Siria b̄usu gb̄e z̄s̄k̄ ũ.

³ Gb̄e s̄inda p̄inki ḡe a be w̄eten, de ò a t̄s̄ da takadan. ⁴ Yusufu s̄o, à bò

Nazera, Galili b̀usun, à g̀e Dauda be lakutu Betilihamu, Yudea b̀usun, k̀u à de Dauda buri ũ yai. ⁵ À g̀e de ò a t̀s da takadan gwe k̀u a nɔkɔpamma Mariama k̀u à ǹsinaao, ⁶ ak̀u g̀o k̀u ò k̀u gwe, a ǹ'ig̀o k̀a, ⁷ ak̀u à a ǹe dauduu ì. À biza f̀f̄ia, à a ẁte p̀kãdenɔ p̀blebɔn, k̀u odi gu le nibɔnɔ kipakiaro yai.

⁸ Sãdãrinɔn k̀u b̀usu dokɔnɔ p̀i g̀n, òten i s̀ente, òteni ǹ sãnɔ dãkpã gwãani. ⁹ Ak̀u Dikiri malaikaa b̀ò à s̀mma, Dikiri gakuri gupura k̀u à likaŋyĩ, ak̀u v̄ina ǹ k̀u manamana. ¹⁰ Malaikaa p̀i ònne: Ásun tó v̄ina á k̀uro, zaak̀u ma su mà baaru nna kpãáreme, gb̄e s̄inda p̀inki pɔ ni ke nna manamana. ¹¹ Ò Surabarii iáre Dauda ẁeten gwãaniala, àk̀ume Arumasihu ũ Dikiri ũ. ¹² Sèeda k̀u ani tó à a d̀n dí: Áni ǹkpãnt̄e ẁutena p̀kãdenɔ p̀blebɔn g̀n, biza f̀f̄ia. ¹³ Kãnto ludambe gb̄enɔn k̀u l̄ele k̀u malaika p̀io dasidasi, òten Luda sáabu kpã ò p̀i:

¹⁴ Ò Luda t̀s sé lei zaa musu,
gb̄e k̀u ǹ yã k̀ene nnanɔ aafia le z̄ite.

¹⁵ K̀u malaikaa p̀inɔ g̀òila ò tà ludambe, ak̀u sãdãrinɔ òk̀ne ò p̀i: Ò gé Betilihamu, de ò yã k̀u à k̀e p̀i e, yã k̀u Dikiri tò o d̄. ¹⁶ Ak̀u ò f̀ute ò g̀e likalika, ò b̀ò Mariama k̀u Yusufuooa k̀u ǹkpãnt̄e p̀io ẁutena p̀kãdenɔ p̀blebɔn g̀n. ¹⁷ K̀u ò a è, ò yã k̀u ò ònne ǹe p̀i musu ò. ¹⁸ Ak̀u yã k̀u sãdãrinɔ òo p̀i b̀ò gb̄e k̀u ò mànɔ sare ǹ p̀inki. ¹⁹ Mariama yã p̀i k̀una a ǹese g̀n p̀inki, àten laasun léa. ²⁰ Sãdãrinɔ era ò tà, òten Luda t̀s bo, òteni a sáabu kpã yã k̀u ò mà ak̀u ò è yai, zaak̀u à k̀e lãk̀u ò ònne nã.

T̀kpana Yesune

²¹ A g̀o sɔraakɔde z̄i ǹe t̀zɔg̀o k̀a, ak̀u ò t̀s kpãne Yesu, t̀s k̀u malaikaa ò zaade odi a ǹ síro.

Yesu m̀na Dikirine

²² K̀u ǹ gb̄abog̀o k̀a, ò a s̀e ò g̀e à m̀ Dikirine Yurusalemu lãk̀u Musa doka ò nã. ²³ Zaak̀u à k̀u Dikiri doka takadan ò p̀i, ò daudunɔ kpã Dikiria. ²⁴ Ò sa'opɔ k̀u ò dite Dikiri doka takadan kpã, ò p̀i pot̄ene m̀en pla ke lukulukune b̀o m̀en pla.

²⁵ Gb̄eke k̀u Yurusalemu, a t̀n Simeɔ. Gb̄e maname, à Luda v̄ina v̄i, à wé dɔ Isarailanɔ surabanaai. Luda Nini k̀ua, ²⁶ ak̀u à p̀ine ani ga Dikiri gb̄e k̀u òdi pi Arumasihu enaa sariro. ²⁷ Luda Nini d̀one are, ak̀u à g̀e Luda onn. K̀u Mariama k̀u Yusufuo s̀u k̀u ǹ ǹe Yesuo yã k̀u ò dite doka takadan k̄ena yai, ²⁸ ak̀u Simeɔ a s̀i a ɔĩ, à Luda sáabu kpã à p̀i:

²⁹ Ǹ mak̀u n z̀bleri gb̄are aafiaa g̀n sã
lãk̀u n òmene nã Dikiri,

³⁰ zaak̀u ma wé k̀e pla k̀u Surabari k̀u n diteo,

³¹ k̀u n a yã k̀e buri s̄inda p̀inki wãra.

³² Aniḡs de gupura ũ de à gupura k̀u buri pãndenɔne,
à n gb̄e Isarailanɔ t̀s bo.

³³ Yã k̀u à ò ǹe p̀i musu b̀ò a de k̀u a daoo sare. ³⁴⁻³⁵ Simeɔ sa mana ònne,
ak̀u à ò ǹe p̀i da Mariamane à p̀i:

Àk̀u mé aniḡs de sèeda k̀u Isarailanɔ ni g̀i ũ,

p̀osira ni n swè z̄s lán f̄eneda bà.

Isaraila kenɔ ni kakate ǹ kenɔ ni bo aafia a gai,
ǹ ǹese g̀n yã ni bo gupuraa.

³⁶ Nɔgbē annabi ke kú gwe, a tón Ana, Fanueli né, Asa burime. Nɔgbē pì zī kù yúkuyuku. À zā kè kù a gɔ̄kɔpammao wè supplame, ³⁷ akù à gɔ̄ gyaano ũ ari wè basiikɔ awɛɛsiikɔ. Àdi bo Luda ɔnnlo, àdigɔ do Ludai fānantē kù gwāanio kù léyīnao kù aduakenaao. ³⁸ Zī birea gòno à nànyĩ, à Luda sáabu kpà, àten né pì yā o gbē kù n wé do Yurusalemu bonaainɔne n pínki.

Era tana Nazera

³⁹ Kù Yusufu kù Mariamao kè lákù à kù Dikiri doka takadan nà pínki ò làka, ò era ò tà n be wētea Nazera, Galili būsun. ⁴⁰ Né pì fùte à gbāna kù. Ɔndɔ m̀a, àdigɔ kù kù Luda arubarikaao.

Yesu gena Luda ɔnn a nɛfitikegɔɔɔ

⁴¹ Wè kù wèeo Yesu de kù a dao di gé Vīnla dikpe ke Yurusalemume. ⁴² Kù Yesu kà wè kuri awɛɛpla, ò era ò gèe dikpe ke lákù òdi ke nà. ⁴³ Kù dikpe làka, òten tá, akù n né Yesu gɔ̄ Yurusalemu, ò a yā d̄ɔro. ⁴⁴ Ɔten da à kù n gbēno téme. Kù ò taa ò gɔɔ do, akù òteni a wete n daneno kù n gbē d̄ɔnanɔ té. ⁴⁵ Kù odi a ero, ò era ò gèe a wete Yurusalemu. ⁴⁶ A gɔɔ aakɔde zī ò a è Luda ɔnn vutena yādannerino té, àten sã kpá n yāa, àten yā lalarúma. ⁴⁷ A yā d̄ɔna kù a yāwemmanaao bò gbē kù òteni a yā manɔ sare n pínki. ⁴⁸ Kù a de kù a dao a è, à bò n sare, akù a da pìne: Bóyái n kèwɛɛ lee? N de kù makúo, ó bídi kè n wetena yái. ⁴⁹ À wèmma à pì: À kè dera áteni n wetee? Á d̄ɔ kù à kù mà a De bokɔte kenloo? ⁵⁰ Ama odi yā kù à ònne pìi d̄ɔro d̄ɔro.

⁵¹ Yesu era à tà kúnwo Nazera, à n yā mà. A da yā pìno kùna a nèsee gūn pínki. ⁵² Yesu z̄k̄ kù, a ɔndɔ kàra, à nna kù Ludao kù bisāsirino.

3

Yahaya Da'itekeri waazikena

(Mat 3:1-17, Maa 1:1-11, Yuh 1:19-28)

¹ Siza Tiberia kíblena wè gērode gūn Pɔntiu Pilati mé à Yudea būsú gbē z̄k̄ ũ, Herɔdu ten kí ble Galili, a v̄ni Filipi ten kí ble Iturea būsun kù Tarakɔniti būsuo, Lisania s̄s̄ àten kí ble Abilene būsun. ² Anasa kù Kayafaome sa'orikino ũ. Gɔɔ kù Luda yā ò Zakari né Yahayane gbárannan. ³ Akù à fùte àten kure Yoda bara dire kù bara laooi pínki, àten waazi ke gbēno. À ònne ò n nèsee lite ò da'ite ke, Luda ni n durunnano kēmma. ⁴ Lákù à kù annabi Isaya takada gūn nà à pì:

À baarukparii kòto ma do gbárannan,

àten pi à zé keke Dikirine,

à zé térereno porone súsu.

⁵ Guvute pínki ni tata,

kpino kù s̄s̄ino ni date pínki.

Zé kotinano ni poro súsu,

zé wókūwokūno ni kpákūsū,

⁶ gbē s̄inda pínki ni e lákù Luda di n sura ba nà.

⁷ Gbēno digɔ su a kīnaa dasi ò da'ite ke, akù àdi oñne: Bisāsiri pitikonɔ! De mé à lé dàáwa à bàa sí pɔfē kù Luda ni kipaɔmanee? ⁸ À nèselitena yā ke, onigɔ d̄ɔ kù a lite. Kù Ibrahim̄ de á dizi ũ, àsungɔ da kù abirekú mé ani á boro. Maten oáre, Luda ni f̄ à gbè d̄ino ke Ibrahim̄ burino ũ. ⁹ Kpása ditena línoi k̄. Lí kù àdi né mana iro, Luda ni z̄s̄ à zu té gūn.

10 Gbēno a là ò pì: Tó lẹmẹ, óni kẹ deraa? 11 À wèrímma à pì: Gbē kù à uta vī mèn pla, à a do kpá gbē kù à víroa. Gbē kù à póbble vī, à kẹ lẹ do. 12 Bẹ'ogɔsirino sù da'ite kẹ, akū ò a là ò pì: Danneri, óni kẹ deraa? 13 À wèrímma à pì: Ásun bẹ'ogɔ sírímma de lákū ò dìtẹ nàlaro. 14 Sozanɔ a là: Ókɔno sɔ, óni kẹ deraa? À òrínne: Ásun gbāna mo gbēno nẹ à n blero. À ze kù fīna kù òdi boáreo.

15 Gbēno wédoina ten kara. Baadi pínki ten laasun lé a nèsese gūn Yahaya yāa, tó àkūmẹ Arumasihu ũ. 16 Yahaya òrínne n pínki à pì: Madi á da'ite kẹ kù íomẹ. Ama gbēke ni su a gbāna demala, mádi ká mà a kyate bobonero. Àkū mé ani á da'ite kẹ kù Luda Ninio kù téo. 17 À gbaka kùna kù ani pó fāo. Ani póbblewẹ ká a dòn, ani a sàko ká té kù àdi garo gūn. 18 Yahaya baaru nna kpannenaa gūn, à nàkarańma kù yā pāndenɔo dasi. 19 Akū à yā kpàkẹ kína Herɔdui a vñi nanɔ Herɔdia yā musu kù yā vāni pānde kù à kènɔ pínki, 20 akū Herɔdu era à yā vāni kè do, à Yahaya dà kpésiran.

Yesu da'itekɛnaa

(Mat 3:13-17, Maa 1:9-11)

21 Kù Yahaya ten gbēno da'ite kẹ n pínki, à Yesu da'ite kè se. Goro kù Yesu ten adua kẹ, ludambẹ wèkɔa, 22 akū Luda Nini sùà à de lán potēne bà. Akū à kòto ke mà bona ludambẹ à pì: Mòkɔn ma Né mèn do légelege yenyíde ũ, kù ma pɔ nnamma manamana.

Yesu buri bozirɛ

(Mat 1:1-17)

23 Goro kù Yesu nà a zīa, à kà wè baraaakuri taka. Òten da Yusufu né'inaame.

Yusufu sɔ Eli néme,

24 Eli sɔ Matata néme,

Matata sɔ Levi néme,

Levi sɔ Meleki néme,

Meleki sɔ Yanai néme,

25 Yanai sɔ Yusufu néme,

Yusufu sɔ Matatia néme,

Matatia sɔ Amosi néme,

Amosi sɔ Naumu néme,

Naumu sɔ Eseli néme,

Eseli sɔ Nagai néme,

26 Nagai sɔ Maata néme,

Maata sɔ Matatia néme,

Matatia sɔ Semei néme,

Semei sɔ Yoseki néme,

Yoseki sɔ Yoda néme,

Yoda sɔ Yoanana néme,

27 Yoanana sɔ Resa néme,

Resa sɔ Zerubabeli néme,

Zerubabeli sɔ Sealatieli néme,

Sealatieli sɔ Neri néme,

Neri sɔ Meleki néme,

28 Meleki sɔ Adi néme,

Adi sɔ Kosamu néme,

Kosamu sɔ Elemadamu néme,

Elemadamu sɔ Ee néme,

Ee sɔ Yɔsua néme,

29 Yɔsua s̄s̄ Eliɛza néme,
 Eliɛza s̄s̄ Yorimu néme,
 Yorimu s̄s̄ Matata néme,
 Matata s̄s̄ Levi néme,
 Levi s̄s̄ Simɛɔ néme,
 30 Simɛɔ s̄s̄ Yuda néme,
 Yuda s̄s̄ Yusufu néme,
 Yusufu s̄s̄ Yonamu néme,
 Yonamu s̄s̄ Eliakimu néme,
 Eliakimu s̄s̄ Meleá néme,
 31 Meleá s̄s̄ Mena néme,
 Mena s̄s̄ Matata néme,
 Matata s̄s̄ Natá néme,
 Natá s̄s̄ Dauda néme,
 Dauda s̄s̄ Yese néme,
 32 Yese s̄s̄ Ɔbedi néme,
 Ɔbedi s̄s̄ Bɔaza néme,
 Bɔaza s̄s̄ Salamɔ néme,
 Salamɔ s̄s̄ Nas̄ néme,
 Nas̄ s̄s̄ Aminadabu néme,
 33 Aminadabu s̄s̄ Ramu néme,
 Ramu s̄s̄ Ezerɔnu néme,
 Ezerɔnu s̄s̄ Perez̄i néme,
 Perez̄i s̄s̄ Yuda néme,
 Yuda s̄s̄ Yakubu néme,
 34 Yakubu s̄s̄ Isaaku néme,
 Isaaku s̄s̄ Ibrahĩ néme,
 Ibrahĩ s̄s̄ Tera néme,
 Tera s̄s̄ Nao néme,
 Nao s̄s̄ Serugu néme,
 35 Serugu s̄s̄ Rɛu néme,
 Rɛu s̄s̄ Pelegi néme,
 Pelegi s̄s̄ Eberu néme,
 Eberu s̄s̄ Sela néme,
 Sela s̄s̄ Kaina néme,
 36 Kaina s̄s̄ Apasada néme,
 Apasada s̄s̄ Semu néme,
 Semu s̄s̄ Nuhu néme,
 Nuhu s̄s̄ Lamɛki néme,
 Lamɛki s̄s̄ Metusela néme,
 37 Metusela s̄s̄ Enɔku néme,
 Enɔku s̄s̄ Yarɛdi néme,
 Yarɛdi s̄s̄ Malalɛli néme,
 Malalɛli s̄s̄ Kenana néme,
 Kenana s̄s̄ Enɔsu néme,
 38 Enɔsu s̄s̄ Seti néme,
 Seti s̄s̄ Adamu néme,
 Adamu s̄s̄ Luda néme.

4

Yesu ȳɔgwanaa

(Mat 4:1-11, Maa 1:12-13)

¹ Yesu b̄ɔ Yoda àtɛn su k̄u Luda Ninio p̄kɛrɛna, ak̄u Nini p̄i ḡɛ k̄āo gbárannan. ² Ibilisi a ȳɔ à gwà gwe ari ḡɔɔ bupla. Ḡɔɔ k̄uà adi p̄óke blero.

Kū gɔɔ bupla pìi pàpa, nà teni a de. ³ Akū Ibilisi pìne: Tó Luda Nème n ũ, ñ pi gbè dí li burodi ũ. ⁴ Yesu wèa à pì: À kú Luda yān ò pì: Póblen bisāsiri diḡ kúo adoro.

⁵ Akū Ibilisi gèe káao musu, akū à andunia kpatanɔ m̀ne pínki a zeki gbèn g̀nɔ ⁶ à pì: Mani n gba abirenɔ iko pínki kú a gakurio, zaakū à kú ma oĩme, gbē kú má yei mani kpáa. ⁷ Tó n kute ma are dé, ani ḡ n pó ũme pínki.

⁸ Yesu wèa à pì: Ò kè ò pì, ñ donyī ke Dikiri n Ludane ñḡ doi ado.

⁹ Akū Ibilisi gèe káao Yurusalemu, à a zè Luda kpé mis̄ntea à pì: Tó Luda Nème n ũ, ñ ɔ gbarɛ n zīdai la, ¹⁰ zaakū ò kè Luda yān ò pì: Ani n yā o a malaikanɔne ò n dākpā.

¹¹ Ò pì dɔ:

Oni n sé n̄ oĩ, de ñsun gè sí gbèearo yāi.

¹² Yesu wèa à pì: Ò pì, ñsun Dikiri n Luda lé ñ gwaro.

¹³ Kū Ibilisi Yesu yò à gwà kú yā pínkiò à làka, akū à a tòn ari zīkea dɔ.

*Yesu nana a zīia Galili
(Mat 4:12-17, Maa 1:14-15)*

¹⁴ Yesu èra à tà Galili kú Luda Nini gbānao, akū a tó dà bùsuu pila pínki.

¹⁵ Àdi yā dañne n̄ aduakekpenɔ gūn, baadi pínki di a sáabu kpá.

*Nazeradenɔ gina Yesui
(Mat 13:53-58, Maa 6:1-6)*

¹⁶ Akū à gèe Nazera, gu kú à né blèn. Kámmabogɔɔ zī à gèe aduakekpen lákú àdi ke nà. À fùte à zè de à kyó ke, ¹⁷ akū ò annabi Isaya takada kpáa. Kú à pòro, à bò gu kú ò yā dí kēnwa ò pì:

¹⁸ Dikiri Nini kúma,

à ma dite mà baaru nna kpá takasidenɔne,

à ma zī mà ḡnzīdane kpàkpa ke

gbē kú ò n̄ zīda vīronɔne,

mà wéwēnaa kpàkpa ke vīnanɔne,

mà gbē kú ò yīnanɔ poro,

¹⁹ mà Dikiri gbēkekennegɔɔ kpàkpa ke.

²⁰ Akū à takada pii kòko à kpá kpanyīriia, à vùte. Gbē kú ò kú kpé ḡnno wé fia n̄ pínki. ²¹ Akū à nà yā'onnenaanaa à pì: Luda yā dí pàpa gbāra lákú áten ma nà. ²² Yā mana kú à da a lén bò n̄ sare n̄ pínki, òteni a tó nna sí ò pì: Yusufu nén díroo?

²³ Akū à pìinne: Má d̄s s̄ans̄an kú áni yáasi dí zumene. Tó m̄ok̄omme likita ũ, ñ n zīda were. Áni omene mà yā kú a mà ma kè zaa Kapenamumu ke ma be wēte gūn la dɔ. ²⁴ Yāpuran maten oáre, annabii diḡ bēere vī a be wēte gūnlo. ²⁵ Maten oáre yāpura, kú ludambe zé tà Iliasu gɔɔ, gyaanɔnɔn dasi. Legū dí maro ari wè aakō kú m̄o suddoo, akū nà zōkō gè Isarailanɔ b̄usun pínki, ²⁶ ama Luda dí Iliasu zī n̄ gbēkearo, sé gyaanɔ kú à kú Zarefa, Sid̄s sare. ²⁷ Annabi Elisa gɔɔ s̄o, Isarailanɔ b̄usun kusunɔn dimme, ama adi n̄ gbēke werekōaro, sé Siria b̄usu gbē Naama.

²⁸ Kū gbē kú ò kú aduakekpe ḡnno yā pìi mà, n̄ pɔ f̄ē manamana n̄ pínki.

²⁹ Akū ò bò kú Yesuo wēte kpe, ò gèe káao s̄is̄i kú n̄ wēte kátea mis̄ntea, de ò ɔ s̄is̄i à léte à sín yāi. ³⁰ Akū à bò n̄ té à tà.

*Yesu tánade werekōana Kapenamumu
(Mat 8:14-17, Maa 1:21-39)*

³¹ Yesu tà Kapenamu, Galili bùsun, akū àten yā dañne kámmabogɔɔ zĩ. ³² A yādannena bò n sare, zaakū a yā iko vī. ³³ Gōgbē tñade ke kú aduakekpen gwe, akū à wiki gbāna lè à pì: ³⁴ É'e! Bón ó vī kō ɔ̄ii, Yesu Nazera? N su n ó kakaten yá? Má dō gbē kū n de a ũ, mōkōmme Luda gbē kū à kú adona ũ. ³⁵ Akū Yesu gī tãna piine à pì: N̄ yīte! N̄ go gōgbē piia. Akū tãna pì gōgbē pìi pãte gbēno tē, à gòda, adi a kīnaro. ³⁶ Gbēno bídi kè n pínki, òten kō lala: Bó taka buri yān gwee? Àdi yā dite tãnanone kú iko gbānao, akū òdi gomma. ³⁷ Akū a tō dà bùsuu pila pínki.

Gyārenɔ werekōana dasidasi

(Mat 8:14-17, Maa 1:29-34)

³⁸ Kū à bō aduakekpen, akū à tà Simo bea. Simo nanɔ da ten mēwāna ke manamana, akū ò a yā òne. ³⁹ Yesu zèala à gī mēwāna piine, akū a mēe kè sãna. Zaa gwe gōno à fūte à pòble kēñe.

⁴⁰ Kū ifantē gē kpén, gbē kū ò gyāre vīno sù kūñwo Yesune, akū à ɔ nana n baadia, à n werekōa kū n gyā buri sīnda pínki. ⁴¹ Tãnanɔ sō òten bo gbēno gūn kú wikio dasi ò pì: Mōkōmme Luda Né ũ. Ama àdi gīne ò yā o, kú ò a dō Arumasihu ũ yāi.

Yesu waazikena Galili

(Maa 1:35-39)

⁴² Gukékōana Yesu bō wēte gūn, à gēe gusare, akū gbēno teni a wete. Kū ò bōa, ò ye à n tóro. ⁴³ Akū à piinne: Sé mà kpata kú à bō Luda Kīnaa baaru kpá wēte kparanone dō, zaakū abire yāin Luda ma zĩ. ⁴⁴ Akū à gēe àten waazi ke Yudea bùsu aduakekpeno gūn.

5

Yesu ìba káakunɔ sisinaa

(Mat 4:18-22, Maa 1:16-20)

¹ Zīkea Yesu zena Genesareti sèbeɛ bara, akū gbēno kàkarai dasi de ò Luda yā ma yāi, òten nakaraa. ² Akū à gó'ite è katena bara mèn pla, sɔɔkɔno bōten òteni n táarunɔ pípi. ³ Akū à gē gó pino do gūn kú à de Simo pò ũ, à wé kèa à a yīpa fiti, à go baraa fiti. Akū à wūte gó pìi gūn, à yā dà gbēnone.

⁴ Kū à yā ò à làka, akū à pì Simone: N̄ gé kú góo í lòkoto kpa, à birigi fā á kpò kú. ⁵ Simo wèa à pì: Danneri, o zĩ kè ari gu gēe à dōo, ódi pòke kuro, ama lákū n ò nà, mani fā. ⁶ Kū ò kè le, ò kpò kàkara yōnkoyōnkò ari n biriginɔ ye ò kēkē. ⁷ Akū ò ɔ kè yáku n gbēdake kú ò kú gó pì do gūnnone, ò su ò kpányī. Kū ò sù, ò kpò kà gó mèn pla pino pà ari ò ye ò kpáte. ⁸ Kū Simo Pita è le, à kùte Yesu gbá sare à pì: N̄ go ma sare Dikiri, zaakū durunnakerin ma ũ. ⁹ Simo bídi kè kú gbē kú ò kú leeleno n pínki kpò dasi kú ò kùu pì yāi. ¹⁰ Leme dō Yamisi kú Yuhanao, Zebedi né kú ò de kō gbēna ũ kú Simo bídi kè se. Akū Yesu pì Simone: N̄sun tó vīna n kuro. Zaa gbāra bisāsirin ñigō wete. ¹¹ Kū ò kà kú n góo bara, akū ò pò sīnda pínki tòn ò tèi.

Kusu werekōanaa

(Mat 8:1-4, Maa 1:40-45)

¹² Zīkea Yesu kú wēte ke gūn, akū gōgbē kú kusu dàala sù. Kū à Yesu è, à wūte a kùaa, à wé kèa à pì: Dikiri, tó n̄ yei, ñi fō n̄ ma werekōa swáswa. ¹³ Akū Yesu ɔ bō à nàa à pì: Má yei, n̄ gō swáswa. Zaa gwe gōno a kusu làka.

14 Akū Yesu pìne: Ìnsun o gbēke maro. Ìn gē ñ n zīda mɔ sa'oriine, ñ sa'opɔ kū Musa dīte kpá n werekšana sèda ũ gbēnɔne.

15 Yesu baaruu dàgula de yāla. Gbēnɔ digɔ kakara dasi ò a yā ma, de à ñ werekšana kū ñ gyānɔ dɔ. 16 Akū Yesu digɔ bo ñ té àgɔ gē adua ke gusare.

Kɔnde werekšanaa
(Mat 9:1-8, Maa 2:1-12)

17 Zīkea Yesu ten yā dañne. Farisi kenɔ kū ludayādanneri kenɔ vutena gwe. Ò bò Galili kū Yudea wētenɔ gūn pínki kū Yurusalemuo. Luda gbāna kú kāao, akū àten gyārenɔ werekša. 18 Akū gbēkenɔ sù, ò kɔnde sena kū wútebɔɔ, òten zé wete ò gē kāao ò a dīte Yesu are. 19 Kū odi gēki ero pari yāi, akū ò didi kāao kpé musu, ò kpé fɔ, akū ò a kipa kū a wútebɔɔ zàa gūn Yesu are. 20 Kū Yesu è ò a náani vī, à pì: Ma gbē, n durunnanɔ kèmma. 21 Ludayādannerinɔ kū Farisi pìnɔ ò ñ nèsese gūn: Dín gbē kū àten dɔke kū Ludao dí ũu? Dí mé ani fɔ à durunna kēm̄ma, tó adi ke Luda ado baasiroo? 22 Yesu ñ laasun dɔ, akū à ñ lá à pì: Bóyāi àten laasun bire taka lé á nèsese gūnn? 23 Tó ma pì a durunnanɔ kèa, ke tó ma pì à fute à táa o, a kpate mé à aragaa? 24 Ma ò le de àgɔ dɔ kú Bisásiri Né durunnakēm̄mana iko vī zīte lame. Akū à pì kɔnde pìne: Ma ònne, ñ fute ñ n wútebɔ sé ñ tá be. 25 Gwe gōnɔ à fute à zè ñ wára, à a wútebɔ pì sè à tà be, àten Luda sáabu kpá. 26 Gbē sīnda pínki lé àte, akū ò Luda tó bò. Vīna gūn ò pì: O daboyā è gbāra.

Levi sisinaa
(Mat 9:9-13, Maa 2:13-17)

27 Abire gbera Yesu bò, akū à be'ogɔsiri kú òdi pine Levi è vutena a be'ogɔsikin. À pìne: Ìn mɔ ñ témai. 28 Akū à fute, à pɔ sīnda pínki tòn à tēi.

29 Akū à pɔble zɔkɔ kè a bea à Yesu sisia, be'ogɔsirinɔ kú gbē pāndenɔ ten pɔble kúnwo dasi. 30 Akū Farisinɔ kú ñ ludayādannerinɔ yáketete kà a ìbanɔi ò pì: Bóyāi àten pɔble, àten í mi kú be'ogɔsirinɔ kú kifirinɔoo? 31 Akū Yesu wèr̄ma à pì: Gbē kú à aafia vī bàka kú kú likita yāoro, sé gyāre. 32 Mádi su gbē mananɔ sísí ò ñ nèsese litero, sé kifirinɔ.

Léyīna yā
(Mat 9:14-17, Maa 2:18-22)

33 Akū ò pìne: Yahaya ìbanɔ digɔ lé yī, ògɔ adua ke baala'i. Lemε kú Farisi ìbanɔ dɔ. Ama n gbēnɔ digɔ pɔble òdigɔ í mi. 34 Akū Yesu wèr̄ma à pì: Áni fɔ à pi nɔseri gbēnɔ lé yī gɔrɔ kú à kú kúnwo yá? 35 A gɔrɔ ni su kú oni nɔserii pì bo ñ té. Zī pìian oni lé yī sà. 36 Yesu yā lèkšañne dɔ à pì: Gbēke dī uta dufu li ò dī a zīlaro. Tó ò kè le, uta dufu ni yakamε, a zī ni kɔ sé kú uta dufu nambataoro. 37 Òdi sèwē dufu ká tūru zī gūnlo. Tó ò kè le, wē dufu pì ni tūru pūtāmε, ani kóte, tūru ni yaka. 38 Oi, òdi sèwē dufu ká tūru dufu gūmmε. 39 Gbē kú à kɔ dɔ kú wē zī minaa ò dī a dufu sáabu kpáro, àdi pì a zī mé à nna.

6

Kámmabogɔrɔ yā
(Mat 12:1-14, Maa 2:23-3:6)

1 Kámmabogɔrɔ zī kea Yesu ten pā buranɔla, akū a ìbanɔ pɔblewe wòro ò sùkà ñ on, òten só. 2 Akū Farisi kenɔ pìinne: Bóyāi àten yā kú à de òdi ke kámmabogɔrɔ zīro kee? 3 Yesu wèr̄ma à pì: Ádi a kyó ke a è lākū Dauda kú

a gbēnɔ kè nà ɔɔɔ kũ nà teni n̄ deroo? ⁴ À gè Luda ɔnn, à burodi kũ ò kàte Ludanɛ sè à sò, à kpà a gbēnɔa, burodi kũ gbēke a sona zé vīro, sé sa'orinɔ. ⁵ Akũ Yesu piinne: Bisāsiri Né mé à iko vī kámmabogɔɔa.

⁶ Kámmabogɔɔa pānde zī dɔ Yesu gè aduakekpen, àten yā dañne. Gōgbē ke kú gwe, a ɔpla ibana. ⁷ Ludayādannerinɔ kũ Farisinɔ ten Yesu tàasi ká, tó ani a werekōa kámmabogɔɔa zī, de ò yā le ò dia. ⁸ À n̄ laasun d̄s̄, akũ à pì gbē kũ a ɔ ibanaa piine: N̄ fute n̄ ze zàa gūn. Kũ à fute à zè gwe, ⁹ akũ Yesu piinne: Mateni á lámɛ. À zé vī ò yā mana ke kámmabogɔɔa zī yá, ke a vāni? Ò gbē mì sín yá, ke ò a demɛ? ¹⁰ Yesu n̄ gwá à likañyī, akũ à pì gōgbē piine: N̄ n̄ pì poro. Kũ à pòro, akũ a ɔ kè a gbèn. ¹¹ Farisinɔ pɔ fē manamana, akũ ò lé kpàkūsū Yesui, deran oni kene nà.

Zìri gbēnɔn kuri awɛɛplanɔ ditenaa
(Mat 10:1-4, Maa 3:13-19)

¹² ɔɔɔ birea Yesu bò à gèe adua ke s̄s̄igereɛi, akũ à wé kè Ludaa gwāani ari gu gèe dɔo. ¹³ Kũ gu dɔ, akũ à a ibanɔ s̄s̄iai, à gbēnɔn kuri awɛɛplanɔ bò n̄ té, à n̄ díte z̄irinɔ ũ. ¹⁴ Gbē pinɔ tón dí: Simɔ kũ à tó kpàne Pita, a dakūna Anduru, Yamisi, Yuhana, Filipi, Batɔɔmiu, ¹⁵ Matiu, Tomasi, Alafeu né Yamisi, Simɔ kũ òdi pine Kokaride, ¹⁶ Yamisi né Yudasi kũ Yudasi Isikariotĩ kũ à ḡs̄ bonkpɛde ũo.

Yesu yadannɛna Galili
(Mat 4:23-25)

¹⁷ Yesu kipa kúnwo, à zè gusaraa, gu kũ a ìba kparanɔ kũ gbē pario kún. Ò bò Yurusalemu kũ Yudea bùsuuo pínki kũ ísirale wēte kũ ò kú Taya kũ Sid̄o sareno. ¹⁸ Ò sù a yā ma, de à n̄ werekōa kũ n̄ gyāno dɔ. Gbē kũ tana ten wari d̄m̄manɔ aafiaa lè dɔ. ¹⁹ Gbē s̄inda pínki ten wete à ɔ naa, zaakũ gbāna ten bo a gūn, àten gbē s̄inda pínki werekōame.

Arubarikadenɔme Yesu ìbanɔ ũ
(Mat 5:1-12)

²⁰ Akũ à wé sè à a ìbanɔ gwà à pì:
Arubarikadenɔme ák̄nɔ takasidenɔ ũ,
zaakũ kpata kũ à bò Luda kīnaa de á pó ũ.
²¹ Arubarikadenɔme ák̄nɔ kũ nà teni á de teranɔ ũ,
zaakũ áni ká.
Arubarikadenɔme ák̄nɔ kũ áten ɔɔ dɔ teranɔ ũ,
zaakũ áni yáa dɔ.
²² Arubarikadenɔme á ũ,
tó ò z̄áagu, tó ò giái, tó ò á s̄s̄s̄,
tó ò á tó vāni sisi Bisāsiri Né yāi.
²³ ɔɔɔ kũ yā birenɔ á lé, à ponna ke à vīvī kũ ponnao, zaakũ á láada z̄k̄s̄
ludambe. Len n̄ dizinɔ kè annabinɔne le.

²⁴ Waiyoo ák̄nɔ ɔɔdenɔ,
a gīnake a á mēnnamanaa è kò.
²⁵ Waiyoo ák̄nɔ kũ á kána teranɔ,
nà ni á de.
Waiyoo ák̄nɔ kũ áten yáa dɔ teranɔ,
áni wēnda ke à ɔɔ dɔ.
²⁶ Waiyoo ák̄nɔ,
tó gbē s̄inda pínki teni á tó nna sí,

zaakū len n̄ dizinō kè annabi ékedenōne le.

Yena ibereei
(Mat 5:38-48)

²⁷ Maten o ákōnō kū áteni ma yā manōne, àgō ye á iberenoi, à a mana ke gbē kū ò zàágunōne. ²⁸ À sa mana o gbē kū òdi sa vāni oárenōne. À adua ke gbē kū òdi wari dōáwanōne. ²⁹ Tó gbē n sán kè n gasu doa, n̄ a do dōne dō. Tó gbē n uta zōkō sìmma, ñsun gíne kū n utaneoro. ³⁰ Tó gbē pō wé kèmma, n̄ kpáa. Tó gbē n pō sìmma, ñsun gbekaaro. ³¹ À ke gbēnōne lākū á ye ò kéáre nà. ³² Tó gbē kū ò yeáinōn á yeíyí, bō sáabun à víáree? Bee kifirinō digō ye gbē kū ò yeíyĩnoi se. ³³ Tó gbē kū òdi a mana kéárenōn adi a mana kéíne, bō sáabun à víáree? Bee kifirinō di ke le se. ³⁴ Tó gbē kū á wé dō à pō lemmanōn adi pō sākāíne, bō sáabun à víáree? Zaakū kifirinō di pō sākākōne, de ò le ò a gēne sí yāime. ³⁵ Àgō ye á iberenoi, à a mana kéíne. À pō sākāíne wédoisari, áni láada zōkō le, áni gō de Luda Musude nēnō ũ, zaakū àdi a mana ke guturunōne kū gbē vāninō. ³⁶ Àgō wēnda ví lākū á De wēnda ví nà.

Kō taari'ena
(Mat 7:1-6)

³⁷ Ásun gbē taari ero, Luda ni á taari e sero. Ásun yā vute gbēaro, Luda ni yā vuteáwaro. À sùru ke kū gbēnō, Luda ni sùru ke kááo. ³⁸ À gbē gba pō, Luda ni á gba. Ani zaka mana kū à gbēgbē à wē à pà yéree kááre á uta lén. Zaakū zaka kū ndi yōónne Luda ni yōonne se.

³⁹ Akū à yā lèkōáíne à pì: Vīna ni fō à gò kū vīnaane yá? N̄ pla n̄ pínki ni si wēenloo? ⁴⁰ Ìbaa digō de a dannerilaro. Gbē kū à yā dàda papana de lán a dannerii bàme. ⁴¹ Bóyái nten sèburu kū à da n gbēdake wén e, akūsō nídi lí kū à da n wén yā daroo? ⁴² Mòkōn kū nídi límukutu kū à da n wén ero, ñni ke dera n̄ o n gbēdakenē, à tó n̄ sèburu kū à da a wén bonēe? Manafikide! N̄ límukutu kū à da n wén bo gĩa, gbasa n̄ gu e swáswa, de n̄ le n̄ sèburu kū à kú n gbēdake wén bonē.

Gbē dōna a yākenaa
(Mat 7:16-20, 12:33-36)

⁴³ Lí mana di né vāni iro, lí vāni di né mana iro. ⁴⁴ Òdi lí sīnda pínki dō a néame. Òdi kaka bo lè líaro, òdi geepe le lèkaraaro. ⁴⁵ Gbē mana di a mana bo a mana kū à katena a gūmmē. Gbē vāni sō àdi a vāni bo a vāni kū à katena a gūmmē. Zaakū yā kū à kō swēe gūnn lé di o.

Kpébori gbēnōn planō
(Mat 7:24-27)

⁴⁶ Bó yā mé à tò adigō ma sísi Dikiri, Dikiri, akū adi yā kū ma ò keeroo? ⁴⁷ Gbē kū à sù ma kínaa, à ma yā mà akū à zī kèa, maní mōáre lākū ade de nà. ⁴⁸ À de lán ēbori kū à wēe yō zāzā, à ē pēte gbēea bàme. Kū swa pà, í dàgula à kà kpé pìi, adi yīgāro, kū ò bō mana yāi. ⁴⁹ Gbē kū à ma yā mà akūsō adi zī kearo de lán ēbori kū à ē pēte zīte pā wēeyōnaa sari bàme. Kū swa'í kàì, akū à kòte bitim gōnō. Kpé pìi yakanaa kè zōkō.

7

Sozanō gbē zōkō zīkeri werekōanaa
(Mat 8:5-13)

¹ Kū Yesu yā bireno ò gbēnoŋe pínki à làka, akū à gèe Kapenamú. ² Romu sozano gbē zókò ke kú gwe, à zíkəri vī à yei manamana, akū àten gyā ke à kà gana. ³ Kū gbē zókò pi Yesu baaruu mà, à Yuda gbē zókòno zīa ò wé kea à su à a zíkərii pìi mì sí. ⁴ Kū ò kà Yesu kīnaa, ò wé kèa gbāngbān ò pì: Gbē pìi kà ò kpái. ⁵ À ye ó burii, àkū mé à aduakεkpe dōwεε. ⁶ Akū Yesu gèe kūnwo. Kū à kà kāni kū a beo, akū gbē zókò pi à gbēnnano zī ò yā dí one: Dikiri, òsun wari dō n zīdaaro, mádi ká kú ò gē ma bearo. ⁷ A yā mé à tò ma dìte kú mádi ká mà su n kīnaa ma zīdaro. Ñ yā o, ma zíkəri ni werekōa. ⁸ Zaakū makū se ò iko vīmame, má iko vī sozanoa. Madì o ñ gbē done à gé, akū àdi gé. Madì o a pādenε à mó, akū àdi su. Madì o ma zíkəriine à adikū ke, àdi ke. ⁹ Kū Yesu yā pìi mà, à bò a sare. Akū à lite à pi gbē kú ò téainone: Maten oáre, mádi e gbēke ma náani kè le bee Isarailano téro. ¹⁰ Kū zīrii pino era ò sù, ò è zíkərii pi werekōa.

Gyaano né mèn do légelege vuna gan

¹¹ Abire gbera Yesu gèe wēte kú òdi pi Naini gūn. A ibanō kú gbē pādeno gèe kāao dasidasi. ¹² Kū à kà kāni kú wēte pi bīnileo, à è ò gè sena òten boo. Gyaano né mèn do légelegeme. Wētepidenōn kú kú no gbē pìio dasi. ¹³ Kū Dikiri a è, akū à kènε wēnda, à pìne: Ñsun óo dōro. ¹⁴ Akū à nà gèe pìii, à o nà à àkpatiia. Kū gbē kú ò senano zè, akū à pì: Kefenna, ma ònne ò vu! ¹⁵ Akū gèe pìi vùte à nà y'onaaa. Akū Yesu a kpà a daa. ¹⁶ Vīna gbēno kú ñ pínki, ò Luda sáabu kpà ò pì: O annabi zókò è ó té. Ò pì dō: Luda sù a gbēno gwa. ¹⁷ Akū Yesu baaruu dà Yudea būsula kú būsua kú ò likaino pínki.

Yahaya Da'itekeri zīrinō
(Mat 11:1-19)

¹⁸ Yahaya ibanō yā pino bābane pínki. Akū Yahaya ñ gbēnoŋ planō sīsì, ¹⁹ à ñ zī Dikiria, ò a la, àkūme gbē kú ani su ū yā, ke ògō wé dō gbē pāndeime? ²⁰ Kū gbē pino kà Yesu kīnaa, ò pìne: Yahaya Da'itekeri mé à ó zī ò n la, mōkōmmε gbē kú ani su ū yā, ke ògō wé dō gbē pāndeime? ²¹ Zaa gwe gōno Yesu gbēno werekōa dasi kú ñ gyāno kú ñ wāwāno kú ñ tānano. À tò vīnāno gu è dasi dō. ²² Akū à pi Yahaya zīrinone: À gé à yā kú a è, akūsō a māno gbāne. À one vīnāno ten gu e, εreno ten taa o, kusuno ten werekōa, sātono ten yā ma, gēno ten vu, takasidenō ten baaru nna waazi ma. ²³ Arubarikaden gbē kú àdi fu ma yāaro ū.

²⁴ Kū Yahaya zīrinō tà, Yesu Yahaya yā ò parine à pì: Bón a ge gwa gbārannan? Kapa kú òa ten yīgān yā? ²⁵ Bón a ge gwa sàa? Gbē kú à pókasa zāre danan yā? Nnamari kú òdi pókasa mana danō digō kú kīnabeame. ²⁶ Bón a ge gwa sàa? Annabiin yā? Lemε! Maten oáre à de annabila se. ²⁷ Zaakū Yahayan ò a yā kè Luda yān ò pì:

Mani ma zīri gbare n ā
à zé kekenne.

²⁸ Maten oáre, no gbē né'inaa gūn gbēke dí ká Yahaya ūro. Bee kú abireo gbē kú à de gbē kpede ū kpata kú à bò Luda kīnaa gūn deala.

²⁹ Kū gbē sīnda pínki a yā mà, ari kú be'ogōsirino sé, ò yā nna kpà Ludaa, zaakū Yahaya ñ da'ite kè. ³⁰ Farisino kú ludayādannerino sō, ò gi yā kú Luda dìte à keñei, akū odi we kú Yahaya ñ da'ite kèro.

³¹ Yesu pì: Bón mani gbārāgbēno kpākūsūoo? Bón ò bōkōaoo? ³² Ò de lán né kú ò kú ete gūn, òten lé zukōino bà òten pi:

O úra pèáre, ádi ũ wāro.

O wēnda lèe siáre, ádi ɔ́o dɔro.

³³ Zaakū Yahaya Da'itekerii sù, adi burodi sóro, adi sèwē miro, akū a pì tãnademe. ³⁴ Bisásiri Né sù, àdi pó ble, àdi í mi, akū a pì: Guturu wēmiriime, be'ogɔsirino kù durunnakerino gbēnname. ³⁵ Ama òdi ɔ́ndɔ́ dɔ́ a yákenaaame.

Nísi gbī nna kuna Yesu gbáa

³⁶ Farisi ke Yesu sisi à su à pó ble káao. Yesu gèe a bea, akū àten pó ble gēngesekena. ³⁷ Nɔgbē dāvānide ke kù wēte pii gūn. Kù à mà Yesu ten pó ble Farisi pì bea, akū à gèe gwe kù kpáluba fitinnao kù nísi gbī nnao kù a gūn. ³⁸ À zè a kpe a gbá sare, àten ɔ́o dɔ. A wētē ten tɔ a gēsēkpea, akū àten wara kù a mikāo, à lé pèpe a gbáa, akū à nísi gbī nna pìi kù. ³⁹ Kù Farisi kù à a sisi pii è le, akū à pì a swèe gūn: Tó gbē pì bi annabiime, de à nɔgbē kù àten ɔ́ naa dí taka dɔ́, kù dāvānideme. ⁴⁰ Akū Yesu pì Farisi piine: Simɔ́, má yáke vī mà onne. Simɔ́ pì: N̄ o, Danneri. ⁴¹ Yesu pì: ɔ́godakeri ke mé à kun, gbēnon planɔ́ a fīna kūna, gbē do andurufu ɔ́gɔ wàa pla kpé basɔ́oro, gbē do sɔ́ ɔ́gɔ bupla akuri. ⁴² Kù ò póke vī ò fīna booro, akū à tònnē n̄ pla n̄ pínki. N̄ té, dí mé anigɔ yei de a dakelaa? ⁴³ Simɔ́ wèa à pì: Maten da gbē kù ò tōne kù ɔ́gɔ zɔ́kɔ́ome. Yesu piine: N we mana. ⁴⁴ Akū Yesu are dò nɔgbē pia, à pì Simɔ́ne: N nɔgbē pìi è yá? Kù ma gē n bea, ndi í kpáma ma gbá pipiro, akū nɔgbē pì ma gbá pipi kù a wētēo, à wàra kù a mikāo. ⁴⁵ N̄di lé pémaro. Nɔgbē pì sɔ́, zaa gɔ́ro kù ma gē la, adi kámma bo kù lépena ma gbáaaoro. ⁴⁶ N̄di nísi má ma miaro. Nɔgbē pì sɔ́, à nísi gbīnnade kù ma gbánɔ́. ⁴⁷ Abire yá mé à tò maten onne, à yemai manamana kù a durunna zɔ́kɔ́o kèa yáime. Gbē kù ò a kè kù a fitio sɔ́, yenyī fitinlen àdigɔ́ vī. ⁴⁸ Akū à pì nɔgbē piine: N durunnano kēnnē. ⁴⁹ Akū gbē kù òten pó ble leelenɔ́ òkɔ́ne ò pì: Dín gbē pì ũ, kù àten durunnano kēm̄maa? ⁵⁰ Akū Yesu pì nɔgbē piine: Ma náani kù n kè mé à n sura bà. N̄ tá be aafia.

8

Nɔgbē kù ò té Yesuino

¹ Abire gbera Yesu kurè wēte kù wētēo, lakutu kù lakutuo, àten waazi ke, àten kpata kù à bò Luda kīnaa baaru nna kpáinne. A z̄iri gbēnon kuri awēplanɔ́ gèe káao ² kù nɔgbē kù à tãnanɔ́ bò n̄ gūn à n̄ wérékɔ́a kù n̄ gyāno. Mariama kù òdi piine dɔ́ Mariama Magadalení kù Yesu tãna mèn supplanɔ́ bòte a gūn kù n̄ té ³ kù Herɔ́du begwari Kuza nanɔ́ Yoanao kù Suzanao kù nɔgbē pāndenɔ́ dasi. Òdigɔ́ Yesu kù a ibanɔ́ gwa kù pó kù ò vío.

Yálekɔ́ana kù pówefáriio

(Mat 13:1-23, Maa 4:1-20)

⁴ Ò bò wēte kù wētēo ò kákara Yesui, akū à yá lèkɔ́aíne à pì: ⁵ Búbari ke mé à bò à gèe pówē fá. Lákū àten fá nà, a kenɔ́ lète zé gūn ò taa òa, akū bāno sù ò blè. ⁶ A kenɔ́ lète gbē sàraa musu. Kù ò bùte, akū ò gāga, kù odi motɔ́ lero yāi. ⁷ A kenɔ́ lète lēno gūn, akū lèe fūte kūnwō leele à nākaraíma. ⁸ A kenɔ́ sɔ́ à lète zīte mana gūn, akū ò bùte ò né í leu basɔ́oro. Kù à ò le, à pūtá à pì: Gbē kù à sá vī à yá pì ma.

⁹ A ibanɔ́ a là yá pì bokótēnaai. ¹⁰ Akū à pì: Luda á gbá zé à kpata kù à bò a kīnaa asirino dɔ́, ama madí o gbē kparanone kù yálekɔ́anaaome, de

ò gu gwa pòke'ena sari, ò yā ma a dōrɔ dōnaa sari. ¹¹ Yā pì bɔkɔtenaan dí: Pówe pì bi Luda yāme. ¹² Zé gūn pónɔ de lán gbē kū òdi Luda yā manɔ bà, akū Ibilisi dì su à yā pìi bo n̄ swèè gūn, de òsun Luda náani ke à n̄ sura baro yāi. ¹³ Gbè sàraa musu pónɔ de lán gbē kū òdi Luda yā ma ò sí kū pɔnnaonɔ bà, ama ò zīni vīro. Òdi Luda náani ke gɔrɔ pla, ama tó ò n̄ yō ò gwà, òdi fume. ¹⁴ Pówe kū ò lèè lènɔ gūnnɔ de lán gbē kū òdi Luda yā manɔ bà, ama andunia damukena kū aruzekē yāo kū pɔnnakēnaao òdi nakaramma, òdi fō ò né i à màro. ¹⁵ Zīte mana pónɔ de lán gbē kū òdi Luda yā ma kū n̄sepuraò òdi sí kū n̄semanaonɔ bà, akū òdi mēna fō ari ò gé karana keo.

Yalekōina kū fitilaaò

(Maa 4:21-25)

¹⁶ Òdi fitila na ò ta kútea ke ò dite gádo gbáruro. Òdi di a dibɔɔ musume, de gbē kū òten gēnɔ gupura e yāi. ¹⁷ Póke kú utena kú oni gí boo gupurairo. Asiriyā ke kun kú oni ma ò gí o gupurairo. ¹⁸ Abire yāi à yā ma kú laakarīio. Gbē kū à pó vīn Luda ni karanē. Gbē kū à pòke vīro sō, bee pó kú àten da á vī Luda ni sía.

Yesu danenɔ

(Mat 12:46-50, Maa 3:31-35)

¹⁹ Yesu da kú a dakūnanɔ sù a kīnaa, akū odi le ò n̄airo pari yāi. ²⁰ Akū ò pìnē: N da kú n dakūnanɔ kú bàai, ò ye n enaai. ²¹ Akū à wēm̄ma à pì: Gbē kū òdi Luda yā ma ò zī keanome ma da kú ma dakūnanɔ ũ.

Yesu zàga'ia zēnaa

(Mat 8:23-27, Maa 4:35-41)

²² Zīkea Yesu gē gó'ite gūn kú a ìbanɔ, akū à pìnne: Ò bikū sèbēe bara. Akū ò dà zén. ²³ Gɔrɔ kú òten gé, i Yesu sè. Akū zàga'ia fùte sèbela, í ten ká gó gūn, ò kú kari gūn. ²⁴ Akū a ìbanɔ n̄ai ò a vù ò pì: Danneri! Danneri! Òten ká í té! Akū à fùte à gī ìane kú í kú àteni n̄ gó yīpayīpao, akū à zè, gu kè kítikiti. ²⁵ Akū à pìnne: Á ma náani vīroo? Akū yā pìi bō n̄ sare, vīna n̄ kú, akū ò òkōne: Dín gbē dí ũ sée? Bee ìa kú ío, àdi yā diteñne, akū àdi a yā mame.

Tananɔ gbarena alēdenɔa

(Mat 8:28-34, Maa 5:1-20)

²⁶ Akū ò kà Gadara bùsun sèbēe bara, Galili bùsu ifáboki kpa. ²⁷ Kú Yesu bikū í bara, à dàkare kú wēte pì gōgbē kū à tana vīo. À gɔrɔ pla kè adi pókasa naawaro. Àdigō kú bero, sé miranɔ té. ²⁸⁻²⁹ Òdi a yī kú mòkakōananɔ, òdi a da lín a kūna yāi, ama àdi mòkakōanaa pìnɔ kēkēme, tana pìi dì a si sèn. Kú à Yesu è, akū à wiki lè, à sù à kùte a are, akū à pùtā à pì: Yesu, Luda Musude Né, bón ó vī kō ɔi? N yā nna! N̄sun wé tamaro. À ò lē kú Yesu ò tana pāsī pì bo a gūn yāime. ³⁰ Akū Yesu a là à pì: N tón deraa? Akū à wēala à pì: Ma tón Dasi. Zaakū tananɔn kú a gūn dasime. ³¹ Akū tana pìnɔ kúte kè Yesune manamana ò pì, àsun n̄ gbare ò si Zīngò wèè lòkotoo gūnlo.

³² Alēde kpàsa zōkō kú gwe, òten pó ble s̄s̄igereei. Akū tana pìnɔ wé kè Yesua à n̄ gba zé ò gē n̄ gūn. Yesu n̄ gbá zé, ³³ akū tananɔ gò gbē piia ò gè alēdenɔ gūn. Akū alēde kpàsaa pìi wì kú bàao, ò sòro s̄s̄igereei ò s̄i sèben ò gāga gwe. ³⁴ Kú alēdēdārīnɔ è lē, ò bàà lè ò gēè ò yā pìi bàbafne wēte gūn kú buranɔ. ³⁵ Akū ò b̄te de ò yā kú à kēe pì gwa. Kú ò sù Yesu kīnaa, ò gbē kū tananɔ gòaa pìi è vutena Yesu gbá sare kú pókasao dana, à kú a laakarīia.

Akū vīna n kū. ³⁶ Kū gbē kū ò yā pìi è kū wéonɔ òrñe deran ò tånade pìi wèrèkōa nà, ³⁷ akū Gadara bùsu gbēnɔ pínki kúte kè Yesune à bo n bùsun, zaakū vīna n kū manamana. Akū à gè gó'ite gūn, àten tá. ³⁸ Gbē kū tånano gòaa pì kúte kènne de à tá kāao, ama Yesu gīne à pì: ³⁹ Ñ era n tá n bea, n yā kū Luda kènne oñne pínki. Akū à tà, à yā kū Yesu kèare kpàkpa kè wēte pìi gūn pínki.

Yairu né vuna kū nɔgbē kū à ɔ nà Yesu utaaao
(Mat 9:18-26, Maa 5:21-43)

⁴⁰ Kū Yesu èra à sù, akū gbēnɔ gbānake kpai, zaakū gbē sīnda pínki teni a dāme. ⁴¹ Akū gōgbē kū à de aduakekpe gbē zōkō ũ kū òdi pine Yairu sù à wùte a kùaa Yesu gbá sare, à kúte kènne de à gé a bea, ⁴² kū a né mèn do légelege ten ga yai. Né nɔgbē pìi kà wè kuri awεεpla. Kū Yesu ten gé, akū pari ten nakaraa.

⁴³ Nɔgbē ke kú gwe, aru di botēa à kà wè kuri awεεpla. Pó kū à vī pínki à dè ezedenɔ kīnaa, ama gbēke dí fō à a wèrèkōaro. ⁴⁴ Kū à nà Yesui kpe kpa, akū à ɔ nà a uta léa. Zaa gwe gōnɔ a arubotenaa zè. ⁴⁵ Akū Yesu pì: Dí mé à ɔ nāmaa? Akū n gbē sīnda pínki pì á a yā dōro. Akū Pita pì: Danneri, gbēnɔ likanyī òten nakaramma. ⁴⁶ Akū Yesu pì: Gbēke ɔ nāma, zaakū má dō kū gbāna bò ma mēe gūn. ⁴⁷ Kū nɔgbē pìi è ò a yā dō, akū à sù àten lukaluka, à wùte a kùaa a gbá sare, akū à yā kū à tò à ɔ nāaa ò gbē sīnda pínki wāra kū lākū à aafiaa lè nà gōnɔ. ⁴⁸ Yesu pìne: Nɔgbē, ma náani kū n kè mé à n werekōa. Ñ tá be aafia.

⁴⁹ Kū Yesu kpé àten yā o, ò bò aduakekpe gbē zōkō pì bea, ò sù ò pìne: N né pìi kè sari, ñsun wari dɔ danneriia doru. ⁵⁰ Yesu yā pìi mà, akū à pì Yairune: Ñsun tó swè kēnguro. Ñ ma náani ke dé, ani werekōa. ⁵¹ Kū à kà a bea, adi we gbēke gè káaoro, sé Pita kū Yuhanao kū Yamisio kū né pì de kū a dao. ⁵² Gbē kū ò kú gweno ten ɔɔ ò n pínki, òteni n zīda kéké. Akū Yesu pì: Ásun ɔɔ doro. Adi garo, àten i omé. ⁵³ Akū ò a lalandi kè, zaakū ò dō kū né pìi gà kò. ⁵⁴ Yesu a kù a ɔa, akū à pütá à pì: Né nɔkpare, n vu! ⁵⁵ Akū à wëndii sù, à fùte gōnɔ. Yesu pì ò pòble kpáa. ⁵⁶ Yā pìi bò né pì de kū a dao sare, akū Yesu òrñe òsun yā kū à kèe pì ò gbēke maro.

9

Yesu zìrinɔ zīnaa
(Mat 10:5-15, Maa 6:7-13)

¹ Yesu a ìba gbēnɔn kuri awεεplanɔ sisiai, akū à n gbá gbāna kū ikoo ò tāna buri sīnda pínki go ríma, ò gyānɔ werekōaríma. ² Akū à n zī ò kpata kū à bò Luda kīnaa yā waazi ke, ò gyārenɔ werekōa. ³ Á pìñne: Ásun póke sé à géoro, gò ke bōkɔlokona ke zāna ke ɔgɔ ke uta mèn pla. ⁴ ɔn kū a kipan, àgɔ kú gwe ari à gé boo wēte pìi gūn. ⁵ Wēte kū odi gbānake kpáárenlo, à bon à lukutē warawara á gbāna n tona kū Luda sēda ũ. ⁶ Akū ò dà zén, ò kurè wēte kū wēteo, ò baaru nna kpàñne, ò gyānɔ werekōaríma gu sīnda pínki.

Herɔdu bídikena
(Mat 14:1-12, Maa 6:14-29)

⁷ Kū kína Herɔdu yā bireno mà pínki, akū à bídi kè, zaakū gbēkenɔ ten pì Yahaya Da'itekèri mé à fùte bona gan. ⁸ Gbēkenɔ pì Iliasu mé à bò à sùrúma,

gbēkeno pi do annabi yāno doke mé à vù. ⁹ Herodu pi: Ma Yahaya mii z̄. Dín gbē kū ma a baaruu màa pi ù séé? Akū àten wete n̄ wé ke pla.

Yesu poblekpana gōgbē gbēnon dūbu soro
(Mat 14:13-21, Maa 6:30-44, Yuh 6:1-14)

¹⁰ Kū žrii pino sù, akū ò yā kū ò kēno gbà Yesune. Akū à n̄ séte n̄tēne à gēe kũwo wete kū òdi pi Betesaida. ¹¹ Kū pari d̄, akū ò p̄tai. À gbānake kpányi, à kpata kū à bò Luda kīnaa yā òrīne, akū à gbē kū ò ye ò n̄ werekōano wèrekōa.

¹² Kū ifantē b̄usa, žrii gbēnon kuri awēplan̄o n̄ai ò pine: N̄ gbēno gbare ò gé kipaki kū pobleo wete lakutu kū bura kū ò kú k̄anino gūn, zaakū s̄ente p̄rotun ó kú la. ¹³ À piīne: Ákōno à p̄o kpám̄ma ò ble. Akū ò pi: Burodi m̄en soro kū kp̄o m̄en plaó v̄i. Séde ò gé poble lú gbē d̄inone n̄ p̄inki. ¹⁴ Gōgbēnon kú gwe gbēnon dūbu soro taka. Akū à pi a ibanone: À tó ò vute ḡa kū ḡaao gbēnon bupla akurikuri. ¹⁵ Akū ò k̄e le, ò n̄ v̄utevute n̄ p̄inki. ¹⁶ Akū à burodi m̄en soro kū kp̄o m̄en pla p̄ino s̄è à a wé s̄è musu à arubarikaa d̄an. Akū à lilikōre à kp̄a a iban̄o, ò kp̄atete gbēnone. ¹⁷ Ò p̄o bl̄è ò k̄a n̄ p̄inki, akū ò a kusu kū ò ḡōno s̄ete t̄anko kuri awēpla p̄a.

Pita Yesu Arumasihukena onaa
(Mat 16:13-23, Maa 8:27-33)

¹⁸ Žikea kū Yesu ten adua ke ado, a iban̄o sù ò a l̄e, akū à n̄ lá à pi: Dín gbēno di pi má de a ūu? ¹⁹ Ò w̄ea ò pi: Gbēkeno di pi Yahaya Da'itekeriime, gbēkeno di pi Iliasu, gbēkeno di pi do annabi yāno doke mé à vù. ²⁰ Akū à n̄ lá à pi: Ákōno s̄s, d̄in adi pi má de a ūu? Pita w̄ea à pi: Luda gbē Arumasihume n̄ ū.

Yesu a ga kū a vunaao yá'onaa
(Mat 16:21-28, Maa 8:31-9:1)

²¹ Akū à giīne òsun yā pi o gbēke maro. ²² Akū à pi do: Séde Bisāsiri Né w̄et̄ammana le manamana, gbē z̄skōno kū sa'orikino kū ludayādannerino ni ḡi, oni a de, a ḡoro aakōde ži ani vu.

²³ Akū à piīne n̄ p̄inki: Tó gbē ye à ke ma iba ū, séde à ḡi a žida w̄endiii, àḡo a lígbāndurukpana sé lākū gu diḡo do n̄a àḡo téomai. ²⁴ Gbē kū à ye àḡo a w̄endi k̄una ni kurai. Gbē kū à ḡi a w̄endiii ma yāi s̄s, ade niḡo w̄endi v̄i. ²⁵ Tó gbē andunia l̄e p̄inki, à a žida lilin k̄eo à k̄ura a w̄endiii, b̄o àreen ani lee? ²⁶ Tó gbē makū kū ma yāo w̄é'i k̄u, Bisāsiri Né ni ade w̄é'i k̄u ḡoro kū ani su a gakuri gūn kū a De gakurio kū a malaikan̄o gakurio. ²⁷ Yāpuran maten oāre, gbēkeno kú la kū oni garo ari ò k̄ina kū Luda k̄a e.

Yesu linaa
(Mat 17:1-8, Maa 9:2-8)

²⁸ Yā pi onaa gbera à k̄a azuma do taka bà, akū à Pita kū Yuhanao kū Yamisio s̄è à didi kũwo kpia de à adua ke. ²⁹ Kū àten adua ke, a ānn l̄ite a p̄okasano k̄e p̄uu táitai. ³⁰ K̄anto gbēnon plan̄o kú k̄aao, Musa kū Iliasuo, òten yā o kū Yesuo. ³¹ Ò b̄o ò s̄ua gakuri gūn, òten andunia kū ani tó zaa Yurusalemu yā o. ³² I Pita kū a gbēno s̄e. Kū ò vù, ò Yesu gakuri è kú gbēnon pla kú ò zena a sareno. ³³ Kū gbēnon pla p̄ino ten k̄ekōa kū Yesuo, Pita pine: Dikiri, à mana kū ó kú la. Ò kuta do m̄en aakō, n̄ p̄o m̄en do, Musa p̄o m̄en do, Iliasu p̄o m̄en do. À d̄s̄ yā kū àten oro. ³⁴ Kū àten o le, ludambe luku k̄ipa à d̄ánla. Kū ò kú a gūn, v̄ina n̄ kú, ³⁵ akū ò k̄otoo mà a gūn à pi:

Ma Né kú ma a sèn dí. À a yā ma. ³⁶ Kòtoo pì manaa gbera ò è Yesu mé à g̃ò gwe ado. A ìbaa pìnò n̄ lé kù, odi yā kù ò è o gbēke ma g̃o kùaro.

Né g̃gbē t̃nade werek̃anaa

(Mat 17:14-18, Maa 9:14-27)

³⁷ Kū gu d̃, ò k̃pa kpi p̃i musu, akū gb̃n̄ sù da Yesule dasi. ³⁸ Z̃aa gūn g̃gbē ke p̃t̃à à p̃i: Danneri, n yā nna! Ñ ma né gwa, zaakū ma né m̃n do kú má ṽn gwe. ³⁹ T̃ana di fut̃ea, akū àdi wiki lé k̃anto. Àdi a p̃t̃e àg̃o bigiri keke àg̃o lé'ifuta b̃ote, àdi wari d̃o àdi goa likalikaro. ⁴⁰ Ma wé k̃e n ìban̄a ò pé t̃ana p̃iia à bo, akū ò f̃ua. ⁴¹ Yesu p̃i: Gb̃aragbē yakana ludanaanikerisarin̄o! Manig̃o kú k̃áo ari b̃oree? Manig̃o m̃ena k̃áo ari b̃oree? Ñ m̃ó kú n né p̃io la. ⁴² Ari né p̃i g̃o gé nai, akū t̃ana p̃i a p̃t̃e, àten bigiri keke. Akū Yesu g̃i t̃ana p̃iine à né p̃i w̃erek̃o, akū à a kp̃a a dea. ⁴³ Luda gb̃ana z̃k̃o yā p̃i b̃ò n̄ sare n̄ pinki.

Yesu era à a ga yā'onaa

(Mat 17:22-23, Maa 9:30-32)

Gb̃n̄o lé w̃e Yesu ỹakenaa pinki, akū à p̃i a ìban̄o: ⁴⁴ Àg̃o yā dík̃ina k̃una á n̄ese gūn. Oni Bis̃asiri Né na gb̃n̄o n̄ õi tera. ⁴⁵ Odi yā p̃i d̃r̄o d̃ro, a m̃i utenañe, ò f̃ua, akū ṽina n̄ kú ò yā p̃i gbekaa.

Denla yā

(Mat 18:1-5, Maa 9:33-37)

⁴⁶ Akū ò f̃ute kú lékpak̃ao denak̃o la yā musu. ⁴⁷ Yesu laasun kú à kú n̄ n̄ese gūn d̃, akū à né f̃iti s̃e à a z̃e a sare, ⁴⁸ à p̃inne: Gb̃e kú à né dí taka si ma ìbake yāi, makūme à ma si. Gb̃e kú à ma si s̃o, ade gb̃e kú à ma z̃i sìme. Gb̃e kú à a z̃ida d̃te k̃iana á té mé à gb̃e z̃k̃o ũ.

Gb̃e kú adi ìber̃e sé k̃áooro bi a gb̃endome

(Maa 9:38-40)

⁴⁹ Akū Yuhana p̃i: Danneri, o gb̃eke è, àten t̃anan̄o gor̃ma kú n t̃so, akū o gin̄e, zaakū ó gb̃enlo. ⁵⁰ Akū Yesu p̃i: Ásun gin̄ero, zaakū gb̃e kú adi ìber̃e sé k̃áooro bi á gb̃endome.

Samaria b̃usu lakutu gina Yesui

⁵¹ Kū Yesu tana ludambe g̃o k̃a k̃ani, à m̃i p̃e Yurusalemua. ⁵² Akū à gb̃n̄o gb̃are ò dòare are, akū ò g̃e ò g̃e Samaria b̃usu lakutu ke gūn de ò soru ken̄e. ⁵³ Akū lakutude p̃in̄o g̃i a síi kú à m̃i p̃e Yurusalemua yāi. ⁵⁴ Kū a ìba ken̄o Yamisi kú Yuhanao è le, ò p̃i: Dikiri, n̄ ye ò pi té bo ludambe à su à n̄ kakaten yā? ⁵⁵ Akū Yesu lit̃e à kp̃ak̃ényi. ⁵⁶ Akū òten gé lakutu p̃andea.

T̃ena Yesui

(Mat 8:19-22)

⁵⁷ Kū ò té z̃en, g̃gbē ke su à p̃i Yesune: Gu kú n̄ten gén pinki, manig̃o t̃enyi. ⁵⁸ Yesu p̃ine: Gb̃egbonno n̄ tò ṽi, b̃ano n̄ sà ṽi. Bis̃asiri Né s̃o à ìampaki ṽiro. ⁵⁹ Yesu p̃i gb̃e p̃andene: Ñ m̃ó n̄ t̃emaí. Akū gb̃e p̃i p̃i: Dikiri, n̄ tò ari ma de g̃e kp̃agui g̃ia. ⁶⁰ Yesu p̃ine: Ñ tò g̃en̄o n̄ g̃en̄o ṽi. M̃ok̃n̄ s̃o, n̄ gé kpata kú à b̃o Luda k̃inaa yā waazi ke. ⁶¹ Gb̃e p̃ande p̃i d̃o: Manig̃o t̃enyi Dikiri, ama n̄ tò má gé lé za ma beden̄a g̃ia. ⁶² Yesu p̃ine: Gb̃e kú swakure na a õi, tò àten kp̃e gwa, ade dí k̃o sé kú kpata kú à b̃o Luda k̃inaaoro.

10

Gbēnɔn baaakɔ akuri awɛɛplanɔ zĩnaa
(Mat 11:20-27, 13:16-17)

¹ Abire gbera Dikiri gbēnɔn baaakɔ akuri awɛɛpla pāndenɔ dīte, akū à n̄ zĩ gbēnɔn plapla ò doáre are wēte kū gu kū á ye à gēnnɔ pínki. ² À pìñne: Pókēna zókɔ, ama a zĩkerinɔn dasiro. À wé ke Buradea de à zĩkerinɔn gbare ò a pókēke. ³ À da zén. Mateni á zĩlán sāne bōrɔnɔ bà lɛwannanɔ tème! ⁴ Ásun ɔgɔsɔnɔ séro ke bókɔlokona ke kyatenɔ. Ásun ze zén à fɔ kpá gbēkearo. ⁵ On kū a gēn pínki à pi gĩa Luda ɔn pi gba aafia. ⁶ Tó aafiade kú gwe, á fɔ aafiade ni gōne. Tó à kú gwe sōro, ani era à suáwame. ⁷ Àgō kú ɔn pìi gūn, à pómína ke póble kú ò kpááwa ble, zaakū zĩkerii kà à a láada le. Ásungō kipaki lilin kero. ⁸ Wēte kū a gēn akū ò á sí, à pókū ò suóare ble. ⁹ À wēte pì gyārenɔn werekɔa, à o gbēnɔne kpata kū à bō Luda kīnaa kà kāni kūñwo. ¹⁰ Tó a gē wēte gūn, tó odi á sí sōro, à bote gānulea à pi: ¹¹ Bee á wēte lukutē kū à kpà ó gbála se, o wàra á tona kū Ludaoo sèeda ũ. Àgō dō sānsān kū kpata kū à bō Luda kīnaa kà kāni. ¹² Maten oáre, yákpatekegɔrɔ zĩ wétamma kū sɔdɔmudenɔ ni le nigō sàna de wētepidenɔ póla.

¹³ Waiyoo Kɔrazidenɔ! Waiyoo Betesaidadenɔ! Tó ma daboyá kú ma kè á ténɔ kè Taya kú Sidō yá, de wētepidenɔ uta kasanɔ dàda, ò vùte tuburaa à giì kè n̄selitenaa sèeda ũ. ¹⁴ Yákpateke-gɔrɔ zĩ á wétamma nigō de Tayadenɔ kú Sidōdenɔ póla. ¹⁵ Á Kapenamudenɔ sō, áni gbá à zō Ludaan yá? Oni ɔ sōái ari gyāwān.

¹⁶ Akū Yesu pì à ìbanɔne: Gbē kú à á yā mà ma yā màme. Gbē kú à giái gĩmaime. Gbē kú à gĩmai sō, ade gi gbē kú à ma zĩime.

¹⁷ Gbēnɔn baaakɔ akuri awɛɛpla pìnɔ gēe, akū ò èra ò sù kú pɔnnao ò pì: Dikiri, bee tãnanɔ miì nàtewere n tó yāi. ¹⁸ Yesu pìñne: Ma Setan è à lète bona ludambe lán legūpinaa bà. ¹⁹ Ma á gbá zé à táa o mlènɔ kú fínɔ kú á ìbere gbāna pínkinɔa, pókē ni á kīnnao. ²⁰ Bee kú abireo ásun pɔnna ke kú mi kú tãnanɔ di nateáero. À pɔnna ke kú á tó kú takadan ludambe yāi.

²¹ Zĩ birea Luda Nini Yesu pɔ kè nna manamana à pì: Baa, musu kú zĩteo Dikiri, ma n sáabu kè, kú n yā bireno ùte yádōrinɔne kú òndōrinɔn boo kyódōrisarinɔne. Leme, Baa, zaakū n poyenyĩnaame. ²² Ma De pók sīnda pínki nàmenɛ ma oĩ. Gbēke Luda Né dōro, tó adi ke De Luda baasiro. Gbēke De Luda dōro, tó adi ke a Né kú gbē kú Né pì yei à mōñnenɔ baasiro.

²³ Akū Yesu are dò à ìbanɔa n̄tēne, à pìñne: Arubarikadenɔme á ũ pók kú áten e kú wéó yāi. ²⁴ Maten oáre, annabinɔ kú kīnanɔn kun yā dasi, ò ye ò pók kú áten enɔ e, odi ero, ò ye ò yā kú áten manɔ ma, odi maro.

Samaria b̄usu gbē mana

²⁵ Dokadōri ke fùte de à Yesu yō à gwa à pì: Danneri, deran mani ke nà mà wēndi kú àdi láraro lee? ²⁶ Yesu pìne: Deran ò kè doka takadan nàa? N a kyó kè n mà deramee? ²⁷ Gbē pìi wèa à pì: Ngō ye Dikiri n Ludai kú n̄sɛɛo mèn do kú n ninio pínki kú n laasunnwo pínki n gbāna lén, n swè gō kúa, abire gbera ngō ye n gbēdakei lán n zĩda wēndii bà. ²⁸ Yesu pìne: N we mana. Ngō ke le, ìnigō kun. ²⁹ Gbē pì ye à yā nna kpá a zĩdaa, akū à Yesu là à pì: Dín ma gbēdake ũu?

³⁰ Akū Yesu pìne: Gbēke mé à bō Yurusalemu àten gé Yeriko, akū kpāni kāsaranɔ zé zōne. Ò a pókasanɔ sia, ò a gbè búgubugu ari à kà gana. Akū ò

a tòn ò gè zéla. ³¹ À sù à lè sa'ori ke zé dokɔnɔ pìi sè. Kū à a è, akū à pàne à gète. ³² Leme dɔ kū Levi buri ke kà gu pìn, à a è, akū à pàne à gète. ³³ Ama Samaria bùsu gbèke té zé pìn. Kū à sù à a è, akū à kènne wènda. ³⁴ À nài, à eze màma gu kū à kinnanɔa kū nísio kū sèwèo, à pó yiyiá. Akū à a sè à dì a zaaki kpe, à gèe kãao nibɔnɔ kipakia, gu kū à a gwàn. ³⁵ Kū gu dè, akū à andurufu ɔɔ bò mèn pla à kpà kipakide pìia à pì: Ñ a gwamene. Tó n ɔɔ dè de adila a musu, mani fina bonne, tó ma su.

³⁶ Tò! Gbènɔn aakɔ pìnɔ té dín nten da gbè kū kpāninɔ dàale pì gbèdake ũu? ³⁷ Dokadōrii pìi wèa à pì: Gbè kū à a wènda dōme. Akū Yesu pìne: Ñ gé ñ ke le se.

Yesu kunna Maata kū Mariamao bea

³⁸ Gɔɔ kū Yesu kū à ìbanɔn té zén, ò kà wète gūn, akū nɔgbè kū òdi pine Maata Yesu si à bea. ³⁹ À dakūna vī, òdi a sísi Mariama, à vùte Dikiri gbá sare, àteni a yā ma. ⁴⁰ Kīni zī kè Maataa dasi, akū à sù Yesu kīnaa à pì: Dikiri, kū ma dakūna ma to zī gūn mado, adi kenne yāke ũroo? Ñ one à kpámai. ⁴¹ Akū Dikiri wèa à pì: Maata, Maata, nten damu ke dasi, nten wari dɔ n zīdaa kū yānɔo dasi. ⁴² Yā mèn do mé à zé vī. Mariama baka mana sè, oni síaro.

11

Aduakenaa

(Mat 6:9-15, 7:7-11)

¹ Zīkea Yesu ten adua ke gukea. Kū à làka, a ìba ke pìne: Dikiri, ñ aduakenaa dadawere, lákū Yahaya dà a ìbanɔne nà. ² Akū à pìine: Tó áten adua ke, àgɔ pi:

Baa, ñ tó ògɔ dɔ kū n tó adona.

Ñ tó kpata kū à bò n kīnaa bo gupuraa.

³ Ñ ó gba pɔ kū ónigɔ ble lákū gu digɔ dɔ nà.

⁴ Ñ ó durunnano kēwá, zaakū odì kē gbè kū ò durunna kèwèrenɔne ní pínki.

Ñsun tó ò fu yɔgwananaaro.

⁵ Akū à pìine: Ò pì á gbèke mé à gbènaa vī, akū à gèe a kīnaa lizāndo à pìne: Ma su n kīnaame, ñ burodi sākāmene mèn aakɔ. ⁶ Nibɔɔ kípama tera dí, má pòke vī mà kpáaro. ⁷ Akū a gbènaa pìi wèa zaa kpé gūn à pì: Ñsun wari dɔmaro, ma gbàa tà kò. Ma gē kpén kū ma nénɔ, mani fɔ mà fute mà pòke kpámmaro. ⁸ Maten oáre, bee tó adi fute à kpàa gbènnake yāiro, ani fute à pò kú à yei kpáa, kū à zèi dāndān yāi. ⁹ Makū sɔ maten oáre, à wé ke, Luda ni kpááwa. À wete, áni le. À gbà lé, Luda ni wéáre. ¹⁰ Zaakū gbè kū à wé kèen òdi kpáa, gbè kū à wète sɔ àdi le, gbè kū à gbàa lèen oni wène. ¹¹ Ákɔnɔ kū á nénɔ vī, tó á né kpò wé kèáwa, á dí mé ani mlè sé à kpáaa? ¹² Ke tó à né konegbīni wé kèáwa, á dí mé ani fí sé à kpáaa? ¹³ Bee kū á vāniko á pɔ mana kpana á nénɔa dɔ. Oni á De kū à kú musu Nini kpana gbè kū ò wé kèanɔa pò o dɔ yá?

Tānagona gbènaa

(Mat 12:22-30, 43-45, Maa 3:20-27)

¹⁴ Yesu ten tāna sāto kpáturuku go gbèa. Kū tāna pìi gò, sāto pìi nà yā'onaaaa, akū yā pìi bò pari sare. ¹⁵ Akū ní gbèkeno pì: Àdi tāna gorūma

kū tānanɔ kína Belezebubu gbānaome. ¹⁶ Akū gbē pāndenɔ a ȳ̀ ò gwà, ò a gbèka à sèeda ke keńne kū Luda gbānao. ¹⁷ Kū Yesu n̄ laasun d̄̀, akū à p̄̀inne: Kpata kū a gbēno ibereɛ sè kū k̄so ni kakate. Ɔn kū a gbēno ibereɛ sè kū k̄so ni ḡs̄ bezī ūme. ¹⁸ Tó Setan ibereɛ sè kū a gbēno, deran a kpata ni ḡi kee? Ma ò le kū àten pi madì tāna gońma kū Belezebubu gbānao yāime. ¹⁹ Tó Belezebubu gbānan madì tāna gońma, á gbēno di gońma kū dí gbānaome? Leme á z̄ida gbēno á éke b̄ò le. ²⁰ Tó ma tānagońmana bi Luda ɔgbeme, àḡs̄ d̄s̄ kū kína kū Luda k̄aa sù à á lén gwe. ²¹ Tó ḡsa gbāna z̄ikabɔno k̄una àteni a ɔn d̄akp̄ao, a aruzekenɔ diḡs̄ aafiaame. ²² Ama tó gbē kū a gbāna deala sù à ḡèi à gbāna m̄one, ani a ḡkebo kū à a náani v̄ino s̄ete, ani a aruzeke kpaateteńne. ²³ Gbē kū à kú k̄umaoro b̄ò ma kpe. Gbē kū àdi p̄s̄ kakara k̄umaoro di f̄ak̄s̄ame.

²⁴ Tó ò tāna gò gbēa, àdiḡs̄ likara z̄s̄ gukorin àḡs̄ vuteki wete. Tó adi lero, akū àdi pi: Mani era mà tá ma be z̄iame. ²⁵ Tó à kà gwe, àdi le à warana swáswa z̄éazea, ²⁶ akū àdi gé tāna kū n̄ p̄as̄i dealanɔ s̄ete m̄en suppla à su k̄únwo, òdi ḡè ò vuten. Leme ade gwena kpekpe v̄ani diḡs̄ de a k̄akup̄ola.

Arubarika ya

²⁷ Kū Yesu ten o le, nɔgbē ke p̄ut̄a z̄aa ḡun à pi: Nɔgbē kū à ni à ȳs̄ kp̄amma arubarika v̄i. ²⁸ Akū Yesu pi: Oi! Arubarikadenɔn gbē kū ò Luda yā mà ò k̄unanɔ ū.

Sèeda gbekana Yesua (Mat 12:38-42)

²⁹ Kū pari ten kara, akū Yesu pi: Gbāragbēno zara. Òdi sèeda gbekama, ama mani sèeda ke keńnero, sé Inusa p̄s̄. ³⁰ Lákū Inusa de sèeda ū Ninevadenɔne nà, len Bisāsiri Né niḡs̄ de sèeda ū gbāragbēnoɔne le. ³¹ Ȳakpatekeḡro z̄i ḡenɔmid̄ki kpa saraunia ni vu à yā dí gbāragbēnoa, zaakū à b̄ò zaa andunia léa, à sù Sulemanu ɔnd̄syā ma, akū gbē kū à de Sulemanula kú la sà. ³² Ȳakpatekeḡro z̄i Ninevadenɔ ni fute ò yā da gbāragbēnoa, zaakū kū Ninevadenɔ Inusa waazi mà ò nèseɛ lít̄e, akū gbē kū à z̄s̄k̄s̄ de Inusala kú la sà.

Wéme m̄e fitila ū (Mat 5:15, 6:22-23)

³³ Òdi fitila na ò dite gukpado ke ò gbaka kútearo. Òdi di a dibɔ musume, de gbē kū òten ḡenɔ gupura e yāi. ³⁴ N wéme n m̄e fitila ū. Tó n wé aafia, n m̄e p̄ínki niḡs̄ gupura ū. Tó n wé gbānaro s̄s̄, n m̄e p̄ínki niḡs̄ gusira ū. ³⁵ Abire yā mé à tò, n̄ laakari ke, de gupura kū nten da n̄ v̄i súnḡs̄ de gusira ūro. ³⁶ Tó n m̄e p̄ínki gupura v̄i, a ke kú gusira ḡunlo, aniḡs̄ gu pura kū swáswa lánd̄s̄ fitila'i d̄mma bà.

Yesu lodayadannerinɔ kū Farisinɔ bobona n̄ dàn (Mat 23:1-36, Maa 12:38-40, Luk 20:45-47)

³⁷ Kū Dikiri yā ò à l̄aka, akū Farisi ke a s̄isi à m̄s̄ à p̄s̄ ble k̄aao, akū à ḡè à v̄ute. ³⁸ Kū Farisi p̄i è adi ɔ da in gbas̄a ò p̄s̄ b̄lero, à b̄ò a sare. ³⁹ Akū Dikiri p̄ine: Ák̄onɔ Farisinɔ adi gbās̄i bo tokonɔ kpe kū tanɔ, ama wākū kū yāv̄anikenaao mé à á nèseɛ p̄a. ⁴⁰ Ȳonk̄onɔ! Luda kū à p̄s̄ kpe k̄è mé à a ḡun k̄è seroo? ⁴¹ Á p̄s̄ kū à kú á tanɔ ḡun d̄a w̄endadenɔne, á ta p̄inɔ ni ḡōare gbās̄i sari.

⁴² Waiyoo ák̄onɔ Farisinɔ! Adi tofenɔ t̄ok̄t̄edo kū kp̄è'ak̄ao kū dò p̄onɔ p̄ínki kuride kp̄a Luda, akū adi p̄a kp̄a ȳaz̄edei kū yena Ludaiio. Yā

birenɔ mé à de àgɔ kùna pàkpana a kparanɔi sari. ⁴³ Waiyoo àkɔnɔ Farisinɔ! Adigɔ ye à vute aduakεkpe vuteki mananɔn, adigɔ ye ògɔ fɔ kpàkpaáwa etenɔn. ⁴⁴ Waiyoo àkɔnɔ! Á de lán mira kù òdigɔ taa oa a yádɔnaa sari bàme.

⁴⁵ Akù dokadɔri ke pìne: Danneri, tó n ò le, nteni ó sɔsɔme se. ⁴⁶ Yesu pì: Waiyoo àkɔnɔ dokadɔrinɔ sɔ! Adì gbɛnɔ da asosena zì'ùn, akù adì ɔ daríma kù a sɛnaaoro, bee ɔneε. Waiyoo àkɔnɔ! ⁴⁷ Adì pɔ bo annabi kù á dizinɔ n dedenɔ miranɔa n yá dɔngu yá. ⁴⁸ Leme a sì kù a ze kù á dizinɔ yákenanɔome. Ò annabinɔ dède, akù adì pɔ bo n miranɔa. ⁴⁹ Abire yá Luda wézε gùn à pì, áni annabinɔ kù zìrinɔ zìáwa. Áni n gbɛkenɔ dede, áni wé tã n gbɛkenɔa. ⁵⁰ Leme annabi kù ò n dede zaa andunia naanagɔrɔ ari gbáranɔ yá ni wí teradenɔ musu le, ⁵¹ sɛna zaa Habila dena ari à gɛε pé Zakari kù ò a dè sa'oki kù Luda kpéo daguraa. Ee, maten oáre, yá birenɔ pínki ni wí teradenɔ musume. ⁵² Waiyoo àkɔnɔ dokadɔrinɔ! A dɔnaa gbà m̀nne wòto. Ádi gɛ a gùnlo, akù a kpa gbɛ kù ò ye ò gɛ a gùnnone. ⁵³ Kù Yesu bò gwe, ludayádannerinɔ kù Farisinɔ nàkaraa gbāngbān, òten yá lalaa dasi, ⁵⁴ òteni a kpàkpa, de ò a kù yá kù àten o gùn.

12

Laakarikena Farisinɔ manafikii

(Mat 10:26-27)

¹ Gɔrɔ birea gbɛnɔ kàkarai, ò n lé dɔro, ari òten gèse pétepetekɔa, akù à yá ò a ìbanɔne gĩa à pì: À laakari ke Farisinɔ lùbeneεi. Àkùme n manafiki ù. ² Pɔke kun utena kù ani bo gupuraaro. Asiriyá ke kun kù oni gí dɔro. ³ Leme dɔ yá kù a ò gusiran, oni ma gupuraa, asiriyá kù a ò kɔ sán kpé tú, oni a kpàkpa ke gānu are.

Zena kù Yesuo gbɛnɔ are

(Mat 10:19-20, 28-33, 12:32)

⁴ Ma gbɛnnanɔ, maten oáre, gbɛ kù oni mè kakate a gbera oni fɔ ò yáke keáre doronɔ, àsun vīna keñnero. ⁵ Mani gbɛ kù à de à vīna kene oáre. À vīna ke Ludanɛ kù à gbāna vī à á zu té gùn mèkaatenaa gbera. Ee, maten oáre, à vīna kene. ⁶ Òdi bāntoro m̀n sɔrɔ yía kɔbɔ plaroo? Ama bee n ke yá dì sá Ludanlo. ⁷ Bee á mìkānɔ, à a lé dɔ. Ásun vīna kero, á bèere de bāntoro dasinɔla.

⁸ Maten oáre, gbɛ kù à zè kùmao gbɛnɔ are, Bisāsiri Né ni ze kāao Luda malaikanɔ are. ⁹ Gbɛ kù à ledi kpàmai gbɛnɔ are sɔ, mani ledi kpái Luda malaikanɔ are. ¹⁰ Tó gbɛ Bisāsiri Né vāni bò, Luda ni a kē. Ama tó gbɛ Luda Nini tó vāni sì, ani kēnero. ¹¹ Tó òten gé kááo yákpatekεkia aduakεkpen ke kinanɔ kù gbānadennɔ are, àsun á zīda bona damu kero ke yá kù áni o, ¹² zaakù Luda Nini mé ani yá kù à de à o daáre zī birea.

Ɔgɔde

(Mat 6:19-34)

¹³ Zàa gùn gbɛke pì Yesune: Danneri, n o ma v̀ninine à ma baka kpáma ó túbì gùn. ¹⁴ Akù à wèa à pì: Ma gbɛ, dí mé à ma dite á yákpatekeri ke á yágɔgɔri ùu? ¹⁵ Akù à pì gbɛnɔne: Àgɔ á zīda kùna dɔ. À laakari ke pɔ sīnda pínki aniapāsikenaai, zaakù aruzεke bi bisāsiri ẁndinlo, bee tó à fɔ àgɔ didikɔa dia.

¹⁶ Akū à yā lèkṣaíne à pì: Ɔgṑde mé à kun a bura pṑble kène manamana, ¹⁷ akū à laasun lè à pì: Bón mani kee? Má pṑwekaki víro. ¹⁸ Akū à pì: Yā kū mani ken dí: Mani ma pṑkatekinṑ gboro, mani a zṑkṑnṑ bo, mani ma pṑwe kán pínki kū ma aruzekṑnṑ. ¹⁹ Mani pì ma zídane: Gbē, n gínake í pṑ mana ví zṑkṑ, kū ani ká kúnwo wè ùgbangbaa? N kámma bo, n pṑ ble, n í mi, n pṑnna ke. ²⁰ Akū Luda pine: Yṑnkṑ, gwáaniala mani n wèndi gbekamma. Soru kū n kè ni gṑ dí pṑ ùmee? ²¹ Lemé gbē kū à aruzeké tṑkṑai, ama à de Ɔgṑde ù Ludanero yā de le.

Ludanaanikēnaa
(Mat 6:19-21, 25-34)

²² Akū à pì a ìbanṑne: Abire yāi maten oáre, àsun á wèndi damu à pi bón óni blero, àsun á mè damu ke à pi bón óni daro. ²³ Wèndi de pṑblela. Mè de pṑkasala. ²⁴ À káakāannanṑ gwa. Òdi pṑ tṑro, òdi pṑ kéro, ò dṑ ke gbàṑo víro, bee kū abireo Luda di n gwa. Á bèere ví manamana de bānṑla fá! ²⁵ Á té, dí mé ani fṑ à a wèndi gbāna kara, bee gṑṑ do, a damukenaa gūnn? ²⁶ Tó áni yā fíti dí fṑro, bṑyāi áten yā kparanṑ damu kee? ²⁷ À lāvunṑ gwa sèn lākū ò de nà. Òdi zī kero, òdi buu tāro, ama maten oáre bee Sulemanu kū a aruzekṑo, adi uta da a mana kà n ke ūro. ²⁸ Sēla kū à kun gbāra ani té kū zia, lākū Luda di pṑ nai le nà, oni ákṑnṑ ludanaanikīanadenṑ pṑ ò dṑ yá? ²⁹ Ásun tó pṑ kū áni ble ke pṑ kū áni mi yā doáre arero. Ásun a damu kero. ³⁰ Andunia dí burinṑn pṑ pinṑ pínki yā di dṑíne are, á De sṑ à dṑ kū pṑ pinṑ kṑ si kááo. ³¹ À tó kpata kū à bṑ a kīnaa yā doáre are, ani pṑ pinṑ karaáre. ³² Ma kpāsa fíti gbēnṑ, àsun vīna kero, zaakū á De pṑyenyīnaame à á kpá kpataa pin. ³³ À pṑ kū á vīnṑ yá, à takasidenṑ gba a Ɔgṑ. À Ɔgṑsṑnṑ kū àdi zī kūro zṑ, ludambe aruzeké kū àdi lākaro káki ū, kū kpāni di nairo, kṑkṑ sṑ àdi a yakaro. ³⁴ Zaakū gu kū á aruzeké kún, gwen á laakari nigṑ kun se.

Zīkeri náanide laakaride
(Mat 24:45-51)

³⁵ Àgṑ kú soru gūn, à tó á fitila gṑ nana. ³⁶ Àgṑ de lán gbē kū òteni n dikiri suna dā à su kū nṑse pṑnnakenaaò bà, de gṑṑ kū à sù à gbàa lè, oni zé wēne gṑnṑ. ³⁷ Arubarikadenṑn zīkeri kū n dikiri ni n le bēne a sugṑṑanṑ ū. Yāpuran maten oáre, dikirii pì ni a pṑnṑ keke à yī, ani n vute, ani pṑble kakaraíne. ³⁸ Bee tó à sù lizāndo ke kṑnkṑkṑnṑ, tó à n lé le, arubarikadenṑme á ū. ³⁹ Àgṑ yā dí dṑ. Tó bede gṑṑ zaka kū kpāni ni suawa dṑ yā, de ani tó à a kpé fṑro. ⁴⁰ Ákṑnṑ sṑ, àgṑ kú kú soruo, zaakū Bisāsiri Né ni su gṑṑ zaka kū á wé dṑiro.

⁴¹ Pita pì: Dikiri, ó yāin n yā pì lèkṑa yá, ke gbē sīnda pínki yāime? ⁴² Dikiri pì: Dín begwari náanide laakaride kū a dikiri di a zīkerinṑ nane a Ƒ, à pṑble kpámma a gṑṑa ūu? ⁴³ Arubarikadenṑn zīkeri kū a dikiri a lè, áten ke le a sugṑṑa ū. ⁴⁴ Yāpuran maten oáre, ani a aruzeké sīnda pínki nane a Ƒime. ⁴⁵ Ama tó zīkerii pì pì a nṑsee gūn, a dikiri suna ten gí ke sṑ, akū à nà a zīkeri dakenṑ gbēgbēnaaa, gṑgbēnṑ kū nṑgbēnṑ, áten sánkara pṑ ble, áten wēde ke, ⁴⁶ a dikiri ni su gṑṑ kū a wé dṑiroame, gṑṑ zaka kū à dṑroa, ani a zṑzṑkṑre à a baka da kú kifirinṑ.

⁴⁷ Zīkeri kṑ à a dikiri pṑyenyīna dṑ, akū adi soru ke à a pṑyeinaa kéro, oni a gbē búgubugu. ⁴⁸ Zīkeri kū à a dikiri pṑyenyīna dṑro, akū à yā kū à de

ò a gbē kè s̄, oni a gbē fítimē. Gbē kū Luda a gbà z̄sk̄ Luda ni wetea z̄sk̄. Gbē kū Luda p̄ nàne a z̄i z̄sk̄, ani gbekaa deñla.

Kēkēkōana Yesu yāi

(Mat 10:34-36)

⁴⁹ Tēn ma su na anduniaa, mádi gii té p̄i ḡ k̄ se teraro. ⁵⁰ Má wētāmma v̄i k̄u mani gēn. Má k̄u laasun z̄sk̄ ḡn ari à gé lákao. ⁵¹ Áten da ma su de gbēn̄ ḡ nna k̄u k̄so andunia ḡnn yá? Oi! Maten oáre, kēkēkōana yāin ma su. ⁵² Zaa tera ɔn k̄u gbēn̄n s̄ɔron̄n k̄un, oni k̄o kpaatete. Gbēn̄n aak̄n̄ ni bo gbēn̄n plan̄ kpe, gbēn̄n plan̄ ni bo gbēn̄n aak̄n̄ kpe. ⁵³ De ni bo a néḡgbē kpe, néḡgbē ni bo a de kpe. Da ni bo a n̄n̄gbē kpe, n̄n̄gbē ni bo a da kpe. Zā da ni bo nozāre kpe, nozāre ni bo a zā da kpe.

Ḡɔɔ dík̄ina yáasi d̄s̄naa

(Mat 6:2-3)

⁵⁴ Yesu p̄i gbēn̄n̄: Tó a è legū ten sisi ifálete kpa, áni p̄i ḡn̄, legū ni ma, akū àdi ke le. ⁵⁵ Tó a è ìa ten bo ḡn̄mid̄k̄i kpa, áni p̄i, gu ni wā, akū s̄ àdi wā. ⁵⁶ Manafikiden̄! Á z̄ite k̄u musuo wé d̄sk̄i, akū á ḡɔɔ dí yáasi d̄s̄ro bi?

Gaafara weteanaa

(Mat 5:25-26)

⁵⁷ Bóyāi á yākēna a z̄éa d̄s̄ á z̄idaaroo? ⁵⁸ Tó n ibere ten gé k̄unwo yākpatēkēkia, ñ kokari ke de à gaafara kenne zaa z̄én, de àsun n gáte à gé k̄unwo yākpatēkeri k̄inaaro yāi. Tó ñdi ke lero, yākpatēkerii p̄i ni n kpá dogariia, dogari ni n da kp̄siran. ⁵⁹ Maten onne, ñni bo gwero ari ñ gé fina boo p̄inki. Bee k̄o ni ḡ t̄enȳro.

13

N̄selitena ke ga

¹ Ḡɔɔ birea gbēken̄ s̄u ò Galili gbē k̄u Pilati ñ d̄ede à ñ aru yākate k̄u ñ sa'obo aruon̄ yā ò Yesune. ² Akū Yesu p̄inne: Kū Galili gbē p̄in̄ ga de le, áten da ñ durunna de Galili gbē kparan̄ p̄olan yá? ³ Oi! Maten oáre, tó ádi n̄ese litero, á p̄inki ni ga lán ñ bàme. ⁴ Gbēn̄n baro plansari k̄u Siloamu kp̄didikōanaa gb̄oro à s̄im̄ma ò ḡagan̄ s̄, áten da ñ taari de gbē kpara k̄u ò k̄u Yurusalemun̄ p̄olan yá? ⁵ Oi! Maten oáre, tó ádi n̄ese litero, á p̄inki áni ga lán ñ bàme.

⁶ Akū à yā dí l̄ek̄s̄āne à p̄i: Gbēke mé à kaka lí bà a swadakoo ḡn, akū à ḡe a né wete adi ero. ⁷ Akū à p̄i a z̄ikeriine: Ñ gwa, a w̄e aak̄den dí, k̄u mad̄i su né wete kaka lí p̄ia mádi ero. Ñ a z̄, óni tó à gu sí p̄an yá? ⁸ Akū z̄ikerii p̄i p̄ine: Baa, ñ tó ari ziki d̄. Mani gu bi mà likai mà taaki káne. ⁹ Ani ḡ né i zikiro. Tó adi né iro sà, mani a z̄ mà ne.

N̄gbē k̄n̄de werekōanaa

¹⁰ Kámmaboḡɔɔ z̄i Yesu ten yā dañne aduakēkpen. ¹¹ N̄gbē ke k̄u gwe, t̄ana a k̄n̄ k̄u à kà w̄e baro plansari. Àdiḡ kokoname, àdi f̄s̄ à a z̄ida poro bee f̄itiro. ¹² Kū Yesu a è, akū à a sisi à p̄i: N̄gbē, n k̄n̄ke ḡomma. ¹³ Akū à ɔ n̄aa. Zaa gwe ḡn̄ à p̄oro, akū à Luda s̄ábu kp̄a.

¹⁴ Akū aduakēkpe gbē z̄sk̄ p̄o f̄e, k̄u Yesu a w̄erekōa kámmaboḡɔɔ z̄i yāi, akū à f̄ute à p̄i gbēn̄n̄: Ḡɔɔ suddo mé à kun k̄u òdi z̄i ken. Áḡo su ò á w̄erekōa ḡɔɔ abiren̄a, ama kámmaboḡɔɔ z̄i baasi. ¹⁵ Akū Dikiri w̄e à p̄i:

Manafikidenɔ! Kámmabogɔɔ zĩ á baadi dì a zù ke zaaki poro a bàdɔkia à gé í kpáaroo? ¹⁶ Ibrahī buri nɔgbē díkĩna sɔ, Setan a yì wè baro plansarime. A bàa pii poronaa kámmabogɔɔ zĩ zé vīroo? ¹⁷ Kū à ò le, akū wé'i a ibereɔ kù ñ pínki, ama gbēno pɔ kè nna daboyā kù àten kenɔa pínki.

Yalekšana kù musadi wéo
(Mat 13:31-32, Maa 4:30-32)

¹⁸ Akū Yesu pi: Bón kpata kù à bò Luda kĩnaa bòkɔaoo? Bón mani kpákūsūoo? ¹⁹ À de lán musadi wé bà, akū gbē sè à t̄ a karaa gūn. Kū à bùte, à kè lí ũ, akū bāno sù ò dìdi a gānoa.

Yalekšana kù lùbeneɛo
(Mat 13:33)

²⁰ Akū à pi dɔ: Bón mani kpata kù à bò Luda kĩnaa kpákūsūoo? ²¹ À de lán lùbene kù nɔgbē sè à kà flawa zaka lé aakɔ gūn, à yàkate pínki bà.

Zéle kpakoto
(Mat 7:13-14, 21-23)

²² Gɔɔ kù Yesu ten gé Yurusalemu, àten gē wēteno kù lakutunɔla, àten yā dañne, ²³ akū ò a là ò pi: Baa, ase gbē kù oni surabana lenon dasiroo? Akū Yesu pi gbēnoɛ: ²⁴ À kokari ke à gē zéle kpakoto gūn. Maten oáre, gbēno ni wete ò gēn dasi, ama oni f̄ro. ²⁵ Tó bede f̄ute à zé tàta à làka, tó a ḡ bàai, akū àten gbà lé, àten pi: Baa, ñ zé wēwēre, ani oáre, á á d̄ gukearo. ²⁶ Abire gbera tó a pine à p̄ blè kááo, à í mì kááo, à yā dañne á be gānulea, ²⁷ ani oáre á á d̄ gukearo. À goala á yāvānikerino á pínki.

²⁸ Tó a Ibrahī kù Isaakuo kù Yakubuo kù annabinɔ è pínki kpata kù à bò Luda kĩnaa gūn, akū ò á zú bàai, gwen áni s̄ d̄on, à ɔ dí á m̄ia. ²⁹ Gbēno ni bo ifáboki kpa kù ifálete kpao kù gugbānduruo kù gēno midɔkio, oni su p̄ ble kpata kù à bò Luda kĩnaa gūn. ³⁰ Len gbē kpedenɔ niḡ gbē káakuno ũ le, gbē káakuno niḡ gbē kpedenɔ ũ.

Yurusalemu ya
(Mat 23:37-39)

³¹ Gɔɔ birea ḡno Farisi kenɔ sù Yesu kĩnaa ò pine: Ñ fute gu dín, zaakū Herɔdu ye à n dem̄e. ³² Akū à pinne: À gé o flē pine, maten t̄nanao goñma, maten gyāreno werek̄ɔa gbāra kù ziao, a gɔɔ aakɔde zĩ s̄o mani ma zĩ papa. ³³ Bee kù abireo séto mà gé are gbāra kù ziao kù zianɔo, zaakū adi kù annabi ga gukearo, sé Yurusalemu. ³⁴ Yurusalemudenɔ, Yurusalemudenɔ! Adì annabinɔ dede, adì gbē kù Luda ñ zĩáwanɔ pápa kù gbēo, à ñ dede. Madiḡ ye mà á kakaramai ḡn baaak̄, lākū ko dì dem̄bere kú a n̄nɔla n̄ame, ama adì weiro. ³⁵ Luda ni á kpé toáre bezĩ ũme s̄a. Maten oáre, áni ma e doro ari à pi, arubarikaden gbē kù àten su kù Dikiri t̄so ũ.

14

Yesu kunna Farisi ke bea

¹ Kámmabogɔɔ ke zĩ Yesu ḡe p̄ ble Farisino gbē z̄k̄ ke bea, akū gbē kù ò kú gweno teni a kpákpa. ² Kákagyākeri ke kú Yesu are gwe. ³ Akū Yesu dokad̄rino kù Farisino là à pi: Òdi gbē werek̄ɔa kámmabogɔɔ zĩ yá ke òdi werek̄aro? ⁴ Akū ò ḡ ȳt̄ena kítikiti. Akū Yesu gyāre pii kù, à a w̄ek̄ɔa à a gbàre. ⁵ Akū à ñ lá à pi: Tó á gbēke né ke zù v̄i à zù l̄ḡon kámmabogɔɔ zĩ, ani a bo ḡnoɔroo? ⁶ Odi f̄ ò w̄earo.

⁷ Yesu è deran gbē kū ò ñ sísino ten vuteki mana kū nà, akū à yā lèkōaŋne à pi: ⁸ Tó ò n sisi nɔse póblea, ñsun vute vuteki mana gūnlo. Tó ò gbē kū à zōkō denla sisi bi! ⁹ Tó á sísirii sù à pìnne: Ñ fute ñ vuteki kpá gbē p̄ia, ñni fute ñ gé vute kpe kpa kū wé'ioṃe. ¹⁰ Tó ò n sisi, ñgō vute kpe kpa, de tó n sísirii sù, ani pìnne: Ma gbēna, ñ fute ñ su are la. Abirekū ni n ke bèere de ù gbē kū á kú lèlɛnɔ are. ¹¹ Gbē kū àdi a zīda karan Luda ni a busa. Gbē kū àdi a zīda busa sō, Luda ni a kara.

¹² Akū Yesu pì a sísirii pìnne: Tó nten gbēno sísí póble fānantē blenaaa ke ɔkosi pó, ñsun n gbēnnano sísíro ke n v̄nino kū n dakūnanao ke n daneno ke n ɔgɔde dakeno. Tó n kè le, oni era ò n sísime se ò fina bonne. ¹³ Tó nten gbēno sísí póblea, ñ takasidenɔ sísí kū kòndeno kū ɛrenɔ kū v̄nanao, ¹⁴ arubarikadenome á ũ, zaakū ò póke vī ò fina boonnɛro. Luda mé ani fina bonne gbē mananao vugɔra.

Yalékōana kū póble dasio

(Mat 22:1-14)

¹⁵ Kū gbē kū ò kú lèlɛnɔ doke yā p̄i mà, akū à pi Yesune: Arubarikaden gbē kū ani póble kū kpata kū à bō Luda kīnaa gbēno ũ. ¹⁶ Yesu p̄ine: Gbēke mé à ye à póble ke, akū à gbēno sísí dasidasi. ¹⁷ Póblegɔzì zì à a zīkerii zì à o gbē kū à ñ sísino ò su, ò pó sīnda pínki soru kè ò làka sà. ¹⁸ Akū ñ baadi ten wete ò ñ kē. Gbē káaku p̄ine: Ma bú lù, mani gé gwa. N yā nna, ñ ma kē. ¹⁹ Gbē pānde p̄i: Ma zù búbabono lù mèn kuri, mani gé ñ gwa. N yā nna, ñ ma kē. ²⁰ Gbē pānde p̄i: Ma nɔ sè dufume. A yā mé à tò mani le mà suro. ²¹ Akū zīkerii p̄i èra à tà, à ñ légbɛ ò a dikiriine. Akū bede p̄i pɔ fē, à pi a zīkeriine: Ñ gé wete gūn likalika gānuleano kū zédano, ñ takasidenɔ kū kòndeno kū v̄nanao kū ɛrenɔ kakara ñ su kúnwo la. ²² Abire gbera zīkerii p̄i sù à p̄ine: Dikiri, ma yā kū n ò ò kè, ama vuteki kpé kun. ²³ Akū dikirii p̄i p̄i zīkerii p̄ine: Ñ gé zénɔ gūn kū zé térérenɔ pínki, ñ gā na gbēno ò gē, de ma on pa. ²⁴ Maten oáre, gbē kū ma ñ sísí p̄ino ke ni lé zō ma póble p̄iario.

Gōna Yesu iba ũ

(Mat 10:37-38)

²⁵ Ò té zén kū Yesuo dasidasi, akū à lite à p̄ine: ²⁶ Tó gbē sù ma kīnaa, akū à ye a dei demala ke a da ke a nanao ke a néno ke a v̄nino ke a dakūnanao ke a zīda, ani f̄i à ke ma iba ũro. ²⁷ Gbē kū adi a lígbāndurukpana sé àgō téomairo, ade ni f̄i à ke ma iba ũro. ²⁸ Tó á gbēke ye à kpédidikōana bo, ani vute ḡia à a ɔgɔ dɔɔ à gwa, tó ani f̄i à zì pi keroo? ²⁹ Tó adi ke lero, akū à ē p̄ete, tó adi f̄i à a làkaro, gbē kū à è pínki ni a lalandi ke ³⁰ ò pi: Gbē díkīna nà kpébonaaa à f̄ia à a mì de. ³¹ Ke tó kīna ke ye à gé zì ká kū kīna pānde, ani vute ḡia à a laasun lé à gwa, tó a soza gā kurino ni f̄i ò kù kpá soza gā baro kù òten sunoaro? ³² Tó à è áni f̄iro, ani z̄rino z̄i, de ò lédokōnkēna yā gbekaa zaade adi ká k̄niro. ³³ Leme dɔ, tó á gbēke dí ɔ gbarɛ pó kū à v̄no pínkiro, ani f̄i à ke ma iba ũro.

³⁴ Wisi bi póbname, ama tó a í nna tà, deran oni ke nà à gō nna dɔɔ? ³⁵ À mana zíte ke zùgbōkatekinero, òdi kótɛme. Gbē kū à s̄a vī à yā pi ma.

15

Pó s̄atenano

(Mat 18:12-14)

¹ Bè'og̃sirinɔ kũ durunnakerinɔ ten na Yesui de ò a yā ma ní pínki. ² Akũ Farisinɔ kũ ludayádannerinɔ yáketè kà ò pì: Gbē díkĩna dì durunnakerinɔ sí à pò ble kũnwò ɛɛɛ. ³ Akũ Yesu yā díkĩna lèk̃sañne à pì: ⁴ Ò pì á gbēke sã vī mèn basɔɔro, akũ a do sãte, àdi a basɔɔro donsari tó sèn à pète sã kũ à sãte p̃ii ari à gé leroo? ⁵ Tó à bòa, àdi a sé à da a gàn kũ p̃onnao ⁶ à táo be, à a gbēnnanɔ kũ a fārandidenɔ s̃isi à piñne: À p̃onna ke kũmao. Ma a sã kũ à sãte p̃ii lè. ⁷ Lemɛ dɔ maten oáre, oni p̃onna ke ludambe durunnakeri mèn do kũ à nèsee lite yā musu de gbē mana gbēnɔn basɔɔro donsari kũ ò nèselitena ni ṽironola.

⁸ Nɔgbē kũ à andurufu ɔɔwapu vī mèn kuri s̃s bi, tó a mèn do sãte, àdi fitila na à kpé wara, à wete busebuse ari à gé leroo? ⁹ Tó à bòa, àdi a gbēnnanɔ kũ a fārandidenɔ s̃isi à piñne: À p̃onna ke kũmao. Ma a andurufu ɔɔ kũ à sãte p̃ii lè. ¹⁰ Lemɛ dɔ maten oáre, Luda malaikanɔ dì p̃onna ke durunnakeri mèn do kũ à nèsee lite yā musu.

Né'og̃gbē kũ à sãte

¹¹ Yesu pì dɔ: Gbēke mé à kun à né'og̃gbēnɔ vī mèn pla. ¹² Akũ Sabi pì a dene: Baa, ñ ma baka kũ manig̃ vī túbi g̃un kpáma. Akũ de pì a aruzekè kp̃aateteñne. ¹³ Adi ke g̃rɔ plaro, akũ Sabi a p̃ónɔ nàk̃sa pínki, à tà bùsu p̃anden z̃az̃a. Gwen à a aruzekè k̃akaten p̃áp̃akenaa g̃un. ¹⁴ Kũ à pò kũ à ṽinɔ dè pínki, akũ nà gb̃ana kà bùsuu p̃in, akũ à g̃ò kũ takasio. ¹⁵ À g̃eè à nà bùsuu pì gbēkei zamalingakeri ũ, akũ gbē pì a gb̃are a bura à pòble kpá aledenɔa. ¹⁶ Àdig̃ ye à pò t̃eke kũ aledenɔ ten ble ble à kã, ama òdi pòke kpáaro. ¹⁷ Kũ à laakar̃ii s̃u à pì: Ma de zamalingakerinɔn pòble vī dínyĩ, akũ maten ga kũ nàao la. ¹⁸ Mani fute mà tá ma de k̃inaa, mani pine: Baa, ma durunna kè Ludanɛ kũ m̃ok̃nwo, ¹⁹ mádi ká ò ma s̃isi n né ũ doro. Ñ ma dite n zamalingakerinɔ do ũ. ²⁰ Akũ à fute àten tá a de k̃inaa. Kũ à té z̃à àten su, a de pì a è, akũ à kènɛ w̃enda. À bàa s̃i à g̃eè à k̃usia, à lé p̃ea. ²¹ Akũ né p̃ii pine: Baa, ma durunna kè Ludanɛ kũ m̃ok̃nwo, mádi ká ò ma s̃isi n né ũ doro. ²² Akũ de p̃ii pì a z̃ikerinɔne: À gé likalika, à uta z̃ok̃ mana kũ à de a kparanola sé à suo à dane, à t̃anka dane, à kyate kpáne. ²³ À z̃usanɛ b̃òrɔ m̃ekpana kũ à de, ò só p̃onnakenaa g̃un, ²⁴ zaakũ ma né p̃ii g̃à à f̃uteme. À s̃ateme, akũ ma a lè. Akũ ò nà p̃onnakenaa.

²⁵ Woru s̃s à kpé bura. Kũ àten su à kà k̃ani kũ beo, akũ à bata ũ mà dɔ kũ k̃ok̃ k̃inio. ²⁶ Akũ à z̃ikerinɔ do s̃isi, à a là b̃ón òten kee. ²⁷ Akũ à w̃ea à pì: N dak̃una mé à s̃u, akũ n de z̃usanɛ b̃òrɔ m̃ekpana dè, kũ à a lè aafia ỹai. ²⁸ Akũ Woru p̃ò f̃è, à g̃i g̃e ɔnnyĩ. Kũ a de b̃ò, à k̃ute kènɛ, ²⁹ akũ Woru p̃ii pì a dene: É!e! À kà w̃è ũgbangba kũ maten z̃i kenne, mádi g̃i n ỹai z̃ikiro, akũ bee bl̃ekof̃ini gokũ ñdi kpáma mà p̃onna keo kũ ma gbēnnanɔoro. ³⁰ Kũ n né kũ à n aruzekè k̃akate karuanɔne p̃ii s̃u, n z̃usanɛ b̃òrɔ m̃ekpanaa dene. ³¹ Akũ a de pine: Ma né, ñ kũ kũmao g̃rɔ s̃inda pínki. Pò kũ má ṽi pínki n p̃ome. ³² À k̃s̃i ò pò ble kũ p̃onnaome, zaakũ n dak̃una p̃ii g̃à à f̃ute. À s̃ateme, akũ ò a lè.

16

Aruzekè náanisari

¹ Yesu pì a ibanɔne: Ɔɔdɛ ke mé à kun à begwarii dite a z̃ikerinɔne. Akũ ò s̃u ò k̃òrɔm̃òt̃ò kènɛ ò pì, àteni a aruzekè kakate. ² Akũ à a s̃isi à pine: Yā kũ

ma mà n musu de deramee? Ñ yā kū nten ke n begwanaa gūn babamene. Ìni g̃s de ma begwari ũ doro. ³ Akū begwarii p̃i ò a swèe gūn: Ma dikiri teni ma bo zī gūn, mani ke deraa? Akū dí mani f̃s mà sè waro, akū barakena demene wé'iyā ũ. ⁴ Má d̃s yā kū mani ke de gbēno ma dite n bea, tó à ma bo zīn. ⁵ Akū à a dikiri fīnadeno sisi dodo, à gbē káaku là à p̃i: Ñ ma dikiri fīna kūna ũgbamee? ⁶ À p̃i: Nísi gáruwa lé basorome. Akū begwarii p̃i p̃ine: N fīna takadan la. N vute n kē bupla akuri likalika. ⁷ Akū à p̃i gbē pādenē: Mók̃n s̃s, n fīna ũgbamee? Akū à p̃i: Ése asasa basorome. Akū begwarii p̃i p̃ine: N fīna takadan la, n a kē basiikme. ⁸ Akū dikirii p̃i begwari náanisaride p̃i sáabu kpà wéze kū à kè yā musu. Zaakū andunia dík̃na gbēno wé zēna de gupuradenola n k̃s tēne yakenaa gūn.

⁹ Makū s̃s maten oare, à gbēnno wete kū andunia aruzekeno, de goro kū à lákaáwa, Luda ni gbānake kpáái be kū àdi lákaro gūn. ¹⁰ Gbē kū à náani vī kū a fítio nig̃s náani vī kū a zók̃s̃ome se. Gbē kū à náani vī kū a fítio nig̃s náani vī kū a zók̃s̃o sero. ¹¹ Tó adi ke á náani vī kū andunia aruzekero, Luda ni á náani ke kū a yapuradeo yá? ¹² Tó adi ke á náani vī kū gbē pānde p̃noro, Luda ni a zīda p̃s kpááwa yá? ¹³ Zīkerii di f̃s à zò ble dikiri mèn planero, zaakū ani zā gbē dogu àg̃s ye gbē doi, ke ani na gbē doa à gbē do gya bo. Áni f̃s àg̃s zò ble Ludane kū og̃o leelero.

Ɔg̃de kū Lazaruo

¹⁴ Farisino ye og̃i. Kū ò yā p̃i mà p̃inki, akū òten lézuki ke Yesua. ¹⁵ Yesu p̃inne: Adi yā nna kpá á zīdaa bisāsiriño kīnaame, ama Luda á swè d̃s. Yā kū à zók̃s̃ bisāsiriñonen Luda di a gya bo.

Ɔg̃de kū Lazaruo

(Mat 5:31-32, 11:12-13, Maa 10:11-12)

¹⁶ Musa doka kū annabino takadano kun ari Yahaya goroa. Zaa goro kūa òten kpata kū à b̃o Luda kīnaa baaru kpá, akū gbē s̃inda p̃inki ten wete à g̃en kū gbānao. ¹⁷ Ludambe kū z̃iteo g̃etena araga de doka p̃i wānzān f̃iti gogonala. ¹⁸ Gbē kū à g̃i a nani à ño pānde sè, ade zina kēme. Gbē kū à ño kū ò g̃ii sè s̃s, à zina k̃en gwe.

¹⁹ G̃s̃gbē og̃de ke kun àdi p̃ókasa mana og̃deno da, àdig̃s p̃onna ke nnamanaa gūn goro s̃inda p̃inki. ²⁰ Barakeri kū òdi pine Lazaru dig̃s wútēna a be gānu gūn, b̃ono d̃odo a m̃ēea. ²¹ Àdig̃s p̃oble kū àdi léte og̃de p̃i teburu z̃ite blena ni de. Gbēdano mé òdig̃s a b̃o p̃ino sāsā. ²² Barakerii p̃i gā, akū malaikano a sè ò tà k̃ao Ibrahī kuru. Ɔg̃de p̃i gā se, akū ò a ṽi. ²³ Kunna wētamma gūn gyāwān, kū à wé sè musu, akū à Ibrahī è zā, Lazaru kū a sare. ²⁴ Akū à lé z̃ui à p̃i: Baa Ibrahī, ñ ma wēnda gwa, ñ Lazaru zī à a ɔne z̃s ía, à m̃ó à t̃mēne ma nénea, zaakū maten wāwā ma tévura dík̃na gūmme. ²⁵ Akū Ibrahī p̃i: Ma né, ñ tó nnamanaa kū à likanyī n wēndigoro yā dongu kū takasi zók̃s̃ kū Lazaru k̃ēo. A laakari kpatena la sà, akū ñ kú wāwā gūn. ²⁶ Abire gbera w̃e lòkoto kú ò dagara. Tó gbē ye à bo la à gé á kīnaa, ani f̃oro, gbēke ni f̃s à bo gwe à su ó kīnaa s̃oro. ²⁷ Akū og̃de p̃i p̃i: N yā nna Baa, tó leme, ñ a zī ma de bea, ²⁸ zaakū má dakūnno ṽi gbēnon soro. À gé lé daŋma, de òsun su gu wāwāde dí gūnlo. ²⁹ Akū Ibrahī p̃i: Ò Musa kú annabino takadano ṽi, ò ñ yā ma. ³⁰ Akū og̃de p̃i p̃i: Oi, Baa Ibrahī! Tó gbēke b̃o gan à g̃e ñ kīnaa, oni ñ ñese lite. ³¹ Akū Ibrahī p̃ine: Tó odi Musa kū annabino yā maro, bee tó gbēke b̃o gan, oni a yā síro.

17

Ludanaanikɛnaa
(Mat 18:6-7, 21-22)

¹ Yesu pì a ìbanɔnɛ: Yā kū àdi tó gbɛ̃nɔ fu dīgɔ sariro, ama waiyoo gbɛ̃ kū ani bo a kīnaa. ² Anigɔ sãna adene ò wísilɔgbɛ zòkɔ dɔ a wakale, ò a zu sèbɛɛ gūn de à tó né dínɔ do fula. ³ Àgɔ kú kú laakariio. Tó n gbɛ̃ndo durunna kè, ò gé ò a le. Tó à a nèseɛ lite, ò sùru kenɛ. ⁴ Tó à durunna kènne gɔrɔ do gè̃n suppla, akū à èra à pìnne gè̃n suppla a nèseɛ lite, ò sùru kenɛ. ⁵ Dikiri žirinɔ pìnɛ: Ñ ó ludanaanikɛna karawɛɛ. ⁶ Dikiri pì: Bee tó á Luda náani vī fiti lán ɛfɔ wé bà, áni o síri lí dínɛ à a žida wo à gé pé sèbɛɛ gūn, ani á yā ma.

⁷ Tó á gbɛ̃ke zò vī, àten sè wa ke àten sãnɔ dā, tó à sù kú burao, a dikiri ni pìnɛ à su à pɔ ble gɔ̃nɔn yá? ⁸ Oi, ani pìnɛ à pɔble keare, à a uta lite, à suare kú pɔbleo kú pɔminaa, àpii ni gbasa à pɔ ble, à í mi. ⁹ Òdi zò sáabu kpá, kú à yā kú ò dāneɛ kè yāin yá? ¹⁰ Leme ákɔnɔ se, tó a yā kú Luda dāare kè pínki, à pi: Zɔ̃nɔn ó ũ, ó žin o kè.

Kusu gbɛ̃nɔn kurinɔ werekšanaa

¹¹ Kú Yesu ten gé Yurusalemu, àten kure Samaria bùsu léa kú Galilio. ¹² Kú àten gē lakutu ken, akū gɔgbɛ̃ kusu gbɛ̃nɔn kurinɔ dāale. Ò zɛ dire, ¹³ ò lé zùì ò pì: Dikiri Yesu, ò ó wēnda gwa. ¹⁴ Kú à í é, akū à pìnne: À gé à á žida mɔ sa'orinɔnɛ. Kú òten gé, akū ò werekša. ¹⁵ Kú ò gbɛ̃ do è a werekša, akū à èra à sù, àten Luda sáabu kpá kú kòto gbānao. ¹⁶ À wùte a kùaa Yesu are à fɔ kpàa. Gbɛ̃ dí bi Samaria gbɛ̃me. ¹⁷ Akū Yesu pì: Gbɛ̃nɔn kurinɔ mé ò werekšaroo? Gbɛ̃nɔn kēndonɔn kú máa? ¹⁸ Ñ gbɛ̃ke dí era à sù Luda sáabu kpáro, sé gbɛ̃ žitɔ dí yá? ¹⁹ Akū Yesu pìnɛ: Ñ fute ò tá, ma náani kú n kè mé à n werekša.

Bisāsiri Né sunaa
(Mat 24:23-41)

²⁰ Farisinɔ Yesu là kpata kú à bò Luda kīnaa bona gupuraai, akū à wéríma à pì: Kpata kú à bò Luda kīnaa di bo gupuraa ò e kú wéoro. ²¹ Oni pì à gwa la ke à gwa direro. Kpata kú à bò Luda kīnaa pì kú á té lame.

²² Akū à pì a ìbanɔnɛ: A gɔrɔ ten su kú áni Bisāsiri Né sugɔrɔ pìnɔ doke ena ni de, áni ero. ²³ Oni piáre à kú dire ke à kú la, ama àsun géro, àsun tényīro. ²⁴ Lákū legūpinaa di gupura kú ludambe lé gu dín kú a lé direkūo nà, len anigɔ de le Bisāsiri Né sugɔrɔa. ²⁵ Séto à wétamma è manamana gīa, gbāragbɛ̃nɔ ni gīi. ²⁶ Lákū à de nà Nuhu gɔrɔa, len anigɔ de le se Bisāsiri Né sugɔrɔa. ²⁷ Gbɛ̃nɔ ten pɔ ble, òten í mi, òten nɔ sé, òten zā ke ari Nuhu gè̃ɛ à gè̃ gó'ite gūn, akū í dā anduniala, ò gāga pínki. ²⁸ Leme dɔ Lutu gɔrɔa, òten pɔ ble, òten í mi, òten pɔ lú, òten pɔ yía, òten pɔ tɔ, òten kpé bobo. ²⁹ Gɔrɔ kú Lutu bò Sɔdɔmu, té kú ifántɛgbɔ̃nɔ kòte bona ludambe, akū ò gāga pínki. ³⁰ Len anigɔ de le gɔrɔ kú Bisāsiri Né ni bo gupuraa.

³¹ Gɔrɔ birea gbɛ̃ kú à kú a kpé musu sún kipa à gē kpé gūn à pónɔ sète à booro. Len dɔ gbɛ̃ kú à kpé bura sún era à pɔ sé bero. ³² À tó Lutu nanɔ yā dɔágu. ³³ Gbɛ̃ kú à ye àgɔ a wèndi kūna ni kurai. Gbɛ̃ kú à gī a wèndiii sɔ, ade nigɔ wèndi vī. ³⁴ Maten oáre, gwāani birea gbɛ̃nɔn planɔ nigɔ wùtɛna kɔ sare, oni gbɛ̃ do sé ò gbɛ̃ do tón. ³⁵ Nɔgbɛ̃ gbɛ̃nɔn planɔ nigɔ pɔ lɔbɔ gu dokɔnɔa, oni gbɛ̃ do sé ò gbɛ̃ do tón. ³⁶ Gɔgbɛ̃ gbɛ̃nɔn planɔ nigɔ kú bura,

Luda ni gbē do sé à gbē do tón. ³⁷ Akū ò a là ò pì: Dikiri, má kpaá? À wèrìmma à pì: Gu kù gè kún, gwen yumburukunò ni kò kakaran.

18

Gyaanò kù à zè yákpatekerila

¹ Yesu yá lèkòáñne de à mǎñne ògò adua ke Luda baala'i, òsun kpasaro. ² À pì: Yákpatekeri ke mé à kù wète kea, à Luda vīna vīro, àdi gbēke yá daro. ³ Gyaanò ke kù wète pìi gūn, àdigò su a kīnaa gèn baaakò àdi pì: Ñ ze kūmao ma ibere yá musu. ⁴ Adì wero ari gòrò pla. Abire gbera à pì a zīdane: Bee tó má Luda vīna vīro, akūsò madì gbēke yá daro, ⁵ lákù gyaanò pì ten wari òma nà, manì ze káao. Tó mádi ke lero, a zemalana lakanaa sari ni ma kpasame.

⁶ Akū Dikiri pì: À yákpatekeri vāni yá'ona ma. ⁷ Luda ni ze kù gbē kù à ñ sé òten wiki léa fānantè kù gwāaninòoro? Anì mēyīda ke kù weñmanaon yá? ⁸ Maten oáre, anì ze kúnwome gòno. Bee kù abireo tó Bisāsiri Né sù, anì a náanikeri e andunia gūn yá?

Farisi kù be'ògòsirii

⁹ Akū à èra à yá díkīna lèkòa gbē kù òdi ñ zīda dite mana ò ñ gya bonone. ¹⁰ Gbēnon pla kenò mé ò gèe adua ke Luda onn, gbē do bi Farisime, gbē do sò be'ògòsirii. ¹¹ Farisi pì zena, àten adua ke. À pì a swèe gūn: Luda, ma n sáabu kè kù má de lán gbē kparanò bàro, dibidibikerinò, náanisaridenò, zinakerinò ke lán be'ògòsirii dí bà. ¹² Madigò lé yí gòrò plapla azuma kù azumaa. Pó kù ma lè pínki madì a kuride bonne. ¹³ Be'ògòsirii pì sò ze dire, adì fò à wé sè à musu gwà sero. À a zīda kèkè à pì: Luda, ñ sùru ke kūmao, durunnakeriime ma ú. ¹⁴ Maten oáre, gògbē pìi tà a bea Luda yāsinakáao gūmme, adì ke Farisi pìinlo. Zaakù gbē kù àdi a zīda kara, Luda ni a busa. Gbē kù àdi a zīda busa sò, Luda ni a kara.

Arubarikadana nénogu

(Mat 19:13-15, Maa 10:13-16)

¹⁵ Òten su Yesu kù ñ né fitinò de à ò nañma. Kù a ìbanò è le, akū ò giñne. ¹⁶ Akū Yesu nénò sisi à pì: À tó nénò su ma kīnaa, àsun gínnero, zaakù ñ takanò pón kpata kù à bò Luda kīnaa ú. ¹⁷ Yápuran maten oáre, gbē kù anì kpata kù à bò Luda kīnaa sí lán né fíti bàro ni gēnlo.

Aruzekede

(Mat 19:16-30, Maa 10:17-31)

¹⁸ Gbānade ke sù à Yesu là à pì: Danneri mana, deran manì ke mà wèndi kù àdi láraro lee? ¹⁹ Yesu pìne: À kè dera n pì, má manaa? Gbēke manaro, sé Luda ado. ²⁰ Ñ dokanò dō: Ñsun zina kero, ñsun gbē dero, ñsun kpāni oro, ñsun yá dí n gbēdakearo, ñgò bèere lí n de kù n daone. ²¹ Akū à pìne: Zaa ma né fíti gòrò má yá birenò kūna pínki. ²² Kù Yesu yá pìi mà, à pìne: Yá mèn do mé à gōnne. Ñ pò kù ñ vīnò yía pínki, ñ a ògò kpá takasidenò, ñigò aruzeke vī ludambe. Abire gbera ñ mó ñ témai. ²³ Kù à yá pìi mà, a nēsēe yàka, zaakù aruzekēzòkòdeme. ²⁴ Kù Yesu a gwà, akū à pì: À zī'ú manamana aruzekedene à gē kpata kù à bò Luda kīnaa gūn. ²⁵ Lakumi gēna pòròween araga de aruzekede gēna kpata kù à bò Luda kīnaa gūnla. ²⁶ Akū gbē kù ò yá pìi màno pì: Tó lemē, dí mé anì fò à surabana lee? ²⁷ Yesu wèrìmma à pì: Yá kù bisāsiri fūa à ke, Luda kīnaa àdi sí ke.

28 Akū Pita pì: O beebɔ pínki tò o tenyĩ. 29 Akū Yesu pìnnɛ: Yāpuran maten oáre, gbē kū à a be tò ke a nanɔ ke a v̄n̄inɔ ke a dakūnanɔ ke a de ke a da ke a n̄enɔ kpata kū à bò Luda kīnaa yāi, 30 ade ni era à abire taka le de yāla dasidasi andunia dí gūn, ani w̄endi kū àdi lākaro le andunia kū àten su gūn.

Yesu era à a ga kū a vunaao yá'ona

(Mat 20:17-19, Maa 10:32-34)

31 Yesu a gb̄enɔn kuri aw̄eplanɔ kākaraai, akū à pìnnɛ: Óten gé Yurusalemu. Gwen yā kū annabinɔ k̄è Luda yān Bisāsiri Né musu ni papan pínki sà. 32 Oni a kpá buri pānde gb̄enɔa, oni a fobo, oni a s̄s̄s̄, oni lé'í sua, oni a gbē kū fl̄aao, oni a de, 33 a ḡorɔ aak̄ode zī ani fute. 34 Ama a ìbaa p̄inɔ dí a ke mì d̄oro, zaakū yā p̄ii mì utenañne, ò d̄s̄ yā kū àten oro.

V̄ina barakeri werek̄šanaa

(Mat 20:29-34, Maa 10:46-52)

35 Kū Yesu kà k̄ani kū Yerikoo, v̄ina ke vutena zé léa, àten bara ke. 36 Kū à mà gb̄enɔ ten ḡete dasi, akū à n̄ lá à p̄i, b̄on òten kee. 37 Akū ò p̄ine, Yesu Nazera mé àten ḡete gwe. 38 Akū à lé z̄uì à p̄i: Yesu, Dauda buri, ñ ma w̄enda gwa. 39 Gbē kū ò té arenɔ ḡine ò p̄i à ȳite, akū a lé gbāna zunaa kàra àten p̄i: Dauda buri, ñ ma w̄enda gwa. 40 Yesu zè à p̄i ò mó k̄āao. Kū à s̄u, akū Yesu a là à p̄i: 41 B̄s̄ n̄ ye mà kenn̄e? À w̄eà à p̄i: Dikiri, má ye ma wé gu eme. 42 Akū Yesu p̄ine: Ñ gu e. Ma náani kū n k̄e mé à n werek̄sa. 43 Zaa gwe ḡonɔ a wé gu è, akū à t̄ei, àten Luda s̄áabu kpá. Kū gbē s̄inda p̄inki è le, akū ò Luda t̄ó bò.

19

Zakeusi

1 Kū Yesu kà Yeriko, àten ḡete a gūn. 2 Gb̄eke kú gwe a t̄on Zakeusi. Be'oḡosirinɔ gb̄e z̄ok̄ome, akūs̄ aruzekedeme. 3 Àten wete à e gbē kū Yesu de a ū, ama gbē kutuume, adi f̄s̄ à a èro pari yāi. 4 Akū à bàa lè à ḡe are à d̄idi s̄iri lía de à Yesu e, zaakū ani ḡete gwe kpame. 5 Kū Yesu kà gwe, akū à wé s̄e musu à p̄ine: Zakeusi, ñ kipa likalika. Séde mà kipa n bea gbāra. 6 Akū Zakeusi kipa likalika, à gb̄anake kp̄ai kū p̄onnoo. 7 Kū gb̄enɔ è le, akū òten yākete ká ò p̄i: À ḡe kipa durunnakeri bea. 8 Akū Zakeusi f̄ute à zè à p̄i Dikirine: Dikiri, mani ma aruzeke kpado kpaate takasiden̄ne. Tó ma gb̄eke blè s̄s̄, mani era mà a ḡene kp̄aa leu siik̄ome. 9 Akū Yesu p̄ine: On dí denɔ surabanaa è gbāra. Zaakū gb̄e d̄ik̄ina se bi Ibrah̄i burime. 10 Bisāsiri Né s̄u de à gbē kū à s̄ate wete à a sura bame.

Oḡodak̄ena z̄ikerin̄ne

(Mat 25:14-30)

11 Ḡorɔ kū òteni a yā p̄i ma, akū à èra à yā kàrañne d̄s̄. Lākū à kà k̄ani kū Yurusalemuo nà, òten da kpata kū à bò Luda kīnaa ni bo gupuraa ḡ̄onome, akū à yā l̄ek̄añne 12 à p̄i: K̄ina buri ke mé àten gé kpata ble b̄usu z̄az̄an, ani era à su. 13 Akū à a z̄ikerinɔ s̄isi gb̄enɔn kuri, à andurufu oḡowapu kp̄a n̄ baadia m̄en bas̄os̄oro à p̄innɛ: Aḡs̄ laga t̄áo ari màḡs̄ gu. 14 A b̄usudenɔ s̄s̄ ò z̄aagu, akū ò z̄irinɔ z̄i a kpe ò p̄i: Oni we gbē p̄i kí blew̄erero. 15 A suna kū kpatablenaaoḡera, à p̄i ò z̄ikeri kū a oḡo kp̄am̄ma p̄inɔ s̄isi, de à le à d̄s̄ lākū ò àree lè nà. 16 Gbē k̄áaku s̄u à p̄i: Dikiri, n̄ oḡo p̄ii àree k̄arameñe leu

kuri. ¹⁷ Akū à pìne: N kè zìkèri mana. Lákū n náani vī kū a fítio nà, ìnigō gbāna vī wēte mèn kurinᵒa. ¹⁸ Gbē plade sù à pì: Dikiri, n ɔᵒ pìi àree kè leu sᵒᵒro. ¹⁹ Akū à pìne: Mᵒkᵒn sᵒ, ìnigō gbāna vī wēte mèn sᵒᵒronᵒa. ²⁰ Akū gbē pānde sù à pì: Dikiri, n ɔᵒn la. Ma ùte kokona bizakasa gūn. ²¹ Má n vīna vī, zaakū n yānᵒn zī'ū. Ndì pᵒ kū ndi ditero sé, ndì pᵒ kū ndi t̄ro kē. ²² Akū à pìne: Zìkèri zara, n lé mé à n kari kè. N dᵒ kū ma yānᵒn zī'ū, madi pᵒ kū madi ditero sé, madi pᵒ kū madi t̄ro kē. ²³ Kū n dᵒ le, bᵒyāin ndi ɔᵒda keoñneroo, de tó ma su, mà a pᵒ sí kū à àree? ²⁴ Akū à pì gbē kū ò kú gwenᵒne: À a ɔᵒ pì sía à kpá gbē kū à àree lè leu kuriia. ²⁵ Akū ò pìne: Dikiri, à àre leu kuri kúna kò. ²⁶ Akū à wèr̄ma à pì: Maten oáre, gbē kū à pᵒ vīn Luda ni karane. Gbē kū à vīro sᵒ, bee pᵒ kū à vī Luda ni síame. ²⁷ Ma ìber̄e kū ò ye mà kí bleñneronᵒ sᵒ, à mᵒ kúñwo la à n dede ma are.

Gbanakèkpana Yesui Yurusalemu

(Mat 21:1-17, Maa 11:1-19, Yuh 12:12-19)

²⁸ Kū Yesu yā pìi ò à làka, akū à dà zén, àten gé Yurusalemu. ²⁹ Kū à kà kani kú Betefageo kú Betanio, s̄s̄i kú òdi pi Kùkpe gerei, akū à a ìbaa z̄i gbēnᵒn pla ³⁰ à p̄in̄ne: À gé lakutu kú à káte á are direkū gūn. Tó a gē, áni zaakine b̄ro e bàᵒna gwe, gbēke dí dia zikiro. À poro à suo. ³¹ Tó ò á lá ò pì, à kè daran àten poroo, à pi Dikiri mé à yei. ³² Akū z̄irinᵒ gèe, ò è lākū à òñne nà. ³³ Kū òten zaaki pi poro, akū a dikirinᵒ n lá ò pì: Dí mé à pì à zaaki p̄i poroo? ³⁴ Ò wèr̄ma ò pì: Dikiri mé à yei. ³⁵ Akū ò sù kú zaaki p̄io Yesune, ò n utano kpátea, akū ò Yesu dia. ³⁶ Lákū àten gé nà, gbēnᵒ teni n utano kpáte zén.

³⁷ Kū à kà kani kú gu kú zé p̄i m̄i p̄ete Kùkpe s̄s̄i guvutenwo, akū p̄onna gūn a ìba kú ò t̄einᵒ p̄inki nà Luda s̄aabukpanaaa kú koto gbānao daboyā kú ò ènᵒ musu p̄inki ³⁸ ò p̄i:

Arubarikaden kina kú àten su kú Dikiri t̄so ū.

Aafia kú ludambe!

Ò Luda tó kpá zaa musu!

³⁹ Farisi kú ò kú z̄aa gūn kenᵒ p̄ine: Danneri, n pata n ìbanᵒa. ⁴⁰ Akū à wèr̄ma à pì: Maten oáre, tó ò ȳte, gbēnᵒ mé oni wiki p̄i lé.

Yesu s̄oᵒna Yurusalemudenᵒe

⁴¹ Kū à nà Yurusalemui, à gwà, akū à s̄o dᵒ a musu ⁴² à pì: Tó n yā kú ani sunne kú aafiaaoo dᵒ gbāra yā dé, de à ke nna. Tera sà à utenanneme. ⁴³ A ɔᵒro ni su kú n ìber̄enᵒ ni su ò gbà leinᵒ dᵒ ò likanyī ò n kagura ke ⁴⁴ oni n gboro oni n gbēnᵒ ú ló z̄itea. Bee gbē ken oni tó didik̄aro, kú ndi ɔᵒro kú Luda wé kpátenyī d̄s̄ro yāi.

Yesu kunna Luda ɔnn

(Mat 21:12-17, Maa 11:15-19, Yuh 2:13-22)

⁴⁵ Kū Yesu gè Luda ɔnn, akū à pè lagayarinᵒa. ⁴⁶ À p̄in̄ne: Ò kè Luda yān ò p̄i: Ma kpé nigᵒ de aduakekpe ūme, akū a lite gbēblerinᵒ tò ū.

⁴⁷ Lákū gu d̄igᵒ dᵒ nà Yesu d̄igᵒ yā dañne Luda ɔnn. Akū sa'orikinᵒ kú ludayadannerinᵒ kú gbē z̄ōk̄ōnᵒ ten zé wete ò a de, ⁴⁸ ama odi a kena zé ero, kú gbē s̄inda p̄inki s̄a kpá òteni a yā ma yāi.

20

Yesu gbekana a ikooi

(Mat 21:23-27, Maa 11:27-33)

¹ Zíkèa Yesu tèn yā da gbēnɔnɛ Luda ɔnn, àtèn baaru nna kpáínnɛ, akū sa'orikinɔ kū ludayādannerinɔ kū gbē zōkōnɔ sù ² ò pìnnɛ: Ñ owere, iko kpaten nten yā dínn keoo? Dí mé à n gba iko dí pìi? ³ Akū à wèrɛmma à pì: Makū se mani yā gbekaaáwa. À omene, ⁴ Yahaya gbēnɔ da'itekènaa bò Luda kīnaan yáa, ke bisāsiri kīnaame? ⁵ Akū ò yā gōgō ò pì: Tó o pì Luda kīnaame, ani ó la, bōyāin ódi Yahaya yā síroo? ⁶ Tó o pì bisāsiri kīnaame sō, gbē sīnda pínki ni ó pápa kū gbēeo ò ó dede, zaakū ò Yahaya annabike si. ⁷ Akū ò wèa ò pì: Ó dō gu kū à bònlo. ⁸ Akū Yesu pìnnɛ: Makū se mani iko kū maten yā dínn keo oáero.

Geepi líkpe arukerino

(Mat 21:33-46, Maa 12:1-12)

⁹ Akū Yesu èra à yā lèkōaínnɛ à pì: Gbēke mé à geepi líkpe bà, akū à nà arukerinnɛ n ɔí à fùte kū táo à gɔrɔ pla kè gwe. ¹⁰ Kū geepizōgɔrɔ kà, akū à a zìri ke zì arukerii pìnɔa, de ò a geepi né pì kpáa, akū arukerii pìnɔ a gbè, ò à gbàre okori. ¹¹ Akū à èra à zìri pānde zì dɔ, akū ò a gbè ò wé'i dàa ò a gbàre okori. ¹² Akū à èra a gbē aakōde zì dɔ, akū ò a kīnna ò pèa. ¹³ Akū burade pìi pì: Mani ke derame sàa? Mani ma négōgbē mèn do yenyīde zīmma. Ke oni a yā da gwere? ¹⁴ Kū arukerii pìnɔ a è, ò pìkōnɛ: Túbiblerin dí, ò a de, a túbi ni gōwere. ¹⁵ Akū ò bò káao bura gūn, ò a de.

Tò! Bón burade pì ni ke kūrwoo? ¹⁶ Ani su à arukerii pìnɔ dede à bura pì na gbē pāndenɔnɛ n ɔí. Kū gbēnɔ yā pìi mà ò pì: Òsun ero! ¹⁷ Akū Yesu n gwá tii à pì: Yā kū ò kè Luda yān díkīna de deraa?

Gbè kū kpéborinɔ pā kpài

mé à gō kpé kusuru gbè mīde ũ.

¹⁸ Gbē kū à lète gbèe pìia ni wíwime.

Tó gbèe pìi lète à sì gbèa sō, ani a ú lóme.

Be'ogokpana Sizaa yā

(Mat 22:15-22, Maa 12:13-17)

¹⁹ Ludayādannerinɔ kū sa'orikinɔ dō kū n yāin à yálekōanaa pìi ò, akū ò zé wète ò a kū gōnɔ, ama ò vīna kè gbēnɔnɛ. ²⁰ Òteni a kpákpa, akū ò zāmbade kū òteni n zīda dite gbē mana ũnɔ zīa, de ò le ò a kū a yá'onaa gūn, ò a kpá n būsū gbānadea à gbāna mōnɛ. ²¹ Akū zāmbade pìnɔ a là ò pì: Danneri, ó dō kū ndi yā ò n yā daínnɛ a zéa, ndi gbē wé gwao, ndi Luda zé daínnɛ kū yāpura. ²² À zé vī ò be'ogokpá Sizaa yá ke òsun kpáaro? ²³ Yesu n manafikike dōrīma, akū à pìnnɛ: ²⁴ À ogokpá pì do mōmēnɛ mà gwa. Dí mì wānzān dí kū a tōoo? Ò wèa ò pì: Siza pómɛ. ²⁵ Akū à pìnnɛ: Tò, à pó kū à de Siza pó ũ kpá Sizaa, à pó kū à de Luda pó ũ kpá Ludaa. ²⁶ Akū ò fūa ò a kū a yá'onaa gūn gbēnɔ wára. A yāwemmanaa bò n sare, akū ò n lé nākōa.

Gènn vuna yā

(Mat 22:23-33, Maa 12:18-27)

²⁷ Akū Sadusi kū òdi pi gènn di vuronɔ sù Yesu kīnaa, ò a gbèka ²⁸ ò pì: Danneri, Musa òwere a takada gūn à pì: Tó gbè gā à a nanɔ tò né'isari, a dakūna gyaanɔ pì sé de à le à né buri dato a vīninnɛ. ²⁹ Lemɛ dedokōnɔnɔn kun gbēnɔn supplā. Woru nɔ sè, akū à gā né'isari. ³⁰ Akū Sabi nɔ pìi sè dɔ. ³¹ Sabi gbera Bi sè dɔ. Ò kè le n gbēnɔn supplā n pínki, ò gāga né'isari. ³² N pínki gberan nɔ pìi gā se. ³³ Tò! Gènn vuna gɔrɔ zī n dí mé anigō nɔ pì

vii? Zaakū n gbēnɔn suppla n pínki ò a dš nɔ ũmɛ. ³⁴ Akū Yesu wèrɩma à pì: Andunia la gbēnɔ dī nɔ sé òdi zā ke, ³⁵ ama gbē kū Luda dīte kū ò kō sio ò bo gan ò andunia dufu lenɔ ni nɔ séro, oni zā kero. ³⁶ Onigō kun lán malaikanɔn kun nàme, oni ga doro. Onigō de Luda nénɔ ũmɛ, gàavunɔ ũ. ³⁷ Bee Musa à gènɔ vuna yā biriañne, gu kū à tariankpā yā òn à pì, Dikirime Ibrahimī kū Isaakuo kū Yakubuo Luda ũ. ³⁸ Dikiri dī ke gènɔ Luda ũro, gbē bēnenɔ Ludame, zaakū gbē sīnda pínki bēne Ludane. ³⁹ Akū ludayādanneri kenɔ fùtè ò yā ò ò pì: Danneri, n yā mana ò. ⁴⁰ Akū odi sù ò yāke làa doro.

Arumasihu buri yā

(Mat 22:41-46, Maa 12:35-37)

⁴¹ Yesu n lā à pì: À kè dera òdi pi Dauda burin Arumasihu ũu? ⁴² Zaakū Dauda pi Zabura takada gūn:

Dikiri pì ma dikirine à vute a òplai

⁴³ ari àgō a iberenɔ kenɛ tìntin ũ.

⁴⁴ Kū Dauda a sisi Dikiri, à kè dera anigō de a buri ũ dɔɔ?

Ludayādannerinɔ kū Farisinɔ manafiki

(Mat 23:1-36, Maa 12:38-40)

⁴⁵ Kū gbē sīnda pínki teni a yā ma, akū à pì a ibanɔne: ⁴⁶ À laakari ke ludayādannerinɔi. Òdigō ye ògō kure kū uta zōkōnɔo dana, de ògō fɔ kpákpañma etenɔa. Òdigō ye ò vute aduakεkpe vutεki mananɔn kū pɔnna pòble vutεki mananɔo. ⁴⁷ Òdi adua gbàna ke de gbēnɔ n é yāi, akū òdi gyaanɔnɔ kpé sírɩma. N wétāmmana nigō pāsī de gbē sīnda pínki pòla.

21

Gyaanɔ takaside gbadanaa

(Maa 12:41-44)

¹ Kū Yesu wé sè musu, akū à è ògɔdenɔ teni n gbano ká ògɔdaki gūn. ² Akū à gyaanɔ takaside ke è gwe, à kɔbɔ pla dàn. ³ Akū à pì: Yápuran maten oáre, gyaanɔ takaside pì ògɔ dàn de gbē sīnda pínkila. ⁴ Zaakū n ògɔ dasi gūnn ò bòn ò kàn n pínki. Nɔgbē pì sō, a takasike gūn pò kū à vī à pò bleon à dàn pínki.

Yurusalemu kakatena kū andunia lákagɔɔ sèedanɔ

(Mat 24:1-22, Maa 13:1-20)

⁵ Gbēkenɔ ten Luda òn yā o, ò pì ò a kpénɔ kèke mana kū gbè mananɔ kū pò kū ò Luda gbànɔ, akū Yesu pì: ⁶ Gɔɔke ni su, pò kū a è dínɔ, bee gbè ken oni tó dikōaro, oni gboro pínkime. ⁷ Akū ò a là ò pì: Danneri, bɔren yā dínɔ ni kee? Bó mé anigō de a kegɔɔ sèeda ũu? ⁸ Akū à wèrɩma à pì: À laakari ke, àsun tó ò á sátero, zaakū oni su dasi kū ma tóo, onigō pi Arumasihume n ũ, gɔɔ pì sō à kà káni. Àsun téñyīro. ⁹ Tó a zīnɔ baaruu mà ke futekōina yānɔ, àsun tó vīna á kūro. Sé abirekūnɔ ke káaku gīa, ama andunia ni láka gōnɔro. ¹⁰ Akū à pìñne: Buri kū burio ni futekōi, leme dɔ būsuo kū būsuo. ¹¹ Zite yīgāyīgāna pāsīnɔ kū nāao kū gagagyānɔ nigō kú gukenɔa. Àlesi bēne vīna yānɔ ni bo ludambe.

¹² De yā pìnɔ kpé à su pínki oni á kūkū ò wé táāwa. Oni á na aduakεkpedenɔne n òi, oni á ká kpésiran, oni gé kááo kínanɔ kū būsuo gbē zōkōnɔ are ma tó yāi, ¹³ ánigō deñne ma sèedadenɔ ũ. ¹⁴ À á laakari kpáte, àsun káaku yā kú áni o damu kero, ¹⁵ zaakū makū mé mani yā daáre à lén,

mani á gba òndò, de á ibere ke sún gí a yáí ke à á éke boro. ¹⁶ Bee á de kú á dao kú á vīnīnò kú á dakūnanò kú á danenò kú á gbēnnanò ni á kpámma, ò á gbēkenò de. ¹⁷ Gbē sīnda pínki ni zāágu ma yáí, ¹⁸ ama bee á mīkà wén do ni zukūnaro. ¹⁹ Zēna gbāna gūn áni wēndi le.

²⁰ Tó a è zīkarīnò líka Yurusalemui, àgò dō kú a kakatenaa zà doró. ²¹ Gbē kú ò kú Yudeanò bàa sí ò mì pé kpīnò, gbē kú ò kú Yurusalemunò fākōa. Lakutudenò sún gē a gūnlo. ²² Zaakū gōrò pì bi wētāmmagōrōme, de yā kú ò kē Luda yān papa pínki yáí. ²³ Waiyoo nòsindarenò kú nérandenò gōrò bīrea, zaakū būsuu pì wari nigò zōkō, Luda pōfē ni kipa gbē pīnò. ²⁴ Oni n gbēkenò dede kú fēnēdao, oni n gbēkenò kūkū ò tá kūnwo būsū sīnda pínki gūn zīzōnò ū, buri pāndenò ni kiti pá Yurusalemua ari n gōrò papa.

Bisāsiri Né sunaa

(*Mat 24:29-35, Maa 13:24-31*)

²⁵ Sēedanò nigò kú ifántēa kú mōvuraao kú susunenò, buri sīnda pínki nigò kú pōsiran andunia gūn. Onigò kú bídi gūn ísira kīni kú a zuzunaaoyáí. ²⁶ Vīnakena yā kú àteni su anduniaaa yáí gídi ni tó gbēnò gbāsī lé, zaakū pò kú ò kú ludambenò ni sāte n kúkia, ²⁷ gbasa wà Bisāsiri Né sunaa e ludambē lukun kú gbānao kú gakuri zōkō. ²⁸ Tó yā bīrenò nà kenaaa, à fute à ze, à á mì sé musu, zaakū á surabana mé à kà kāni.

²⁹ Yesu yā lēkōarīne à pì: À kaka lí gwa kú lí kparanò. ³⁰ Tó a è ò lá bōtō kù, adì dō á zīda kú guwānagōrò kà kāni. ³¹ Lemē sō, tó a è yā pīnò ten ke le, àgò dō kú kīna kú à bō Luda kīnaa sunaa kà kāni. ³² Yāpuran maten oāre, gōrò dí gbēnò ni gētero ari yā pīnò gé keo pínki. ³³ Musu kú zīteo ni gēte, ama ma yānōn gētena vīro.

³⁴ À laakari ke. Ásun tó pāpākēna kú wēdekēnaao kú wēndi damukēnaao á laakari síáwaro, de a sugōrò sún á kú kānto lán tankute bāro yáí. ³⁵ Zaakū aní kúte gbē kú ò kú andunia gūnnò a gu sīnda pínki.

³⁶ Á itē ke, àgò adua ke baala'i, de à fō à piti yā kú àten sua pínki à ze Bisāsiri Né are. ³⁷ Lākū gu dīgō dō nà Yesu dīgō yā dañne Luda onn. Tó okōsi kē, àdi bo à gé i Kùkpe sīsigerēei. ³⁸ Kōnkōkōnkō gbē sīnda pínki dī fute à gé a yā ma Luda onn.

22

Lēkpakūsuna Yesu

(*Mat 26:1-5, Maa 14:1-2, Yuh 11:45-53*)

¹ Burodi Futenasari dikpe kú òdi pì Vīnla kà kāni. ² Sa'orikinò kú ludayādannerinò ten zé wete ò Yesu de, zaakū òten vīna ke gbēnōne.

Yudasi bona Yesu kpe

(*Mat 26:14-16, Maa 14:10-11*)

³ Akū Setan gē Yudasi kú òdi pīne Isikarioti gūn, gbēnōn kuri awēēplanò dokeme. ⁴ Akū Yudasi gēe à yā ò kú sa'orikinò kú Luda on dākpārī gbē zōkōnò lākū áni ke nà à Yesu kpámma. ⁵ N pò kē nna, akū ò lédokōnò kē ò gō kpáa. ⁶ À zèò, akū àten zé wete à Yesu kpámma gbēnò kpe.

Vīnla póblenaa

(*Mat 26:17-25, Maa 14:12-21, Yuh 13:21-30*)

⁷ Burodi Futenasari dikpe gōrò kà, gōrò kú òdi Vīnla sāne bōrō kùtu kpá. ⁸ Akū Yesu Pita kú Yuhanao zī à pì: À gé Vīnla póbleyā kekewere. ⁹ Akū ò a

là ò pì: N'ye ò keke mámeε? ¹⁰ Akū à wèrma à pì: Tó a ge wēte gūn, gōgbē ke ni daále à í sēna kū loo. À téi ari ɔn kū ani gēn. ¹¹ À ɔn pì bedenε, Danneri pì, mán kipaki kunn, gu kū áni Vīnla pó blen kū à ibanɔ? ¹² Ani kpé musu zōkō kū ò kēke mōáre. À póbleyá keke gwe.

¹³ Kū ò gēε, ò è lākū Yesu órñe nà, akū ò Vīnla póbleyá kēke gwe.

Dikiri póble

(Mat 26:26-30, Maa 14:22-26, 1Kɔ 11:23-25)

¹⁴ Kū a gɔɔ kà, Yesu sù à vùte gwe kū a žirino lēεε. ¹⁵ Akū à pìñne: Vīnla póble dí blena kááo ni teni ma de manamana ari mágō gé wari ke, ¹⁶ zaakū maten oáre, mani ble doru ari kpata kū à bò Luda kīnaa gé boo gupuraa, gbasá dikpe yāpura gé su. ¹⁷ Kū à toko sè, à Luda sáabu kpà, akū à pì: À sí à dɔdɔkōne, ¹⁸ zaakū maten oáre, mani geepe'i mi doru ari kpata kū à bò Luda kīnaa gé boo gupuraa. ¹⁹ Kū à burodii sè, akū à arubarikaa dàn à likōre à kpámma à pì: Ma mē kū má kpà á yāin dí, àgō abirekū ke ma yā dōnaágu yāi. ²⁰ Kū ò pó blè ò làka, à toko pìi sè lē dɔ à pì: Ma aru kū ani bɔteáren dí, Luda bàka kunna kū gbēnɔ tera aru ũ. ²¹ Ma bonkpede ɔ kú kúmao ta gūn, ²² zaakū Bisāsiri Né ni kpágui lākū Luda ditene nāme. Waiyoo gbē kú ani a kpámma pìi. ²³ Akū ò nà kō lalanaa ò pì: Ó dí mé ani yā bire keε?

Yesu lédana a ibanɔ

²⁴ Akū lékpakōanaa fùte n té, kū ò ye ò dō n gbē kū à de a dakela. ²⁵ Akū Yesu pìñne: Buri pānde kīnanɔ di gbāna ble n gbēnɔa, gbānadeno sō òdi n zīda sísi yāmanakerino. ²⁶ Ama àsun ke lero. Séde gbē kū à zōkō á té gō de lán gbē kū à kīanaáí bà. Séde á don'arede gō de lán gbē kū àten zī keáre bà. ²⁷ Póbleri kú žirioo, n dí mé à zōkō? Póbleriinloo? Makū sō má kú á té lán žirri bàme. ²⁸ Gbē kú ò zè kúmao ma warikenaa gūnnɔn á ũ. ²⁹ Lākū ma De ma ka kpatan nà, len mani á ká kpatan lē se, ³⁰ áni pó ble kúmao ma kpatan, áni vute kíblegbaaa àgō yā gōgō Isaraila buri mēn kuri awēεplanone.

Yesu gñake à dō yá kú Pita ni ke

(Mat 26:31-35, Maa 14:27-31, Yuh 13:36-38)

³¹ Simɔ, Simɔ, n ma. Setan zé wēte à á fáfá lākū òdi póblewe fáfá nà. ³² Akū ma adua kēnne de ma náani kú n vī sún kīammaro. Tó n era n suma, n n gbēnɔ gba gbāna. ³³ Pita pìñne: Dikiri, ma sī ò ma da kpésiran mà ga kúnwo.

³⁴ Yesu pì: Pita, maten onne, ari ko gō gé lé zuo gbāra, ĩni ledi kpámai gēn aakō. ³⁵ Akū à n lā à pì: Kū ma á zī ɔgɔsɔnɔ kú bōkolokonaao kú kyatenɔ sari, póke kīaáwa yá? Akū ò pì: Oi. ³⁶ Akū à pìñne: Tera sà gbē kú à ɔgɔsɔnɔ vī, à sé. Leme dɔ kú bōkolokonaao. Gbē kú à fēneda vī sōro, à a uta yía à lú. ³⁷ Maten oáre, séto yā kú ò kē Luda yān ma musu papa kú ò pì: Ò a dite dokōnɔ kú taarikerino. Yā kú ò kē ma musu pì mé àten ke sà. ³⁸ Ó pì: Dikiri, fēneda mēn plan dí. Akū à pìñne: Abirekū mō.

Yesu aduakena zaa Kùkpe sīšigerēi

(Mat 26:36-46, Maa 14:32-42)

³⁹ Yesu bò à gēε Kùkpe sīšigerēi lākū àdi ke nà. A ibanɔn téi. ⁴⁰ Kū à kà gu kú àten gēn, à pìñne: À adua ke de ásun fu yōogwanaaaro. ⁴¹ Akū à kērma à kà lākū òdi gbē zu à léte taka bà. Akū à kùte à adua kē ⁴² à pì: Baa, tó n ye, n toko'í síma, ama adi ke ma poyenyīnaanlo, séde n pó. ⁴³ Akū malaikaa

bò ludambɛ à sù à a gbà gbāna. ⁴⁴ Kunna wétamma gūn àtɛn adua kɛ kū kokario. Akū a ísimma tɛn tó zíte lán arutɔnaa bà. ⁴⁵ Kū à adua kɛ, à fùtɛ à èara à sù à a íbanɔ lè, òtɛn i o kū pɔsiraɔ. ⁴⁶ Akū à pínne: À kè dera àtɛn i oo? À fute à adua kɛ de ásun fu yɔgwanaaaro.

Yesu kúnaa

(*Mat 26:47-56, Maa 14:43-50, Yuh 18:3-11*)

⁴⁷ Kū à kpɛ àtɛn yā o, akū ò kà dasidasi. Gbɛ kū òdi pine Yudasi, a íba gbɛnɔn kuri awɛɛplanɔ doke mé à dònne arɛ. Kū à nài de à lé péa, ⁴⁸ akū Yesu pine: Yudasi, lépenaaan íni Bisásiri Né kpáoíma yá? ⁴⁹ Kū gbɛ kū ò kú kú Yesuɔn yá kú àtɛn su è ò pi: Dikiri, ò n léle kú fɛnedao yá? ⁵⁰ Akū n gbɛ do sa'oriki zɔkɔ zírri lè à a ɔpla sā gò. ⁵¹ Akū Yesu pi: À abirekū tó. Kū à ɔ nà a sáa, akū a sá èra à nán. ⁵² Akū à pi sa'orikinɔ kú Luda ɔn dákparinɔ kú gbɛ zɔkɔ kú ò sùinɔne: A sumai kú fɛnedanɔ kú gònɔ lákú kpáni wédewɛn ma ũ bà yá? ⁵³ Lákú gu dígɔ dɔ nà madígɔ kú kááo Luda ɔnn, akū ádi ɔ namaro. Ama gɔɔ dí de á pó ũme, gusira kíblena gɔɔme.

Pita ledikpana Yesu

(*Mat 26:57-58, 69-75, Maa 14:53-54, 66-72, Yuh 18:12-18, 25-27*)

⁵⁴ Kū ò Yesu kú ò sù káao, ò gɛɛ káao sa'oriki zɔkɔ bea. Pita té n kpe zàzà. ⁵⁵ Kū ò té kà ɔn gura, ò kàtɛ ò líkai, akū Pita sù à sɔtɔ n té. ⁵⁶ Zɔnɔkpare ke a è, akū à wé dia à pi: Gbɛ dí kú káao sɔ bi. ⁵⁷ Akū à ledi kpai à pi: Nɔgbɛ, má a dɔro. ⁵⁸ Kū à kè saa fiti gbɛ pànde a è, akū à pi: Mòkɔn se, n gbɛ dome n ũ. Akū Pita pi gɔgbɛ pine: Makúmero. ⁵⁹ Kū gɔɔ gɛtɛ lán awa do bà, gbɛ pànde nàkaraɔ à pi: Yápura gbɛ díkína kú káaoɔme, zaakú Galili gbɛme. ⁶⁰ Akū Pita pi: Má dɔ pɔ kú n téaro. Zaa gwe gònɔ kú àtɛn yā o, akū ko lé zù. ⁶¹ Dikiri lítɛ à wé pè Pitaa, akū yā kú à òo dɔ Pitagu kú à pi, ari ko gɔ gé lé zu gbāra, ani ledi kpai gèn aakɔ. ⁶² Akū Pita bò bàai à pɔsira ɔ dɔ.

Yesu fobonaa

(*Mat 26:67-68, Maa 14:65*)

⁶³ Gbɛ kú òtɛn Yesu dákpanɔ a fobò ò a gbɛ. ⁶⁴ Ò pɔ yíne a ánnwa, akū òtɛni a lala ò pi: N̄ annabikéyā o, dí mé à n lɛ? ⁶⁵ Dɔkena káao gūn ò yá dasi pàndenɔ òne dɔ.

Yuda gbánadenɔ yákpatekɛna kú Yesuo

(*Mat 26:59-66, Maa 14:55-64, Yuh 18:19-24*)

⁶⁶ Kū gu dɔ, Yuda gbɛ zɔkɔnɔ kɔ kàkara, sa'orikinɔ kú ludayádannerinɔ n pínki, akū ò Yesu sè ò gɛɛo n yákpatekɛkia. ⁶⁷ Akū ò a là ò pi: Arumasihume n ũ yá? N̄ owɛɛ. À wɛrɛmma à pi: Tó ma óarɛ, áni síro. ⁶⁸ Tó ma yáke láawa sɔ, áni wero. ⁶⁹ Zaa tera Bisásiri Né nigɔ vutena Luda Gbánade ɔplai. ⁷⁰ Akū gbɛ sínda pínki pi: Ase Luda Néme n ũ yá? Akū à wɛrɛmma à pi: Lákú a ò nà, makúme a ũ. ⁷¹ Akū ò pi: Ó bàka ũgba kú sèedadeo dɔɔ? O mà a lén kò.

23

Pilati yákpatekɛna kú Yesuo

(*Mat 27:1-2, Maa 15:1-5, Yuh 18:28-38*)

¹ Akū ò fute n pínki ò gɛɛ káao Pilati kínaa. ² Òtɛn yā dia ò pi: O gbɛ dí lè àtɛn gude ke ó b̀sun, àdi gíne ò be'ogɔ kpá Sizaa, akū à a zída dítɛ Arumasihu ũ, kína ũ. ³ Akū Pilati a là à pi: Mòkɔn Yudanɔ kína ũ yá? À wèa à pi: Len n ò lɛ. ⁴ Akū Pilati pi sa'orikinɔ kú pari kú ò kú gwenɔne:

Mádi taari e gōgbē piaro. ⁵ Akū ò nàkara káao ò pì: Àdìgō té ká gbēngu a yádannēnaa gūn Yudea būsun pínki. À nàa Galilimē ari à gèe à kào la sà.

⁶ Kū Pilati mà lē, akū à gbèka tó Galili gbēme a ũ. ⁷ Kū à dō kú à bò Herōdu būsunnē, akū Herōdu pì sō à kú Yurusalemu zī birea, akū à a gbàrea. ⁸ Kū Herōdu Yesu è, akū a pō kè nna manamana. À a baaruu mà, akū à ye n wé ke pla zaa gikena. À wé dō à Yesu daboyākēna e. ⁹ À yāno lālaa dasi, akū Yesu dí a ke wearo. ¹⁰ Sa'orikinō kú ludayādannērinōn zēna gwe òtēn yā didia pāsīpāsī. ¹¹ Herōdu kú a sozanō Yesu gya bò ò a fobò ò uta wéde dāne, akū à èra à a gbàre Pilatia. ¹² Zī birea Herōdu kú Pilatio gō kō gbē ũ, zaakū ò ibereē sè kú kōo yā.

Yadana Yesula

(Mat 27:15-26, Maa 15:6-15, Yuh 18:39-19:16)

¹³ Pilati sa'orikinō kú gbānadēnō kú gbē kparanō kākara n pínki ¹⁴ à pīnne: A sumēne kú gōgbē kú a pì guderīimēeo. Ma a lāla á wára yā kú a didiano musu, mádi e à taari ke kēro. ¹⁵ Lēn Herōdu dí ero lē se, zaakū à èra à a gbàrewámē. À gwa, adi yāke ke kú à kà mà a dero. ¹⁶⁻¹⁷ Mani tó ò wari dōa, gbasā mà a gbare. ¹⁸ Akū ò wiki lè n pínki lēle ò pì: N gōgbē pì de! N Baraba gbarewēre! ¹⁹ Ó Baraba pì dà kpésiran yā bona gbānadēnō kpe kú gbēdenaao yāime. ²⁰ Pilati ye à Yesu gbare, akū à gbēno laakarīi gāte à sūawa. ²¹ Akū ò èra ò wiki lè ò pì: N a pá lía! N a pá lía! ²² A gēn aakōdeo Pilati pīnne: Bó dāan à kēe? Mádi taari kú à kà ò a de earo. Mani tó ò wari dōa, gbasā mà a gbare. ²³ Akū ò zēi òtēn gbēkaa kú wiki gbānao à a pá lía. Akū n zukakanaa tò ò yā blè. ²⁴ Akū Pilati dīte kú ò ke lākū ò gbēkaawa nà. ²⁵ Gōgbē kú ò dà kpésiran bona gbānadēnō kpe kú gbēdenaao yāi kú ò gbēkaa pīn à gbàreñne, akū à Yesu kpà gai lākū ò yei nà.

Yesu pana lía

(Mat 27:32-44, Maa 15:21-32, Yuh 19:17-27)

²⁶ Kū òtēn gé káao, akū Sireni gbē Simō ten su kú burao, akū ò a kú ò lígbāndurukpanaa dīne àgō téo Yesui. ²⁷ Pari bò téi kú nōgbē kú òtēn sō dō òtēn wēnda kenēnō. ²⁸ Yesu lite à are dōmma à pì: Yurusalemu nōgbēno, àsun sō dō ma yāiro. À sō dō á zīda yāi kú á néno. ²⁹ Zaakū a goro ten su kú oni pì: Arubarikadenōn para kú odi né iro, né dí n yō mironō ũ. ³⁰ Goro birea

oni pì kpino léte à sirīma,

oni o sīsīno léte à dañla.

³¹ Lākū òtēn yā dí taka ke kú lí búsuo, lí kori pō nigō de deraa?

³² Òtēn gé kú dākēri gbēnōn pla kenō dō, de ò n dēde kú Yesuo lēle. ³³ Kū ò kà gu kú òdi pì Mitokokia, akū ò a pà lía gwe kú dākērii pīn, gbē do a oplaì, gbē do a zēi. ³⁴ Akū Yesu pì: Baa, n gaafara kēñne, zaakū ò dō pō kú òtēn kero. Akū ò kàpaa kpà ò a pōkasanō kpàatekōñe. ³⁵ Gbēnōn zēna gwe ò wé kà òtēni a gwa, akū Yuda gbānadēnō ten lēzuki kea ò pì: A gbē pāndēnō sura bà. Tó Arumasihu kú Luda dītemē a ũ, à a zīda sura bae! ³⁶ Sozanō teni a lalandi ke dō. Akū ò nài ò sēwē kpàkpāa dōne ³⁷ ò pì: Tó Yudanō kīname n ũ, n n zīda sura ba. ³⁸ Sēda ke na a mīi musu ò kēa:

Yudanō kīnan dí!

³⁹ Dākēri kú ò lokona lía pīnō dō dōkena yā òne à pì: Arumasihumē n ũroo? N n zīda sura ba kú ókōnō lēle. ⁴⁰ Akū a gbēndo pàtaa à pì: N Luda vīna vīroo? Yā dokōnō mé à kúwá. ⁴¹ Ókōnō, ó pō kú a zéame. Pō kú o tō mé à

bùtewá, ama gbē dí dí yā ke kero. ⁴² Akū a pì: Yesu, tó n su kpata ble, ò dɔ ma yān. ⁴³ Akū à wèa à pì: Yápuran maten onne, gbāra ñigō kú kúmao aruzenna.

Yesu ganaa

(*Mat 27:45-56, Maa 15:33-41, Yuh 19:28-30*)

⁴⁴ Kū ifantē kà m̀dangura, akū gusira dà bùsuu pìla pínki ari f̀anantē mò aakō. ⁴⁵ Luda kpé lábure k̀k̀k̀r̀e pla. ⁴⁶ Yesu wiki gbāna lè à pì: Baa, ma a ẁendii ǹanne n ɔĩ. Kū à ò l̀e, akū a ẁendii tà. ⁴⁷ Kū sozano gbē z̀k̀k̀ yā kū à k̀èe p̀ii è, à Luda sáabu kpà à pì: Yápurame gbē maname a ũ. ⁴⁸ Pari kū ò k̀akara ò sù gu gwano, kū ò yā kū à k̀enò è, ò era ò tà òteni n z̀ida l̀ele. ⁴⁹ Yesu gbē d̀onano kū ǹogbē kū ò t̀éi bona Galilino pínki zena z̀à òten gu gwa.

Yesu vīnaa

(*Mat 27:57-61, Maa 15:42-47, Yuh 19:38-42*)

⁵⁰ Gōgbē ke kun a t̀on Yusufu. Yuda gbānadeno dokeme. Gbē maname, akūsō à bèere vī. ⁵¹ A lé kú yā kū a gbēno z̀e kū a kennaoo p̀inlo. Yuda lakutu Arimatea gbēme, a wé dɔ kpata kū à bò Luda k̀inaai. ⁵² À g̀èe Pilati k̀inaa à Yesu g̀èe gbēkaa. ⁵³ Akū à g̀èe p̀ii k̀ipa à táaru biza f̀fia à dà gbèwee kū ò sò mira ũ g̀un, odi gbēke dan zikiro. ⁵⁴ Goro pì bi azuma z̀ime, kámmabogoro ten ká. ⁵⁵ Nōgbē kū ò t̀é Yesui bona Galilino t̀é Yusufu pì kpe, ò mira p̀ii è l̀akū à Yesu g̀èe ẁute a g̀un nà. ⁵⁶ Akū ò tà ò g̀èe ǹisi gbī nna kū eze kū adi tò gè vāro soru ke. Kámmabogoro z̀i ò kámma bò l̀akū Luda dìte nà.

24

Yesu vunaa

(*Mat 28:1-10, Maa 16:1-8, Yuh 20:1-10*)

¹ Azumanenna z̀i k̀onk̀onk̀o ǹogbē p̀ino bò ò g̀èe mira p̀ii k̀inaa kū ǹisi gbī nna kū ò a soru k̀èeo. ² Ò lè ò gbèe gò mira léa. ³ Kū ò g̀è, odi Dikiri Yesu gè ero. ⁴ Ò kú bídi g̀un, akū gōgbē gbēnon pla kenò bò ò s̀urmma kū p̀okasa kū òten t̀e kenò dana. ⁵ Vīna n kú ò n m̀i nàte, akū gōgbē p̀ino p̀inne: À kè dera áten gbē bēne wete g̀enò t̀é? ⁶ À kú laro, à vù. À tó yā kū à óare goro kū à kú Galili d̀águ ⁷ à pì, séto ò Bisāsiri Né kpá kifirino ò a pá lía, a goro aakōde z̀i ani vu. ⁸ Akū a yā p̀ii d̀ongu. ⁹ Bona mira k̀inaa, ò g̀èe ò yā p̀ii baaruu kpà z̀iri gbēnon kuri awèdonne kū gbē kparano. ¹⁰ Mariama Magadalenì kū Yoanao kū Yamisi da Mariamao kū ǹogbē kpara kū ò kú k̀unwonò mé ò yā p̀ii ò z̀iri p̀ino. ¹¹ Akū ǹogbē p̀ino yā p̀ii k̀enne lán f̀aii yā bà, odi síro. ¹² Akū Pita f̀ute à bàa sì à g̀èe mira p̀ii k̀inaa. Kū à wé kpàte mira p̀in, adi p̀oke ero, sé táaru bizano, akū à era à tà laasun g̀un, yā p̀ii à kú gbāna.

Zaa Emausi zén

(*Maa 16:12-13*)

¹³ Goro dokono pì z̀i Yesu iba gbēnon pla kenò ten gé lakutu kū òdi pì Emausi. À z̀a kū Yurusalemuo lán kiloo kuri awèedo bà. ¹⁴ Òten yā kū à kè pínki f̀aii bokone, ¹⁵ akū goro kū òteni a f̀aii bo òteni a laasun lé, Yesu n lé zén, akū òten táa o l̀ele. ¹⁶ Akū n wé sìsi odi a d̀oro. ¹⁷ Akū à n lá à pì: Bó yān á t̀é áten o kú k̀oo? Akū ò z̀e n an sisina. ¹⁸ N gbē do kú òdi pine Keleopa wèa à pì: M̀ok̀on nibome n ũ ndo Yurusalemu gwèe, kú ndi yā kū à kè goro pla dia d̀oro? ¹⁹ Akū à n lá à pì: Yā kpateme? Ò wèa ò pì: Yesu Nazera yāme. Annabi z̀k̀ome. Gbē s̀inda pínki d̀s kú a yàkena

kū a yā'onaao bò Luda kīnaame. ²⁰ Akū sa'orikinɔ kū ó gbānadenɔ dake kpàmma, de ò ga yākpate kene yāi, akū ò a pà lía ò a dè. ²¹ Ókɔnɔ sɔ, daken óten da ani Isarailanɔ mì sí. Abire gbera yā pì kɛna gɔɔ aakɔden gbāra. ²² Akū yā kū ó nɔgbɛ kenɔ òo bò ó sare. Kū ò gɛe a mira kīnaa kɔnkɔala káakukaaku, ²³ odi a gè lero. Ò sù ò pì malaikanɔ bò ò sùmma ò piñne à kú wèndiio. ²⁴ Akū ó gbɛkenɔ gɛe ò mira pì gwà, ò è lákū nɔgbɛ pìnɔ òñne nà, à kú gwero. ²⁵ Akū Yesu piñne: Laasunsaridenɔ, adì yā kū annabinɔ ò sí likalikaro. ²⁶ Luda dí dite Arumasihu wétamma le lán dí bà gbsa à gɛe a gakuri gūnloo? ²⁷ Naana zaa Musa takadaa ari à gɛe pé annabinɔ pɔa pínki. Yesu yā kū à kēna Luda yān a musu bɔkɔteñne pínki.

²⁸ Kū ò kà kani kū lakutu kū òten génwo, Yesu kè lákū áni gɛ zéla bà. ²⁹ Akū ò a kùkù ò pì: Ñ gɔ kúoo la. Ɔkɔsi kè, gu ten si. Akū à gɛe ɔnn à gɔ kúñwo. ³⁰ Gɔɔ kū àten pɔ ble kúñwo, akū à burodii sè à arubarikaa dàn, akū à likɔre à kpàmma. ³¹ Akū ní wé kè ò a dɔ sà, akū ò kùrai. ³² Akū ò òkɔne: Kū àten yā owere zén àten Luda yā bɔkɔtewere, ó nèsee gūn ten puroo? ³³ Akū ò fùte gwe gɔnɔ ò èra ò gɛe Yurusalemu. Ò a ziri gbɛnɔn kuri awɛedonɔ è kakarana gwe kú gbɛ kú ò nàmmannɔ ³⁴ òten pi: Dikiri vù yāpurame, à a zīda mò Simone. ³⁵ Akū gbɛnɔn pla pìnɔ zé gūn yā bàbañne kú deran ò a dɔ nà burodi likɔrenaa gūnwo.

Yesu bo à suna a ibanɔne

(Mat 28:16-20, Maa 16:14-18, Yuh 20:19-23, Zīr 1:6-8)

³⁶ Kū òten yā pì o le, kánto ò a è zena ní té, akū à piñne: Àgɔ kú kú aafiaao! ³⁷ Akū swèe kèngu ò kè giri, òten da gyāwānden ò è. ³⁸ Akū à piñne: À kè dera á nèsee fùte? À kè dera á kú kú nèse plaoo? ³⁹ À ma ɔnɔ kú ma gbánɔ gwa, kú makúme. À ɔ nama à gwa. Gyāwānde digɔ mè kú wáoo ví lákū á èma nàro. ⁴⁰ Kū à ò le, akū à a ɔnɔ kú a gbánɔ mòñne. ⁴¹ Pɔnna gūn odi we káaoro, kú à bò ní sare yāi. Akū à ní lá à pi: Pɔble ke kun yá? ⁴² Akū ò kpò kpáteana kɔnɔ kpàa, ⁴³ akū à si à sò ní wára. ⁴⁴ Akū à piñne: Yā kú ma òáre gɔɔ kú má kú kááo mé à kè. Ma pì séto yā kú ò ò ma musu Musa doka takadan kú annabinɔ takadao kú Zabura takadao papa pínki. ⁴⁵ Akū à ní nèsee wèñne de ò yā kú à kú takada pìnɔ gūn dɔrɔ dɔ. ⁴⁶ À piñne: Ò kè Luda yān ò pì Arumasihu ni wétamma e, a gɔɔ aakɔde zī anì fute bona gan, ⁴⁷ oni waazi ke buri sīnda pínkinɛ kú a tɔo naana zaa Yurusalemu, de ò nèse lite ní durunnannɔ kèmma. ⁴⁸ Ákɔnɔ yā pì sèedadennɔ ũ. ⁴⁹ Makú sɔ, mani gba kú ma De a lé sè kpázááre. Àgɔ kú wète gūn la ari gbāna bo ludambe à daála.

Tana kū Yesuo ludambe

(Maa 16:19-20, Zīr 1:9-11)

⁵⁰ Kū Yesu bò kúñwo wète kpe ari Betani sare, akū à a ɔnɔ sè lei à arubarikaa dañgu. ⁵¹ Kū àten arubarika dañgu le, akū à kèmma, Luda a sè à tà káao a kīnaa. ⁵² Akū ò donyī kène ò èra ò tà Yurusalemu kú pɔnna zɔkɔo. ⁵³ Òdigɔ kú Luda ɔnn gɔɔ sīnda pínki ògɔ Luda sáabu kpá.

YUHANA

Baaru nna kū Yuhana kɛɛ
 Yahaya Da'itekɛri kū Yesu iba káakunɔ 1:1-1:51
 Yesu yádannɛnaa 2:1-12:50
 Yesu kunna Yurusalemu 13:1-17:26
 Yesu gana kū a vunaao 18:1-20:31
 Yesu boasuna a ibanɔa 21:1-21:35

Yesu Kirisi suna andunia gūn

¹Zaa káaku Yá kun, Yá pì kú kū Ludao, Yá pìime Luda ũ. ²À kú kū Ludao zaa káaku. ³Luda pɔ sɪnda pínki kè a gáime, pɔke kun kū à kè a sariro. ⁴A gūnn wèndi kún, akū wèndii pì de gupura ũ gbɛnɔnɛ. ⁵Gupura pì dì pu gusiran, akū gusira pì ni le à daalaro.

⁶Luda gbɛke zì a tón Yahaya. ⁷À sù gupura pì sèedade ũme, à gupura pì yá ò gbɛnɔnɛ, de baadi a náani ke a gáí. ⁸Àkūme gupura pì ũro, à sù gupura pì sèedade ũme. ⁹Gupura yápurade kū àdi gu pu gbɛ sɪnda pínkine mé àten su andunia gūn.

¹⁰Yá pì kú andunia gūn. Bee kū Luda andunia kè a gáí, andunia dí a dɔro. ¹¹À sù a bea, akū a gbɛnɔ dí a síro. ¹²Gbɛ kū ò zè káao ò a náani kènɔ sɔ, à n gbá zé ò gɔ̃ Luda nénɔ ũ. ¹³N inaa pì dí bo gbɛke aru gūnlo, adi bo mɛfutena ke gɔgbɛ pɔyeina kínaaro, Luda mé à n í.

¹⁴Yá pì gɔ̃ bisásiri ũ, à gɔrɔ pla kè kūoo, akū o a gakuri è, De Luda Né mèn do légelege gakurime, a gbɛke kū yápurao pɛkɛɛana. ¹⁵Yahaya a sèedaa kè à pùtá à pì: Gbɛ kū ma a yá òon dí, ma pì gbɛ kū àten su ma gbera demala kū à kun ma á yáí. ¹⁶Gbɛke pɛkɛɛanaa gūn à gbɛke kè ó baadine, akū o arubarikaa lè didikɔana. ¹⁷Luda a doka kpáwá Musa gáí, à gbɛke kū yápurao kèwɛɛ Yesu Kirisi gáime. ¹⁸Gbɛke dí wé si Ludale zikiro. Luda Né mèn do légelege kū à kú a De kuru pì mé à tò ò a dɔ.

Yahaya Da'itekɛri Yesu sèedakenaa (Mat 3:1-12, Maa 1:1-8, Luk 3:1-18)

¹⁹Yuda gbánade kū ò kú Yurusalemunɔ sa'ori kenɔ kū Levi buri kenɔ zì Yahayaa, akū ò a là ò pì: Díme n ũu? Yá kū à òrnen dí. ²⁰À òrɛne súsú, adi yáke uteńnero à pì: Arumasihun ma ũro. ²¹Akū ò a là ò pì: Díme n ũ sée? Iliasumen ũ yá? À wèmma à pì: Oi! Akū ò era ò a là dɔ: Annabi zɔkɔɔme n ũ yá? À wèmma à pì: Oi! ²²Akū ò pìne dɔ: Díme n ũ sɔɔ? N owɛɛ de ò gé ò o gbɛ kū ò ó zínɔnɛ. Deran nten o nà n zída yá musuu? ²³Akū à pì lákū annabi Isaya ò nà:

Gbɛ kū a kòto dɔ gbárannamme ma ũ,
 kū àten pì ò zé poro Dikirine.

²⁴Gbɛ kū ò n zì pìnɔ sɔ, ò bò Farisinɔ kínaame. ²⁵Akū ò a là ò pì: Zaakū Arumasihume n ũro ke Iliasu ke annabi zɔkɔɔ, bɔyáí nteni gbɛnɔ da'ite kɛɛ?

²⁶Yahaya wèmma à pì: Madi gbɛnɔ da'ite ke, ama gbɛke kú á tɛ, á a dɔro.

²⁷Àkū mé ani su ma gbera, mádi ká mà a kyate bobonero. ²⁸Yá pìnɔ kè Betani kū à kú Yoda bara òremɛ, gu kū Yahaya ten gbɛnɔ da'ite ken.

Sane Bɔrɔ kū Luda kpàa

29 Kū gu dō, Yahaya Yesu è àten su a kīnaa, akū à pì: Sāne Bòrɔ kū Luda kpà à andunia durunna gon dí. 30 Gbē pì yān ma ò yā ma pì, gbē kū àten su ma gbera demala, kū à kun ma ā yāi. 31 Má a dō yāro, ama ma su, maten gbēno da'ite ke de Isarailano a dō yāime. 32 Yahaya a sèedaa kè à pì: Ma è Luda Nini bò ludambe lán potēne bà, à sù à z̄ša. 33 Mádi a dō yāro. Kū Luda ma zī gbēno da'ite ke, à pīmene gbē kū ma è a Nini sù à kīpaa, àkū mé ani gbēno da'ite ke kú Nini piio. 34 Ma abirekū è, akū ma a sèedaa kè kú àkūme Luda Né ũ.

Yesu iba káakuno

35 Kū gu dō, Yahaya èra à kú gwe dō kú a iba gbēnono plano. 36 Kū à Yesu è àten gēte, à pì: Sāne Bòrɔ kū Luda kpàan gwe! 37 Kū iba gbēnono pla pìno yā pìi mà, ò bò ò tè Yesui. 38 Yesu litè à è ò téai, akū à n lá à pì: Bón á yeii? Ò pìne: N be kú māmee, Rabi? Tó pìi pì Danneri. 39 À wēm̄ma à pì: À mó à gwa. Akū ò gèe ò gu kú à kun è, akū ò ḡ k̄ao zī birea. Okosi mò siik̄ taka bà.

40 Gbēnono pla kú ò Yahaya yā mà ò bò ò té Yesui pìno, n gbē do bi Simo Pita dakūna Andurume. 41 À gèe à a v̄ni Simo lè ḡia, akū à pìne: O Arumasihu è. Tó pìin òdi pì dō Kirisi. 42 Akū à gèe k̄ao Yesu pì kīnaa. Yesu a gwà tíii à pì: Yuhana né Simome n ũ. Oni pinn̄e sà Pitame. Tó pìi pì gbèe.

43 Kū gu dō, Yesu ye à tá Galili b̄usun, akū à dà Filipile à pìne: N témai. 44 Filipi pì bi Anduru kú Pitao be wēte Betesaida gbēme. 45 Akū Filipi gèe à Natanaeli lè à pì: Gbē kú Musa a yā ò a doka gūn, akūs̄o annabino a yā ò dō, o a lè. Yusufu né Yesume. Nazera gbēme. 46 Natanaeli pìne: Gbē mana ni bo Nazera yá? Filipi pìne: N mó n̄ gwa. 47 Kú Yesu Natanaeli è àten su a kīnaa, à a yā ò à pì: Isaraila yāpuraden dí, a nèsee manafiki v̄iro. 48 Akū Natanaeli pìne: N ma dō māmee? Akū Yesu wèa à pì: Ari Filipi ḡo ḡé n s̄isi, ma n e kaka lí gb̄aru. 49 Akū Natanaeli pìne: Rabi, Luda Néme n ũ, Isarailano kiname n ũ. 50 Yesu pìne: Kū ma ònne ma n e kaka lí gb̄aru, akū mé à tò n ma náani kè yá? Ìni yā z̄sk̄ e de adik̄inala. 51 À èra à pìne dō: Yāpuran maten oáre, ani ludambe e wēk̄šana, Luda malaikano niḡo didi Bisāsiri Néa òḡo kipaa.

2

Nosena zaa Kana

1 A ḡoro aak̄ode zī òten no sé zaa Kana, Galili b̄usun. Yesu da kú gwe, 2 akū ò Yesu kú a iban̄o s̄isi nos̄e kīnaa dō. 3 Kū s̄ewē k̄ia, Yesu da pìne: ò s̄ewē v̄i dorob̄i. 4 Akū Yesu wèa à pì: B̄oyái n ma le abireoo? A ḡoro dí k̄amene k̄oro. 5 Akū a da pì z̄ikerin̄one: Lákū ani oáre nà, à ke le. 6 Gbē oroz̄anon kú gwe m̄en suddo Yudano gb̄abo'i káb̄ono ũ. A ken̄o òdi í sí lita basiik̄ome, a ken̄o s̄o basuddo. 7 Akū Yesu pì z̄ikerin̄one: À í k̄aka oroz̄a d̄ino pa. Akū ò í k̄aka à p̄a yérere. 8 Akū à pīne: À tó à géo k̄k̄o'orino gbē z̄k̄one sa. Akū ò tò ò ḡeone. 9 Kū gbē z̄k̄o pì í litena s̄ewē ũ pì lé kè, adi dō gu kú à b̄onlo, ama z̄ikeri kú ò í p̄i t̄non dō. Akū gbē z̄k̄o pì ebayao s̄isi 10 à pìne: Wē nnan òdi kp̄ámma ḡia. Goro kú wē ten dīnman òdi su kú a gebuo sà. M̄k̄on s̄o, n wē nna tò kp̄ekpe. 11 Yesu daboyā k̄akuden gwe, kú à kè zaa Kana, Galili b̄usun. À tó bò, akū a iban̄o a náani kè. 12 Abire gbera Yesu gèe Kapenam̄u kú a dao kú a dakūn̄ano kú a iban̄o, ama odi ḡoro pla ke gwero.

Yesu kunna Luda onn

(Mat 21:12-13, Maa 11:15-17, Luk 19:45-46)

¹³ Kū Yudanɔ Vīnla dikpe kà káni, akū Yesu gèe Yurusalemu. ¹⁴ À è òten zùnɔ kū sánɔ kū lukulukunɔ yía Luda ɔnn, ɔgolilinkerinɔn vutena gwe. ¹⁵ Akū à bàflāa tà à pèmma ò bote kū sánɔ kū zùnɔ pínki. À ɔgolilinkerii pìnɔ ɔɔ fâkɔ̄a, à n̄ teburunɔ yīpa à kòteíne. ¹⁶ Akū à pì lukulukuyarii pìnɔne: À pɔ́ pìnɔ sète à boo pínki. Àsun ma De ɔn ke ete ūro. ¹⁷ Akū yā kū à kēna Luda yān dīkīna dɔ̄ a ibanɔgu kū à pì: N ɔn yā ma kū gbāna manamana. ¹⁸ Akū Yuda gbānadeno a là ò pì: Daboyā kpaten ĩni keweɛe de ò d̄s kū n̄ yā bire kena iko vīi? ¹⁹ Yesu wèmma à pì: À Luda kpé dí wí, mani era mà fute ɔɔ aakɔ dagura. ²⁰ Akū gbānade pìnɔ pìne: Wè bupla aweesuddon ò kpé pìi bò, akū mɔkɔn ĩni fute ɔɔ aakɔ gūn yá? ²¹ Ama Luda kpé kū à a yā òo pìi, a mè yān àten o. ²² Kū Yesu vù bona gan, yā kū à òo pìi d̄s a ibanɔgu, akū ò yā kú à kēna Luda yān si kú yā kú Yesu òo pìi.

Yesu baadi n̄ese d̄s

²³ Kū Yesu kú Yurusalemu Vīnla dikpe zī ò a náani kè dasi, kú ò daboyā kú à kènɔ è yāi. ²⁴ Yesu dí n̄ náani kero, zaakū à baadi n̄ese d̄sme. ²⁵ Adi ke séto gbēke gbē yā ònero, zaakū à yā kú à kú baadi n̄eseɛe gūn d̄s.

3

Yesu kú Nikodemuo

¹ Farisi ke kun kú òdi pinɛ Nikodemu. Yuda gbānadeno dome. ² À sù Yesu kīnaa gwāani à pinɛ: Rabi, ó d̄s kú mɔkɔn danneri kú à bò Luda kīnaa ū, zaakū gbēke ni f̄s à daboyā kú ndi kenɔ kero, sé Luda kú k̄aao. ³ Akū Yesu pìne: Yāpuran maten onne, tó adi ke ò era ò gbē ì d̄s baasiro, ani f̄s àgɔ kpata kú à bò Luda kīnaa d̄sro.

⁴ Akū Nikodemu Yesu là à pì: Oni gbē kú à zī kú i derameɛ? Ani era à gē a da n̄eseɛe gūn de à a i d̄on yá? ⁵ Akū Yesu wèa à pì: Yāpuran maten onne, tó adi ke ò gbē ì kú ío kú Luda Ninio baasiro, ani f̄s à gē kpata kú à bò Luda kīnaa gūnlo. ⁶ Bisāsiri n̄é'ina bi mè yāme, Luda Niní n̄é'ina bi nini yāme. ⁷ N̄sun tó yā kú ma ònne bo n sarero, séde ò era ò á i d̄s. ⁸ Īa d̄i káka gu kú à yein. Ndi a kīni ma, n̄ d̄s gu kú à bòn ke gu kú àten gēnlo. Len àdigɔ de le kú gbē kú Luda Niní a ìio.

⁹ Akū Nikodemu a là à pì: Yā bire ni sí ke yá? ¹⁰ Yesu wèa à pì: Mɔkɔn Isarailanɔ yādanneri ina akū n̄ abirekū d̄sroo? ¹¹ Yāpuran maten onne, yā kú ò d̄n òten o. Yā kú o èe sèedaan òten kpá, akū àten gí ó yā síi. ¹² Lákū ma andunia yā òare nà, akū a gi síi, tó ma ludambe yā òare, áni sí yá? ¹³ Gbēke dí gē ludambe yāro, tó adi ke Bisāsiri Né kú à bò gwe baasiro. ¹⁴ Lákū Musa ml̄ee s̄e à d̄s musu gbārannan nà, len oni Bisāsiri Né sé ò d̄s musu le, ¹⁵ de gbē kú àteni a náani ke gō w̄endi kú àdi láraro vī. ¹⁶ Zaakū Luda ye andunia à kè z̄kɔ, akū à a Né mèn do légelege kpà, de gbē kú àteni a náani ke sún garo, séde àgɔ w̄endi kú àdi láraro vī. ¹⁷ Luda dí a Né zī andunia gūn de à yā vute anduniaa yāinlo, de à andunia sura ba a gāi yāime. ¹⁸ Yā ni vute a náanikeriiraro. Yā gīnake à vute a náanikerisaria k̄s, kú adi Luda Né mèn do légelege pì náani kero yāi. ¹⁹ Pɔ́ kú à tò yā vute gbēnɔaan dí: Gupura sù andunia gūn, akū gbēnɔ ye gusirai de gupura p̄ila, kú n̄ yākenanɔn vāni yāi. ²⁰ Zaakū yāvānikeri s̄inda pínki d̄i zā gupuramme, àdi su gupura kīnaaro, de a yākenanɔ sún bo gupuranlo yāi. ²¹ Gbē kú àdi zī ke yāpuraa, àkū mé àdi su gupura kīnaa, de ògɔ d̄s kú kunna Luda gūnn à yā pìnɔ kèn.

Yahaya Da'itekeri Yesu sèedakenaa

²² Abire gbera Yesu gèe Yudea b̀sun k̀ a ibaǹ. À g̀r̀ pla k̀ k̀ǹwo gwe, àten gb̀ǹ da'ite ke. ²³ Yahaya ten gb̀ǹ da'ite ke se zaa Aiǹ, Salimu sare, zaak̀ í di gwe. Òdig̀ su a k̀naa, ak̀ àdi ǹ da'ite ke. ²⁴ Zaak̀ odi Yahaya da kp̀siran k̀ro. ²⁵ G̀r̀ birea Yahaya ìba keǹ nà ledikpakenaana k̀ Yuda gb̀nade keo gb̀bona ỳ musu. ²⁶ Ak̀ ò nà Yahayai ò p̀: Rabi, gb̀ k̀ à k̀ k̀ǹwo ỳ Yoda bara dire, k̀ n a ỳ òwèrè mé àten gb̀ǹ da'ite ke tera, baadi ten gé a k̀naa. ²⁷ Yahaya pínè: Gb̀ke di f̀ à p̀ke le à síro, tó adi ke Luda a gb̀ baasiro. ²⁸ Ák̀ǹ mé á ma s̀edadeǹ ù k̀ ma p̀ mak̀mè Arumasihu ùro. Ma pi Luda ma z̀ mà done aremè. ²⁹ Ǹseri mé à ǹ v̀. Ǹseri gb̀enna s̀ àdig̀ zè a sare àdi s̀ kp̀ a ỳi, ǹseri k̀otoo di a p̀ ke nna. Len s̀ ma p̀nna k̀ z̀k̀ le. ³⁰ Séde àp̀i g̀ kara mak̀ s̀ màg̀ lago.

Gb̀ k̀ à bò musu

³¹ Gb̀ k̀ à bò musu de gb̀ s̀nda p̀nkila. Gb̀ k̀ à bò z̀te bi andunia gb̀mè, andunia ỳn àdi o. Gb̀ k̀ à bò ludambe s̀ de gb̀ s̀nda p̀nkila, ³² àdig̀ p̀ k̀ à è k̀ ỳ k̀ à màaoo s̀eda ke, ak̀ gb̀ke teni a ỳ síro. ³³ Gb̀ k̀ à a ỳ s̀ z̀o k̀ Luda bi ỳpurademè. ³⁴ Gb̀ k̀ Luda a z̀i p̀i di Luda ỳ o, zaak̀ Luda a Nini kp̀aa papanamè. ³⁵ De Luda ye a Néi, ak̀ à p̀ s̀nda p̀nki nàne a ò. ³⁶ Gb̀ k̀ àten Né p̀ náani ke ẁndi k̀ àdi lákaro v̀. Gb̀ k̀ àten g̀ a ỳ mai ni ẁndii p̀ lero, Luda p̀fè kp̀ k̀uame.

4

Yesu k̀ Samaria ǹgb̀o

¹ Farisiǹ mà k̀ Yesu ten gb̀ǹ da'ite ke àten ìbaǹ le de Yahayala. ² Adi ke Yesu mé àdi ǹ da'ite ke a z̀daro, a ìbaǹ mé òdi ke. ³ K̀ Yesu ỳ p̀i mà, à f̀te Yudea à èra àten tá Galili. ⁴ K̀ àten gé s̀, à k̀ à b̀te Samaria b̀sun. ⁵ Ak̀ à k̀ Samaria ẁte k̀ òdi pi Sika. A z̀ k̀ z̀te k̀ Yakubu kp̀a a né Yusufuaaoro. ⁶ Yakubu l̀g̀ k̀ gwe. Yesu t̀a ò à kp̀asa, ak̀ a v̀te l̀g̀ p̀i sare. If̀ntè k̀ midangura.

⁷ Samaria ǹgb̀ ke su í t̀, ak̀ Yesu p̀nè: Ǹ ma gba í mà mi. ⁸ A ìbaǹ s̀, ò g̀e p̀ble lú ẁte g̀n. ⁹ Ak̀ ǹgb̀ p̀i p̀nè: Yudame n ù, Samaria ǹgb̀n ma ù, ak̀ nten í wé kemaa? Zaak̀ Yudaǹ k̀ Samariadeǹ ỳ di k̀ séro. ¹⁰ Ak̀ Yesu p̀nè: Tó ǹ gba k̀ Luda di dañne d̀ k̀ gb̀ k̀ àten í wé kemmao, de m̀k̀mme ìni wé kea à n gba í ẁndide. ¹¹ Ǹgb̀ p̀i p̀nè: Baa, ǹ guga v̀ro. L̀g̀ dí s̀ a ẁe l̀koto. Ìni í ẁndide p̀ le máme? ¹² Ǹ de ó dizi k̀aku Yakubula gwèe? Ák̀ mé à l̀g̀ p̀i t̀wèrè. Àpi a í mi k̀ a néno k̀ a p̀kadèn. ¹³ Ak̀ Yesu p̀nè: Gb̀ k̀ à í dík̀na mi, ìmi ni era à a demè d̀. ¹⁴ Gb̀ k̀ ani í k̀ mani kp̀aa mi s̀, ìmi ni a de ziki doru. Zaak̀ í k̀ mani kp̀aa ni g̀ a ǹsèe g̀n ísèboki í k̀ ani b̀tene ẁndi k̀ àdi lákaro ùmè. ¹⁵ Ak̀ ǹgb̀ p̀i p̀nè: Baa, ǹ ma gba í p̀i, de ìmi s̀n ma de mà su í t̀ la doru. ¹⁶ Yesu p̀nè: Ǹ gé n z̀ sísi à su lèlè. ¹⁷ Ǹgb̀ p̀i wèa à p̀: Má g̀ v̀ro. Ak̀ Yesu p̀nè: K̀ n p̀, ǹ g̀ v̀ro, n ỳ ò a zéame. ¹⁸ N z̀ k̀ leu s̀oro, ak̀ g̀gb̀ k̀ ǹ k̀ k̀ao tera bi n z̀nlo. N ỳpura ò. ¹⁹ Ak̀ ǹgb̀ p̀i p̀nè: Baa, má d̀ s̀ k̀ annabiime n ù. ²⁰ Ó diziǹ donỳ k̀ Ludane kpi dí musu, ák̀ǹ s̀ adì pi Yurusalemu mé à gu k̀ ò donỳ kenne ù. ²¹ Yesu p̀nè: Ǹgb̀, ǹ ma ỳ sí. G̀r̀ke ten su k̀ áni donỳ ke De Ludane kpi dí musu ke Yurusalemu doru. ²² Ák̀ǹ, adì donỳ ke Ludane, ama á a d̀ro, ók̀ǹ s̀, odi donỳ kene, ak̀s̀ ó a d̀, zaak̀ surabanaa di bo ók̀ǹ Yudaǹ k̀naame. ²³ G̀r̀ ten su

à kà kò, kù donyĩri yāpuradenɔ ni donyĩ ke De Ludane kù yāpurao kù a Nini gbānao. Gbē bire takanɔn De Luda ten wete ò donyĩ keare. ²⁴ Luda bi ninime, séde gbē kù òdi donyĩ kenɛnɔ donyĩ kenɛ kù yāpurao kù a Nini gbānao. ²⁵ Akū nɔgbē pìi pine: Má dɔ kù Arumasihu kù òdi pine Kirisi ni su. Tó à sù, ani yā sīnda pínki bókɔtewere. ²⁶ Akū Yesu pine: Makū kù maten yā onne, makūme a ũ.

²⁷ Gɔɔ birea Yesu ibanɔ sù, ò a lè àten yā o kù nɔgbēo. À bò ñ sare, ama ñ gbēke dí a la bón à yeiro ke bóyāi àten yā o kù nɔgbē pìi oro. ²⁸ Akū nɔgbē pìi a lo tò gwe, à gè wete gūn à pì gbēnɔne: ²⁹ À mó à gɔgbē ke gwa. À yā kù ma kènò òmenɛ pínki. Ke Arumasihu pìime gwee? ³⁰ Akū ò bòte wete gūn òten gé Yesu kīnaa.

³¹ Gɔɔ birea sɔ Yesu ibanɔ pine: Rabi, ñni pò bleroo? ³² Akū à pìinne: Má pòble ke vī kù á dɔro. ³³ Akū a ibanɔ kɔ lāla ò pì: Gbēke sūne kù pòbleon yá? ³⁴ Akū Yesu pìinne: Ma pòblen gbē kù à ma zī pɔyenyīnakena ũ ari mà zī kù à dāmenɛ mì de. ³⁵ Ákɔnɔ adì pi mɔ siikɔ mé à gò kù pòkēgɔɔ ni ká. Maten oáre, à wé sé à buranɔ gwa, zaakū pónɔ mà ò kà kēna. ³⁶ Pókēri teni a láada le kò, àten gbēnɔ kakara wēndi kù àdi lākaro pò ũ, de pótòri kù pòkēriiio pɔnna ke lele. ³⁷ Zaakū yā dīkīna bi yāpurame: Gbēke mé àdi pò tɔ, gbēke kē. ³⁸ Ma á zī pò kē gu kù ádi zī kenlo. Gbē pāndenɔ mé ò zī kē gwe, akū àteni ñ zī àre ble.

³⁹ Samaria gbē kù ò kù wete pìi gūnnɔ Yesu náani kē dasi yā kù nɔgbē pìi órɛne yāi, kù à pì à yā kù a kènò òare pínki. ⁴⁰ Abire yāi kù ò kà Yesu kīnaa, ò wé kēa à gɔ kūnwo, akū à kē kūnwo gɔɔ pla. ⁴¹ Kù Yesu yā órɛne, gbē pāndenɔ a náani kē dasidasi. ⁴² Akū ò pì nɔgbē pìine: Adì ke yā kù n òwere yāin o a náani kē adoro. O a yā mà ó zīdame, akū o dɔ sà kù andunia Surabariin a ũ yāpura.

Gbānade né werekōanaa

⁴³ Kù à gɔɔ pla kē kūnwo, a gberan à tà Galili, ⁴⁴ zaakū à pì annabi dīgɔ bèere vī a zīda būsuno. ⁴⁵ Kù à kà Galili, Galilidenɔ gbānake kpai, zaakū ò gèe ò Vīnla dikpe Yurusalemume, akū ò yā kù à kē dikpe pì zīnɔ è pínki. ⁴⁶ Akū Yesu èra à gèe Kana, gu kù à í litɛ sēwē ũ. Būsɔ gbānade ke kù gwe, a négɔgbē ten gyā ke zaa Kapenamú. ⁴⁷ Kù à mà Yesu bò Yudea à sù Galili, akū à gèe a kīnaa à wé kēa à gé a né werekōa, zaakū a kù ga léi. ⁴⁸ Akū Yesu pine: Tó adì ke a daboyānɔ kù yābonsarenɔ è baasiro, ani ma náani kero. ⁴⁹ Akū gbānade pìi pine: Baa, ñ mó ari ma né kpé à ga. ⁵⁰ Yesu pine: Ñ tá be. N né ni garo. Gɔgbē pìi yā kù Yesu ònee sì, akū à dà zén. ⁵¹ Gɔɔ kù à té zén, à dàkare kù a zīrinɔ, akū ò pine a né kun. ⁵² Akū à ñ lá à pì: Gɔɔ kpate takan à kē sànaa? Akū ò pine: Gīa fānantē mò do zakan mēwāna pìi kēa. ⁵³ Akū de pìi dɔ kù gɔɔ kù Yesu òare kù a né ni garon gwe. Akū ò a náani kē, àpii kù a bedenɔ ñ pínki. ⁵⁴ Sèeda plade kù Yesu kē bona Yudea suna Galilín gwe.

5

Gyāre werekōana íkpakia

¹ Abire gbera Yudanɔ dikpe ke kà, akū Yesu èra à gèe Yurusalemu. ² Íkpaki kù gwe Sā Gēki sare, kù òdi pì Beteseda kù Eberu yāo. Íkpaki pì kāmaboki vī leu sɔɔro, ³ gyārenɔ dīgɔ wútenan dasidasi, vīnanɔ kù erenɔ kù gbē kù ñ mēgu fēfēnanɔ. ⁴⁻⁵ Gɔgbē ke kù gwe àten gyā ke à kà wē bupla

plansari. ⁶ Kū Yesu a è wútɛna gwe, à d̄s̄ kū àtɛn gyā ke a gii kè manamana, akū à pìne: N̄ ye ñḡo aafia yá? ⁷ Akū gyāre p̄i wèa à p̄i: Mare, má gb̄eke v̄i à ma da í ḡun ḡoɔ k̄u à ȳḡaro. Tó maten gé ḡɛn, gb̄e p̄ande di ḡinake à ḡɛ ma ãme. ⁸ Yesu p̄ine: N̄ futɛ ñ zɛ, ñ n p̄ɛ sé ñ t̄aa o. ⁹ Gwe ḡõnɔ ḡõgb̄e p̄i aafiaa lè. À a p̄ɛ sè à t̄aa ò. Ḡoɔ p̄i bi kámmaboḡoɔ z̄ime, ¹⁰ akū Yuda gb̄anadenɔ p̄i ḡõgb̄e k̄u à wèrɛk̄õa p̄ine: Kámmaboḡoɔ z̄in gb̄ara. À zé v̄i ñḡo ñ p̄ɛ sɛnaro. ¹¹ À wèr̄mma à p̄i: Gb̄e k̄u à ma gba aafia mé à òmɛnɛ mà a p̄ɛ sé mà t̄aa o. ¹² Akū ò a là ò p̄i: Dí mé à p̄inne ñ n p̄ɛ sé ñ t̄aa oo? ¹³ Gb̄e k̄u à wèrɛk̄õaa p̄i d̄s̄ tó d̄inlo, zaakū Yesu ḡɛtɛ pari k̄u ò kú gwɛnɔ tɛme. ¹⁴ Abire gbera Yesu a lè Luda ɔnn, akū à p̄ine: N̄ ma, n aafiaa lè. N̄sun durunna ke doro, de yā k̄u à v̄ani de abirek̄ula s̄un n le doro yāi. ¹⁵ Akū ḡõgb̄e p̄i ḡɛɛ à ò Yuda gb̄anadenɔnɛ k̄u Yesu mé à tò a aafiaa lè.

¹⁶ Akū gb̄anade p̄inɔ wé t̄a Yesua, k̄u àdi yā bire takanɔ ke kámmaboḡoɔ z̄i yāi. ¹⁷ Akū Yesu wèr̄mma à p̄i: Ma De diḡo z̄i ke kámmabonaa sarime, len maten ke lɛ se. ¹⁸ Yā bire yāi gb̄anade p̄inɔ tɛn Yesu wetɛ ò a de de káakula. Adi ke k̄u àdi kámmaboḡoɔ z̄i yā daro ado yānlo, k̄u àdi pi Ludame a De ù, àtɛn sára kp̄a k̄u Ludao yāime.

Luda Né ikoo

¹⁹ Yesu èra à wèr̄mma à p̄i: Yāpuran maten oáre, Luda Né di f̄s̄ à yāke ke k̄u a z̄ida gb̄anaoro, sé yā k̄u à è a De tɛn ke baasiro, zaakū yā k̄u a De di ke p̄inki, àkūme a Né p̄i di ke se. ²⁰ Zaakū De Luda ye a Néi, àdi yā k̄u àdi ke p̄inki m̄onɛ. Ani yā k̄u a z̄õk̄õ de abirek̄ula m̄onɛ, ani bo á sare. ²¹ Lákū De Luda di ḡɛnɔ vu à wèndi kp̄ám̄ma nà, len a Né di wèndi kp̄a gb̄e k̄u à yeinɔa lɛ. ²² De Luda di yákpate ke k̄u gb̄ekeoro, à yákpatekena gb̄ana p̄inki kp̄a a Néa, ²³ de baadi bèere li a Néne, lákū òdi li De Ludane nà. Gb̄e k̄u àtɛn bèere li Luda Nénero, ade tɛn bèere li a De k̄u à a z̄iinero. ²⁴ Yāpuran maten oáre, gb̄e k̄u àtɛni ma yā ma, akūs̄ ò tɛn gb̄e k̄u à ma z̄i náani ke, ade wèndi k̄u àdi lákaro v̄i. Yā ni vutearo, ade bò gan à ḡɛ wèndii ḡumme. ²⁵ Yāpuran maten oáre, ḡoɔke tɛn su à kà kò, k̄u ḡɛnɔ ni Luda Né kòto ma, ñ gb̄e k̄u ò mànɔ ni vu. ²⁶ Lákū De Luda wèndikpammana gb̄ana v̄i nà, len à wèndikpammana gb̄ana kp̄a a Néa le d̄o. ²⁷ À yákpatekena gb̄ana kp̄aa d̄o, k̄u à de Bisāsiri Né ù yāi. ²⁸ Àsun tó abirek̄u bo á sarero, zaakū ḡoɔke tɛn su k̄u ḡɛ k̄u ò kú mira ḡun̄nɔ ni a kòto ma ²⁹ ò b̄ote ñ p̄inki. Yāmanakerinɔ ni vu ò ḡɛ wèndii ḡun, yāvānikerinɔ s̄s̄ yāvutemmanaa ḡun. ³⁰ Madì f̄s̄ mà yāke ke k̄u ma z̄ida gb̄anaoro. Madì yákpate ke lákū à òmɛnɛ n̄ame, madì yákpate ke a z̄éa, zaakū madì ma z̄ida p̄oyeina wetero, sé gb̄e k̄u à ma z̄i pi p̄s̄.

Yesu iko sèedadenɔ

³¹ Tó má de ma z̄ida sèedade ù, de ma yā náani v̄iro. ³² Sèedade p̄ande kun k̄u àdi ma yā o, má d̄s̄ k̄u ma yā k̄u àdi o náani v̄i. ³³ Bee ák̄õnɔ, a gb̄ɛnɔ z̄i Yahayaa, akū à yāpura oáre. ³⁴ Mádi mè kp̄a bisāsiri sèedakenaaaro, mateni abirek̄u oáre de à le à bo zia yāime. ³⁵ Yahaya de lán fitila k̄u à nana àtɛn gupura k̄u bà, akū a we à p̄onna kè a gupurai ḡoɔ pla. ³⁶ Yā k̄u De Luda d̄amɛnɛ mà kenɔ, k̄u maten ke p̄inɔ deáre sèeda ù, k̄u De Luda mé à ma z̄i. Ma sèedaa p̄i de Yahaya p̄ola. ³⁷ Ma De k̄u à ma z̄i ma yā ò d̄o. Ádi a kòto ma zikiro, ádi wé ke siik̄õ k̄aaoro, ³⁸ a yā dí vuteki le á sw̄ɛ ḡunlo, k̄u àtɛn gb̄e k̄u à a z̄i náani kero yāi. ³⁹ Adì mè kp̄a Luda yā kyókɛnaaa,

zaakū adīgō da gwen áni wèndi kū àdi lákaro len. Ma yān takada pì ten o sō, ⁴⁰ ama áten gí su ma kīnaai de à wèndii pìi le. ⁴¹ Maten sáabu wete bisásiri kīnaaro, ⁴² ama má á dō, má dō kū á ye Ludairo. ⁴³ Ma su kū ma De tōo, akū ádi ma síro. Tó gbē pānde sù kū a zīda tōo, áni a sí. ⁴⁴ Lákū adì sáabu wetekōa nà, ama adì sáabu wete Luda mèn do légelegea lero, áni ke dera à ma yā sí? ⁴⁵ Ásungō da makū mé mani gé kū á yāo ma De kīnaaro, Musa kū á wé dōi mé ani gé kū á yāo. ⁴⁶ Tó a Musa yā sì, de a ma yā sì se, zaakū ma yān à kē Luda yān. ⁴⁷ Kū ádi yā kū à kē Luda yānno síro, áni ke dera à ma yā sí?

6

Póblekpana gōgbē gbēnon dúbu sōoro
(Mat 14:13-21, Maa 6:30-44, Luk 9:10-17)

¹ Abire gbera Yesu bikū Galili sèbe kū òdi pi do Tiberia bara. ² Gbēno gō tēi dasidasi, kū ò a daboyāno è deran àten gyāreno werekōana yāi. ³ Akū Yesu dīdi à vùte sīsīi musu kū a ibanō. ⁴ Yudanō Vīnla dikpē kà kāni. ⁵ Kū Yesu wé sè musu, à è gbēno ten su a kīnaa dasidasi, akū à Filipi là à pì: Mákpan óni póble lún de gbēno blee? ⁶ À abirekū ò de à Filipi yō à gwa yāime, zaakū à dō lākū áni ke nà. ⁷ Akū Filipi wèa à pì: Andurufu ogo mèn wàa do burodii, bee tó ò è'è baadine fítifiti, ani móm̄maro. ⁸ A ibanō do Anduru, Simō Pita dakūna pīne: ⁹ Néggōgbē ke kú la, à burodi araga vī mèn sōoro kū kpò fitinnano mèn pla. Bón abirekū ni ke pari díkīnanone? ¹⁰ Yesu pi: À gbēno vutevute. Sēla di gu pìn, akū ò vùtevute. Gōgbēno kà gbēnon dúbu sōoro taka. ¹¹ Yesu burodii pīno sè à arubarikaa dân, akū à kpàatete gbē kū ò vutena pīno lākū ò yei nà. Len à kpòo kpām̄ma le do. ¹² Kū ò kà ó pínki, à pi a ibanone: À a kpara kū à gō sète pínki, de a ke sún ke páro. ¹³ Akū ò burodi mèn sōoro kū ò sōo pi kpara kū ò gōno sète tanko kuri awēpla pà. ¹⁴ Kū ò daboyā kū Yesu kēe pīi è ò pi: Gbē pī bi annabi kū àten su andunia gūmme yāpura. ¹⁵ Yesu dō kū ò ye ò su ò a kū ò a ká kīna ū kū gbānaome, akū à gōinne gwe à èra à dīdi sīsīi musu ado.

Yesu taa'ona sèbela
(Mat 14:22-27, Maa 6:45-52)

¹⁶ Kū oksi kē, a ibanō gēe sèbee bara. ¹⁷ Akū ò gē gó'ite gūn, òten bikū sèbee pīi bara dire Kapenamū kpa. Gu gīnake à sì Yesu dí ká n kīnaa kōro. ¹⁸ Zāga'ia gbāna kàka, akū í ten fute. ¹⁹ Kū a ibanō gó li ò kà kiloo sōoro ke suddo taka bà, akū ò Yesu è àten taa o íla, àten na n góí, akū vīna n kú. ²⁰ Akū à pīinne: Makūme, àsun tó vīna á kuro. ²¹ Ò wēne à gē gó gūn, akū gó pīi kà gu kū òten gén gōno.

Gbēno Yesu weteana

²² Kū gu dō pari kpé zena sèbee bara dire. Ò dō kū gó'ite kú gwe yā mèn dome, Yesu sō adi gē gó pīi gūn kū a ibanōro, ò tà ntēneme. ²³ Kū à kē saa gó'ite pādeno bō Tiberia, ò sù gu kū kāni kū gu kū ò burodii sōnwo, kū Dikiri sáabu kpà à làka. ²⁴ Kū pari pīi è àpii ke a ibanōn kú gwe doro, ò gē gó pīno gūn ò gēe a wete Kapenamū.

Yesume póble kú àdi n ká wèndiia ū

²⁵ Kū ò a è sèbee bara gwe, ò pīne: Rabi, n ka la bōree? ²⁶ Yesu pīinne: Yāpuran maten oáre, áteni ma wete burodi kú a sò a ká yāime, adi ke

daboyá kú a ènò yáinlo. ²⁷ Àsun zī ke póbble kú àdi láka yáiro, sé póbble kú àdi n̄ ká wèndi kú àdi lákaroa. Bisásiri Né mé ani á gba póbble pìi, zaakū àpiin De Luda a sèedaa kèa.

²⁸ Akū ò a là ò pì: Deran óni ke nà ò yā kú Luda ye ò ke kee? ²⁹ Yesu wèrma à pì: Yā kú Luda ye à ken dí: À gbē kú à a zī náani ke. ³⁰ Ò pìne: Daboyá kpaten ìni kewee, de ò le ò n náani kee? Yā kpaten ìni kee? ³¹ Ó dizinò mana blè gbárannan lākū ò kè Luda yān nà ò pì: A póbble kú à bò musu kpámma ò blè. ³² Akū Yesu pìinne: Yāpuran maten oáre, adi ke Musa mé à póbble kú à bò musu kpááwaro. Ma De mé àdi póbble yāpurade kú à bò musu kpááwa. ³³ Póbble kú Luda kpà pìin gbē kú à bò musu àdi wèndi kpá anduniaa ũ.

³⁴ Ò pìne: Mare, ñgō póbble bire taka kpáwá gōrō sīnda pínki. ³⁵ Akū Yesu pìinne: Makūme póbble kú àdi n̄ ká wèndiia ũ. Nà ni gbē kú à sù ma kīnaa dero, ími ni ma náanikeri de zikiro. ³⁶ Bee kú abireo lākū ma oáre nà, bee kú a ma e, ádi ma náani keero. ³⁷ Gbē kú ma De kpàma ni su ma kīnaa, mani pé gbē kú à sù ma kīnaa zikiro. ³⁸ Adi ke ma zīda poyenyīna yāin ma bo musu ma suro, gbē kú à ma zī pómē. ³⁹ Pó kú gbē kú à ma zī pì yein dí: Māsun tó gbē kú à kpàmanò ke sātero. À ye mà n̄ fute gōrō kpède zī. ⁴⁰ Zaakū pó kú ma De yein dí: Gbē kú à wé pè a Néa, akūsō àteni a náani ke gō wèndi kú àdi lákaro vī, má a vu gōrō kpède zī.

⁴¹ Akū Yuda gbānadenò zuka kài, kú à pì ákāame póbble kú à bò musu ũ yāi. ⁴² Ò pì: Gbē pì bi Yesu Yusufu nēnloo? Ó a de kú a dao dō bi! Akū àten pi a bo musume. ⁴³ Yesu pìinne: Àsun zuka káro. ⁴⁴ Gbēke ni fō à su ma kīnaaro, tó adi ke ma De kú à ma zī a sisi baasiro, mani a fute gōrō kpède zī. ⁴⁵ À kēna annabinò takada gūn ò pì: Luda mé ani yā da baadine. Gbē kú à De Luda yā mà, akūsō à a yā dà, àkū mé àdi su ma kīnaa. ⁴⁶ Adi ke gbēke De Luda è kú wéonlo. Gbē kú à bò a kīnaa mé à a è ado. ⁴⁷ Yāpuran maten oáre, ma náanikeri wèndi kú àdi lákaro vī. ⁴⁸ Makūme póbble kú àdi n̄ ká wèndiia ũ. ⁴⁹ Á dizinò mana blè gbárannan, bee kú abireo ò gāga. ⁵⁰ Póbble kú àdi bo musu sō, tó gbē blè, ani garo. ⁵¹ Makūme póbble wèndide kú à bò musu pì ũ. Tó gbē adi blè, anigō kun gōrō sīnda pínki. Póbble kú mani kpámame ma mēbaasi ũ, de andunia gō wèndi vī yāi.

⁵² Akū gbānade pìnò ten lékpakōa ke kú kōo ò pì: Gbē pì ni fō à a mēbaasi kpáwá ò sòn yá? ⁵³ Akū Yesu pìinne: Yāpuran maten oáre, tó ádi Bisásiri Né mēbaasi só a a aru mīro, anigō wèndi vīro. ⁵⁴ Gbē kú àdi ma mēbaasi só à ma aru mi wèndi kú àdi lákaro vī. Makū mé mani a fute gōrō kpède zī. ⁵⁵ Zaakū ma mēbaasi bi póbble yāpurame, ma aru bi pómīna yāpurame. ⁵⁶ Gbē kú àdi ma mēbaasi só à ma aru mi kú ma gūn, makū sō má kú a gūn. ⁵⁷ Lākū De Luda Wèndide ma zī, akūsō má kun a yāi nà, len gbē kú àdi ma mēbaasi só nigō kun ma yāi ē. ⁵⁸ Póbble kú à bò musun gwe. À de lán póbble kú á dizinò blè ò gā bāro. Póbble bire blèri nigō kun gōrō sīnda pínkime. ⁵⁹ Yesu yā bireno ò gōrō kú àten yā dañe Kapenamu aduakekpeemme.

Yesu iba kenò borukpenaa

⁶⁰ Kú a ìbanò yā pìi mà, n̄ gbē dasidenò pì: Yā gbāname, dí mé ani abirekū fō? ⁶¹ Yesu dō a swèe gūn kú a ìbanò ten zuka ká yā pìi musu, akū à pìinne: Yā pì teni á fu yá? ⁶² Tó a è Bisásiri Né fute àten tá gu kú a kun yā sō bi? ⁶³ Luda Nini mé àdi wèndi kpámma, mēbaasi bi pōkenlo. Yā kú ma

òárenome Luda Nini kù àdi n̄ ká wèndiia yā ũ. ⁶⁴ Ama á gbēkeno teni ma náani kero. Zaakū Yesu gbē kù òteni a náani keron d̄s zaa káaku kù gbē kù ani a kpámmao. ⁶⁵ Akū à pì d̄o: Abire yáin ma òáre, gbēke ni f̄o à su ma kīnaaro, s̄eto De Luda a gbà zé.

⁶⁶ Zaa ḡoro birea a iba ken̄o b̄oru k̄p̄eo dasidasi, òdi téi dor̄o. ⁶⁷ Akū Yesu a iba gbēnon kuri awēplan̄o là à pi: Á ye à tá sen yá? ⁶⁸ Sim̄o Pita w̄ea à pi: Dikiri, dí kīnaan óni génn̄? N̄ wèndi kù àdi lákaro yā v̄i. ⁶⁹ O n náani k̄e, o d̄s kù Luda gbē kù à kú adoname n ũ. ⁷⁰ Yesu p̄in̄ne: Á gbēnon kuri awēpla d̄in̄on ma s̄eroo? Bee kù abireo á gbē m̄en do bi ibilisiime. ⁷¹ Yudasi, Sim̄o Isikarioti n̄én à téa. Ákūme gbēnon kuri awēpla p̄in̄o doke kù ani a kpámma ũ.

7

Yesu kù a dakūnan̄o

¹ Abire gbera Yesu ḡe Galili w̄ete kù w̄eteo, zaakū à ye à kure Yudearo, kù Yuda gbānaden̄o teni a wete ò a de yāi. ² Yudan̄o Kutad̄ona dikpe kà k̄ani, ³ akū a dakūnan̄o p̄in̄e: N̄ fute la n̄ gé Yudea, de n̄ iba kù ò kú gweno yā kù n̄ten ken̄o e se. ⁴ Tó gbē ye à t̄o bo, àdi a yāno ke utenaro. Lákū n̄ten yā d̄in̄o taka ke nà, n̄ n̄ z̄ida m̄o anduniane. ⁵ Bee a dakūna p̄in̄o dí a náani kero. ⁶ Akū Yesu p̄in̄ne: A ḡoro dí kámen̄e k̄oro. Ák̄on̄o s̄o á zé v̄i ḡoro s̄inda p̄inki. ⁷ Andunia ni we à z̄águro, ama à z̄amagu kù mad̄i pi a yák̄ena v̄ani yāi. ⁸ À gé dikpekekia, maten géro, zaakū a ḡoro dí kámen̄e k̄oro. ⁹ Kù à yā p̄i ò, akū à ḡo Galili.

Yesu ḡena Kutad̄ona dikpe

¹⁰ Kù a dakūna p̄in̄o ḡe dikpekekia, gbasa à ḡe. Adi gé gbēno w̄araro, à ḡe asiri ḡumme. ¹¹ Yuda gbānaden̄o teni a wete dikpekekia ò pi: Àpi kú máa? ¹² Pari ḡun̄ òten yā o kp̄an̄ikp̄ani a musu manamana. Gbēkeno p̄i: Gbē maname. Gbēkeno p̄i: Oi, àten gbēno s̄ateme. ¹³ Gbēke dí a yā o gupuraaro, kù òten v̄ina ke gbānade p̄in̄one yāi.

¹⁴ Kù dikpe kà a dagura, Yesu ḡe Luda on̄n, àten yā dañne. ¹⁵ A yā b̄o gbānade p̄in̄o sare ò pi: Gbē kù adi kyó kero mé à takada d̄s le yá? ¹⁶ Akū Yesu p̄in̄ne: Yā kù mad̄i dañne bi ma z̄ida yānlo, gbē kù à ma z̄i yāme. ¹⁷ Gbē kù à ye à ze kù Luda p̄yenȳinakenaao niḡo d̄s tó ma yādanna de Luda p̄o ũ, kes̄o ma z̄ida yān maten o. ¹⁸ Gbē kù àdi a z̄ida yā o ten wete à t̄o bome. Gbē kù àdi wete à gbē kù à a z̄i t̄o bo náani v̄i, manafiki kú a ḡunlo. ¹⁹ Musa dí doka daáreroo? Á gbēke yā p̄i kūna s̄oro. B̄oyāi àten wete à ma dee?

²⁰ Akū gbēno p̄in̄e: N̄ t̄ana v̄ime. Dí mé àten wete à n̄ dee? ²¹ Yesu p̄in̄ne: Daboyā m̄en don ma k̄e, akū à b̄o á p̄inki sare. ²² Musa t̄z̄yā dàare, akū adi t̄z̄ z̄ kámmaboḡoro z̄i. Ase adi ke Musa kīnaan à n̄anlo, à b̄o á dizi káakun̄o kīnaame. ²³ Lákū òdi t̄z̄ z̄ n̄éne kámmaboḡoro z̄i nà de òsun bo Musa doka k̄p̄ero yāi, à k̄e dera á p̄o f̄enamai, kù ma gbē gbà aafia swáswa kámmaboḡoro z̄i? ²⁴ Àsun yā gwa lákū á wé ten e n̄aro. À yā gwa a zéa.

K̄ek̄ek̄ana Yesu yāi

²⁵ Akū Yurusalemuden̄o p̄i: Gbē p̄i bi gbē kù òteni a wete ò a denloo? ²⁶ À gwa, àten yā o gupuraa, akū gbēke dí yā liaro. Gbānaden̄o a d̄s Arumasihu ũ yāpuran yá? ²⁷ Ó d̄s gu kù gbē dí b̄on. Tó Arumasihu s̄u, oniḡo d̄s gu kù

à bònlo. ²⁸ Abire yāi gɔɔ kŭ Yesu ten yā dañne Luda onn, à pùtā à pì: Á ma dŕ, akŭsŕ á dŕ gu kŭ ma bon. Ase mádi su kŭ ma zīdaoro. Gbē kŭ à ma zī bi yāpurademē, akŭ á a dŕo. ²⁹ Má a dŕ, zaakŭ ma bo a kīnaame, àkŭ mé à ma zī.

³⁰ Akŭ òteni a wete ò a kŭ, ama gbēke dí ɔ naaro, zaakŭ a gɔɔ dí papa kòro. ³¹ Zàa gŭn ò Yesu náani kè dasi ò pì: Tó Arumasihu sù, ani daboyā ke dasi de a kŭ gbē dí kèlan yá?

Dogarinɔ zīna ò Yesu kŭ

³² Kŭ Farisinɔ mà òten yā o kpānikpāni zàa gŭn a yā musu, akŭ sa'orikinɔ kŭ Farisi pìnɔ dogarinɔ zī ò a kŭ. ³³ Akŭ Yesu pì: Ma kunna kááo gŕ fíti, mani gbasa mà tá gbē kŭ à ma zī kīnaa. ³⁴ Áni ma wete à kuramai, zaakŭ áni fŕ à gé gu kŭ má kunlo.

³⁵ Akŭ gbānade pìnɔ ten kŕ lala: Mán à ye à gén kŭ óni kuraii? À ye à gé ó gbē kŭ ò fákŕa Giriki bŭsunɔ gŭn kīnaa de à yā da Giriki pìnɔnen yá? ³⁶ Yā kŭ à òo pì mì de derameē? Kŭ à pì óni a wete ò kuraai akŭsŕ gu kŭ á kun óni fŕ ò gé gwero.

Í kŭ àdi ní ká wèndiia

³⁷ Dikpe gɔɔ kpede zŕkŕ zī Yesu fùte à pùtā à pì: Gbē kŭ ími teni a de à mŕ ma kīnaa à í mi, ³⁸ gbē kŭ àteni ma náani ke sŕ, í kŭ àdi ní ká wèndiia nigŕ bàa lé zaa a nèsee gŭn lákŭ ò kè Luda yān nà. ³⁹ À yā dí ò Luda Nini kŭ gbē kŭ òteni a náani kenɔ ni sí yā musumē. Ò Luda Nini pì vī gīaro, kŭ Yesu dí gīnake à tŕ bo kòro yāi.

Gbēnɔ kèkèkŕana Yesu yāi

⁴⁰ Kŭ gbēnɔ yā pìi mà, gbēkenɔ pì: Gbē díkīna bi annabii pīime yāpura. ⁴¹ Gbēkenɔ pì: Gbē díkīna bi Arumasihumē. Ama gbēkenɔ pì: Arumasihu ni bo Galili sŕ yá? ⁴² Ò kè Luda yān ò pì, Arumasihu bi Dauda burime, ani bo Dauda be wēte Betilihamumē. ⁴³ Akŭ gbēnɔ kèkèkŕa Yesu yāi. ⁴⁴ N gbēkenɔ ye ò a kŭ, ama gbēke dí ɔ naaro.

Yuda gbānadenɔ di Yesu náani kero

⁴⁵ Akŭ dogarinɔ èra ò tà sa'orikinɔa kŭ Farisinɔ. Akŭ ò ní lá ò pì: Bŕyāi ádi a kŭ a su káaoroo? ⁴⁶ Dogari pìnɔ wémma ò pì: Gbēke dí yā o lán gbē díkīna bà zikiro. ⁴⁷ Akŭ Farisinɔ pínne: À á likara sen yá? ⁴⁸ Gbānade ke Farisi ke a náani kèn yá? ⁴⁹ Pari bire Luda yā dŕo, Luda lé kèrñemē. ⁵⁰ Nikodemu kŭ à gèe Yesu kīnaa yā bi gbānade pìnɔ dokemē. À pínne: ⁵¹ Ó doka gŭn ò pì, òsun yā da gbēla a yā manaa sariri ke yā kŭ à kè dŕnaa sariri. ⁵² Ò pìnne: Galili gbēmē n ũ se yá? N tāsai ká n gwa. Íni e kŭ annabi ke di bo Galiliro. ⁵³ Akŭ baadi tà a bea.

8

Nɔgbē kŭ ò kŭ zinakenaa gŭn

¹ Yesu gèe Kùkpe sŕsŕgerēēi. ² Kŭ gu dŕ gŕnɔ, à èra à gèe Luda onn. Gbē sīnda pínki sù a kīnaa, akŭ à vùte àten yā dañne. ³ Akŭ ludayādannerinɔ kŭ Farisinɔ sù a kīnaa kŭ nɔgbē kŭ ò kŭ zinakenaa gŭn, ò a zè zàa gŭn ⁴ ò pì Yesunē: Danneri, ò nɔgbē díkīna kŭ kŭ gŕposeo wedewe. ⁵ Ó doka gŭn Musa dìte ò nɔgbē dí taka pápa kŭ gbēeo ò a demē. N è dera sŕo? ⁶ Ò abirekŭ ò de ò a yŕ ò gwa ò le ò yā daala yāime. Akŭ Yesu nàte àten ɔgbē kè zītea.

7 Kū ò kpé òteni a lala, akū à a miì sè lei à piñne: Á gbē kū adi durunna ke zikiro a pá kū gbèeo káaku. 8 Akū à èra à nàte àten ɔgbē kē zītea dɔ. 9 Kū ò mà le, akū ò fàkōa dodo sena zaa gbē zōkōnɔa. Akū ò Yesu tò ado kū nɔgbē p̄iio. 10 Akū à èra à a miì sè lei à pine: Nɔgbē, ò tà máa? Odi yá danla doroo? 11 Nɔgbē p̄ii wèa à pi: Baa, í gbēke kú la doro. Akū Yesu pine: Makū se, mani yá danlaro. Ñ gé. Zaa gbāra ñsun durunna ke doro.

Yesume gupura ũ anduniane

12 Akū Yesu yā ò gbēnɔne dɔ à pi: Makūme gupura ũ anduniane, gbē kū à témai nigō kú gusiran doro, gupura kū àdi í ká wèndiian ade nigō vī.

13 Akū Farisinɔ pine: Ñ de n zīda sèedade ũ, n yā náani vīro. 14 Akū Yesu wèmma à pi: Bee tó mateni ma zīda yá o, ma yā náani vī, zaakū má dō gu kū ma bon kū gu kū maten tánwo. Ákōnɔ sō, á gu kū ma bon kū gu kū maten tánwo dōro. 15 Áteni ma taari e bisásirikemme. Mádi gbēke taari e sōro. 16 Tó ma gbē taari è sō, taari'ena p̄ii nigō náani vī, zaakū má kú madoro, ma De kū à ma zī kú kúmao. 17 Á kú á doka takadan ò pi, sèedade gbēnɔn planɔ yā mé à náani vī. 18 Makūme ma zīda sèedade ũ. Ma De kū à ma zī bi ma sèedademe dɔ.

19 Akū ò a là ò pi: N de kú máa? Yesu wèmma à pi: Á ma dōro, akūsó á ma De dōro. Tó a ma dō, de a ma De dō. 20 Yesu yā bire ò ɔgodakia, gɔrɔ kū àten yā dañne Luda ɔn gūmme. Odi a kūrɔ, zaakū a gɔrɔ dí papa kōro.

Áni f̄s à gé gu kū maten tánlo

21 Akū Yesu piñne dɔ: Maten tá, áni ma wete, ama áni ga á durunna gūmme. Áni f̄s à gé gu kū maten tánlo. 22 Akū gbānade pinɔ pi: À pi óni f̄s ò gé gu kū áten tánlo. Ani a zīda den yá? 23 Akū Yesu piñne: Zīte la gbēnɔn á ũ, musu gbēn ma ũ. Andunia díkīna gbēnɔn á ũ, andunia díkīna gbēn ma ũro. 24 Abire yāin ma piáre áni ga á durunna gūmme. Tó ádi sí kú makūme gbē kū má de a ũ ũro, áni ga á durunna gūmme.

25 Akū ò a là ò pi: Díme n ũu? Yesu wèmma à pi: Gbē kū ma òáre zaa káakun ma ũ. 26 Má yā vī dasi mà o á musu mà yā daoála. Gbē kū à ma zī bi yāpurademe, yā kū ma mà a kīnaan madì o anduniane.

27 Odi dō kū De Ludan à téaro, 28 akū Yesu piñne: Tó a Bisásiri Né sè a dō musu, gbasa à dō kū makūme gbē kū má de a ũ ũ. Madì yáke ke kū ma zīdaoro, yā kū ma De dàmenen madì o. 29 Gbē kū à ma zī kú kúmao, adi ma tó madoro, zaakū madigō yā kū àdi káagu ke gɔrɔ sīnda pínki. 30 Gɔrɔ kū Yesu ten yā pinɔ o, ò a náani kē dasi.

Zīdadeno kū zònɔ

31 Akū Yesu pi Yuda gbānade kū ò a yā sinɔne: Tó á ma yā kūna, áni gō de ma íbanɔ ũ yāpura. 32 Áni gō yāpura dō, yāpura pi ni tó à gō á zīda vī.

33 Akū ò pine: Ibrahī burin ó ũ, ódi zò ble gbēkene zikiro. Akū nten pi óni gō ó zīda vī yá? 34 Yesu wèmma à pi: Yāpura maten oáre, gbē kū àdi durunna ke bi durunna zòme. 35 Zò kun ɔn gbē ũ gɔrɔ sīnda pínki, ɔn né mé à ɔn gbē ũ gɔrɔ sīnda pínki. 36 Tó Luda Né á bo zòbblenan, áni gō á zīda vī yāpura. 37 Má dō kū Ibrahī burin á ũ, ama áteni ma wete à ma de kū ma yā kú á nèsee gūnlo yāi. 38 Yā kū ma è ma De kīnaan maten o, yā kū a mà á de kīnaan áten ke.

39 Akū ò pine: Ibrahīme ó de ũ. Akū Yesu piñne: Tó Ibrahī nénɔn á ũ, de a Ibrahī dà sète. 40 Tera sà áten wete à ma de, makū kū ma yāpura kū

ma mà Luda kīnaa oáre. Ibrahī dí yā bire taka kero. ⁴¹ Áteni á de yákena keme. Akū ò pìne: Nò yìgisaride nénon ó ũro. De mèn don ó vī, àkūme Luda ũ. ⁴² Yesu pìñe: Tó á den Luda ũ, de á yemai, zaakū Luda kīnaan ma bon ma su. Mádi su kū ma zīdaoro, àkū mé à ma zī. ⁴³ À kè dera ádi ma yā dōro dōroo? Kū adì fō à ma yā dōro dōro yāime. ⁴⁴ Á de Ibilisi pón á ũ, a poyeinaan á ye à ke. Gbēderiin a ũ zaa káaku, àdi ze kū yāpuraoro, kū yāpura kú a nēsee gūnlo yāi. Tó à éke tò, a zīda dāan gwe, zaakū ékeden a ũ, éke mīime. ⁴⁵ Makū sō, madì yāpura o. Abire yāi adì ma yā síro. ⁴⁶ Á té, dí mé ani pi ma durunna kēe? Kū yāpuraan maten o, à kè dera áteni ma yā síroo? ⁴⁷ Gbē kū à de Luda pò ũ di yā kū Luda ten o mame. Á de Luda pò ũro, abire yāin adì we ma yāiro.

Yesu dena Ibrahīla

⁴⁸ Akū gbānade pìno pìne: Samaria gbēme n ũ! Ní tāna vīme! Ke yāpuraanlo? ⁴⁹ Akū Yesu pì: Má tāna vīro. Madì bēere li ma Dene, ama adì ma kpe bo. ⁵⁰ Madì wete mà a zīda tó boro, gbēke mé àdi wete mēne, àkūme yāgōgōri ũ. ⁵¹ Yāpuraan maten oáre, gbē kū àdi dō ma yāi ni ga zikiro.

⁵² Akū gbānade pìno pìne: Ó dō sà kū ní tāna vī. Ibrahī gà kū annabinò pínki, akū nten pi gbē kū àdi dō n yāi ni ga zikiro yá? ⁵³ Ní de ó dizi Ibrahī kū à gālan yá? Annabinò gāga dō. Dín nteni n zīda sé a ũu? ⁵⁴ Akū Yesu pì: Tó mateni ma zīda tó bome, abirekū bēere vīro. Ma De kū áten pi à de á Luda ũ, àkū mé àdi ma tó bo. ⁵⁵ Á a dōro, ama má a dō. Tó ma pì má a dōro, manigō de ékede ũ lán á bàme. Má a dō, akū má a yā kūna. ⁵⁶ Á dizi káaku Ibrahī ponna kè ma goro ena yā musu. À è, akū a pò kè nna.

⁵⁷ Akū gbānade pìno pìne: Ndi ká wè bupla akuri kōro, akū n Ibrahī è yá? ⁵⁸ Yesu pìñe: Yāpuraan maten oáre, de odi Ibrahī i kōro, má kun. ⁵⁹ Akū ò gbēe sète de ò a pápao. Akū a a zīda ùte à bò Luda onn.

9

Gōgbē kú ò ì vīna ũ werekōanaa

¹ Kū Yesu ten kure, à gōgbē kú ò ì vīna ũ è. ² Akū a ibanò a là ò pì: Rabi, dí durunna yāin ò gbē pìi ì vīna ũu? A zīda pò yāin yá, ke a de kū a dao pómme? ³ Yesu wèmma à pì: Adì ke àpii ke a de kū a dao durunna yāinlo. De ò Luda yákēna ea yāime. ⁴ Séde ò gbē kú à ma zī zī ke zaa gupuraa. Gusira ten su kū gbēke ni zī ke le à ke doro. ⁵ Goro kū má kú andunia gūn, má de gupura ũ anduniane.

⁶ Kū à ò le, à lé'i tò zīte, akū à yàkate à màma a wēnoa. ⁷ À pìne: Ní gé n ān pìpi Siloamu í gūn. Tó pìi pì, í gbarēna. Akū à gèe à ānn pìpi, akū à sù kū wéo wēna. ⁸ A fārandidenò kū gbē kú ò a dō barakeri ũno pì: Gbē kú àdigō bara ke vutēnaa pìin gweroo? ⁹ Gbēkenò pì: Àkūme. Gbēkenò pì: Oi, ade bōkōaome. Gōgbē pìi pì: Makūme! ¹⁰ Akū ò a là ò pì: À kè dera n wé wēe? ¹¹ À wèmma à pì: Gbē kú òdi pìne Yesu mé à bùsuu yàkate à màma ma wéa, à pì mà gé ān pìpi Siloamu í gūn. Kū ma gē ma ānn pìpi, akū ma gu è. ¹² Akū ò a là ò pì: Àpi kú máa? À pì: Má dōro.

Farisinò yālalana gbē kú à de vīna ũ yāa

¹³ Akū ò gèe Farisinò kīnaa kū gbē kú à de vīna ũ yā pìo. ¹⁴ Akūsō kāmabogoro zīn Yesu bùsuu yàkate à a wé wēone. ¹⁵ Akū Farisinò a là dō:

Deran n kè nà n gu èe? À wèrma à pì: À bɔkɔɔ mà ma wéame. Kū ma pìpi, akū ma gu è. ¹⁶ Akū Farisi kenɔ pì: Gbē pì dí bo Luda kīnaanlo, zaakū àdi kámmabogɔɔ zī yā daro. Ní gbēkenɔ pì: Durunnakeri ni f̄s̄ à daboyā bireno taka ke yá? Akū ò kèkèk̄s̄a. ¹⁷ Akū ò a là dɔ: Mɔk̄s̄n s̄s̄, gbē kū à n wé wènne, nteni a yā da deramee? À pì: Annabiime. ¹⁸ Bee kū abireo gbānadenɔ dí sí kū vīnaan a ū gbas̄a a wé wēro, akū ò gēè ò a de kū a daoo s̄isi. ¹⁹ Ò n lá ò pì: Á nén dí yá? A a i vīna ūn yá? À kè dera àten gu e s̄aa? ²⁰ Akū a de kū a dao wèrma ò pì: Ó d̄s̄ kū ó nème. O a i vīna ūme. ²¹ Ama lākū à kè nà àten gu e s̄a, ke gbē kū à a wé wènne, ó d̄s̄ro. À a la gwe. Gbē ūnd̄s̄naame, ani f̄s̄ à a zida yā o. ²² A de kū a dao ò le, kū òten vīna ke gbānadenɔne yāime. Zaakū ò zèò kū gbē kū à pì Yesu bi Arumasihume, ò aduakekpe zé z̄s̄ne. ²³ Abire yāin a de kū a daoo pì, gbē ūnd̄s̄naame, ò a la.

²⁴ Gbē kū à de vīna ū yā pì s̄isina ḡèn plade ḡūnn ò p̄ine: N̄ yāpura o Luda yāi. Ó d̄s̄ kū ḡs̄gbē pì bi durunnakeriime. ²⁵ Akū à pì: Tó durunnakeriime, má d̄s̄ro. Yā mèn don má d̄s̄. Vīnaan ma ū yā, akū maten gu e s̄a. ²⁶ Akū ò a là ò pì: B̄s̄n à kènnēe? Deran à kè nà à n wé wènne? ²⁷ À wèrma à pì: Ma óare k̄ò, ádi s̄á kpáro. B̄s̄ á ye à ma d̄ɔɔ? Á ye à ḡs̄ a ibanɔ ū sen yá? ²⁸ Akū ò zuka kài ò pì: Mɔk̄s̄mme n̄ de a iba ū gwe! Ók̄s̄n s̄s̄ Musa ibanɔn ó ū. ²⁹ Ó d̄s̄ kū Luda yā ò kū Musao. Àkū s̄s̄, ó d̄s̄ gu kū à bònlo. ³⁰ Akū ḡs̄gbē p̄i p̄inne: À yābonsare ma gwe! À ma wé wèmene, akū á d̄s̄ gu kū à bònlo yá? ³¹ Ó d̄s̄ kū Luda di s̄á kpá durunnakerinɔ yāiro, àdi s̄á kpá a yāmari kū òdi a p̄yenyīna kenɔ yāime. ³² Zaa lākū Luda andunia kàte nà, odi ma gbēke gbē kū wà a i vīna ū wé wènne zikiro. ³³ Tó adi ke gbē p̄i bò Luda kīnaaro, ani f̄s̄ à p̄oke kero. ³⁴ Akū ò p̄ine: Ò n i durunna ḡūn māmamme, akū nten yā dawere yá? Akū ò p̄ea.

Ludad̄nasari bi vīnakūnaame

³⁵ Yesu mà kū ò p̄ea. Kū à a là, à a là à pì: Nten Bisāsiri Né náani ke yá? ³⁶ Ḡs̄gbē p̄i wèa à pì: Mare, d̄in a ū de mà le mà a náani kee? ³⁷ Yesu p̄ine: N a è, akū mé àten yā o k̄ūnwo. ³⁸ Akū ḡs̄gbē p̄i p̄ine: Dikiri, mateni n náani ke. Akū à donyī k̄ene. ³⁹ Akū Yesu pì: Gbēnɔ k̄ek̄ek̄s̄ana yāin ma su andunia ḡūn la, de wésiradenɔ wé k̄e, wék̄erinɔ ḡs̄ wésiradenɔ ū.

⁴⁰ Farisi kenɔ kú gwe. Kū ò yā p̄i mà, ò p̄ine: Ók̄s̄n, vīnanɔn ó ū se yá? ⁴¹ Akū Yesu p̄inne: Tó vīnanɔn á ū, de á durunna vīro. Ama kū àten p̄i á wé k̄ena yāi, á durunna kpé kú k̄áome.

10

Yalek̄s̄ana kú sadariio

¹ Yāpuran maten óare, gbē kū àdi ḡe s̄á karalenlo ama àdi vl̄e karala gu pānden, ade bi kpānime, kpāni wédeweme. ² Gbē kū àdi ḡe karalen s̄s̄, aden sādari ū. ³ Kara dāk̄p̄arii di zé wē adene, s̄anɔ s̄s̄ ò a kòto d̄s̄. Àdi a s̄anɔ s̄isi n̄ baadi t̄s̄a à b̄ote k̄ūnwo. ⁴ Tó à b̄ote k̄ūnwo, àdi doñne are òdiḡo t̄ei kū ò a kòto d̄s̄ yāi. ⁵ Òdi we ò té gbē pāndei. Òdi bàa léne kū ò gbē pānde kòto d̄s̄ro yāi. ⁶ Yesu yā p̄i l̄ek̄s̄aíne, akū odi d̄s̄ tó b̄o yān àten oñnero.

Yesu bi sādari maname

⁷ Abire yāi Yesu era à p̄inne: Yāpuran maten óare, makūme karale ū s̄anɔne. ⁸ Gbē kū ò d̄omene arenɔ bi kpāninome, kpāni wédewenome n̄

pínki, akū sãno dí n̄ yã maro. ⁹ Makūme karale ũ. Gbẽ kũ à gè ma gũn ni aafia le. Anigõ gẽ àgõ bo ani pòbleki le. ¹⁰ Kpãni'ona yãin kpãni di su àdi pò de àdi pò kakate. Ma sume, de gbẽno gõ wèndi v̄i ògõ v̄i papana. ¹¹ Makūme sādāri mana ũ. Sādāri mana di gí a wèndiii a sãno yāi. ¹² Zamalinga bi sādāri mananlo. Kū sãno de a pò ũro yāi, tó à è lewanna ten su, àdi sãno tón à bàa léme, akū lewanna di sí sãno té à n̄ fákõa. ¹³ Gbẽ p̄i bàkaa òigõ kú kũ sãnooro, kũ à de zamalinga ũ yāi. ¹⁴ Makūme sādāri mana ũ. Má a sãno dõ, ma sãno sõ ò ma dõ, ¹⁵ lákũ De Luda ma dõ akūsõ má a dõ nà. Maten gi ma wèndiii n̄ yāi. ¹⁶ Má sã pāndenõ v̄i kũ ò kú kara dí gũnlo. Séde mà su kũwo se. Oni ma kòto ma, kpàsa ni gõ mèn do kũ dàriio mèn do. De Luda yemai ¹⁷ kũ maten gi ma wèndiii yāi, de mà era mà sí dõ. ¹⁸ Gbẽke ni ma wèndi símaro, mani gí kũ ma zīdaome. Má a giina zé v̄i, má a sina zé v̄i dõ. Yã kũ ma De d̄itemen̄en̄ gwe.

¹⁹ Yã p̄i yāi Yuda gbānadenõ kèkèkõa dõ. ²⁰ N̄ té gbẽno p̄i dasi: À tãna v̄ime, a m̄i lit̄e. Bóyāin àten sã kpá a yāii? ²¹ N̄ gbẽkenõ p̄i: Tānade yã'onaan gwero. Tãna ni f̄s à v̄ina wé wé yá?

Yesu a ludakena onnena

²² Luda kpé sakena dikpe kà zaa Yurusalemu. Bunsire gūmme, ²³ akū Yesu ten kure Luda onn, zaa gu kũ òdi pi Sulemanu edan. ²⁴ Akū Yuda gbānadenõ likai, ò a là ò p̄i: Ìni ó tó lokona ari b̄ore? Tó Arumasihume n ũ, n̄ owere swáswa. ²⁵ Akū Yesu wèmma à p̄i: Ma òare, ádi síro. Yã kũ maten ke kũ ma De t̄soo pinõn a sèeda ũ. ²⁶ Ákõno s̄s ádi síro, kũ á de ma sãno ũro yāime. ²⁷ Ma sãno di ma kòto ma. Má n̄ dõ, akū òdigõ témai. ²⁸ Madì wèndi kũ àdi láraro kpám̄ma, oni ga zikiro. Gbẽke ni f̄s à n̄ bo ma ōiro. ²⁹ Ma De kũ à n̄ kpáma de gbẽ s̄inda pínkila. Gbẽke ni f̄s à n̄ bo a ōiro. ³⁰ Makū kũ ma Deo ó dokõn̄ome.

³¹ Gbānade pinõ gbèe sèse dõ de ò a pápao ò a de. ³² Akū Yesu p̄inne: Ma yã mana kũ ma De d̄amenenõ kèare dasi. Yã mana kpate yāime á ye à ma pápa kũ gbèeoo? ³³ Akū gbānade pinõ wèa ò p̄i: Ó ye ò n̄ pápa kũ gbèeoo yã mana kũ n̄ kè yāinlo. Kũ n̄ dokè kũ Ludao yāime. Bisásirime n ũ, akū n̄ n̄ zīda sè Luda ũ. ³⁴ Akū Yesu wèmma à p̄i: Luda ò á doka takadan à p̄i Ludanõme n̄ ũ. ³⁵ Luda dí gbẽ kũ àten yã ōñne pinõ sísi ludanõroo? A yã gogona v̄i s̄oro. ³⁶ Makū kũ ma De ma d̄ite adona à ma zī andunia gũn s̄s, kũ ma p̄i Luda Nén ma ũ, bóyāi a p̄i ma dokè kũ Ludao? ³⁷ Tó mateni ma De yākera kero, àsun ma yã síro. ³⁸ Tó maten ke s̄s, bee tó ádi ma yã síro, à ma náani ke ma yākenanõ yāi, de àgõ dõ sãnsãn kũ De Luda kú ma gũn, akū má kú a gũn s̄s. ³⁹ Akū ò era òten zé wete ò a kũ, akū à p̄it̄im̄ma.

⁴⁰ Akū à era à gèe Yoda bara dire, gu kũ Yahaya gbẽno da'ite kèn káaku. À goro pla kè gwe, ⁴¹ akū ò sù a k̄inaa dasidasi ò p̄i: Bee kũ Yahaya dí daboyã ke kero, yã kũ à ò gbẽ dík̄ina musu pínki bi yāpurame. ⁴² Akū wà a náani kè gwe dasi.

11

Lazaru ganaa

¹ Gbẽ kũ òdi pine Lazaru ten gyã ke zaa Betani wete kũ Mariama kũ a v̄ini Maatao kún. ² Mariamame n̄gbẽ kũ à n̄isi gb̄innade kũ Dikiri gbáa à gogo kũ a mikão ũ. ³ Akū Lazaru dāre pinõ lēgbázā kè Yesune ò p̄i: Dikiri, n̄ gbẽnna ten gyã ke. ⁴ Kũ Yesu yã p̄i mà à p̄i: Gyã p̄i ni láka kũ gaoro.

De Luda gakuri bo gupuraa yáime, de Luda Né s̄s̄ t̄s̄ bo a musu. ⁵ Yesu ye Maatai k̄u a dakūnao k̄u Lazaruo. ⁶ Kū à mà Lazaru ten gyā ke, akū à ḡs̄ gu k̄u à kun ḡia ḡoɾɔ pla. ⁷ Abire gberan à p̄i a ibanone: Ò era ò gé Yudea. ⁸ Akū a ibanɔ p̄ine: Rabi, gbānadenɔn ye ò n pápa k̄u gbèeo adi gi kero, akū n̄ ye ò era ò gé gwe dɔ yá? ⁹ Yesu p̄i: Fānantē do bi awa kuri awεεplanloo? Gbē k̄u àten kure fānantē di ḡè síro, k̄u àten gu e andunia díkīna gupurai yāi. ¹⁰ Tó àten kure gwāani, àdi ḡè sí k̄u à gupura p̄i v̄iro yāi.

¹¹ Yā p̄i onaa gbera Yesu p̄inne: Ó gbēnna Lazaru i òme. Mani gé mà a vu. ¹² Akū a ibanɔ p̄ine: Dikiri, tó àten i ome, ani aafia le. ¹³ Lazaru ga yān Yesu ten on̄ne, akū òten da i'onaame yāpura. ¹⁴ Akū Yesu òn̄ne swáswa sà à p̄i: Lazaru gāme. ¹⁵ Ma p̄o k̄è nna k̄u má kú gwero, de à le à ma náani ke yāi. Ò gé a kīnaa. ¹⁶ Akū Tomasi k̄u òdi pine Sika p̄i a gbēnne: Ò gé k̄u Dikirio ò ga ó p̄inki.

Yesume gbē k̄u àdi ḡenɔ vu à w̄endi kpámma ũ

¹⁷ Kū Yesu kà gwe, à sù à lè ò Lazaru v̄i à ḡinake à k̄è ḡoɾɔ siik̄s̄ k̄ò. ¹⁸ Betani kú k̄ani k̄u Yurusalemuo lán kiloo aak̄s̄ bà. ¹⁹ Yuda gbānadenɔ bò zaa gwe dasi ò sù Maata k̄u Mariamao kīnaa, de ò s̄uru kpámne n̄ dāḡs̄ ga yā musu. ²⁰ Kū Maata mà Yesu ten su, à bò à ḡèe daale, ama Mariama z̄è be. ²¹ Akū Maata p̄i Yesune: Dikiri, tó n̄ kú lame yā, de ma dāḡs̄ dí garo. ²² Bee tera má d̄s̄ kú yā kú n̄ gbēka Ludaa, ani kenne. ²³ Yesu p̄ine: N dāḡs̄ ni vu. ²⁴ Maata p̄ine: Má d̄s̄ kú ani vu z̄i kú ḡenɔ ni vu ḡoɾɔ kp̄ede z̄i. ²⁵ Yesu p̄ine: Makūme gbē k̄u àdi ḡenɔ vu à w̄endi kpámma ũ. Bee tó ma nāanikerii gā, aniḡs̄ kp̄é kumme. ²⁶ Gbē k̄u à kun, akū àteni ma náani ke ni ga zikiro. N abirekū si yá? ²⁷ Maata p̄ine: Ee, Dikiri, ma si k̄u Arumasihume n̄ ũ, Luda Né k̄u ò p̄i ani su andunia ḡun.

Yesu w̄é'i kàn

²⁸ Kū Maata ò le, akū à ḡèe à a dakūna Mariama sisi, akū à p̄ine asiri ḡun à p̄i: Danneri sù àteni n̄ gbeka. ²⁹ Kū Mariama yā p̄i mà, à f̄ute likalika àten gé a le. ³⁰ Yesu dí ḡinake à ḡé w̄ete ḡun k̄oro, à kp̄é kú gu k̄u Maata dàalen. ³¹ Gbānade p̄inɔn kú kp̄én k̄u Mariamao, òten s̄uru kp̄áne. Kū ò è à f̄ute likalika à bò, ò bò ò t̄èi, zaakū òten da àten gé s̄o d̄o miraame.

³² Kū Mariama kà gu k̄u Yesu kún, k̄u à a è, à k̄ute a gbá sar̄e à p̄ine: Dikiri, tó n̄ kú lame yā, de ma dāḡs̄ dí garo. ³³ Yesu è àten s̄o d̄o, akū gbānade k̄u ò kú k̄āao p̄inɔ ten s̄o d̄o d̄o. Akū à nèseyɔk̄o si a p̄o yāka. ³⁴ Akū à p̄i: A a v̄i máa? Ò w̄ea ò p̄i: Mare, n̄ m̄ó n̄ gwa. ³⁵ Yesu w̄é'i kàn. ³⁶ Akū gbānade p̄inɔ p̄i: À gwa lákū à yei nà. ³⁷ Akū n̄ gbēkenɔ p̄i: Àk̄aa k̄u à v̄ina w̄é w̄è, ani f̄s̄ à gi Lazarune àsun garoo?

Lazaru vunaa

³⁸ Kū Yesu ten gé mira p̄i kīnaa, akū à nèseyɔk̄o si d̄o. Mira p̄i bi gbèw̄εεeme, gbè gb̄entē t̄ataalé. ³⁹ Yesu p̄i: À gbèe p̄i go a léa. Akū gbē k̄u à ḡaa p̄i d̄are Maata p̄ine: Dikiri, àten gb̄i s̄s̄, zaakū à k̄è ḡoɾɔ siik̄s̄n dí. ⁴⁰ Yesu p̄ine: M̄adi on̄ne k̄u tó n̄ ma náani k̄è, ìni Luda gakuri eroo? ⁴¹ Kū ò gbèe p̄i gò, akū Yesu w̄é s̄è musu à p̄i: Baa, ma n̄ s̄áabu k̄è k̄u n̄ ma yā mà. ⁴² Má d̄s̄ kú ndiḡs̄ ma yā ma ḡoɾɔ s̄inda p̄inki, ama ma ò le pari k̄u ò kú lanɔ yáime, de ò le ò sí kú m̄ok̄omme n̄ ma z̄i. ⁴³ Kū à ò le, akū à p̄ut̄a k̄u k̄òto gbānao à p̄i: Lazaru, n̄ bo. ⁴⁴ Akū gbē k̄u à ḡaa p̄i bò, p̄óle fif̄ina a m̄èea, biza ȳina a m̄ia. Yesu p̄inne: À p̄o poroa à a gbare.

Lékpakúsuna Yesui

⁴⁵ Yuda gbánade kù ò sù Mariama kínaa pìno, kù ò yá kù Yesu kèe pìi è, ò a náani kè dasi. ⁴⁶ Ama n gbèkeno gèe Farisino kínaa, ò yá kù Yesu kèe gbáñne. ⁴⁷ Akù sa'orikino kù Farisi pìno gbánadenò sisi kòkakaranaaa ò pì: Gbè pì ten daboyá ke dasi, bó óten kèe? ⁴⁸ Tó o tò àten ke le, baadi ni a náani ke, Romudenò ni su ò ó Luda kpé kù ó burio kakate pínki. ⁴⁹ Akù Kayafa n gbè mèn do kù à de sa'oriki zòkò ù wè birea pìinne: Á yáke dōro. ⁵⁰ Á dō kù gbè mèn do gana ó pínki gēne ù mana de ó buri kakatenalaroo? ⁵¹ Adi yá pì o kù a zīda poyeinaaoro. Kù à de sa'oriki zòkò ù wè birea yáin à annabikéyá ò kù Yesu ni ga Yudanò gēne ù. ⁵² Adi ke Yudanò ntēnenlo, ari kù Luda né kù ò fākōananò dō, de à n ke mè dokōno ù. ⁵³ Zaa zī bīrean gbánade pìno zè kù Yesu denaa. ⁵⁴ Abire yá Yesu dí bo gupuraa n té dor. Akù à gèe lakutu kù à kù gbáranna sare kù òdi pi Eflaimu. À goro pla kè gwe kù a ibanò.

⁵⁵ Yudanò Vīnla dikpe kà kāni. Ò bò lakutunò gūn dasidasi, ò gèe Yurusalemu gbàbona yáin ari dikpe pì gé ká. ⁵⁶ Óten Yesu wete, ò zena Luda onn, òten kò lala òten pi: Áten da deramèe? Ani we à su dikpe dí ke yá? ⁵⁷ Sa'orikino kù Farisino dìte kù tó gbèke Yesu kúki dō, à oñne de ò le ò a kù.

12

Nísi gbī nna kuna Yesu gbáa

(Mat 26:6-13, Maa 14:3-9)

¹ Vīnla dikpe gò goro suddo, akù Yesu sù Betani, Lazaru kù à a vù bona gan wētea. ² Ò pòble kè Yesune gwe. Maata mé àten pòble kpaatete, Lazaru sō à kù pòblerino té kù Yesuo. ³ Akù Mariama nísi buri mana ogo de sè à sùo, à kù Yesu gbáa, akù à a gbá gogo kù a mikāo. Nísi gbī dàgula kpé pìi gūn. ⁴ Yesu ibanò doke Yudasí Isikarioti kù ani Yesu kpámma pì: ⁵ Nísi dí ogo kà andurufu waa do kpé basoro. Bóyá odi yá ò a ogo kpà takasidenoroo? ⁶ Adi ke à abirekù o takasidenò wēndagwana yáinlo, kù à de kpāni ù yáime. Akù mé àdigò ogosōno kūna àgō ogo fīnti bo. ⁷ Akù Yesu pì: N nōgbè dake tó. Abirekù dìte ari ma gè kegoramè. ⁸ Takasidenò nigō kù kāáo goro sīnda pínki, makù sō manigō kù kāáo goro pínkiro.

Lékpakúsuna Lazarui

⁹ Yuda gbánadenò mà kù Yesu kù Betani, akù ò gèe gwe dasidasi. Adi ke Yesu yáin ò gèe adoro, de dō ò Lazaru kù Yesu a vù bona gan e yáime. ¹⁰ Akù sa'orikino zè ò Lazaru de se dō, ¹¹ zaakù a yáin gbánadenò ten kēmma dasi, òten Yesu náani ke.

Gbanakēkana Yesui zaa Yurusalemu

(Mat 21:1-11, Maa 11:1-11, Luk 19:28-40)

¹² Kù gu dō, pari kù ò sù dikpe ke Yurusalemunò mà kù Yesu ten su, ¹³ akù ò zaa lánò zòzò ò gèe daaleo. Óten wiki lé òten pi:

N gbāna ke!

Arubarikaden gbè kù àten su kù Dikiri tóo ù!

Arubarikaden Isarailano kina ù!

¹⁴ Yesu zaaki è à dia lākù à kēna Luda yān nà ò pì:

¹⁵ Zaiōdenò, àsun vīna kero.

Á kina ten su à di zaakine boro kpe.

16 A ìbano dí yā pìi mì dō gīaro. Yesu fute à tana gakuri gūn gberan ò dō sà kū ò yā pìi kē a musume, akū mókōnō mé ò a pínki kènē.

17 Kū Yesu Lazaru sisi à a vù bona miran, gbē kū ò kú kāaonō a baaruu kpàkpañne. 18 Abire yāin pari gēe ò dàale, zaakū ò mà kū à daboyā pìi kē. 19 Akū Farisinō pikōne: A è yá? Óni fō ò pōke woaro. À gwa lākū andunia bō à téi nà.

20 Girikinōn kú gbē kū ò sù donyī ke dikpekekinō té, 21 akū ò gēe Filipi kū à bō Betesaida, Galili būsun kīnaa, ò wé kēa ò pì: Mare, ó ye kō'enaai kū Yesuo. 22 Filipi gēe à ò Andurune, akū ò gēe ò ò Yesune lēle.

Yesu a ga yā'onaa

23 Yesu pìinne: Bisāsiri Né tōbogōrō kà. 24 Yāpuran maten oāre, tó pōwe dí gē būsuu gūn à fōmbaa bōro, àdigō kun adome. Tó à fōmbaa bō sō, àdi né i manamana. 25 Gbē kū à ye a wēndiini ni kurai. Gbē kū à gī a wēndiini andunia díkīnan sō, ade nigō kūna ari gōrō sīnda pínki. 26 Tó gbē ye à zī kemene, àgō témai. Ma zīkeri pì nigō kú gu kū má kún. Tó gbē ten zī kemene, ma De ni a kpe ta. 27 Tera sà ma pō yàka. Bón mani oo? Mani pì, Baa, ò ma bo yā kū àten suman yá? Oi! Ma su yā kū àten suma pì yāime. 28 Baa, ò tó bo. Akū kòtoo bō ludambe à pì: Ma tó bō kò, akūsō mani era mà bo dō.

29 Kū gbē kū ò kú gwenō mà, ò pì: Legū mé à pùtā. Gbēkenō pì: Malaika mé à yā òne. 30 Akū Yesu pìinne: Adi ke ma yāin kòtoo pìi bōro, á yāime. 31 Yā ni vute andunia díkīnaa sà. Oni andunia díkīna kīna bo kpatan sà. 32 Makū sō, tó ò ma se ò ma dō musu mani buri sīnda pínki gáte ò su ma kīnaa.

33 Kū Yesu ò le, à ga kū ani ga takan à téa. 34 Akū gbēnō pìne: O mà à kú doka takadan ò pì Arumasihu nigō kun gōrō pínkime, akū n pì oni Bisāsiri Né sé ò dō musu sō bi? Díme Bisāsiri Né pì ūu? 35 Yesu wērīma à pì: Gupura kunna kááo gō fítime. Gōrō kú gupura pì kú kááo, àgō kuren, de gu sún sira kūáwaro yāi. Gbē kū àten kure gusiran dō gu kū àten génlo. 36 Gōrō kú á gupura pì vī, à gupura pì náani ke, de à gō gupuradenō ū.

Kū Yesu ò le, akū à gēe à ùteñne.

Gbēnō dí Yesu náani kero

37 Bee kū daboyā dasi kū à kē ñ wáranō, odi a náani kero, 38 de yā kū annabi Isaya ò le à papa yāi kū à pì: Dikiri, gbēke dí baaru kū o kpá síro.

Ò n gbāna è odi dōro.

39 Odi we ò a náani kēro, zaakū Isaya pì dō:

40 Luda ñ wé vīna kùñne
de òsun gu ero.

À ñ kùgbāna kùñne

de òsun yā ma

ò are dōa à ñ werekōaro.

41 Isaya abirekū ò kú à Yesu gakuri è yāime, akū à a yā ò. 42 Bee kū abireo gbānade pìno Yesu náani kē dasi. Farisinō yāin òdigō ye ò dōrūmaro, de òsun aduakekpe zē zōñnero yāi. 43 Zaakū ò ye bisāsirinō ñ sáabu kpá de Luda ñ sáabu kpála.

44 Akū Yesu pùtā à pì: Gbē kū àteni ma náani ke, adi ke makūn àteni náani ke adoro, àten gbē kū à ma zī náani keme se dō. 45 Gbē kū àteni ma e ten gbē kū à ma zī eme se. 46 Ma su andunia gūn gupura ūme, de gbē kū àteni ma náani ke sún gō gusiran doro. 47 Gbē kū à ma yā mà akū à kūnaro, adi

ke makū mé mani yá vutearo, zaakū mádi su yá vute andunianlo, ma su andunia sura bame. ⁴⁸ Yákpatekena ten gbē kū à gĩmai adi ma yá síro dā. Yá kū ma ònee pì mé ani vutea ziazī. ⁴⁹ Zaakū mádi yáke o kū ma zīdaoro. Yá kū ma ò kū yá kū ma dāñe, ma De kū à ma zī mé à dìtemene. ⁵⁰ Má dō kū yá kū à dìtemene bi wèndi kū àdi láraro yáme. Abire yái yá kū maten o, maten o lárú ma De dāmene nāme.

13

Yesu a ibanɔ gbá pipinaa

¹ Ari Vĩnla dikpe gō gé ká, Yesu dō kū a bona andunia dí gūn tana a De kĩnaa goro ká. Lárú à ye a gbēnɔ andunia gūn nà, à yeñyĩ ari a wèndi lémmē. ² Kū òten okosi pò ble, Ibilisi gĩnake à yá dà Simo Isikarioti né Yudasi swèn kò, de à Yesu kpámma. ³ Yesu dō kū a De pò sīnda pínki nàare a oĩ. À dō kū a bo Luda kĩnaame, akūsō áni era à tá a kĩnaame. ⁴ Goro kū òten pò ble, Yesu fute à a uta bò à kàte, akū à tawali sè à dō a pì. ⁵ Abire gbera à í kà ta gūn, akū à nà a ibanɔ gbá pipinaaa, àten gogo kū tawali kū à dō a piaao. ⁶ Kū à kà Simo Pita kĩnaa, Pita pìne: Dikiri, mɔkɔn mé ĩni ma gbá pípimene yá? ⁷ Yesu wèa à pì: N yá kū maten ke dō gĩaro, ama ĩnisūn dō. ⁸ Pita pìne: ĩni ma gbá pípimenero fá! Yesu pìne: Tó mádi n gbá pípiro, n bàka kú kúmao doró. ⁹ Simo Pita pìne: Dikiri, adi ke ma gbáme adoro, ma o kū ma miioome dō. ¹⁰ Yesu pìne: Gbē kū à zú òò bàka kú kū a mēgu ke pípinaaoro, séde a gbá, zaakū à puname. Á gbāsīro, ama adi ke á pínkinlo. ¹¹ À gbē kū ani a kpámma dō. Abire yáin à pì ò gbāsī sari n pínkiro.

¹² Kū à n gbá pìpiñne à làka, à a uta sè à dà, akū à era a gbēnh. À pìne: Á yá kū ma kèáre dō yá? ¹³ Adi ma sísi Danneri kesō Dikiri. Áten o a zéame, zaakū má de a ũme. ¹⁴ Lárú makū kū má de á dikiri kū á danneriio ũ à gbá pìpiáre nà, àgō kō gbá pípi le se. ¹⁵ Ma a taka kèáre. Àgō ke lárú ma kèáre nà. ¹⁶ Yápuran maten oáre, zòblerii digō de a dikirilaro, zĩrii digō de gbē kū à a zĩlaro.

¹⁷ Lárú a yá bire dō nà, arubarikadenɔn á ũ tó áten ke le. ¹⁸ Adi ke á pínki yán maten oro. Má gbē kū ma n sēnɔ dō. Séde yá kū à kēna Luda yán dí papa kū ò pì: Gbē kū odì o kakara ta dokɔnɔ gūn mé à bò ma kpe. ¹⁹ Maten oáre tera ari à kpé à su, de tó à sù, áni sí kū makūme a ũ. ²⁰ Yápuran maten oáre, gbē kū à ma zĩrii sì ma simē. Gbē kū à ma si sō, ade gbē kū à ma zī simē.

Yesu gĩnake à dō yá kū Yudasi ni ke

(Mat 26:20-25, Maa 14:17-21, Luk 22:21-23)

²¹ Kū Yesu ò le, à nēseyokò sì, akū à ònne swáswa à pì: Yápuran maten oáre, á gbē mèn do mé ani ma kpámma. ²² Akū a ibanɔ kō wé gwàgwa ò bídi kè gbē kū à téa. ²³ ĩba do kū Yesu yei manamana gēngesekena a sare. ²⁴ Akū Simo Pita lézuki kēne à Yesu la tó dín à téa. ²⁵ Akū ĩbaa pìi nà Yesu à a là à pì: Dikiri, díme? ²⁶ Yesu wèa à pì: Mani loma zō dōoa mà kpá adea. Akū à lomaa zō dōoa à kpà Simo Isikarioti né Yudasia. ²⁷ Kū Yudasi lomaa pìi sì, Setan gèagu gōnɔ. Akū Yesu pìne: Yá kū ĩni ke n ke likalika. ²⁸ Gbē kū òten pò blenɔ ke dí dō ke bóyái Yesu òne lero. ²⁹ Kū Yudasi mé à digō ogo sōnɔ kúna, akū gbēkenɔ ten da Yesu pìne à gé dikpe pò kū ò yeinɔ lúme ke à gé pòke kpá takasidenɔa. ³⁰ Kū Yudasi lomaa pìi sì, à bò gōnɔ. Gwāanimē sō.

Yesu gĩnake à d̄s̄ yā kũ Pita ni ke

(Mat 26:31-35, Maa 14:27-21, Luk 22:31-34)

³¹ Kũ Yudasi b̄o, akũ Yesu pi: Tera sà Bisásiri Né ni t̄o bo, Luda s̄o ani t̄o bo a yā musu. ³² Tó Luda t̄o b̄o a musu s̄o, Luda ni a t̄o bo a k̄inaa, akũs̄o ani bo ḡn̄o me. ³³ Ma n̄ēn̄o, ma kunna k̄ááo ḡs̄ f̄it̄ime. Áni ma wete, ama maten oáre tera lákũ ma ò gb̄anaden̄ēn̄ē nà, áni f̄s̄ à gé gu kũ maten tánlo. ³⁴ Maten yā dufu dit̄eáre, àḡs̄ yek̄s̄i. Lákũ má yeáí nà, ák̄ōn̄o s̄o àḡs̄ yek̄s̄i le d̄o. ³⁵ Tó á yek̄s̄i, baadi ni á d̄s̄ ma íbano ũ.

³⁶ Sim̄o Pita a là à pi: Dikiri, nten tá máa? Yesu w̄eà à pi: Gu kũ maten tán, ĩni f̄s̄ ò t̄ēmai ḡīaro, ama ĩni láka ò su. ³⁷ Pita p̄ine: Dikiri, b̄óyāi mani f̄s̄ mà t̄ényĩ teraroo? Mani gí ma w̄end̄īīī n yāi. ³⁸ Yesu pi: ĩni gí n w̄end̄īīī ma yāi s̄o yā? Yāpuran maten onne, ari ko ḡs̄ gé lé zu, ĩni ledi kp̄amai ḡen̄ aak̄s̄o.

14

Yesume ludambe zé ũ

¹ Ásun tó á n̄ēse yakaro. À Luda náani ke, à ma náani ke d̄o. ² Ma De be onn kp̄en̄en̄on kun dasi, tó à de lero, de ma óáre. Maten gé gu kekeáre. ³ Lákũ maten gé gu kekeáre nà, mani era mà su mà á séte mà tá k̄ááo ma k̄inaa, de ák̄ōn̄o se àḡs̄ kú gu kũ má kunwa. ⁴ Á gu kũ maten tán zé d̄s̄. ⁵ Akũ Tomasi p̄ine: Dikiri, ó d̄s̄ gu kũ nten tánlo. Óni f̄s̄ ò a zé d̄s̄ deramee? ⁶ Yesu w̄eà à pi: Makũme zé ũ, makũme yāpura kũ w̄end̄īīo ũ. Gb̄eke d̄i le à gé ma De k̄inaa ma gbákūnaa sariro. ⁷ Tó á ma d̄s̄, de á ma De d̄s̄. Zaa tera a a d̄s̄, akũs̄o a a è.

⁸ Akũ Filipi p̄ine: Dikiri, ò n De m̄owere. Abirekũ ni m̄owá. ⁹ Yesu p̄ine: Filipi, má kú k̄ááo zaa gikena, akũ ní ma d̄s̄roo? Gb̄e kũ à ma e à ma De e. B̄óyāi nten pi mà a De m̄óáre? ¹⁰ Kũ má kú ma De ḡun, akũs̄o ma De kú ma ḡun, nídi síroo? Yā kũ maten oáre maten o kũ ma z̄idaoro. Ma De kũ à kú ma ḡun mé àdi a yākenano ke. ¹¹ Kũ ma pi má kú ma De ḡun, ma De s̄o à kú ma ḡun, à ma yā sí. Tó len s̄ro, à sí daboyākena p̄ino yāi. ¹² Yāpuran maten oáre, gb̄e kũ àteni ma náani ke ni yā kũ mad̄i ke p̄ino ke. Bee kũ à de abiren̄ola se, kũ maten tá ma De k̄inaa yāi. ¹³ P̄s̄ s̄inda p̄inki kũ áni wé ke kũ ma t̄so mani ke de ma De t̄o bo ma musu yāi. ¹⁴ P̄s̄ kũ áni a wé kema kũ ma t̄so p̄inki, mani ke.

Yesu lésena a Nini yā musu

¹⁵ Tó á yemai, áni ḡs̄ yā kũ ma dit̄en̄o k̄una. ¹⁶ Mani wé ke ma Dea, ani á gba Zek̄unwode p̄ande kũ aniḡs̄ kú k̄ááo ḡro s̄inda p̄inki ¹⁷ Nini yāpurademe. Andunia gb̄en̄o ni f̄s̄ ò a síro, zaakũ òteni a ero, akũs̄o ò a d̄s̄ro. Ama á a d̄s̄, zaakũ à kú k̄ááo, akũs̄o aniḡs̄ kú á ḡun. ¹⁸ Mani á tó ádoro, mani era mà su á k̄inaa. ¹⁹ À ḡs̄ f̄iti kũ andunia ni ma e doro, ama áni ma e. Kũ má kun yāi, áni ḡs̄ kun se. ²⁰ Ḡro k̄ua áni ḡs̄ d̄s̄ kũ má kú ma De ḡun, á kú ma ḡun, akũs̄o má kú á ḡun. ²¹ Gb̄e kũ à ma yāditenano dà akũs̄o à k̄una, ade mé à yemai. Ma De niḡs̄ ye gb̄e kũ à yemai, makũ s̄o maniḡs̄ yei mani ma z̄ida m̄one.

²² Akũ Yudasi a là, adi ke Yudasi Isikarīot̄inlo, à pi: Dikiri, à k̄e dera ĩni n z̄ida m̄owere, akũ andunia s̄o ani n eroo? ²³ Akũ Yesu w̄eà à pi: Tó gb̄e yemai, aniḡs̄ ma yā k̄una. Ma De niḡs̄ yei, óni su a k̄inaa ò vute lele. ²⁴ Gb̄e kũ à yemai ma yā k̄unaro. Yā kũ àten ma pi dí bo ma k̄inaaro, à b̄o ma De kũ à ma z̄i k̄inaame. ²⁵ Ma yā p̄i óáre ḡro kũ má kp̄é kú k̄ááo. ²⁶ Ma De ni

a Nini zī kū ma tso Zekūnwode ũ. Àkū mé ani yā sīnda pínki dadaáre, ani tó yā kū ma óare dóágu pínki. ²⁷ Mateni á tó kū aafiaao, ma zīda aafiaan mateni á gba. Mateni á gba lákū andunia di ní gba nàro. Àsun tó á nèse yakaro, àsun tó vīna á kūro. ²⁸ A mà ma óare maten tá mani era mà su á kīnaa. Tó á yemaimε, de á pɔ nna kū maten tá ma De kīnaa yāi, zaakū ma De demala. ²⁹ Ma óare tera ari à kpé à ke, de tó à kè, áni ma náani ke. ³⁰ Mani le mà yā o kááo à gi kè doro, zaakū andunia dīkīna kīna ten su. À gbāna vī ma musuro, ³¹ ama lákū ma De dāmenε nān maten ke, de andunia le à dō kū má yei. À fute ò go gu dīkūn.

15

Yesumε geepi lí yāpura ũ

¹ Makūmε geepi lí yāpura ũ, ma Demε geepi lí búde ũ. ² Àdi lígā kū à péma né'inaa sari zō pínki, akūsō àdi a né'iri ɔne lago pínki de a né'ina kara yāi. ³ Ákōnɔ sō á punamε yā kū ma óare yāi. ⁴ Àgō kú ma gūn lákū má kú á gūn nà. Lígā di fō à né kpá a zīdaoro, séde àgō kú lídaa. Lemε ákōnɔ áni fō à né kpáro, tó adi ke àgō kú ma gūn baasiro. ⁵ Makūmε geepi lída ũ, ákōnɔmε a gānɔ ũ. Gbē kū à kú ma gūn, akūsō má kú a gūn, àkū mé ani né kpá manamana, zaakū áni fō à pōke ke ma sariro. ⁶ Tó gbē kú ma gūnlo, oni a zukūna, lákū òdi lígā zō ò zukūna à kori kū ò sēte ò ká tén à té kū nà. ⁷ Tó á kú ma gūn, akūsō ma yā kú á gūn, à pō sīnda pínki kú á yei wé ke, áni le. ⁸ Tó a né kpá manamana, gbēnɔ nigō dō kū ma íbanɔn á ũ yāpura, ma De tó ni bo. ⁹ Má yeáí lákū ma De yemai nà. Àgō kú ma yenyī gūn. ¹⁰ Tó á yā kū ma ditenɔ kūna, áni gō kú ma yenyī gūn, lákū má yā kū ma De ditenɔ kūna nà, akūsō má kú a yenyī gūn. ¹¹ Ma yā pìnɔ óare, de pɔnna kū má vī gō kú á gūn yāime, á pɔnna nigō papana. ¹² Yā kū ma dīteáren dí: Àgō yekōi lákū má yeáí nà. ¹³ Tó gbē gi a wèndiíi a gbēnnanɔ yāi, gbēke yenyī vī de abirekúlaro. ¹⁴ Tó áten yā kū ma dīteáre ke, ma gbēnnanɔn á ũ. ¹⁵ Madí á sísi zòblerinɔ doro, zaakū zòblerii dīgō a dikiri bɔkɔte dōro. Ma á sísi ma gbēnnanɔmε, zaakū yā kū ma mà ma De kīnaan ma óare pínki. ¹⁶ Ákōnɔ mé a ma sero, makū mé ma á sé, akū ma á zī à gé né ká, nékana kū ani láraro, gbasa De Luda á gba pō sīnda pínki kú a wé kèa kū ma tso. ¹⁷ Yā kū ma dīteáren dí: Àgō yekōi.

Andunia zāna Yesugu kū a íbanɔ

¹⁸ Tó andunia zāágu, àgō dō kū à zāmagu á ā. ¹⁹ Tó andunia gbēnɔn á ũ, de andunia yeáí. Lákū ma á sé ma á bó andunia gūn nà, á de a gbēnɔ ũro. Abire yāin andunia zāágu. ²⁰ À tó yā kū ma óare gō dóágu. Zòblerii dīgō de a dikirilaro. Lákū ò wé tàma nà, len oni tááwa le. Tó ò ma yā kūname, onigō á yā kūna se do. ²¹ Oni yā birenɔ keáre pínki ma tó yāi, zaakū ò gbē kū à ma zī dōro. ²² Tó mádi su ma yā ònne yāro, de ò taari vīro. Ama tera sà ní taari kutena vīro. ²³ Gbē kū à zāmagu zā ma Degumε se. ²⁴ Tó mádi yā kū òdi ke yāro ke ní téro, de ò taari vīro. Ama tera sà ò yā kū ma kènɔ è, akū ò zāmagu kū ma Deo ó pínki, ²⁵ de yā kū à kú ní doka gūn papa, kū ò pì ò zāmagu pāme. ²⁶ Tó Zekūnwode kū mani a gbaréáwa bò ma De kīnaa à sù, Nini yāpurade kū àdi bo a kīnaa pìi, ani ma sèeda ke. ²⁷ Ákōnɔ sō, áni ma sèeda ke, kú á kú kūmao zaa káaku yāi.

16

¹ Ma yā dínɔ óáɛ de àsun furo yáimɛ. ² Oni aduakɛkɛ zé zóáɛ. A ɔɔɔ ten su se kú gbɛ kú ani á de nigɔ da Luda zín àten kɛ. ³ Oni yā pínɔ keáɛ kú ò ma De kú makúo dɔro yáí. ⁴ Ma yā dínɔ óáɛ de tó a ɔɔɔ ká, ániɔ dɔ kú ma óáɛ kò.

Luda Nini zíkɛnaa

Mádi yā dínɔ óáɛ zaa káakuro, kú má kú kááo yáí. ⁵ Maten tá gbɛ kú à ma zī kīnaa sà, ama á gbɛke dí ma la gu kú maten tánlo. ⁶ Á nèɛɛ yàka sà kú ma yā dínɔ óáɛ yáí. ⁷ Yápuran maten óáɛ, ma tana ni àre keáɛ, zaakú tó mádi táro, Zekúnwode pì ni su á kīnaaro. Tó ma ta, mani a zīáwa. ⁸ Tó à sù, ani tó andunia a yáɛ dɔ durunna kú manakɛnao kú yāvutemmaanao musu. ⁹ Oni a yáɛ dɔ durunna yā musu, kú odi ma náani kero yáí. ¹⁰ Oni a yáɛ dɔ manakɛna yā musu, kú maten tá ma De kīnaa, áni ma e doro. ¹¹ Oni a yáɛ dɔ yāvutemmaana musu, kú yā vùte andunia díkīna kīnaa yáí. ¹² Má yā vī dɔ dasi mà óáɛ, ama áni yā pínɔ fɔ gīaro. ¹³ Tó Nini yápurade sù, ani doáɛ are yápara pínki gūn. Ani yā o kú a zīda dɔnaaoro, yā kú à màan anigɔ o, ani yā kú àten sunɔ baaru kpááɛ. ¹⁴ Ani ma tó bo, zaakú ani ma yānɔ sɛte à babaáɛ. ¹⁵ Pɔ kú ma De vī pínki bi ma pómɛ. Abire yáin ma pì, ani ma yānɔ sɛte à babaáɛ. ¹⁶ Á gò fíti kú áni ma e doro, à gò fíti dɔ kú áni ma e.

Pɔsira litɛna pɔnna ũ

¹⁷ Akú a ìba kenɔ pikòne: Bó yān àten owɛɛ gwee? À pì à gò fíti kú óni a e doro, à gò fíti dɔ kú óni a e. À pì dɔ, àten tá a De kīnaamɛ. ¹⁸ Akú ò pì: À gò fíti kú à òo pì de deraa? Ódi yā kú àten o pìi dɔro dɔro. ¹⁹ Yesu dɔ kú ò ye ò a la, akú à píinne: Kú ma pì à gò fíti kú áni ma e doro, akúsɔ à gò fíti kú dɔ áni ma e, abirekún àten kò lalai yá? ²⁰ Yápuran maten óáɛ, áni ɔɔ dɔ à wɛnda kɛ, ama andunia ni pɔnna kɛ. Ániɔ kú pɔsira gūn, ama á pɔsira pì ni litɛ pɔnna ũ. ²¹ Tó nɔgbɛ ye à né i, a nèɛɛ dì yaka kú a wāwākɛna ɔɔɔ kà yáí. Tó à né ì sɔ, wāwā kú à màa pìi dì dɔn doro. A pɔ dì kɛ nna kú à né dufu ì andunia gūn yáí. ²² Len ákòno sɔ á nèɛɛ yakana le gīa. Mani era mà á e dɔ, á pɔ ni kɛ nna, gbɛke sɔ ani fɔ à á pɔnna pì síáwaro. ²³ ɔɔɔ kùà áni yáke lama doro. Yápuran maten óáɛ, ma De ni pó sīnda pínki kú áni wé kea kú ma tóo kpááwa. ²⁴ Ari tera ádi póke wé ke kú ma tóoro. À wé ke, áni le de á pɔnna gɔ papana yáí.

Yesu zīi blè anduniaa

²⁵ Ma yā pínɔ lèkɔááɛmɛ. A ɔɔɔ ten su kú mani yā óáɛ kú yálekɔanaao doro, mani ma De yā óáɛ swáswa. ²⁶ ɔɔɔ kùà áni wé ke kú ma tóo. Mádi óáɛ kú makúmɛ mani wé keáɛ ma Dearo, ²⁷ zaakú ma De a zīdane yeáí kú á yemai yáí, akúsɔ a ma bona a kīnaa sì. ²⁸ Ma bo ma De kīnaa ma su andunia gūn. Tera sà maten andunia tó maten tá a kīnaa.

²⁹ Akú a ìbanɔ pìne: Tò, nten yā o kú yálekɔanaao doro, nten o swáswame sà. ³⁰ Ó dɔ sà kú ní yā sīnda pínki dɔ, àdi kɛ séto ò yáke gbekammaro. Abire yáin o n bona Luda kīnaa sì. ³¹ Akú Yesu pìne: Áteni ma náani kɛ sà yá? ³² A ɔɔɔ ten su à kà kò, kú áni fakɔa, á baadi ni tá a bea à ma tó mado. Bee kú abireo má kun madoro, zaakú ma De kú kúmao. ³³ Ma yā dínɔ óáɛ, de á laakari gɔ kpatena kunna ma gūn. Áni wétamma le andunia gūn, ama à swè dite, ma gīnake ma zīi blè anduniaa.

17

Yesu aduakena a ibanone

¹ Yesu yā pì onaa gbɛra à wé sè musu à pì: Baa, a gɔɔ kà. N̄ n Né tó bo, de n Né n tó bo. ² N tò má iko vī gbē sīnda pínki musu, de mà wèndi kù àdi láraro kpá gbē kù n kpàmanɔa. ³ Mɔkɔn Luda mèn do légelege yāpurade kù makù Yesu Kirisi kù n z̄iio d̄ɔname wèndi kù àdi láraro pì ù. ⁴ Ma n tó bò z̄iɛ. Z̄i kù n dàmene mà ke ma kè ma laka. ⁵ Baa, n̄ gakuri kpáma n kīnaa tera sà, lákū n kpàma nà n kīnaa zaade andunia katenaro. ⁶ Gbē kù n n̄ sé andunian n n̄ kpámanɔ ma tò ò n d̄s. N pónɔme, akù n n̄ kpáma. Ò n yā kūna, ⁷ ò d̄s sà kù yā kù n dàmene pínki bò n kīnaame. ⁸ Ma yā kù n dàmene dàñne. Ò si, akù ò d̄s kù ma bo n kīnaame yāpura. Ò si kù mɔkɔn mé n ma z̄i. ⁹ Maten wé keñne, adi ke andunian maten kenero, séde gbē kù n n̄ kpáma pìnɔ, zaakù n pónɔme. ¹⁰ Ma gbēnɔ bi n gbēnɔme n̄ pínki, n pónɔ bi ma pónɔme pínki. Maten tó bo n̄ gāi. ¹¹ Maten su n kīnaa, maniḡó kù andunia gūn doro, ama mók̄on̄o niḡó kù andunia gūn. Baa Kúadonade, ñḡó n̄ kūna kù n tó kù n kpàma gbānao, de òḡó kun mē dok̄on̄o lán ó bà. ¹² Gɔɔ kù má kù kùñwo, má n̄ kūna kù tó kù n̄ kpàma pì gbānao. Ma n̄ dākpa, akù n̄ gbēke dí satero, tó adi ke gbē kù à m̄i pè kakatenaana de n yā le à papa yāi. ¹³ Tera sà maten su n kīnaa. Ma yā d̄in̄o ò andunia gūn, de òḡó p̄on̄na kù má vī vī àḡó papanámma. ¹⁴ Ma n yā dàñne, akù andunia zàñgu, kù andunia gbēnɔme n̄ ùro yāi, lákū makù má de andunia gbē ùro nà. ¹⁵ Maten wé kemma, adi ke de n̄ n̄ bo andunia gūnnlo, ama de n̄ n̄ dākpa a vāni yāime. ¹⁶ Andunia gbēnɔme n̄ ùro, lákū makù má de andunia gbē ùro nà. ¹⁷ N̄ tò n̄ kunna ḡó adona kù yāpura gbānao. N yāme yāpura pì ù. ¹⁸ Lákū n ma z̄i andunia gūn nà, len makù s̄s ma n̄ z̄i andunia gūn le. ¹⁹ Mateni ma z̄ida kpámma n̄ yāi, de òḡó kun n gbēnɔ ù yāpura. ²⁰ Adi ke maten wé keñne n̄donlo, kù gbē kù oni ma náani ke n̄ yā yāinɔme dɔ, ²¹ de n̄ pínki ḡó kun mē dok̄on̄o ù. Baa, lákū n̄ kù ma gūn nà akūs̄ó má kù n gūn, mók̄on̄o s̄s ḡó kù ó gūn le, de andunia le à sí mɔk̄on̄o mé n ma z̄i. ²² Gakuri kù n kpàman ma kpámma, de òḡó kun mē dok̄on̄o lán ó bà. ²³ Má kù n̄ gūn, akūs̄ó n̄ kù ma gūn, de òḡó kun mē dok̄on̄o ù mámmam, de andunia ḡó d̄s kù mɔk̄on̄o mé n ma z̄i, akūs̄ó n̄ yeñyī lákū n̄ yemai nà. ²⁴ Baa, gbē kù n kpàmanɔ, má ye òḡó kù gu kù má kún, de ò wé ke pla kù ma gakurio, gakuri kù n kpàma kù n̄ yemai yāi zaade andunia katenaro. ²⁵ Baa Mana, andunia n d̄sro, ama má n d̄s, akù gbē d̄in̄on̄o d̄s kù mɔk̄on̄o mé n ma z̄i. ²⁶ Ma tò ò n d̄s, maniḡó tó òḡó n d̄s, de yenyī kù n̄ vī kūmao ḡó kù n̄ gūn, de makù s̄s màḡó kù n̄ gūn.

18

Yesu kūnaa

(Mat 26:47-56, Maa 14:43-50, Luk 22:47-53)

¹ Yesu yā pì onaa gbɛra à bò kù a ibanɔ, akù ò bikù Kidironu bara dire. Swadako kù gwe, akù à gèn kù a ibanɔ. ² Yudasi bonkpɛde s̄s à gu pì d̄s, zaakù Yesu kù a ibanɔ diḡó kakara gwe baala'i. ³ Akù Yudasi ḡeɛ gwe kù soza gà doo kù dogari kù sa'orikinɔ kù Farisinɔ n̄ z̄inɔ. Ò fitilanɔ kūna kù s̄etenɔ kù ḡs̄kebɔnɔ. ⁴ Yesu yā kù ani a le d̄s pínki, akù à bò à dàñle à n̄ lá à pì: D̄in̄ át̄en wet̄eɛ? ⁵ Ò wèa ò pì: Yesu Nazerame. À piñne: Makùme a ù. Yudasi bonkpɛde pì kù kùñwo. ⁶ Kù Yesu piñne, makùme a ù, akù ò era kpɛkpe, ò bò ò lète. ⁷ Yesu n̄ lá dɔ: D̄in̄ át̄en wet̄eɛ? Akù ò pì: Yesu Nazerame.

⁸ Yesu wèrma dɔ à pì: Ma óàre kù makùme a ù. Tó makù áten wete, à tó gbè díkínanɔ tá. ⁹ À ò le de yá kù à ò yá le à papa yáime, kù à pì: Gbè kù n n kpámanɔ, n gbèke dí sátero. ¹⁰ Simɔ Pita fènedá lokona, akù à wòto à sa'oriki zókɔ zìrii lèò à a ɔpla sá zò flēm. Zìrii pì tón Malaku. ¹¹ Akù Yesu pì Pitane: N n fènedá sɔtɔ a sòn. Mani wétamma toko kù ma De dìtemene í miroo?

¹² Akù sozanɔ kù n gbè zókɔɔ kù Yuda dogarinɔ Yesu kù ò a yí. ¹³ Akù ò gèe káao Anasa kínaa gīa. Anasa bi Kayafa kù à de sa'oriki zókɔ ù wè birea anzureeme. ¹⁴ Kayafa mé à lé dà Yuda gbānadenɔne yá à pì: À mana gbè mèn do ga baadi gēne ūme.

Pita ledikpana Yesui

(Mat 26:69-70, Maa 14:66-68, Luk 22:55-57)

¹⁵ Simɔ Pita kù iba pāndeó té Yesu kpe. Sa'oriki zókɔ iba pānde pì dɔ, akù ibaa pì té Yesui à gè sa'oriki zókɔ pì be ɔnn, ¹⁶ ama Pita gò zena gānulea. Akù iba kù sa'oriki zókɔ dɔ pì gèe à yá ò nɔgbè kù áten zé pì dákpane, akù à tò Pita gè. ¹⁷ Akù nɔgbè zédákparii pì Pita là à pì: Gògbè pì ibanɔ dokeme n úroo? Pita wèa à pì: Makúro. ¹⁸ Zìrinɔ kù dogarinɔ ten té kù ò lè kpákpa kù ía kun yá. Pita kú kúnwo gwe, áten té kpákpa se.

Sa'oriki yalalana Yesua

(Mat 26:59-66, Maa 14:55-64, Luk 22:66-71)

¹⁹ Akù sa'oriki zókɔ ten Yesu lala a ibanɔ yá kù a yādannenaao. ²⁰ Yesu wèa à pì: Ma yá ò baadine gupuraa. Ma yá dàdañne aduakekpenɔ gūn kù Luda ɔnnwo, gu kù Yudanɔ dì kɔ kakaran n pínki. Mádi yáke o asiri gūnlo. ²¹ Bóyá nteni ma lalaa? N ma yāmarinɔ la, ò yá kù ma óñne dɔ. ²² Kù Yesu yá ò le, dogari kù ò kú gweno do a sán kè à pì: Ódi yá we sa'oriki zókɔa lero. ²³ Yesu wèa à pì: Tó yá vānin ma ò, n o ò ma. Tó yá manan ma ò sɔ, bóyāin n ma lèe? ²⁴ Akù Anasa Yesu gbāre sa'oriki zókɔ Kayafa kínaa yīna.

Pita era à ledikpana Yesui dɔ

(Mat 26:71-75, Maa 14:69-72, Luk 22:58-62)

²⁵ Pita kpé ze gwe áten té kpákpa. Akù ò a là ò pì: A ibanɔ dokeme n úroo? Pita ledi kpà à pì: Makúmero. ²⁶ Sa'oriki zókɔ zìrinɔ do bi gbè kù Pita à a sá gò daneme, akù à pì: Mádi á e lèele swadakoo gūnloo? ²⁷ Akù Pita ledi kpà dɔ. Zaa gwe gònɔ ko lé zù.

Pilati yákpatekena kù Yesuo

(Mat 27:1-2, 11-14, Maa 15:1-5, Luk 23:1-5)

²⁸ Gudɔ akù Yuda gbānadenɔ bò kù Yesuo Kayafa bea, ò gèe káao bùsu gbè zókɔ bea. Odi gē a ɔnnlo, de ósungò gbāsīro yá, zaakù ò ye ò Vīnla díkpe keme. ²⁹ Abire yá Pilati bò à sù n kínaa à pì: Yá kpaten á vī kù gbè pìoo? ³⁰ Ò wèa ò pì: Tó yāvānikeriinlo, de ódi su ò a kpámmaro. ³¹ Akù Pilati pīñne: À a sé à gé yákpate ke káao á zīda dokaa. Akù gbānade pīnɔ pīne: Ó gbēdena zé vīro. ³² Abirekù kè de yá kù Yesu ò le à papa yáime, kù à a ga yá taka ò. ³³ Akù Pilati era à gè ɔnn. À Yesu sisi, akù à a là à pì: Mókōn Yudanɔ kīna ū yá? ³⁴ Yesu wèa à pì: Nten o le kù n zīdaon yá, ke ò ma yá ònneme? ³⁵ Pilati pì: Yudan ma ū yá? N burinɔ kù n sa'orikinɔ mé ò n kpama. Bón n kèe? ³⁶ Yesu pì: Ma kpata bi andunia díkīna pónlo. Tó ma kpata bi andunia díkīna pómé, de ma ibanɔ zīi kà de òsun ma kpá Yuda gbānadenɔaro. Ma

kpata bi andunia la pónlo. ³⁷ Akū Pilati pìne: Ase kiname n ũ yá? Yesu wèa à pì: N ò a zéa kū kinan ma ũ. Ò ma i, akū ma su andunia gūn yāpura sèedade ũ. Gbē kū à de yāpura pò ũ di ma yā ma. ³⁸ Pilati pì: Bón yāpura ũu?

Yadana Yesula

(*Mat 27:15-31, Maa 15:6-20, Luk 23:13-25*)

Kū à ò le, à èra à bò à gèe Yuda gbānadenɔ kīnaa à pìinne: Mádi taari ke le gbē diaro. ³⁹ Á futεokarayā vī kū madì purusunanɔ doke gbarεáre Vīnla dikpe zī. Á ye mà Yudanɔ kína gbarεáren yá? ⁴⁰ Akū ò wiki lè dɔ ò pì: Àkūmero, Barabame! Baraba pì sɔ bi kpāni wédeweme.

19

¹ Akū Pilati pì, ò Yesu kū ò a gbē kū flāao. ² Akū sozanɔ lè fūraa tà ò kùne ò arukĩmba tēra dāne. ³ Òten nai dodo òten pi: Fɔɔ, Yudanɔ kína! Akū òteni a sān keke. ⁴ Pilati èra à bò dɔ, akū à pì gbēnɔne: À gwa, maten boóáre bàai la de à le à dɔ kū mádi yāke learo. ⁵ Yesu bò bàai, à lè fūraa pì kuna à arukĩmba wéde pì dana. Akū Pilati pìinne: Gɔgbē pìin dí! ⁶ Kū sa'orikinɔ kū dogarinɔ a è, ò wiki lè ò pì: N̄ a pá lía! N̄ a pá lía! Akū Pilati pìinne: À a kū à pá lía á zīda, zaakū mádi taari ke learo. ⁷ Yuda gbānade pìnɔ wèa ò pì: Ó doka vī, akūsɔ doka pìi pì séde à ga, kū à a zīda dīte Luda Né ũ yāi.

⁸ Kū Pilati yā pìi mà, akū vīna kèke à a kù. ⁹ À èra à gè kū Yesuo ɔnn dɔ, akū à a là à pì: N bo máa? Yesu dí wearo, ¹⁰ akū Pilati pìne: Īni yā o kūmaoroo? N̄ dɔ kū má n gbarena iko vī, akūsɔ má n pana lía iko vīroo? ¹¹ Yesu wèa à pì: N̄ iko ke vī ma musuro, sé kū Luda kpàmma. Abire yāi gbē kū à ma kpamma durunna mé à zɔkɔ. ¹² Zaa gɔɔ bīrea Pilati ten zé wete à a gbarε, ama Yuda gbānadenɔ wiki lè ò pì: Tó n gbē pìi gbāre, Siza gbēnname n ũro. Gbē kū à a zīda dīte kína ũ ibereε sè kū Sizaome. ¹³ Kū Pilati yā bīre mà, à pì ò bo kū Yesuo bàai. Akū à vūte a tintīa gu kū òdi pì gbè gusaran, kū Eberu yāo sɔ, Gabata. ¹⁴ Vīnla dikpe sorukezīme, ifāntē kà mīdangura. Akū Pilati pì Yuda gbānade pìnɔne: Á kinan dí. ¹⁵ Akū òten wiki lé òten pi: N̄ a de. N̄ a de. N̄ a pá lía. Pilati pìinne: Mani á kína pá lía yá? Sa'orikinɔ pì: Ó kína ke vīro, Siza baasiro. ¹⁶ Akū Pilati Yesu kpàmma ò a pá lía. Akū ò a sè ò tà kāao.

Yesu pana lía

(*Mat 27:32-44, Maa 15:21-32, Luk 23:26-43*)

¹⁷ Yesu bò wete gūn à a zīda lígbāndurukpana sēna, à gèe gu kū òdi pì Mītokokia, kū Eberu yāo sɔ Gɔgɔta. ¹⁸ Gwen ò a pà lía kū gbēnɔn pla pāndenɔ, gbē do a ɔplai gbē do a ɔzei, akū Yesu kú n̄ dagura. ¹⁹ Pilati takada kē à nà Yesu lí pīia. Yā kū à kēe pìin dí:

Yesu Nazera, Yudanɔ kína.

²⁰ Yudanɔ takada kū à kēe pì kyó kè dasi, zaakū gu kū ò Yesu pà lían pìi zà kū weteoro. Ò takada pìi kē kū Eberu yāo kū Romudenɔ yāo kū Giriki yāome. ²¹ Akū Yuda sa'orikinɔ pì Pilatine: N̄sun kē n̄ pi Yudanɔ kīnaro, ama n̄ kē kū àkū mé à pì Yudanɔ kiname a ũ. ²² Pilati pì: Yā kū ma kēn ma kē. ²³ Kū sozanɔ Yesu pà lía ò làka, akū ò a pɔkasanɔ sēte ò kpàate leu siikɔ baadi mīia. Ò a utagyaba kū ò tà nabinaa sari zaa musu ari zīte sè dɔ, ²⁴ akū ò

pikõne: Òsun uta pì kèkèkõero. Ò kàpa kpá de ògõ dõ gbẽ kũ ani gõne. Ò kè le, de yã kũ ò kè Luda yã le à papame, kũ ò pì:

Ò ma pókasanõ kpàatekõne,

ò kàpaa kpà ma uta yã.

Abire yãin sozanõ kè le. ²⁵ Yesu da kũ a da dakũnao kũ Kolopa nano Mariamao kũ Mariama Magadalenio kú lí kũ ò Yesu pàaa sare. ²⁶ Kũ Yesu a da è kũ a ìba kũ à yeiio zena kõ sare, à pì a dan: Nõgbẽ, n nén di! ²⁷ Akũ à pì ìbaa piine: N dan di! Zaa zĩ birean ìbaa pìi a sè à tà kãao a bea.

Yesu ganaa

(Mat 27:45-56, Maa 15:33-41, Luk 23:44-49)

²⁸ Abire gbera Yesu dõ kũ a pínki pàpa. De yã kũ à kèna Luda yã le à papa akũ à pì: Ími teni ma de. ²⁹ Lo kú gwe, sèwè kpàkpá kán pana. Akũ ò sako yàku wè pìi gũn ò pè sèlia ò dõ Yesune a léa. ³⁰ Kũ à wè pìi mì à pì: Yã làka. Akũ à a mì pète à a wèndii gbàre.

Yesu zõna kũ sário

³¹ Kámmabogõ sorukezĩme. Yuda gbãnadenõn ye gèno gõ lía ari kámmabogõ zĩro, zaakũ kámmabogõ zĩ pì bi gõro zõkõõme. Akũ ò gèe ò wé kè Pilatia ò ñ gbá é'è ò ñ kipa. ³² Akũ sozanõ gèe ò gbè káaku kũ ò pà lía lèlè kũ Yesuo gbá é'è kũ a plade pío dõ. ³³ Kũ ò kà Yesu kĩnaa, ò è à gĩnake à gà kò, akũ odi a gbá é'ero. ³⁴ Akũ sozanõ doke Yesu zõ kũ sário a gbãntereea. Gwe gõno aru kũ ío bõte. ³⁵ Gbè kũ à yã pìi è kũ wéó mé a ò. A sèedakena yápura ví, à dõ kũ yápuran átèn o, de ákõno sõ à le à Yesu náani ke. ³⁶ Yã birenõ kè de yã kũ à kèna Luda yã dikĩna papame, ò pì: Oni a wá ke éro. ³⁷ À kèna Luda yã dõ ò pì: Oni gbè kũ ò a zõ gwa.

Yesu vĩnaa

(Mat 27:57-61, Maa 15:42-47, Luk 23:50-56)

³⁸ Abire gbera Yusufu Arimatea gèe à wé kè Pilatia, de à a gba zé à Yesu gèe kipa. Yesu ìbaame asiri gũn, kũ àtèn vĩna ke Yuda gbãnadenõne yã. Pilati wène, akũ à gèe à a gèe sè à tà. ³⁹ Nikodemu kũ à gèe Yesu kĩnaa gwãani gèe se kũ lí'õ yákatena kũ eze kũ àdi tó gè vāroo à kà kiloo barakuri taka bà. ⁴⁰ Akũ ò Yesu gèe sè ò táaru bizanõ fífia kũ eze pìio, lákũ Yudanõ dì gè kpe ta nà ñ futèokarayã gũn. ⁴¹ Kara kú gu kũ ò Yesu pà líaa pìn. Gbèwèe kũ ò sò mira ũ dufu kú karaa pìi gũn, odi gbèke dan zikiro. ⁴² Gwen ò Yesu wùtèn, kũ à zà kũnwo, kũ dõ Yudanõ kámmabogõ ten ká yã.

20

Yesu vunaa

(Mat 28:1-8, Maa 16:1-8, Luk 24:1-12)

¹ Azumanenna zĩ gudõ Mariama Magadalenì bõ à gèe mira kĩnaa, akũ à lè gbè gona mira léa. ² Akũ à bàa lè à gèe Simõ Pita kĩnaa kũ ìba pãnde kũ Yesu yeii pìio à piine: Ò Dikiri bõ miran, ó dõ gu kũ ò a dànlo. ³ Akũ Pita kũ ìba pãnde pìio fùte ò gèe mira kĩnaa. ⁴ Ñ gbènon pla ñ pínki ten bàa lé lèlè, akũ ìba pãnde pìi bà nna de Pitala, à kà mira kĩnaa káaku. ⁵ Kũ à wé kpàtèn, akũ à táaru bizanõ è katena, ama adi gè a gũnlo. ⁶ Kũ Simõ Pita kà a gbera, akũ à gè miran. À táaru biza pìi è katena ⁷ kũ biza kũ ò fífia a mìaio. Biza pì pekerena kũ póle pìnoro, à kokona ditena adome. ⁸ Akũ ìba kũ à

kà mira kīnaa káaku pìi gè se. À è, akū à si. ⁹ Ari tera odi yā kū à kēna Luda yān dōrō dōro kū ò pì, ani fute bona gan. ¹⁰ Akū ìba gbēnōn pla pìno èra ò tà be.

Yesu bo à suna Mariama Magadalenine
(Mat 28:9-10, Maa 16:9-11)

¹¹ Mariama zena mira léa, àten sò do. Lákū àten sò do nà le, akū à wé kpàte miran. ¹² Akū à malaika gbēnōn planō è vutena gu kū ò Yesu gèe wùten yāaa. A do kú a mì kpa, a do sō gbá kpa. Ò uta pura dana. ¹³ Akū ò a là ò pì: Nōgbē, bó mé à n le nten sò do? À wèrìmma à pì: Ò ma Dikiri sè ò tà káaome, má dō gu kū ò a wùtenlo. ¹⁴ Kū à ò le, akū à litè à Yesu è zena, ama adi dō kū Yesunlo. ¹⁵ Yesu a là à pì: Nōgbē, bó yā mé à tò nten sò do? Dín nten wete? Mariama ten da karademe, akū à pìne: Mare, tó mōkōn mé n a sè n bo káao, ò omene gu kū n a wùten de mà gé mà a sé. ¹⁶ Yesu pìne: Mariama! Akū à are dōa à pìne kū Eberu yāo: Rabi! Tó pìi pì Danneri. ¹⁷ Yesu pìne: Ñsun o namaro, mádi tá ma De kīnaa kōro. Ñ gé ò o ma gbēnōne maten tá ma De kū ò Deo kīnaa, ma Luda kū ò Ludao kīnaa. ¹⁸ Akū Mariama Magadalenì gèe à a baaru kpa à ìbanōne à pì: Ma Dikiri è. Akū à yā kū à òne bābañne.

Yesu bo à suna a ìbanōne
(Mat 28:16-20, Maa 16:9-18, Luk 24:36-49)

¹⁹ Azumanenna birea okosi a ìbanō kakarana kpén, ò gbà tàtāñle ò mōne kà, kū òten vīna ke Yuda gbānadene yāi. Akū Yesu sù à zè ò té à pìne: Àgō kun aafia! ²⁰ Kū à ò le, akū à a onō mōñne kū a gbānterēeo. Kū ìbaa pìno Dikiri è, ò pō kè nna manamana. ²¹ Yesu èra à pìne: Àgō kun aafia! Lákū ma De ma zī nà, len mateni á zī le. ²² Kū à ò le, akū à ò ò vūñma kū léo à pì: À Luda Nini sí. ²³ Gbē kū a ò kē kū ò durunnano, à kēmman gwe. Gbē kū ádi ò kēnero sō, ani kēmmaro.

Yesu kū Tomasio

²⁴ Goro kū Yesu sù, Tomasi, a ìba gbēnōn kuri awēplanō doke kū òdi pine Sika kú kūñwo. ²⁵ Akū a ìba kparano pìne: O Dikiri è. Akū à pìne: Tó mádi koosa gbè e a onō gūn ma onē pèno, akūsō mádi o zō a gbānterenlo, mani síro. ²⁶ A goro làa a ìbanōn kú kpén do, Tomasi kú kūñwo sà. Ò gbà tàtāñle ò mōne kà, akū Yesu sù à zè ò té à pì: Àgō kun aafia! ²⁷ Akū à pì Tomasi: Ñ n onē pé ma o gūn la ò gwa, ò n o zō ma gbānterēea. Ñsun sika ke doro. Ñ ma náani ke. ²⁸ Tomasi wèa à pì: Ma Dikiri, ma Luda. ²⁹ Yesu pìne: Kū n ma e yāin n ma náani kè. Arubarikadenōn gbē kū ò ma náani kè ma enaa sarino ū.

³⁰ Yesu daboyā pāndeno kè dasi a ìbanō wé wára kú odi kē takada dí gūno. ³¹ Ama ò adikīnāno kè de à le à Yesu sí Luda Né Arumasihu ū à wèndi le a náanikēnaa gūn yāime.

21

Yesu bo à suna a ìbanōne sèbe léa

¹ Abire gbera Yesu èra à a zida mō a ìbanōne do Tiberia sèbe léa. Lán dí bàn à a zida mōñne. ² Simo Pita kú lēle kú Tomasi kú òdi pine Sikao kú Natanaeli kú à bò Kana, Galili būsuo kú Zebedi néno kú Yesu ìba gbēnōn pla pāndeno. ³ Simo Pita pìne: Maten gé kpò wete. Akū ò pìne: Ókōno se óni gé kūnwo. Akū ò gèe ò gè gó'ite gūn, ama odi pōke kú gwāani birearo.

⁴ Kū gu ten su dɔ, Yesu zena bara, ama a ibanɔ dí dɔ kū àkūmɛro. ⁵ Akū à lé zùnyĩ à pì: Gbɛnɔ, ádi pɔke le a kùroo? Ò pì: Oi! ⁶ Akū à pìnnɛ: À birigi zu gó ɔplai áni pɔ kù. Kù ò zù, ò kpɔɔ kù dasidasi ò fù sɛna. ⁷ Akū iba kū Yesu yeii pì pì Simɔ Pitane: Dikirimɛ. Pita uta danaro. Kù à mà ò pì Dikirimɛ, akū à a uta sè à dà à kùsi ía. ⁸ Iba kparanɔ ten birigi gátɛ pana kū kpɔɔ òten suo kū góo, zaakū ò zà kū baraoro, à de mita basɔro takalaro. ⁹ Kù ò bikù bara, ò burodii è katena gwe kū kpɔɔ kpakpana téa. ¹⁰ Yesu pìnnɛ: À mɔ kū kpɔ kù a kù terao kenɔ. ¹¹ Akū Simɔ Pita gè gó gūn à birigi gátɛ à bikùo bara. À pana kū kpɔ gbɛntɛnɔ mèn basuppla akuri awɛɛ aakɔ. Bee kū à dasi le, táaru pì dí kɛro. ¹² Yesu pìnnɛ: À mɔ à pɔ ble. A iba ke dí fɔ à lé bò à a là dín a ũro, zaakū ò dɔ kū Dikirimɛ. ¹³ Yesu gɛɛ à burodii sè à kpámma. Len à kè le kū kpɔɔ dɔ. ¹⁴ Yesu a zída mɔna a ibanɔnɛ gèn aakɔden gwe a vuna gan gbera.

Yesu kū Pitao

¹⁵ Kù ò pɔ blè ò làka, Yesu Simɔ Pita là à pì: Yuhana né Simɔ, n yemai de gbɛ dínla yá? À wèa à pì: Ee Dikiri, n dɔ kū má yenyĩ. Yesu pìnnɛ: N pɔble kpá ma sánɛ bɔrɔnɔa. ¹⁶ A gèn plade Yesu ɛra à a là dɔ à pì: Yuhana né Simɔ, n yemai yá? À wèa à pì: Ee Dikiri, n dɔ kū má yenyĩ. Yesu pìnnɛ: N ma sánɔ dāmenɛ. ¹⁷ À a là a gèn aakɔde à pì: Yuhana né Simɔ, n yemai yá? Kù Yesu Pita là a gèn aakɔde tó à yeai, a pɔ yàka, akū à pìnnɛ: Dikiri, n yā sīnda pínki dɔ. N dɔ kū má yenyĩ. Yesu pìnnɛ: N pɔble kpá ma sánɔa. ¹⁸ Yāpuran maten onnɛ, kū n de kefenna ũ, ndi pɔ da n zída n gé gu kū n yein, ama tó n zĩ kù, ïni n ɔnɔ poro, gbɛ pānde ni danne à gé künwo gu kū n yeiron. ¹⁹ Kù Yesu ò le, Pita ga kū ani Luda tɔ bon à téa. Abire gbera Yesu pìnnɛ: N témai.

Yesu kū iba kū Yesu yeii

²⁰ Pita lite à iba kū Yesu yeii pì è tényĩ. Gbɛ pì mé à nà Dikirii ɔrɔ kū òten pɔ ble, à a là gbɛ kū ani a kpámmai. ²¹ Kù Pita a è, à pì Yesunɛ: Dikiri, gbɛ dí sɔ bi? ²² Yesu pìnnɛ: Tó má ye àgɔ kú wèndiio ari màgɔ gé su, a yā n le máa? Nngɔ témai dé. ²³ Akū yā pìi fākɔa Yesudenɔ té kū ibaa pì ni garo. Ama Yesu dí onɛ kū ani ganlo. À pì, tó á ye àgɔ kun ari àgɔ gé su, a yā a le māmɛɛ?

²⁴ Ibaa pì mé à yā dínɔ sèeda kè. Àkū mé à takada dí kè, akū ó dɔ kū a sèedakɛna náani vī.

Midenaa

²⁵ Yesu yā pāndenɔ kè dasidasi dɔ. Tó ò kè takada gūn dodo pínki, maten da andunia a zīdanɛ ni fɔ à takada kū ò kèɛ pìnɔ síro.

ZĪRINŌ YĀKENANŌ

Yesu tana ludambe 1:1-1:26

Luda Nini kipanaa 2:1-2:47

YudanŌ Yesu yā sinaa 3:1-12:25

PŌlu wētegena káakude 13:1-14:28

PŌlu wētegena gēn plade 15:1-18:22

PŌlu wētegena gēn aakōde 18:23-21:16

PŌlu gena Romu 21:17-28:31

Lésena Luda Nini yā musu

¹ Tiofilu, ma ònne ma takada káaku gūn lákū Yesu kè nà kū yā kū à dànnenŌ pínki zaa a naana gŏrŏ ² ari gŏrŏ kū à yā dìte a zĭrinŏne kū Luda Nini gbānao, akū Luda a sè à tà káao a kĭnaa. ³ Zaakū a ganaa gbera à a zĭda mŏñne à sèedayānŏ kēñne dasi kū à tò ò ò sika sari kū à bēne. À a zĭda mŏñne gŏrŏ bupla à kpata kū à bò Luda kĭnaa yā òñne. ⁴ Kū ò kakarana, akū à piñne: Àsun bo Yurusalemuro. Àgŏ lé kū ma De sèàre dā, lákū ma a yā òàre nà. ⁵ Zaakū Yahaya gbēnŏ da'ite kè í gūmme, ama gŏrŏ pla la mani á da'ite ke Luda Nini gūn.

Tana kū Yesuo ludambe

(Maa 16:19-20, Luk 24:50-53)

⁶ Kū ò kakarana le, akū ò a là ò pì: Dikiri, gŏrŏ dí gūnn ĩni Isarailanŏ kpata erañne yā? ⁷ À wèmma à pì: Á zé vĭ àgŏ gŏrŏ kesŏ gŏrŏ zaka kū ma De dìte kū a zĭda ikooo dŏro. ⁸ Tó Luda Nini kĭpaáwa, áni gbāna le àgŏ de ma sèedadennŏ ũ Yurusalemu kū Yudea bŭsu gu sĭnda pínkiŏ kū Samaria bŭsuuo ari à gé pé andunia léa. ⁹ Yā bire onaa gbera Luda a sè n wára ari à gèe à sàte n wéa ludambe lukun. ¹⁰ A tanaa gūn lákū n wé pé ludambea nà, akū gbēnŏn pla kenŏ bò ò zè n sare ò pókasa puranŏ dana. ¹¹ Ò pì: Galili bŭsudennŏ, à kè dera á zena áten ludambe gwaa? Yesu kū Luda a bò á té à tà káao a kĭnaa pìi, ani era à su lákū a è áten tá gwe nà.

Yudasi gēnekenaa

¹² Akū ò kĭpa Kŭkpe sĭsĭia ò sù Yurusalemu. Sĭsĭi pìi zà kū Yurusalemu ò kà lán kiloo do taka bà. ¹³ Kū ò kà, akū ò didi kpé musu, gu kū òdigŏ kún. Pita kú gwe kū Yuhanao kū Yamisio kū Anduruo kū Filipio kū Tomasio kū Batŏlŏmiuo kū Matiuo kū Alafeu né Yamisio kū Simŏ Kokarideo kū Yamisi né Yudasio. ¹⁴ N pínki n zĭda kpà aduakenaana leele kū Mariama Yesu dao kū Yesu dakūnanŏ kū nŏgbē kparanŏ.

¹⁵ Gŏrŏ birea Pita fŭte à zè Yesu iba kū ò kà gbēnŏn basuddo takanŏ té à pì: ¹⁶ Ma gbēnŏ, yā kū Dauda ò kū Luda Nini gbānao Yudasi kū à dò gbē kū ò Yesu kŭnnŏne are yā musu, tilasime Luda yā pì papa. ¹⁷ Ó gbē dome yā a baka kú ó zĭ díkĭna gūn. ¹⁸ À zĭte lù kū ɔgŏ kū à lè a vānikena gūnwŏ. Gwen à bàkē à lēten, a nēsese pŭtā a nukāninŏ bŏte pínki. ¹⁹ Yurusalemudennŏ pínki yā pìi mà, akū ò tŏ kpà gu piine Akeledama kū n buri yāo. Tŏ pìi pì gbēderi zĭte. ²⁰ Ó a yā ò Zabura takada gūn ò pì:

A be gŏ bezĭ ũme,

gbēke sŭngŏ kú a gūn dorŏ.

Ò pì dŏ:

Gbē pānde gō a gēne ũ.

21-22 A yā mé à tò gbē kū òdigō tēwái gōrō kū ó kú lēlē kū Dikiri Yesuo zaa Yahaya gbēnō da'itekegōrō ari gōrō kū Luda a bò ó tēnō, ò n gbē do bo àgō de a vuna gan sēedade ũ kūoo. ²³ Akū ò gbēnōn planō bò, Yusufu kū òdi pine Baasaba òdi pine dō Yusutu kū Matiao. ²⁴ Akū ò adua kē ò pi: Dikiri, n gbē sīnda pínki nēse dō. Gbēnōn pla dínō té n gbē kū n bò mōwēre, ²⁵ de a bàka gō kú kū ókōnō zīrinō zī dīkīna gūn yāi, zī kū Yudasi bōn à gēe gu kū kō sē kāao gūn. ²⁶ Akū ò kàpaa kpà gbēnōn pla pìnō yā musu. Akū líkpana Matia kù, akū ò a dà zīri gbēnōn kuri awēedonō té.

2

Luda Nini kipanaa

¹ Kū Pentikōsi dikpe gōrō kà, ò kú gu dokōnōa n pínki. ² Kānto ò kīni mà bona ludambē lán zàga'īa gbāna bà, akū kpé kū ò vutena wà. ³ Ò pō è lán tēnenenō bà à fākōa à dīdi n baadia. ⁴ Akū Luda Nini kīpanīma n pínki, akū ò nà yākeburī'onaaa lākū Nini pī n gbá lé nà.

⁵ Yuda kenō kú Yurusalemu gwe, ludayāmari kū ò bò andunia būsū sīnda pínki gūnnō ũ. ⁶ Kū ò n zuka pī mà, ò kākarañī dasidasi, akū ò bīdi kē, kū ò mà òteni n gbē sīnda pínki burī yā o. ⁷ Yā pī n kú gbāna à bò n sare ò pi: Yā'orīi pìnō bi Galilidenōme n pínkiroo? ⁸ À kē dera ò mà òteni ò baadi būsū yā oo? ⁹ Patiano kū Midiano kū Elamunōn ó ũ kú gbē kū ò kú Mesopotamiano kū Yudeao kū Kapadosiao kū Pōntuo kū Asiao ¹⁰ kū Firigiao kū Pamfiliao kū Misilao kū Libia būsū kū à kú Sireni sareo kū gbē kū ò bò Romunō. ¹¹ Yudanō kū gbē kū ò n donyī zé sēnōn ó ũ kú Keretino kū Larubunō, akū òten ma òten Luda yābonsare kenano o kú ó baadi burīyānō. ¹² Yā pī n kú gbāna ò bīdi kē, òten kō lala òten pi: Yā kpate takan gwee? ¹³ Gbēkenō sō òteni n lalandi kē ò pi: Í mé à n kú.

Pita waazikenaa

¹⁴ Akū Pita fūte à zē kú a gbē kpara gbēnōn kuri awēedonō à yā ò gbāngbān à pi: Ákōnō Yudanō kū gbē kū á kú Yurusalemunō pínki, à sā kpá à tó mà yā pī oáre. ¹⁵ Í dí gbē pìnō kū lākū áten da nāro, zaakū kōnkō mō kēndon tera. ¹⁶ Yā kū annabi Yoeli òon dí:

¹⁷ Luda pi:

Gōrō kpēdenō zī mani ma Nini pisi gbē sīnda pínkia,

á négōgbēnō kū á nēnōgbēnō ni annabikēyā o,

á kēfennanō ni wégupu e,

á mare zōkōnō ni nana o.

¹⁸ Gōrō birenōa

mani ma Nini pisi ma zōblerinōa

gōgbēnō kū nōgbēnō n pínki

oni annabikēyā o.

¹⁹ Mani sēedanō kē musu,

mani yābonsarenō kē andunia gūn,

aru kū téo kū túsukpe síi lukuo nigō kún.

²⁰ Ifāntē ni sira kū,

mōvura ni tēra kū lán aru bà

ari Dikiri sugōrō zōkō gakuride gō gé ká,

²¹ gbē sīnda pínki kū òdi Dikiri sīsino ni bo.

22 Isarailanŋ, à yā dí ma. Lákū á dŝ á zīdane nà, Luda Yesu Nazera m̀óáre a gbē ū kū daboyānŋ kū yābonsarenŋ kū sèeda kū à kè a gāi á ténŋ. 23 Luda zèo a p̀oyenyīna kū a dŝnaao gūn kū ò a kpàáwa, akū a tò kifirinŋ a pà lía ò a dè. 24 Akū Luda ga bàa p̀oroa à a vù, zaakū à zé vī kū ga ni f̄ŝ àgŝ a kūnaro. 25 Zaakū Dauda a yā ò à pi:

Madīgŝ Dikiri e ma wén gŋŋ sīnda pínki,
lákū à kú ma ɔplai nà
p̀óke ni ma lukaro.

26 Abire yāin ma p̀ɔ digŝ nna,
ma nèsegūn p̀ù.

Ma tāmaa vī kū ma mè nigŝ kun,

27 zaakū īni ma tó mira gūnlo,
īni we n gbē kū à kú adona yagi kūro.

28 N ma da wèndi zéa,
ma p̀onna nigŝ pana n kīnaa.

29 Ma gbēnŋ, mani f̄ŝ mà ó dizi káaku Dauda yā oáre swáswa. À gà ò a vī a mira kú wēte dín ari kū a gbārao. 30 A annabike gūn à dŝ kū Luda lé sèawa à pi, áni a burinŋ doke ká a kpatan. 31 Dauda gīnake à Arumasihu vuna gan è, akū à a yā ò à pi: Luda ni a tó mira gūnlo, ani we a mè yagi kūro.

32 Yesu piin Luda a vù gan. A sèedadenŋn ó ū ó pínki. 33 Vutena Luda ɔplai à a Nini kū à a lé sèwete s̀i a Dea. Yā kū áten e akūsŝ áten ma tera de Luda Nini kū à p̀isiwá ūme. 34 Zaakū adi ke Dauda mé à f̄ute à gèe ludambero, à pi:

Dikiri ò ma dikirine à vute a ɔplai

35 ari àgŝ a iberenŋ kene a tintin ū.

36 Isarailanŋ, àgŝ dŝ s̀ansān kū Yesu kū a a pà líaan Luda dìte Dikiri ū, Arumasihu ū dŝ.

37 Kū ò yā p̀i mà, à n zŝ, akū ò Pita kū z̀iri kparanŋ là ò pi: Gbēnŋ, óni ke deraa? 38 Akū Pita p̀irine: Á baadi nèse lite à da'ite ke kū Yesu Kirisi t́o, á durunnanŋ ni kēáwa áni Luda Nini sí gba ū. 39 Zaakū lé kū Luda s̀e p̀i de á p̀ó ūme kū á nénŋ kū gbē kū ò kú z̀anŋ, gbē kū Dikiri ó Luda ni n s̀isi p̀inŋ n pínki. 40 À yā pāndenŋ ònne dasi à nàkaramma à pi: À á zīda bo gbāragbē vāni dínŋ té. 41 Akū gbē kū ò a yā p̀i s̀inŋ da'ite kè. Zī birean ò kàra n té gbēnŋn wàa gēro. 42 Ò laakarīi dŝ z̀irinŋ yādannenāaa kū kŝgbēkenāao kū Dikiri p̀óblenāao kū aduakēnāao.

Yesudenŋ kunna kū kŝo

43 Z̀iri p̀inŋ ten sèeda kū yābonsarenŋ ke, akū vīna gbē sīnda pínki kū. 44 Dikiri náanikerinŋ pínki gā dokŋnŋme. P̀ó kū ò vīnŋ gŝ n pínki p̀ó ū. 45 Tó ò n p̀ó kū ò vīnŋ yia, òdi a gŋŋ kpaatetekŋne lákū baadi b̀okŋte de nà. 46 Lákū gu digŝ dŝ nà òdigŝ kŝ kakara Luda ɔnn, òdigŝ p̀ó ble kŝ bea kū p̀onnao kū nèse m̀en doo. 47 Òdigŝ Luda t́ kpá, akūsŝ òdigŝ nna kū baadi p̀inkio. Dikiri digŝ gbē kū áteni n sura banŋ kara n té lákū gu digŝ dŝ nà.

3

Gŝgbē ere werekŝanaa

1 Zīkea Pita kū Yuhanao gèe Luda ɔnn fānantē m̀ò aakŝ aduakēgŋŋa. 2 Gŝgbē ke kú gwe ò a i ere ūme. Lákū gu digŝ dŝ nà òdi a sé ò su ò a dite Luda ɔnn gānu kū òdi pi Gānu Mana gūn. Gwen àdigŝ bara ke gbē kū òten

gě ɔn p̄i gūnnɔa. ³ Kū à Pita k̄u Yuhanao è, òten su gě Luda ɔnn, akū à baraa kèr̄mma. ⁴ Ò wé p̄èa, akū Pita p̄ine: Ñ ó gwa la. ⁵ Akū à wé p̄èr̄mma àteni n̄ gba dā. ⁶ Akū Pita p̄ine: Má ɔgɔ v̄iɔ, ama p̄ó k̄u má v̄in maní n̄ gba. Kū Yesu Kiriſi Nazera t̄so n̄ fute n̄ táa o. ⁷ Akū Pita a k̄u a ɔplaa à a fùte a zè. Gwe ḡòno a gbálanɔ k̄u a gèsewaanɔ gbāna k̄u. ⁸ À v̄l̄ à zè, akū à nà táa'onaaa. À ḡè k̄ur̄wo Luda ɔnn àten táa o àten v̄iv̄i àten Luda sáabu kpá. ⁹ Baadi p̄ínki a è àten táa o àten Luda sáabu kpá, ¹⁰ akū ò a d̄s̄ barakeri k̄u àdiḡ vute Luda ɔnn Gānu Manan ū, akū yā k̄u à a lè n̄ k̄u gbāna à bò n̄ sare.

Pita waazikena Luda ɔnn

¹¹ Lákū à na Pita k̄u Yuhanao nà gu k̄u òdi pi Sulemanu èdan, akū baadi p̄ínki ten ḡè n̄ k̄inaa, k̄u yā p̄i bò n̄ sare yāi. ¹² Kū Pita gb̄enɔ è, à p̄inne: Isarailanɔ, bó yā mé à tò yā p̄i bò á saree? Bó yā mé à tò á wé f̄wá lee? Àten da ó z̄ida gbāna kes̄ó ó ludayāmana mé à tò gb̄e dí táa ò yá? ¹³ Ó dizi k̄aakunɔ Ibrahim̄ k̄u Isaakuo k̄u Yakubuo Luda gwenaa kpá a z̄ikeri Yesua. Ák̄onɔ s̄o a a kpá gbānadenɔa a bo a kpe Pilati k̄u à zè k̄u a gbarenao are. ¹⁴ A bo Luda gb̄e mana k̄u à kú adona p̄i kpe, akū a wé k̄e Pilatia à gb̄ederi gbareáre. ¹⁵ A W̄endikpammari d̄e, akū Luda a v̄u bona gan. A s̄èedadenɔn ò ū. ¹⁶ Yesunaanikena mé à tò ḡs̄gb̄e k̄u á a d̄s̄ àteni a gwa dí w̄erek̄sa Yesu t̄s̄ gbāna yāi. Yesunaanikena mé à a gbà aafia á p̄ínki wára. ¹⁷ Tera ma gb̄enɔ, má d̄s̄ k̄u ák̄onɔ k̄u á gbānadenɔ yā p̄i k̄e w̄esirakena ḡümme. ¹⁸ Luda dò annabinɔne are, akū ò ḡinake ò p̄i n̄ p̄ínki k̄u Arumasihu ni w̄et̄amma e, akūs̄ à k̄e le. ¹⁹ Abire yāi à nèse lite à are d̄o Ludaa, á durunnanɔ ni k̄éawa de à suáre k̄u nèsekpatenaao ²⁰ à Yesu k̄u à ḡinake à a d̄iteáre Arumasihu ū pi z̄iáwa. ²¹ Séde àḡó k̄u musu ḡia ari ḡɔɔ k̄u Luda ni p̄ó p̄ínki keke à ke dufu, lákū à dà a annabinɔne nà ò ò zaa k̄aaku. ²² Musa p̄i, Dikiri á Luda ni á gb̄eke sé annabi ū lán a bà. À yā k̄u ani oáre ma p̄ínki. ²³ Gb̄e k̄u adi annabii pi yā ma s̄oro, Luda ni ade bo á té à a dem̄e. ²⁴ Annabi k̄u ò Luda yā òno p̄ínki naana Samueli k̄inaa ḡɔɔ dík̄ina baaruu kpá. ²⁵ Yā k̄u annabii p̄inɔ òo k̄u Luda bàka k̄u à kú k̄u á dizi k̄aakunɔ ḡs̄ á p̄ó ū, lákū à ò Ibrahim̄ne nà à p̄i áni arubarika da andunia buri p̄ínkigu a buri ḡai. ²⁶ Kū Luda a z̄ikeri p̄i d̄ite, à a z̄iáwa k̄aaku, de à arubarika daágu à á baadi kpe li a yāvānikenanɔne.

4

Yakpatekena k̄u Pitao k̄u Yuhanao

¹ Kū Pita k̄u Yuhanao ten yā o gb̄enɔne, sa'orinɔ k̄u Luda kpé dogari gb̄e z̄ók̄ɔo k̄u Sadiusinɔ ḡěnyī. ² Ñ p̄o f̄è k̄u òten yā da gb̄enɔne yāi, òten ḡenɔ vuna Yesu ḡun kp̄akpa ke. ³ Akū ò n̄ k̄u ò n̄ dá kp̄ésiran ari gu d̄o, zaakū gu ḡinake à si k̄o. ⁴ Ama gb̄e dasi k̄u ò n̄ yā m̄anò Yesu náani k̄e ari n̄ ḡs̄gb̄enɔ dasi k̄u à k̄a gb̄enɔn d̄ubu ɔɔɔro taka bà.

⁵ Kū gu d̄o, Yuda gbānadenɔ k̄u gb̄e z̄ók̄onɔ k̄u ludayādannerinɔ k̄akara Yurusalemu. ⁶ Sa'oriki Anasa kú gwe k̄u Kayafao k̄u Yuhanao k̄u Alesandao k̄u gb̄e k̄u ò de sa'oriki p̄i dan̄e ūno n̄ p̄ínki. ⁷ Ò s̄u k̄u Pitao k̄u Yuhanao gbānade p̄inɔ are, akū ò n̄ lá ò p̄i: Bó gbāna ke dí t̄on a abirek̄u k̄èoo? ⁸ Akū Luda Nini s̄u Pitaa à p̄inne: Gbānadenɔ k̄u gb̄e z̄ók̄onɔ, ⁹ lákū àteni ó lala gbāra nà yā mana k̄u ò k̄e er̄ene yāi, deran o k̄e à w̄erek̄sa nà, ¹⁰ ák̄onɔ k̄u Isarailanɔ p̄ínki àḡó d̄s̄ k̄u gb̄e k̄u à zena á are dí aafia lè k̄u

Yesu Kirisi Nazera kũ a a pà lía Luda a vù bona gan tóome. ¹¹ Leme gbè kũ ákõnõ kpéborinõ a pã kpài mé à gò kpé kusuru gbè mède ù. ¹² Gbè pãnde ke kun kũ ani gbè sura baro, zaakũ andunia gũn pínki Luda dí gbèke dite bisásirinõne à ñ sura baro, séde àpii.

¹³ Kũ ò Pita kũ Yuhanao kùgbànakènaa è, akũsõ ò dõ kũ talaka wésiradenõme ñ ù, à bò ñ sare, akũ ò dõ sà kũ ò gínake ò kú kũ Yesuome yã. ¹⁴ Lákũ ò gbè kũ à werekõanaa pìi è ze nà ñ sare, odi fõ ò yáke ò doro. ¹⁵ Ò pínne ò bõte, akũ ò yã gògõ ¹⁶ ò pì: Óni ke dera kũ gbè pìnõõõ? Zaakũ Yurusalemudenõn dõ pínki kũ ò daboyã zõkõõ kè, óni fõ ò gíiro. ¹⁷ De yã pì sún dagula de adilaro, ò kpàkènyĩ pásipási de òsun yã o gbèkene kũ tó pìio doro. ¹⁸ Akũ ò ñ sísi ò yã diteñne òsun yã o kesõ ò yã dañne kũ Yesu tóoro sãnsãn. ¹⁹ Akũ Pita kũ Yuhanao wémma ò pì: À gwa á zìdane. Á yãn óni ma yá, ke Luda pó? A kpate mé à mana Ludanèe? ²⁰ Zaakũ óni fõ ò gí ò yã kũ o mà akũsõ o è oiro. ²¹ Gbãnade pìnõ èra ò vīna dàdañyĩ, akũ ò ñ gbáre. Odi wétãmma zé lero, zaakũ baadi pínki ten Luda sãabu kpà yã kũ à kèe pì yã. ²² Gbè kũ ò werekõana daboyã bire kènne pì zĩ kũ de wè buplala.

Yesudenõ kùgbãna wékènaa

²³ Kũ ò ñ gbáre, akũ ò tà ñ gbèno kīnaa, ò òñne lákũ sa'orikinõ kũ gbè zõkõnõ òñne nà. ²⁴ Kũ ò mà, ò ó gbãna dõ Ludaa lèlè ò pì: Dikiri, mókõn mé n musu kè kũ zĩteo kũ ísirao kũ pó kũ ò kú ñ gũnnõ pínki. ²⁵ N dà n zĩkeri ó dizi Daudanè kũ n Nini gbãnao, akũ à pì: Bó yã mé à tò burinõ ten zuka káa?

À kè dera òten lé pã kpákũsũu?

²⁶ Andunia kīnanõ ten zĩ soru ke, kpatablerinõ ten kakara Dikirii kũ Kína kũ à kàao.

²⁷ Yapurame, Herõdu kũ Põntiu Pilatio kàkara wète dí gũn kũ Isarailanõ kũ buri pãndenõ n zĩkeri kũ à kú adona Yesu kũ ñ kà kīna ù pìii. ²⁸ Ò kè lákũ n gínake n zeo nà n gbãna kũ n poyenyīnaaõõ. ²⁹ Tera sà Dikiri, ñ yã pási kũ ò ò ma gwe. Ókõnõ n zòblerinõ, ñ ó gba lé ò n yã o kũ kùgbãnao manamana. ³⁰ Ñ ò dawá de ò gbèno werekõa ò daboyãno kũ yãbonsarenõ ke kũ n zĩkeri kũ à kú adona Yesu tó. ³¹ Kũ ò adua kè ò làka, gu kũ ò kõkakaranan yīgāyīgā, Luda Nini sùmma ñ pínki, akũ ò gèe òten Luda yã oñne kũ kùgbãnao.

Yesudenõ nèsedokõnõkena kũ kõo

³² Yesu náanikerinõ laasun dokõnõ vī kũ lédokõnõ. Ñ gbèke dì pi a pó kũ á vīno bi a pómè adoro. Ñ pó pínki bi ñ pínki pómè. ³³ Luda zĩrinõ ten Dikiri Yesu vuna gan yã o gbèno kũ gbãna zõkõõ. Ò Luda gbèke zõkõ lè ñ pínki. ³⁴ Póke dí kīa ñ gbèkearo, zaakũ gbè kũ ò bú ke kpé vīno dì yía ò su kũ a õgõ ³⁵ ò kpà zĩrinõa, de ò kpà baadia lákũ à a bõkõte de nà. ³⁶ Levi buri Yusufu kũ à bò Sipiru bùsun kú ñ té. Luda zĩrinõ tó kpàne Baanaba. Tó pì pi Laakarikipaterii. ³⁷ À bú kũ à vī yia, akũ à sù à a õgõ kpà zĩrinõa.

5

Anania kũ Safirao

¹ Gõgbè kũ òdi pinè Anania kun dõ kũ a nanõ Safirao. A zĩte yia ² à a õgõ fĩnti bõ kũ a nanõ dõnao, akũ à gèe à a kpara kpà zĩrinõa. ³ Akũ Pita pìne:

Anania, bóyāi n tò Setan dònne are le sée? N n zĩte ɔɔ fĩnti bò, akū n éke tò Luda Ninine. ⁴ Gɔɔ kū nídi zĩte pì yíaro, n pónloo? Kū n yia sɔ, lákū n yei nà ĩni ke kū a ɔɔɔoro? À kè dera n yā bire kena laasun lèe? Adi ke bisāsirin n éke tònɛro, Ludan n tònɛ. ⁵ Kū Anania yā pìi mà, à lète à gà. Akū vīna gbē kū ò yā pìi màno kù manamana. ⁶ Kefennano gè ò biza dàala, akū ò a sè ò gèe ò a vī.

⁷ Kū à kà lán awa aakɔ̀ bà, yāke manaa sari a nana sù à gè. ⁸ Akū Pita a là à pì: Ñ omene, a zĩte pìi yia lán dí bàn yá? À wèa à pì: Ee, læme. ⁹ Akū Pita pìne: Bó yā mé à tò a Luda Nini lè a gwàa? Gbē kū ò n zā vīnon kú kpélelea, oni n sé ò bo kúnwo se. ¹⁰ Gwe gōno à lète a are à gà. Kū kefennano gè, ò è à gà, akū ò a sè ò gèe ò a vī a zā sare. ¹¹ Akū vīna sɔsi gbēno kù manamana n pínki kú gbē kú ò yā pìi màno n pínki.

Daboyano kú yabonsareno

¹² Luda zìrinɔ ten daboyā kú yabonsareno ke dasi gbēno té. Yesu náanikerino dì kōkakarana ke læle Sulemanu édan n pínki. ¹³ Gbē pādeno dì we ò nām̄maro, ama gbē sīnda pínki dì n tó nna sí, ¹⁴ ama gbē dasi kú òten Dikiri Yesu náani kenɔ, gōgbēno kú nōgbēno n pínki, òdigō kara n té. ¹⁵ Akū ò gyāreno sète kú wútebono kú gyāresebono ò n káte zén, de tó Pita ten gēte, a nini le à da n gbēkenola yāi. ¹⁶ Pari bò wēte kú ò kú Yurusalemu sarenon ò sù kú gyāreno kú gbē kú tānana ten wari dōr̄mano, akū ò wèrekōa n pínki.

Wétamma m̄na zìrinone

¹⁷ Akū sa'oriki kú Sadusi gā gbē kú ò de a gbē ūno fūte ò nèsegōbaa kpà kúnwo. ¹⁸ Ò zìrinɔ kùkū ò n ká kpésiran, ¹⁹ akū Dikiri malaika sù à kpé pì zé wèñne gwāani à n bóte à pì: ²⁰ À gé àgō kú Luda onn, à wèndi dufu pì yā o baadi pínkinɛ. ²¹ Zìrinɔ yā pìi mà, akū ò gèe Luda onn kōnkōkōno òten yā dañne.

Kū sa'oriki kú a gbēno fūte, ò Isaraila gbānadenɔ kú n gbē zōkōno kākara, akū ò dogarinɔ zī ò gé zìrinɔ bote kpésiran ò su kúnwo. ²² Kū dogari pino kà gwe, odi n le kpénlo. Akū ò èra ò tà ò pìinne: ²³ Kū o ka kpé pì kīnaa, o lè gbānon tatana gíngin a dākpārinon kú kpélelea, ama kú o wè, ódi gbēke lenlo. ²⁴ Kū Luda on dākpārinɔ gbē zōkō kú sa'orikinɔ yā pìi mà, ò bídi kè lán yā pì de nà. ²⁵ Akū gbēke sù à pìinne: À ma! Gbē kú a n ká kpésira gūnnon kú Luda onn òten yā dañne. ²⁶ Akū Luda on dākpārinɔ kú n gbē zōkōno gèe ò n kùkū ò sù kúnwo yākete sari, zaakū òten vīna ke gbēnonɛ, de òsun n pápa kú gbēero yāi.

²⁷ Kū ò sù kúnwo, ò n zé gbānadenɔ are, akū sa'oriki n lala yāi à pì: ²⁸ O giáre sānsān à yā dañne kú tó pìio, akū a tò yā pì kpé àten da Yurusalemula pínki, akúsó á ye à gbē pì ga yā diwa yá? ²⁹ Akū Pita kú zìri kparano wèr̄ma ò pì: Luda yā mé à kú ò ma de bisāsiri póla. ³⁰ Ó dizino Luda mé à Yesu kú a a loko lía a dè pìi vū. ³¹ Luda a sè à vūte a oplai Kínane Surabari ū, de à Isarailano gba zé ò nèse lite à n durunnano kēr̄ma. ³² Yā pino sèedadenon ó ū, ókōno kú Luda Nini kú Luda dì kpá gbē kú òdi a yā manooao.

³³ Kū ò yā pìi mà, n pō fè manamana, akū ò ye ò n dede. ³⁴ Farisi kú òdi pine Gamalieli kú n té. Ludayādanneriime, gbē sīnda pínki dì a tó nna sí. À fūte à zè à pì ò bo kú gbē pino gīa. ³⁵ Akū à pìinne: Isarailano, à laakari ke yā kú á ye à ke gbē pinoɛea. ³⁶ Adi gì kero kú Tuda fūte àteni a zīda dite a

ka. Ò t̄i lán gb̄en̄on wàa pla bà. Kū ò a d̄e, akū a iban̄o f̄àk̄ša, akū yā làka. ³⁷ A gbera Galili gb̄e Yudasi f̄ute gb̄en̄o naroḡo a gb̄en̄o ḡate à nàawa dasi. À ḡa se, akū a iban̄o f̄àk̄ša n̄ p̄inki. ³⁸ Maten ōare tera, àsun gb̄e p̄in̄o yā daro, à n̄ tó. Tó n̄ p̄oyeina kū n̄ yākenan̄o b̄ò bisāsiri k̄inaame, ani mì d̄e. ³⁹ Tó à b̄ò Luda k̄inaame s̄s, àni f̄s à kp̄án̄nero. À laakari ke z̄ikana kū Ludaoi. ⁴⁰ Ò a yā mà, akū ò z̄irin̄o s̄isi ò n̄ gb̄e. Ò ḡin̄e ò yā o kū Yesu t̄so, akū ò n̄ gb̄are. ⁴¹ Z̄irin̄o b̄ò gb̄anaden̄o k̄inaa kū p̄onnao, zaakū ò è ò k̄a kū ò wé'i dar̄ma Yesu t̄s yāi. ⁴² Lákū gu d̄iḡs d̄o n̄ ò d̄iḡs yā dañ̄e Luda on̄n kū n̄ ben̄o, ò d̄iḡs Yesu baaru nna kp̄án̄e k̄ammabonaa sari, òdi pi àkūme Arumasihu ū.

6

Kpanyiri gb̄en̄on supplan̄o ditena

¹ Ḡoro b̄irea kū Yesu iban̄o ten kara, n̄ Girikiyāmarin̄o ten yākete ká n̄ Eberuyāmarin̄o ò p̄i, tó ò ten p̄oble kpaate lákū gu d̄iḡs d̄o n̄, òdi p̄a kp̄á n̄ gyaan̄on̄ime. ² Akū z̄iri gb̄en̄on kuri aw̄eplan̄o Yesuden̄o s̄isi n̄ p̄inki ò p̄i: À z̄e v̄i ò p̄a kp̄á Luda yāi ò laakari d̄o p̄oble kpaatenaaroo. ³ À ḡs gb̄en̄o bo á té gb̄en̄on suppla, gb̄e mana kū ònd̄s kū Luda Ninio p̄ekerem̄ano, de ò n̄ dite z̄i p̄i gb̄e z̄sk̄n̄o ū, ⁴ óni laakari d̄o aduak̄enaa kū Luda yā'ón̄nenaao. ⁵ Yā p̄i k̄angu n̄ p̄inki, akū ò Sitiv̄i kū Luda Nini kū ludanaanik̄enaa p̄eker̄eaa s̄e kū Filipio kū Porokoruo kū Nikan̄o kū Tim̄o kū Pam̄enao kū Antioku gb̄e Nikola kū à Yudan̄o donȳize s̄e yāo. ⁶ Ò ḡe k̄un̄wo z̄irin̄o k̄inaa, akū ò adua k̄en̄e ò o n̄am̄ma.

⁷ Luda yā ten dagula, Yesu iban̄o ten kara Yurusalemu manamana, akū sa'orin̄o Yesu yā si dasidasi.

Sitiv̄i k̄inaa

⁸ Luda arubarika kū gb̄anao p̄ekere Sitiv̄ia, akū à ten daboyā kū yābonsaren̄o ke gb̄en̄o té. ⁹ Aduak̄ekpe ke kun kū òdi pi z̄idaden̄o aduak̄ekpe. N̄ gb̄eken̄o b̄ò Sireni kū Alesandariao kū Silisia b̄usuuo kū Asia b̄usuuo. Akū ò iberēe s̄e kū Sitiv̄io ò lékpak̄ša k̄e k̄aao. ¹⁰ Ama odi a f̄ro ònd̄s kū Luda Nini a gb̄a yāi. ¹¹ Ò té k̄a gb̄en̄on, akū gb̄e p̄in̄o p̄i: O mà à b̄ò Musa kū Ludao yā kpe. ¹² Ò Yudan̄o kū n̄ gb̄e z̄sk̄n̄o kū ludayādannerin̄o laakar̄ii f̄ute, akū ò ḡe ò Sitiv̄i k̄i, ò ḡe k̄aao n̄ gb̄anaden̄o k̄inaa. ¹³ Akū ò s̄u kū s̄edade éken̄o ò p̄i: Gb̄e dí mé àdiḡs Luda kp̄é kū a dokao v̄ani bo lakanaa sari. ¹⁴ Zaakū ò mà à p̄i Yesu Nazera ni kp̄é p̄i kakate à ó futeokarayā kū Musa d̄awere lite s̄e. ¹⁵ Akū gb̄anade kū ò vutena gwen̄o wé p̄e Sitiv̄ia n̄ p̄inki, ò è a àn de lán malaika ànn bà.

7

Sitiv̄i yā'ona gb̄anaden̄one

¹ Akū sa'oriki Sitiv̄i là à p̄i: N yā p̄in̄o ò yāpuran yā? ² Akū à p̄i: Ma gb̄en̄o kū ma den̄o, à ma! Luda Gakuride b̄ò à s̄u ó dizi k̄aku Ibrah̄ia ḡoro kū à k̄u Mesopotamia b̄usun, zaade à kp̄é à gé vute Arana. ³ À p̄ine: N̄ bo n̄ b̄usun n̄ dan̄en̄o té n̄ tá b̄usu kū mani m̄onnen. ⁴ Akū à b̄ò Kaladia b̄usu p̄i ḡun̄ à ḡe à vute Arana. A de ga gbera Luda s̄u k̄aao b̄usu kū à kun tera dí p̄in. ⁵ Luda dí b̄usu p̄i z̄ite ke kp̄aa bee ḡese doro, ama à a lé s̄ene à p̄i ani ḡs a p̄o ū kū a burin̄o. Ḡoro b̄irea s̄s Ibrah̄i né v̄iro. ⁶ Luda p̄ine lán dí bà: N burin̄o ni nib̄o ble b̄usu p̄anden. Gwen̄o oni z̄ò blen, oni wé t̄ar̄ma ari wè wàa pla. ⁷ Luda p̄i àni wari d̄o buri kū oni z̄ò bleñ̄en̄o, Ibrah̄i buri p̄in̄o ni b̄ote ò

su ò donyī keare gu dí pìn. ⁸ Akū Luda t̄z̄ōyā dà Ibrahīne a bàka konna kāao sèeda ū. Kū à Isaaku ì, à t̄z̄ō z̄ōne a ḡoro s̄oraak̄ōde zī. Len Isaaku kè Yakubune le d̄o, akū Yakubu kè ó dizi káaku gb̄en̄on kuri aweεplan̄one le se d̄o. ⁹ Akū ó dizi káaku p̄in̄o nèεḡōbaa kpà kū n̄ gb̄endo Yusufuo, ò a yia ò tà káao Misila. Luda kú kāao, ¹⁰ à a b̄o a wari s̄inda p̄inki gūn. Luda Yusufu pii gbà ̄nd̄ō à tò à nna kū Misila kina Firi'aunao, akū à a dite Misila b̄usu gb̄ē z̄ōk̄ō ū kū a be onnwo. ¹¹ Akū n̄aa kà Misila kú Kanaan̄o b̄usuuo p̄inki. Wari kè z̄ōk̄ō, ó dizi p̄in̄o dí p̄oke le ò bl̄ero. ¹² Kū Yakubu mà p̄oblewe kú Misila, à ó dizi p̄in̄o z̄i gwe. N̄ gena káakuden gwe. ¹³ A ḡen pladen Yusufu a z̄ida m̄ò a v̄nin̄one, akū Firi'auna Yusufu dan̄en̄o d̄ō. ¹⁴ Akū Yusufu gb̄ē z̄i a de Yakubua à m̄ó kú a dan̄en̄o n̄ p̄inki. N̄ p̄inki gb̄en̄on baaak̄ō akuri aweεs̄ōromε. ¹⁵ Akū Yakubu ḡεε Misila. Gwen à ḡan kú ó dizi p̄in̄o n̄ p̄inki. ¹⁶ Ò sù kú n̄ ḡen̄o Sekemu, akū ò n̄ v̄i gb̄ew̄εε kú Ibrahī lù mira ū gūn Am̄o n̄en̄o à f̄inaa b̄ōn̄ne kú andurufuuo.

¹⁷ Kū lé kú Luda s̄ε Ibrahīne ḡoro ye à ká, ó buri dasi kú à kàra Misila manamana. ¹⁸ Akū kina dufu kú à Yusufu d̄oro kpata bl̄ε Misila. ¹⁹ À p̄āsī kú ó burio à wé t̄à ó dizin̄o, à tò ò n̄ n̄en̄o k̄ōte ò ḡaga. ²⁰ Ḡoro birean ò Musa ì a àlesi mana. Ò a gwà a de bea m̄o aak̄ōmε. ²¹ Kū ò a z̄ükuna, akū Firi'auna n̄en̄ogb̄ē a s̄ε a a gwà a z̄ida né ū. ²² Ò Misilan̄o ̄nd̄ō dà Musane p̄inki, à ḡō gb̄ē z̄ōk̄ō ū yā'ona kú yākenaa gūn.

²³ Kū à kà w̄ε bupla, à dà a nèεε gūn à gé a Isaraila daken̄o gwa. ²⁴ Kū à è Misila gb̄ē ten wari d̄o a gb̄ē m̄en̄o doa, akū à yā s̄i a gb̄ēne à f̄ina b̄o à a d̄ε. ²⁵ Kū Luda ye à a gb̄en̄o sura ba a ḡai, àten da ò d̄ōmε, ama ò d̄oro. ²⁶ Kū gu d̄ō, Isaraila gb̄en̄on plan̄o ten fiti ke, akū a sù à n̄ kpaate à k̄ute k̄ēn̄e à pi: Ma gb̄en̄o, à k̄ε dera àten wari d̄ok̄ōa át̄en̄ε? ²⁷ Akū gb̄ē kú àten wari d̄o a gb̄endoa o s̄ō Musai à pi: Dí mé à n̄ ke kina yāḡōḡōri ūw̄er̄εε? ²⁸ N̄ ye ò ma d̄ε lākū n̄ Misila gb̄ē d̄ε n̄a ḡian yā? ²⁹ Kū Musa yā pii mà, à b̄aa l̄ε à tà Midia b̄usun. Gwen à n̄εḡōgb̄en̄o ìn gb̄en̄on pla.

³⁰ W̄ε bupla gberan malaika b̄o à s̄ua gb̄arannan Sinai kpi sare tariankp̄a té gūn. ³¹ Kū Musa daboyā bire è, à b̄o a sare. Kū à n̄ai à gwa, à Dikiri k̄otoo mà à pi: ³² Makūmε n̄ dizin̄o Ibrahī kú Isaakuo kú Yakubuo Luda ū. V̄ina Musa kú àten lukaluka, adi f̄ō à wé s̄ε à gw̄aro. ³³ Akū Dikiri p̄ine: N̄ n̄ kyate bobo, zaakū gu kú n̄ zen kú adoname. ³⁴ Ma w̄ēt̄amma kú òten m̄o ma gb̄ē kú ò kú Misilan̄one è s̄ans̄an ma n̄ ndanaa mà, akū ma su mà n̄ sura ba. Mani n̄ zī Misila s̄a. ³⁵ Musa kú ò ḡine yā ò pi dí mé à a k̄ε kina yāḡōḡōri ūn̄ne p̄iin̄o Luda yā òne malaika kú à b̄o à s̄ua tariankp̄a gūn ḡai, à a z̄i kina kú ani n̄ gbar̄e ū. ³⁶ Akū mé à b̄o k̄ūn̄wo à yābonsaren̄o kú daboyān̄o k̄ε Misila kú Isira T̄erao kú gb̄aranna gūnwo w̄ε bupla. ³⁷ Musa pi mé à pi Isarailan̄one, Luda ni n̄ gb̄ēke sé annabi ū lán a bà. ³⁸ Musa pi kú kú gb̄ē kú ò kakarana p̄in̄o gb̄arannan, à kú gwe kú ó dizin̄o kú malaika kú à yā òne Sinai kpi musuo. Akū mé à yā w̄endiden̄o s̄i à kp̄awá.

³⁹ Ó dizin̄o dí a yā maro, akū ò ḡi n̄ laasun èra à tà Misila. ⁴⁰ Ò pi Harunane: N̄ t̄ana ken̄o k̄ew̄er̄ε ò dow̄er̄ε are, zaakū Musa kú à ó b̄ōte Misila, ó d̄ō yā kú à a l̄ero. ⁴¹ Ḡoro birean ò t̄ana pi lán z̄usane b̄ōr̄o b̄a, akū ò sa òa ò dikp̄e k̄ε p̄ó kú ò k̄ε n̄ z̄idane pi yā musu. ⁴² Akū Luda kp̄e lín̄e à tò ò donyī k̄ε ludambe p̄ōn̄one lākū ò k̄ē annabin̄o takada gūn n̄a ò pi: Isarailan̄o, adi ke makū a sa òma gb̄arannan w̄ε buplaro.

43 Tāna Mōleki bizakutan á sena
kū susune tāna Refā kū a zεo takao.
Dikiri kū a pì a donyī kēñnenō yāin
mani tó ò tá kááo Babilōnu dire kpa.

44 Ó dizinō Luda bàka kunna kúnwo kuta vī gbárannan. Luda a taka mò
Musane, akū ò kè lākū Luda òne nà. 45 Kuta pì gō Yōsuanε kū ó dizinō, akū
ò sù ò buri kū Luda pèrnmañnenō bùsuu simma. Kuta pì kú gwe ari Dauda
gōra. 46 Dauda pì nna kū Ludao, akū à wé kèa de à le à kpé bo Yakubu
Ludane. 47 Sulemanu mé à kpé pì bōne. 48 Ama Luda Musude digō kú kpé
kū bisāsirinō bōo gūnlo, lākū annabii ò nà:

49 Dikiri pì:

Musu bi ma kiblegbaame,
zīte bi ma tintimmmε.
Kpé kpate takan áni bomeneε?
Mákpān ma kipaki kunn?

50 Makū mé ma pó sīnda pínki kèroo?

51 Ludayādarisarinōn á ū! Á nèse vīro! Á sã gbāname! Adigō gí Luda Nini
adigō ke lán á dizinō bà. 52 Annabi kpaten á dizinō gí wé tāaii? Ò gbē kū ò
gīnake ò Gbē Mana suna yā òo pīnō dēde. Ade pīn a bo a kpe a a dē sà. 53 A
doka kū malaikanō sūoo sì, ama ádi zī ke a yāaro.

Sitivī papana kū gbēεo

54 Kū ò yā pì mà, n pō fēi ò saka sòì. 55 Akū Luda Nini dīdi Sitivīa à wé
pè ludambea, akū à Luda gakuri è kū Yesuo zena a oplai. 56 Akū à pì: À
ma! Ma ludambe è wēna, Bisāsiri Né zena Luda oplai. 57 Akū ò tātā n sãa
ò wiki gbāna lè, akū ò kùsia lεεlεlεlε. 58 Ò a gātε ò bō káao wēte kpe, akū
òteni a pápa kū gbēεo de ò a de. Ò n uta zōkōnō bō ò kàte kefenna kū òdi pine
Solu sare. 59 Kū òten Sitivī pápa kū gbēεo lε, à adua kè à pì: Dikiri Yesu, n
ma nini sí. 60 Akū à kùte à wiki gbāna lè à pì: Dikiri, òsun n durunna dīkīna
daro. Yā bire onaa gberan à gà.

8

1 Solu kú gbē kū ò Sitivī dēnō kpe.

Solu wétamma mōna Yesudenōε

Zī birean ò nà wētāna sōsi gbē kū ò kú Yurusalemunōa manamana.
Zīrinō baasi ò fākōa n pínki Yudea kū Samaria bùsunō gūn. 2 Ludayāmari
kenō Sitivī vī ò a gē sō dō kū wiki gbānao. 3 Akū Solu kokari kè kū sōsi gbēnō
kakatenāao. Àdigō gē on kū onnwo àgō gōgbēnō kū nōgbēnō kúkū àgō n gātε
à gé à n ká kpésiran.

Baarunnakpana Samaria bùsun

4 Gbē kū ò fākōanō gēε ò Yesu baaruu kpà gu sīnda pínkin. 5 Filipi gēε
Samaria bùsu wēte ken, akū à Arumasihu waazi kēñne. 6 Kū gbēnō Filipi
yā mà, akūsō ò daboyā kū à kēnō è, ò laakarii dō yā kū àten a kú nèse
mèn doo. 7 Zaakū gbē kū n tñanō gōmma kū wiki gbānaonon dasi, akūsō
kōnōdenō kū εrenō wèrēkōa dasi. 8 Akū ò pōnna kè manamana wēte pì gūn.

9 Gōgbē ke kú gwe zaa zī òdi pine Simō. Àdigō daboyā ke à bō Samari-
adenō sare, akū à a zīda dīte gbē bèere de ū. 10 Né fīti gbē zōkō pínki dī laakari
dō a yāa ò pi: Gbē pì bi gbē kū òdi pine Luda gbāna zōkōdeme. 11 Daboyā kū
àdigō ke n té zaa gikena n kū gbāna. 12 Ama kū ò kpata kū à bō Luda kīnaa

baaru kŭ Filipi kpàñne kŭ Yesu Kirisi tsoo mà, ò sì, akŭ ò da'ite kè gōgbēnō kŭ nōgbēnō ñ pínki. ¹³ Bee Simō yā pìi sì à da'ite kè, akŭ à nà Filipia. Kŭ à daboyā kŭ gbāna yā zōkō kŭ Filipi ten kenō è, yā pìnō bò a sare.

¹⁴ Kŭ zĭrinō mà zaa Yurusalemu Samariadenō Luda yā sì, ò Pita kŭ Yuhanao zĭm̃ma. ¹⁵ Kŭ ò kà gwe, ò adua kèñne de ò Luda Nini le yāi. ¹⁶ Ò ñ da'ite kè yā kŭ Dikiri Yesu tsoo, ama Luda Nini dí didi ñ gbēkearo. ¹⁷ Kŭ ò ɔ nām̃ma, akŭ ò Luda Nini lè sà. ¹⁸ Kŭ Simō è ò Luda Nini è kŭ zĭrinō ɔnammanaao, akŭ à sùnne kŭ ɔgɔo ¹⁹ à pì: À ma gba gbāna pì se, de gbē kŭ ma ɔ nàa ni Luda Nini le. ²⁰ Akŭ Pita pìne: N ɔgɔ kakate kŭnwo, zaakŭ nten da ñni Luda gba lú kŭ ɔgɔome. ²¹ N ɔ kŭ zĭ pìi gŭnlo, n baka kŭ a gŭnlo, zaakŭ n nēse mana Ludanero. ²² Ñ kpe li n yā vāni pìine ñ adua ke Dikiria, ke ani sŭru ke kŭnwo kŭ n laasun bire takao gwεε? ²³ Zaakŭ ma è kŭ sεwe zĭni kŭ n gŭn, durunna bàa kàñne. ²⁴ Akŭ Simō pì: À adua kemene Dikiria de yā kŭ a ò ke sŭn ma lero yāi.

²⁵ Kŭ Pita kŭ Yuhanao Dikiri sēedaa kè ò a yā dàñne, akŭ ò era òten tá Yurusalemu, òten baaru nna kpá Samaria lakutunō gŭn dasidasì.

Filipi kŭ Etiopia gbānade keo

²⁶ Dikiri malaika yā ò Filipine à pì: Ñ fute ñ gé gèñmidɔki kpa. Ñ zé kŭ à bò Yurusalemu à gēe Gaza sé, zé kŭ à bòte gbárannan. ²⁷ Akŭ à dà zén. Etiopia gbēke té zé pìn. Etiopia bùsu saraunia kŭ òdi pìne Kandase begwariime, a aruzeke dākpārino gbē zōkōome. À sù à donyī kè Yurusalemu, ²⁸ akŭ à era àten tá à vutena a sōgo gŭn, àten annabi Isaya takada kyó ke. ²⁹ Akŭ Luda Nini pì Filipine: Ñ gé ñ na sōgo direi. ³⁰ Akŭ Filipi bàa lè à gēe. À mà àten annabi Isaya takada kyó ke, akŭ à a là à pì: Ñ kyó kŭ nten ke bɔkɔte dō yā? ³¹ À wèa à pì: Tó gbēke dí a bɔkɔtemenero, mani fō mà a dōro dō yā? Akŭ à Filipi sīsì à gè à vùte a sare. ³² Yā kŭ àteni a kyó ke pìn dí:

Lán sã kŭ òten gé a kùtu kpá bà,
lán sãne bōro kŭ òteni a kã kē bà,
à yĭte kpēn adi lé wēkōaro.

³³ Ò wé'ì dàa,

odi yākpate ke kãao a zéaro.

Dí mé ani fō à a goro bire yā oo?

Zaakŭ ò a wèndii bò andunia gŭn.

³⁴ Akŭ gōgbē pìi pì Filipine: Ñ omene, dí musun annabi yā bire òo? A zĭdan yā ke gbē pāndeme? ³⁵ Naana Luda yā pìia Filipi Yesu baaru nna kpāne.

³⁶ Kŭ òten gé are, ò kà í ke kĭnaa, akŭ gōgbē pìi pì: Ñ í gwa la. Bó mé ani kpāmene mà da'ite keε? ³⁷ Akŭ Filipi pìne: Tó n yā pìi sì kŭ nēse mèn doo, ñni fō. À wèa à pì: Ma sì kŭ Yesu Kirisi bi Luda Néme. ³⁸ Akŭ à pì ò gó ze.

Akŭ ñ pla ñ pínki ò kĭpa ò gè ín. Akŭ à a da'ite kè. ³⁹ Kŭ ò bikù bara, akŭ Dikiri Nini Filipi kpāgui, gōgbē pì dí a e doro, akŭ ponna gŭn à dà zéla.

⁴⁰ Filipi a zĭda è ze Azotu, akŭ à gēe à Yesu baaru nna kpá wēte kŭ wēteo ari à gèe à kào Sizaria.

9

*Yesu bo à suna Solua
(Zĭr 22:6-16, 26:12-18)*

¹ Goro birea sō Solu ten pō bo a yīn, àten yā pāsī o Dikiri ìbano dedena yā musu. À gèe sa'oriki kīnaa, ² à gbèkaa à lá kē Damasuku aduakεkpeɔne à kpáawa, de tó à zé pì deno lè gwe, gōgbēno kū no gbēno n pínki, ani n kūkū à su kūnwo Yurusalemu. ³ Kū à dà zén, àten gé à kà kāni kū Damasukuo, akū kānto gupura bō ludambe à dāmala. ⁴ À bō à lète, akū à kotoo mà à pìne: Solu, Solu, bō mé à tò nten wé tāmaa? ⁵ Akū à pì: Díme n ũu, Dikiri? Akū à wèa à pì: Makūme Yesu kū nten wé taa ũ. ⁶ N fute n gē wēte gūn, oni onne yā kū ĩni ke. ⁷ Gbē kū òten gé kaaono gō sàii. Ò kotoo pì mà, ama odi gbēke ero. ⁸ Kū Solu fūte, à a wé wè, akū adi gu ero. Akū ò a kù a ɔa ò gèe kaaō Damasuku. ⁹ À kè goro aakō gu'ena sari, adi pō blero adi í miro.

¹⁰ Yesude ke kú Damasuku kū òdi pìne Anania. Dikiri yā òne wégupu'ena gūn à pì: Anania. Akū à wèa à pì: Makūn dí, Dikiri. ¹¹ Akū Dikiri pìne: N fute n da zé kū òdi pì Súsun ari Yudasi be onn n Taasu gbē kū òdi pìne Solu gbeka. Àten adua ke gwe. ¹² Wégupu'ena gūn à n e, n su n ɔ nàa de à gu e. ¹³ Akū Anania pìne: Dikiri, ma mà ò gbē pì yā ò dasi, lākū à yā vāni kè n gbē kū ò kú Yurusalemunone nà. ¹⁴ Sa'orikino a gbà zé à gbē kū òteni n sísì lano kūkū. Abire yāin à sù. ¹⁵ Akū Dikiri pìne: N gé, zaakū ma gbē pì sè à gé ma tó bo buri pāndenone kū n kīnāno kū Isarailanome. ¹⁶ Lākū ani wétamma le ma tó yāi nà mani mone. ¹⁷ Akū Anania bō à gèe à gè on pìn, à ɔ nà Solua à pì: Solu ma gbē, Dikiri Yesu kū à bō à sūmma zén goro kū nten su la, àkū mé à ma zī de n gu e Luda Nini summa yāi. ¹⁸ Gwe gōno pō bōte a wén lán kpòtekeke bà ò lète, akū à gu è. Akū à fūte à da'ite kè. ¹⁹ Kū à pō blè, à gbāna kù.

Solu waazikena zaa Damasuku

Solu goro pla kè kú Damasuku Yesudenɔ, ²⁰ akū à nà Yesu yā waazikenāaa gōno Yudanɔ aduakεkpeɔno gūn, à pì Yesu bi Luda Néme. ²¹ Yā pì bō gbē kū ò māno sare ò pì: Gbē bire mé adi gbē pì sísirino ásarū ke Yurusalemuroo? Àkū mé adi su la à n kūkū à tá kūnwo sa'orikino kīnaaroo? ²² Solu sō, a gbāna digō kara, akū a yā Yuda kū ò kú Damasukuno fū à bīriañe kú Yesu bi Arumasihume.

²³ Goro pla gbera Yudanɔ lédokōno kei ò a de, ²⁴ akū à n lékpakūsūnaai pì mà. Òten wēte bīnileno dākpā fānantē kū gwāanio de ò a de yāi. ²⁵ Gwāanin Solu gbēno a dà tānkon ò a gbāre kū bāao bāai bona bīni musu.

Solu waazikena zaa Yurusalemu

²⁶ Kū à kà Yurusalemu, à wēte à na Yesudenɔa, akū ò vīna kēne n pínki, odi a Yesudekena náani kero. ²⁷ Akū Baanaba a sè à gèe kaaō zīrino kīnaa, à gbāñne lākū Solu Dikiri è zén nà kū yā kū Dikiri òneeo kū lākū à Yesu yā ò gupuraa nà zaa Damasukuo. ²⁸ Akū Solu gè n té à kurè kūnwo Yurusalemu à yā ò gbēno kú Dikiri tso gupuran. ²⁹ Kū à yā ò Yuda Girikiyāmarinone à lékpakōa kè kūnwo, akū òten wete ò a de. ³⁰ Kū a gbēno dō, ò zēne Sizaria, akū à tà Taasu.

³¹ Abire gbera sōsi gbē kū ò kú Yudea kú Galilio kú Samaria būsuoɔnon kun aafia pínki. Òten gbāna kū òten gé are vīnakena Dikirinēe gūn, òten kara kú Luda Nini n nēse kpàteñne yāi.

Ainea werekōanaa

³² Pita dì kure wēte kú wētēo pínki, akū à gèe Luda gbē kú ò kú Lidano gwa. ³³ À gōgbē kú òdi pìne Ainea è gwe, à kōno kú katena wè sɔraakō.

³⁴ Akū Pita pìne: Ainea, Yesu Kirisi n werekōa. Ñ fute ñ n pè koko. Akū à fùte gòno. ³⁵ Lidadeno kù Saronudenon a è, akū ò lite ò are dō Dikiria.

Tabita vuna gan

³⁶ Nōgbē Yesude ke kú Yopa a tón Tabita, kù Giriki yāo sō Dōkasi. Tó pì pì zō. Yā mana kenaa pèkerea, akūsō àdi takasidenon wēnda gwa. ³⁷ Goro birean à gyā kè à gā. Kū ò a zú ò, ò a sè ò wùte kpé musu gūn. ³⁸ Yopa sō à zā kù Lidaoro. Kù Yesudenon mà Pita kù gwe, ò ñ gbēnon planon zīa ò wé kēa ò pì: Ñ mós ó kīnaa likalika. ³⁹ Akū Pita fùte à gēe kūnwo. Kù à kà, ò didi kāao kpé pìi musu. Akū gyaanonon nài ñ pínki kù sōdōo, ò uta kù pōkasa kù Tabita kè goro kù à kpé kù kūnwonon mōne. ⁴⁰ Pita pèrūma à ñ bōte bàai. À kùte à adua kè, akū à are dō gēe pīia à pì: Tabita, ñ fute. Kù à wé wè, à Pita è, akū à vùte. ⁴¹ Pita a kù a oà à a fùte à a zè. Akū à Luda gbē pīno sīsī kù gyaanonon, akū à a kpāmīma bēne. ⁴² Yā pīi dà Yopala pínki, akū ò Dikiri náani kè gwe dasi. ⁴³ Pita goro pla kè gwe Simo Āna bea.

10

Pita kù Kōneliuo

¹ Gbēke kù Sizaria a tón Kōneliu. Àkūme soza gā kù òdi pì Itali gā gbē zōkō ũ. ² Gbē pì bi ludayāmariime, àdigō Luda vīna vī àpīi kù a bedenon ñ pínki. Àdi gba da manamana, akūsō àdigō adua ke gēn baaakō. ³ Zīkea fānantē mō aakō à Luda malaikaa è tētētē wégupu gūn, à gè a bea à pīne: Kōneliu. ⁴ Akū Kōneliu wé wēa kù vīnao, akū à pì: Bómee, Dikiri? À wèa à pì: N aduakena kù n gbadana gbēnonneeo kà Luda kīnaa, akū à sī. ⁵ Ñ gbēno zī Yopa sà, de ò Simo kù òdi pīne Pita sīsī. ⁶ À kīpa gbē kù òdi pīne Simo Āna bea. A be kù ísira léa. ⁷ Kù malaikaa pīi tà, Kōneliu a zīkeri gbēnon pla kenon sīsī kù soza ludayāmari kù à naaao. ⁸ Kù à yā pīi bàbañne pínki, akū à ñ zī Yopa.

⁹ Kù gu dō, akū ò dà zén, ò kà kāni kù wēte pīio. Goro birea kù ifāntē kà midangura, Pita dī kpé musu de à adua ke. ¹⁰ Nà teni a de à ye à pō ble, akū goro kù òten pōble ke à wégupu è. ¹¹ À ludambe è wēkōana, pōke ten kīpa lán biza zōkōo bà. Bà dōdōna a kusuru mèn siikōnoa pínki, àten su zīte. ¹² Pó buri sīnda pínki kù a gūn, nōbōno kù pō kù òdi taa o kù kuaonon kù bāno. ¹³ Akū ò pīne: Pita, ñ fute ñ de ñ só. ¹⁴ Akū Pita pì: Agya Dikiri. Mādi tē pō ke pō gbāsī ble zikiro. ¹⁵ Akū à kōtoo pīi mà a gēn plade dō ò pì: Pō kù Luda pì à swāswa, ñsun a tē boro. ¹⁶ À kè le gēn aakō, akū kānto ò pō pīi gā ò tào ludambe.

¹⁷ Pita ten bīdi ke wégupu kù à è pīia, akū Kōneliu zīri kù ò Simo be gbēkanon kà gōno, ò zena gānu léa. ¹⁸ Ó lé zù ò gbēka tó gwen Simo kù òdi pīne Pita kīpan. ¹⁹ Ari tera Pita ten laasun lé wégupu kù à èea, akū Luda Nini pīne: Gbēnon aakōno teni n gbēka. ²⁰ Ñ kīpa ñ gé kūnwo sikaa sari, zaakū makū mé ma ñ zīmīma. ²¹ Akū Pita kīpa à gēe gbē pīno kīnaa à pì: Makūme gbē kù áten gbēka ũ. Bó yā mé à tò a su laa? ²² Ó pì: Sozanon gbē zōkō Kōneliu mé à ó zī. Gbē maname, à Luda vīna vī. Yudanon pínki dī a tō nna sí. Luda malaikaa pīne à n sīsī ñ su a bea de à n yā ma. ²³ Akū Pita gē kūnwo onn à ñ yārii kè.

Kù gu dō, à fùte à dà kūnwo zén. Yopa Yesude kenon gēe kāao leele. ²⁴ A goro aakōden ò kà Sizaria. Kōneliu a danenon kù a gbēnna kāninon kākara

àteni n̄ dā. ²⁵ Kū Pita gē ɔnn, akū Kɔneliu gēè à dàale à kùte a arɛ. ²⁶ Akū Pita a fùtè à pì: Ñ fute ñ zɛ. Bisāsirin ma ũ se. ²⁷ Àten yā o kāao ari ò gēè ò gē kāao kpén, akū à gbēnɔ lè kakarana gwe dasidasi. ²⁸ À pìnnɛ: Á dō kū Yudanɔ zé vī ò yākate kū buri pāndeo ari ò gē n̄ ɔnnlo. Ama Luda mòmɛne māsun gbēke gbāsī gwa ke mà a tè boro. ²⁹ A yā mé à tò kū ò ma sisi, ma su sikaa sari. Má ye mà yā kū a ma sisiia ma sà. ³⁰ Akū Kɔneliu pì: A gɔɔ siikōden dí kū maten adua ke ma bea ifāntē m̀ aakō mandara'i. Akū kánto ma gbēke è zena ma arɛ à pókasa kū àten té ke dana ³¹ à pì: Kɔneliu, Luda n aduakɛnaa si, n gbadanaa kàagu. ³² Ñ gbēnɔ zī Yɔpa Simɔ kū òdi pine Pita sisi. À kipa Simɔ Ana bea zaa isira léa. ³³ Akū ma gbēnɔ zìmma g̀nɔ. Lákū n su nà à kè mana. Tera sà ó pínki ó kú la Luda dōnaa gūn, de ò yā kū Dikiri ònne ñ owɛɛ ma yāi.

Pita yā'onaa

³⁴ Pita nà yā'onaaa à pì: Ma sì yāpura sà kū Luda dì gbēke wé gwaro. ³⁵ Buri sīnda pínki té gbē kū àten vīna kɛnɛ, akūsō àdi yā mana ke, ade yā mé àdi káagu. ³⁶ Á légbāzā kū Luda kè Isarailanɔne dō, à kɛna kāao nna Yesu Kirisi gāi baaru nna kpānne. Àkūmɛ buri sīnda pínki Dikiri ũ. ³⁷ Á yā kū à kè Yudea gu sīnda pínki dō, lákū à nàa nà zaa Galīli Yahaya waazikɛna da'itɛkɛna yā musu gbera. ³⁸ Á dō lákū Luda a Nini pisi Yesu Nazeraa nà, akū à kú kú gbānao à gēè wēte kū wēteo, à yā mana kèr̀ne à gbē kū Ibilisi n̄ ɔ fḗr̀ne n̄ kpɛnɔa wèrekōa, zaakū Luda kú kāao. ³⁹ Ókōnɔmɛ yā kū à kè Yudea b̀sun kū Yurusalemuo pínki sèedadɛnɔ ũ. Ò a lòko lía ò a dè, ⁴⁰ akū Luda a vù gan a gɔɔ aakōde zī à tò à a zīda m̀wɛɛɛ. ⁴¹ Adi ke gbē sīnda pínki mé à a èro, sé ókōnɔ kū Luda gīnake à ó sé a sèedadɛnɔ ũ. A vuna gan gbera o pò blè o í mì kāao. ⁴² Akū à dàwɛɛ ò waazi ke gbēnɔne ò oñne kū akāame gbē kū Luda dite gbē bēnɛnɔ kú gyāwāndenɔ pínki yākpatekeri ũ. ⁴³ Annabino pínki a yā ò ò pì gbē kū ò a náani kènɔ durunnanɔ ni kēr̀ma a tó gāi.

Luda Nini kipana buri pāndenɔne

⁴⁴ Gɔɔ kū Pita kpé àten yā pì oñne, Luda Nini kipa gbē kū òten yā pì manɔa n̄ pínki. ⁴⁵ Yā pìi b̀ò Yuda Yesude kū ò sù kū Pitaonɔ sare, kū bee buri pāndenɔn Luda a Nini pisi r̀mma gba ũ yāi. ⁴⁶ Zaakū ò mà òten yāke buri o òten Luda yābonsare kɛnanɔ o. Akū Pita pì: ⁴⁷ Gbē pìnɔ Luda Nini lè lán ó bà. Dí mé ani f̄ à gínne ò da'ite kɛɛ? ⁴⁸ Akū à pì ò da'ite kèr̀ne kú Yesu Kirisi t̄so. Akū ò wé kèa à gɔɔ pla ke kúnwo.

11

Pita buri pāndenɔ yā gbana Yuda Yesudenɔne

¹ ZĪrinɔ kú Yesude kú ò kú Yudeanɔ mà lákū buri pāndenɔ Luda yā sì nà se. ² Kū Pita sù Yurusalemu, gbē kú ò zè kú t̄z̄yāonɔ a taari lè ³ ò pì: N gē gyɔf̄ɔɔndenɔ bea n pò blè kúnwo. ⁴ Akū Pita fùtè àten yā pì b̀kɔtèr̀ne zéazea à pì: ⁵ Má kú Yɔpamɛ, maten adua ke, akū ma wégupu è. Ma pòke è lán biza z̄k̄ɔò bà, bà d̀d̀ɔna a kusuru mèn siikōnɔa, à b̀ò ludambe àten kipa ma kīnaa. ⁶ Ma wé pèa tíii, ma ǹbɔnɔ è a gūn, s̄ente pónɔ kú pò kú òdi t̄aa o kú k̀aonɔ kú bānɔ. ⁷ Akū ma kòtoo mà ò pìmɛnɛ: Pita, ñ fute ñ dɛ ñ só. ⁸ Akū ma pì, agya Dikiri, tè pò kes̄ pò gbāsī ke dí gē ma lén zikiro. ⁹ Kòtoo pì bona ludambe gèn plade pì d̀, pò kú Luda kèke à g̀ swáswa, màsun a

tè boro. ¹⁰ À kè le gèn aakō, akū ò èra ò gà pínki ò tàò ludambe. ¹¹ Goro bire gōno gbēnon aakō kū ò n zīma bona Sizariano sù on kū má kún. ¹² Akū Luda Nini pìmenē mà gé kúnwo sikaa sari. Ó gbēno gbēnon suddo dīkīnāno gèe kūmao lēle se, akū o gē gbē kū à gbē pino zīma bea. ¹³ Akū à òwēre lākū a malaikaa è nà, à bò à sùawa a kpén à òare à gbē zī Yopa à ma sísi, ¹⁴ de mà yā kū ani a sura ba oare, akāa kū a bedeno n pínki. ¹⁵ Kū ma na yā'onāaa, Luda Nini kīpañma lākū à kīpawá káaku nà. ¹⁶ Akū yā kū Dikiri ò dí dōmagu kū à pì, Yahaya gbēno da'ite kè kū ío, akāa sō áni ó da'ite kè kū Luda Ninio. ¹⁷ Lākū Luda gba dokōno kēñne kū ókōno kū o Dikiri Yesu Kírisi náani kēno nà, dín ma ú mà fō mà gí Ludanē? ¹⁸ Kū ò yā pìi mà, odi yāke o doro, akū ò Luda tó bò ò pì: O è Luda èra à buri pāndenō gbà zé dō ò nèse lite ò wēndi kū àdi lākaro le.

Antiokudenō zēna kū Yesuo

¹⁹ Wētāmma kū à fūte Sitivī ga gbera mé à tò gbēno fākōa ò tà Fenisia būsun kū Sipiru būsuo kū Antiokuo, òten Luda yā o Yudanone ntēne. ²⁰ Ama n gbēkenō bi Sipiru būsuo kū Sireni būsuo gbēnone, akū ò gèe Antioku òten yā o buri pāndenone se dō, òten Dikiri Yesu baaru nna kpáñne. ²¹ Dikiri ten o daríma, akū gbēno yā pìi sì dasidasi ò are dō Dikiria.

²² Akū yā pì baaru kà Yurusalemu sōsi gbēno kīnaa, akū ò Baanaba zī Antioku. ²³ Kū à kà gwe, à è lākū Luda arubarikaa kēñne nà, akū a pō kè nna. À lé dàmma n pínki ò ze kū Dikiri kū nèse mēn doo. ²⁴ Baanaba bi gbē maname, Luda Nini kū ludanaanikēnaao pēkērea, akū ò kàra Dikiri gbēno gūn dasidasi. ²⁵ Akū Baanaba gèe Taasu de à Solu wete. ²⁶ Kū à a lè, akū à sù kāao Antioku. Ódigō kakara kū sōsi gbēno dasidasi ògō yā dañne ari wē do papana. Antioku gwen ò Yesu ibanō sisin Yesudenō ū káaku.

²⁷ Goro kua annabinō bò Yurusalemu ò sù Antioku. ²⁸ N gbē kū òdi pine Agabu fūte à zè à gīnake à nà zōkō kū ani ká andunia gūn pínki yā òñne kū Luda Nini gbānao. Kalaudiu kīblena goron nàa pìi kà. ²⁹ Akū Yesudenō zēo ò n gbē kū ò kú Yudeano kámaza ke lākū baadi gbāna kà nà ò kpāzāñne. ³⁰ Akū ò kè le ò Baanaba kū Soluo zìo ò kpá n gbē zōkōno.

12

Yamisi dena kū Pita dana kpésiranwo

¹ Goro kua kina Herodu o pète Yesude kenōa pásipāsī. ² À Yuhana vñi Yamisi dè kū fēnedao. ³ Kū à è yā bire kè Yudanone nna, akū à èra à Pita kù dō. À abirekū kè Burodi Futenasari dikpe zīme. ⁴ Kū à Pita kù, à a dà kpésiran à a nà sozanone n oī ò a dākpā. Soza pino gà do bi gbēnon siisiikōme leu siikō. À dite à yākpate ke kāao gbēno wāra Vīnla dikpe gbera. ⁵ Akū ò Pita kūna kpésiran, ama sōsi gbēno ten adua kene zēnaa sari.

Pita bona kpésiran

⁶ Zī kū tó gu dō kū Herodu ni bo kāao, zī birea gwāanin Pita ten i o soza gbēnon plano dagura yīna kū mōkakōanaao mēn pla, akūsō gbēnon planon kú kpélelele òten kpé pì dākpā. ⁷ Kānto gōno Dikiri malaikaa gè gwe, akū kpé pì pura kù. À Pita lè a gbāntereea à a vù à pì: N fute likalika. Akū mōkakōanaa pino bōte a o. ⁸ Akū malaikaa pìi pine: N n uta da n n kyate kpá. Pita kè le, akū malaikaa pìi pì: N n uta kakara n kū n tēmai. ⁹ Akū Pita bò à tēi. Adi yā kū malaika ten kene dō yāpura ūro, àten da áten nana

ome. ¹⁰ Ō gēte gudākpāri káakula kŭ a pladeo, akŭ ò kà bīnileá. Bīnile pìi gbà bi m̀̀ome, akŭ à wè̀̀ne kŭ a zīdao. Ō b̀̀te òten gē wēten, akŭ gwe g̀̀no malaikaa pì Pita tò zēda gŭn. ¹¹ Kŭ Pita wé kè à pì: Má d̄s s̄ans̄an sà kŭ Dikiri a malaikaa z̄i de à ma bo Herodu oī kŭ yā kŭ Yudan̄o wé d̄oi ò kemeneo p̄inki.

¹² Kŭ a laakar̄ii sù, à gēe Yuhana kŭ òdi pine d̄o Maaku da Mariama bea. Ō kakarana gwe dasidasi òten adua ke. ¹³ Kŭ à gānu gbà lè, akŭ n̄gbē z̄ikeri kŭ òdi pine Roda gēe gwa. ¹⁴ Kŭ à Pita kòtoo d̄ò, p̄onna gŭn adi zé w̄ro, à bàa lè à èra à gēe à p̄inne Pita ze kpélelea. ¹⁵ Ō p̄ine: Īa ten kámman yá? Akŭ à zèò kŭ yāpurame. Akŭ ò pì: A malaikaame. ¹⁶ Pita kpé àten gbà lé. Kŭ ò wè, ò a è, akŭ yā p̄ii b̀̀ò n̄ sare. ¹⁷ Akŭ à ɔ kè̀̀ne yáku ò yīte, akŭ à bàbañne lākŭ Dikiri a bo kpésiran nà. Akŭ à pì: À gé à o Yamisine kŭ ó gbē kparano. Akŭ à b̀̀ò à gēe gu p̄andea d̄o.

¹⁸ Kŭ gu d̀̀ò, zuka gbāna kà sozano dagura òten k̄o lala: B̄ó mé à Pita lèe? ¹⁹ Herodu pì ò a wete. Kŭ odi a lero, akŭ à yā làla gudākpār̄ii p̄in̄o, akŭ à pì ò n̄ dede.

Herodu ganaa

Abire gbera Herodu b̀̀ò Yudea à gēe à ḡro pla kè Sizar̄ia. ²⁰ À p̄o fē Tayaden̄o kŭ Sidōden̄oi manamana, akŭ gbē bireno lédok̄no kè ò sù a gwa lele. Ō gēe kina pì begwari Blasatu k̄ina. Kŭ Blasatu n̄ yāze è, ò gēe lédok̄no ke kŭ Heroduo, zaakŭ n̄ b̄usu p̄oble d̄i bo a b̄usumme.

²¹ Kŭ ḡro kŭ ò dite kà, Herodu a k̄ible'utano dà à gēe à v̄ute a tintinnwa, akŭ à yā ò gbēno. ²² Gbēno wiki lè ò pì: Luda ke mé àten yā o, adi ke bisāsirinlo. ²³ Gwe g̀̀no Dikiri malaika a lè à a nè, kŭ adi z̄k̄ke d̄o Ludanero yāi, akŭ a m̄e k̄k̄o kà à gà.

²⁴ Luda yā tén dagula àten kara. ²⁵ Baanaba kŭ Soluo s̄o, kŭ ò n̄ kámaza yā kèke ò làka, ò b̀̀ò Yurusalemu ò Yuhana kŭ òdi pine Maaku sè ò tà k̄ao.

13

Baanaba kŭ Soluo z̄inaa

¹ Annabin̄o kŭ yādannerin̄on kŭ Antiokŭ s̄osi gbēno té, n̄ t̄on Baanaba kŭ Simeo kŭ òdi pine Bárasirao kŭ Sireni b̄usu gbē Lusiuo kŭ Manaē kŭ à né blè kŭ kina Heroduo lele kŭ Soluo. ² Ḡro kŭ òten donyī ke Dikirine kŭ léyinaao, Luda Nini pì: À Baanaba kŭ Soluo dite ndona z̄i kŭ ma n̄ séa yāi. ³ Kŭ ò lé yī ò adua kè, akŭ ò ɔ d̄id̄im̄a ò n̄ gbáre, ò dà zén.

Kunna Sipiru b̄usun

⁴ Kŭ Luda Nini Baanaba kŭ Soluoo z̄i le, ò gēe Selusia. Zaa gwe ò gēe gó'iten ò gēe Sipiru b̄usun. ⁵ Kŭ ò kà Salami, ò Luda yā waazi kè Yudan̄o aduak̄ep̄eno gŭn. Yuhana Maaku kŭ kŭñwo kpanyīri ū. ⁶ Ō gēte luan p̄ila ari Pafu, akŭ ò kpākŭ kŭ Yuda dabokeri kŭ à de annabi éke ūo gwe. A t̄on Yesune. ⁷ Àdiḡo kŭ kŭ b̄usuu pì gbē z̄k̄o Segiu Poluo. Gbē z̄k̄o pì bi ònd̄riime, akŭ à Baanaba kŭ Soluo sisi kŭ à ye à Luda yā ma yāi. ⁸ Dabokeri pì t̄on Elima kŭ Giriki yāo. À ibereē sè kŭñwo, àten wete à gbē z̄k̄o pì sà v̄u de àsun Yesu náani kero yāi. ⁹ Akŭ Solu kŭ òdi pì d̄o Polu, Luda Nini d̄idia, akŭ a wé p̄e Elimaa à pì: ¹⁰ Ibilisi n̄eno doke kem̄e n̄ ū! Mana s̄inda p̄inki kparaside! Bisāsiri kŭ yā v̄ani s̄inda p̄inki p̄eker̄ea! Wézeri p̄asi! Īni Dikiri zé s̄usu litena kpedangara t̄oro? ¹¹ Tera sà Dikiri ni ɔ kútemma de

ñ v̄ina kū. Īni ḡoro pla ke kū ifántē'enaao. Gwe ḡōno Elima wé ḡō dāadāa, gusira kùtea. Akū àten ɔ mātēmatē à gbē wete à a ɔ kū. ¹² Kū gbē z̄ōk̄ō p̄i yā kū à k̄ēe p̄i è, à Dikiri náani k̄ē, zaakū Dikiri yā kū P̄olu dànē a k̄ē gbāna.

Kunna Antiokū kū à kú Pisidia b̄usun

¹³ Akū P̄olu ḡē g'iten kū a gbēno ò bò Pafō ò ḡēe Pega, Pamfilia b̄usun. Gwen Yuhana Maaku ñ tón à èra à tà Yurusalemu. ¹⁴ Bona Pega ò ḡēe Antiokū kū à kú Pisidia b̄usun. Kámmaboḡoro z̄i ò ḡēe ò v̄ute aduakekpen. ¹⁵ Doka kū annabin̄o takadan̄o kyókenaa gbera aduakekpe gbē z̄ōk̄ōno gbē z̄i à p̄ir̄ne: Gbēno, tó á karana yáke v̄i à o gbēno, à o. ¹⁶ Akū P̄olu f̄ute à ɔ k̄ērne à p̄i: Isarailano kū buri pānde donyīrino, à ma yā ma. ¹⁷ Isarailano Luda ó dizino s̄ē, akū à ñ buri kàra kū ò kú Misila b̄usun. Akū à bò k̄ūwo gwe kū a gbāna z̄ōk̄ōno. ¹⁸ À ñ gwa gbáranan lán w̄ē bupla taka bà. ¹⁹ À gbāna bl̄ē Kanaan̄o b̄usu buri m̄en supplan̄o, akū à ñ b̄usuu p̄i kp̄ám̄ma. ²⁰ A p̄ínki kà w̄ē w̄aa pla kp̄ē bupla akuri taka bà. Abire gbera à yāḡōrino d̄iteñne ari à ḡēe pé annabi Samuelia. ²¹ Kū ò k̄ina gb̄eka, akū Luda Kisi né Solu, Biliaminu buri d̄iteñne. À kpata bl̄ē w̄ē bupla, ²² akū Luda a bò kpatan à Dauda kà a ḡēe ū. Luda Dauda yā ò à p̄i à l̄ē Yese né Dauda laasan p̄o k̄ēare, ani a p̄oyeina p̄ínki yā k̄eme. ²³ A buri ḡūn à Yesu b̄on Isarailan̄o Surabari ū lákū à a l̄ē s̄ē nà. ²⁴ Ari Yesu p̄i ḡē s̄ē Yahaya ḡínake à waazi k̄ē Isarailan̄o ñ p̄ínki, à órne ò ñ n̄ese lit̄e ò dá'ite ke. ²⁵ Kū Yahaya z̄i ye à l̄áka à p̄i: Dín àten da má de a ūu? Gb̄ē kū àten wé d̄bin ma ūro. À ma! Ade ten su ma gbera, mádi ká mà a kyate bobonero.

²⁶ Ma gbēno, Ibrah̄i burino kū buri pānde donyīrino, ók̄ōno Luda surabana yā d̄ik̄ina kp̄āz̄awere. ²⁷ Yurusalemudeno kū ñ gb̄anadeno dí Yesu d̄oro, odi annabin̄o takada kū òdiḡō a kyó ke kámmaboḡoro z̄i p̄ínki z̄é d̄oro, akū ò tò annabii p̄ino yā p̄apa ò yā dàala. ²⁸ Odi yáke lea kū à kà ò a dero, akū ò wé k̄ē Pilatia de ò a de. ²⁹ Kū ò yā kū ò k̄ē a yā musu k̄ē p̄ínki, ò a k̄ipa lía ò a w̄ute miran. ³⁰ Ama Luda a v̄u bona gan. ³¹ A ḡoro pla kenaa ḡūn à bò à s̄ù gb̄ē kū ò bò Galili ò ḡēe k̄āo Yurusalemun̄o. M̄ók̄ōme a s̄ēdadeno ū gbēno. ³² Ók̄ōno s̄ō, o su a baaru nna kp̄áare. Lákū Luda l̄ē s̄ē ó dizino ñ nà ³³ à k̄ē ók̄ōno kū ó de ñ buri ūno, à Yesu v̄u lán ò ò Zabura plade ḡūn nà. Luda p̄i:

Ma néme n ū,
gbāran ma n i.

³⁴ Adi yagi kero, ama Luda a v̄u bona gan lákū Luda ò nà yā à p̄i:

Mani kúadona arubarika k̄ēare yāpura

lákū ma ò Daudan̄e nà.

³⁵ Akū ò ò gukea d̄o ò p̄i:

Īni we n gb̄ē kū à kú adona yagi kero.

³⁶ Dauda s̄ō à Luda p̄oyenyīnaa k̄ē a ḡoro, à ḡà ò a mira kp̄āk̄ūsū kū a dizino p̄o, akū à yagi k̄ē. ³⁷ Gb̄ē kū Luda a v̄u bona gan p̄i dí yagi kero. ³⁸ Ma gbēno, àḡō d̄ō kū durunnan̄o k̄ēmmana waazi kū óten k̄ēare bò Yesu ḡáime.

³⁹ Musa doka dì f̄ō à tò Luda yā bo k̄ūwo n̄naro, ama Luda dì tò yā bo kū gb̄ē kū òten Yesu náani ken̄o nna a p̄ínki ḡūn. ⁴⁰ À laakari ke, de yā kū annabin̄o ò s̄ún á lero ⁴¹ ò p̄i:

À ma, ák̄ōno lalandikerino,

à ke ḡiri à kakate,

zaakū mani yáke ke á ḡoro.

Bee tó ò òáre, áni síro.

⁴² Kū Pɔlu kū Baanabao ten bɔte aduakekpen, ò wé kèrma ò era ò su yā pì oñne kámmabogɔɔ làa dɔ. ⁴³ Kū òten fákɔa, Yudanɔ kū gbē kū òdi donyī ke kúñwɔnɔ bò ò tɛ Pɔlu kū Baanabaoosi dasi. Ò yā òñne ò lé dàrma, de ògɔ gé are kū gbēke kū Luda kèñmeo.

⁴⁴ Kámmabogɔɔ làa wɛtedenɔ kàkara n̄ pínki ò sù Dikiri yā ma. ⁴⁵ Kū Yudanɔ pari è lé, ò nèsegɔbaa kpà manamana, akū òten Pɔlu yā éke bo òteni a sɔsɔ. ⁴⁶ Akū Pɔlu kū Baanabao yā òñne kū swègbānao ò pì: Ákɔnɔn à kù ò Luda yā oáre káaku gĩa. Zaakū a gii áten da ádi ká à wèndi kū àdi lákaro lero, óni era ò are dɔ buri pāndenɔa sà. ⁴⁷ Zaakū Dikiri yā dí dítewere à pì: Ma n dite gupura ũ buri pāndenɔne, de ò gé kū surabana yāo ari zíte léa.

⁴⁸ Kū buri pāndenɔ yā pì mà, n̄ pɔ kè nna ò bèere l̄ Dikiri yāne, akū gbē kū Luda n̄ díte wèndi kū àdi lákaro pɔ ũnɔ Yesu náani kè.

⁴⁹ Akū Dikiri yā dà bùsuu pila pínki. ⁵⁰ Yudanɔ ɔ zò buri pānde nɔgbē donyīri bèeredenɔi kū wɛte gbānadenɔ, akū ò wé tà Pɔlu kū Baanabaoa ò pèrma n̄ bùsun. ⁵¹ Ò lukutɛ kpùkekpuke n̄ gbānao n̄ tona kū Ludao sèeda ũ, akū ò gèe Ikɔniu. ⁵² Yesudenɔ sɔ, Luda Nini pèkerem̄ma kū pɔnnao.

14

Kunna Ikɔniu

¹ Ò kè Ikɔniu lákū òdi ke nà, ò gè Yudanɔ aduakekpen ò yā ò ari Yudanɔ kū buri pāndenɔ Dikiri náani kè dasidasi. ² Akū Yuda kū ò gì yā pì síino buri pāndenɔ sã vù Yesudenɔne ò ibere sè kúñwo. ³ Bee kū abireo Pɔlu kū Baanabao gɔɔ pla kè gwe ò Dikiri yā ò kū swègbānao, akū Dikiri n̄ gbá zé ò sèedanɔ kū daboyānɔ kè, kū à yāpura kpà a gbēkeyā kū òten oa. ⁴ Akū wɛtedenɔ kèkèkɔa, gbēkenɔ zè kū Yudanɔ, gbēkenɔ sɔ kū zìrinɔ. ⁵ Akū Yudanɔ kū buri pāndenɔ kū n̄ gbānadenɔ zèo ò wé tārma ò n̄ pápa kū gbèeo. ⁶ Kū Pɔlu kū Baanabao n̄ yā dɔ, akū ò bàa s̄ ò tà Likaonia bùsu wɛtenɔ gūn, Lisitira kū Debio kū n̄ lakutunɔ. ⁷ Akū ò kpé òten baaru nna pì kpáine gwe.

Kunna Lisitira

⁸ Gɔgbē ke kú Lisitira a gbáno íbana. Zaa lákū ò a ò nà ereme, adi táa o zikiro. ⁹ Áten sã kpá Pɔlu yāi, akū Pɔlu wé pèa tíii, à è a ludanaanikena a kà à a werekɔa, ¹⁰ akū à pìne kū kòto gbānao: N̄ fute n̄ ze n gbáa. Akū à v̄ à zè à nà taa'ona. ¹¹ Kū gbēnɔ è lákū Pɔlu kè nà, akū ò wiki kàkara kū Likaonia yāo ò pì: Tānanɔ li bisāsirinɔ ũ ò k̄ipawá. ¹² Ò tɔ kpà Baanabane Zusu, Pɔlu sɔ Emesi kū àkū mé àdi doñne are kū yā'onaao yāi. ¹³ Zusu pì kpé kú wɛte kpe, akū a gbàgbarii sù kū zùsa kū ò lávu zāblebɔ kèñnenɔ wɛte b̄n̄ilea. À ye gbēnɔ sa oo zìrinɔa. ¹⁴ Kū Baanaba kū Pɔluo yā pì mà, ò n̄ utanɔ gāga ò kèkè, akū ò s̄ gbēnɔ tɛ kū wikio ¹⁵ ò pì: Gbēnɔ, bó yā mé à tò áten ke lee? Bisāsirinɔn ó ũ se lán á bà. Baaru nnan òten kpáare, de à kpe li pɔ gina d̄inɔne à are dɔ Luda Wèndidea. Àkū mé à musu kè kū zíteo kū ísiraio kū pɔ kú ò kú a gūnnɔ pínki. ¹⁶ À buri s̄inda pínki tò yā ò n̄ z̄ida zé sè. ¹⁷ Bee kū abireo à a z̄ida m̄áre yāmanakena a gūn. Àdi tó legū maare de à pɔ kè a gɔɔa. Àdi á gba pòble dasi de àgɔ kú pɔnna gūn. ¹⁸ Bee kū yā bire onao, gbāna kū gbānao ò gbasa ò gì gbēnɔne ò sa oñma.

¹⁹ Akū Yudanɔ̀ bò Antiɔku kū Ikɔniuo ò sù ò gbēnɔ̀ sã vù. Akū ò Pɔlu pàpa kū gb̄eɛo ò a gâte ò bò kãao w̄ete kpe, òten da à gãm̄e. ²⁰ Kū Yesudenɔ̀ kàkarai, akū à fùte à ḡē w̄ete gūn. Kū gu d̄ò, àpii kū Baanabao ḡe Debi.

Zìrinɔ̀ tana Antiɔku

²¹ Kū ò baaru nna kpàñne w̄ete p̄ii gūn, ò gbēnɔ̀ lè dasidasi. Akū ò èra ò ḡē Lisitira kū Ikɔniuo kū Antiɔkuo, ²² òten Yesudenɔ̀ gba gbàna, òten lé dañma ò wé tã Yesu náanikenaana ò p̄i: Séde ò wari ke manamana, gbaso ò ḡē kpata kū à bò Luda k̄inaa gūn. ²³ Ò gb̄ē z̄ɔk̄ɔnɔ̀ d̄iteñne s̄osi kū s̄osio, akū ò adua k̄ēñne kū léȳinaa ò ñ ná Dikiri kū ò a náani k̄è ɔ̄.

²⁴ Kū ò b̄te Pisidia b̄usu kpa, akū ò kà Pamflia b̄usun. ²⁵ Ò Luda yã ò Pega, akū ò ḡē Atalia. ²⁶ Gwen ò ḡē gó'iten ò tã Antiɔku, gu kū ò ñ ná Ludane a ɔ̄ yã, de à gb̄eke k̄ēñne z̄i kū ò k̄è ò làka tera yã musu. ²⁷ Kū ò kà, ò s̄osi gbēnɔ̀ kàkara ò yã kū Luda k̄ēñne gb̄añne p̄inki, lákū à buri pāndenɔ̀ gb̄a z̄é ò a náani k̄è nà. ²⁸ Akū ò ḡɔɔ pla k̄è kūñwo gwe.

15

Yaḡɔḡɔna Yurusalemu

¹ Gb̄ekenɔ̀ bò Yudea ò sù Antiɔku, akū ò yã dà Yesudenɔ̀ne ò p̄i: Tó ádi t̄ò z̄ɔ lákū Musa d̄ite n̄aro, áni surabana lero. ² Pɔlu kū Baanabao zuka k̄añȳi ò lékpak̄ɔa k̄è kūñwo manamana yã p̄ii musu. Akū Yesudenɔ̀ z̄eɔ Pɔlu kū Baanabao kū ñ gb̄ekenɔ̀ ḡé Yurusalemu de ò yã p̄i ḡɔḡɔ kū z̄irinɔ̀ kū gb̄ē z̄ɔk̄ɔnɔ̀. ³ Ò ḡē ò z̄ēñne, akū ò b̄te Fenisia kū Samariao b̄usu kpao. Ò buri pāndenɔ̀ n̄eselitena yã bàba ñ gbēnɔ̀ne gwe, akū ñ p̄o k̄è nna manamana. ⁴ Kū ò kà Yurusalemu, s̄osi gbēnɔ̀ kū z̄irinɔ̀ kū gb̄ē z̄ɔk̄ɔnɔ̀ gb̄anak̄e kp̄ányi, akū ò yã kū Luda k̄ēñne p̄inki baaruu kp̄añne. ⁵ Akū Farisi Yesudekeno fùte ò p̄i: Séde buri pāndenɔ̀ t̄ò z̄ɔ, ò oñne òḡɔ Musa doka k̄una. ⁶ Akū z̄irinɔ̀ kū gb̄ē z̄ɔk̄ɔnɔ̀ k̄ò kàkara òten yã p̄i gwa. ⁷ Kū yaḡɔḡɔnaa gb̄ana k̄u, Pita fùte à p̄iñne: Ma gbēnɔ̀, á d̄ɔ kū Luda ma d̄ite á té à ḡii k̄è, de buri pāndenɔ̀ Yesu baaru nna ma ma lén ò a náani ke. ⁸ Luda gb̄ē s̄inda p̄inki n̄ese d̄ɔ, akū à ñ gb̄a a Nini ñ sinaa s̄eɛda ũ lákū à ó gb̄a nà. ⁹ Luda dí ñ d̄ite dodo kū ók̄ɔnɔ̀. Á ñ n̄ese p̄ipiñne kū ò Yesu náani k̄è yai. ¹⁰ Bó yã mé à tò áten Luda lé áten gwa teraa? Aso kū ó dizinɔ̀ fua ò sé kū ók̄ɔnɔ̀n á ye à d̄iñne yá? ¹¹ Lenlo! Ó sì kū óni surabana le Dikiri Yesu gb̄eke yai lán m̄ók̄ɔnɔ̀ bà se.

¹² Gbēnɔ̀ k̄è k̄itiki ñ p̄inki, akū ò sã kp̄a Baanaba kū Pɔluo, òten s̄edano kū daboyã kū Luda k̄è ñ ḡai buri pāndenɔ̀ t̄enɔ̀ oñne. ¹³ Kū ò yã ò ò làka, Yamisi fùte à yã ò à p̄i: Ma gbēnɔ̀, à ma yã ma. ¹⁴ Simɔ̀ ò lákū Luda wé p̄a buri pāndenɔ̀la káaku nà à gbēnɔ̀ s̄è ñ té a p̄ó ũ. ¹⁵ Annabinɔ̀ yãno k̄ò s̄è kū abireo, zaakū ò p̄i:

¹⁶ Abire gbera mani era mà su mà Dauda bez̄i bo,
mani a guforo keke mà tata mà a fute,

¹⁷ de bisásiri kparano ma kí wete,
buri pānde gb̄ē kū ma t̄ó kúr̄ma p̄ino ñ p̄inki.
Dikiri kū áten yã p̄i ke mé à ò,

¹⁸ àkū mé à tò ò yã p̄i d̄ɔ zaa káaku.

¹⁹ A yã mé à tò ma è à mana ò yã kū à z̄i'ũ d̄ite buri pānde kū òten are d̄o Ludaanɔ̀nero. ²⁰ Ò takada k̄ēñne ò mi k̄è tana p̄oblea kū p̄ap̄akenaao kū n̄òb̄o k̄utukpanasario kū aruo. ²¹ Zaakū à ḡii k̄è kū òd̄iḡɔ Musa takada kyó

ke aduakekpenŋ gūn kámmabogŋŋ zĭ pínki òdigŋ a doka waazi ke wēte kŭ wēteŋ.

Gbēnŋ zĭna buri pānde Yesudenŋa

²² Akŭ zĭrinŋ kŭ gbē zŋkŋnŋ kŭ sŋsi gbēnŋ pínki zēŋ ò gbēnŋ bo n̄ té ò n̄ zĭ Antioŋku kŭ Pŋluo kŭ Baanabao. Akŭ ò n̄ arēde kenŋ bŋ, Yudasī kŭ òdi pinē Baasaba kŭ Silasio. ²³ Ò n̄ zĭ kŭ takadaŋ, yā kŭ ò kē a gūnn dí:

Ókŋnŋ zĭrinŋ kŭ gbē zŋkŋnŋ o fŋ kpà ákŋnŋ ó gbē kŭ ò de buri pānde ūnŋa zaa Antioŋku kŭ Siria bŋsuoŋ kŭ Silisia bŋsuoŋ. ²⁴ O mà ó gbēkenŋ gēe á kĭnaa ó lé sari, ò á nēsēe yàkaāre ò á dá bídin n̄ yā'onaa gūn. ²⁵ Akŭ o lédokŋnŋ kē o zēŋ kŭ ò gbēnŋ bo ò n̄ zĭáwa kŭ ó gbē yenyīdenŋ Baanaba kŭ Pŋlu ²⁶ kŭ ò gi n̄ wēndiii ó Dikiri Yesu Kirisi tŋbona yāiio. ²⁷ A yā mé à tò óten Yudasī kŭ Silasio zĭáwa, de ò yā kŭ o kē takadan oāre kŭ léŋ. ²⁸ Zaakŭ Luda Nini kŭ ókŋnŋ o zēŋ òsun aso ke diārero, séde pŋ kŭ à zé vĭ díkĭnanŋ. ²⁹ À mì kē nŋbŋ kŭ ò sa òo tānaaa kŭ aruo kŭ nŋbŋ kŭtukpanasario kŭ pāpākenaaŋ. À mana à mì kē adinŋa. Ó kŋ e aafia!

³⁰ Akŭ ò n̄ gbāre ò gēe Antioŋku. Ó sŋsi gbēnŋ kākara n̄ pínki, akŭ ò takada pĭi kpāmma. ³¹ Kŭ ò a kyó kē, akŭ n̄ pŋ kē nna manamana kŭ nēsēyīdakūna yā piŋ. ³² Yudasī kŭ Silasio bi annabinŋme, akŭ ò lé dà n̄ gbē pinŋa manamana ò n̄ gbá gbāna. ³³ Kŭ ò gŋŋ pla kē gwe, Yesudenŋ lé zāmma, akŭ ò tà n̄ zĭrinŋ kĭnaa aafia. ³⁴⁻³⁵ Pŋlu kŭ Baanabao gŋ Antioŋku. Kŭ gbē dasi pāndenŋ ò Dikiri yā dānne, ò baaru nna kpānne.

Pŋlu kŭ Baanabao kēkŋanaa

³⁶ Gŋŋ pla gbera Pŋlu pĭi Baanabanē: Ó era ò gé ó gbēnŋ gwa wēte kŭ o Dikiri yā waazi kēn yānŋ gūn, ògŋ dŋ lākŭ ò kun nā. ³⁷ Baanaba ye à Yuhana Maaku sé à gé kūnwo, ³⁸ akŭ Pŋlu ten da à mana ò gbē kŭ à kēmuma Pamfilia à gi tényĭ n̄ zĭ gūn sé doro. ³⁹ Kŭ odi kŋ yā maro, akŭ ò kēkŋa. Baanaba Maaku sē ò gē gŋ'iten ò gēe Sipiru. ⁴⁰ Akŭ Pŋlu Silasi sē. Yesudenŋ n̄ ná Dikirinē a ŋi de à gbēke kēnne, akŭ ò dà zēn, ⁴¹ ò gēte Siria kŭ Silisiaola ò sŋsi gbēnŋ gbà gbāna.

16

Pŋlu wētegena kŭ Timŋtio kŭ Silasio

¹ Pŋlu kà Dēbi kŭ Lisitirao. Gwen Yesude ke kun a tŋn Timŋti. A da bi Yuda Yesudemē, a de sŋ bi Girikimē. ² A tŋ nna Yesude kŭ ò kŭ Lisitira kŭ Ikŋniunŋnŋ kĭnaa. ³ Pŋlu ye à gé kāao, akŭ a tŋŋ zŋne Yuda kŭ ò kŭ wēte pinŋ gūnnŋ yāi, zaakŭ n̄ pínki dŋ kŭ a de bi Girikimē. ⁴ Wēte kŭ ò gēen pínki, ò yā kŭ zĭrinŋ kŭ gbē zŋkŋnŋ òite Yurusalemu ò sŋsi gbēnŋne ògŋ kūna. ⁵ Akŭ òten gbāna kŭ n̄ ludanaanikenaa gūn òten dasi kŭ lākŭ gu ògŋ dŋ nā.

Pŋlu wégupu'ena Toroasi

⁶ Luda Nini gĭnne ò gé Luda yā o Asia bŋsun, akŭ ò gēte Firigia kŭ Galatia bŋsunŋola. ⁷ Kŭ ò kà Misia bŋsu lēn, ò ye ò gē Bitinia bŋsun, akŭ Yesu Nini dí weñnero. ⁸ Kŭ ò gēte Misia bŋsula, akŭ ò kà Toroasi. ⁹ Gwāani Pŋlu Masedonia bŋsu gbēke è zena wégupu'ena gūn, àten kūte kene à pĭ: N̄ bikŭ n̄ su ó kĭnaa Masedonia n̄ kpawái. ¹⁰ Kŭ à wégupu è le, akŭ o Masedonia soru kē gŋnŋ, zaakŭ o dŋ sà kŭ Luda mé àteni ó sĭsĭ ò gé baaru nna kpānne.

Lidia Yesu zé senaa

¹¹ Akū o gē gó'iten Toroasi o m̀i pè Samotarasia. Kū gu d̀o o ka Neapoli.
¹² Bona gwe o gē Filipi. Ākūme Masedonia b̀usu kpado p̀i ẁera ū, k̀u Romudenon v̄i. Akū o goro pla k̀e ẁete p̀i gūn. ¹³ Kámmabogoro z̄i o bo ẁete kpe o gē swa sare, gu k̀u o mà aduakeki kunwa. Akū o vute o yā ò nɔgbē k̀u ò kakarana gwenone. ¹⁴ Nɔgbē ke k̀u gwe òdi pinē Lidia. Tiatira gbēme, biza wé t̄era búgu ỳariime, akūs̄o Luda donȳiime. Āten yā k̀u Pɔlu ten o ma, akū Dikiri a swēe ẁene à yā p̀i si. ¹⁵ À da'ite k̀e k̀u a bedeno, akū à wé k̀ewá à p̀i: Tó a ma Dikiri náanikenaa si, à m̀ó à kipa ma bea. Akū o a yāze è.

Pɔlu k̀u Silasio dana kpésiran Filipi

¹⁶ Z̄ikea k̀u óten gé aduakekia, o dakare k̀u z̀onɔgbē k̀u à ml̄è t̄ana v̄io. A dikirinɔ di ɔgo le manamana a z̄iyá'onnenaa musu. ¹⁷ Akū à bò à t̄ewái, ók̄onɔ k̀u Pɔluo, àten wiki lé à p̀i: Gbē d̄ino bi Luda Musude z̀oblerinome, òten surabana zé kpàkpa kéare. ¹⁸ Àdigō ke le lán gu digō do nà, akū Pɔlu kpàsa k̄aao. À lite à p̀i t̄ana p̀ine: Ma ònne k̀u Yesu Kiri si t̄o n̄ goa. Akū à g̀oa g̀onɔ.

¹⁹ K̀u a dikirinɔ d̄s n̄ àrelena a yā musu wéd̄inaa làka, akū ò Pɔlu k̀u Silasioo k̀u ò n̄ gáte ò g̀e k̀uńwo gb̄anadenɔ k̄inaa ete gūn. ²⁰ Ò g̀e k̀uńwo yākpatekerinɔ k̄inaa ò p̀i: Gbē d̄ino bi Yudanome, òteni ó ẁete yakawere. ²¹ Fut̄ekarayā k̀u ók̄onɔ Romudenɔ doka g̀i ò sí ke ò ken òten dañne. ²² Pari fut̄enȳi, akū yākpatekeri p̄inɔ p̀i ò n̄ p̄onɔ bońma ò n̄ léle g̀oo. ²³ K̀u ò gbēna mana k̀éñne, akū ò n̄ dá kpésiran ò p̀i kpé p̀i d̄ákp̄ariine à n̄ d̄ákp̄a manamana. ²⁴ K̀u ò òne le, akū à n̄ dá kpé tú à n̄ gb̄ano ȳi lía ḡingin.

²⁵ Lizāndo gūn Pɔlu k̀u Silasio ten adua ke òten lè sí Ludane, gbē kparano ten s̄a kpá n̄ yāi. ²⁶ K̄anto z̄ite ȳiḡayiḡa k̀u gb̄anao ari kpé p̀i gb̄ino k̀e ḡiri. Gwe g̀onɔ a gb̄ano ẁewē p̄inki, akū purusunano m̀okak̄ananɔ b̀teńma p̄inki. ²⁷ K̀u kpé d̄ákp̄arii p̀i v̀u, à gb̄ano è ẁewēna p̄inki, akū à a f̄eneda ẁoto à ye à a z̄ida de, zaakū àten da purusunano bàa sìme. ²⁸ Akū Pɔlu p̀ut̄a k̀u k̀oto gb̄anao à p̀i: N̄sun n̄ z̄ida kari boro. Ó k̀u la ó p̄inki. ²⁹ Kpé d̄ákp̄arii p̀i p̀i ò m̀ó fitilaa, akū à si n̄ té k̀u bàao à k̀ute Pɔlu k̀u Silasio are àten lukaluka. ³⁰ À bò k̀uńwo bàai, akū à p̀i: Marenɔ, daran mani ke mà surabana lee? ³¹ Ò p̀ine: N̄ Dikiri Yesu náani ke ĩni surabana le, m̀ok̄n k̀u n̄ bedeno á p̄inki. ³² Akū ò Dikiri yā òne k̀u a bedeno n̄ p̄inki. ³³ Lizāndo k̀ua kpé d̄ákp̄arii p̀i n̄ sé à g̀e à n̄ b̄onɔ p̄ip̄iñne, akū à da'ite k̀e g̀onɔ k̀u a gb̄eno n̄ p̄inki. ³⁴ Akū à g̀e k̀uńwo a bea à p̀oble k̀éñne. Āpii k̀u a bedeno, n̄ p̄o k̀e nna manamana k̀u ò Luda náani k̀e yāi.

³⁵ K̀u gu d̀o, yākpatekerinɔ dogarinɔ z̄i ò gé one à gbē p̄inɔ gbare. ³⁶ Akū kpé d̄ákp̄arii p̀i p̀i Pɔlune: Yākpatekerinɔ gb̄eno z̄ima de mà á gbare. À b̄ote à tá aafia. ³⁷ Akū Pɔlu p̀i dogarii p̄inone: Ó ó gbē gb̄eno wára yākpatekena k̄oo sari ò ó dá kpésiran, ók̄onɔ k̀u Romudenon ó ū. Tera s̄a ò ye ò ó b̄ote asiri gūn yá? O'o! Oi! Séde ò su ò ó b̄ote n̄ z̄ida. ³⁸ Dogarii p̄inɔ yā p̀i gb̄a yākpatekerinone. K̀u ò mà Romudenome n̄ ū, akū v̄ina n̄ k̀u. ³⁹ Akū ò s̀u ò k̀ute k̀éñne ò n̄ b̄ote kpésiran, akū ò wé k̀éñma ò boñne n̄ ẁete gūn. ⁴⁰ K̀u ò b̄ote kpésiran, ò g̀e Lidia bea. Ò Yesudenɔ lè gwe, akū ò n̄ n̄ese ȳida k̀uñne ò dà z̄én.

17

Pɔlu kunna Tesalonika

¹ Ò b̀̀te k̀̀u Amfipɔlio k̀̀u Apɔlɔniao, ak̀̀u ò k̀̀a Tesalonika, gu k̀̀u Yudanɔ aduakekpen k̀̀un. ² Ak̀̀u Pɔlu g̀̀e aduakekpen l̀̀ak̀̀u àdigɔ ke ǹ̀a, à waazi k̀̀eɛne ỳ̀a k̀̀u à k̀̀ena Luda ỳ̀an musu k̀̀ammabogɔrɔ aakɔ. ³ Àten b̀̀okoteɛne l̀̀ak̀̀u à k̀̀s s̀̀eo Arumasihu ẁ̀etamma le ǹ̀a à fute bona gan à p̀̀i: Yesu k̀̀u mateni a ỳ̀a oáre mé à Arumasihu p̀̀i ù. ⁴ Ǹ̀ gb̀̀ekenɔ ỳ̀a p̀̀i z̀̀e è, ak̀̀u ò ǹ̀a Pɔlu k̀̀u Silasiooa. Len Giriki donyĩrinɔ ǹ̀amma le dasi se ari k̀̀u nɔgb̀̀e k̀̀u ò t̀̀s b̀̀onɔ dasi dɔ.

⁵ Ak̀̀u Yudanɔ ǹ̀esegɔbaa kp̀̀a k̀̀uɛnwo, ò kurep̀̀ap̀̀a'orinɔ k̀̀akara ò dasi k̀̀u, ak̀̀u ò ẁ̀ete ẁ̀a. Ò g̀̀e ò lika Yasɔ bei, òten Pɔlu k̀̀u Silasio wete de ò ǹ̀ k̀̀u ò bo k̀̀uɛnwo gupuraa. ⁶ K̀̀u odi ǹ̀ lero, ò Yasɔ k̀̀u Yesude p̀̀andenɔ gate ò b̀̀o k̀̀uɛnwo ẁ̀ete gb̀̀anadenɔ k̀̀inaa, òten wiki lé òten p̀̀i: Gb̀̀e p̀̀inɔ bi andunia guderinɔme. Ò s̀̀u la, ⁷ ak̀̀u Yasɔ ǹ̀ díte a bea. Gb̀̀e p̀̀inɔ ten p̀̀a Siza dokane ǹ̀ p̀̀inki, òdi p̀̀i k̀̀ina p̀̀ande kun òdi pine Yesu. ⁸ Ỳ̀a p̀̀i z̀̀e gb̀̀enɔ p̀̀a k̀̀u wete gb̀̀anadenɔ. ⁹ Ak̀̀u ò ɔgɔ si Yasɔa k̀̀u a gb̀̀e kparanɔ ò ǹ̀ gb̀̀are.

Pɔlu kunna Berea

¹⁰ Gwãani birea g̀̀nɔ Yesudenɔ Pɔlu k̀̀u Silasio gb̀̀are Berea. K̀̀u ò k̀̀a gwe, ak̀̀u ò g̀̀e Yudanɔ aduakekpen. ¹¹ Gb̀̀e birenɔ ǹ̀ese mana de Tesalonikadenɔ p̀̀ola ò Luda ỳ̀a si ɔplapla. L̀̀ak̀̀u gu digɔ dɔ ǹ̀a òdigɔ Luda ỳ̀a gwagwa de ò d̀̀s t̀̀o Pɔlu ỳ̀a p̀̀inɔn ỳ̀apura v̄i. ¹² Ǹ̀ gb̀̀enɔ Dikiri náani k̀̀e dasidasi k̀̀u Giriki nɔgb̀̀e b̀̀eerenɔ k̀̀u Giriki g̀̀gb̀enɔ dasidasi dɔ. ¹³ K̀̀u Tesalonika Yudanɔ mà Pɔlu ten Luda ỳ̀a waazi ke Berea dɔ, ak̀̀u ò s̀̀u gwe ò ỳ̀akete dà gb̀̀enɔ té ò ǹ̀ p̀̀o fute. ¹⁴ Ak̀̀u Yesudenɔ Pɔlu gb̀̀are g̀̀nɔ ísira kpa, ama Silasi k̀̀u Timotio g̀̀e gwe. ¹⁵ Gb̀̀e k̀̀u ò g̀̀e ze Pɔlunenɔ g̀̀e k̀̀aao Ateni, ak̀̀u ò era ò tà Silasi k̀̀u Timotio k̀̀inaa k̀̀u Pɔlu légb̄eɛo, à p̀̀i ò m̀̀o ò a le likalika.

Pɔlu kunna Ateni

¹⁶ K̀̀u Pɔlu teni ǹ̀ d̀̀a Ateni, a p̀̀o ỳ̀aka k̀̀u à è t̀̀ana di wete p̀̀i g̀̀un ỳ̀ai. ¹⁷ Ak̀̀u à waazi k̀̀e Yudanɔne k̀̀u buri p̀̀ande donyĩrinɔ aduakekpen k̀̀u gb̀̀e k̀̀u àdigɔ ǹ̀ le ete g̀̀unɔ l̀̀ak̀̀u gu digɔ dɔ ǹ̀a. ¹⁸ Pɔlu ten ỳ̀a lekɔa k̀̀u ỳ̀awaaripari k̀̀u òdi ǹ̀ sísi Epikurenɔ k̀̀u Sotoikinɔ. Ak̀̀u ǹ̀ gb̀̀ekenɔ p̀̀i: B̀̀ ỳ̀an titimako dí ten b̀̀otee? Gb̀̀ekenɔ p̀̀i: Óten da t̀̀ana dufunɔ ỳ̀a kp̀̀akpan àten ke. Ò ò le k̀̀u àten Yesu ỳ̀a k̀̀u a vuna ganwo baaru nna kp̀̀aɛne ỳ̀aime. ¹⁹ Ak̀̀u ò Pɔlu s̀̀e ò g̀̀e k̀̀aao gb̀̀e z̀̀k̀ɔnɔ k̀̀inaa Areopagu ò p̀̀i: Ini ỳ̀a dufu k̀̀u ndi daɛne owereroo? ²⁰ O ỳ̀abonsare mà n lén, ó ye ò a b̀̀okotena d̀̀s. ²¹ Atenidenɔ p̀̀inki k̀̀u nibɔ k̀̀u ò k̀̀u gwenɔ digɔ ye ỳ̀a p̀̀andeiɔ, séde ỳ̀a dufu mana k̀̀u a ẁ̀aaripanaao.

²² Ak̀̀u Pɔlu fute à z̀̀e Areopagude p̀̀inɔ té à p̀̀i: Atenidenɔ, ma è á m̀̀inatena t̀̀ananɔne kokari v̄i manamana ỳ̀a s̀̀inda p̀̀inki g̀̀un. ²³ K̀̀u maten kure á wete g̀̀un, maten p̀̀o k̀̀u adì donyĩ keɛnenɔ t̀̀asi k̀̀a, ak̀̀u ma sa'oki ke è, ò p̀̀o k̀̀eà ò p̀̀i: Luda k̀̀u ó d̀̀sro p̀̀o. Luda k̀̀u á a d̀̀sro áten donyĩ keɛne baaruun maten kp̀̀aáre. ²⁴ Luda andunia k̀̀e k̀̀u p̀̀o k̀̀u ò k̀̀u a g̀̀unɔ p̀̀inki. Àk̀̀ume musu k̀̀u z̀̀iteo Dikiri ù, àdigɔ k̀̀u kp̀̀e k̀̀u bisásirinɔ b̀̀onenɔ g̀̀unlo. ²⁵ A bàka k̀̀u k̀̀u bisásiri ɔdamma keoro. Àk̀̀u mé àdi ẁ̀endi k̀̀u we'oo kp̀̀a gb̀̀e s̀̀inda p̀̀inkia k̀̀u p̀̀o s̀̀inda p̀̀inkio. ²⁶ À buri s̀̀inda p̀̀inki b̀̀o gb̀̀e m̀̀en do k̀̀inaame, ak̀̀u ò k̀̀u andunia kusuru siikɔ p̀̀inkia. A g̀̀inake à g̀̀rɔ d̀̀itedite buri p̀̀inkine k̀̀u gu k̀̀u onigɔ kunwa léo. ²⁷ À ǹ̀ ké de ògɔ a wete ò ɔ m̀̀atamate ari ò gé boa. Bee k̀̀u abireo à z̀̀a k̀̀u ó gb̀̀ekeoro. ²⁸ Zaak̀̀u àk̀̀u mé àdi t̀̀o ògɔ ẁ̀endi v̄i ò f̄s ò ó m̀̀e sé

ògõ kún. Lákū á kerε kenõ ò nà: A burinõn ó ũ se. ²⁹ Lákū Luda burinõn ó ũ nà, òsungõ da Luda de lán tãna bàro kū bisāsiri kè kū wuraaο ke andurufu ke gbèε kū à a ɔzĩ kèa a laasunnwa. ³⁰ Luda mikperε zù ó wésiragɔɔ yãne, ama àten yã dìte gbènɔa gu sinda pínkia tera de ò nèεε lite. ³¹ Zaakū à gɔɔ dìte kū gbè kū à a sè yákpate ke kū anduniaο a zéa. À gbè kū à a sèε pii vù gan sèeda ũ gbè sinda pínkine.

³² Kū ò gènɔ vuna yã pii mà, ñ gbèkenɔ a fobò, ama ñ gbèkenɔ pi: Óni n yã pi ma zĩka dɔ. ³³ Akū Pɔlu bò ñ kĩnaa. ³⁴ Gbèkenɔ nàa, akū ò Yesu náani kè. Areopagu gbè kū òdi pine Diònisiu kú ñ té kū nɔgbè kū òdi pine Damarío kū gbèkenɔ dɔ.

18

Pɔlu gɔɔ pla kena Kɔrinti

¹ Abire gbera Pɔlu bò Ateni à gèε Kɔrinti. ² À kpàkū kū Yuda keo gwe, Pɔntu bùsu gbè kū òdi pine Akila kū a nanɔ Pirisilao. Ò sù kū Itali bùsuo dufumε, kū Siza Kalaudiu dìte Yudanɔne ò bɔte Romu yã. Pɔlu gèε ñ kĩnaa, ³ akū à kipańma, àten zĩ ke kúnwo kū ɔzĩdokɔnɔkerinɔmε ñ ũ yã. Zaakū bizakutakerinɔmε ñ ũ ñ pínki. ⁴ Kámmabogɔɔ zĩ pínki àdi waazi ke aduakekpen àten wete Yudanɔ kū Girikinɔ a yãε e.

⁵ Kū Silasi kū Timotio bò Masedonia bùsun ò sù, Pɔlu zè kū waazikenaaο àten o Yudanɔne swáswa kū Yesumε Arumasihu ũ. ⁶ Kū Yudanɔ ibereε sè kãao ò a sòsò, akū à a pókasanɔ kpùke à pi: Yã kū a kè wí á musu, ma yã dorο. Zaa tera mani gé buri pãndenɔ kĩnaame. ⁷ Kū à bò gwe à gèε à kipa buri pãnde donyĩri kū òdi pine Titiu Yusutu bea aduakekpe pii sare. ⁸ Aduakekpe gbè zòkò Kirisipu Dikiri náani kè kū a bedenɔ ñ pínki. Kɔrintide kū ò Pɔlu yã mànɔ Yesu náani kè dasi, akū ò da'ite kè. ⁹ Gwãani kea Dikiri ò Pɔlunε wégupu'ena gūn à pi: Ñsun tó vĩna n kũro, ñsun kámma bo kū yã'onnenaaoro, ¹⁰ zaakū gbènɔn kú ma pɔ ũ dasidasi wète dí gūn. Makū mé má kú kúnwo, gbèke ni n kū à wari dɔmmaro. ¹¹ Akū Pɔlu wè do kú mɔ suddoo kè gwe àdigõ Luda yã da gbènɔne.

¹² Gɔɔ kū Romu gbè Galio de Girisi bùsu gbè zòkò ũ, Yudanɔ lédokɔnɔ kè ò fùte Pɔlui, ò gèε kãao yákpatekεkia ¹³ ò pi: Àkū mé àten té ká gbènɔgu ògõ donyĩyã kū à pã ó dokane kũna. ¹⁴ Kū Pɔlu ye à yã o, akū Galio pi Yudanɔne: Yudanɔ, tó dà ke taari zòkɔn à kè yã, à kú mà mena kãáo. ¹⁵ Lákū àten yáketε ká gbènɔ tó yã musu nà kū á zĩda dokao, abirekū gõ á yã ũmε. Ma gi yã bire taka kekεnaaime. ¹⁶ Akū à pèrĩma à ñ bɔte yákpatekεkpen. ¹⁷ Akū pari aduakekpe gbè zòkò Sosɔtene kú ò a gbègbè yákpatekεkpe léa. Ama adi ke Galionε yãke ũro.

Pɔlu tana Antioku

¹⁸ Pɔlu gɔɔ pla kè Kɔrinti dɔ, akū à lé zà Yesudenɔa à gè gó'iten àten tá Siria bùsun. Pirisila kū Akilao gèε kãao. À mii bò Kenkerεa lé kū à sè à Ludane yã. ¹⁹ Kū ò kà Efesu, Pɔlu Pirisila kū Akilaoo tò gwe. A gèε aduakekpen ò yã lèkõa kū Yudanɔ, ²⁰ akū ò wé kèa à gɔɔ pla ke kúnwo. Akū à gi, ²¹ ama kū àten lé zarĩma à pi: Tó Luda wè, mani era mà su á gwa. Akū à bò Efesu kū gó'iteo. ²² Kū à kà Sizaria, à gèε à fɔ kpà sɔsi gbènɔa zaa Yurusalemu, akū à tà Antioku. ²³ Kū à gɔɔ pla kè gwe, à èra à dà zén à gèε wète kū wèteo Galatia bùsun kū Firigia bùsuo à Yesudenɔ gbà gbãna ñ pínki.

Apolo waazikena Efesu

²⁴ Yuda ke kun a tŕn Apolo, Alesandaria gbēme. A lēnna, akūs̄ à Luda yā d̄s manamana. ²⁵ Ò Dikiri zé yā dàne, akū Yesu yādannena a kù gbāna. Àdi dañne a zéa, ama Yahaya da'itekena yān à d̄s. À sù Efesu, ²⁶ akū à nà yā'onaaa aduakekpen kù swègbānao. Kù Pirisila kù Akilao a yā mà, akū ò a s̄isi ò Luda zé yā b̀k̀otenē s̄ans̄an. ²⁷ Kù Apolo ye à gé Girisi b̀sun, Yesuden̄ a gbà swèe, akū ò takada kè Yesude kù ò kù gwen̄ne de ò a kù ɔplapla. Kù à kà gwe, à ɔ dà gbē kù ò Yesu náani kè Luda gbēke ḡain̄na manamana. ²⁸ Zaakū a yā Yudan̄ fù pari ḡun mámmam, à m̀n̄ne Luda yā ḡun kù Yesume Arumasihu ũ.

19

P̄lu kunna Efesu

¹ Ḡōr̄ō kù Apolo kù K̄orinti, P̄lu gè Asia b̀s̄uu guragura. Kù à kà Efesu, à Yesude ken̄ lè gwe, ² akū à n̄ lá à p̄i: Kù a Dikiri náani kè, a a Nini lè yá? Akū ò wèa ò p̄i: Oi, ódi a Nini kunna yā ma sero. ³ Akū à n̄ lá à p̄i: Da'ite kpaten a kèe? Ò wèa ò p̄i: Yahaya p̄ome. ⁴ Akū P̄lu p̄in̄ne: Yahaya gbēn̄ da'ite kè n̄ n̄selitena s̄èda ũme. À ò gbēn̄ne ò gbē kù ani su a kpe náani ke. Yesun à téa gwe. ⁵ Kù ò yā p̄i mà, ò da'ite kè kù Dikiri Yesu t̄so. ⁶ Kù P̄lu ɔ n̄amma, Luda Nini d̄id̄im̄ma, akū ò yāke buri ò ò annabikēyā ò. ⁷ Gbē p̄in̄o kà lán gbēn̄on kuri aweepla bà n̄ pinki.

⁸ P̄lu diḡo gé aduakekpen ari m̄o aak̄o. À yā òn̄ne kù swègbānao, àten yā ḡága kũn̄wo de ò a yāze e kpata kù à b̀ò Luda k̄inaa musu. ⁹ Ama n̄ gbēken̄o s̄āgbāna kè odi Luda yā síro, akū ò zé p̄i v̄ani b̀ò pari ḡun. Akū P̄lu gbē kù ò Yesu náani kèn̄o s̄ete ò b̀ò n̄ té. Akū àdiḡo yā ḡága kũn̄wo Tiranu kyókpen lākū gu diḡo d̄o nà. ¹⁰ À kè le ari wè pla, akū Asia b̀s̄uden̄o Dikiri yā mà Yudan̄o kù Girikin̄o n̄ pinki.

Seva n̄én̄o

¹¹ Luda P̄lu gbà zé à daboyā bonsaren̄o kè. ¹² Len bee tó ò ísimmawarab̄on̄o ke f̀uran̄o nà P̄lu m̄èea ò ḡèe ò nà gyāren̄o, òdi werek̄ame n̄ t̄anan̄o d̄i gor̄ma. ¹³ Yuda t̄anagommari kù òdiḡo kure ken̄o wète ò t̄ana go kù Dikiri Yesu t̄so ò p̄i: O òáre kù Yesu kù P̄lu d̄i a yā waazi ke t̄so, à gor̄ma. ¹⁴ Yudan̄o sa'oriki kù òdi pine Seva néḡōgbē gbēn̄on supplan̄o mé òdi ke le. ¹⁵ Akū t̄ana p̄in̄ne: Má Yesu d̄s, akūs̄ ma P̄lu baaruu mà. Ák̄on̄o s̄o, d̄in̄ á ũu? ¹⁶ Akū t̄anade p̄i k̄us̄im̄ma à gbāna m̀n̄ne, à n̄ né n̄ pinki à n̄ k̄inna, akū ò bàa lè ò b̀òte ɔn p̄i ḡun punsi. ¹⁷ Kù Efesuden̄o yā p̄i mà Yudan̄o kù Girikin̄o n̄ pinki, v̄ina n̄ kù, akū ò Dikiri Yesu t̄s̄ s̄e lei. ¹⁸ Akū gbē kù ò Yesu náani kèn̄o sù òten̄i n̄ yāken̄o o gupuraa dasidasi. ¹⁹ P̄sdammari ken̄o n̄ takadan̄o n̄ak̄sa ò sù ò kà t̄én̄ pari wára. Kù ò takada p̄in̄o ɔḡo d̄òd̄o, ò è à kà andurufu ɔḡo mèn̄ d̄ubu bupla akuri. ²⁰ Len Dikiri yā ten dagula le àten gbāna kù.

Yakete futena Efesu

²¹ Yā bireno kenaa gbera P̄lu zèò a nèsee ḡun kù ani b̀òte kù Masedonia b̀s̄uuo kù Girisi b̀s̄uuo à gé Yurusalemu à p̄i tó a ḡee gwe, séde à gé Romu. ²² Akū à a kpanyiri gbēn̄on pla ken̄o z̄l̄ Masedonia, Tim̄oti kù Erasaduo. Àkū s̄s̄ à ḡo Asia b̀sun ḡia.

23 ĢorĶ birean yāketē fūte manamana Dikiri zē yā musu. 24 Andurufupiri ke kun a tōn Demeteriu, ādi Ateṁi tānakpe taka pi kŭ andurufuuo. A piri dakenĶ di āre zōkō le zī piia. 25 Akŭ à n kākara kŭ n gbēdake kŭ ōdi zī bire taka kenĶ à piinne: GbēnĶ, á dō kŭ ɔzī dime ó bleki ũ. 26 Aten e akūsō āten ma lākŭ Pōlu ten ke nā, kŭ à pi tāna kŭ ō n pino bi dikirinonlo. Á gbēnĶ mi lite dasidasi, ō a yāze è. Adi ke Efesu lan adoro, ari kŭ Asia bŭsu gu dasiome. 27 Yā dí ni fō à kisira iweɛ fá. Adi ke ó ɔzī letena adonlo, a yā ni tó tāna nōgbē zōkō Ateṁi kpé ke pā, tāna kŭ Asia bŭsudenĶ kŭ andunia gbēnĶ pínki di donyī kenēe pi gakuri kō ni é.

28 Kŭ ō yā pi mā, n pō fē, akŭ ō nā wikilēnaaa ō pi: EfesudenĶ Ateṁi zōkō. 29 Wēte wā, gbēnĶ bāa lē ōten sí kōkakarakekin, akŭ ō Masedonia bŭsu gbēnĶn pla Gayusi kŭ Arisitaku kŭ ōdi gé wētea kŭ PōluonĶ kŭ ō gēe kŭnwo gwe. 30 Pōlu ye à gē zà pi gŭn, akŭ YesudenĶ dí wenero. 31 Asia bŭsu gbē zōkō kenĶ bi a gbēnnanome, akŭ ō gbēnĶ zīa ō le dāa àsun gē zānlo. 32 Kōkakaranaa yāka, gbēnĶ ten wiki lé ōten kō yā maro, zaakŭ pari dō tó bōyāin ō kākairō. 33 YudanĶ ɔ sō Alesandai à yā o, akŭ zāa gŭn gbēkenĶ ten lé dōa. Akŭ Alesanda ɔ kēinne de ō yīte, à ye à YudanĶ bàka bo yān gbēnĶ wāra. 34 Kŭ ō a dō Yuda ũ, akŭ n pínki wiki sikŭn lēle lán awa pla bà ō pi: EfesudenĶ Ateṁi zōkō.

35 Akŭ wēte gbē zōkō n zuka zē à pi: EfesudenĶ, gbē sīnda pínki dō kŭ á de tāna zōkō Ateṁi kpé dākpāri ũ kŭ a surakpasao. 36 Lākŭ gbēke ni fō à bo abirekŭ kperō nā, à á zīda kŭ tēne. Àsun yāke ke kŭ wānaoro. 37 A su kŭ gbē dīno la, odi ɔ na ō tānakpe pōkearo odi ó tāna tō vāni síro. 38 A yā mé à tō, tó Demeteriu kŭ a piri dakenĶ yā vī kŭ gbēkeo, yākpatekegōrĶ kun kŭ yākekerino. Ō gé kō sísi gwe. 39 Tó á yā pānde vī dō, oni gōgōáre kōkakarana kŭ gbānadēnĶ gbēkaa gŭn. 40 Zaakŭ oni fō ō ó taari le zuka kŭ ō kà gbāra dīkīna yāi. Ōni yāzede le ō o zuka pi musuro, zaakŭ à gbá vīro. 41 Yā bire onaa gberan à gbēnĶ gbāre.

20

Pōlu gena Masedonia bŭsun kŭ Girisio

1 Kŭ zuka lāka, Pōlu YesudenĶ kākara à n gbá swēe à lé zāmma, akŭ à gēe Masedonia. 2 Kŭ àten gēte bŭsu birela, à gbēnĶ gbá swē kŭ yānĶ dasi ari à gēe à kào Girisi, 3 akŭ à mō aakō kē gwe. Kŭ àten gé gē gó'iten de à tá Siria bŭsun, à mā YudanĶ lé kpākūsūai, akŭ à zēo à era à tá kŭ Masedonia kpao. 4 Gbē kŭ ō gēe zenēnĶ tōn dí: Berea gbē Piru né Sopata kŭ Tesalonika gbēnĶ Arisitaku kŭ Sekunduo kŭ Dēbi gbē Gayusio kŭ Timōtio kŭ Asia bŭsu gbēnĶ Tikiku kŭ Torofimuo. 5 Gbē birenĶ dōweɛ are ō gēe, ōteni ó dā Toroasi. 6 ÓkōnĶ sō Burodi Futenasari dikpe gbera o gē gó'iten Filipi, akŭ gōrĶ ɔoro gbera o n lé Toroasi. Gwen o azuma do dēn.

Yutiku letena bona wondon

7 Azumanēna zī o kō kākara de ō burodi só lēle. Pōlu ten waazi kēinne. Kŭ à ye à tá tó gu dō, akŭ à dà yāla ari lizāndo. 8 Fitila dasi kŭ kpé musu gu kŭ ó kōkakaranan. 9 Kēfenna ke vutena wondoo gŭn kŭ ōdi pine Yutiku, àten idekŭ dede. Kŭ Pōlu waazikenaa kē gbāna, i a lē, akŭ à bō zaa kpé musu pi lēu aakōde wondoo gŭn à lēte, akŭ ō à sē gē ũ. 10 Akŭ Pōlu kīpa à kŭsia, akŭ à a sē à kpā a kŭla à pi: Àsun tó swē kēáguro, à kŭ wēndio. 11 Kŭ à era à dīdi musu, à burodii līlikōre à sò, akŭ à yā ō manamana ari

gu d̄o, akū à dà zén. ¹² Akū ò tà kū kefenna p̄io bēne, gbēno nēse yīda kū manamana.

Zaa Toroasi ai Miletu

¹³ Ōkōno s̄o o ge o gē gó'iten, o do P̄olune are o ta Aso, wēte kū óni a s̄en. Len à z̄eo le, zaakū à ye à gé gwe ḡeseme. ¹⁴ Kū à ó lé Aso, akū o a s̄e o ge Mitileni. ¹⁵ Kū gu d̄o, o bo gwe kū gó'iteo o ge Kio. Gu làa d̄ona o ge Samo, akū a ḡo aakōde z̄in o ka Miletu. ¹⁶ P̄olu z̄eo yā à do Efesui de ḡo s̄un ḡea Asia b̄usunlo yāi, zaakū àten wā de à le à ká Yurusalemu ari Pentikōsi dikpe ḡo káme, tó ani sí ke.

P̄olu lézana Efesu gbē z̄ōkōno

¹⁷ P̄olu gbēno z̄i s̄osi gbē z̄ōkōno Efesu à p̄i ò su Miletu. ¹⁸ Kū ò kà, akū à p̄inne: Á d̄s̄ lākū mad̄i ke nà ḡo kū má kú k̄áo zaa z̄i kū ma gbá p̄ete Asia b̄usun la. ¹⁹ Ma z̄i k̄e Dikirine z̄idabusanaa ḡun kū wé'io. Ma wari k̄e Yudan̄o lékpakūsūnamai yāi. ²⁰ Madi karana yāke uteárero, ma waazi k̄éare ma dàare gupuraa kū á beno. ²¹ Ma lé dà Yudan̄o kū Girikin̄o n̄ p̄inki ò are d̄o Luda à ó Dikiri Yesu náani ke. ²² Tera sà maten gé Yurusalemu lākū Luda Nini ma dan ná, yā kū ani ma le gwe má d̄oro. ²³ Wēte kū w̄eteo Luda Nini ten omene kp̄sira kū w̄et̄ammanaao teni n̄ dá. ²⁴ Ama ma w̄endi b̄ere v̄imene dorō, séde mà yā kū maten péa le mà z̄i kū Dikiri Yesu dàmene ke mà a mì de. Akūme Luda gb̄eke baarunnakpana gbēno ū.

²⁵ Ákōno kū ma kure á té ma kpata kū à bò Luda k̄inaa waazi k̄éareno, má d̄s̄ tera sà kū óni wé ke pla dorō. ²⁶ A yā mé à tò ma óare gb̄ara, tó á gb̄eke s̄ate, ma yān gwe dorō. ²⁷ Ma Luda p̄oyenyina p̄inki óare, mádi a ke uteárero. ²⁸ À laakari d̄o á z̄idaa kū s̄a kū Luda Nini á díte n̄ gbē z̄ōkōno ūno n̄ p̄inki. À Luda s̄osi gbē kū à n̄ lú kū a z̄ida aruo p̄ino gwa. ²⁹ Má d̄s̄ kū ma tanaa gbera lewanna p̄asi kū ò s̄ano w̄enda v̄irono ni si á té. ³⁰ Bee á gb̄eken̄o ni fute ò yálekpe de dañne de ò gbēno gá ò nar̄ma. ³¹ A yā mé à tò áḡo kú a laakariia. Lākū ma lé dà á baadia kū wé'io nà fanant̄e kū gw̄aanio w̄e aak̄o dagura k̄ammabonaa sari, à tó a yā ḡo d̄oágu.

³² Tera sà mateni á na Ludane a oĩ kú a gb̄eke yā kú ani f̄o à gb̄ana karaáreo, à á gba z̄e de á baka ḡo kú kú a gbēno n̄ p̄inki. ³³ Madi gb̄eke ogo ke a p̄okasa ke ni dero. ³⁴ Á d̄s̄ kú á z̄idao kú ma z̄i k̄e kú ma z̄ida ome, akū ma p̄ó kú ó a ni v̄i kú ma gbēno l̄e. ³⁵ Má m̄áre yā s̄inda p̄inki ḡun à z̄i ke lán dí bà à kpá gb̄anasaridenoi. Yā kú Dikiri Yesu ò ḡo d̄oágu kú à p̄i gbadana p̄onna v̄i de gbasinala.

³⁶ Yā bire onaa gbera à k̄ute a kosoa kú n̄ gbē s̄inda p̄inkio à adua k̄e. ³⁷ N̄ wé pà kú wé'io n̄ p̄inki ò ml̄eml̄e P̄olua ò lé p̄epea. ³⁸ Yā kú à tò n̄ p̄o sira kú z̄ōk̄o mé à de kú à p̄i n̄ wé ni ke pla dorō. Akū ò z̄ene ari gó'ite k̄inaa.

21

P̄olu tana Yurusalemu

¹ Ó k̄enar̄ma gbera o gē gó'iten o da zén o m̄i p̄e Kosua. Gu làa d̄onaao o ka Rode, akū bona gwe o ge Patara. ² Gwen o gó'ite kū àten gé Fenisia b̄usun l̄en, akū o ḡen o da zén. ³ Kū o Sipiru è z̄à dire, o p̄ane ozei óten gé Siria b̄usun, akū o ka Taya, gu kū ò gó'ite aso b̄òten. ⁴ O Yesuden̄o w̄ete, akū o azuma do k̄e k̄úwo. N̄ gb̄eken̄o ò P̄olune kú Luda Nini gb̄anao kú àsun gé Yurusalemuro. ⁵ Ama kú ḡo p̄apa kú óni tá, o fute óten tá. Ò ḡe z̄ewere n̄

pínki kŭ́ n̄ n̄n̄o kŭ́ n̄ n̄n̄o wēte kpe ari ísira léa. Akŭ́ o kutē ó kosoa o adua kè. ⁶ Kŭ́ o lé zàk̄sa, o gē gó'iten. Mók̄n̄o s̄s̄ ò èra n̄ bea.

⁷ Bona Taya o era o da zén ari o ka Tòlèmai. O f̄o kpà Yesuden̄o o ke kŭ́n̄wo ḡōr̄o do. ⁸ Kŭ́ gu d̄ò, o futē o gē Sizaria. O gē o kipa baarunnakpari Filipi bea. Gbēn̄on suppla kŭ́ ò n̄ sé yān̄o dome. ⁹ À n̄n̄o gbē annabin̄o vī gbēn̄on siik̄s̄ odi zā ke k̄òro. ¹⁰ O ḡōr̄o pla kena gwe gŭn̄ annabi kŭ́ òdi pine Agabu b̄ò Yudea b̄usun̄ à sù. ¹¹ Kŭ́ à sù ó kīnaa, à P̄olu utabaa s̄è à a zīda gbān̄o kŭ́ a ɔn̄o ȳl̄o à p̄i: Lākŭ́ Luda Nini ò n̄n̄ dí: Gbē kŭ́ à bà dí vī, len Yudan̄o ni a yī Yurusalemu ò a kpà buri pānden̄o le. ¹² Kŭ́ o yā p̄i mà, ók̄n̄o kŭ́ wētepiden̄o o kŭ́te kè P̄olune àsun̄ gē Yurusalemu. ¹³ Akŭ́ à p̄i: Bóyāi áten̄ ɔ̄ do áten̄i ma n̄s̄eε yakam̄en̄eε? Àsunḡo yīna ũ sero. Bee tó man̄i ga Yurusalemu Dikiri Yesu tó yāi, ma soru kè k̄ò. ¹⁴ Kŭ́ òdi f̄s̄ ò a mile bl̄ero, o kámma b̄ò o p̄i: Dikiri p̄oyenyīna ke. ¹⁵ Abire gb̄era o soru kè, akŭ́ o gē Yurusalemu. ¹⁶ Yesude kŭ́ ò kú Sizaria ken̄o ḡè ò k̄ipa kŭ́oo Sipiru gbē Nas̄o bea. Yesudem̄e a ũ zaa zī.

P̄olu gena Yamisi gwa

¹⁷ Kŭ́ o ka Yurusalemu, Yesuden̄o ó sí kŭ́ p̄onnao. ¹⁸ Kŭ́ gu d̄ò, P̄olu ḡèε kŭ́oo Yamisi bea. Gbē z̄ók̄n̄o kakarana gwe n̄ pínki. ¹⁹ P̄olu f̄o kpà́mma, akŭ́ à yā kŭ́ Luda kè a zī gāi buri pānden̄o té bàbañ̄ne mámmam zéaz̄ea. ²⁰ Kŭ́ ò yā p̄i mà, ò Luda sáabu kpà. Akŭ́ ò p̄ine: N̄ yā p̄i gwa, ó gbē. Yudan̄o Yesu náani kè d̄úbu ũgbangba, akŭ́ n̄ pínki kokari vī Musa doka musu. ²¹ Ò mà kŭ́ n̄ten̄ yā da Yuda kŭ́ ò kú buri pānden̄o tén̄oε ò kp̄eli Musa dokane, òsun̄ t̄s̄ z̄s̄ n̄ n̄n̄oεro òsunḡo n̄ futeokarayān̄o kŭ́naro. ²² Óni ke deraa? Zaakŭ́ oni gí n̄ suna yā mairo. ²³ N̄ ke lākŭ́ óni onne nà. Ó té gbēn̄on siik̄s̄ ken̄o lé kè Luda. ²⁴ N̄ n̄ sé à gē gb̄a bo á zīdane, n̄ n̄ fīna bo de ò le ò mì bo, gbē s̄inda pínki ḡs̄ d̄s̄ kŭ́ yā kŭ́ ò mà n̄ musu bi yápuranlo. Oni e kŭ́ m̄ók̄n̄ s̄s̄ n̄ té Musa dokai. ²⁵ Buri pānde Yesu náanikerin̄o s̄s̄, o takada kè ò óñ̄ne o z̄eo ò mì k̄è n̄b̄o kŭ́ ò sa òo tānaaaa kŭ́ aruo kŭ́ n̄b̄o k̄utukpanasario kŭ́ p̄áp̄ak̄enaao.

²⁶ Akŭ́ P̄olu gbē p̄in̄o s̄è à tà kŭ́n̄wo. Kŭ́ gu d̄ò, ò gb̄a b̄ò n̄ zīdane, akŭ́ à ḡè Luda ɔnn̄ de à gb̄aboḡōr̄o lé òte kŭ́ sa kŭ́ oni ò n̄ baadin̄eεo.

P̄olu kŭ́na Luda ɔnn̄

²⁷ Kŭ́ gb̄abona ḡōr̄o suppla bire kà lakana, Asia b̄usu Yuda ken̄o P̄olu è Luda ɔnn̄. Ó té kà parigu, akŭ́ ò a kŭ́. ²⁸ Òten̄ wiki lé ò p̄i: Isarailan̄o, à ó leo. Gbē dík̄ina mé àdiḡō yā da gbē s̄inda pínkin̄e gu s̄inda pínkia, kŭ́ à bo ó gbēn̄o yā kpe kŭ́ ó dokao kŭ́ gu dík̄inao. Abire gb̄era à d̄ok̄è kŭ́ Luda ɔnn̄wo do à ḡèn̄ kŭ́ Girikin̄o. ²⁹ Ò ò le kŭ́ ò Efesu gbē Torofimu è kŭ́ P̄oluo wēte gŭn̄ yā yāime, akŭ́ òten̄ da P̄olu ḡè k̄āao Luda ɔn̄ gŭmm̄e.

³⁰ Wēte wà, gbēn̄o b̄ò kŭ́ bàao zaa gu s̄inda pínkia ò sù ò P̄olu kŭ́ Luda ɔnn̄ ò a ḡate ò b̄ò k̄āao. Gwe ḡñ̄o ò Luda ɔn̄ p̄i gb̄an̄o tàta. ³¹ Kŭ́ ò ye ò a de, yā p̄i baaru Romu sozan̄o gbē z̄ók̄s̄ kīnaa lè, à mà Yurusalemu wà. ³² Gwe ḡñ̄o à soza bàden̄o s̄è kŭ́ a bàsariden̄o, akŭ́ ò ḡèñ̄ma kŭ́ bàao. Kŭ́ gbēn̄o sozan̄o gbē z̄ók̄s̄ p̄i è kŭ́ sozan̄o l̄eεε, ò P̄olu gbēnaa tò. ³³ Akŭ́ gbē z̄ók̄s̄ p̄i nà P̄olui à a kŭ́ à p̄i ò a yī kŭ́ m̄òkak̄ɔanan̄o m̄èn̄ pla. À n̄ lá à p̄i: Dín gbē p̄i ũu? Bó yān̄ à k̄èε? ³⁴ Akŭ́ z̄aa gŭn̄ gbēn̄o ten̄ wiki lé òten̄ yā dok̄n̄o oro. Kŭ́ zuka dí tó gbē z̄ók̄s̄ p̄i f̄s̄ à yā p̄i s̄āns̄ān̄ maro, à p̄i ò gé k̄āao sozan̄o b̄uran. ³⁵ Kŭ́ ò

kà káao didikia, sozano mé ò a sè gbēno nanakōana yāi. ³⁶ Zaakū gbē sīnda pínki téi kū wikio òten pi: À a de.

Pɔlu gina kū a zīdao

³⁷ Kū ò ye ò gē kū Pɔluo sozano bùran, akū à gbē zōkōo pìi là à pì: Īni we mà yā oñne yá? Akū à a là à pì: Ndì Giriki yā ma yá? ³⁸ Mísila gbē kū à fùte kū gbánadenoo zīna à gēe gbárannan kū būsuderi gbēnoñ dúbu siikōnoñe n ūroo? ³⁹ Pɔlu wèa à pì: Yudan ma ū. Ò ma i Taasu, Silisia bùsummē. Wēte tósaridenlo. Ma wé kèmma ò ma gba zé mà yā o gbēnoñe. ⁴⁰ À a gbà zé, akū Pɔlu zè didikia à o sè gbēnoñe. Kū ò yīte kítikiti, à yā oñne kū Eberu yāo à pì:

22

¹ Ma gbēno kū ma mareno, à sã kpá à ma yāze ma tera. ² Kū ò mà àten yā oñne kū Eberu yāo, ò zè kítikiti. Akū Pɔlu pì: ³ Yudan ma ū, ò ma i Taasu, Silisia bùsummē, akū ma kefen blè wēte gūn la. Gamalieli kīnaan ma doka kū ó dizino kūna dàdan a zéa. Má ania vī Ludane lākū á kun nà gbāra á pínki. ⁴ Ma wé tã donyī zé pì sèrinoo ari n gbēkeno gāga, ma gōgbē kū no gbēno kūkū ma n ká kpésiran. ⁵ Sa'oriki kū gbē zōkōnoñ de ma sèedadeno ū n pínki. Ma takada kū ò kè Damasuku Yudanone sì n òi, maten gé gwe mà gbē pìno kūkū mà su kúnwo Yurusalemu ò wé tām̄ma.

Pɔlu a Yesu zé sena bābannēnaa
(Zīr 9:1-19, 26:12-18)

⁶ Kū má té zén, ma ka kāni kū Damasuko ifāntē kà mīdangura, akū kānto gupura zōkōo bō ludambe à dāmala. ⁷ Ma bo ma letē zīte, akū ma kōtoo mà ò pìmene: Solu, Solu, à kè dera nten wé tāmaa? ⁸ Akū ma pì: Díme n ū, Dikiri? Akū à pìmene: Makūme Yesu Nazera kū nten wé taa ū. ⁹ Gbē kū ò kú kūmaono gupura pìi è, ama odi gbē kū àten yā o kūmao kòto maro. ¹⁰ Akū ma a là: Bón mani kee, Dikiri? Akū à pìmene mà fute mà gē Damasuku. Gwen oni yā kū a dītemene mà ke omene pínki. ¹¹ Gupura pì í gbāna tò ma wé dí gu e doru, akū ma gbēno ma kū ma oà ò gè kūmao Damasuku.

¹² Donyīri ke kú gwe kū òdi pine Anania. Àdi mī nate Luda dokane, akūsō Damasuku Yudanō pínki dì a tó nna sí. ¹³ À sù ma kīnaa à zè ma sare, akū à pìmene: Solu ma gbē, n era n gu e. Gwe gōno ma wé wè, akū ma a è. ¹⁴ À pì ó dizino Luda mé à ma se de mà wé ke pla kū Gbē Manao mà yā ma a lén mà a poyenyīna dō. ¹⁵ À pì manigō de a sèedade ū màgō yā kū ma è kū yā kū ma màao o gbē sīnda pínkine. ¹⁶ Akū à pì bón maten dā dōo, mà fute mà da'ite ke ma durunnao ni kēma kū à sīsinaao.

Pɔlu zīna buri pādeno kīnaa

¹⁷ Kū ma era Yurusalemu, maten adua ke Luda onn, akū ma wégupu è. ¹⁸ Ma Dikiri è, à òmene mà ke likalika mà bo Yurusalemu, zaakū gbēno ni yā kū maten o a musu síro. ¹⁹ Akū ma pì Dikirine, ò dō sānsān kū madigō gē aduakekpe kū aduakekpenwo de màgō a náanikerino ká kpésiran ògō n gbē. ²⁰ Kū òteni à sèedade Sitivī de sō, makū má kú gwe ma ze kú a dèrino má n utano kūnañne. ²¹ Akū Dikiri pìmene mà gé, áni ma zī ari buri pādeno kīnaa zāzā.

Pɔlu bi Romu gbēme

22 Ò sá kpà a yáí ari à gèè à kà buri pāndenɔ yā pīia, akū ò nà wikia ò pì: À a de! Gbē dí taka kunna zé vīro! 23 Ò ten wiki lé ò teni n̄ utano kpukε ò ten būsutiti fā musu. 24 Akū Romu sozano gbē zōkō pì ò gē kū Pōluo n̄ būran, ò a gbē kū flāao ari à yāpura o ò le ò yā kū ò ten wiki dɔa a yāi ma. 25 Kū ò ten Pōlu ɔno poro de ò a yī, à pì soza bāde kū à kú gwene: Á a zé vī à Romu gbē gbē yākpatekεnaa sari yá? 26 Kū sozaa pì yā pīi mà, à gèè à pì n̄ gbē zōkōne: Bón ĩni keε? Gbē pì bi Romu gbēme. 27 Akū gbē zōkō pīi sù à Pōlu là à pì: Ñ omene, Romu gbēme n̄ ū yá? À wèa à pì: Ee. 28 Akū gbē zōkō pīi pīne: Ma ɔgo dasi kpāme, akū ma gō Romu gbē ū. Akū Pōlu pīne: Makū sō ò ma i a ūme. 29 Akū gbē kū ò yei ò yā lalaa yāno bōru kpε gōno. Kū gbē zōkō pīi dō kū Pōlu bi Romu gbēme, vīna a kù kù à tò ò m̀ò kàa yāi.

Yuda gbānadenɔ yākpatekεna kū Pōluo

30 A gu dō kū gbē zōkō pī ye à yā kū Yudano sùo sānsān ma, à m̀ò p̀oroa, akū à sa'orikinɔ kū Yuda gbānadenɔ kākara à sù kū Pōluo n̄ are.

23

1 Pōlu wé pè gbānadenɔa à pì: Ma gbēno, yāke teni ma swè vī Luda arero ari kū a gbārao. 2 Akū sa'oriki Anania ò a dogarinone ò a lé a léa. 3 Akū Pōlu pīne: Luda n̄ lé se, bisāsiri kaka né. Ñ vutena nten yākpate ke kūmao doka musu, akū m̀okōn sō n̄ bo a kpε, n̄ pì ò ma lé. 4 Akū dogari pīno pì: M̀okōmmε nten Luda sa'oriki sōsō lé yá? 5 Pōlu pì: Gbēno, má dō sa'orikinlo, zaakū ò kè Luda yān ò pì ò sun ó būsū gbānade tó vāni síro.

6 Pōlu dō kū gbānade pīno gbēkeno bi Sadusinome, n̄ gbēkeno sō Farisino, akū à ònne gbāngbān: Ma gbēno, Farisin ma ū, Farisino n̄n ma ū. Gēno vuna tāmaa kū má vī yāin āten yākpate ke kūmao. 7 Kū à yā pīi ò, Farisino kū Sadusinɔ fùte kū kōo kū lékpakōao, akū kōkakararinɔ kpàate leu pla. 8 Sadusinɔ dì pī gēno dì vuro, akūsō malaikanɔ kū ninino kunlo. Farisino sō ò zè kū yā pīno pīnki. 9 Ò zuka gbāna kà n̄ té, akū Farisi kū òdi doka dañne kenno fùte kū lékpakōa gbānao ò pì: Ódi yā vāni ke le gbē diaro. Tó nini ke malaika mé à yā òne sō bi? 10 Kū lékpakōa kè gbāna, sozano gbē zōkō ten vīna ma de gbēno sún Pōlu ke yākiyakiro yāi, akū à ò a sozano ò kipa ò gē n̄ té ò a kū ò gé kāao n̄ būran.

11 Zī birea gwāani Dikiri bō à sù Pōlua à pì: Ñ laakari kpáte! Lákū n ma yā ò Yurusalemu la nà, séde n̄ ò Romu dɔ.

Lékpakūsūna Pōlui

12 Kū gu dō, Yuda kenno kākara asiri gūn ò la dà ò pì oni pó blero oni í miro ari ò gé Pōlu deo. 13 Lékpakūsūrii pīno de gbēnoɔn buplala. 14 Ò gèè sa'orikinɔ kū gbē zōkōno kīnaa ò pīne: O s̄i kū Ludao ò pì tó ódi Pōlu deo, tó o pó blè, Luda lāari bowá. 15 Ákōno kū gbānadenɔ á pīnki à gé à o sozano gbē zōkōne à suāre kū Pōluo lākū ò pì á ye à a yāno tāasi ká tera de a káakupola bà. Ókōno sō ónigō kú soru gūn ò a de zén ari àgō gé ká la.

16 Kū Pōlu dāre négōgbē n̄ yā kū ò gōgō pīi mà, akū à gèè à gèè sozano būran à ò Pōlune. 17 Akū Pōlu soza bāde sisi à pīne: Ñ gé kū kefenna dio á gbē zōkō kīnaa, zaakū à ye à baaru ke kpāne. 18 Akū à a sè à gèè kāao n̄ gbē zōkō kīnaa à pì: Pōlu kū ò a dà kpén ma sisi à kúte kēmene mà su n̄ kīnaa kū kefenna dio. À yāke vī à ye à onne. 19 Akū gbē zōkō pīi kefenna pīi kù a ɔa à gèè kāao gukpado n̄ pla, akū à a là à pì: Bó yān n̄ vī ñ omeneε? 20 Akū à pì:

Yudanŋ mé ò lé kpàkūsū, ò ye ò kúte kenne ò su kŭ Pŋluo ò gbānadenŋ zia, lākŭ ò pi ò ye ò a yā gwa tera de a káakupŋla bà. ²¹ Ñsun weñnero, zaakŭ ò gbēnŋ teni a dā zēn ò de gbēnŋn buplala. Ò la dà ò pi oni pŋ blero oni í miro ari ò gé a deo. Ò soru kè kò, n yān ò sā dŋi. ²² Gbē zŋkŋ pŋ pi kefenna pŋine: Ñsun tŋ gbēke dŋ kŭ ò òmēnero. Akŭ à a gbàre.

Pŋlu gbarena Sizaria

²³ Akŭ à soza bàde gbēnŋn planŋ sisi à pŋine: À o soza fēnadade gbēnŋn wāa donŋne ò soru ke ò gé Sizaria ŋkŋsi úblegŋrŋ kŭ sŋde gbēnŋn baaakŋ akurino kŭ sáride gbēnŋn wāa donŋ. ²⁴ À sŋ yā keke Pŋlune à dia à géo bŋsu gbē zŋkŋ Felisi kŋnaa aafia. ²⁵ Akŭ à takada kēne à pi:

²⁶ Bŋsu gbē zŋkŋ Felisi, makŭ Kalaudiu Lisia ma takada díkŋna kēne ma fŋ kpāmma. ²⁷ Yudanŋ mé ò gbē díkŋna kŭ ò ye ò a de. Kŭ ma a dŋ Romu gbē ū, akŭ ma ge kŭ sozanŋ ma a sŋmā. ²⁸ Kŭ má ye mà a taari kŭ ò lēa ma, ma a sè ma ge kāao ò yākpatekerino kŋnaa. ²⁹ Gwen ma dŋn kŭ taari kŭ ò lēa bi ò doka yāme, adi yā kŭ à kà ò a de ke ò a da kpésiran kero. ³⁰ Kŭ ò lé kpàkūsūi, ò a yā kpāni kēmene, akŭ ma a gbāemma gŋnŋ ma ò yādenŋne ò gé kŭ a yāo n kŋnaa gwe.

³¹ Akŭ sozanŋ kè lākŭ ò òñne nà ò Pŋlu sè ò gēe kāao Antipatari gwāani. ³² Kŭ gu dŋ, soza kŭ òten tāa o gēsēe pŋnŋ Pŋlu nà sŋdenŋne ò ò ò do kāao are, akŭ ò èra ò tà ò ò bŋran. ³³ Kŭ sŋdenŋ kà Sizaria, ò takada pŋi kpà bŋsu gbē zŋkŋ pŋia, akŭ ò Pŋlu nāne a òi. ³⁴ Bŋsu gbē zŋkŋ pŋ takada pŋi kyó kè, akŭ à Pŋlu là bŋsu kŭ à bŋn. À mà kŭ Silisia bŋsuun à bŋn, ³⁵ akŭ à pŋine: Tŋ gbē kŭ ò yā vŋ kŋnwŋnŋ sŋ, mani ma lākŭ oni o nà. Akŭ à pŋi ògŋ à dākpā Herŋdu kipakia.

24

Yudanŋ Pŋlu káarakpanaa

¹ Gŋrŋ sŋŋro gbera sa'oriki Anania sŋ Sizaria kŭ gbē zŋkŋ kenŋ kŭ dokadŋri kŭ òdi pŋne Tetuluo. Ò sŋ Pŋlu káara kpà bŋsu gbē zŋkŋ kŋnaa. ² Kŭ ò Pŋlu sisi, Tetulu fŋte àten yā daala à pŋi: Felisi, kŭ n arubarikaao ó bŋsu katena aafia. N zia laasunlēna mé à ó bŋsuu kè mana. ³ Òdi n tŋ nna sí ògŋ n sáabu kpà gu sŋnda pŋnkin gŋrŋ sŋnda pŋnki. ⁴ Kŭ má ye mà n yā gágaro, mani wé kemma ò sŋru ke kŋoo ò ó yā fitinna dí ma. ⁵ O è kŭ gbē pŋi bi guderime. Àdi yākete da Yudanŋ té andunia gŋn pŋnki, à de donyŋze éke kŭ òdi ò sisi Nazeradeno don'arede ū. ⁶ À ye se à Luda ŋn gbà lé, akŭ o a kŭ. ⁷⁻⁸ Tŋ n a làla n zŋda, òni taari kŭ ó lēa yāpura dŋ. ⁹ Akŭ Yudanŋ yā'ì kàra ò pŋi len yā pŋnŋ de le.

Pŋlu gina kŭ a zŋdao Felisi are

¹⁰ Akŭ bŋsu gbē zŋkŋ pŋi mŋi kè dékŭ Pŋlune de à yā o. Akŭ Pŋlu pŋi: Lākŭ má n dŋ yākpatekeri ū bŋsu dí gŋn a wè dasi kè, a yāi mateni ma mŋbona yā o ma laakariia. ¹¹ Tŋ n gbēka, oni onne kŭ ma gena Yurusalemu mà donyŋ ke de gŋrŋ kuri aweeplalaro. ¹² Òdi ma e maten lékpakŋa ke kŭ gbēkeo Luda ŋnlo. Òdi ma e maten yākete da aduakekpenŋ gŋn ke wēte gŋnlo. ¹³ Gbē pŋnŋ ni fŋ ò taari kŭ ò lēma sēedade lennero. ¹⁴ Ma si kŭ zé kŭ òten sisi donyŋze éke pŋi gŋnn maten do ó dizino Ludai. Má yā kŭ ò kè Musa doka gŋn kŭ annabinŋ takadanŋ nāanikena pŋnki. ¹⁵ Ma wé dŋ Ludai lán

mókōnō bà, kŭ gbē mananō kŭ gbē vāninō ni vu ń pínki. ¹⁶ A yā mé à tò madigō ma zīda toto gōrō sīnda pínki de ma swè sūngō vī Luda arē ke bisāsiri arero. ¹⁷ Ma wēkena kŭ ma būsuo gbera ma era ma su ma ɔ dàmma ma sa ò ¹⁸ Luda ɔnn. Kŭ maten sa o ma gbābonaa gbera, akŭ ò ma le gwe. Mádi gbēnō kákararo, yāketē kunlo. ¹⁹ Asia bŭsu Yuda kenome yādenō ũ. Séde ò su ò yā bo kō lén n kīnaa. ²⁰ Tó lenlo, ǹ tó gbē kŭ ò kú lanō dà kŭ ò lèma gōrō kŭ ò yākpate kè kŭmao o. ²¹ Sé yā mèn do kŭ ma ónne kŭ kòto gbānao, gēnō vuna yā musun òten yākpate ke kŭmao.

²² Felisi Yesu zé bokotena dō, akŭ à lá kŭ Yudanō yāla à pì: Tó sozanō gbē zōkō Lisia sù, mani á yā mì deáre. ²³ Á ò soza bàdenē àgō Pōlu dákpá, ama à a gba zé à Ìam pá, à tó a gbēnō kpái.

Pōlu kunna kpésiran Sizaria

²⁴ Gōrō pla gbera Felisi sù kŭ a Yuda nanō kŭ òdi pine Durusilao. À Pōlu sìsi, akŭ à Kirisi Yesu nánikena yā màa. ²⁵ Pōlu ten yā o manakēnaa musu kŭ zīdakūnadōnaao kŭ yākpatekena kŭ àten suo, akŭ vīna Felisi kŭ à pì: Ǹ fute ǹ tá gīa. Gōrō kŭ ma ɔ lè mani era mà ǹ sísi. ²⁶ Àten wé do Pōlui kŭ ani gusaregba daareme, akŭ àdigō a sísi gēn baaakō à su fāai bo kāao. ²⁷ Kŭ à kè wē pla, Pōsiu Fesutu vùte Felisi gēne ũ. Kŭ Felisi ye àgō nna kŭ Yudanō yāi, akŭ à Pōlu tò dana kpésiran.

25

Pōlu zè kŭ gena Siza kīnaao

¹ Fesutu vutena kpatan gōrō aakō gbera à fùte Sizaria à gèe Yurusalemu. ² Gwen sa'orikinō kŭ Yuda gbānadeno sù a kīnaa ò fùte kŭ Pōlu yāo. Ò wé kēa ³ à sùru ke à tó Pōlu su Yurusalemu. Zaakŭ ò zèo ò tankute kpákpane zén ò a demē. ⁴ Akŭ Fesutu piñne: Pōlu kú kpésiran Sizaria, makŭ sō mani tá gwe tera. ⁵ Á gbānade kenō su ò gé kŭmao. Tó à yā vāni kēme, áni o.

⁶ Fesutu kè kŭnwo lán gōrō sōraakō ke gōrō kuri taka bà, akŭ à èra à tà Sizaria. Kŭ gu dō, à vùte a tintinnwa à pì ò mó kŭ Pōluo. ⁷ Kŭ ò sù kāao, Yuda kŭ ò bō Yurusalemunō likai, akŭ ò yā zōkō kŭ odi fō ò a sèdade lèronō òdi dasidasi. ⁸ Pōlu zè kŭ a zīdao à pì: Mádi taari ke Yudanō doka ke Luda ɔnnnero, ke Siza. ⁹ Fesutu ten wete àgō nna kŭ Yudanō, akŭ à Pōlu là à pì: Ìni we ǹ gé Yurusalemu de mà yākpate ke kŭnwo gwe yā dínō musu yá? ¹⁰ Pōlu pì: Siza doka kŭ à kŭ ò yākpate keomenē aren má zen la. Mádi taari ke Yuda kenero lākŭ mókōn ǹ dō sānsān nà. ¹¹ Tó ma taari kŭ à kà ò ma de kè, maten gi mà garo. Ama lākŭ mádi yā kŭ gbē dínō ten o ma musu ke kero nà, gbēke zé vī à ma kpám̄maro. Gena Siza kīnaa ma zeo. ¹² Kŭ Fesutu lé kpákŭsŭ kŭ a gbēnō à pì: Kŭ Sizame n zeo, a kīnaan Ìni gēn.

Gena kŭ Pōluo kīna Agaripa kŭ Benisio arē

¹³ Gōrō pla gbera kīna Agaripa kŭ Benisio sù Sizaria de ò fō kpá Fesutua. ¹⁴ Kŭ òten gōrō pla ke gwe yāi, Fesutu bō kŭ Pōlu yāo kīna piñne à pì: Gōgbē ke kŭ la kŭ Felisi a tò da kpésiran. ¹⁵ Kŭ ma ge Yurusalemu, sa'orikinō kŭ Yuda gbē zōkōnō sùmenē kŭ a yāo ò pì mà sùru ke mà yā daala. ¹⁶ Ma piñne tó gbē kŭ ò sù kŭ a yāo dí zé le à kō e kŭ gbē kŭ ò yā vī lèlèlèno à yā wènm̄maro, ókōnō Romudenō òdi a kpám̄maro. ¹⁷ Kŭ o su la lèlèlè, mádi zezero. Kŭ gu dō gōnō, akŭ ma vute ma tintinnwa ma pì ò mōmenē kŭ adeo. ¹⁸ Gbē kŭ ò taari lèaa pìno yā ò, odi yā vāni kŭ maten kpákpa o a musuro. ¹⁹ Ò yāketē vī

káao n̄ donyĩze yā musu kũ gōgbē kũ òdi pine Yesu yāo. À gà, akũ Pɔlu zè kũ a kunna wèndin yāo. ²⁰ Ma bídi kè yā pì zé dōnaaa, akũ ma a là tó à ye à gé Yurusalemu ò yā pì gōgōne gwe. ²¹ Akũ Pɔlu pì Romu kɔnan a zεo ògō a kũna. Akũ ma pì ògō a dākpá ari màgō gé a gbare Sizaa. ²² Akũ Agaripa pì Fesutune: Má ye mà gbē pì yā ma ma zīda. Akũ Fesutu pì: Īni yā ma a lén zia.

²³ Kũ gu dō Agaripa kũ Benisio sù kũ gakuri zōkōo, akũ ò gē kōkarakεkpen kũ soza gbē zōkōn kũ wēte gbē bēereden. Kũ Fesutu yā ò, ò sù kũ Pɔluo. ²⁴ Akũ Fesutu pì: Kí Agaripa kũ ákōn kũ á kú kũoo lanɔ pínki, a gbē dí è yá? Yuda kũ ò kú Yurusalemunɔ kũ gu dín n̄ pínki gbē pì yā sè ò sùoma, òten wiki léma ò pì à mana àgō kun doro. ²⁵ Makũ sō, mádi e à yāke kè kũ à kà ò a dero, akũ lākũ à zè kũ Sizao nà, ma zεo mà a gbaraεa. ²⁶ Mádi yā pì gbá dō gbasaa mà takada kē kɔnanε a yā musuro. A yā mé à tò ma su káao á are, atēnsa mōkōn kɔna Agaripa, de yálananaaa gbera mà yā le mà kē. ²⁷ Zaakũ purusuna gbarēmmana taari kũ ò lèa sãnsãn onaa sari zé vī ma kɔnaaro.

26

Pɔlu a zīda yā bōkōtena kɔna Agaripa are

¹ Akũ Agaripa pì Pɔlune: N̄ zé vī n̄ n yā o. Akũ Pɔlu ɔ sè à a zīda yā bōkōte à pì: ² Kí Agaripa, ma è ma mɔnna kè, kũ ma lè mateni ma zīda yā bōkōte n are gbāra taari kũ Yudanɔ òdima pínki yā musu. ³ Atēnsa kũ n̄ Yudanɔ futeokarayā dō pínki kũ n̄ yāketen. Abire yāi ma wé kemma n̄ ma yā dí mamene. ⁴ Yudanɔ ma kunna dō zaa ma né fíti zī naana zaa ma b̄sun ari Yurusalemu. ⁵ Ò ma dō à gii kè. Tó ò yei, oni f̄s ò o kũ má kú ó donyĩrinɔ gà kũ à gbāna kũ Luda yāo kũ òdi pi Farisinɔ té. ⁶ Tera sà òten yākpate ke kũmao kũ ma wé dō lé kũ Luda sè ó dizinɔneei yāi. ⁷ Ó buri mèn kuri awεεplanɔ digō do Ludai fānantē kũ gwāanio wédona lénsa dokōnɔ p̄ii. Kí, támaa pì yāin Yudanɔ fūtemai. ⁸ Bōyāin Luda gēnɔ vunaa kéare yāzesari ū sée?

⁹ Makũ sō yā, ma zεo kũ yā kũ ani bo Yesu Nazera kpe pínkin manigō ke. ¹⁰ Len ma kè le Yurusalemu. Sa'orikinɔ ma gba zé, akũ ma Luda gbēnɔ kà kpésiran dasi. Tó òteni n̄ dede sō, ma lé digō kú a gūmme. ¹¹ Madigō gé aduakεkpe kũ aduakεkpeo gēn baaakō, màgō wé tārma mà gā narma de ò ledi kpá Yesui. Ma pō fēnanyī, akũ madì gé wari dōmma ari buri pānde wētēna.

Pɔlu a Yesu zé sēna yā'onaa

(Zir 9:1-19, 22:6-16)

¹² Abire yāi maten gé Damasuku kũ doka kũ sa'orikinɔ ma gbarεooo. ¹³ Kɔna, kũ má té zén kũ ifantēo di midangura, ma gupura è à bō ludambe à damala kũ ma gbēnɔ, à pāsī de ifantēla. ¹⁴ O lete zīte ó pínki, akũ ma kōtoo mà ò òmene kũ Eberu yāo ò pì: Solu, Solu, à kè dera nten wé támaa? Lēzōna kũ gbáo kyate sari ten wari dōmma fá! ¹⁵ Ma pì: Díme n ūu, Dikiri? Akũ Dikiri pì: Makūme Yesu kũ nten wé taa ū. ¹⁶ N̄ fute n̄ ze. Ma bo ma summa de mà n sé ma zikeri ūme, ngō de yā kũ n è kũ yā kũ mani mōnneoo sēdede ū. ¹⁷ Mani n sura ba Yudanɔ ɔī kũ buri pānden. Mani n zīmma ¹⁸ de n̄ n̄ wé kēnne, ò kpe li gusirane ò are dō gupuraa, ò bo Setan gbānan ò gē Luda pōn, de n̄ durunnano le à kēnma, n̄ baka gō kũ kũ Luda gbēnɔ ma nāanikena yāi.

Pɔlu zĭkena Yesune

¹⁹ Kĭ Agaripa, àkū mé à tò mádi gí ludambe gbē kū à bò à sùma yáiro. ²⁰ Ma waazi kē Damasuku gĭa kū Yurusalemuo, akū ma kē Yudea bùsu gu sĭnda pínkia kū buri pāndenɔ kĭnaao. Ma ònne ò nèse lite ò are dɔ Ludaa, ò yā kū ani tó ò dɔ kū ò nèsee lite ke. ²¹ Abire yāin Yudanɔ ma kū Luda onn, ò ye ò ma de. ²² Luda kpányĭn má kunwo ari kū a gbārao, akū má zena a sèdade ũ né fiti gbē zɔkɔnɔne n pínki. Madi yā pānde oro, sé yā kū annabinɔ kū Musao ò à ke baasiro. ²³ Ò pì Arumasihu ni wari le, àkū mé ani fute bona gan káaku à gupura yā o Yudanɔne kū buri pāndenɔ.

²⁴ Kū Pɔlu teni a zĭda yā bokote le, Fesutu wiki dɔa à pì: Īa kàmmān yā Pɔlu? N dɔna zɔkɔ mé àteni n mì lite. ²⁵ Akū Pɔlu pì: Īa dí kámaro, gbē bèereede Fesutu. Yázeden maten o, akūsɔ yāpuramē. ²⁶ Kĭ, lākū n yā bireno dɔ nà mani fɔ mà yā onne sùsu vĭna sari. Má dɔ kū a ke dí ke n mì kpero, zaakū yā pì bi gukpado yānlo. ²⁷ Kĭ Agaripa, n yā kū annabinɔ òo sĭ yā? Má dɔ kū n si. ²⁸ Akū Agaripa pì Pɔlune: Gɔɔ fiti dí lén nten da ĩni fɔ n ma lite mà gɔ Yesude ũn yā? ²⁹ Pɔlu pì: Bee tera ke gikena má yei, tó Luda wè. Adi ke ndonlo, kū gbē kū òteni ma yā ma gbāranɔ n pínki, ò gɔ lākū má de nà mɔkakɔana dĭnɔ baasi. ³⁰ Akū kĭna pì kū bùsu gbē zɔkɔɔo kū Benisio fùte kū gbē kū ò kakarana gweno. ³¹ Kū ò bòte, òten o'okɔne: Gbē pì dí yā kū à kà ò a de ke ò a da kpésiran kero. ³² Akū Agaripa pì Fesutune: Tó gbē pì dí ze kū gena Siza kĭnaao yāro, de òni fɔ ò a gbare.

27*Gena kū Pɔluo Romu gó'ite gūn*

¹ Kū ò zèò ò da Itali zén, akū ò Pɔlu kū purusuna kpara kenɔ nà soza bàde kū òdi pine Yuliune a ɔĭ. À de soza gā kū òdi pi Siza sozanɔ don'aredenɔ do ũ. ² O gē gó'ite kū à bò Adaramitiumu gūn, àten bote kū Asia bùsu wētenɔ, akū ò da zén. Masedonia bùsu gbē Arisitaku Tesalonikua kú kúoo. ³ Kū gu ò ò ka Sidɔ. Yuliu Pɔlu kúna kū nèsedoo, akū à a gbà zé à gé a gbēno gwa, de ò kpái. ⁴ Kū ò bo gwe, o ka í dagura. Kū ĩa ten daóle yāi, akū ò do Sipiru bùsuui kpe kpa. ⁵ Táa'ona ísira dagura o do Silisia kū Pamfilia bùsunoi, akū ò ka Mira, Lisia bùsun. ⁶ Gwen soza bàde pì Alesandaria gó'ite kū àten gé Itali lèn, akū à ó kán.

⁷ Gɔɔ kenɔ gūn ó tá bùsa. O ɔsi kà ari o ka Sinidu léa. Kū ĩa dí wewere ò gé sùsuro, o pāne o bo Kereti bùsu kpe kpa Salamone sare. ⁸ ɔsikanaa gūn òten pā Keretine, akū ò ka gu kū òdi pi Góɔki Manan. A káni kū wēte kū òdi pi Laseao. ⁹ Lākū ò gĭi kē zén nà, ó gena are gɔ kari yā ũ, zaakū Yudanɔ léyĭgɔɔ gē kò. A yā mé à tò Pɔlu lé dàrima ¹⁰ à pì: Gbēno, ma è tá dí ni su kū ásarua zɔkɔɔo kū kisirao. Adi ke gó pì kū a asonɔ adonlo, kū ókɔnɔme se. ¹¹ Ama soza bàde góɔɔɔri kū gódeo yā si de Pɔlu póla. ¹² Gu pì mana ò gó dɔn ò bunsire blenlo, akū gbēno zè dasi kū ò era ò da zén ò tá. Ò ye ò ká Fenisi, wēte kū à kú Kereti ifálete kpa, tó ani sí ke ò bunsire ble gwe.

Zàgá'ia futena ísiralá

¹³ Kū ĩa buse fùte gèno midɔki kpa, òten da ò fɔ ò n poyeina kemē. Akū ò n gó pòro ò dà zén òten pā Keretine kánikāni. ¹⁴ Adi gĭ kero zàgá'ia gbāna kū òdi pi ĩa pāsĭ bò Kereti kpi kpa. ¹⁵ À gó lite, ódi fɔ ò are dɔa doru, akū ò gɔ téi. ¹⁶ Kū à ó kpá luan fĭtinna kū òdi pi Kodai, à kèwá sàna fĭti. ɔsikanaa gūn ò ó gó fĭtinna surababɔɔ lè ò kù gwe. ¹⁷ Kū ò sè ò gèò gó zɔkɔɔo gūn, akū

ò kèkè ò bàà dò gó zōkō pīia. Kū òten vīna ke Libia bùsu í sàrara gēnane yāi, akū ò gó kúra gbàre ín ò gō té íai. ¹⁸ Kū gu dò, lākū zàga'īa kpé àteni ó gó yīpayīpa gbāngbān nà, akū ò nà asonō zuzunaaa í gūn. ¹⁹ A gōrō aakōde zī ò n gó zīkēbōnō bōtē ò kōtē n zīda. ²⁰ À kà gōrō ūgbangba ifāntē kū susunenō dí boro, īa pāsī pīi kū legūo dí kpátero. Surabana tāmaa kū ó vī yā lākawá pínki.

²¹ O gōrō pla kè ódi le o pó blèro, akū Pōlu fùtē à pīñne: Gbēnō, tó a ma yā māmē yā, de ódi fute Kereti, kisira kū ásarū dīnō gbasa à ó léro. ²² Ari tera maten lé daáwa à laakari kpáte! Á gbēke ni garo, sé gó pīi yaka. ²³ Gīa gwāani Luda kū má de a pó ū maten doi malaika bō à sūma ²⁴ à pī: Ñsun vīna kero, Pōlu. Séde ñ Siza arē le. Luda gbē kū ò kú kūñwo gó gūnnō bōnne aafia n pínki. ²⁵ A yā mé à tò gbēnō, à laakari kpáte! Má Luda náani vī kū ani ke lākū à òmenē nà. ²⁶ Séde ò ká luan ke í sàraran.

²⁷ A gōrō gēro donsaride zī gwāani īa pāsī pī teni ó gátē Adariatiki íla ari tera. Akū lizāndo gó gbēnō ten da o ka káni kū í baraomē. ²⁸ Akū ò bà ílōgwabōō gbàre ín, ò è gāsākuru basiikō. Kū à kè saa fīti ò gbàre dō, ò lè a lòkotoo kà gāsākuru baaakō. ²⁹ Òten kpana gbèla vīna ke, akū ò kúra mèn siikō gbàre gó pōrō kpē, akū òten adua ke de gu dōñma. ³⁰ Gó gbēnō ten zé wete ò bōtē gó gūn ò bàà lé, akū òten gó surababōō pīi kipa ò da íla, òten ke lākū ò ye ò kúranō gbare gó arē bà. ³¹ Akū Pōlu pī soza bàdene kū a bàsaridenō: Tó gbē birenō dí gō gó gūnlo, áni fō à boro. ³² Akū sozanō gó surababōō bānō zōzō ò tò à lètē ín.

³³ Kū gu ye à dō, Pōlu kúte kēñne n pínki ò pó ble à pī: A gōrō gēro donsarín gbāra a gō lokona póble sari. ³⁴ Maten kúte kéáre à pó ble de à gbāna le à bo aafia. Bee á mīkā mèn do ni létero. ³⁵ Pōlu yā bire onaa gbera à burodii sè à Luda sáabu kpà gbē sīnda pínki wára, akū à è àten só. ³⁶ N gbē sīnda pínki laakarīi kpáte, akū ò pó blè sà. ³⁷ Ókōnō kū ó kú gó gūnnō ó pínki o ka gbēnōn wàa do kpé baaakō akuri awēesuddo. ³⁸ Kū ò pó blè ò kà, ò póblewē bōtē ò kà ín, de gó le à ke futa yāi.

Gó'ite yakanaa

³⁹ Kū gu dò, ò sīsīaa lè odi dōro. Kū ò luankore è kū bùsu'atē sàraao, akū ò zèò ò gé kū góo í sàraran gwe, tó oni fō. ⁴⁰ Ò kúranō pòro ò dà í gūn, akū ò báli gódcōbōnō bàà pòro gōnō. Ò gó arē biza pòro īane, akū ò mīi pè gu sàraa pīia. ⁴¹ Akū ò sī bùsu'atēn dōnaa sari, akū gó zè gwe. Bùsu'atē pī gó arē kū gīngin adi fō à yīgāro, akū ísōkena kū àten káka kū gbānao ten gó pōrō kpē yaka. ⁴² Sozanō zèò ò purusunānō dēde, de n gbēke sún í kpá ò pītīmāro yāi. ⁴³ Ama soza bàde ye à Pōlu mī sí, akū à gīñne ò n poyeina ke. À pī íkparinō doñne arē ò kusi ía ò bikū, ⁴⁴ gbē kparanō gō té n kpē lí lēketenō ke gó kasonō musu. Len gbē sīnda pínki í bara lè aafia le.

28

Pōlu kunna Malata luan

¹ Kū o í bara lè aafia, o mà luan pī tōn Malata. ² Bedenō ó sí kū yenyōo manamana. Ò gbānake kpàwái, ò té sàa lèwēre, zaakū legū nà manaaa, akū īa bōtē. ³ Pōlu yàka kete kākara à sù àten ká tén, pitiko kú a gūn. Kū té puusu a pà, à bō à Pōlu sò a òa. ⁴ Kū bedenō mlèē pīi è dō a òa, ò pīkōne: Gbē bire bi gbēderiime yāpura. Bee kū à bikū í bara aafia, yāpura dí wenē àgō

kunlo. ⁵ Ama Pɔlu ml̥ɛɛ p̥ii gb̥àkɛ à dà tén, adi pɔke kɛnɛro. ⁶ Gb̥ɛnɔ wɛ dɔi kũ a ɔ ni ká à léte à ga gwe g̃nɔmɛ. Kũ à g̃i kè, ò è pɔke dí a lero, akũ ò lé lite ò p̥i, gb̥ɛ p̥i bi t̃ana z̃k̃ kɛmɛ.

⁷ Gu p̥ii saren luan gb̥ɛ z̃k̃ kũ òdi pine Publiu bɛ kunwa. À ó díte gɔɔ aak̃ à nibɔkɛnaa k̃wɛrɛ kũ yenyĩ. ⁸ Publiu de wútena kũ m̃w̃anao àten b̃adub̃adu kɛ. Akũ Pɔlu g̃ɛ a k̃inaa à adua k̃ɛnɛ, à ɔ ñaa à a w̃ɛrɛk̃sa. ⁹ Kũ à k̃ɛ lɛ, luan p̥i gỹare kparanɔ sù a k̃inaa, akũ ò w̃ɛrɛk̃sa se. ¹⁰ Ò ó kpe tà manamana. Kũ óten tá, ò z̃anaa k̃wɛrɛ dɔ.

Pɔlu kana Romu

¹¹ Ó kunna luan p̥ii g̃ñ mɔ aak̃ gbera o g̃ɛ gó'ite kũ à bunsirɛ bl̃ɛ gwen o da zén. Gó p̥ii bò Alɛsandaria ò sika t̃ananɔ s̃ɛdaa k̃ɛa. ¹² Kũ o ka Sirakusi, o gɔɔ aak̃ k̃ɛ gwe. ¹³ Bona gwe o do í léi ari o gɛ káo Regiumu. Kũ gu d̃ɔ ĩa bò g̃ɛñmid̃k̃i kpa, a gɔɔ pladen o ka Putɛɔli. ¹⁴ W̃ɛtɛ p̥ii g̃ñn o Yesudenɔ l̃ɛn. Ò p̥i ò s̃uru kɛ ò azuma do kɛ kũńwo. O k̃ɛ lɛ, akũ o da Romu zén. ¹⁵ Romu Yesudenɔ ó baaruu mà, akũ ò sù daóle. Gb̃ɛkɛnɔ ó lé Apiu Etɛn, gb̃ɛkɛnɔ s̃ɔ gu kũ òdi pi Kipakimɛn'aak̃n. Kũ Pɔlu ñ é, à Luda s̃áabu kp̃a a laakarii kp̃atɛ.

Pɔlu waazikɛna Romu

¹⁶ Kũ o ka Romu, ò Pɔlu gb̃a zé àg̃ɔ kun adona kũ soza kũ anig̃ɔ a d̃ákp̃áo. ¹⁷ Gɔɔ aak̃ gbera Pɔlu Yuda gb̃ɛ z̃k̃nɔ sisi. Kũ ò k̃àkara, à p̃innɛ: Ma gb̃ɛnɔ, mádi z̃á Yudanɔnɛ ỹakearo. Mádi bo ó dizinɔ futɛokaraỹake kp̃ero, akũ ò ma kũ Yurusalɛmu ò ma kpa Romudenɔa. ¹⁸ Ò ma lala ỹai odi ỹake le ma musu kũ à k̃à ò ma d̃ero, akũ ò ye ò ma gbarɛ. ¹⁹ Akũ Yudanɔ bò ma kp̃ɛ. Tilasi ma zɛ kũ gɛna Siza k̃inaa, adi kɛ má ỹá ṽi kũ ma b̃usu gb̃ɛñnlo. ²⁰ A ỹá mé à tò ma á gb̃ɛka, de ò k̃ɔ e mà ỹá o k̃áá, zaakũ gb̃ɛ kũ Isarailanɔ wɛ dɔi ỹain ò mò dí k̃amai.

²¹ Akũ ò p̃inɛ: Ódi takada ke le à bò Yudea b̃usun ñ ỹá musuro. Ó gb̃ɛke s̃ɔ adi bo gwe à s̃uwɛrɛ kũ ñ baaru ṽanioro. ²² O è à mana ò ỹá kũ ñ ṽi ma ñ l̃ɛn, zaakũ o mà òdi donỹize p̃i ṽani bo gu s̃inda p̃inkiamɛ.

²³ Ò gɔɔ d̃itɛk̃nɛ kũ Pɔluo, akũ ò sù a k̃inaa ɔn kũ à k̃ipan dasidasi. À ye ò a ỹazɛ d̃ɔ Yesu ỹá musu, akũ à ña Musa dokaa kũ annabinɔ ỹanɔ, à kpata kũ à bò Luda k̃inaa ỹá òñɛ à b̃òk̃ɛñnɛ zaa k̃onk̃o ari ɔk̃osi. ²⁴ Gb̃ɛkɛnɔ ỹá kũ àten onɔ zé lè, ama gb̃ɛkɛnɔ g̃ii. ²⁵ Kũ òten k̃ɛk̃sa kũ l̃ɛkpak̃s̃ao, Pɔlu ỹá m̃ɛn do k̃arañnɛ à p̃i: Ỹá kũ Luda Nini dà annabi Isayanɛ à ò á dizinɔnɛ bi ỹapuramɛ, kũ à p̃i:

²⁶ Ñ g̃ɛ ò o gb̃ɛ k̃ñnɛ,
onig̃ɔ s̃á kp̃a ỹakemanaa sari,
onig̃ɔ gu gwa ỹake'ena sari.

²⁷ Ò ñɛɛ ṽiro de òsun ɔnd̃ɔ k̃uro ỹai,
ñ s̃á gb̃ana de òsun ỹá maro ỹai,
ñ wɛ kukurena de òsun gu ero ỹai,
zaakũ ò ye ò are d̃oma mà ñ gba aafiario.

²⁸⁻²⁹ A ỹá mé à tò, àg̃ɔ d̃ɔ kũ Luda gb̃ɛnɔ z̃i kũ surabana ỹáo buri p̃andenɔa. M̃ɔk̃ñmɛ oni sí.

³⁰ Pɔlu k̃ɛ kp̃é kũ àten f̃ina bo g̃ñ w̃ɛ pla mámmam. Àdig̃ɔ gb̃ɛ kũ òdi su f̃ai bo k̃aaonɔ kũ ɔplapla ñ p̃inki. ³¹ À kpata kũ à bò Luda k̃inaa ỹá waazi k̃ɛñnɛ à Dikiri Yesu Kirisi ỹá dàñnɛ kũ laakarii kpatena, gb̃ɛke dí kp̃anero.

ROMUDENŃ

Gbē sīnda pínki bi durunnakeriime 1:1-3:20

Lákū Luda dì tó yā bo kúnwo nna nà 3:21-4:25

Kunna gbē dufunŃ ũ Kirisi gūn 5:1-8:39

Yā kū Luda ten wete IsarailanŃ musu 9:1-11:36

YesudenŃ yákenaa 12:1-15:13

Pōlu fŃkpanmanaa 15:14-16:27

Pōlu fŃkpana RomudenŃa

¹ Makū Pōlu, Kirisi Yesu zŃbleri, Luda ma sisi à ma díte a zīri ũ, baaru nna ² kū à gīnake à a lé sè a annabinŃne ò kè a yān kpàri ũ. ³⁻⁴ A Né Yesu Kirisi ó Dikiri yāme baaru nna pì ũ. A bisásirike gūn à bò Dauda buri gūmmē. A ludaninike gūn a bona gan mé à mŃwewe kū gbānao kū Luda Néme a ũ. ⁵ Kirisi ma gba zé mǎgŃ de a zīri ũ buri sīnda pínkine, de ò le ò a náani ke ò gŃ a yāmarinŃ ũ, de à tŃ bo. ⁶ Á kú gbē kū Yesu Kirisi n sísí à n sénŃ té se. ⁷ Ma takada díkīna kèáre, ákŃnŃ Romude kū Luda yeáí à á sísi a gŃ a gbēnŃ ũ pínki. Luda ó De kū Dikiri Yesu Kirisio gbēke keáre, à á gba aafia.

⁸ Káaku gīa ma Luda sáabu kè Yesu Kirisi gāí á pínki yā musu, kū á ludanaanikenaa dà anduniala pínki yāi. ⁹ Tó maten adua ke gŃrŃ sīnda pínki, á yā dì sámaguro. Ludame ma sèedade ũ. Ápiin maten doi kū nèse mèn doo mateni a Né yā baaru kpá. ¹⁰ MadigŃ wé kea à zé kekemene lákū à yei nà de mà le mà su á gwa sà. ¹¹ Wésinaále ni teni ma de manamana, de mà le mà Luda Nini gba ke daágu á zīnipetena yāi, ¹² de á ludanaanikena kū ma pŃo le à ó baadi gba swèè. ¹³ Ma gbēnŃ, má ye àgŃ dŃ kū madigŃ gŃrŃ díte gèn baaakŃ mà su á gwa,* de mà a zī gbè e á té lákū ma è buri pāndenŃ té nà, akū ari tera mádi zé ero. ¹⁴ GirikiyāmarinŃ kū GirikiyāmarisarínŃ n pínki, dŃrinŃ kū dŃrisaridenŃ n pínki, n yā gŃ ma yā ũ. ¹⁵ Abire yāi ma mēe wā mà baaru nna pì kpá ákŃnŃ RomudenŃne se. ¹⁶ Madì wé'í kū kū baaru nna pì yāoro,† àkūme gbāna kū Luda dì gbē kū òteni a náani kenŃ sura bao ũ, atēnsa YudanŃ, n gbera buri pāndenŃ. ¹⁷ Baaru nna pì dì owere lákū Luda dì tó yā bo kúnwo nna nà. À de ludanaanikena yā ũ adome, lákū ò kè Luda yān nà ò pì: Gbē kū Luda tò yā bò káao nna a náani kū àten ke yāi nigŃ kun.

BisásirinŃ bi taaridenŃme Luda kīnaa

¹⁸ Zaa musu Luda dì a pŃfēna kipa bisásiri kū n vānikena dì zé zŃ yāpuranenŃa n pākpaina kū n vānikenaao yāi. ¹⁹ Yā kū oni fŃ ò dŃ Luda yā musu utenañnero, Luda mé à yā pìi bòñne gupuraa. ²⁰ Zaa gŃrŃ kū à andunia kàte, a gbāna kū àdi lákaro kū a ludakena kū òdi e kū wéoro bò gupuraa a zīnŃ gūn swáswa. A yā mé à tò bisásirinŃ kutekena víro. ²¹ Ò Luda dŃ, ama òdi bèere líne a zéa ò a sáabu kpáro. N laasunnŃ kè pā, akū ò gŃ gusiran n mīsari yāi.‡ ²² Ò n zīda díte òndŃrinŃ ũ, akū ò gŃ yŃnkŃnŃ ũ. ²³ Òdi kúte bisásiri kū òdi ganŃ kū bānŃ kū nŃbŃnŃ kū pŃ kū òdi taa o kū kúaonŃ takane Luda kū àdi garo gēne ũ.

* 1:13 Zīr 19:21 † 1:16 Maa 8:38 ‡ 1:21 Efe 4:17-18

²⁴ A yā má à tò Luda n kpá gbāsíkēnaai, de ò wé'isariyā ke kù kōo, lākū òdi a ni de n nēsēe gūn nà. § ²⁵ Ò Luda yāpurade lilin kè kù ékeo. Òdi donyī ke Luda pókēnanonē ò doñyī Luda kù à pō sīnda pínki kè gēne ũ. Arubarikaden a ũ goro sīnda pínki! Aami.

²⁶ Abire yāi Luda n kpá wé'isariyā nidēnaaa. Bee n nōgbēno yā kù òdi ke lilin kè kù yā kù òdi keroo. ²⁷ Leme se gōgbēno, ò yā kù òdi ke kù nōgbēno tò, òdi lukakōi. Gōgbē kù gōgbēo di wé'isariyā ke kù kōo, òdi a gbē le n zīdaa n sātēna lēn. ²⁸ Lākū òdi we ò zè kù Luda dōnaaoro nà, akū à n laasun kè lékperē, de ò yā kù à de ò keronō ke. ²⁹ Yā vāni sīnda pínki pèkerēmuma: Nēsē pāsī, wākū, ñikēna kōo, nēsēgōba vīna kōo, gbēdenaa, fitii, gbēblēna kù manafikikēnaao. Koro mōtōdenōme n ũ, ³⁰ gbēyakarino, Luda ibereno, gbē takikerino, yōgōdeno, ñadārinō, vāni laasunlerino, de kù dao yādarisarino, ³¹ mīsaridenō, nāanisaridenō, gbēyākerisaridenō, wēndasaridenō. ³² Ò dō kù Luda dīte kù yā bire taka kèrinō kà ò n dēde, ama òdi ze kù a kenano adoro, òdi té ká a kèrinōgume dō.

2

Luda ni yākpate ke a zéa

¹ Abire yāi mōkōn kù ndi gbē pānde taari e, n kutēkena vīro. Tó n gbē pānde taari è, n n zīda dà yāmmē,* zaakū mōkōn gbētaari'eri ndi ke le se dō. ² Ó dō kù Luda yākpatekena kù yā bire taka kèrinō kun a zéame. ³ Mōkōn kù ndi yā bire taka kèrinō taari e, akū ndi ke se, nten da ñni bo Luda yākpatekenan yā? ⁴ Ke nten dōke kù Luda nnakēnēna zōkōo kù a menao kù a sūruuome? ⁵ N dō kù Luda teni a nna kēne de n n nēsē lite yāinloo? ⁶ N sāgbāna kè, ñdi nēsē litero, nten pōfē kakaranyī ari Luda pōfēkipammana goro zī, tó Luda yākpatekenaa kù gbēno a zéa bō gupuraa. ⁷ Ani fīna bo baadinē a yākenaaa.† ⁸ Gbē kù òten gakuri kù bēereeo kù mēvānasario wete, akūsō òten yā mana ke kù menaono ni wēndi kù adi lākaro le. ⁹ Gbē kù n zīda poyeina ten doñne are ò gi yāpurai ò té yā vānino sō, Luda ni pōfē kù pētēo kipauma. ¹⁰ Wētamma kù wāwāo ni yāvānikeri sīnda pínki le, atēnsa Yudanō, n gbera buri pādenō. ¹¹ Luda ni yāmanakeri sīnda pínki gba gakuri kù bēereeo kù aafiaano, atēnsa Yudanō, n gbera buri pādenō. ¹² Zaakū Luda di gbēke wé gwaro.

¹³ Gbē kù à durunna kè Musa doka dōnaa sari ni kakate le doka pīi sari. Gbē kù à durunna kè nana doka pīi ñi sō, Luda ni yākpate ke kāao doka pīi musume. ¹⁴ Adi ke gbē kù àten doka ma kù sáo mé à mana Ludanero. Gbē kù àten zī kea mé ani bo mana. ¹⁵ Tó buri kù ò Musa doka dōrono yā kù à kō sīoo kè kù n zīdao, ò doka vī n zīdaaame. ¹⁶ Òten mōwēre kù yā kù à kù doka pīi gūn kù n nēsēmmē. N laasun teni a yāpura o dō, zaakū n laasun mēn dorō, a kenō di n da yān, a kenō di n bon. ¹⁷ Leme yākpatekegoro zī Luda ni yākpate ke kù bisāsirinō yā kù à utēna n nēsēn musu Kirisi Yesu gāi, lākū baaru nna kù maten kpá ò nà.

Yudanō bi dokadarisarino me

¹⁸ Mōkōn Yuda inaa, n ze kù n Yudakeo, n Musa doka náani vī, nteni ña dā kù Ludao. ¹⁹ Nteni da n de vīnanō wēde ũ, gbē kù ò kù gusira gūnnō fitila ũ, ²⁰ wēsīradenō yādanneri ũ, gbē dufunō kyódari ũ. Nteni da Luda dokame

dōna kŭ yāpuraŃ mī ũ. ²¹ Mōkōn kŭ ndī yā da gbē pāndenŃne, bŏyāi ndī da n zīdaneroo? N pī òsun kpāni oro, mōkōn ndī o se yā? ²² Ndī pī òsun zina kero, akŭ ndī ke se yā? Ndī tānanŃ gya bo, akŭ ndī n kpé pŃnŃ kpāni o se yā? ²³ Ndī ĩa dā Luda doka musu, akŭ n doka pī danasari dī Luda tŏ yaka. ²⁴ Zaakŭ á yāin buri pāndenŃ digŏ Luda tŏ vāni sí lākŭ ò kē Luda yān nà.

²⁵ Tó n Luda doka kŭna, akŭ tŏzŏ àre vīnne. Tó ndī a yā da sŏro, n lēle kŭ gyŏfŏrŏdenŃme. ²⁶ Tó gyŏfŏrŏde Luda dokanŃ kŭna, Luda ni gyŏfŏrŏde pī gwa lēle kŭ gbē kŭ à tŏzŏ zŏŏoroŃ? ²⁷ Bee tó n doka takada pī kŭna, akŭsŏ n tŏzŏna, tó ndī doka pī daro, gyŏfŏrŏde kŭ à yā pī kŭna ni tó yā danla. ²⁸ Kunna Yuda ũ yāpura bi mēbarayānlo, lēme tŏzŏna yāpura bi mēbarayān sero. ²⁹ Kunna Yuda ũ yāpura bi nēsēgŭnyāme, lēme dŏ tŏzŏna yāpura bi nēsēgŭnyāme se. Luda Nini zīme, adi ke doka takada yānlo. Luda mé adi gbē bire taka sáabu kpá, adi ke bisāsirinlo.

3

¹ Karana kpaten dena Yuda ũ vīi? Àre kpaten tŏzŏna vīi? ² À karana vī zŏkŏ yā sīnda pínki gŭn. Káaku gīa Luda a yā nānne n ŏime. ³ Kŭ n gbēkenŃ náani vīro, bŏn abirekŭ vīi? N kunna náani sari ni Luda náani gboro yá? ⁴ Oi! Lenlo! À tó Luda gŏ yāpura vī, bee kŭ gbē sīnda pínki bi ékedeme, lākŭ ò kē Luda yān nà ò pī:

Tó n yā ò, n yā nigŏ zé vī,

tó n yākpate kē kŭnwo, n yā ni ble.*

⁵ Tó ó vānikē dī Luda manake bo gupuraa, bŏ yān óni oo? Óni pī Luda vāni kŭ àdi pŏfē kipawá yāin yá? Maten o lán bisāsiri onaa bàme. ⁶ Oi! Lenlo! Tó Luda yāze vīro, à kē dera ani fŏ à yākpate ke kŭ anduniaoo? ⁷ Gbēke ni pī, tó a ékeke ten Luda náani kara, akŭsŏ àteni a tŏ bo, bŏyāi ani yā daala lán durunnakerii bàa? ⁸ Tó n ò le nteni pī ò yā vāni ke, yā mana ni bon. GbēkenŃ ma tŏ vāni sí ò pī len madī o le. Luda yādanlana kŏ sí kŭnwo.

Gbēke manaro

⁹ Tŏ! ÓkōnŃ YudanŃ ó sānan yá? Lenlo fá! Zaakŭ ma YudanŃ kŭ buri pāndenŃ bŏbo n dàn n pínki kò, n pínki bi durunna zŏnŃme. ¹⁰ Ò kē Luda yān ò pī:

Gbēke manaro, bee mèn do.

¹¹ Laakaride ke kunlo, Luda ki weteri ke kunlo.

¹² Ò sāsā n pínki ò gŏ dŏrŏ sari, yāmanakeri ke kunlo, bee mèn do.†

¹³ N kŏto de lán mira wēnaa bàme.

Òdi lénna keŃne,

n légbē bi pitiko seweme,‡

¹⁴ yā ĩni kŭ gbēkanaao n lé pà.§

¹⁵ Ò wāna kŭ gbēdenaao,

¹⁶ òdi suŏyī kŭ kisirao kŭ wétammao,

¹⁷ ò aafia zé dŏro,

¹⁸ n wé digŏ Luda wé'i vīro.**

¹⁹ Ó dŏ kŭ Luda doka pínki de gbē kŭ ò na doka pī ŏino pŏ ũme, de gbē sīnda pínki lé gŏ nakŏana, andunia gbē sīnda pínki gŏ taaride ũ Luda kīnaa.

* 3:4 Zab 51:4 † 3:12 Zab 53:1-3 ‡ 3:13 Zab 5:9, 140:3 § 3:14 Zab 10:7 ** 3:18 Zab 36:1

20 Zaakū gbēke ni bo mana Luda kīnaa doka pì kūna yāiro.†† Luda doka mé àdi tó ò durunna dō.

Deran Luda di tó yā bo kūńwo nna nà

21 Deran Luda di tó yā bo kūńwo nna nà bò gupuraa sà, lákū a yā kēna Musa doka kū annabinŃ takadanŃ gūn nà. Adí ke a doka kūna yāńlo.

22 Luda di tó yā bo kūńwo nna Yesu Kírisi náanikena yāime. Gbē kū àteni a náani ke sīnda pínki póme. Gbēke bona adoro, 23 zaakū baadi durunna kē, ò kīa Luda gakurii. 24 Luda di tó yā bo kūńwo nna gba ũ a gbēke yāi kū Kírisi Yesu kū à n bó gbānao. 25 Àkūme Luda kpà durunna kútekebo ũ gbē kū òteni a aru náani kenŃne, de à mós baadi pínkine kū adí yā ke a zéaame. À mena yā, adí durunna zīnŃ yā daro, 26 akū à mōńne tera kū adí yā ke a zéa. Deran Luda di yā ke a zéa nān gwe, akūsŃ àdi tó yā bo kū Yesu náanikerinŃo nna.

27 BisāsirinŃ ni fŃ ò ĩa dā dŃ yā? Abirekū ni sí kero. Bóyāii? Zaakū à de zīkena dokaa yā ũro, Yesu naanikena yāme. 28 Zaakū ma è yā di bo kū gbēo nna Yesu náanikena yāime, zīkena dokaa baasi. 29 Luda bi YudanŃ Ludameńtēne yā? Buri pāndenŃ Ludan seroo? Ee, buri pāndenŃ Ludame dŃ. 30 Zaakū Luda mēn dome. Ani tó yā bo kū gbē kū à tŃŃ zŃŃo nna a náani kū àten ke yāime, akūsŃ ani tó yā bo kū gyŃfŃrŃdeŃo nna a náani dokŃŃo pìi musu. 31 Óten doka da pŃke ũro ludanaanikena yāin yā? Lenlo, óten gbāna kpāaame.

4

Yā bŃ kū Ibrahīo nna ludanaanikena yāi

1 ÓkŃŃo YudanŃ, óni o derame ó dizi káaku Ibrahī yā musuu? 2 Tó Luda tò yā bŃ káao nna yā kū à kē yāi, de à à ĩadāyā lè, ama adí fŃ à dā Luda arero.

3 Deran ò ò nà Luda yānn? Ò pì Ibrahī Luda náani kē, akū Luda tò yā bŃ káao nna a náani kū à kē yāi.* 4 Fīnabona zīkeriine bi gbēkekennenaanlo, a ísimmame. 5 Bee tó gbē ten yāke kero, tó àten Luda kū àdi tó yā bo kū taaridenŃ nna náani ke, Luda ni tó yā bo káao nna a náani kū àten ke yāi. 6 Dauda gbē kū Luda tò yā bŃ káao nna yākekena sari arubarikalena yā ò à pì:

7 ArubarikadenŃn gbē kū Luda pŃ kù n taarinŃla à n durunnanŃ kēńmanŃ ũ.

8 Arubarikaden gbē kū Dikiri ni a durunna yā daro ũ.†

9 Arubarika bire bi gbē kū à tŃŃ zŃ pŃme ado yā, ke gyŃfŃrŃde pŃme dŃ? Ò pì Luda tò yā bŃ kū Ibrahīo nna, kū à a náani kē yāi. 10 Deran Ibrahī de gŃŃ kū Luda tò yā bŃ káao nnaa? À tŃzŃna yā ke gyŃfŃrŃdemē? Adí tŃ zŃro, gyŃfŃrŃdemē. 11 Akū à tŃŃ zŃ sēeda ũ, kū Luda tò yā bŃ káao nna a gyŃfŃrŃdekegŃŃo yāi.‡ Len à de gyŃfŃrŃde kū Luda tò yā bŃ kūńwo nnanŃ dizi ũ le n pínki n ludanaanikena yāi. 12 À de gbē kū ò tŃŃ zŃŃo dizi ũme dŃ. Adí ke n tŃzŃna yāinlo, kū ò té ó dizi Ibrahī gēsēgbēei yāime kū à Luda náani kē a gyŃfŃrŃdekegŃŃo.

Deran Ibrahī Luda náani kē nà

13 Luda lé sē Ibrahīne kū a burinŃ à pì, andunia ni gŃ n pŃ ũ.§ Adí ke a doka kūna yāinlo, kū Luda tò yā bŃ káao nna a náani kū à kē yāime.

†† 3:20 Zab 143:2, Gal 2:16 * 4:3 Naa 15:6, Gal 3:6 † 4:8 Zab 32:1-2 ‡ 4:11 Naa 17:10

§ 4:13 Naa 17:4-6, 22:17-18, Gal 3:29

14 Tó gbě kũ ò doka kũnanò mé oni kí ble, akũ ludanaanikenaa àrè vĩro, akũs̄ Luda lésenaa kè pāpā,** 15 zaakũ doka dì su kũ Luda pɔf̄ome. Gu kũ doka kunlo, taari diḡs̄ kũ gwerò. 16 A yāi pɔ kũ Luda a lé sè lena bi a náanikena yāme, de àḡs̄ de a gběke yā ũ. Lésenaa pì s̄ bi Ibrahĩ buri pìnò pòme ní pínki, adi ke gbě kũ ò Musa doka kũna n̄t̄en̄en̄nlo, kũ gbě kũ óten Luda náani ke lán Ibrahĩ b̄anome d̄. Ibrahĩ bi ó pínki dizime.†† 17 À de ó dizi ũ Luda kĩnaa, lákũ ò kè Luda yān nà. Luda pì a a dìte buri dasinò dizi ũ. Ibrahĩ Luda kũ àdi wèndi kpá gèn̄a à tó pɔ kũ ò kun yāronò ḡs̄ kun‡‡ náani kè. 18 À Luda náani kè à wé d̄s̄ pɔ kũ gběke wé d̄iroi, akũ à ḡs̄ buri dasinò dizi ũ lákũ Luda òne nà à pì, l̄eme a burinò niḡs̄ de le.§§ 19 Ibrahĩ kà lán wè bas̄oro taka bà. Bee tó à laasun lè a ḡs̄gběkeb̄osaria kũ Sara n̄é'is̄o tatanaao, a ludanaanikena dí busaro.*** 20 Adi sika ke lé kũ Luda s̄en̄eero, adi gí Luda náani keiro, akũ à gbāna lè a ludanaanikenaao à Luda t̄s̄ b̄ò, 21 zaakũ à d̄s̄ kũ à yā futena vĩro, Luda ni f̄s̄ à lé kũ à s̄e pì ke. 22 Abire yāin Luda tò yā b̄ò k̄āo nna. 23 Òdi yā bona k̄āo nna pì k̄e a yāi adoro, 24 ò kè ók̄on̄o kũ Luda ni tó yā bo kũoo nnanò yāime d̄, ók̄on̄o kũ óten Luda kũ à ó Dikiri Yesu f̄ute bona gan náani ken̄o. 25 Luda a kp̄amma de à le à ó taarinò k̄ewere yāime, akũ à a f̄ute kũ wèndiio, de yā le à bo kũoo nna yāi.

5

K̄ena nna kũ Ludao

1 Lákũ Luda tò yā b̄ò kũoo nna nà a náani kũ óten ke yāi, ó nna k̄āo sà ó Dikiri Yesu Kirisi gāi. 2 A náanikenaao ḡn̄ o zé lè a gāi o ḡe Luda gběke kũ ó kũoo p̄i ḡn̄, akũ óten p̄onna ke kũ Luda gakuri kũ ó wé d̄iio. 3 Adi ke abiren adoro, óten p̄onna ke kũ ó warikenaao d̄, zaakũ ó d̄s̄ kũ wari dì su kũ menao, 4 mena dì su kũ dà manao, dà mana dì su kũ t̄amaaa, 5 t̄amaa s̄ ò ò ò néro, zaakũ Luda a yenyĩ dà ó n̄esen a Nini kũ à ó gbá gāi. 6 Ó gbānasarike ḡn̄ Kirisi gà ók̄on̄o yāv̄anikerin̄o ḡene ũ ḡoro kũ Luda dìtea. 7 Gana gbě mana ḡene ũ aragarò. Ke gběke ni we à ga gbě mana ḡene ũ gw̄e, 8 akũ Luda m̄owere deran á yewái nà, zaakũ ó durunnadeke ḡunn̄ Kirisi gà ó ḡene ũ. 9 Lákũ yā b̄ò kũoo nna nà sà a aru yāi, a ó sina Luda p̄f̄ea a gāi sika v̄i d̄ yá? 10 Yā ó Ìni kũ Ludaome, akũ o ke k̄āo nna a Né gana yāi. Lákũ o ke k̄āo nna nà sà, ó surabana a kunna wèndiio yāi sika v̄i d̄ yá? 11 Adi ke adik̄iname adoro, óten p̄onna ke kũ Ludao d̄ ó Dikiri Yesu Kirisi kũ à tò o ke k̄āo nna gāi.

Kirisi yā lek̄ana kũ Adamuo

12 Gb̄e m̄en do yāin durunna ḡè andunia ḡn̄,* akũ durunna ga ì.† L̄eme d̄ ga kũ gb̄e s̄inda p̄inkia, kũ gb̄e s̄inda p̄inki durunna kè yāi. 13 Durunna kũ andunia ḡn̄ de Musa doka ḡs̄ gé su. Ḡoro kũ doka kunlo, Luda dí durunna yā daro, 14 ama sena zaa Adamua ari à ḡe pé Musaa ga kí blè gb̄e s̄inda p̄inkia, bee gb̄e kũ odi durunna ke lán Adamu s̄atena b̄aron̄o. Adamu bi gb̄e kũ ani su takame.

15 Ama Luda gba ni sí lek̄a kũ Adamu taarioro, zaakũ lákũ gb̄en̄o gà dasi nà Adamu ado s̄atena yāi, Luda gb̄e kũ a gbao kũ à kà gb̄en̄a dasi Yesu Kirisi ado gb̄e kũ yāi de abirek̄ula. 16 Luda gba ni sí lek̄a kũ gb̄e m̄en do

** 4:14 Gal 3:18 †† 4:16 Gal 3:7 ‡‡ 4:17 Naa 17:5 §§ 4:18 Naa 15:5 *** 4:19 Naa 17:17

* 5:12 Naa 3:6 † 5:12 Naa 2:17

durunna p̄ioro. Taari mèn do p̄i mé à sù k̄ū yāk̄patekenaa, ak̄ū yā v̄ùte bisásirinɔa. Taarinɔ sù k̄ū Luda gbao, ak̄ū yā bò k̄ū gb̄enɔ nna. ¹⁷ Lákū Adamu ado taari mé à tò ga sù à kí blè nà, Yesu Kirisi ado yā k̄ū à sùò z̄sk̄ò de abirek̄ūla. Abire yāi gb̄ē k̄ū Luda gb̄ēke k̄ēñne, k̄ū à tò yā bò k̄ūñwo nna gba ũnɔ ni kí ble w̄èndii ḡūn. ¹⁸ Abire yāi lákū taari mèn do p̄i tò yā v̄ùte buri s̄inda p̄inkia nà, lem̄e d̄o yāmanakena mèn do p̄i dì tò buri s̄inda p̄inki bo mana le ò w̄èndi le. ¹⁹ Lákū gb̄ē mèn do s̄agbāna mé à tò gb̄enɔ ḡò durunnadenɔ ũ dasi nà, lem̄e d̄o gb̄ē mèn do yāmana ni tò gb̄enɔ bo mana dasi. ²⁰ Doka sù de taari le àḡō kara yāime. Ama k̄ū durunna kàra, Luda gb̄ēke kàra de abirek̄ūla. ²¹ Lákū durunna k̄iblenaa sù k̄ū gao nà, len d̄o Luda gb̄ēke k̄iblenaa dì tò ò bo mana le, ò w̄èndi k̄ū àdi lákaro le ó Dikiri Yesu Kirisi ḡai.

6

Kunna Kirisi ḡūn

¹ Óni o derameε? Óni gí òḡō durunna ke de Luda gb̄ēke le àḡō karan yá? ² Oi! Lenlo! Ók̄nɔ k̄ū ó de ḡenɔ ũ durunna yā musu, à k̄ē dera óniḡō kp̄é òḡō durunna ke d̄o? ³ Ók̄nɔ k̄ū o da'ite k̄ē Kirisi Yesu p̄ó ũnɔ, á d̄s̄ k̄ū ó lele k̄āao a ga ḡūnloo? ⁴ O ga k̄āao da'itek̄enaa ḡūn, ò ó v̄i k̄āao de òḡō k̄ū k̄ū w̄èndi dufuo, lákū Kirisi bò gan k̄ū a De gb̄āna gakurio à kun nà.* ⁵ Lákū o ḡō k̄āao m̄è dok̄nɔ ũ a ga ḡūn nà, len óni ḡō k̄āao le a vunaa ḡūn se. ⁶ Ó d̄s̄ k̄ū ó dà z̄i ḡà k̄āao lía, de ó m̄è durunnade kakate òsun z̄ò ble durunnane doru, ⁷ zaak̄ū gb̄ē k̄ū à ḡàa bò durunna yāmm̄e. ⁸ Lákū o ga k̄ū Kirisio nà, ó a náani v̄i k̄ū óniḡō k̄ū k̄āao d̄o. ⁹ Ó d̄s̄ lákū Kirisi bò gan nà, ani ga doru, ga gb̄āna v̄ia doru. ¹⁰ Zaak̄ū gana k̄ū à ḡà, à ḡà durunna yā musu ḡèn dome, kunna k̄ū à kun tera s̄ō, à kun Luda p̄ó ũm̄e. ¹¹ Len ák̄nɔ se, à á z̄ida d̄ite ḡenɔ ũ durunna yā musu le, ániḡō kun Luda p̄ó ũ Kirisi Yesu ḡūn. ¹² Abire yāi àsun tò durunna kí ble á m̄è k̄ū ani gaa á dà v̄ani doáre are doru. ¹³ Àsun á m̄èguke kp̄á durunnaa v̄anikeb̄o ũro. À á z̄ida kp̄á Ludaa gb̄ē k̄ū ò bò gan ò kunno ũ, à á m̄èguno kp̄áa yāmanakeb̄onɔ ũ. ¹⁴ Àsun tò durunna ḡō gb̄āna v̄iáwa doru, zaak̄ū á na doka oĩro, séde Luda gb̄ēke.

Yāmanak̄ena z̄nɔ

¹⁵ Deran gwee? Lákū ó k̄ū doka oĩ doru nà, séde Luda gb̄ēke oĩ, óniḡō gí durunna ken yá? Oi! Lenlo! ¹⁶ Á d̄s̄ k̄ū tò a á z̄ida kp̄á gb̄ēa áten m̄i natene, á de ade z̄ò ũroo? Tó durunnan a á z̄ida kp̄aa, áni game. Tó a m̄i n̄ate Ludane s̄ō, áni bo mana. ¹⁷ O s̄áabu k̄ē k̄ū Ludao, zaak̄ū durunna z̄nɔn á ũ yā, ak̄ū a m̄i n̄ate yā k̄ū ò dàáre z̄éazeane k̄ū n̄ese mèn doo. ¹⁸ A bo durunna yān, a ḡō yāmanak̄ena z̄nɔ ũ. ¹⁹ Maten yā p̄i o lákū bisásiri yā'onaa bà á gb̄anasarike yāime. Lákū a á m̄èguno kp̄á yā p̄āp̄ak̄ena k̄ū yā v̄anio z̄nɔ ũ a yā v̄ani k̄ē nà, len tera d̄o à á m̄èguno kp̄á manak̄ena z̄nɔ ũ de á kunna ḡō adona. ²⁰ K̄ū á de durunna z̄nɔ ũ yā, á bàka k̄ū k̄ū yāmanak̄enaaoro. ²¹ Àre kpaten a lè yā k̄ū a k̄ē yā k̄ū à k̄éare wé'iyā ũ teranɔ musuu? Yā p̄inɔ lakana bi game. ²² Tera sà lákū a bo durunna yān nà áten do Ludai, á areen kunna adona ũ, a lakana s̄ō bi w̄èndi k̄ū àdi lákaro. ²³ Durunna làada bi game, ama gba k̄ū Luda dàw̄ere kunna ó Dikiri Kirisi Yesu ḡūnn w̄èndi k̄ū àdi lákaro ũ.

* 6:4 K̄o1 2:12

7

Ó kú Musa doka ɔ̄ doró

¹ Ma gbēɔ̄, maten yā oáre lán gbē kú ò Musa doka d̄ɔ̄nɔ̄ bà. Á d̄s kú doka iko v̄i gbēa ḡɔ̄ɔ̄ kú à kun kú w̄èndiionloo? ² Len doka pì n̄zāre ȳl̄ a zāne le ḡɔ̄ɔ̄ kú à kun kú w̄èndiio. Tó a zā ḡà, akū doka p̄i di poroa. ³ Ḡɔ̄ɔ̄ kú a zā kun, tó à ḡs̄ ḡs̄ p̄ānde p̄ó ũ, oni pine zinakeriime. Tó a zā ḡame s̄s̄, doka p̄i p̄oroaan gwe. Tó à ḡs̄ ḡs̄ p̄ānde p̄ó ũ s̄à, abirekū bi zina yāme doró. ⁴ Len ák̄ɔ̄n̄ se ma gbēɔ̄, a ga doka musu Kirisi m̄e ḡai, akū a ḡs̄ gbē kú à vù gan p̄i p̄ó ũ, de ò le ò karana le Luda p̄ó ũ. ⁵ Kū ó d̄aa d̄owere are yā, doka mé à tò durunna ni ó kú ó m̄e ḡun, akū o karana lè ga p̄ó ũ. ⁶ Tera s̄à o ga p̄ó kú à ó kú z̄ò ũ p̄i yā musu, o bo dokan, akū óten do Ludai a Nini zé dufu ḡun, adi ke doka takada zé z̄i ḡunlo.

Doka kú durunnao

⁷ Óni p̄i deramee? Luda doka bi durunna yá? Lenlo fá! Doka p̄i mé à tò ma durunna d̄s̄. Tó doka dí p̄i òsun p̄ó ni deroro,* de má d̄s̄ deran p̄ónidena d̄iḡs̄ de n̄aro. ⁸ Durunna zeki lè Luda yāditenaa p̄ia, akū à tò p̄ó s̄inda p̄ínki ni ma kú. Zaakū má doka d̄s̄ro, durunna demene yāke ũro. ⁹ Má kun yā doka sari, ama kú ma yāditenaa p̄i mà, durunna vù in, ¹⁰ akū ma ga. Yāditenaa kú à de à w̄èndi kp̄ama p̄i s̄umene kú gao. ¹¹ Durunna zeki lè yāditenaa p̄ia, akū à k̄eke à ma de yā p̄i ḡai. ¹² Leme doka p̄i kunna adona, akūs̄ Luda yāditenaa p̄i kunna adona, à zé v̄i akūs̄ à mana. ¹³ Yā mana mé à tò ma ga yá? Lenlo fá! De durunna le à bo gupuraa, à ga imene yā mana ḡai, de ò durunna d̄s̄ durunna ũ yāditenaa p̄i ḡai.

Z̄ikana kú durunnao

¹⁴ Ó d̄s̄ kú doka p̄i bò Luda k̄inaame. Makū s̄s̄, dàden ma ũ, má na durunna ɔ̄i. ¹⁵ Madiḡs̄ yā kú maten ke gbá d̄s̄ro, zaakū madi yā kú má ye mà ke kero, yā kú má ye mà keron madi ke.† ¹⁶ Tó yā kú ma kè dí k̄s̄ sí kú ma p̄yainaao, ma we kú doka p̄i mana. ¹⁷ Adi ke makū mé maten kero, durunna kú à kú ma ḡumme. ¹⁸ Má d̄s̄ kú yā mana kú ma ḡunlo, ma dà manaro. Madiḡs̄ ye mà yā mana ke, ama madi f̄s̄ mà kero. ¹⁹ Yā mana kú má ye mà ke, madi kero. Yā v̄ani kú má yeiron madi ke. ²⁰ Tó yā kú má yeiron maten ke, adi ke makū mé maten kero, durunna kú à kú ma ḡumme. ²¹ Ma è tó má ye mà a mana ke, a v̄ani mé àdi domene are. ²² Luda doka mé àdi kemene nna ma sw̄e ḡun, ²³ ama ma è iko p̄ānden kú ma m̄e ḡun, àdiḡs̄ z̄i ká kú iko kú à kú ma laasun ḡunwo, akū má na durunna iko kú à kú ma m̄e ḡun p̄i ɔ̄i. ²⁴ Makū w̄endade ina, dí mé ani ma sí ma mè kú à ma kpa gai dí ɔ̄i? ²⁵ Ma s̄áabu kè kú Ludao! Kū ó Dikiri Yesu Kirisi gb̄anao. Len má de z̄ò ũ Luda dokane ma laasun ḡun le, akūs̄ má de z̄ò ũ durunna ikoone ma d̄aa ḡun.

8

Z̄iblena kú Luda Nini gbanao

¹ Yākpate ni gbē kú ò kú Kirisi Yesu ḡunno ble doró, ² zaakū kunna Kirisi Yesu ḡun Luda Nini kú àdi w̄èndi kp̄ámma gb̄ana ma bo durunna kú gao ikon. ³ Yā kú Musa doka dí f̄s̄ à k̄ero bisāsiri gb̄anasarike yāi, Luda kè. Á a z̄ida Né z̄i bisāsiri ũ lán ók̄ɔ̄n̄o durunnadenɔ̄ bà durunna k̄er̄mana yāi, akū

* 7:7 Bon 20:17 † 7:15 Gal 5:17

à wé'i dà durunnaa a Né mèe pìi gāi, ⁴ de yā kū doka ten wete yāpura kewá, ókōnō kū ó dāa di dowere are dorō, sé Luda Nini. ⁵ Gbē kū n̄ dāa di doñne arenō di laakari dō n̄ dà yāa, gbē kū Luda Nini di doñne arenō di laakari dō Luda Nini yāa. ⁶ Dà donnena are bi game. Luda Nini donnena are bi wēndi kū aafiaaome. ⁷ Dà donnena are bi iberesena kū Ludaoome. Ade di mi nate Luda dokanero, ani f̄s sero. ⁸ Gbē kū n̄ dāa di doñne arenō yā di ká Ludaguro.

⁹ Ákōnō s̄s, á dāa di doáre arero, sé Luda Nini, tó à kú á gūn yāpura. Tó gbē Kirisi Nini vī s̄sro, à kun Kirisi p̄s ūro. ¹⁰ Tó Kirisi kú á gūn, bee tó á mè de gè ū durunna yāi, á nini kumme, * kú Luda tò yā bò kááo nna yāi. ¹¹ Tó Luda kú à Yesu bò gan Nini kú á gūn, † Luda kú à Kirisi p̄i vù gan ni wēndi kpá á mè kú à gàa p̄ia a Nini kú à kú á gūn gāi.

¹² A yā mé à tò ma gbēnō, tena ó dàai bi tilasinlo, p̄oyeinaame. ¹³ Tó á té á dàai, áni game. Tó a á yā vāni kenanō mi dè kú Luda Nini gbānao s̄s, áni ḡs kun. ¹⁴ Gbē kū Luda Nini di doñne arenō mé ò Luda n̄nō ū. ¹⁵ Zaakū nini kú àdi tó ò zò ble kú v̄naaon a lèro, Luda Nini kú à tò a ḡs Luda n̄nō ūn á vī, akū odì s̄s dō Ludane kú a gbānao ò pi: Baa, ó De. ‡ ¹⁶ Nini p̄i di ó o ninine kú Luda n̄nōn ó ū. ¹⁷ Lákū a n̄nōn ó ū nà, a túbiblerinōn ó ū. Luda túbiblerinōn ó ū, óni ble lele kú Kirisiome. Tó o wari kè káao, óni ḡs kú káao a gakuri gūn. §

Wédna Luda gakuri

¹⁸ Ma è óni f̄s ò ḡrō dík̄ina wari lek̄sa kú gakuri kú Luda ni boowere gupuraaro. ¹⁹ Luda p̄skenanō s̄inda p̄inki wé dō a n̄nō bona gupuraai lakanaa sari. ²⁰ Zaakū Luda tò a p̄skenanō gè p̄ap̄akenaa gūn p̄inki ** Adi ke n̄ p̄oyeinaanlo, Luda mé à kè le, de n̄ wéd̄inaa gūn ²¹ andunia bo yakana kú àten zò blenee gūn, gbasa àḡs a z̄ida vī Luda n̄nō gakuri gūn. ²² Ó d̄s kú Luda p̄skenanō s̄inda p̄inki ten nda kú wāwāo lán né'ip̄o bà ari tera. ²³ Adi ke abireme adoro, ókōnō kū ó Luda Nini vī zenkp̄eke ūnō, óten nda kp̄ani se ari Luda ḡs ḡe ó mè lite à ó sí a n̄nō ū. †† ²⁴ Luda ó sura bà de ò wé dō abirekūi. P̄s kú ò è kú wéo bi wéd̄ina yān dorō. Dí mé àdi wé dō p̄s kú à ḡinake à lèe? ²⁵ Tó ó wé dō p̄s kú ódi leroi s̄s, odiḡs a dā kú menaome.

²⁶ Leme s̄s Luda Nini di kp̄awái ó gbānasarike gūn, zaakū ó aduakena dō a zéaro, akū Luda Nini di kúte kewere Ludane kú ndana kú a yā gè onalao. ²⁷ Luda di nèse gūn e, akūs̄s à a Nini laasun d̄s, zaakū Luda Nini di kúte ke Luda gbēnōne lákū Luda yei nàme. ²⁸ Ó d̄s kú yā s̄inda p̄inki di bo mana gbē kú ò ye Ludainone, gbē kú à n̄ sísi à n̄ sé lákū àten wete nānō. ²⁹ Zaakū Luda d̄ite zaa káaku kú gbē kú à ḡinake à n̄ d̄nō bok̄sa kú a Néo, de àḡs de daudu ū dakūna dasinō té. ³⁰ Gbē kú à n̄ díte zaa káaku p̄inōn à n̄ sísi, akū à tò yā bò kú gbē kú à n̄ sísi p̄inōo nna, akū à tò gbē kú yā bò kúnwo nna p̄inō ḡs gakuri vī.

Yenyī kú Luda vī kúoo Kirisi Yesu gūn

³¹ Óni o derame yā birenō musuu? Lákū Luda zè kúoo nà, dí mé ani f̄s à kp̄awere? ³² Lákū adi gí kú a z̄ida Néoro nà à a kp̄a ó p̄inki yāi, ani gí p̄s s̄inda p̄inki naawere gba ū s̄si yá? ³³ Dí mé ani gbē kú Luda n̄ s̄nō káara kee? Luda mé àdi tò yā bò kúnwo nna. ³⁴ Dí mé ani yā daólaa? Kirisi Yesu gà, kú à de abirekūla à èra à f̄ute, à kú Luda oplai, àten kúte kenewere. ³⁵ B̄s mé

* 8:10 Yuh 6:63 † 8:11 1Kō 3:16 ‡ 8:15 Maa 14:36 § 8:17 Gal 4:5-7 ** 8:20 Naa 3:17-19

†† 8:23 2Kō 5:2-5

ani ó kékṣa kū Kirisi yenyīoo? Wari ke mē'ümmana ke wētāmmana ke nà ke takasi ke kari ke fēnada, n̄ ke ni fṣ yá? ³⁶ À kēna Luda yān ò pi:

N yāi ó kú ga léi zaa kṛnko ari okosi,

òdí ó dite lán sã kū oni n̄ kùtu kpáno bà.††

³⁷ Yã birenṵ gūn pínki ó de z̄blerila kū gbē kū à yewái gbānao. ³⁸ Zaakū má dṣ sãnsãn kū ga ke wēndi ke malaikano ke tãnanṵ ke tera yã ke zia yã ke gbānadeno ³⁹ ke musu pónṵ ke zīte pónṵ ke Luda pókēna pãndenṵ, n̄ ke ni fṣ à ó kékṣa kū yenyī kū Luda vī kūoooro kunna ó Dikiri Kirisi Yesu gūn.

9

Luda Isarailano sena a gbēno ũ

¹ Maten yãpura o Kirisi gūmme, mádi éke toro. Ma laasun di we kū Luda Ninio se. ² Ma pṛsira kè zṣkṵ, ma nēsēē digṵ yakana gṛṵ sīnda pínki. ³ Mani fṣ mà wé ke Ludaa à ma bo Kirisi gūn, à láari kema ma Isaraila dakenṵ gēne ũ. ⁴ Mókṵnṵn Luda n̄ sé a nénṵ ũ,* à a gakuri mōr̄ne, a bàka kú kūr̄wo, à a doka kpàmma, à donyīkenaa dār̄ne, à lé sēr̄ne. ⁵ Ò de Luda gbē káakuno burinṵ ũ, akūsṵ n̄ buri gūnn Kirisi kū à de gbē sīnda pínkila bòn bisāsiri ũ. Àkūme Luda kū à kù ògṵ a sáabu kpá gṛṵ sīnda pínki ũ. Aami.

⁶ Adi ke yã kū Luda ò lēte pãno, zaakū Isaraila gbē sīnda pínkime Isaraila yãpura ũro. ⁷ Adi ke Ibrahimī buri sīnda pínkime Ibrahimī pì nénṵ ũ Luda kīnaaro, zaakū Luda ò Ibrahimīne à pì, Isaaku burinṵn onigṵ piñne a burinṵ ũ.† ⁸ Lemē adi ke né kú à n̄ í kú poyeinaaonṵme Luda nénṵ ũro, né kú à n̄ í Luda lésēnaa musunṵme buri pìnṵ ũ. ⁹ Zaakū Luda lé sè à pì: Mani era mà su ziki mandara'i, Sara ni né i gṵgbē ũ.‡ ¹⁰⁻¹² Adi ke abire adoro. Luda di gbēno sé lákū a poyenyīnaa bàme, adi ke n̄ yákēna yāinlo, kū à n̄ sísi yāime. Lemē kū Rebeka sikano nṵo s̄i kú ó dizi káaku Isaakuo, ari àgṵ gé n̄ i, ari ògṵ gé yã mana ke a vāni ke, Luda pì Rebekane, a kū à bò káaku nigṵ né ũ gbē kpēdenē.§ ¹³ Lákū ò kē Luda yān nà ò pì:

Má ye Yakubui,

Isau sṵ, ma gii.**

¹⁴ Óni pì deramee? Yã vāni kú Luda kīnaan yá? Lenlo fá! ¹⁵ Zaakū à pì Musane,

gbē kú á ye à sùru ke kãaon áni keo,

akūsṵ gbē kú á ye à wēnda dṵnen áni dṵne.††

¹⁶ A yã mé à tò Luda gbēno sena dí bo bisāsirinṵ poyeinaa gāiro ke n̄ kokarikenan, à bò Luda sùru gūmme. ¹⁷ Zaakū Luda ò Firi'aunanē a yān à pì: Ma n̄ ka kpatan de mà a gbāna mṵ gbēnoṅe n̄ musume, ò ma tó kpá andunia gūn pínki.†† ¹⁸ Lemē gbē kú à ye à sùru ke kãaon àdi ke kãao le, akūsṵ gbē kú à ye à a sã gbāgbān àdi gbāgbā.

Luda pṛfē kū a sùruuo

¹⁹ Á gbēke ni ma la, b́yāi Luda ten gbēno taari le dṵo? Dí mé ani fṣ à gí Luda poyenyīnaaii? ²⁰ Mókṵn bisāsiri ina, díme n̄ ũ gbasa n̄ yã sí Ludalaa? Oro ni a bòri la à pì: B́yāi n̄ ma bo lán dí bà yá? ²¹ Orobori zé vī à oro sãde kū a sāsario bo kū ē dokṵnṵ kū à tōtooro? ²² Tó Luda ye à a pṛfē mōr̄ne de ò a gbāna dṵ, akū à mēna zṣkṵ kè kú gbē kú ò de à pṛfē kipar̄ma à n̄

†† 8:36 Zab 44:22 * 9:4 Bon 4:22 † 9:7 Naa 21:12 ‡ 9:9 Naa 18:10 § 9:10-12 Naa 25:23

** 9:13 Mal 1:2-3 †† 9:15 Bon 33:19 ‡ 9:17 Bon 9:16

kakateno s̄s̄ bi! ²³ Tó à abire p̄i kè, de ók̄no k̄u à s̄uru kè k̄uoon̄ a gakuri z̄sk̄ d̄s̄ s̄s̄ bi, ók̄no k̄u à ḡinake à ó k̄éke de ò ḡe a gakuri p̄i ḡunn̄! ²⁴ Gb̄e k̄u Luda n̄ s̄isi à n̄ sé p̄inon̄ ó ũ. Adi ke Yudan̄me n̄t̄en̄ero, k̄u buri p̄anden̄ome se. ²⁵ Lákū Luda ò annabi Osea takadan nà à p̄i:

Buri k̄u ò de ma gb̄eno ũron̄on̄ mani p̄ih̄ne ma gb̄eno.

Buri k̄u má yeñyiron̄on̄ maniḡo yeñȳl̄.

²⁶ Gu k̄u Luda p̄ih̄ne ò de a gb̄eno ũro,

gwen oni n̄ s̄isi Luda W̄endide p̄i n̄eno.

²⁷ Isaya wiki l̄e Isarailan̄o yā musu à p̄i:

Bee tó Isarailan̄on̄ dasi

l̄an̄ isirale b̄usu'at̄e b̄a,

n̄ kpara k̄u à ḡò mé ani bo.

²⁸ Zaakū Dikiri ni yā k̄u à ò ke andunia ḡun̄,

ak̄s̄o ani a mì de z̄enaa sarime.

²⁹ Lákū Isaya ḡinake à ò nà à p̄i:

Tó Dikiri Z̄ikaride dí ó buri ken̄o tó yāro,

de o ḡò l̄an̄ S̄od̄omuden̄o b̄a,

de o ke l̄an̄ Ḡom̄radeno b̄a.

Isarailan̄o gina Kirisi baaruui

³⁰ Ōni p̄i derame s̄aa? Buri p̄anden̄o ten wete Luda tó yā bo k̄uñwo nnaro, ak̄u à tò à bò k̄uñwo nna. À tò yā bò k̄uñwo nna a náani k̄u ò kè yāi.

³¹ Isarailan̄o s̄o òten wete Luda tó yā bo k̄uñwo nna doka musu, ak̄u adi bo k̄uñwo nnaro. ³² B̄oyāii? k̄u ò ye Luda tó yā bo k̄uñwo nna n̄ yākenaaa yāime, adi ke a náanikena yāinlo. Ò ḡe si gb̄e k̄u àdi n̄ p̄atea ³³ lákū ò kè Luda yān nà:

N̄ gwa, maten gb̄e k̄u àdi tó ò ḡe sí dite Zaīs̄,

gb̄esi k̄u àdi tó ò fu.

Wé'i ni gb̄e k̄u à a náani kè k̄uro.

10

¹ Ma gb̄eno, yā k̄u má yei ma sw̄e ḡun̄ mateni a wé ke Ludaame Isarailan̄o surabana ũ. ² Mani f̄j̄ mà n̄ s̄eeda ke k̄u ò kokari v̄i k̄u Luda yāo, ama n̄ wé k̄enaro. ³ Zaakū ò d̄s̄ deran Luda di tó yā bo k̄uñwo nna n̄aro, ak̄u òdiḡo wete yā bo k̄uñwo nna k̄u n̄ z̄ida gb̄anao. Deran Luda di tó yā bo k̄uñwo nna nà, odi wero. ⁴ Zaakū Kirisi Musa doka lé p̄apa, de yā bo k̄u gb̄e s̄inda p̄inki k̄u à a náani k̄e nname.

Surabana bi gb̄e s̄inda p̄inki p̄ome

⁵ Deran doka di tó yā bo k̄uñwo nna n̄an̄ Musa ò a takadan à p̄i, gb̄e k̄u à yā p̄i kè mé ani w̄endi le a ḡun̄. ⁶ Lákū ludanaanikena di tó yā bo k̄uñwo nna nà k̄ena a yān à p̄i:

N̄sun o n̄ n̄esen n̄ pi,

dí mé ani gé ludambe à Kirisi kiparo,

⁷ ke dí mé ani gé gyāwān̄ à Kirisi bo ganlo.

⁸ Yā k̄u à òon̄ dí:

Yā p̄i k̄u k̄uñwo k̄ani,

à k̄u n̄ l̄en̄ k̄u n̄ n̄eseo.*

Ludanaanikena yā k̄u odi a waazi ken̄ yā p̄i ũ. ⁹ Tó n̄ ò k̄u léo gupuraa k̄u Yesume Dikiri ũ, ak̄s̄o n̄ si n̄ sw̄en̄ k̄u Luda a bò gan, ani n̄ sura ba.

* **10:8** Dok 30:12-14

¹⁰ Zaakū yā pì sina n swèn mé àdi tó yā bo kúnwo nna, akūs yā pì ona kū n léo mé àdi n sura ba. ¹¹ À kēna Luda yān ò pì, wé'i ni gbē kū àteni a náani ke kū zikiro.

¹² Yudanō kū buri pāndenō donadona kōnero, zaakū n pínki Dikiri dokōnōme, àdi karana ke gbē kū òdi a sísinōne n pínki. ¹³ Zaakū Dikiri sìsirino ni bo n pínki. ¹⁴ Deran gbēnō ni a sísi a náanikenaa sarii? Deran oni a náani ke a yāmana sarii? Deran oni a yā ma waazikerii sarii? ¹⁵ Tó òdi waazikerino zīm̄maro, deran oni waazi keñne nàa? À kēna Luda yān ò pì: Baarunnakparino suna di keñne nna fá! ¹⁶ Ama adi ke gbē sinda pínki mé à baaru nna pì siro. Akū Isaya pì: Dikiri, dí mé à ó yā sii? ¹⁷ Leme ludanaanikenaa di bo a yāmana kīnaame, yā pì sō bi Kirisi yāme. ¹⁸ Ma pì yóo! Odi manloo? Ò mà.

Ní kòtoo dà anduniala pínki,
n yā'onaa gèe ari zīte léa.†

¹⁹ Ma pì yóo! Isarailanō dí dōro yá? Káaku gīa Musa pì: Mani tó ò gōba kpá kū buri kū ò de ma gbē ūronōo, mani tó n pō fē bisāsiri wésiradenō yā musu.

²⁰ Akū Isaya Luda yā ò kū kùgbānao à pì:

Gbē kū odi ma ki weteronō mé ò ma le,
ma a zīda mō gbē kū odi ma gbekaronōne.

²¹ Isarailanō yā musu à pì:

Zaa kōnkō ari okosi ma ò dō buri sāgbānade kū ò fēna kūmaonōne.

11

Luda dí Isarailanō zukūnaro

¹ Ma pì yóo? Luda a zīda gbēnō zùkūnan yá? Lenlo fá! Makū bi Isaraila burin ma ū. Ibrahī burin ma ū Biliaminu buri gūn.* ² Luda dí a gbē kū à gīnake à n dōnō zukūnaro. Á Iliasu yā kū à kēna Luda yān díkīna dōroo? Kū à gèe kū Isarailanō yāo Luda kīnaa à pì: ³ Dikiri, ò n annabinō dède, ò n gbagbakinō gbòro. Makū mé ma gō mado, akū òteni ma wee.† ⁴ Luda pì Iliasune deramee? À pì, á gbē kū odi kúte Baalineronō kūna a pō ū gbēnōn dúbu suppla.‡ ⁵ Leme dō n gbē kpara kū Luda n sé a gbēke gūnnō kpé kun ari gbāra. ⁶ Lákū à n sé a gbēke gūn nà, adi ke n yākena yāinlo. Tó lenlo, de Luda gbēke nigō gbēke ūro. ⁷ Deran gwee? Isarailanō dí yā kū òten wete lero, ama n gbē kū Luda n sénō lè. N gbē kū ò gōnō sā tàta, ⁸ lákū à kēna Luda yān nà ò pì:

Luda iweza dàñne,
akū n wé dí gu ero,
n sā dí yā maro ari kū a gbārao.

⁹ Dauda pì dō:

Ní dikpekēna gōñne tankute ū à n kū,
à gōñne gèsiki ū de à yā lúnne.

¹⁰ N wé sisi de òsun gu ero,

n wó gō kokona gōrō sīnda pínki.§

¹¹ Ma pì yóo? Kū Isarailanō gèe si, ò lète sānsānn yá? Lenlo fá! N taarinō yāin Luda buri pāndenō sura bà, de Isarailanō gōba kpá kūnwo

yāi. ¹² Lákū n̄ taarin̄ mé à tò andunia karanaa lè nà, akūs̄ n̄ funa mé à tò buri pānden̄ karanaa lè, oni n̄ lé papana yā o d̄o yā?

Buri pānden̄ surabanaa

¹³ Maten̄ yā o ákōn̄ buri pānden̄ sa. Lákū má de z̄iri ū buri pānden̄ kīnaa nà, madi ĩa dā ma z̄irikena yā musu, ¹⁴ de mà a z̄ida burin̄ n̄ese vute ò ḡōba kpá, mà n̄ gb̄eken̄ sura ba. ¹⁵ Zaakū Luda gina Isarailan̄i mé à tò andunia kè k̄āo nna, tò à èra à n̄ sí d̄o, abire niḡō de deram̄e? Abire niḡō bi w̄endi ū ḡen̄e.

¹⁶ Tó ò burap̄o káaku kpà Ludaa, a kpara ḡò arubarika p̄ó ūme. Tó lí z̄ini de Luda p̄ó ū, a ḡān̄n de a p̄ó ūme se. ¹⁷ Luda kù lí yāpura ḡā ken̄ z̄ōz̄ō, akū à m̄ok̄n̄ kū n̄ de k̄unn̄e lí ū p̄è a gb̄èn, de ñḡō kun̄ kū kù lí mana z̄ini gb̄ānao. ¹⁸ Ñsun̄ kù lí yāpura ḡā kū à z̄ōz̄ōn̄ gya boro. N̄ ke dera nten̄ ĩa dāa? N̄ kun̄ lí z̄ini yāime, adi ke lí z̄ini mé à kun̄ n̄ yāiro. ¹⁹ ĩni pi, à ligāa p̄in̄ z̄ōz̄ō de à n̄ pé n̄ gb̄èn yāime. ²⁰ Lem̄e, ama à n̄ z̄ōz̄ō kū odi a náani kero yāi. M̄ok̄n̄ s̄ō, n̄ zeki lè kū nten̄ Luda náani ke yāi. Ñsun̄ n̄ z̄ida biro. N̄ laakari ke! ²¹ Lákū Luda dí gí kù lí yāpura ḡān̄ z̄ōz̄ōiro nà, ani gí n̄ z̄i sero. ²² N̄ gwa lákū Luda mana nà, akūs̄ à p̄āsī. À p̄āsī kū gb̄ē kū ò f̄uan̄, akū à manann̄e, tò n̄ ze kū a manakenaao. Tó lenlo, ani n̄ z̄ōme se. ²³ Tó Isarailan̄ n̄ ludanaanikenasari tò, ani era à n̄ pé n̄ gb̄emm̄e, zaakū à n̄ pena n̄ gb̄èn gb̄āna vī. ²⁴ Tó Luda n̄ z̄ō k̄unn̄e lía à n̄ pe kù lí yāpuraa lákū òdi kero nà, kù lí ḡā yāpuran̄ era à pena n̄ z̄ida lía zé vī de abirelaroo?

Isarailan̄ surabana kp̄ede

²⁵ Ma gb̄ēn̄, má ye àḡō asiriyā díkīna d̄ō, de á wé súnḡō sira à á z̄ida dite ĩadārin̄ ūro yāi. Isaraila kparan̄ sāgb̄āna kù ḡia ari buri pānden̄ gēna kpata kū à b̄ò Luda kīnaa ḡūn̄ lé ḡō ká. ²⁶ Abire gbera Luda ni Isarailan̄ sura ba n̄ p̄inki lákū à kēna Luda yān̄ nà kū ò p̄i:

Surabari ni bo Zaīs,

ani Yakubu burin̄ k̄ēk̄ōa kū ludad̄ōnasario.

²⁷ Ma b̄āka kunna k̄ūn̄wo yān̄ gwe

ḡor̄o kū mani n̄ durunna k̄ēm̄ma.

²⁸ Baaru nna pi yā musu ò de Luda iberen̄ ū á yāi. Luda gb̄ēn̄ sena yā musu ò de Luda yenyiden̄ ū n̄ dizi káakun̄o yāi. ²⁹ Zaakū Luda gban̄o kū gb̄ē kū à n̄ sísi à n̄ s̄én̄ ò sí litero. ³⁰ Ákōn̄ buri pānden̄ ádi Luda yā ma yāro. Tera sà Luda s̄uru kè k̄āo kū Isarailan̄ dí a yā maro yāi. ³¹ Len̄ Isarailan̄ ḡi Luda yā mai le tera, de Luda le à s̄uru ke k̄āo gbas̄a à s̄uru ke k̄ūn̄wo. ³² Luda yādasarike kpà gb̄ē s̄inda p̄inkia de à le à s̄uru ke k̄ūn̄wo n̄ p̄inki yāime.

Luda s̄ābukpanaa

³³ Luda ònd̄ō kū a d̄ōnaao z̄ōk̄ōke kà z̄ā fá! Gb̄ēke ni f̄ō à bo yā kū à z̄ēo asiriario.

Oni f̄ō ò a d̄ōr̄o d̄ōro.

³⁴ Dí mé à Dikiri laasun̄ d̄ōo?

Dí mé à yā d̄āne a lédammari ūu?

³⁵ Dí f̄ina mé à d̄o Ludaa kū ani bon̄e?***

³⁶ P̄ó s̄inda p̄inki b̄ò a kīnaame,

ò kun̄ kū a gb̄ānao,

akūs̄ ò kun̄ a p̄ó ū.††

*** 11:35 Ayu 41:11 †† 11:36 1K̄o 8:6

Ògõ a tó bo gɔɔ sɪnda pínki. Aami.

12

Zíkɛna Ludanɛ

¹ Abire yáí ma gbɛnɔ, lákū Luda ó wɛnda d̄s̄ lɛ nà, ma wé kèáwa à á z̄ida kpáa sa'opɔ bɛnɛ mamberusari kū àdi káagu ũ. Ákūmɛ á donyíkɛna a zéa ũ.

² Àsun té andunia tera dí ágbairo. À tó Luda á dà litɛ, á laakari le à ḡs̄ dufu de à le à a pɔyenyína d̄s̄, yá kū à mana, akū à nna, akū à papana.

³ Gba kū Luda dàmenɛ yáin maten o á pínkinɛ, àsun á z̄ida mana bo de a mana lélaro. À baadi a z̄ida dite a yápura lén, lákū Luda a gbà zé à a náani ke nà. ⁴ Bisásiri mè mèn do gunɔ v̄i dasi, ní baadi kū a z̄iomɛ. ⁵ Lɛmɛ, bee kū ó dasikɛo, ó mè dokɔnɔ Kirisi gūmmɛ, mègu dakenɔn ó ũ.* ⁶ Ó gba bò donadona kɔnɛ lákū Luda dàwɛrɛ nà a gbɛke gūn.† Tó annabikɛyá'ona gban ní v̄i, ñ ke n ludanaanikɛna lén. ⁷ Tó z̄irikɛnaamɛ, ñ ke. Tó yádannɛnaamɛ, ñ dañnɛ. ⁸ Tó lédammanaamɛ, ñ dañma. Tó gbadanaamɛ, ñ da araga. Tó don'arɛdekɛmɛ, ñ ke kū kokario. Tó wɛndadɔnnɛnaamɛ, ñ d̄óñnɛ kū pɔnnao.

⁹ À kù yenyĩ ḡs̄ manafiki sari. À kpɛ li yá v̄aninɛ, à zɛ kū yá manao. ¹⁰ Àḡs̄ nna kū k̄s̄o k̄s̄ gbɛnɔ ũ. Àḡs̄ wána kū bèɛrelíkɔnɛnaao. ¹¹ Àḡs̄ kokari v̄i ma'á sari, á mè ḡs̄ wána Dikiri z̄i gūn. ¹² À pɔnna ke yá kū á wé d̄oi yá musu. À mɛna f̄s̄ warikɛnaa gūn. À mè kpá wékɛnaaa. ¹³ À kpányĩ ke Luda gbɛ kū p̄s̄ ten kíañmanɔnɛ. Àḡs̄ nibɔ ke. ¹⁴ À sa mana o á wétámmaninɔnɛ. À sa mana oñnɛ, àsun ní káro.‡ ¹⁵ À pɔnna ke kū pɔnnakerinɔ. À s̄o d̄o kū s̄od̄orinɔ. ¹⁶ Àḡs̄ kú kú k̄s̄o nna. Àsun á z̄ida biro. À gbɛnna kpá kú takasidenɔ. Àsun á z̄ida dite yád̄orinɔ ũro.§ ¹⁷ Àsun yá v̄ani f̄ina bo kú a v̄anioro. Àḡs̄ yá kú à mana gbɛ s̄inda pínkinɛ ke. ¹⁸ Tó ani sí ke, tó á a zé v̄i, àḡs̄ nna kú gbɛ s̄inda pínki. ¹⁹ Ma gbɛ yenyĩdenɔ, àsun m̄ora ká gbɛaro, à a tó kú Ludao. À kɛna Luda yān ò p̄i:

Dikiri p̄i, akāa mé áni f̄ina boñma,

akāa mé áni f̄ina boñma.

²⁰ Tó nà teni n ibɛrɛ de, ñ p̄s̄ble kpáa. Tó ímimɛ s̄s̄, ñ a gba í. Tó n kɛ lɛ, n̄teni a ɔ káne a lémme.** ²¹ Ñsun tó yá v̄ani z̄i blemmaro. Ñ z̄i blea kú yá manao.

13

Minatɛna bùsu gbānadenɔnɛ

¹ Gbɛ s̄inda pínki mì nate bùsu gbānadenɔnɛ, zaakū iko ke kun Luda lé sariro. Luda mé à gbānade kū ò kunno dite ní pínki. ² Abire yáí gbɛ kú à bò gbānade yá kpɛ, ade bò Luda yáditɛna kpɛmɛ. Gbɛ kú à bò ní kpɛnɔ ní z̄ida dà yāmmɛ. ³ Adi ke yāmanakerinɔ mé òdi v̄ina ke kpatablerinɔnɛro, sé yāvānikerinɔ. Tó ní ye gbānadenɔ v̄ina danyĩro, ñ yá mana ke, ani n sáabu kpá. ⁴ Gbānade bi Luda z̄ikeriime n aafia yáí. Tó n yá v̄ani kè s̄s̄, ñ v̄ina kɛnɛ, zaakū à fɛnɛda lokona pānlo. Luda z̄ikeriimɛ, àdi f̄ina bonɛ yāvānikeriia. ⁵ Abire yáí à mana à mì nateñnɛ. Adi ke wétámmana yáí adonlo, á laasun yāimɛ d̄o. ⁶ Abire yáin adi be'oḡo kpá d̄o, zaakū gbānadenɔ bi Luda z̄ikerinɔmɛ, òten z̄i p̄i kɛnɛmɛ. ⁷ À baadi f̄ina boñnɛ

* 12:5 1Kɔ 12:12 † 12:6 1Kɔ 12:4-11 ‡ 12:14 Luk 6:28 § 12:16 Yaa 3:7 ** 12:20 Yaa 25:21-22

pínki. À be'ogɔ kpá a sìriia, à á laganɔ takada sí dɔ. À mì nate gbě kũ à de à mì natenɛnɛ. À gbě kũ à de à a yā da yā da.*

Gɔɔ kà kani, ògɔ yekɔi

⁸ Àsun gběke fīna séro, sé yekɔina fīna baasiro. Gbě kũ à ye a gbědakei, Luda doka pèkerɛame. ⁹ Ò pì, òsun zina kero, òsun gbě dero, òsun kpāni oro, òsun gbě pɔ ni dero.† Yā pìno kũ yāditena pānde kũ ò kunnɔ pínki kũ yā dí gūmmɛ, ò pì: Ògɔ ye n gbědakei lán n zīda wèndii bà. ¹⁰ Yenyī dì tò gbě yā vāni kè a gbědakenero. Yenyīme Luda doka papana ũ.

¹¹ À ke le, zaakũ á gɔɔ kũ ó kúa díkīna dɔ. Á vuna in gɔɔ kà, zaakũ ó surabanaa kà kani tera de gɔɔ kũ o Yesu náani kèla. ¹² Gu sì à kà zà, gudɔnaa kà kani. Ò mì kē gusira yānoa ò gupura gōkeboɔno sète. ¹³ Ògɔ kũ ó dɔɔɔa fānantɛ gbēno ũ fayasari kōkō kũ wēdenaao sari pāpākena kũ wé'isariyāoo sari, lékpakōa kũ zānguoo sari. ¹⁴ À Dikiri Yesu Kirisi yāze sé. Àsun tó á dà zī doáre are à a nidena kero.

14

Kɔ taari'ena

¹ À gbě kũ à buse ludanaanikena gūn sí yākete sari. ² Gbēkeno ludanaanikena di pɔke tè boro, akũ gbě kũ n ludanaanikena busanano di nòbo sóro.* ³ Gbě kũ àdi pɔ sīnda pínki ble sún gbě kũ àdi pɔ sīnda pínki blero gya boro, akūsɔ gbě kũ àdi pɔ sīnda pínki blero sún gbě kũ àdi pɔ sīnda pínki ble taari ero, zaakũ Luda a simɛ. ⁴ Díme n ũ kũ nteni dakeno zīkeri taari ee? Tó à fɛ ke à fuan yá, a Dikiri yān gwe. Ani fɔ, zaakũ Dikiri gbāna ni tó à fɔ. ⁵ Gbēkeno si kũ gɔɔ kenɔ nna de a kenola, gbě pāndenɔ si kũ gɔɔ sīnda pínki lelele. Baadi laasun gɔ dokɔno kũ yā kũ à zèooo. ⁶ Gbě kũ àdi gɔɔ bo di bo Dikiri yāime. Gbě kũ àdi pɔ sīnda pínki ble di ble kũ Dikiri gbānaome, à Luda sáabu kpá. Gbě kũ àdi pɔ tē di tē Dikiri yāime, à Luda sáabu kpá. ⁷ Gbēke ògɔ kun a zīda yāiro, gbēke di ga a zīda yāiro. ⁸ Tó ó kun, ó kun Dikiri pɔ ũme, tó o ga, o ga Dikiri pɔ ũme. Ó kunn yá, o gan yá, ó de Dikiri pɔ ũme. ⁹ Zaakũ Kirisi gà à vù de àgɔ de gyāwāndenɔ kũ gbě bēnenɔ Dikiri ũme. ¹⁰ Kũ nteni n gbēndo taari e sɔ bi? Mōkōn sɔ, à kè dera nteni n gbēndo gya bo sɔo? Luda nigɔ vutena a tūntinnwa, ó pínki óni bo ò ze a are,† ¹¹ lākũ à kēna Luda yān nà Dikiri pì: Kũ ma kunnao, gbě sīnda pínki ni kútemene, gbě sīnda pínki ni ma ludakena dɔ. ¹² Len baadi ni a zīda yā baba Ludane le.

Àsun yā kũ ani tó a gbēndo fu kero

¹³ Abire yāi òsun kō taari e doru. Kũ ani kō taari e, à zeo kũ áni yā kũ ani tó à á gbēndo fu kero. ¹⁴ Kunna Dikiri Yesu gūn má dɔ sānsān kũ pɔble ke ògɔ gbāsī a zīdaro. Ama tó gbě òtè kũ pɔ gbāsī, akũ àdigɔ gbāsīne. ¹⁵ Tó n n gbēndo nēsɛɛ yākanɛ pɔ kũ n blè yāi, n yenyī vīnero. Pɔble kũ n blè yāi òsun gbě kũ Kirisi gà a yāi kakatero. ¹⁶ Àsun tó ò pɔ kũ a è à mana gya boáreru, ¹⁷ zaakũ kpata kũ à bò Luda kīnaa bi pɔblena kũ pɔminaa yānlo. Yākena a zéa kũ aafiaao kũ ponna kũ Luda Nini di iñneo yāme. ¹⁸ Gbě kũ àten do Kirisii lán abirekũ bà yā di ká Ludagu, akūsɔ bisāsiri di a sáabu kpá.

* 13:7 Mat 22:21 † 13:9 Bon 20:13-17 * 14:2 Kɔl 2:16 † 14:10 2Kɔ 5:10

19 Abire yāi ògõ kõ aafia wete ògõ gbāna karakõne. 20 N̄sun Luda zī yaka pòble yāiro. Pòble sīnda pínki maname, ama pò kũ ani tó n gbēndo fu blena manaro. 21 N̄bõsonaana yá, wēmīnaan yá, yá kũ ani tó n gbēndo fu pínki, à mana ò tēme. 22 Pò kũ ñ náani kēe, ñ tó à gõnne kũ Ludao. Arubarikaden gbē kũ adi a zīda taari e kũ pò kũ à zèoro ũ. 23 Tó gbē ten sika ke pòble kũ àten blea sõ, à a zīda dà yāmmē, kũ adi kõ sé kũ a ludanaanikēnaaoro yāi. Yá kũ adi kõ sé kũ gbē ludanaanikēnaaoro bi durunname.

15

Ògõ yekõi wédõna Ludai gũn

1 Ókõnõ kũ ó gbāna ludanaanikēnaa gũnnõ, séde ò gbē kũ ò gbānaronõ sé lei ñ gbānasarīke gũn. Òsungõ ó poyeina kero. 2 Ó baadi gõ yá kũ ani ke a gbēdakenē nna ke a bona mana yāi kũ a zīnipetenaao. 3 Zaakũ Kirisi dì a zīda poyeina kero. À kēna Luda yān ò pì, gbēnõ dõkēna kũ Ludao gõne.* 4 Yá kũ ò kē yá pínki, ò kē lédanawá yāime. Luda yá pì dì ó gba mēna, àdi ó gba swēe de ògõ tāmaa vī. 5 Luda kũ àdi ñ gba mēna à ñ gba swēe tó àgõ nēsēdokõnõ vī kũ kōo lākũ Kirisi Yesu pò bà, 6 de à Luda ó Dikiri Yesu Kirisi De tó bo kũ nēsēdokõnõ kũ lédokõnõ.

7 À kõ sí lākũ Kirisi á sí nà Luda tóbona yāi. 8 Maten oáre, Kirisi gõ zīri ũ Yudanõne de à lé kũ Luda sè ñ dizi káakunõne papa, ògõ dõ kũ Luda náani vī, 9 buri pāndenõ sõ Luda tó bo a sũru yāi lākũ à kēna Luda yān nà ò pì: A yá mé à tò mani n sáabu kpá burinõ té, mani n tó kpá.†

10 Ò pì dõ:

Burinõ, à ponna ke kũ Luda gbēnõ.

11 Ò pì dõ:

Ákõnõ buri sīnda pínki, à Dikiri tó kpá,
ákõnõ bũsu gbēnõ sīnda pínki à a táaki lé.‡

12 Isaya pì dõ:

Yese zīni ni bõtõ pá,
ani fute à kí ble buri pāndenõ,
onigõ wé dõi.

13 Luda kũ gbē sīnda pínki wé dõi tó ponna pekereáwa kũ aafiaao a náani kũ àten ke yāi, de á wédõina kara kũ a Nini gbānao.

Põlu zīkena Ludane

14 Ma gbēnõ, má dõ sānsān kũ manake pekereáwa, á yá sīnda pínki dõ swáswa, áni fõ à lé dakõa. 15 Ma takada dí kēnaa gũn ma yākenõ kē kũ swēgbānao ditena de àgõ dõágu yāi, zaakũ Luda ma gba zé 16 ma gõ Kirisi Yesu zīkeri ũ buri pāndenõne. Maten baaru kũ à bõ Luda kīnaa kpáinne, de ñ kunna gõ adona Luda Nini gāi, ò gõ Ludane sa'obõ kũ àdi káagu ũ. 17 Kunna Kirisi Yesu gũn maten ña dā zī kũ maten ke Ludane yá musu. 18 Zaakũ má yáke ona vīro, tó adi ke yá kũ Kirisi kē ma kīnaa baasiro. À tò buri pāndenõ Luda yá mà ma yá'ona kũ ma yākenaa gāi 19 kũ sēedanõ kũ daboyānõ gbānao kũ Luda Nini gbānao. Bona Yurusalemu ma lika wēte kũ wēteo ari Ilirikumu bũsun, ma Kirisi baaru kpàkpaa kē papana.

* 15:3 Zab 69:9 † 15:9 Zab 18:49 ‡ 15:11 Zab 117:1

20 Madigō ye mà baaru nna pì kpá gu kù òdi Kirisi yā ma zikiro, de másun bú ba gbě pānde gānlo yāi. 21 Lákū à kēna Luda yān nà ò pì: Gbě kù odi a yā oñne yārono wé ni kē, gbě kù odi a baaru ma yārono ni dōro dō.

22 Yā kù àdigō kpá ma suna á kīnaane gēn baaakōn gwe. § 23 À kà wè ūgbangba kù madigō ye mà su á gwa. Tera sà lākū yāke dí gōmēne būsun dīkīnanō gūn doro nà, 24 má tāmaa vī ò wé sikōle sà ma gena Sapaini būsun gūn. Tó ma gōro pla kè kááo kù pōnnao, áni zé kemēne gena gwe. 25 Tera la maten gé kù kpányīo Luda gbēnoe Yurusalemu,** 26 zaakū gbě kù ò kú Masedonia kù Girisino zèò ò Luda gbě takaside kù ò kú Yurusalemuno kámaza ke. 27 Ò zèò, ama tilasime. Lákū Yudanō Luda aruzeke kpaatete buri pāndenōe nà, à mana buri pāndenō nī andunia aruzeke kpaatete Yudanōe se.†† 28 Tó ma gba pūi nāñne nī oī ma lāka, ma gena Sapaini gūn mani bo á kīnaa. 29 Má dō kù tó mani su á kīnaa, mani suāre kù Kirisi arubarikaao papaname.

30 Ma gbēno, ma naāre ó Dikiri Yesu Kirisii kù yenyī kù Luda Nini dī kpámāo, à fute à ze à Luda wé ke kūmao, 31 de à ma bo Yudea Yesusaridenō oī, de zī kù mani ke Yurusalemu Luda gbēno té keñne nna, 32 gbasa mà á le kù pōnnao, tó Luda wè, mani su kámma bo á kīnaa. 33 Luda Aafiade gō kù kááo á pínki. Aami!

16

Fōkpammanaa

1 Mateni ó dāre Febe, Kenkerēa sōsi gbēno zīri naāre á oī. 2 À a sí Dikiri gūn, lākū à mana Luda gbēno ke kù kōo nà. À kpái kù pó kù à yei á kīnaao pínki, zaakū à kpà gbēnoī dasi kù makūo se.

3 À fō kpá Pirisila kù Akilaooa. Ma zīkeri dakenōme Kirisi Yesu zī gūn.* 4 Ò sī ò nī zīda da kari gūn ma yāi. Adi ke makūme madoro, buri pānde sōsinō gbēno teni nī sáabu kpá pínki dō.

5 À fō kpá sōsi gbě kù òdigō kō kakara nī onnnoa.

À fō kpá ma gbě yenyīde Epenetua, àkū kù à Kirisi náani kè Asia būsun káaku.

6 À fō kpá Mariamaa, àkū kù à zī kēāre manamana.

7 À fō kpá Andarōniku kù Yuniaooa. Ma buri dake kù ò ó dá kpésiran lēelēnoe. Ò tó bō Luda zīrinō té, akūsō ò kú Kirisi gūn ma ā.

8 À fō kpá Ampliatu kù à de ma gbě yenyīde ū Dikiri gūnwa.

9 À fō kpá Ubanu kù à de ó zīkeri dake ū Kirisi zī gūnwa kù ma gbě yenyīde Satakio.

10 À fō kpá Apēle kù à zena gbāna Kirisi gūnwa.

À fō kpá Arisitōbulu bedenōa.

11 À fō kpá ma Yuda dake Herōdiōa.

À fō kpá Nasisu bede kù ò kú Dikiri gūnnōa.

12 À fō kpá Tirifena kù Tirifosaooa. Nōgbě pīnō dī zī ke Dikirine manamana.

À fō kpá Pesia. Nōgbě yenyīde pī zī kè Dikirine manamana.

13 À fɔ kpá Rufu kú à bò ado Dikiri zĩ gúnwa kú a da kú maten gwa ma da ũo.

14 À fɔ kpá Asinkiritua kú Flég̃so kú Emesio kú Patarobao kú Emao kú n̄ Yesude dake kú ò kú l̄el̄en̄o n̄ pínki.

15 À fɔ kpá Filɔɔgua kú Yuliao kú Ner̄euo kú a dāreo kú Olimpao kú Luda gb̄e kú ò kú l̄el̄en̄o n̄ pínki.

16 À fɔ kpák̄sa kú Luda gb̄en̄o l̄ep̄emmanaao. Kirisi s̄osin̄o gb̄en̄o fɔ kpàáwa n̄ pínki.

Lézammanaa

17 Ma gb̄en̄o, maten oáre à laakari ke gb̄e kú ò bò yā kú a dàda kpen̄o. Òdi gb̄en̄o k̄ek̄sa ò gb̄en̄o s̄ate. À k̄er̄ma, ¹⁸ zaakū gb̄e bire takan̄o d̄i do ó Dikiri Kirisiiro, sé n̄ gber̄e yā. Òdi taarisariden̄o s̄ate kú l̄ennaō kú yād̄so. ¹⁹ Gb̄e s̄inda pínki á m̄inatena Dikirin̄e baaruū mà. Maten p̄onna ke á yā musu. Má ye àg̃ yā mana ònd̄o v̄i àg̃ w̄esiraden̄o ũ yā v̄ani musu. ²⁰ Luda Aafiade ni Setan dúgu z̄s̄ á gbá z̄ite tera. Ó Dikiri Yesu gb̄eke keáre.

21 Ma z̄ikeri dake Tim̄oti† kú ma buri daken̄o Lusiu kú Yas̄so kú Sospatao fɔ kpàáwa.

22 Makū Tetiu kú ma takada dí k̄è fɔ kpàáwa Dikiri gún.

23-24 Ma bede Gayusi‡ kú s̄osi gb̄en̄o d̄i k̄ō kakara a on̄n fɔ kpàáwa. W̄ete ɔg̃'uteri Erasatu fɔ kpàáwa kú ó gb̄endo Kaatuo.

Luda t̄ób̄naa

25 Tera sà Luda ni f̄s̄ à á gba gb̄ana kú Yesu Kirisi baaru kú maten kpáo, lákū asiriyā kú à utena zaa káaku kú ò biriam̄en̄eo de nà. ²⁶ Luda kú àdig̃ kun ḡoɔ s̄inda pínki d̄ite ò yā kú à k̄ena annabin̄o takadan̄o gún p̄i bo gupuraa sà, de buri s̄inda pínki le à d̄s̄ ò Luda náani ke ò ḡ a yāmarin̄o ũ. ²⁷ Ò Luda m̄en̄ do ònd̄ode t̄ó bo Yesu Kirisi ḡai ari ḡoɔ s̄inda pínki! Aami.

KŌRINTIDENŌ TAKADA KAAKU

Kŏrinti Yesudenŏ kŏkŏkŏsanaa 1:1-4:21

Kŏrinti Yesudenŏ durunnakŏnaa 5:1-7:40

Ōgŏ kŏ kŏ laakariri gŏna n̄ zīdane yā musu 8:1-11:1

Donyikŏnaa 11:2-14:40

Gèno vunaa 15:1-15:58

Pŏlu fŏkpammaanaa 16:1-16:24

Pŏlu fŏkpana Kŏrintidenŏa

¹ Makŏ Pŏlu kŏ Luda ma sisi à ma se lākŏ à yei nà, ma gŏ Kirisi Yesu z̄iri ũ. Makŏ kŏ ó gbēndo Sŏsŏtenŏ, ² ókŏno mé o takada dí kē sŏsi gbē kŏ ò kŏ Kŏrintinŏne. Luda á sisi a gbēno ũ, á kunna adona Kirisi Yesu gŏn leele kŏ gbē kŏ òdigŏ ó Dikiri Yesu Kirisi p̄i sisi gu s̄inda p̄inki gŏnnŏ, ókŏno kŏ ó Dikiri dokŏnŏ. ³ Luda ó De kŏ Dikiri Yesu Kirisio gbēke kēare, à á gba aafia.

⁴ Madigŏ Luda sáabu ke gŏro s̄inda p̄inki á yā musu gbēke kŏ à kēare á kunna Kirisi Yesu gŏn yāi. ⁵ Kunna a gŏn pŏ s̄inda p̄inki kàraare, yā'ona s̄inda p̄inki kŏ d̄ona s̄inda p̄inkio, ⁶ zaakŏ ó Kirisi yā'onaare z̄ini p̄ete á gŏn, ⁷ akŏ Luda Nini gba ke dí k̄iáawaro, gŏro kŏ á wé dŏ ó Dikiri Yesu Kirisi a z̄ida mŏnaai. ⁸ Ó Dikiri Yesu Kirisi ni tó à ze gbāna ari gŏro lé ká, de àgŏ kun taari sari a sugŏro z̄i. ⁹ Luda náani v̄i. Àkŏ mé à á sisi, a gŏ kŏ gbē ũ kŏ a Né Yesu Kirisi ó Dikiriŏ.

Kŏrinti Yesudenŏ kēkēkŏsanaa

¹⁰ Ma gbēno, ma naare ó Dikiri Yesu Kirisii, àgŏ lédokŏno v̄i kŏ kŏ á p̄inki, de kēkēkŏsana le à láka á té, à kŏ kŏ kŏ laasun dokŏnŏ kŏ nèse mèn doo. ¹¹ Ma gbēno, ma mà Koloe bedenŏ léi kŏ yākete kŏ á té. ¹² Lākŏ ma mà nàn dí: Á gbēkenŏ p̄i, ò zè kŏ Pŏluo. Gbēkenŏ p̄i, ò zè kŏ Apoloo. Gbēkenŏ p̄i, ò zè kŏ Pitao. Gbēkenŏ p̄i dŏ, ò zè kŏ Kirisio. ¹³ Kirisi kēkēkŏsanan yá? Ó Pŏlu pà lía á yāin yá? A da'ite kē kŏ Pŏlu tŏon yá? ¹⁴ Ma Luda sáabu kē, kŏ mádi á gbēke da'ite kero, séde Kirisipu kŏ Gayusio baasiro. ¹⁵ Lākŏ à de le nà gbēke ni le à o a da'ite kē, a gŏ ma ìba ũro. ¹⁶ Ee, ma Setefana bedenŏ da'ite kē dŏ. Abire baasiro, tó ma gbē pānde da'ite kē, adi dŏmagu doro. ¹⁷ Kirisi dí ma z̄i gbē da'itekŏna yāiro, séde a baaru nna kpanaa. Adi ke kŏ yādŏnaonlo, de a gana lía sún ke pāro yāime.

Kirisi bi Luda ōndŏ kŏ a gbānaome

¹⁸ Kirisi gana lía bi misariyāme gbē kŏ òten sātenŏne. Ókŏno kŏ Luda teni ó sura banŏ sŏ, à dewere a gbāna ũ. ¹⁹ À kēna Luda yān ò p̄i:

Mani ōndŏrinŏ ōndŏ mì de,
mani wézŏrinŏ wézŏ ke pā.

²⁰ Ōndŏri kŏ mámeε? Takadadŏri kŏ mámeε? Andunia tera dík̄ina yāpinkidŏri kŏ mámeε? Luda dí andunia ōndŏ dite misariyā ũroo? ²¹ Luda ōndŏ gŏn, adi tó andunia gbēno a dŏ kŏ n̄ z̄ida ōndŏoro. À kēne à gbē kŏ òteni a náani kenŏ sura ba waazi kŏ ò dite misariyā ũ p̄i gāi. ²² Yudano ye dabodaboyāi, Girikinŏ di ōndŏ wete. ²³ Ókŏno sŏ, Kirisi gana lía kpākpan óten ke, akŏ adi tó Yudano kpágula, buri pāndenŏ di pi misariyāme, ²⁴ ama gbē kŏ Luda n̄ sisi à n̄ s̄eno, Yudano kŏ Girikinŏ n̄ p̄inki, Kirisi deñne

Luda gbāna kū a ɔ̄ndɔ̄o ũ. ²⁵ Luda m̄sarikε p̄i de bisāsiri ɔ̄ndɔ̄la. Luda gbānasarikε p̄i de bisāsiri gbānala.

²⁶ Ma gbē̄nɔ̄, à gwa lākū á de nà gɔ̄rɔ̄ kū Luda á sísi. Dakenɔ̄ kīnaa á daside ɔ̄ndɔ̄ro, á paride gbānade ũro, á paride kíne ũro. ²⁷ Luda gbē̄ kū ò de andunia m̄saride ũnɔ̄ sè de à wé'i dao ɔ̄ndɔ̄rinɔ̄a. À gbē̄ kū ò de andunia gbānasaride ũnɔ̄ sè de à wé'i da gbānadenɔ̄a. ²⁸ À gbē̄ kū andunia ní díte kp̄edenɔ̄ ũ, kū òdi ní n̄ gya bo akūs̄s̄ ní yā dīḡɔ̄ kunlonɔ̄ sè de à gbē̄ kū ní yā dīḡɔ̄ kunnɔ̄ ke kp̄edenɔ̄ ũ, ²⁹ de gbē̄ke sún le à ĩa dā Luda arero. ³⁰ Ák̄ɔ̄nɔ̄ s̄s̄, Luda tò á kú Kirisi Yesu gūn, akū à ḡò ó ɔ̄ndɔ̄ ũ. Kunna Kirisi p̄i gūn Luda tò yā bò kūoo nna, ó kunna adona, akūs̄s̄ à ó sura bà. ³¹ À yā mé à tò lākū à kēna Luda yān nà, tó gbē̄ ye à ĩa dā, à dā Dikiri yā musu.

2

Kirisi kū a gana lía yao

¹ Ma gbē̄nɔ̄, kū ma su á kīnaa, ma su Luda yā kp̄akpa keáreme, adi ke ma su ɔ̄ndɔ̄ gbāna ke lénna keárenlo. ² Ma zεo kū mani yāke oárrero, séde Yesu Kirisi yā baasiro, atēnsa a gana lía yā. ³ Ma suna á kīnaa gūn ma su kū swēv̄inaao kū v̄inao kū lukalukanaao. ⁴ Ma waazikēnaa gūn maten yā o kū lénnao ke kū ɔ̄ndɔ̄oro. Ma ò kū Luda Nini gbāna m̄árenaaome, ⁵ de á ludanaanikēna sún bo bisāsiri ɔ̄ndɔ̄ gūnlo, sé Luda gbāna gūn.

ɔ̄ndɔ̄ kū Luda Nini di dañne

⁶ Bee kū abireo odì ɔ̄ndɔ̄yā o gbē̄ kàsaranɔ̄ne. Adi ke andunia tera díkīna ɔ̄ndɔ̄ ke a gbānade kū ní gbāna ten lákano p̄nlo. ⁷ Luda ɔ̄ndɔ̄n óteni o, a p̄oyenyīna kū à utena yā p̄i. À gīnake à díte ó gakuri lena yāi zaade adi andunia kátero. ⁸ Andunia tera díkīna gbānade ke ɔ̄ndɔ̄ p̄i d̄ɔ̄ro. Tó ò d̄ome yā, de odi Dikiri gakuride pá líaro. ⁹ Lākū à kēna Luda yān nà ò p̄i: P̄s̄ kū wé dí ero, akūs̄s̄ s̄a dí maro, a laasun dí gē gbē̄ke swē̄e gūnlo, àkū Luda a soru kē gbē̄ kū ò yeinɔ̄ne.

¹⁰ Luda m̄w̄ere kū a Nini gbānao, zaakū a Nini p̄i yā s̄inda p̄ínki tàasikana, bee kū Luda asiri z̄k̄ɔ̄nɔ̄.

¹¹ Gbē̄ke a dake n̄segūnyā d̄ɔ̄ro, tó adi ke a nini kū à kú a gūn baasiro. Leme d̄o gbē̄ke Luda n̄segūnyā d̄ɔ̄ro, tó adi ke Luda p̄i Nini baasiro. ¹² Andunia dí ninin o l̄ero, Nini kū à bò Luda kīnaan o l̄e, de ò gba kū Luda dàw̄ere d̄s̄. ¹³ Yā kū óteni on gwe, adi ke yā kū bisāsiri ɔ̄ndɔ̄ di dañnenlo, yā kū Luda Nini di dañneme. Len odì Luda Nini yā bok̄ote gbē̄ kū ò Luda Nini v̄inɔ̄ne le. ¹⁴ Andunia gbē̄ di Luda Nini yānɔ̄ síro, zaakū à denε m̄sariyā ũme. Aní f̄s̄ à a mì d̄s̄ sero, zaakū Luda Nini p̄i gbānan òdi a yāze d̄s̄o. ¹⁵ Gbē̄ kū Luda Nini di done are di yā s̄inda p̄ínki zé d̄s̄, gbē̄ke s̄s̄ à zé v̄i à a v̄ani boro. ¹⁶ À kēna Luda yān ò p̄i: Dí mé à Dikiri n̄ese d̄s̄ gbasa à lé daaa? Ama ók̄ɔ̄nɔ̄ ó Kirisi n̄ese v̄i.

3

Zikēna Ludane

¹ Ma gbē̄nɔ̄, mádi f̄s̄ mà yā óare lākū mádi o gbē̄ kū Luda Nini doñne arenɔ̄ne báro, akū ma óare lán andunia gbē̄nɔ̄ bà, zaakū n̄kp̄ánt̄enɔ̄n á ũ Kirisi gūn. ² V̄in ma kp̄ááwa, adi ke p̄s̄ lomadenlo, zaakū ádi ká k̄ro. Bee kū terao ádi káro, ³ zaakū dàdenɔ̄n á ũ ari tera. Lākū á zāk̄ɔ̄gu nà, akūs̄s̄ á yáketε v̄i, dàdenɔ̄n á ũroo? Á dà mé à doáre are. ⁴ Kū á gbē̄ke p̄i a ze kū

Pɔluo, akū gbē pānde pì a ze kù Apoloo, á kú kù á dàaon gweroo? ⁵ Dín Apolo ũu? Dín Pɔlu ũu? Zìkerinɔn ó ũ, akū a Kirisi náani kè ó gāi. Ó baadi ten zī kù Dikiri dàne keme. ⁶ Ma pó t̃, Apolo í kàne, akū Luda tò à gbà. ⁷ Leme pót̃ri kù íkariio de pòke ũro, sé Luda kù àdi tó à gbā. ⁸ Pót̃ri kù íkariio lèeleme. Ní baadi ni a àre le a zī lémm̃e. ⁹ Luda zìkeri dakenɔn ó ũ. Luda búgb̃eɛn á ũ, Luda kpén á ũ.

¹⁰ Gba kù Luda kèmene mé à tò ma ē pète lán ēbori gonide bà, akū gbē pānde sù àten kpé pì bo. Baadi laakarí ke a kpébonaaa, ¹¹ zaakū gbēke ni f̃ à ē ke péte doró, sé ē kù à p̃etena Yesu Kirisi ũ baasiro. ¹² Tó gbē kpé pìi dò kù wuraaò ke andurufu ke gbē b̃eereɛde ke tó à dò kù lío ke lá ke s̃e, ¹³ baadi zī yápura ni bo gupuraa. Oni e yákpatek̃eɔrɔ zī, zaakū gu ni dò kù téome, oni baadi zī taka gwa té pìi gūn. ¹⁴ Tó gbē zī kù à k̃eè bò tén aafia, ade ni àre le. ¹⁵ Tó gbē zī té kù, ani kisira le, ade ni bo ɔkori lákū òdi bo tén nà.

¹⁶ Á d̃s kù Luda kpén á ũ, Luda Nini kú á gūnloo? ¹⁷ Tó gbē Luda kpé pìi yàka, Luda ni ade kakate, zaakū kpé pìi kunna adoname, akūs̃ ák̃ɔñome kpé pìi ũ.

¹⁸ Gbēke sún a zīda s̃atero. Tó á gbēke teni a zīda dite andunia dík̃ina ònd̃s̃ri ũ, à g̃ó̃ñe m̃isaride ũ de à le à ònd̃s̃ kù. ¹⁹ Zaakū andunia dík̃ina ònd̃s̃ de Ludane m̃isariyā ũme. Á k̃ena Luda yán ò pìi: Àdi ònd̃s̃riño kù ní w̃éze gūn. ²⁰ Á k̃ena d̃o: Dikiri d̃s kù ònd̃s̃riño laasun p̃a. ²¹ Abire yāi gbēke sún ía d̃a bis̃asiri yā musuro. Pó s̃inda pínki bi á p̃ome: ²² Pɔlu, Apolo, Pita, andunia, w̃end̃ii, ga, tera p̃oño, zia p̃oñon yá, ní pínki bi á p̃ome. ²³ Ák̃oño s̃s̃, Kirisi p̃ón á ũ, Kirisi s̃s̃ bi Luda p̃ome.

4

Kirisi z̃iriño

¹ Abire yāi à ó gwa Kirisi z̃ikeriño ũ, Luda asiriyā gwàriño ũ. ² À kù gwàriño g̃s̃ náani ṽi. ³ Tó ák̃oño ke bis̃asiri yákpatekeriño ma taari è, yā p̃ame ma k̃inaa. Madì ma zīda manak̃ena ke ṽanik̃ena boro. ⁴ Yáke teni ma swè ṽiro, ama abirekū ni ma boro, Dikirin ma yákpatekeri ũ. ⁵ Abire yāi àsun g̃ínake à gbēke taari le Dikiri sug̃or̃o áro. Àkūme ani gu pu p̃ó kù à utena gusiraaa à nèse yā bo gupuraa. Zī k̃ua baadi ni ma lákū Luda ni a s̃áabu kpá nà.

⁶ Yā kù ma òáre d̃iño, ma ò makū kù Apoloo yā musume de àg̃s̃ yā dík̃ina d̃s̃: Òsun ṽi Luda yálaro. Á gbēke sún ía d̃a à ze kù gbē doo, à bo gbē do kperó. ⁷ B̃s̃ ní deoñlaa? Ní p̃óke ṽi n z̃idane, kù odi n gbaro yá? Ó n gba, akū nten ía d̃a lákū odi n gbaro bà yá? ⁸ A k̃an gwe kò yá? A ke ɔg̃od̃eño ũn gwe kò yá? Àten kí ble ó sarin gwe yá? Má ye àg̃s̃ kí ble, òg̃s̃ lèele. ⁹ Zaakū ma è ók̃oño Luda z̃iriño, Luda ó dite z̃a lán gbē kù òdi ní de pari wára bàme. Gu s̃inda pínki gb̃eño wé f̃iwá, malaikaño kù bis̃asiriño ní pínki. ¹⁰ O g̃s̃ m̃isarideño ũ Kirisi yāi, akū kunna Kirisi p̃ii gūn á de ònd̃s̃riño ũroo? Ó busana akū á gb̃ana ṽiroo? Ó kpebona akū á kpetanaroo? ¹¹ Ari tera nà kù ímio teni ó de, ó té punsi, o g̃s̃ p̃ógb̃enaño ũ, besarideño ũ. ¹² Odi zī gb̃ana ke ari ò kpas̃a. Tó ò ó ká, odi sa mana oñneme. Tó ò wari d̃owá, odi mena f̃s̃. ¹³ Tó ò ó s̃s̃s̃, odi kùte keñneme. Ari tera òteni ó dite andunia b̃ot̃o p̃oño ũ, gbē s̃inda pínki b̃isa ũ.

14 Maten yā dí oáre wé'idanaáwa yáinlo. Mateni á gba laakari ma né yenyídeno úme. 15 Bee tó Kirisi gūn á gwàrinɔ kà gbēnɔn ũgbangba, á de'ina dasiro. Makū mé ma á í kú Kirisi Yesu baarunnakpanaáre, akū á kú a gūn. 16 Abire yāi maten kúte kéáre, àgō ma kena ke. 17 Abire yāi ma a né yenyíde Timoti zláwa. Ápi bi náanideme Dikiri gūn, àkū mé ani ma kunna Kirisi gūn yákena dɔágu. Yá kú madi da sɔsi gbēnɔne wēte kú wēteon gwe. 18 Á gbēkeno ten ía dā, lákū mani su á gwaro bà. 19 Tó Dikiri wè, mani su á gwa tera, mani íadārii pinɔ gbāna lé e, adi ke n̄ yā'ona adonlo. 20 Zaakū kpata kú à bò Luda kīnaa bi yā'ona yānlo, gbāname. 21 Á yei deramee? Mà suái kú gōon yá, ke mà su kú yenyío kú nēseyídaome?

5

Papakena Yesudenɔ té

1 Ma mà pāpakenaa gē á té, yā kú a taka kú bee kifirinɔ té sero. Ò pì, á gbēno doke a de nɔ wēte. 2 Akū áten ía dā yá? À kú á nēsese yaka, à gbē kú à yā pìi kè bo á té. 3 Bee tó má kú kááoro, ma nini kú kááo, akū ma yákpate kè kú gbē kú à yā pìi kèe gōn lákū ò pi má kú gwe bà. 4-5 Tó a kō kākara, tó ó Dikiri Yesu gbāna kú kááo, tó ma nini kú kááo, à gbē pì kpá Setanwa kú ó Dikiri Yesu tóo, de a dà kakate, a nini le à bo aafia Dikiri sugrɔ zī.

6 Á íadāna manaro. Á dō kú lùbene fíti dì flawadēna zōkō séroo? 7 Á lùbene zī kóte, á gō flawa dufu ũ a lùbene sari, lákū à kō sio àgō de nà, zaakū Kirisi gà ó Vīnla sáne bōrɔ úme. 8 A yā mé à tò ògō kun Burodi Futenasari dikpekerinɔ ũ yāpura gūn kú nēsēpura. Òsungō kun lùbene zī dikpekerinɔ ũ manafiki kú yāvānikenaao gūnlo.

9 Takada kú ma kēáre gūn ma pì, àsun kakara kú pāpakerinɔoro. 10 Adi ke andunia dí pāpakerinɔ ke wākūdenɔ kú gbēblerinɔ ke tānagbagbarinɔnlo, zaakū tó gbē díkōnme, séde áni bo andunia gūn. 11 Oi, ma oáre gbē kú ò pì ó gbēme, akūsō à de pāpakeri ke wākūde ke tānagbagbari ke gbēyakari ke wēderi ke gbēbleri ũ, àsun kakara kāoro, àsun ɔ kakara kāao sero. 12 Ma bàka ũgba kú yāgōgōna kú Yesusaridenɔoo? Á zīda gbēno mé à kō sio à yā gōgō kúńworo? 13 Luda mé ani yákpate ke kú Yesusaridenɔ. À gbē vāni pì bo á té.

6

Yakpatekena kú kōo

1 Tó á gbēke yā vī kú a Yesude dakeo, bōyāi àdi gé yákpate ke kú adeo Luda gbēno kīnaaroo, sé ludadōrisarinɔ kīnaa? 2 Á dō kú Luda gbēno mé oni yákpate ke kú anduniaoro? Lákū ákōn mé áni yákpate ke kú anduniao nà, ádi ká à yáketenɔ gōgōoro? 3 Á dō kú ókōn mé óni yákpate ke kú malaikanɔoro? Oni andunia díkīna pó o dō yá? 4 Tó á yā bire taka gōgōna vī, áni gbē kú ò de sɔsi gbēnɔne póke ũronɔ sé yāgōgōrinɔ ũ yá? 5 Ma abirekū ò de mà wé'i daáwa yáime. Á gbēke vī á té kú a ōndō kà à a gbēno yā gōgōńneroo? 6 Séto á gbē do a gbēdake sísi yákpatea Yesusaridenɔ kīnaa yá? 7 Lákū á yā vī kú kōo nà, a zā yāa kò mámmam. Bōyāin áni we ò á taki keroo? Bōyāin áni tó ò á bleroo? 8 Ákōn adì gbē taki ke, adì gbē ble, bee á kō tēne. 9 Á dō kú gbē vāninɔ ni gē kpata kú à bò Luda kīnaa gūnloo? Àsun á zīda sātero, pāpakerinɔ ke tānagbagbarinɔ ke zinakerinɔ ke gōgbē

karuanŋ ke gbē kū òdì wúte kū n̄ gōgbē dakeonŋ¹⁰ ke kpāninŋ ke wākūdenŋ ke wēderinŋ ke gbēyakarinnŋ ke gbēblerinnŋ, n̄ gbēke ni gē kpata kū à bò Luda kīnaa gūnlo. ¹¹ Á gbēkenŋ de λeme yā, akū a zú ò, a gō Luda pó ũ, Luda tò yā bò kāáo nna kū Dikiri Yesu Kirisi tóo kū ó Luda Nini gbānao.

Ō papakena tó

¹² Adì pi, á yā sīnda pínki kena zé vīme. Ama yākenŋ àre vīro. Adì pi, á yā sīnda pínki kena zé vīme. Ama àsun tó yāke bà kááre á yīnlo. ¹³ Adì pi dŋ, póbble bi nēse pómē, akūsŋ nēse bi póbble pómē. Bee kū abireo Luda ni n̄ pínki kakate. Mē bi pāpākebōnlo, Dikiri pómē, akūsŋ Dikiri mé à mēe pì gwàri ũ. ¹⁴ Luda ó Dikiri bò gan, akūsŋ ani ó bo gan kū a gbānao. ¹⁵ Á dō kū á mē mé à Kirisi mēgunŋ ũroo? Oni Kirisi mēgu sé ò ke karua mēgu ũn yá? Oi! ¹⁶ Á dō kū gbē kū à kākara kū karuaŋ kē kāao mēe dokōnŋ ũnloo? Á kēna Luda yān ò pì, n̄ gbēnŋn pla ni gō mē do ũ. ¹⁷ Gbē kū à kākara kū Dikirio kē kāao mēn do Nini gūn. ¹⁸ À kēkōsa kū pāpākenaaŋ. Durunna pānde kū gbē dī ke pínki bàka kú kū a mēeoro. Pāpākeri sō, àdì durunna ke a mēeneme. ¹⁹ Á dō kū á mē mé à Nini kū Luda á gbá, kū à kú á gūn kpé ũroo? Ákōnŋ á á zīda vīro, ²⁰ Luda á lú, à fīnaa bò. Abire yāi à Luda tó bo kū á mēeŋ.

7

Nōsena

¹ Takada kū a kē yā musu, à maname gōgbē gō kun nŋ sari. ² Ama kū pāpākena dàgula yāi, gōgbē sīnda pínki gō a nŋ vī, nōgbē sīnda pínki gō a gō vī. ³ Gōgbē gō pó kú à kō sio ke a nanŋne. Nōgbē gō ke a zāne le se do. ⁴ Nōgbē mē kun a zīda pó ũro, sé a zā pó ũ. Leme dŋ gōgbē mē kun a zīda pó ũro, sé a nanŋ pó ũ. ⁵ Àsun gíkōnero, séde a màkōne de à laakari dŋ aduakēnaaa gīa, gbasa à á kena ke, de Setan sún òndō keáre à fu menaaro yāi. ⁶ Lén ma dàáwa, adi ke tilasinlo. ⁷ Má ye gbē sīnda pínki gō de lán ma bà, ama baadi kū a gba kū Luda dāneeme, gbē dí kū a pōo, gbē dire kū a pōo.

⁸ Maten yā díkīna o posenŋne kū gyaanŋnŋ. À mana ògō kun n̄do lán ma bà, ⁹ ama tó oni fō ò n̄ zīda kūro, ò nŋ sé, ò zā ke, zaakū kōsena mana de lukana kōila.

¹⁰ Maten yā dite nōdenŋne kū gōdenŋ, adi ke makūnlo, Dikirime. Nōgbē sún gí a zāiro, ¹¹ gōgbē sún pé a nanŋaro. Tó nōgbē sù à gí a zāi, à gō pose kesŋ à era a zāi.

¹² Maten o gbē kparanŋne, adi ke Dikiri mé à òro. Tó á gbēke nŋ Yesusaride vī, akū nŋ pì ye àgō kú kāao leele, àsun péaro. ¹³ Leme dŋ tó nōgbē gō Yesusaride vī, akū gō pì ye àgō kú kāao leele, àsun gíro. ¹⁴ Zaakū Luda dī gō Yesusaride sí a nanŋ yāi, akūsŋ àdì nŋ Yesusaride sí a zā yāi. Tó lenlo, n̄ nēnŋ nigō gbāsīme. Ama tera n̄ kunna adona. ¹⁵ Tó Yesusaride pìi gīi, à gīi. Yā bire taka gūn n̄ kunna kū kōo bi tilasinlo. Luda á sísi, à á sé àgō kun aafiame. ¹⁶ Nōgbē, ke ìni n zā sura ba, n̄ dō yá? Gōgbē, ke ìni n nanŋ sura ba, n̄ dō yá?

À ze kū á gwenaao

¹⁷ Baadi ze kū a gwena kū Luda a dītenwo gŋrŋ kū Dikiri a sísi. Len madì da sōsi gbēnŋne le wēte kū wēteŋo pínki. ¹⁸ Luda gbē sísi tōzōnaden yá, àsun wēte à ke gyōfŋrŋde ũro. Luda gbē sísi gyōfŋrŋden yá, àsun tō zōro. ¹⁹ Tōzōna yāke vīro, akūsŋ gyōfŋrŋ yāke vīro, sé àgō yā kū Luda dītenŋ kūna. ²⁰ Lákū

baadi kun nà ɔɔɔ kŭ Luda a sisi, à zεo le. ²¹ Luda n sisi zò ùn yá? Ñsun a damu kero. Ama tó n su n ɔ̄ zĩdade ù zé è, ò bo zòblenan. ²² Zò kŭ Dikiri a sisi ɔ̄ zĩdade ù Dikiri pìi ɔ̄mme. Leme dɔ zĩdade kŭ Dikiri a sisi ɔ̄ Kirisi zò ù. ²³ Luda á lú, à fĩnaa bò. Àsun ɔ̄ bisāsiri zò ùro. ²⁴ Ma gbēnɔ, lákŭ baadi kun nà ɔɔɔ kŭ Luda a sisi, à zε kŭ Ludao le.

Kefennanɔ kŭ nɔkparenɔ

²⁵ Kefennanɔ kŭ nɔkparenɔ yā musu mádi yāke ma Dikiri kīnaaro, ama lákŭ má náani vī Dikiri sūruu ɔ̄n nà, lán ma laasun de nán mani oáre. ²⁶ Wétámmana kŭ à kun tera mé à tò, maten da à mana kŭ gbē zε kŭ a kunnaao. ²⁷ Tó n nɔ vī, òsun pì òni a gbarero. Tó n vī sōro, òsun wete ò séro. ²⁸ Tó n sè sō, òdi durunna kero. Tó nɔkpare zā kè sō, adi durunna kero. Gbē birenɔ ni yā le andunian, akŭ má ye abire taka á lero. ²⁹ Ma gbēnɔ, yā kŭ maten on dí: ɔɔɔ dí ɔ̄ zāro. Zaa tera nɔdenɔ ɔ̄ lán gbē kŭ ò vīronɔ bà. ³⁰ ɔ̄dɔrinɔ ɔ̄ lán gbē kŭ òten sɔ dɔronɔ bà. Pɔnnadenɔ ɔ̄ lán gbē kŭ n pɔ nnaronɔ bà. Pɔlurinɔ ɔ̄ lán gbē kŭ ò pòke vīronɔ bà. ³¹ Anduniablerinɔ ɔ̄ lán gbē kŭ òten bleronɔ bà, zaakŭ lákŭ andunia dí kun nà tera ten ɔ̄teme.

³² Má ye à ɔ̄ kun damu sarime. Pose di laakari dɔ Dikiri yānɔa, yā kŭ à kè a nanɔgun àdi ke, ³⁴ akŭ àdigɔ kŭ kŭ laasun plao. Nɔ pose ke nɔkpare di laakari dɔ Dikiri yānɔa, àdi a mè kŭ a ninio kpáa. Nozāre sō, àdi laakari dɔ andunia yānɔa, yā kŭ à kè a zāgun àdi ke. ³⁵ Adi ke maten mɔkakɔana kpáárenlo. Ma abirekŭ ò á aafia yāime, de à yā ke a zéa, à á zĩda kpá Dikiria gu pānde gwanaa sari.

³⁶ Tó gbē nɔkamma vī, tó a sé ɔɔɔ ten ɔ̄, akŭ à kène wé'iyā ù, tó à a kàka lán dí bà, à a sé lákŭ à kène nà, adi ke durunna ùro. Ò kō sé. ³⁷ Ama tó à yā pìi bò a nèsemme, akŭ tilasi dí a kákaro, akŭ à a zĩda kŭna dō, tó à dà a swèn kŭ áni a nɔkpare pì séro, à kè maname. ³⁸ Leme gbē kŭ à a pò sè kè mana, ama gbē kŭ adi a pò séro kè mana de abirekŭla.

³⁹ Nɔgbē bi a zā pòme ɔɔɔ kŭ a zā kŭ kŭ wèndiio. Tó a zā sù à andunia tò, à zé vī à zā ke kŭ ɔ̄ kŭ à yeiio, ama ɔ̄ pì ɔ̄ kun Dikiri pò ù. ⁴⁰ Bee kŭ abireo tó à ɔ̄ pose, maten da a pò nigɔ nna de tó à zā kèla. Maten da makŭ, má Luda Nini vī se.

8

Sa'opɔble

¹ Sa'opɔble yā musu, ó dō kŭ ó pínki ó dōna vī. Dōna sō, à sena lei vī, yenyī mé à karana vī. ² Tó gbē ten da á yā dō, adi dō lákŭ à kŭ à dō nà ɔ̄aro. ³ Tó gbē ye Ludai, Luda a dō. ⁴ Tò, sa'opɔblena yā musu ó dō kŭ tana bi pòkeme andunia ɔ̄nlo, zaakŭ Luda mèn do kunnan ó dō. ⁵ Bee tó pò kŭ òdi piñne tānanɔn kŭ musu kŭ zĩteo, akŭ dakenɔ kīnaa tānanɔn dimme, dikirinɔn dimme, ⁶ ó kīnaa Luda mèn dome, àkŭme ó De ù, kŭ pò sīnda pínki bò a kīnaa, akŭsō ó kun a yāi. Dikiri mèn dome dɔ, àkŭme Yesu Kirisi ù, kŭ pò sīnda pínki kè, akŭsō ó kun a ɔ̄i.

⁷ Ama gbē sīnda pínki dō lero. Gbēkenɔ kō dō kŭ tana yāo ari tera, akŭ òdi pò kŭ òteni ble díte sa'opɔble ù, ò yāke dōkōnero, akŭ n laasun kŭ zéa doro. ⁸ Pòble mé ani ó na Ludairo. Tó ódi blero, kīananlo. Tó o blè, karanaanlo. ⁹ À laakari ke á kunna zĩdadenɔ ùi, de ásun ke ɔ̄siki ù gbē kŭ ludanaanikenaa kīammanɔnero. ¹⁰ Mòkōn kŭ n dōna vī, tó gbē kŭ à yāke

dōkōnero n e, nten pō ble tāna kuru, ani a gba swèè à sa'opō ble seroo? ¹¹ Tó n kè le, n dōna n gbēdake kù ludanaanikēna kīana kù Kirisi gā a yāi kàkaten gwe. ¹² Tó a durunna kè á Yesude dakenōne a gbē kù à yāke dōkōnero karii kèn gwe, akūsō Kirisin a durunna kènē. ¹³ Abire yāi tó ma nòbōsona mé ani tó ma Yesude dake fu, mani só ziki doro, de ma Yesude dake sún furo yāi.

9

Zìrinō n zīda busana Kirisi baaru nna yāi

¹ Má a zīda vīnloo? Zìriin ma ūroo? Mádi wé si ó Dikiri Yesu léroo? Ákōnōme á de ma zī gbè ū Dikiri gūn fá? ² Bee tó má de zìri ū gbē pāndenōnero, má deáre a ū fá. Kunna Dikiri gūn ma kunna zìri ū sèedaan á ū.

³ Yā kù madì o ma vāniborinōnen dí: ⁴ Má pōblena kù pómīnaao zé vī ma zī gūnloo? ⁵ Má a zé vī mǎgō té kù nō Yesudeo gu kù maten gén lán zìri kparanō kù Dikiri dakūnanō kù Pitao bàroo? ⁶ Makū kù Baanabao ó gbēnōn pla, ókōnō ó zé vī ò ó zī tónloo? ⁷ Dí mé àdi soza ble kù a zīda bōkō ògōo? Dí mé àdi lí ba, akū àdi a né bleroo? Dí mé àdigō zù dā, akū àdi a vī mīroo?

⁸ Bee kù bisāsiri yākenanōn ma lèkōaáre, à kù Musa doka gūn léroo? ⁹ À kēna Musa doka takadan ò pì, àsun lésō da zūune gōro kù àten pōwe gbēro. Zūun Luda dì laakari dōa yá? ¹⁰ Ó yāi à yā pī òroo? Ee, ó yāin ò yā pī kè, de búbari gō sē wa kù tāmāaa, pōwegbēri gō pō gbē kù tāmāaa, de à a baka le a gūn. ¹¹ Tó o Luda yā tō á té, akū o ó bakaa lèáwa, yāken yá? ¹² Tó dakenō zé bire vīáwa, óni ó pō o dō yá? Ódi sēte zé bire gūnlo, o yā sīnda pínki fī, de òsun zé zō Kirisi baaru nnanero yāi. ¹³ Á dō kù Luda òn zikerinō dì Luda òn pō bleroo? Luda gbagbaki sa'orinō dì n baka le gbagbaki pī gūnloo? ¹⁴ Len Dikiri dīte a baarunnakparinō gō pō ble baaru pī kpana yā musu le. ¹⁵ Bee kù abireo mádi zé pīnō ke séro, akūsō mádi abirekū o de ò kemēne yāinlo. Ga manamēne de abirekūla. Gbēke ni le à kpá ma ñadāna dīnero. ¹⁶ Kirisi baarunnakpana demēne ñadāna yā ūro, tilasi mé à gbá dīma. Waiyoo makū, tó maten baaru nna pī kpáro. ¹⁷ Tó maten zī pī ke kù ma zīda pōyeinaaome, mani wé dō ma bakaaime. Lákū Luda mé à nāmēne ma òi nà, à kō sī kūmao mà ke. ¹⁸ Bómē ma àre ūu? Tó ma baaru nna pī kpà òsāsānaa sari, tó mádi doka kù má vī baaru nna pī kpanaa gūn keñmaro, ma àreen gwe.

¹⁹ Bee kù gbēke ma vīro, ma a zīda dīte zò ū gbē pínkine, de mà gbēnō le dasi yāi. ²⁰ Kù má kù kù Yudanō, ma gō lán n bā, de ò ma yāze e yāi. Kù má kù kù Musa dokadarinō, ma gō a dàri ū, bee kù à iko vīmaro, de a yā dàrinō ma yāze e yāime. ²¹ Kù má kù kù dokadarisarinō, ma gō lán n bā, de ò ma yāze e yāi. Adi ke ma bo Luda doka zénnlo, Kirisi mé à iko vīma. ²² Kù má kù kù gbē busananō, ma busa, de ò ma yāze e yāi. Madì gō pō sīnda pínki ū gbē sīnda pínkine, bee dera, de mà le mà n gbēkenō sura ba. ²³ Yā kù madì ke pínki, madì ke Kirisi baaru nna yāime, de mà a baka le a arubarikaa gūn.

²⁴ Bàkpakūsūnaa gūn, gbē sīnda pínki mé àdi bàa lé, ama á dō kù gbē mèn do mé àdi bleroo? À bàa lé le se, à le à ble. ²⁵ Kōkō'ori sīnda pínki dì a zīda tūtu ke, àdi a zīda foru ke yā sīnda pínki musu. Àdi ke le fūra kù àdi yaka lena yāi. Ókōnō sō, a pō kù àdi yakaro yāime. ²⁶ Abire yāi bà kù maten lé,

má dŏ pŏ kŭ maten pĕa, adi ke maten ɔsi ká gukorianlo. ²⁷ Oi, madì wari dŏ ma mèea, madì ma mèe taki ke, de ma waazikena dakenɔne gbĕra, másun bo páro yái.

10

Laakarikena tánagbagbanaai

¹ Ma gbĕnɔ, má ye ó dizinɔ yā díkĭna dŏágu. Ò tè tĕlukui n̄ pínki, ò táa ò ò bŏte Isira Tĕran n̄ pínki. ² Luda n̄ da'ite kè tĕluku pii gŭn kŭ ísira piio n̄ pínki Musa ibanɔ ũ. ³ Ò Luda pŏble dokŏnɔ blè n̄ pínki, ⁴ ò Luda í dokŏnɔ mi n̄ pínki, zaakŭ ò Luda kpi kŭ à kú kŭnwo í mi. Kpi pi sŏ mé à Kirisi ũ. ⁵ Bee kŭ abireo n̄ daside yā dí ká Ludaguro, akŭ n̄ gĕe gŏ kpáte gbáranan. ⁶ Yā pi dewere sèeda ũ, de òsun yā vāni ni de, lākŭ ò a ni dè nāro. ⁷ Àsungŏ de tánagbagbarinɔ ũ lán n̄ gbĕkenɔ bàro. À kĕna Luda yān ò pi: Gbĕnɔ vŭte òten pŏ ble, òten í mi, akŭ ò fŭte òten pāpā ke. ⁸ Òsungŏ de pāpākerinɔ ũ lán n̄ gbĕkenɔ bàro. Ò pāpā kè, akŭ ò gāga gŏ dokŏnɔ zĭ gbĕnɔn dŭbu baro awɛɛ'aakŏ. ⁹ Òsun Dikiri lé ò gwa lán n̄ gbĕkenɔ bàro. Ò a lè ò gwà, akŭ mlĕnɔ n̄ sŏso ò gāga. ¹⁰ Àsun yākete ká lán n̄ gbĕkenɔ bàro. Ò yākete kà, akŭ ga malaika n̄ dede.

¹¹ Yā pi n̄ lé sèeda ũ ókŏnɔ kŭ ó kú gŏ kpɛdenɔaanɛ, akŭ ò kè takadan de ò ó gbao laakari yái. ¹² Gbĕ kŭ àten da á zena gbāna, à laakari ke letenaai. ¹³ Yŏogwana ke dí á léro, séde kŭ àdi gbĕ sĭnda pínki le baasiro. Luda náani vĭ, ani tó ò á yŏ ò gwa de á gbāna lélaro. Yŏogwanaa gŭn ani á gba zé à mĕna fŏ à bon.

¹⁴ Abire yái ma gbĕ yenyĭdenɔ, à mi kĕ tánagbagbanaaa. ¹⁵ Maten yā oáre laakaridenɔ ũ. À yā kŭ maten oáre laasun lé á zĭda à gwa. ¹⁶ Toko arubarikade kŭ odì sáabu kpáoo, tó o mi, ó bàka kŭ kŭ Kirisi aruroo? Burodi kŭ odì lílikŏre, tó o sò, ó bàka kŭ kŭ Kirisi mèeroo? ¹⁷ Zaakŭ burodi mĕn dome, bee kŭ ó dasikeo ó mè dokŏnɔmɛ, ó baadi a baka vĭ burodi dokŏnɔ pĭi gŭmme. ¹⁸ À gwa Isarailanɔa. Gbĕ kŭ à sa'opɔ blè bàka kŭ kŭ Luda gbagbakioroo? ¹⁹ Ma ò derameɛ? Maten o tána sa'opɔble bi pŏken yá? Ke n̄ tánanɔ bi pŏken yá? ²⁰ Lenlo, ma pi pŏ kŭ ò sa òo, ò ò tánaame, adi ke Ludaanlo. Má ye á bàka gŏ kŭ kŭ tánaoro. ²¹ Ani fŏ à Dikiri toko í mi kŭ tána pŏoro. Ani fŏ à Dikiri pŏ ble kŭ tána pŏoro. ²² Ke ó ye ò Dikiri nĕsegŏba futemɛ? Ó gbāna kà a ũn yá?

²³ Òdi pi, yā sĭnda pínki zé vĭ. Leme, ama yā sĭnda pínki àre vĭro. Òdi pi, yā sĭnda pínki zé vĭ. Leme, ama yā sĭnda pínki karana vĭro. ²⁴ Gbĕke zĭda yā sŭn done arero, sé a gbĕdake yā. ²⁵ À nŏbɔ kŭ òten yía eten só yāke gbekanaa sari á laasun yái, ²⁶ zaakŭ zĭte kŭ pŏ kŭ ò kŭanɔ pínki bi Dikiri pŏmɛ. ²⁷ Tó Yesusaride á sísi pŏblea, tó à kĕáre, tó a gɛ, à pŏ kŭ ò kpááwa ble yāke gbekanaa sari á laasun yái. ²⁸ Tó ò sŭ ò oáre sa'opɔblemɛ, àsun blero laasun yái kŭ gbĕ kŭ à oáre yāio. ²⁹ Maten abirekŭ o ade laasun yāime, adi ke á pŏnlo.

Gbĕ pānde laasun yāin manigŏ ma zĭda vĭro yá? ³⁰ Tó ma pŏ blè kŭ sáabukenaao, bŏyāin òdi ma vāni bo pŏ kŭ ma sáabu kĕii pi yā musuu? ³¹ Yā kŭ áten ke pínki, áten pŏ blen yá, áten í min yá, àgŏ a pínki ke Luda tŏbona yái. ³² Àsun tó Yudanɔ ke Girikinɔ ke Luda sŏsi gbĕnɔ fu á yākena yāiro. ³³ Len madì ke le. Yā sĭnda pínki gŭn madì kokari ke, de ma yā ká

gbē sīnda pínkigume. Madi ma zīda ponna wetero, sé pari pò, de ò le ò bo yāi.

11

¹ Àgō ma yākenaa dada, lākū madi Kirisi pò dada nà.

Nōgbēno pōkuna ní mīia yā

² Ma á sáabu kpà kù ma yā dìgō dōágu yā sīnda pínki gūn, akūsō á kèotokōne kù ma dàárenō kūna. ³ Má ye àgō dō kù Kirisi mé à gōgbē sīnda pínki mī ū, gōgbē mé à nōgbē mī ū, akūsō Luda mé à Kirisi mī ū. ⁴ Gōgbē kù àten adua ke ke àten annabikēyā o kù pòo kuna a mīia teni a mī kpe bome. ⁵ Nōgbē kù àten adua ke ke àten annabikēyā o mīgba teni a mī kpe bome, à de lākū à mī kpárankparan bàme. ⁶ Tó nōgbē dí pò kù a mīiario, à a mīkā kēre. Lākū mīkākērena ke mībona de nōgbēne wé'iyā ū nà, à pò kù a mīia. ⁷ Adì kù gōgbē pò kù a mīiario, kù à de Luda taka kù a gakurio ū yāi. Nōgbē sō, àkūme gōgbē gakuri ū. ⁸ Zaakū Luda dí gōgbē bo nōgbē gūnlo, nōgbēn à bō gōgbē gūn. ⁹ Adì gōgbē ke nōgbē yāiro, nōgbēn à kè gōgbē yāi. ¹⁰ Abire yāi kù malaikanō yāo dō, séde nōgbē gō pò kù a mīia a zā doka sèeda ū. ¹¹ Dikiri gūn nōgbē kun a zīdane gōgbē sariri, gōgbē sō, à kun a zīdane nōgbē sariri. ¹² Lākū nōgbē bō gōgbē gūn nà, len dō gōgbē dì bo nōgbē gūn le, akūsō pò sīnda pínki dì bo Luda kīnaame.

¹³ À yā pīi laasun lé à gwa. Nōgbē aduakena mīgba mana yá? ¹⁴ Á dō á zīdane kù mīkā gbàna de gōgbēne wé'iyā ūroo? ¹⁵ Ama tó nōgbē vī, à dene gakuri ūme, zaakū Luda nōgbē gbà mīkā à daalame. ¹⁶ Tó gbēke ye à lékpakōa ke, àgō dō kù ókōnō kù Luda sōsi gbēnō, ó yā pānde kūnaro, sé abirekū.

Dikiri pōble

(Mat 26:26-29, Maa 14:22-25, Luk 22:14-20)

¹⁷ Yā kù má ye mà daáre tera gūn, mani á sáabu kpáro, zaakū á kōkakaranaa dì vāni iáre de a manala. ¹⁸ Káaku gīa ma mà, tó a kō kākara, adì bo kō kpe gā kù gāaome. Ma yā pīi sì kpado. ¹⁹ Séde kēkēkōana gō kù á té, de ò yāpuradeno dō á té. ²⁰ Tó a kō kākara, adì ke Dikiri pōblen adì blero, ²¹ zaakū á baadi dì wā a pōbleime. Nàa dì gbēkenō de, wē dì gbēkenō de. ²² Á be vī à pò ble, à í minloo? Ke adì Luda sōsi gbēnō gya bo à wé'i da pōsaridenōame? Mani oáre deramee? Mani á sáabu kpán yá? Kà! Mani á sáabu kpá yā bire musuro.

²³ Yā kù ma si Dikiri kīnaa, ma dàáren dí: Zī kù ò Dikiri Yesu kpàrīma, a gwāani pīia à burodii sè, ²⁴ akū à aubarika dān, à lìlikōre, akū à pī, a mè kù áni kpá á yāin dí, àgō abirekū ke a yā dōnaágu yāi. ²⁵ Leme dō kù ò pò blè ò lāka, à toko sè à pī, Luda bàka kunna kù gbēnō dufu a aru gāin dí. Tó àten mī, àgō mī a yā dōnaágu yāi. ²⁶ Zaakū tó a burodii pīi sò, tó a í pīi mī, àten Dikiri ga baaru kpá ari àgō gé sume.

²⁷ Abire yāi tó gbē burodii pīi sò, tó à Dikiri í pīi mī, burodi kù í pīo yādanaa sari, à taari kè Dikiri a mè kù a aruo yā musume. ²⁸ Baadi a zīda yā gwa, gbasa à burodii pīi sò, à í pīi mī, ²⁹ zaakū tó gbē sò, tó à mī Dikiri mè dōnaa sari, à yā dà a zīdalame. ³⁰ Abire yāi gyāreno kù aafiasarideno kè dasi á té, akūsō gbē kù ò kè sarinōn kīnaro. ³¹ Tó óni ó zīda yā gwa, Dikiri ní ó taari lero. ³² Tó à ó taari è, àteni ó totome, de yā sún daóla kù anduniaoro yāi. ³³ Abire yāi ma gbēnō, tó a kō kākara, àten Dikiri pò ble, àgō kō dà. ³⁴ Tó

nà ten gbē de, à pò ble a bea, de á kōkakarana sún yā iáero yāi. Mani yā kū gōnō bōkōtéare, tó ma su.

12

Luda Nini gbanō

¹ Ma gbēnō, Luda Nini gbanō yā musu, má ye àgō dōnasariro. ² Á dō kū gōnō kū á de kifirinō ũ, tāna kū òdi yā oronō mé òdigō á gáte, ògō doáre are.

³ Abire yāi ma ye àgō dō kū Luda Nini òdi didi gbēa à Yesu láari kero, akūsō gbēke ni fō à o Yesume Dikiri ũro, séto Luda Nini done are.

⁴ Gba buri dasi, ama Luda Nini mèn do pīime. ⁵ Zī buri dasi, ama Dikiri mèn do pīime. ⁶ Gbāna sēedanō buri dasi, ama Luda mèn do pīime, àkū mé àdi a pínki ke baadine. ⁷ Luda Nini òdi didi baadia gbē sinda pínki karana yāime. ⁸ Luda Nini òdi gbēke gba zé à òndō yā o, akū Nini mèn do pī òdi gbē pānde gba zé à dōna yā o. ⁹ Nini mèn do pī òdi gbē pānde gba ludanaanikena zé, gbē pānde sō gbē werekōana zé. ¹⁰ Àdi gbē gba daboyākēna zé, gbē pānde sō annabikēyā'ona zé. Àdi gbē gba zé à nininō dōkōne. Àdi gbē gba zé à yāke buri o, àdi gbē gba yāke buri pī bōkōtena zé. ¹¹ Nini dokōnō mèn do pī mé àdi a pínki ke, àdi gba pī da baadine lākū à yei nà.

Mē kū a gunō

¹² Mē mèn do gunōn dasi. Bee kū a dasikeo, mē mèn dome pínki. Len ó konna Kirisi gūn de le se. ¹³ Ókōnō pínki, Yudanō ke buri pāndenō, zōnō ke zīdadēnō, Luda ó ké mē dokōnō ũ kū a Nini mèn do pī gbānaome, à ó gbá a Nini mèn do pī, akū o mī ó pínki. ¹⁴ Mēgunōn dasi, adi ke mèn donlo. ¹⁵ Tó gbá pī, lākū òn a ũro nà, á de mē pō ũro, abire yāi anigō de mē pō ũro yá? ¹⁶ Tó sá pī, lākū wén a ũro nà, á de mē pō ũro, abire yāi anigō de mē pō ũro yá? ¹⁷ Tó mē būnu de wé ũ, bōn oni yā maoo? Tó mē būnu de sá ũ, bōn oni pō gbī maoo? ¹⁸ Lākū à de nà, Luda mēgunō pēpekerē n pínki, lākū à yei nà. ¹⁹ Tó n pínki de mēgu buri dokōnō ũ, mē nigō kú máme? ²⁰ Tera sà mēgunōn dasi, mē mèn dome. ²¹ Wé ni fō à pī òne a bàka kú káororo. Lemē do mī ni fō à pī gbáne a bàka kú káororo. ²² Mēgu kú òten da à kīana, mē ni fō à ke a sariro. ²³ Mēgu kú òten da à gakuri vīro, òdi a kpe ta de mēgu kparanōla. A gu kú òteni a ena dite wé'iyā ũ, òdi pō nai de mēgu kparanōla, ²⁴ ama a pō kú à mana bàka kú kú adioro. Kū Luda mē kākara, à gakuri kàra mēgu kú gakuri ten kīarūmanōne de mēgu kparanōla, ²⁵ le mē sūngō kpaatētenaro, a gunōn kō yā dō. ²⁶ Tó mēgunō doke ten wari ke, a mēgu kparanō pínki òdi ke káaome. Tó ò mēgunō doke kpe tà, a mēgu kparanō pínki òdi pōnna ke káaome.

²⁷ Ákōnōme Kirisi mē ũ, akūsō á baadi de mē pī gu ũ. ²⁸ Káaku gīa Luda zīrinō dite sōsi gbēnōne, a plade annabinō, a aakōde yādannerinō, abire gbera dabokerinō, abire gbera gbē kú à n gbá gbē werekōana zēnō kú kpányīrinō kú yāgōgōrinō kú gbē kú òdi yāke buri onō. ²⁹ Zīrinōme n ũ n pínki yá? Annabinōme n ũ n pínki yá? Yādannerinōme n ũ n pínki yá? Dabokerinōme n ũ n pínki yá? ³⁰ Luda gbē werekōana gba dàinne n pínkin yá? Òdi yāke buri o n pínkin yá? Òdi yāke buri bōkōte n pínkin yá? ³¹ À wé pé gba kú ò deñlanō.

Tera sà mani zé kú à mana deñla mōare.

13

Yenyĩ

¹ Tó ma yáke buri ò, bisásiri ke malaika pó, tó má yenyĩ vĩro, ma kĩni kè lán m̀lèna ke s̀g̀g̀panaa bàme. ² Tó ma annabikeyá'ona gba lè, tó ma yá s̀inda pínki asiri mà, akúsõ má dõna pínki vĩ, tó ma ludanaanikènaa kà mà kpi go a tía, tó má yenyĩ vĩro, pòken ma úro. ³ Tó ma pó kú má vĩno kpàate takasidenõne pínki, tó ma tò ò té s̀õma, tó má yenyĩ vĩro, à àre vĩmènero.

⁴ Yenyĩ mena vĩ, à gbèke vĩ. Yenyĩ dì gõba kpá kúńworo, àdi a zĩda biro, àdi ìa dāro. ⁵ Àdi wé'i dammaro, àdi a zĩda yá wetero, àdi fènyĩ likalikaro, àdigõ ní yá kúna a nèsee gũnlo. ⁶ Àdi yáa dõ yá vāniaro, àdi ponna ke kú yāpuraome. ⁷ Yenyĩ dì yá s̀inda pínki fõ, àdi yá s̀inda pínki náani ke, àdigõ yá s̀inda pínki tãmaa vĩ, àdi mena kú yá pínkio.

⁸ Yenyĩ lakana vĩro. Ama tó annabikeyá'onaame, ani láka, tó s̄ yākeburi'onaame, a lé ni ze, tó dõnaame, ani gē zéla. ⁹ Zaakū ó dõna kú ó annabikeyá'onaao dí paparo. ¹⁰ Tó yāpapana goro sù, a kú adi paparo ni gē zéla. ¹¹ Kú má de né fiti ū, madì né fiti yā o, madì né fiti laasun lé, madì yā gwa lán né fiti bà. Kú ma ke gbè òndõna ū, ma ɔ gbàre néfitikeyāi. ¹² Tera la óten gu e dígi gūn b̄uruburu, zĩ birea s̄ óni wé sikõle. Tera la ma dõna dí paparo, zĩ birea s̄ mani yā dõ swáswa lákú Luda ma dõ ná. ¹³ Tera sà yā mèn aakõ dínõ mé ò ḡõ: Ludanaanikèna kú tãmaaao kú yenyĩ, ama yenyĩ mé à deńla.

14

Yakeburi'ona kú annabikeyá'onaao

¹ À tó yenyĩ doáre are, à wé pé Luda Nini gbanɔa, atēnsa annabikeyá'onaao. ² Gbè kú àten yáke buri o ten yā o kú gbēnõnlo, sé Luda, zaakū gbèke ten maro, àten asiriyā o kú Luda Nini gbānaome. ³ Gbè kú àten annabikeyā o ten yā o kú gbēnõome, àteni ní gba gbāna, àten lé dammame, àteni ní nèse kpáteńneme. ⁴ Gbè kú àten yáke buri o teni a zĩda karamè, gbè kú àten annabikeyā o ten s̄osi gbēnõ karamè. ⁵ Má ye à yáke buri o á pínki, ama má ye à annabikeyā o de abirekúla. Annabikeyá'ori de yākeburi'orila, séto óten b̄okote de s̄osi gbēnõ le ò kara.

⁶ Ma gbēnõ, tó ma suái, akū ma yáke buri ò kááo, b̄ó àreen à vĩáree? Séde ma yá'ona ḡõ de yāwewēna ū ke dõna ke annabikeyá'ona ke yādannena. ⁷ Len à de le kú p̄õborinõ dõ. Úra ke m̄oro, tó àten ū bo súsuro, oni le ò dõ deran àten o ná yá? ⁸ Tó kákaki ū dí bo súsuro, sozanõ ni zĩ soru kero. ⁹ Lemè ákõnõ se, tó áten yáke buri o, akū óten maro, deran oni yā kú àten o gbá dõ nàa? Á yā ni gē ìame. ¹⁰ Yānõ buri dasi andunia gūn, ní ke b̄okotenaa sariro. ¹¹ Tó óten buri kú madì a yā maro o, manigõ de a òriine gbè žĩtõ ūme, akúsõ anigõ demene gbè žĩtõ ū se. ¹² Lemè ákõnõ s̄, lákú á kokari vĩ kú Luda Nini gbanõ ná, à kokari ke àgõ géo are, de s̄osidenõ le ò kara.

¹³ Abire yāi yākeburi'ori wé ke de à le à yā kú àten o b̄okote. ¹⁴ Tó ma adua kè kú yáke burio, ma nini mé à kè, ma laasun dí domene arero. ¹⁵ T̄õ, yā pì de deramee? Mani adua ke kú ninio, mani ke kú laakaríio dõ. Mani lè sí kú ninio, mani sí kú laakaríio dõ. ¹⁶ Tó n Luda tó nna sí kú ninio, deran gbè dufu kú à kú gwe ni pi, aami, sáabu kú n kpà yā musuu? Zaakū adi yā kú n òo d̄rõ d̄ro. ¹⁷ Bee tó n sáabu kpà a zéa, adi n Yesude dake gbāna kararo. ¹⁸ Ma Luda sáabu kè, kú madì yáke buri o deála á pínki,

19 ama kŏkakaranaa gŭn tŏ ma yā mèn sɔɔro ò kŭ laakarrii, ma yā dàońe, à manamene de mà yā mèn ũgbangba o kŭ yāke buriola.

20 Ma gbēnɔ, á laasun sŭngŏ de lán nénɔ pŏ bàro. Àgŏ de lán né fitinɔ bà yāvānikena musu, ama á laasun gŏ de gbē ũndŏnanɔ pŏ ũ. 21 Á kēna Luda yān ò pì:

Mani buriyā pānde o gbē dīkīnanɔne gbē žītɔnɔ lén, bee kŭ abireo oni sā kpá ma yāiro.

22 Abire yāi yākeburī'ona de sēda ũ Yesu nāanikerinɔnero, sé Yesu nāanikerisarinɔ. Len dɔ annabikēyā'ona dí ke Yesu nāanikerisarinɔ pŏke ũro, sé Yesu nāanikerinɔ. 23 Tŏ sɔsi gbēnɔ kŏ kākara n pínki, akŭ òten yāke buri o n pínki, tŏ gbē dufunɔ ke Yesusaridenɔ sù gwe, oni pì ĩa kāmmanloo? 24 Tŏ gbē sīnda pínki ten annabikēyā o sŏ, akŭ Yesusaride ke gbē dufu sù gwe, ani n pínki yāze dŏ à taari e, 25 asiriya kŭ à kŭ a nēsen ni bo gupuraa, ani wŭte a gbere a mī nate Ludane, gbas a pi Luda kŭ á té yāpura.

Donyīkena zé

26 Oni pi deramee ma gbēnɔ? Tŏ a kŏ kākara, á baadi gŏ lè vī ke yādannena ke yāwewēna ke yākeburī'ona ke yāke buri pì bŏkɔtenaa. Á a pínki ke, de gbēnɔ le ò kara. 27 Tŏ òten yāke buri o, gbēnɔn pla ke aakŏ, àsun de abirekŭlaro. Ò kŏ gba zé, gbē mèn do bŏkɔte. 28 Tŏ a bŏkɔteri kunlo, à lé nakŏa kŏkakaranaa gŭn, à a pŏ o ado kŭ Ludao. 29 Annabikēyā'orinɔ gbēnɔn pla ke aakŏnɔ yā o, gbē kparanɔ laasun lé n yāa. 30 Tŏ Luda yā sù gbē kŭ à vutena, gbē kŭ àten yā o yīte. 31 Á pínki áni fŏ à annabikēyā o dodo, à yā dadakŏne á pínki, à kŏ kara. 32 Sé annabikēyā'orinɔ gŏ n lé kŭna dŏ, 33 zaakŭ Luda ye yā yāaairo, sé a zéde.

Lákŭ sɔsi gbēnɔ dí ke wēte kŭ wēteo nà pínki, 34 nɔgbēnɔ gŏ yītena kŏkakaranaa gŭn, zaakŭ ò yā'ona zé vīro. Ò mī nate, lákŭ ò ò Musa doka gŭn nà. 35 Tŏ ò ye ò yāke dŏ, ò n zā gbekai be, zaakŭ nɔgbē yā'ona kŏkakaranaa gŭn bi wé'iyāme. 36 Á kīnaan Luda yā bŏn yā? Ke á mèn do yāin à sŭu?

37 Tŏ gbē ten da annabikēyā'orinɔ a ũ ke gbē kŭ Luda Nini done are, àgŏ dŏ kŭ yā kŭ ma kēáre pì bi Dikiri yāditenaa. 38 Tŏ gbē pā kpà adii, oni pā kpái se. 39 Abire yāi ma gbēnɔ, à wé pé annabikēyā'onaaa, ama àsun gí yākeburī'onaaairo. 40 Á yā sīnda pínki ke a zéa sŭsu.

15

Kirisi vuna gan

1 Ma gbēnɔ, baaru nna kŭ ma kpàáre, kŭ a sī a zeon, má ye mà era mà dŏágu. 2 Baaru nna pì mé ani á sura ba, tŏ á waazi kŭ ma kēáre pì kŭna. Tŏ lenlo, á Yesunaanikena kè pāme. 3 Yā kŭ à deńla kŭ ma sī, ma dàáren dí: Kirisi gá ó durunna yāi, lákŭ à kēna Luda yān nà. 4 Ò a vī, akŭ à fŭte a gŏro aakŏde zī, lákŭ à kēna Luda yān nà. 5 Á a zīda mŏ Pitane, akŭ à a zīda mŏ a ĩba gbēnɔn kuri awēplanɔne dɔ. 6 Abire gbera à a zīda mŏ ó gbēnɔne kŭ ò kŏ kākara gu dokŏnɔn, ò de gbēnɔn wāa pla kpé basɔrola. N daside kun ari tera, ama n gbēkenɔ andunia tŏ. 7 Abire gbera à a zīda mŏ Yamisine, akŭ à a zīda mŏ žīrinɔne n pínki. 8 N pínki gbera à bŏ à sŭmai, ma gŏ lán né kŏnɔsena ba. 9 Zaakŭ Luda žīrinɔ té makŭme kpé, mádi ká ò ma sīsi žīriro, zaakŭ ma wari dŏ sɔsi gbēnɔ. 10 Gba kŭ Luda dàmenɔ yāi má de

gbē kū má de a ũ ũ, akūsō gba kū à dàmene pì ginaro, zaakū ma kokari kè deńla ń pínki. Makū mé ma kèro, gba kū Luda dàmene mé à tò ma kè. ¹¹ Tò, à bò ma kīnaan yá ke ń kīnaa, yá kū óteni a waazi ke a sin gwe.

Gènŋ vuna gan

¹² Lákū óten Kirisi futena gan waazi ke nà, à kè dera á gbēkenŋ dī o gènŋ ni vuroo? ¹³ Tó gènŋ ni fute ganlo, de Kirisi dí vuro. ¹⁴ Tó Kirisi dí vuro sō, de ó waazikenaa kè pā, akūsō á Kirisi náanikenaa kè pā, ¹⁵ o gō Luda sēedade ékedenŋ ũ, kū o ò à Kirisi vù yāi. Zaakū tó gènŋ dī vuro, de Luda dí a vuro. ¹⁶ Tó Luda dī gènŋ vuro, de Kirisi dí vuro. ¹⁷ Tó Kirisi dí vuro, á Kirisi náanikena àre vīro, akū á kú á durunna gūn ari tera, ¹⁸ gbē kū ò andunia tò Kirisi gūnnŋ sō, ò sàte. ¹⁹ Tó ó konna kū wëndiio dí yāin ó wé dŋ Kirisii ado, de wëndadenŋ ó ũ de gbē sīnda pínkila.

²⁰ Yápura gūn Kirisi fute bona gan, àkū mé à gāvuvu káaku ũ gbē kū ò wùte ò i ònŋ té. ²¹ Lákū ga bò bisāsiri gāi nà, len gènŋ vuna bò bisāsiri gāi le. ²² Kunna Adamu buri ũ tò ga dà gbē sīnda pínkila. Lemé dŋ gbē kū ò kú Kirisi gūnnŋ ni wëndi le ń pínki. ²³ Baadi kū a gɔɔɔmɛ. Kirisi mé à gāvuvu káaku ũ, a gbera a gbēnŋ ni vu a sugɔɔa. ²⁴ Gbasa gɔɔ lé ká, Kirisi ni kíkè mì de pínki kū dokanŋ kū gbānanŋ, ani a kpata tó De Ludanɛ. ²⁵ Séde Kirisi gō kí ble ari Luda gō a iberenŋ ke a tintin ũ. ²⁶ Iberɛ kū ani a kakate kpekpe me ga ũ, ²⁷ zaakū Luda pŋ sīnda pínki nà Kirisine a ɔī. Kū à pì, pŋ sīnda pínki kú a ɔī, ó dŋ kū Luda kū à pŋ sīnda pínki nàne a ɔī pìi baasime. ²⁸ Tó à pŋ sīnda pínki nàne a ɔī, àpìi Né kū à pŋ sīnda pínki nàne a ɔī pì ni mì natene, Luda pì nigŋ de a pínki ũ pŋ sīnda pínkine.

²⁹ Gbē kū òdi da'ite ke gènŋ gēne ũ sŋ bi? Tó gènŋ dī vu yápuraro, bŋyāi òdi da'ite ke ń gēne ũu? ³⁰ Ókōnŋ sŋ, bŋyāi odigŋ ó zīda da kari gūn gɔɔ sīnda pínkii? ³¹ Kū ía kū madi dā á yā musu konna Kirisi Yesu ó Dikiri gūnwŋ, madigŋ kú ga léime lákū gu dí dŋ nà. ³² Tó ma zīda yāin ma ɔsi kài kū nòbŋ pāsīnŋ zaa Éfesu, bó àreen à vīmenɛ? Tó gènŋ ni vuro, ò pŋ ble, ò í mi, zaakū óni ga ziamɛ.

³³ Àsun tó ò á sātero, gbēnna vāni dī dà mana yakame. ³⁴ À su á laakariia sūsu, àsun durunna ke doro, zaakū á gbēkenŋ Luda dŋro. Ma abirekū ò de à á wé'iyā dŋ yāime.

Gāvuvu mē

³⁵ Gbēkenŋ ni pì, gènŋ ni vu deramɛ? Mè kpate takan onigŋ vīi? ³⁶ Yōnkŋ yāme! Odì pŋ tŋ à bŋte fšmbabonaa sariro. ³⁷ Tó ò pŋ tŋ, gbadon yoo ke pŋwe pānde, àdi bute pŋwe pì ũro. ³⁸ Luda dī tó à bute lákū à dīte nāme, baadi kū a burio. ³⁹ Pŋ wëndidenŋ pínki mè dokōnro. Bisāsiri pŋ ado, nòbŋnŋ pŋ ado, bānŋ pŋ ado, kpŋnŋ pŋ ado. ⁴⁰ Ludambe pŋnŋ kun, andunia pŋnŋ kun. Ludambe pŋnŋ gakuri ado, andunia pŋnŋ gakuri ado. ⁴¹ Ifāntɛ gakuri ado, mŋvura pŋ ado, susunenŋ pŋ ado. Bee susune pìnŋ ń gakuri adonadona kŋomɛ.

⁴² Len anigŋ de le gènŋ vuna gɔɔ zī. Òdi gè vī à vā, ani vu vānaa sari. ⁴³ Òdi gè vī bēereɛ sari, ani vu kū gakurio. Òdi gè vī gbāna sari, ani vu kū gbānao. ⁴⁴ Òdi gè vī kū andunia mēɛo, ani vu kū wëndi kū àdi lákaro mēɛo. Lákū andunia mè kun nà, lemé wëndi kū àdi lákaro mè kun le dŋ. ⁴⁵ À kēna Luda yān ò pì, gbē káaku Adamu gŋ gbē bēne ũ, ama Adamu kpɛde gŋ Nini wëndikpammari ũ. ⁴⁶ Adi ke wëndi kū àdi lákaro mè mé àdi do arero,

andunia mè mé àdi do are, a gbera sà wèndi kù àdi lákaro mèe. ⁴⁷ Bisásiri káaku bò búsutiti gūmme, a plade bò ludambeme. ⁴⁸ Gbē kù ò de zīte p'ò ùnò bòkōa kù gbē kù à bò zītenwo. Gbē kù ò de ludambeme p'ò ùnò bòkōa kù gbē kù à bò ludambemo. ⁴⁹ Lákù ò de gbē kù à bò zīten taka ũ nà, len ónig'ò de gbē kù à bò ludambeme taka ũ le se.

⁵⁰ Yá kù ma òon dí ma gbēnò. Tó kpata kù à bò Luda kīnaa bò gupuraa, óni le ò ble kù ó mèero. Óni le òg'ò kù gu kù àdi vāro gūn kù ó mè kù àdi vāoro. ⁵¹ À ma, mani asiriyá oáre. Óni ga ó pínkiro, ama óni li ó pínki ⁵² kánto lán wé'ipakenaa bà kákáki kpede pena zī. Zaakū kákáki ni ũ bo, gènò ni vu vānaa sari, ókōnò s'ò óni li. ⁵³ Séde ó mè kù àdi vā dí gē a kù àdi vāro gūn. Séde ó mè kù àdi ga dí gē a kù àdi garo gūn. ⁵⁴ Tó ó mè kù àdi vā gē a kù àdi vāro gūn, akūs'ò mè kù àdi ga gē a kù àdi garo gūn, akū yá kù à kēna Luda yān dí ni papa ò pi:

Ò zīi blè gaa, à mì dè.

⁵⁵ Ga, n zīblena tón deraa?

Ga, n sēwe kù māmeme?

⁵⁶ Durunna mé à ga sēwe ũ, durunna gbāna s'ò àdi bo doka gūmme. ⁵⁷ Ò Luda sáabu ke, kù àdi tó ò zī ble ó Dikiri Yesu Kirisi gāi. ⁵⁸ Abire yāi ma gbē yenyīdenò, à ze gbāna gíngin bona kù kpeo sari. À wé t'á Dikiri zīa g'oro sīnda pínki, zaakū á d'ò kù zī kù áten ke Dikirine páro.

16

P'olu wēt'egenā sorukenāa

¹ Luda gbēnò kámazakenaa yá musu, lákù ma ò Galatia b'usu s'osino gbēn'one nà, à ke le se. ² Azumanenna kù azumanenna ó baadi g'ò g'ò kù à lè a gbāna lén bo adona, àg'ò kakara de àsun kámaza pi wete g'oro kù ma suro yāi. ³ Tó ma su, mani gbē kù a n' d'ite ò g'énò zī Yurusalemu kù takadao kù kámaza kù a kákara piio. ⁴ Tó à kù mà g'eme s'ò, oni gé zeme.

Yá kù P'olu kpákpa à kenò

⁵ Tó ma b'ote kù Masedonia b'usuuo, mani su á kīnaa, zaakū mani pá Masedonialame. ⁶ Maten kpákpa mà g'or'opla ke kááo. Bee bunsire se manig'ò ye mà ble kááo, áni gé zemenene gu kù mani gén. ⁷ Tera la má ye mà g'et'awala fàaro, maten kpákpa mà g'or'opla ke kááo, tó Dikiri wè. ⁸ Mani g'ò Efesu ari Pentik'osi dikpe zīme, ⁹ zaakū Luda zé b'omenene manamana mà zī mana ke, akūs'ò ma iberenon dasi.

¹⁰ Tó Timoti sù à sù, àsun kene búgubugu à vīna keárero, zaakū àten zī ke Dikirine lán ma bàme. ¹¹ Á gbēke sún a gya boro. À zàna kene de à le à ká ma kīnaa aafia, zaakū makū kù ma gbēnò ó wé doi.

¹² Ó gbēndo Apolo s'ò, madig'ò nakaraa g'èn baaak'ò à su à á gwa kù ó gbē kparanò. À ye sunaai g'īaro. Tó à zé lè, ani su.

Lédammana kpekepe

¹³ Àg'ò kù á laakariia, àg'ò zena Yesunaanikenaa gūn. Àg'ò w'or'og'ò vī, àg'ò gbāna. ¹⁴ À yá sīnda pínki ke kù yenyiō.

¹⁵ Á Setefana bedenò d'ò, kù m'ókōnò mé ò Yesude káakunò ũ Girisi b'usun, akù ò n' zīda kpà òg'ò kpá Luda gbēn'oi. Ma gbēnò, ma wé k'áwa, ¹⁶ à mì nate gbē bire takan'one kù gbē kù òten kokari ke l'ele zī dok'ònò pii gūnnò n' pínki. ¹⁷ Ma p'ò kè nna Setefana kù F'otunatuo kù Akaikuo sunaaa, zaakū ò

gōmene á gēne ūme. ¹⁸ Ò tò ma laakarīi kpàte kŭ á pŏo. À bèere lí gbē bire takanōne.

¹⁹ Asia bùsu sŏsinŏ gbēnŏ fŏ kpàáwa. Akila kŭ Pirisilao kŭ sŏsi gbē kŭ òdi kŏ kakara n̄ beanŏ fŏ kpàáwa manamana Dikiri gŭn. ²⁰ Ó gbē kŭ ó leelenŏ fŏ kpàáwa á pínki. À fŏ kpákŏa kŭ Luda gbēnŏ lépemmaaao. ²¹ Makŭ Pŏlu, ma ŏgben dí. Ma fŏ kpàáwa. ²² Tó gbēke ye Dikiriīro, Luda láari boa. Ó Dikiri ten su. ²³ Dikiri Yesu gbēke keáre. ²⁴ Má yeái á pínki kunna Kirisi Yesu gŭn.

KŌRINTIDENŌ TAKADA PLADE

Pɔlu kŭ Kŏrinti Yesudenŏ 1:1-7:16

Yudea Yesudenŏ káamazakɛnaa 8:1-9:15

Pɔlu gina kŭ a zídao 10:1-13:14

Laakarikpatɛnaa

¹ Makŭ Pɔlu, Kiriſi Yesu zìrii Luda pɔyenyĩnaa gŭn kŭ ó gbɛ Timotio, ókɔnɔ mé o takada dí kɛ sɔsi gbɛ kŭ ò kŭ Kŏrintinɔne kŭ Luda gbɛ kŭ ò kŭ Giriſi bŭsunno ñ pínki. ² Luda ó De kŭ Dikiri Yesu Kiriſio gbɛke keáre, à á gba aafiaa.

³ Ò Luda ó Dikiri Yesu Kiriſi De sáabu kpá, De Luda wɛndadɔnnɛri nɛsekpatɛrii pii. ⁴ Ádi ó laakari kpátewɛre ó wétámmana sɛnda pínki gŭn, de ò le ò gbɛ kŭ ò kŭ bee wétámmana kpate taka buri gŭnnɔ laakari kpátɛne se kŭ laaakarikpatɛbɔ kŭ Luda ó laakarii kpátewɛre. ⁵ Lákŭ wari kŭ Kiriſi kɛ di liwáí nà, lemɛ dɔ ó laakarii di kpátɛ manamana Kiriſi yáí. ⁶ Tó óten wari dɔ, á laakarikpatɛna kŭ á surabanaao yáime. Tó Luda ó laakarii kpátɛ, á laakarikpatɛna yáime, de à le à wari dokɔnɔ kŭ óten ke fɛ. ⁷ Ó tãmaa vĩ á yã musu sikaa sari, zaakŭ ó dɛ lákŭ á bàka kŭ kŭoo warikɛnaa gŭn nà, len á bàka kŭ kŭ ó laakarikpatɛnaao le dɔ.

⁸ Ó gbɛnɔ, ó ye àgɔ dɛ lákŭ ò ó wé tà Asia bŭsun nà. Ò mɛɛ ùwá manamana de ó gbána léla, bee ó wɛndi ó wé dɔi sero. ⁹ Yã dàòla, óten da o game. Abire ó lé, de òsun ze kŭ ó zída gbánaoro, séde Luda kŭ ádi gɛnɔ vu gbána. ¹⁰ À ó bó kari zɔkɔ gŭn, akusɔ ani ó bon. Àpiin ó wé dɔi à ó bon dɔ ¹¹ adua kŭ áten kɛwɛre gáí. Lemɛ gbɛnɔ ni sáabu kenɛ dasi ó yã musu gbɛke kŭ à kɛwɛre yáí gbɛ dasinɔ aduakɛna sabai.

Pɔlu tá gboronaa

¹² Yã kŭ odi a ãa dãn dí: Ó laasun ten owɛre, kŭ Luda gbánao ó kŭ kŭ nɛsepuraao manafiki sari andunia gŭn, atɛnsa á kĩnaa. Andunia ɔndɔn ó kúoro, séde Luda gbɛke. ¹³ Odi takada ke kɛárero, séde a kŭ áni a kyó ke à dɛ baasiro. ¹⁴ Lákŭ á ó dɛ nà fíti tera, má ye à ó dɛ sãnsãn, de à ãa dá ó yã musu Dikiri Yesu sugɔɔ zĩ, lákŭ óni dá á yã musu nà.

¹⁵⁻¹⁶ Yã pi náanikɛnaa gŭn ma dìte yã, tó matɛn gé Masedonia, mà bɔte á kĩnaa mà á gwa káaku, mà era mà su kŭ á kĩnaao de à arubarika le gɛn pla, gbasa à kpámai ma Yudea genaa gŭn. ¹⁷ Kŭ ma tá bire dìte, ma yã futɛ kɛn yá? Tó ma dìte mà yã ke, andunia yã di domɛne arɛ mà pi, ee, ee ke oi, oin yá? ¹⁸ Lákŭ Luda náani vĩ nà, yã kŭ o òáre bi eemɛ, adi ke oinlo. ¹⁹ Luda Né Yesu Kiriſi kŭ makŭ kŭ Silasio kŭ Timotio o a yã waazi kɛáre bi gbɛ kŭ ádi pi eemɛ, adi ke oinlo, ákŭmɛ Luda ee ũ. ²⁰ Zaakŭ lé kŭ Luda gbɛ sɛnda pínki yápura di ke a gŭmmɛ. Abire yáí kŭ Yesu Kiriſi tɔo òdi pi, aami, Luda tɔbona yáí. ²¹ Luda mé à ó zĩni pɛte Kiriſi gŭn kŭ ákɔnɔ, à ó dìte a pɔ ũ, ²² à a sèdaa kɛwá, à a Nini dà ó swɛn pɔ kŭ óni le zenkpeke ũ.

²³ Luda ma nɛse dɔ, ákŭmɛ ma sèedade ũ. Kŭ má ye mà á bobo á dànlo yáin mádi Kŏrinti doru. ²⁴ Adi ke óten gbána moáre á ludanaanikɛnaa musunlo, zaakŭ a zĩni pɛte kò, óten zĩ ke kááo á pɔnna yáime.

2

¹ Akū ma zεo kū mani su á kīnaa kū nēsɛyakanaao doro. ² Tó ma tò á nēsɛɛ yàka, dí mé ani ma pɔ ke nnaa, tó adi ke ákɔnɔ kū ma á nēsɛɛ yàkaárenɔ baasiroo? ³ Ma takada kèáre le, de tó ma su á gwa, ákɔnɔ kū á de à ma pɔ ke nnanɔ sún ma nēsɛ yakaro yáime. Má dɔ sánsán kū ma pɔnna bi á pínki pɔnname. ⁴ Ma takada pii kèáre wari gūn kū pɔsira zókɔɔo kū wé'i dasio, adi ke de á pɔ yaka yáinlo, de àgɔ dɔ lákū má yeáí nà yáime.

Sùrukena kū taarideo

⁵ Tò, tó gbēke nēsɛyakana yā kè, adi ke ma nēsɛɛn à yàkaro, á gbē sīnda pínki pómɛ à yàka, ke á gbēkenɔ, de māsun o à gē onalaro. ⁶ Wari kū á daside dɔ gbē piia mɔa. ⁷ Abire yāi à sùru ke káao tera sà, à a laakari kpátɛnɛ, de a pɔsira kori sún a dɛro yāi. ⁸ Abire yāi ma kúte kèáre, à mɔnɛ súsú kū á yei. ⁹ Akū mé à tò ma takada birekū kèáre, ma lí pètɛoáwa, de mà le mà dɔ tò á yā kū ma òáre kūna pínki. ¹⁰ Tó a gbē kè kū a taario, madì ade kè se. Zaakū tó ma gbē yā kènɛ, tó yáke sù à kun, madì ke á yāi Kirisi are, ¹¹ de Setan sún ɔndɔ kewɛɛro yāi, zaakū ó a manafikinɔ dɔ.

Luda zīkerinɔ

¹² Kū ma ka Toroasi de mà Kirisi baaru nna kpá, Dikiri zé bòmɛnɛ, ¹³ ama ma laakari kpatɛnaro, kú mádi ma gbēndo Titu lero yāi. Akū ma lé zà'mma gwe, ma da Masedonia zén.

¹⁴ Ma sáabu kè kū Ludao, zaakū àdigɔ dowɛre are gɔrɔ sīnda pínki, odigɔ zīblierinɔ ũ Kirisi gūn, odì a dɔna gbī dagula gu sīnda pínkia. ¹⁵ Zaakū ó de turaretiti gbīnnade kū Kirisi kpàta Ludanɛ ũ gbē kū àteni í sura banɔ té kū gbē kū ò sàtenanɔ. ¹⁶ Ó de gè gbī ũ gbēkenɔnɛ, akū àdi ga ínɛ. Ó de wèndi gbī ũ gbē kparanɔnɛ, akū àdi wèndi ínɛ. Ó dí mé à kà à zī bire keɛ? ¹⁷ Ó de lán gbē kū òdigɔ laga tá kū Luda yāonɔ bàro. Kirisi gūn odì yā o kū nēsɛpurao kū Luda dɔnaao a zīrinɔ ũ.

3

¹ O ɛra óteni ó zīda sáabu kpán yá? Ó bàka kú kú sèeda takada kú ò kèáre ke kú a kèínɛo lán gbēkenɔ bàn yá? ² Ákɔnɔmɛ ó takada pì ũ kú à kèna ó swèɛa. Gbē sīnda pínki ni fɔ à dɔ à a kyó ke. ³ Áten mɔínɛ gupuraa kú ákɔnɔmɛ takada kú Kirisi kè à nàwɛre ó ɔí ũ. Adi takada pì kè kú tawadaaoro, à kè kú Luda Wèndide Niniomɛ. Adi kè gbè anloaro, à kè á swèɛame.

⁴ Yā kú ó a náani vīn gwe Luda are Kirisi gāi. ⁵ Adi ke o ka ó zīdanɛ ò pi, yā pìi bò ó kīnaanlo, Ludamɛ ó gbāna ũ. ⁶ Akū mé à ó káa, akū ó de a bàka kunna kú gbēnɔ dufu zīkerinɔ ũ. Adi ke doka kú à kènanlo, Luda Nini yāme. Zaakū doka di ga ínɛ, Nini pì sɔ, àdi wèndi ínɛ.

⁷ Kū Luda doka kè gbè anloa, a gakuri bò Musa ánnwa. Bee kú a tékena dí gí kero, Isarailanɔ dí fɔ ò gwáro. Tó zé kú àdi ga ínɛ pìi bò kú gakuri bire takao, ⁸ oni Nini pì zé gakuri yā o dɔ yá? ⁹ Tó zé kú àdi yā dańla gakuri vī, zé kú àdi tó yā bo kúnwo nna gakuri deala zà. ¹⁰ Pɔ kú à gakuri vī yā gakuri vī doro, gakuri kú à deala pì yāi. ¹¹ Tó pɔ kú adi gí kero bò kú gakurio, pɔ kú àdigɔ kun gakuri deala zà.

¹² Zaakū ó támaa bire taka vī, odì yā o kú swègbānao, ¹³ adi ke lán Musa bàro, kú à fáta kú a ánnwa de Isarailanɔ sún a án tékena kú àdi gí kero

lakana ero yāi. ¹⁴ Ama n̄ s̄a gb̄ana, zaakū ari gb̄ara tó òt̄en Luda bàka kunna kũnwo takada kyó ke, fáta dok̄n̄o p̄i diḡs̄ kú n̄ laasunlam̄e. Àdi goro, séto gb̄e kú Kirisi gūn baasiro. ¹⁵ Ari kū a terao tó òt̄en Musa takada kyó ke, fáta p̄i diḡs̄ kú n̄ laasunlam̄e. ¹⁶ Ama tó gb̄e ar̄e d̄ò Dikiria, fáta p̄i d̄i goa. ¹⁷ Dikiri p̄iime Luda Nini ũ, akūs̄s̄ gu kū Dikiri Nini p̄i kún, àdi tó ò ḡs̄ n̄ z̄idan̄e. ¹⁸ Ók̄n̄o kū p̄s̄ gò ó ànnwan̄o, ót̄en Dikiri gakuri m̄oñne lán dígi bà, odiḡs̄ li lán a bà gakuri ḡs̄ kara gakurila. Dikiri kū à de Luda Nini ũ p̄i kenaan gwe.

4

Luda z̄irin̄o z̄i

¹ Abire yāi lākū Luda z̄i bire dàw̄ere a s̄uruu gūn nà, odì kpasaro. ² O ɔ gb̄are asiri w̄é isariyān̄o, odì yā ke kū manafikiro, akūs̄s̄ odì Luda yā kotiro. Odì yāpura oñne s̄usu, de ò ó z̄ida m̄o gb̄e s̄inda p̄ínkin̄e Luda ar̄e. ³ Tó baaru nna kū ót̄en kpá utename, gb̄e kū ò s̄ātenan̄on à utenañne. ⁴ Zaakū andunia dík̄ina dikiri Yesusariden̄o w̄é v̄ina kũñne, de òsun baaru nna sí, Kirisi kū à de Luda taka ũ gakuri gu puñnero yāime. ⁵ Ó z̄ida kp̄akpan ót̄en kero, Yesu Kirisi dikirik̄e kp̄akpan ót̄en ke, akūs̄s̄ ót̄en z̄ò bleáre a yāi. ⁶ Luda p̄i, gu pu gusiran, akū à gu p̄ù ó sw̄èn le d̄o. Gupura p̄i de a gakuri kū àt̄en té ke Kirisi ànnwa d̄ona ũ.

⁷ Ó aruz̄eke bire v̄i ó mè kū ò de lán ̄e oro hàn̄o gūn, de ò le ò d̄s̄ kū gb̄ana z̄s̄k̄o p̄i bò Luda k̄inaame, adi ke ó k̄inaanlo. ⁸ Òdiḡs̄ wari d̄owá kpa s̄inda p̄ínkia, bee kū abireo odì fuaro. Òdi bídi ke, ama ó t̄amaa d̄i lākaro. ⁹ Òdi w̄é t̄awá, ama Luda d̄i ó tónlo. Òdi ó p̄āte, ama odì garo. ¹⁰ Goro s̄inda p̄ínki ó kú Yesu ga taka buri léi, de a kunna le à p̄isi ó mèea yāi. ¹¹ Zaakū ók̄n̄o kū ó b̄ēnen̄o odiḡs̄ kú ga léi Yesu yāi, de a kunna le à p̄isi ó mè kū ani gaa yāi. ¹² Len ga p̄i ten z̄i ke ó gūn le, akūs̄s̄ w̄èndi ten z̄i ke á gūn. ¹³ À k̄ena Luda takadan ò p̄i: Má Luda náani v̄i, akū ma yā ò. Ók̄n̄o s̄s̄, o Luda náani dok̄n̄o p̄i k̄e, akū ót̄en yā o a yāi. ¹⁴ Zaakū ó d̄s̄ kū lākū Luda Dikiri Yesu v̄u gan nà, ani ó vu k̄āo gan se, ani ó k̄āte a ar̄e leeke kū ák̄n̄o. ¹⁵ Yā d̄ín̄o p̄ínki teni ó lé á yāi, de Luda gb̄ēke kū àt̄en li gb̄ēn̄o dasi le a s̄ábukpana kara a t̄obona yāi.

W̄éd̄ona mè dufui

¹⁶ Abire yāi odì kpasaro. Bee tó ó mè ten kakate, ó nini diḡs̄ dufu kū lākū gu diḡs̄ d̄o nà. ¹⁷ Ó w̄ét̄amma goro do leekeenle dík̄ina ten gakuri z̄s̄k̄o kū àdi lākaro iw̄ere, kū adi sí lek̄aro. ¹⁸ Ó w̄é pé p̄s̄ kū òdi w̄é s̄ialero, sé p̄s̄ kū òdi w̄é s̄ialero. Zaakū p̄s̄ kū òdi w̄é s̄iale bi goro pla p̄ome. P̄s̄ kū òdi w̄é s̄ialero s̄s̄, àdiḡs̄ kun goro s̄inda p̄ínki.

5

¹ Ó d̄s̄ kú tó ó s̄ò kū ó kun kp̄é ũ andunia dí gūn yàka, Luda ni kp̄é kū odi bo kū ɔoro kp̄awá a b̄ea ari goro s̄inda p̄ínki. ² Tera s̄s̄ odì nda s̄òo p̄i gūn, ó ye ò ludambe p̄s̄ p̄i da, ³ zaakū tó o bo s̄on, óniḡs̄ kun mèe sariro. ⁴ Goro kū ó kú s̄ò dík̄ina gūn, odì nda lākū ó aso s̄ena bà. Adi ke ó ye ò bo a gūnnlo, ó ye ò ludambe p̄s̄ dame, de w̄èndi ó s̄ò kū ani ga p̄i m̄s̄. ⁵ Abire yāin Luda ó soru kei, akū à a Nini kp̄awá p̄s̄ kū óni le zenkp̄eke ũ.

⁶ Abire yāi ó sw̄èe diḡs̄ gb̄ana. Ó d̄s̄ goro kū ó kú mè dík̄ina gūn, ó kú Dikiri k̄inaaro. ⁷ Zaakū ludanaanikenaan ó kúo, adi ke w̄ésinaale yānlo. ⁸ Ó

swèè dìgõ gbàna. Bona sòò pìn gena Dikiri kīnaana ó yei. ⁹ Kunna m̀eè gūnn yá, bona a gūnn yá, odigõ wete ó yá káagu. ¹⁰ Zaakū Kirisi nigõ vutena a tintinnwa, ó pínki óni bo ò ze a are, ani fina bo ó baadine a kunna m̀eè gūnn yákenaa, a mana ke a vāni.

Bisāsirinŋ kēna nna kū Ludao zī

¹¹ Lákū óten vīna ke Dikirine le nà, odì wete gbēnŋ yā pì zé e. Luda ó d̄s sãnsãn, akūs̄ ó ye à ó d̄s á swèn le d̄. ¹² Óteni ó zīda sáabu kpááre d̄nlo, óteni á gba zé à ìa d̄á ó yā musume, de à le à yā we gbē kū àdi ìa d̄á kū m̀eè yāo, adi ke swèè yānloa. ¹³ Tó áten da ó m̀i lite, Luda yāime. Tó ó kú ó d̄rɔɔa, á yāime. ¹⁴ Zaakū Kirisi yenyī mé áten té káogu. O è tó gbē m̀en do gà gbē sīnda pínki yāi, ò gà n̄ pínkin gwe. ¹⁵ À gà gbē sīnda pínki yāi, de gbē kū ò ḡnŋ s̄ungõ kun n̄ zīda p̄ ù doru, séde gbē kū à gà n̄ yāi à vù p̄.

¹⁶ Abire yāi odì gbēke gwa lákū andunia gbēnŋ d̄i gwa nà tera doru. Bee kū ó Kirisi d̄s lákū andunia gbēnŋ a d̄s nà yā, ó a d̄s le tera doru. ¹⁷ Zaakū tó gbē kú Kirisi gūn, à ḡõ gbē dufu ù. A kunna zī ḡète, kunna dufu mé à ḡñe. ¹⁸ Abire b̀ò Luda kīnaame pínki. À ó ké káao nna Kirisi gāi, akū à gbēnŋ kēna nna káao zī dāwēre. ¹⁹ Kirisi gūn Luda andunia kè káao nna gbēnŋ taarinŋ yā danaa sari, akū à gbēnŋ kēna káao nna pì yā nàwēre ó c̄i. ²⁰ Abire yāi Kirisi gēnenŋn ó ù. Luda ten gbēnŋ s̄isi ó gāi. O kúte kèáre Kirisi gbèn, à ke nna kū Ludao. ²¹ Luda tò durunnasaride ḡõ durunna kútekebo ù ó yāi, de kunna a gūn Luda tó yā bo k̄oo nna.

6

¹ Zaakū Luda zīkeri dakenŋn ó ù, o kúte kèáre, àsun Luda gbēke sí à a ke pāro. ² Luda pì:

Ma n yā mà a ḡɔɔa,

ma kpanyī surabana ḡɔɔ.

Ḡɔɔ kà sà, gbārame surabana ḡɔɔ pì ù.

³ Odì yā kū ani tó gbē fu kero, de òsun ó zī taari lero yāi. ⁴ Odì ó zīda m̄õ gbēnŋne zé sīnda pínki gūn kū Luda zīkerinŋn ó ù. Odì mena f̄õ manamana kū takasio kū wario kū wétámmanaa. ⁵ Ó ó gbē, ò ó ká kpésiran, ò f̄utewái. O zī gbàna kè, ódi le o i òro, nà ó dé. ⁶ O m̀ínne kū ǹesepurao kū d̄naao kū s̄uruuo kū manakēnaao kū Luda Ninio kū yenyī manafiki sario ⁷ kū yāpura'onaa kū Luda gbànao. Ó yāmanakeb̄nŋn kūna ó c̄plan kū ó c̄zeo. ⁸ Ódi ó kpe ta, òdi ó kpe bo. Ódi ó t̄s vāni sí, òdi ó t̄s nna sí. Yāpuradenŋn ó ù, akū òdi ó dite manafikidenŋn ù. ⁹ T̄sdenŋn ó ù, akū òdi ó dite lán gbē kū ò n̄ d̄ronŋn bà. Ó b̄neme fá, akū òdi ó dite ḡenŋ ù. Ódi ó dite p̄gbēnanŋ ù, ama òdi ó d̄ero. ¹⁰ Ó p̄õ dìgõ nname, akū òdigõ ó dite p̄saridenŋn ù. Odì gbēnŋ ke aruzekedenŋn ù dasi, akū òdigõ ó dite takasidenŋn ù. Ó p̄õ sīnda pínki vī, akū òdigõ ó dite p̄saridenŋn ù.

¹¹ K̄orintidenŋn, o yā òáre s̄usu, o ó ǹesee w̄éare. ¹² Ódi ó ǹesegūnyā utéarero, ama a á p̄õ ùtewēre. ¹³ Ma yā òáre lán ma n̄enŋn bà. Lákū o ó ǹesee w̄éare nà, à á ǹese w̄ewēre le se.

Àsun ke lele kū Yesusaridenŋoro

¹⁴ Àsun ke dok̄nŋn kū Yesusaridenŋoro. Yā mana bàka ùgba kū a vānioo? B̄sn̄ gupura kū gusirao vī kū k̄oo? ¹⁵ Kirisi yā ni k̄õ sí kū Setan p̄õ

deramεε? Deramε Yesude bàka nigõ kú kú Yesusarideoo? ¹⁶ Luda kpé di kõ sí kú tãnanɔ yá? Zaakú Luda Wèndide kpén ó ù, lákú à ò nà:

Manigõ kú kúnwo, manigõ kure ní té,
manigõ de ní Luda ù,
onigõ de ma gbèno ù.

¹⁷ Abire yáì Dikiri pì:

À kèrúma, àgõ kú ádona,
àsun ɔ na pò gbāsíaro,
mani á sí, ¹⁸ manigõ denε De ù,
ánigõ de ma nэгõgbèno ù kú ma nénɔgbèno.
Dikiri Gbãnasíndapinkide mé à ò.

7

¹ Ma gbè yenyĩdenɔ, lákú Luda lé sèwεre le nà, ò mì kè yá kú àdi mè kú ninio gbà léa mámmam, ò ó konna adona lé papa vĩnakena Ludanε gũn.

Pɔlu pɔ kè Kɔrintidenɔ nna

² À tó ó yá gõ kú á swèn. Ódi taari ke gbèkenεro, ódi gbèke sãtero, ódi gbèke taki kero. ³ Mádi abire o mà yá daálanlo. Ma ò yá kò kú á yá kú ó swèn ò ga leele ke ògõ kun leeleme. ⁴ Má á náanikena manamana, madí lé gbè á yá musu manamana. Ó warikena gũn pínki ma laakari kpatena métεmεte, ma pɔ kè nna à gè ɔla. ⁵ Bee kú o ka Masedonia bùsun, ó mè dí kpátero. Wari likawáì kpa sında pínkia, ò fùtewáì kú fitio, vĩna ó kú. ⁶ Akú Luda kú àdi gbè kú ò bùsano sé lei ó sé lei Titu sunaa gũn. ⁷ Adi ke a sunan adoro, kú a a sè lei yáime ɔ. À pìwεre átεni ma bege ke, á kú dínɔmεne gũn, ma yá á kúna gbãna sà, akú ma pɔnna kàra.

⁸ Bee kú takada kú ma kèáre á nèseε yàka, mádi nèse litero. Kú ma è takada pì á nèseε yàkaáre ɔɔɔ pla, de ma nèse lite yá, ⁹ ama ma pɔ kè nna sà. Adi ke kú ma á pɔ yàkaáre yáinlo, kú á pɔsira tò a nèseε lite yáime. Á nèseyakanaa pìi bò Luda kínaame. Abire yáì ódi ásarú kèárero. ¹⁰ Pɔsira kú à bò Luda kínaa, àdi tó gbè nèse lite à surabana le, ani dínɔmεneε kero. Andunia pɔsira mé àdi ga ínne. ¹¹ À gwa pò kú pɔsira kú à bò Luda kínaa pìi áre. Á mèε wà sà, a gi kú á zĩdao, á laakarii fùte, vĩna á kú, a ma bege kè, a wé tà, a ní sã gà. Yá pìi gũn pínki a á zĩda m̀ínne kú á taari ví yá pìi gũnlo.

¹² Bee kú ma takada pìi kèáre, adi ke gbè kú à taari kè ke gbè kú ò taari kène yáinlo, ma kè Luda dõnaa gũmme, de á yenawáì le à boáre gupuraa. ¹³ Abire yáì ó laakari kpatena. Ó laakari kpatenaa pìi gbera, ó pɔnna kàra manamana Titu pɔnna yá musu, kú á pínki a tò a nini sù yáì. ¹⁴ Ma lé gbène kú á yáo yá, àdi tó wé'ì ma kúro. Lákú o yápura óare yá sında pínki gũn nà, len ó légbèna Titunε kè yápura ù le. ¹⁵ Lákú a bèεεε line nà, a a kpe tà, akúsõ a a yá mà á pínki, tó à d̀ á yá pìin, a yenaáì di karamε. ¹⁶ Ma pɔ dīgõ nna, kú má á náanikena yá sında pínki gũn yáì.

8

Kɔkamazakenaa

¹ Ó gbèno, ó ye àgõ gbèke kú Luda kè Masedonia bùsu sɔsino gbènoεe dõ. ² Ní yõogwanaa kú wétamma pásio gũn, ní pɔ kè nna manamana, akú bee kú ní takaside búgubugueo ò gba dàinne à gè ɔla. ³ Ma óare ò gba dà kú nèse

mèn doo ñ gbāna lén, à de ñ gbānala se. ⁴ Ò wé kèwá ñ zīda, ò kúte kèwεre manamana, ò ñ gba zé ñ ɔ le àgɔ kú Luda gbēno kámazakεnaa gūn. ⁵ Ò kè de pɔ kú ò wé doila, ò ñ zīda kpà Dikiria gīa kú ókɔno dɔ Luda pɔyenyīnaa gūn. ⁶ Abire yāi o wé kè Titua à gé kámaza yá kú à nàa á té lakiti ke. ⁷ Zaakū á gbāna yā sīnda pínki gūn, ludanaanikεnaa kú yá'onaao kú dōnaao kú yā sīnda pínki aniao kú yenyī kú á vī kūooo, àgɔ gbāna kámaza pì kenaa gūn dɔ.

⁸ Adi ke maten yā dīteárenlo, ania kú gbē pāndenɔ kēen maten oáre, de mà á yenyī yápura dɔ. ⁹ Á ó Dikiri Yesu Kirisi gbēke dɔ. Póde inaa gò pɔsaride ũ á yāi, akú a pɔsarideke gūn à á ké pɔdenɔ ũ. ¹⁰ Lákū ma è nà yā pìi musun dí: À kú ákɔno kú a ze kú yā pìio zaa muniyá akúsɔ áten kenɔ, ¹¹ à yā pì lakiti ke sà. Zaakū á soru kè kú a kenaa, à ke á gbāna lén. ¹² Tó gbē gba dà kú nèse mèn doo pɔ kú à vī lén, adi ke kú pɔ kú à vironlo, abire mé àdi ká. ¹³ Adi ke maten aso lago gbē pāndenɔne, maten diárenlo, de à ke leleme. ¹⁴ Tera lán dí bà zaakū pɔ diái, à kpá gbē kú pɔ àdi kíammanɔa, de zīkea tó pɔ dīnyī, akúsɔ pɔ kíááwa, ò kpááwa. Lán abire bà ániḡɔ lele. ¹⁵ Lákū à kēna Luda yān nà ò pì: Gbē kú à sète zɔkɔ pɔ dí dialaro, gbē kú à sète fíti pɔ dí kíaro.

Titunɔyá

¹⁶ Ma sáabu kè kú Ludao, kú à tò á yá kú Titu swèn lákū à kú ma swèn nà se. ¹⁷ Á ó yá mà, a mēe wá à su á gwa, lákū a pɔ yei nà. ¹⁸ Ó gbē do kú a tɔ dàgula sɔsinɔ gbēno té ñ pínki baarunnakpanaa musun o dàne. ¹⁹ Abire gbera dɔ sɔsinɔ gbēno a dà à gé kūoo kámaza zī kú óten ke ke. Óten zī pì ke Dikiri tɔbona yáime kú ania kú ó vīo. ²⁰ Ó ye gbēke ó taari e lákū óten ke nà kú gba zɔkɔ kú à na ó ɔi yáoro. ²¹ Adi ke yá kú à mana Dikirineen óten péa adoro, yá kú à mana bisásirinɔneme se. ²² O ó gbēndo pānde dàinne dɔ. O a laakaríi gwà a lé vīro, o è à ania vī yā sīnda pínki gūn, akúsɔ a ania èra à kàra tera, kú à á náanikεna yāi. ²³ Titu dake sɔ, ma zīkeri dake kú odì á mana wete leelen a ũ. Ó gbē kparanɔ sɔ, sɔsinɔ gbēno zīrinɔme, mókɔnɔme Kirisi tɔborinɔ ũ. ²⁴ Abire yāi à mɔinne kú á yenyī, de sɔsi gbē pìnɔ gɔ dɔ kú lé kú óten gbē á yá musu bi yápurame.

9

¹ Adi kú mà takada kēare Luda gbēno kɔ kámaza kenaa pì yá musuro, ² zaakū má dɔ kú a nèsemana dà, akú ma lé gbē Masedonia gbēnɔne ma pì, Girisi gbēno soru mà zaa muniyá. Á aniakεnaa pì ñ gbēno mēe fūte dasi. ³ Akú ma ó gbē pìnɔ zīáwa de àgɔ kú soru gūn lákū ma ò nà, de lé kú o gbē yā pìi musu sún ke páro. ⁴ Tó Masedonia gbēkenɔ sù kúmao, tó ò è á soru dí manaro, wé'ni ó kú, kú o á náanikεna yāi., Oni á pɔ o dɔ yá? ⁵ Abire yāi ma dīte à mana mà o gbē pìnɔne ò domεne are, ò gba kú a gīnake a a lé sè yá keke káaku, de á soru gɔ mana, àgɔ de nèsedo gba ũ, adi ke gba tilasinlo.

Gbadana kú nèsedoo

⁶ Àgɔ yā díkina dɔ:

Tó n tɔ fíti, ñni kē fíti,
tó n tɔ zɔkɔ, ñni kē zɔkɔ.

⁷ Baadi kpá lákū à dà a swèe gūn nà ánsisinaa sari tilasii sari. Luda ye gbē kú àdi gba da kú pɔnnaooi. ⁸ Luda ni fɔ à tó arubarika sīnda pínki líkaái,

de ɔɔɔ sɪnda pɪnki pɔ sɪnda pɪnki mɔ́áwa yá sɪnda pɪnki gūn ari à fè kááo à yá mana sɪnda pɪnki keo. ⁹ Lákū à kēna Luda yān nà ò pi:

Àdi pɔ fá takasidenɔne,
a yāmanakena lakana vīro.

¹⁰ Lákū Luda di pɔburi kpá pótɔriia nà kū pɔ kū òdi bleo, ani pɔburi kpááwa, à karaáre, de á manakena ɔgbɛ le à ɔ tá. ¹¹ Ani á ke pɔdenɔ ũ yá sɪnda pɪnki gūn de àgɔ gba da dasidasi ɔɔɔ sɪnda pɪnki, gbēnɔ Luda sáabu kpá gba kū a dàinne ó gāi yāi. ¹² Zaakū Luda gbēnɔ pókiammana bɔkɔten kámaza zī pì ten ke adoro, ani tó Luda sáabukpana dagula manamaname dɔ. ¹³ Gbēnɔ ni Luda tɔ bo, zaakū kámaza kū a kèe pì ni mɔ́nne, kū a m̀i nàte Kirisi baaru nna kū a zeoone, akūsɔ a gbēke kēnne kū gbē sɪnda pɪnkio kū nēse doo. ¹⁴ Oni adua keáre kū á yāo dana ń swèn Luda gbēke kū à pìsiáwa yāi. ¹⁵ À Luda sáabu kpá a gba kū à gè onala yāi.

10

Pɔlu gina kū a zīdao a zī yá musu

¹ Makū Pɔlu, ma kúte kèáre kū Kirisi nēseyīdao kū a busekeo, makū kū òdi pi, tó má kú kááo má buse, tó má kú kááoro sɔ, madigɔ pásíáre. ² Ma wé kèáwa, tó ma su, àsun tó màgɔ pásí kááoro, zaakū mani fɔ màgɔ pásí kū gbē kū òdi pi andunia yá mé àten dowerɛ arenɔ. ³ Ó kú andunia gūmme, ama odì zì ká lán andunia gbēnɔ bàro. ⁴ Ó gɔkeɔnɔ bi andunia pónlo, Luda gɔkeɔnɔ gbāna kū odì zeki gbānanɔ gboroonɔme. Odì éke lékpakɔananɔ gboroo ⁵ kū yègɔ yá kū àdi gínne ò Luda dɔo pɪnki. Odì laasun sɪnda pɪnki mile ble, de ò m̀i nàte Kirisine. ⁶ Tó a m̀i nàtewere mámmam, o laka kū ò wé tá sáyamarisaridenɔa.

⁷ Àdi yá gwa musume. Tó gbē a zīda náanikena kū Kirisi pón a ũ, ade gɔ dɔn kū Kirisi pón ó ũ lán a bà se. ⁸ Bee tó ma lé gbē à kè zɔkɔ doka kū Dikiri kpáwá yá musu, wé'i ni ma kūro, zaakū á zīni petena yáime, adi ke á letena yāinlo. ⁹ Àsun ke lándɔ má ye mà vīna dadaái kū ma takadakēnaao bàro. ¹⁰ Òdi pi ma takadanɔn bèere vī, akūsɔ ò gbāna, ama tó ò wé simale, àdi ń kū gbānaro, ma yá di ká póke léiro. ¹¹ Gbē kū òten o lenɔ gɔ dɔ kú lákū ó yānɔ de nà takadanɔ gūn tó ó kú kááoro, len óni ke le, tó o kɔ è.

¹² Dín ó ũ ò ò zīda ke lele kesɔ ò ó zīda lekɔa kū gbē kū òteni ń zīda sáabu kpánɔ. Tó ò ń zīda kpákūsū kɔo kesɔ ò ń zīda lèkɔa kɔo, òdigɔ òndɔro. ¹³ Ókɔnɔ sɔ, óni lé gbē de a lélaro. Óni gbē ikokeki kū Luda dítewere lémmɛ, kū à à ká á kīnaa se. ¹⁴ Lákū o ka á kīnaa nà, óten vī ó ikokeki lélaro, zaakū o su kū Kirisi baaru nnao ari á kīnaa káaku. ¹⁵ Odì lé gbē de a léla, ò gbē pāndenɔ zī ká ó pólaro. Zaakū á ludanaanikena ten kara, ó ye zī kū óten ke á tɔ tá manamana ari à ká ikokeki kū Luda dítewere lén, ¹⁶ de ò gé ò baaru nna pi kpá b̀usu kū ò kú á arenɔ gūn, légbēna kū gbē pāndenɔ tàragaabanao sari. ¹⁷ Tó gbē ye à lé gbē, à gbē Dikiri yá musu. ¹⁸ Àdi ke gbē kū àdi a zīda sáabu kpá mé à manaro, sé gbē kū Dikiri di a sáabu kpá.

11

Pɔlu kū zīri ékenɔ

¹ À mena kūmao kū ma yōnkòkeo fíti. Ama áten mena kò. ² Lákū Luda di gɔba kpá nà, len maten kpá le se á yá musu. Ma á kpá Kirisia á gɔ m̀en do ũ, de mà á kpázāa lákū nɔkpare lési bà. ³ Lákū mlè òndɔ kè Awaune nà, à

a sàte, vīna teni ma kū kū ani á laasun likaraáre le se, de à á nana Kirisia gbāsí sari kú nèsedoo tó. ⁴Tó gbēke sù à Yesu yá kú à bò ado kú ó p̄so waazi kèáre, adì sí araga. Adì nini kú à bò ado kú p̄so kú à sio sí, adì baaru nna kú à bò ado kú p̄so kú à mào ma. ⁵Maten da má kīana z̄iri kú à n̄ díte z̄ók̄o k̄un̄o yáke ḡunlo. ⁶Bee tó má lénnaro, má d̄ona vī. O m̄áre á p̄inki s̄usu yá s̄inda p̄inki ḡun.

⁷Kū ma baaru nna kú à bò Luda kīnaa waazi kèáre p̄osinaáwa sari, akū ma a z̄ida b̄usa á karana yāi, ma taari k̄en yá? ⁸Ma s̄osi p̄anden̄o gb̄en̄o taki k̄e, ma a bakaa l̄emma, de mà le mà z̄i keo á té yāi. ⁹Ḡoro kú má kú k̄ááo, tó p̄so ten kīama, madì wari d̄o gb̄ekearo. Ó gb̄e kú ò bò Masedonia b̄usun̄o s̄umene kú p̄so kú à ten kīama. Maten we mà ke á gb̄ekene aso ūro, akūs̄o mani we mà ke á gb̄ekene aso ūro. ¹⁰Kū Kirisi yápara kú à kú ma ḡunwo, gb̄eke ni kp̄amene mà lé p̄i gb̄e Girisi b̄usunlo. ¹¹B̄oyāin ma ò lee? Luda d̄o kú má yeái.

¹²Yā kú maten ke, maniḡo kem̄e, de mà gb̄e kú òteni n̄ z̄i lek̄sa kú ó p̄on̄o z̄ini z̄z̄s̄ kú n̄ légb̄enan̄o. ¹³Gb̄e bire takan̄o bi z̄iri éken̄ome! Z̄ikeri manafikiden̄ome! Òdi li Kirisi z̄irin̄o ū. ¹⁴Yā bonsarenlo. Bee Setan p̄i d̄i li gupura malaika ū se. ¹⁵Zaakū lem̄e, tó a z̄ikerin̄o l̄i yā mana z̄ikerin̄o ū, yābonsarenlo. Kpekre oni n̄ yākenaa gb̄e le.

P̄olu warikena a z̄irik̄e ḡun

¹⁶Ma era maten o d̄o, gb̄eke s̄un ma gwa ȳonk̄o ūro. Tó len s̄oro, àḡo ma díte lán ȳonk̄o bà, de mà le mà lé gb̄e f̄iti. ¹⁷Yā kú maten o, Dikiri mé à ma danlo. Lé kú maten gb̄e ma z̄ida náanikena ḡun, maten gb̄e ȳonk̄oke ḡumm̄e. ¹⁸Lákū gb̄en̄o ten lé gb̄e n̄ z̄ida yā musu dasi nà, makū se mani gb̄e. ¹⁹Zaakū ák̄on̄o ònd̄orin̄o adì mena f̄s̄ kú m̄isariden̄o kú p̄on̄nao. ²⁰Tó òteni á ke z̄on̄o ū, tó òteni á aru mi, tó òteni á taki ke, tó òten deñla m̄áre, tó òteni á s̄an ke, adì mena f̄s̄. ²¹Yápurame, ó buse kú yā p̄in̄o k̄enaao! Abire k̄emene wé'yā ū! Ama p̄so kú gb̄e náanikena, àteni a lé gb̄e, mà a náanikena se. Maten abire o ȳonk̄oke ḡumm̄e. ²²Eberun̄ome n̄ ū yá? Àkū ma ū se. Isarailan̄ome n̄ ū yá? Àkū ma ū se. Ibrah̄i burin̄ome n̄ ū yá? Àkū ma ū se. ²³Kirisi z̄ikerin̄ome n̄ ū yá? Má a z̄ikeri ū deñla. Maten o lán ìade bàme. Ma z̄i k̄e deñla, ma dana kp̄ésiran deñla, mà a gb̄ena lé d̄oro, ma kunna ga léi lé v̄iro. ²⁴Yudan̄o ma gb̄e kú fl̄aao lé bupla m̄en donsari ari ḡen s̄oro. ²⁵Ò ma lele kú ḡoo ḡen aak̄o. Ò ma papa kú gb̄eoo ḡen do. Gó'ite kp̄ate k̄umao ḡen aak̄o, mà ke ḡoro do ísira ḡun f̄anant̄e kú gw̄aanio. ²⁶Ma w̄et̄e ḡena dasin̄o ḡun madiḡo kú karii ḡun: Swa karii, kp̄ani w̄edewen̄o karii, Yudan̄o karii, buri p̄anden̄o karii, w̄ete ḡun karii, s̄ente karii, ísira karii, Yesude éken̄o karii. ²⁷Ma z̄i gb̄ana k̄e kú w̄aw̄ao, ma it̄e k̄e a lé v̄iro, nà ma de, ími ma kú, madiḡo kun p̄b̄lenaa sari ḡen baaak̄o, mà té punsi ìa ḡun. ²⁸A kparan̄o onaa baasi s̄osin̄o gb̄en̄o s̄inda p̄inki laasun d̄i t̄s̄ma lákū gu d̄iḡo d̄o nà. ²⁹Dí mé ani busa, mà gí busaii? Dín oni k̄e z̄ea à gí ūmaa?

³⁰Tó à kú mà lé gb̄e, mani gb̄e ma gb̄anasarike musum̄e. ³¹Luda ó Dikiri Yesu Kirisi De d̄o kú maten éke toro. Óḡo a s̄aabu kp̄a ḡoro s̄inda p̄inki! ³²Ḡoro kú má kú Damasuku, akū kina Areta asakpa p̄i ò w̄ete p̄i b̄inilen̄o d̄akp̄a, de ò le à ma kú yāi, ³³akū ò ma bo wondoo ḡun, ò ma kipa kú bàao t̄anko ḡun b̄ini kpe, akū ma bàa s̄i.

12

Pɔlu wégupu'ena

¹ À kù tilasi mà lé gbě. Bee kù à àre vīro, mani lé pá wégupu'enanɔa kù yá kù Dikiri m̀menenɔ sà. ² Má gběke d̄s Kirisi gūn, ò a sè ò gèe káao ari ludambe aak̄oden, a wè gēro donsarín dí. À gèe kù m̀eɔn yá, m̀e sarín yá, má d̄sro, sé Luda. ³ Má d̄s kù ò ade pii sè ò gèe káao aruzennamme. À gèe kù m̀eɔn yá, m̀e sarín yá, Luda mé à d̄s. ⁴ À yá kù àdi sí oro mà, kù bisásiri ni f̄s à babaro. ⁵ Mani lé gbě ade yá musu, mani gbě ma z̄ida yá musuro, sé ma gbānasarik̄e yá. ⁶ Bee tó mani lé gbě, adi ke má ȳnk̄onlo, zaakū yāpurañ mani o. Ama mani lé gbēro, de gbēke sún ma dite de p̄ kù à èma ke yá kù à mà ma lénlaro. ⁷ De màsun ìa dā yá z̄sk̄ kù Luda m̀menenɔ musuro yāi, à p̄ s̄t̄o ma m̀e gūn Setan z̄iri ũ, àḡ wé t̄ama, de màsun ìa dāro yāi. ⁸ Ma wé kè Dikiria gèn aak̄o yá pii musu de à p̄ pi bo ma m̀en, ⁹ akū à p̄m̄en̄e, a gbēke kù ad̄i kem̄en̄e m̀ma. Gbānasarik̄e gūnn̄ a gbāna papana d̄i bon. Abire yāi mani lé gbě kù p̄nnao ma gbānasarik̄e musu, de Kirisi gbāna ḡs kù ma gūn. ¹⁰ Abire yá mé à t̄o mad̄i p̄nna ke kù gbānasarik̄eo kù wé'idammanao kù wario kù takasio kù wét̄ammanao Kirisi yāi, zaakū ḡro kù gbāna k̄laman mad̄iḡs gbāna.

Korintidenɔ yā Pɔlu k̄una gbāna

¹¹ Ma ȳnk̄oyā kè, ák̄on̄o mé a ma dan. Ák̄on̄ome à de yá à ma sáabu kpá. Bee tó má kun p̄ke ũro, má k̄iana z̄iri kù a n̄ dite z̄k̄o k̄un̄o yāke gūnlo. ¹² Ma a k̄una z̄iri ũ m̀ár̄e kù menao manamana s̄edakenan̄o kù yābonsaren̄o kù daboyān̄o gūn. ¹³ B̄s mé à á k̄ia s̄osin̄o gbě kparan̄oaa? Ke kù mádi ḡs á gbēken̄e aso ũro yāii? À s̄uru ke k̄umao kù taari dio! ¹⁴ Tera sà ma soru kè mà su á k̄inaa a gèn aak̄odeo, ak̄s̄o mani ḡs á gbēken̄e aso ũro. Ák̄on̄o mateni á wet̄e, adi ke á p̄n̄on̄ maten wet̄ero. Zaakū den̄o mé òdi aruzeke dite n̄ n̄en̄on̄e, adi ke n̄en̄o mé òdi diteñ̄ero. ¹⁵ Mani f̄s mà p̄ kù má v̄i deár̄e p̄nki, mà a z̄ida kp̄áwa kù p̄nnao. Tó ma yenaái ten kara, á yenamai ni lagon yá? ¹⁶ Bee kù a we kù mádi ḡs̄ár̄e aso ũro, gbēn̄o d̄i pi, w̄z̄ēr̄in ma ũ, ma p̄ siáwa kù ònd̄o. ¹⁷ Ma á blé gbě kù ma n̄ z̄íawan̄o ke ḡai yá? ¹⁸ Ma k̄ute kè Titun̄e à gé á k̄inaa, akū ma ó gbēndo d̄an̄e. Titu á blén yá? Ó n̄ese dok̄on̄onlo? Ó ágba dok̄on̄onlo?

¹⁹ Áten da yá óten boki weten yá? Lenlo! Óten yá o kù Luda d̄naao k̄una Kirisi gūmm̄e. Ma gbě yenȳiden̄o, ma abire óár̄e p̄nki á z̄ini petena yāime. ²⁰ V̄ina teni ma kù kù tó ma su á k̄inaa, mani á le lákū má ye n̄aro, ak̄s̄o áni ma e lákū á ye n̄aro. Maten v̄ina ke fitiine kù n̄es̄ḡbaao kù p̄f̄eo kù ania p̄s̄io kù k̄oyakanaao kù k̄opin̄aao kù ìad̄anaao kù zukakanaao. ²¹ V̄ina teni ma kù kù tó ma era ma su á k̄inaa, ma Luda ni tó wé'i ma kù á ar̄e. Gbē kù ò durunna kè yá, ò gbás̄i kè, ò p̄p̄á kè, ò wé'isariyā k̄en̄o, tó odi n̄ese lite ò m̄i kè yá p̄in̄aro, mani p̄sira ke k̄un̄wo.

13

Lédammana kpekpe

¹ Ma suna á gwa gèn aak̄oden dí. Òdi yá p̄nki yāpura ma s̄edade gbēn̄on pla ke gbēn̄on aak̄o léi. ² Ma ḡinake ma lé dà gbě kù ò durunna k̄en̄o yá kù gbě kparan̄o d̄o ma suna á k̄inaa gèn pladeo, tera ma era maten lé dar̄uma d̄o bee kù má kù k̄áaro, tó ma era ma su d̄o, mani n̄ gbě ke t̄oro yoo!

³ Áten sèeda wete kù Kirisi ten yã o ma gãin yá? Tò! Adi ke Kirisi gbãna sarinlo, à gbãna á té. ⁴ Bee kù à gà lía gbãnasarike gūn, à kun tera kù Luda gbãnaome. Leme kunna a gūn ó kú kù gbãnasarikeo le se, ama ónigō kú kãao á té kù Luda gbãnao.

⁵ À á zīda tàasi ká à gwa, tó á kú Yesu Kirisi náanikenaa gūn. À keke à á zīda gwa. Á dō kù Kirisi kú á gūnloo? Tó lenlo, a funame. ⁶ Má dō kù áni e ódi fuaro. ⁷ Óten wé ke Ludaa de àsun yá vāni ke kero. Adi ke de gbēnō ó zī sáabu kpá yāinlo, de à a mana ke yāime, bee tó òteni ó gwa gbē funanō ū. ⁸ Óni fō ò bo yápura kpero, sé ò zéó. ⁹ Tó ó gbãna vīro, akūsō á gbãna, ó pō dìgō nname. Odi adua keáre de à keke à bo mana. ¹⁰ Ma yã birenō kèáre kù má kú kááoro, de tó ma su, māsun keáre pāsī kù doka kù Dikiri kpàmaoro. À kpàma á zīnipetena yāime, adi ke á letena yāinlo.

¹¹ Tò, ma gbēnō, à pōnna ke. À yã keke à bo mana. À ma lédamma ma. À lédokōnō ke àgō nna kù kōo, Luda yenyīde aafiade gō kú kãáo. ¹² À fō kpákōa kù Luda gbēnō lépemmanaa. Luda gbēnō fō kpàáwa n pínki. ¹³ Dikiri Yesu Kirisi gbēke keáre, Luda gō yeái, kōgbēkena gō kú á té kù Luda Ninio á pínki.

GALATIANSO

Baaru nna pānde kunlo

¹⁻² Makū Pɔlu Luda z̄iri kū ma Yesude dake kū ó lɛɛlɛnɔ pínki, ókɔnɔ mé o takada dí kè sɔsi gbē kū ò kú Galatia bùsu gūnnɔnɛ. *fZ̄ir 16:6* Ma kunna z̄iri ù dí bo gbēnɔ kīnaa ke bisāsiri gāiro, Yesu Kirisi kū De Luda kū à a fùte bona ganwo mé à ma z̄i. ³ Ó De Luda kū Dikiri Yesu Kirisio gbēke kèáre, à á gba aafia. ⁴ Kirisi gi a wèndiii ó De Luda pɔyenyīnaaa, à ó durunna kèwá de à ó bo andunia tera vāni dín. ⁵ Luda mé à gakuri vī gɔɔ sīnda pínki! Aami.

⁶ Kū áten kpe li Luda kū à á sísi a gbēke gūnnɛ likalika lán dí bà, à are d̄ò zé pāndea, yā p̄i bò ma sare manamana. ⁷ Baaru nna pānde ke kunlo. Gbē kū ò ye ò Kirisi baaru p̄i litenɔ teni á likaramɛ. ⁸ Bee tó ókɔnɔ ke malaika kū à bò ludambe baaru nna kū adi k̄ó sé kū a kū o óareoro waazi kèáre, Luda láari boa. ⁹ O óáre yā akūs̄o maten oáre d̄ò, tó gbēke baaru nna kū adi k̄ó sé kū a kū a màaoro waazi kèáre, Luda láari boa.

¹⁰ Maten sáabu wete bisāsirian yá, ke Luda? Maten wete ma yā ká bisāsirigun yá? Tó bisāsirin má ye à kángu ari tera, de Kirisi z̄òbleriin ma ūro.

Yesu Pɔlu sɛna a z̄iri ù

¹¹ Ma gbēnɔ, má ye à d̄ò kū baaru nna kū madì kpááre dí bo bisāsiri kīnaaro. ¹² Mádì ma bisāsiri kīnaaro, gbēke mé à dàmenɛro, Yesu Kirisi mé à bò à sùomɛnɛ.

¹³ A mà lákū má kun nà yā Yudanɔ donyīzen. Ma Luda sɔsi gbēnɔ wé t̄à p̄asp̄āsī, ma wete mà n̄ kakate. *fZ̄ir 8:3* ¹⁴ Ma Yudanɔ donyīze p̄i yā kū ɔplapla de ma sáranɔla dasi, ma kokari deñla ó dizinɔ futɛokarayā p̄i gūn. ¹⁵ Ama Luda ma dite a p̄ó ù zaa ma da gberɛn. Kū ma sísi a gbēke gūn gɔɔ kàme, ¹⁶ akū à a Né gbàrema, *fZ̄ir 9:3-6* de mà a baaru nna kpá buri pāndenɔnɛ. Mádì gé dada gbēke kiaro, ¹⁷ mádì gé Yurusalemu gbē kū ò kun z̄irinɔ ù ma ānɔ kīnaaro, ma ge Larubunɔ bùsun ḡonɔme, akū ma era ma su Damasuku.

¹⁸ Wè aak̄ó gberan ma ge Yurusalemu, de ò k̄ó d̄ò kū Pitao, akū ma ke k̄áo gɔɔ ḡero. *fZ̄ir 9:26-30* ¹⁹ Mádì z̄iri pānde ero, séde Dikiri dakūna Yamisi. ²⁰ Yā kū ma kèáre p̄i, ma sì kū Ludao kū adi ke éken ma tòro. ²¹ Abire gbera ma ge Siria bùsun kū Silisia bùsuuo. ²² Gɔɔ birea Kirisi sɔsi gbē kū ò kú Yudeanɔ dí wé simalero, ²³ ama ò mà ò p̄i, gbē kū àteni n̄ wé t̄à yā mé àten donyīze kū à wete à kakate p̄i waazi ke tera sà, ²⁴ akū ò Luda t̄ò bò ma yā musu.

2

Pɔlu k̄yāmana kū z̄iri kparanɔ

¹ Wè kuri aweesiik̄ó gbera ma era ma ge Yurusalemu kū Baanabao. *fZ̄ir 15:2-4* Ma Titu sè, à gèe k̄úoo se. ² Ma ge gwe, kū Luda mé à bò à sùma à p̄i mà gé yāime. Akū ma baaru nna kū madì kpá buri pāndenɔnɛ b̄òk̄ote gbē kū ò de gbē z̄ók̄ó ūnɔnɛ n̄tēne, de z̄i kū ma kè kū a kū maten keo sún ke p̄aro. ³ Titu kū ó lɛɛlɛ, bee kū a Girikikenaao, odi gā naa à t̄ò z̄ro. ⁴ Yā p̄i fùte Yesude éke kū ò gèwái kpāninɔ musumɛ. Ò gèwái de ò ó z̄idadekena Kirisi

Yesu gūn asiri gwa ò ó da zòblemme, ⁵ akū odì we ò m̀i nàteńnero bee fíti, de à le àgō baaru nna pì yápara kúna yái. ⁶ Gbē kū òteni n̄ gwa gbē zōkō ũn̄o dí yáke karamen̄ero. Lákū ò de nà dí kemene yáke ũro, zaakū Luda d̀i gbēke wé gwaro. ⁷ Ò è Luda baaru nna kpana buri pānden̄ene nāmen̄e ma oī, lākū à a kpana Yudan̄ene nà Pitane a oī nà. ⁸ Zaakū lākū Luda zī kè Pita gāi nà a kunna žiri ũ yā musu Yudan̄o té, len à zī kè ma gāi buri pānden̄o té le. ⁹ Yamisi kū Pitao kū Yuhana kū òteni n̄ gwa s̄osi gbēgba ũn̄o gba kū Luda dāmen̄ee d̄s, akū ò o kpàwá, ókōn̄o kū Baanabao kōgbēke sēeda ũ. Ò si ò gé buri pānden̄o kīnaa, mókōn̄o s̄s, Yudan̄o kīnaa. ¹⁰ Yá kū ò yein dí, n̄ takasiden̄o yá gō d̄oogu. Goro birea s̄s ó m̀e wá kū a kenaaò kò.

Yesu náanikena mé àdi ó sura ba

¹¹ Kū Pita sù Antioku, ma gine tētētē, kū à zà yāa yái. ¹² Zaakū ari Yamisi žirin̄o gō gé ká, àdi pó ble kū buri pānden̄ome. Kū ò kà, akū à bōru kū kpeo à kēm̄ma, kū àten v̄ina ke Yuda kū ò zè kū t̄zōna yāon̄one yái. ¹³ Yuda kparan̄o nāa manafikikena p̄i gūn. Bee Baanaba se ò a gā ò nām̄ma. ¹⁴ Kū ma è ò baaru nna yápara kúna a zéaro, ma ò Pitane n̄ pínki wára: Mókōn̄o Yuda ina n̄ kun lán buri pānde bà, adi ke lán Yuda bānlo. À kè dera nd̄i gā na buri pānden̄o, de ògō Yudan̄o yā kúnaa?

¹⁵ Yudan̄o ó ũ inaa gūn, buri pānde durunnakerin̄o ó ũro. ¹⁶ Ama ó d̄s kū gbēke d̀i bo mana doka p̄i kena yáiro, séde Yesu Kirisi náanikena ado.*fRom 3:20, 22* Bee ókōn̄o, o Kirisi Yesu náani kè, de ò le ò bo mana ó Kirisi náanikena p̄i yáime, adi ke doka p̄i kena yáinlo, zaakū gbēke d̀i bo mana dokakūna yáiro.*fZab 143:2* ¹⁷ Goro kū òten wete ò bo mana Kirisi gūn, tó o è durunnakerin̄o ó ũ se, abire p̄i Kirisi ten durunna gba zén yá? Oi! ¹⁸ Tó ma era maten̄ doka kū ma gbòro keke, doka p̄i taariden̄ ma ũ gwe. ¹⁹ Zaakū ma gō gè ũ doka p̄i musu, akū ma kpe line, de màgō kun Luda pó ũ yái. Ma ga lía kū Kirisio. ²⁰ Makū mé má kun doru, Kirisi mé à kú ma gūn. Tera sà ma bisāsirikena gūn má kú Luda Né kū à yemai à g̀i a wènd̄iii ma yái náanikena gūmme. ²¹ Maten̄ Luda gbēke da páro. Tó gbē d̀i bo mana doka p̄i yáime, de Kirisi gā pāme.

3

Musa doka kú ludanaanikenaao

¹ Ákōn̄o Galatia yōnkōn̄o! Ò pó dàáwan yá? O Yesu Kirisi gana lía m̀áre a è s̄ans̄an. ² Má ye mà yā m̀en̄ do gbekaáwa. A Luda Nini lè dokakūna yáin yá, ke yā kū a màa p̄i náanikena yáime? ³ À kè dera a gō yōnkōn̄o ũ lán dí bàa? A naa kū Luda Nini gbānao, akū àten láka kū á z̄ida gbānao yá? ⁴ Á wari zōkō kè pān yá? Oi, adi ke páro. ⁵ Luda a Nini kpááwa, à daboyān̄o kè á té á dokakūna yáin yá, ke yā kū a màa p̄i náanikena yáime?

⁶ À gwa Ibrahim̄a. À Luda náani kè, akū Luda tò yā bò káao nna a náani kū à kè yái.*fNaa 15:6, Rom 4:3* ⁷ Àgō d̄s kū gbē kū òten Luda náani ken̄o mé ò Ibrahim̄i burin̄o ũ.*fRom 4:16* ⁸ Luda yā takada ḡinake à a baaru kpà Ibrahim̄e à p̄i, Luda ni arubarika da buri s̄inda p̄inkigu a gāi,*fNaa 12:3* zaakū Luda yā takada p̄i ḡinake à d̄s kū Luda ni tó yā bo nna kū buri pānden̄o a náani kū oni ke yái. ⁹ Len Luda d̀i arubarika da gbē kū òteni a náani ken̄ogu le, lākū à kè a náanikeri Ibrahim̄e nà. ¹⁰ Gbē kū à zè kū dokakūnao g̀ò láari pó ũme, zaakū à kēna Luda yān ò p̄i, gbē kū òdigō yā

kū ò kú doka takada gūnnɔ kūna pínki a zéaro bi láari pómɛ. ¹¹ Ó d̄s s̄ans̄an kū Luda dì tó yā b̄ò kūr̄wo nna dokakūna yāiro, zaakū ò p̄i, gb̄ɛ kū Luda tò yā b̄ò k̄āao nna a náani kū àten k̄e yāi mé aniḡɔ kun. ¹² Doka dí k̄s le kū ludanaanik̄enaao, zaakū ò p̄i, gb̄ɛ kū à yā p̄i k̄èɛ, ade ni w̄èndi le a gūn. ¹³ Kirisi ḡ̀ láari p̄ó ũ ó ḡ̀ne ũ, à ó bó doka láari gūn, zaakū à k̄ena Luda yān ò p̄i, gb̄ɛ kū ò lòko lía bi láari pómɛ. ¹⁴ Abire k̄è le de arubarika kū Luda dà Ibrah̄igu le à ḡ̀ buri p̄ānden̄ɛ Kirisi Yesu ḡāime, de ò Nini kū Luda a lé s̄è le a náanik̄ena yāi.

Musa doka kū Luda lésenaao

¹⁵ Ma gb̄en̄ɔ, bis̄āsiri yākena takan maten ōare. Tó gb̄ɛ légb̄ee dìte, akūs̄ ò s̄èdad̄en̄ɔ v̄i, oni f̄s ò gbororo, oni f̄s ò yāke karanlo. ¹⁶ Len Luda lé s̄è Ibrah̄ine le kū a burio.*fNaa 12:7* Luda yā takada dí pi kū a burin̄ɔ lākū parin à t̄ém̄ma bàro, à p̄i kū a buriom̄ɛ. Gb̄ɛ m̄en don à téa, àkūm̄ɛ Kirisi ũ. ¹⁷ Yā kū má ye mà on dí: Luda ḡ̀nake à lé s̄en̄e yā à p̄i a bàka niḡɔ kú k̄āao. W̄è w̄āa pla kū m̄en baraakurio gberan doka s̄u.*fBon 12:40* Doka p̄i ni f̄s à lésena p̄i gbororo, ani f̄s à a k̄e p̄āro. ¹⁸ Tó òdi Luda arubarika le dokakūnaa gūn, de adi bo a lésena gūn dorō. Ama Luda gb̄ɛk̄e k̄è Ibrah̄ine, kū à a lé s̄en̄e yāime.*fRom 4:14* ¹⁹ B̄óyāi à doka dìteì d̄ɔ? À doka k̄āra ari Ibrah̄i buri kū Luda lé s̄è a yā musu ḡ̀ sum̄ɛ, de gb̄en̄ɔ le ò d̄s kū ò de taariden̄ɔ ũ Luda k̄inaa yāi. Luda a doka p̄i kp̄a malaikan̄ɔa, ò n̄a yākek̄eriine a ɔ̄i, à dìte gb̄en̄ɛ. ²⁰ Luda lésena s̄s, a yāme ado, a bàka kú kū yākek̄eriioro.

²¹ T̄s, doka p̄i b̄ò Luda lésena kp̄en yá? Lenlo! Tó doka kū àdi w̄èndi kp̄ám̄ma kun yā, de o bo mana doka p̄i yāi. ²² À k̄ena Luda yān ò p̄i, durunna gb̄ɛ s̄inda pínki k̄a kp̄én, de arubarika kū Luda a lé s̄è p̄i le à ḡ̀ Yesu Kirisi náanikerin̄ɔ p̄ó ũ a náani kū òten k̄e p̄i yāi.

²³ Zaade Yesunaanik̄ena dí suro, doka ó k̄a kp̄én, à ó kūna purusunan̄ɔ ũ ari Yesunaanik̄ena kū àten su ḡ̀è à b̄òo gupuraa. ²⁴ Len doka p̄i de ó gw̄ari ũ le yā ari Kirisi ḡ̀ su, de ò bo mana a náanik̄ena yāi. ²⁵ Lākū Yesunaanik̄ena s̄u n̄a s̄u, o bo ó gw̄ari yān.

²⁶ Kunna Kirisi Yesu gūn á de Luda n̄én̄ ũ á pínki a náani kū àten k̄e yāi, ²⁷ zaakū ák̄ōn̄ɔ kū a da'ite k̄è Kirisi p̄ó ũn̄ɔ, a Kirisi dàa s̄ete. ²⁸ Yudan̄ɔ kū buri p̄ānden̄ɔ, z̄ōn̄ɔ kū z̄idaden̄ɔ, ḡ̀gb̄en̄ɔ kū n̄ogb̄en̄on donadona k̄ōnero, zaakū á pínki p̄ó dok̄ōn̄on á ũ kunna Kirisi Yesu gūn. ²⁹ Tó á de Kirisi p̄ó ũ, á de Ibrah̄i burin̄ɔ ũme, akūs̄ á de arubarika kū Luda a lé s̄en̄e bl̄erin̄ɔ ũ.*fRom 4:13*

4

¹ Maten ōare, ḡ̀r̄ɔ kū túbibleri de né ũ, bee tó a de aruz̄eken̄on de a p̄ó ũ pínki, à de z̄l̄aro. ² Àdi m̄i nate gw̄arin̄ɛn̄e kū gb̄ɛ z̄ōk̄ōn̄ɔ ari ḡ̀r̄ɔ kū a de dìtea. ³ Len ók̄ōn̄ se, ḡ̀r̄ɔ kū ódi k̄āsara k̄ūro, òdi z̄ò ble andunia p̄ó kú òdi m̄i nateñ̄en̄ɛn̄e.*fGal 4:9, K̄ol 2:8, 20* ⁴ Kū ḡ̀r̄ɔ kū Luda dìte k̄a, à a Né z̄ì, ò a ì bis̄āsiri ina ũ Musa doka gūn, ⁵ de à ók̄ōn̄ kū òten z̄ò ble Musa dokan̄en̄ bo, ò ḡ̀ a n̄én̄ ũ. ⁶ Luda a Né Nini dà ó sw̄èè gūn, kū ó de a n̄én̄ ũ yāi. Nini p̄i dì wiki lé à pi: Baa, ma De! ⁷ Abire yāi z̄ōm̄e n ũ dorō, néme n ũ. Lākū Luda néme n ũ n̄a, à n k̄e a túbibleri ũme.*fRom 8:15-17*

P̄olu bídik̄ena Galatianso yāa

⁸ Ḡ̀r̄ɔ kū á Luda d̄s̄ro, adi ò p̄ó kú ò de Luda ũron̄ɔi.*f1K̄o 8:4-6* ⁹ Lākū á Luda d̄s̄ n̄a tera s̄a, at̄ensa kū Luda á d̄s̄, b̄óyāi a era àten are d̄ɔ p̄ó ḡ̀ina

futa gbānasari pìnna dɔɔ? Bóyāin a era á ye à doñyĩ dɔɔ? ¹⁰ Adi gɔɔ kenɔ kũ mɔ kenɔ kũ dikpe kenɔ kũ wè kenɔ tè bo.*fRom 14:5, Kɔl 2:16* ¹¹ Vĩna ma kũ á yā musu. Ase zĩ pān ma kè á té yá?

¹² Ma gbēnɔ, ma wé kèáwa, à gɔ lán ma bà, zaakũ ma gɔ lán á bà. Ádi taari kemene yāro. ¹³ Á dɔ kũ gyākenna gūnn ma baaru nna kpàáre káaku. ¹⁴ Bee kũ ma gyākenna kèáre yōgwana ũ, ádi ma gya boro ádi lé'i kúmaro, a ma si lán Luda malaika kesɔ Kirisi Yesu bàme. ¹⁵ Arubarika kũ áten kemene yā kè deraa? Mani fɔ mà o á yā musu mà pi, tó ani sí ke yā, de a á wé bòbo a kpàma. ¹⁶ Kũ ma yāpura òáre yāin ma gɔ á zānguri ũ sà yá? ¹⁷ Gbē kũnɔ mēe wà kũ á yāo, ama a mana yāinlo. Ò ye à kēwámé, de à naríma. ¹⁸ Mēwāna kũ gbē yāo a mana yāi mé à nna. Ma mēe wà kũ á yāo gɔɔ sinda pínkime, adi ke gɔɔ kũ má kú kááo adonlo. ¹⁹ Ma né yenyĩdenɔ, mateni á ina wāwā ke dɔ ari Kirisi gɔ sà da á gūn. ²⁰ Má ye màgɔ kú kááo tera, de mà a yā'ona lite, zaakũ ma bídi kè á yāame.

Hazara kũ Sarao

²¹ Á omene, ákɔnɔ kũ á ye doka iko vīáwanɔ, ádi yā kũ à kēna Musa doka takada gūn maroo? ²² Ò pì Ibrahĩ négɔgbēnɔ ì gbēnɔn pla. Á a do ì kũ zɔɔome,*fNaa 16:15* akũ à a do ì kũ zĩdadeo.*fNaa 21:1-2* ²³ Zɔɔ pì né ì bisásirikenna gūmme, akũ zĩdade a pɔ ì Luda lésena yāi.*fRom 9:7-8* ²⁴ Nɔgbē pìnɔ yā dewere yáasi taka ũ, Luda bàka kunna kũnwo yā leu pla ũ. A do bò Sinai kpi kĩnaame, ádi zòkena íñne. Ákũ mé à Hazara ũ. ²⁵ Á de Sinai kpi kũ à kú Larubunɔ busun yáasi taka ũ. Yurusalemu tera de a ũ dɔ, zaakũ áten zò ble kũ a gbēnɔ n pínkime. ²⁶ Yurusalemu kũ à kú musume zĩdade ũ. Ákũme ó da ũ. ²⁷ Zaakũ à kēna Luda yān ò pì:

N ponna ke, mɔkɔn para kũ nídi né iro!

N ayuwii ke, mɔkɔn kũ nídi nòwāwā kero!

Zaakũ mɔkɔn kũ n zā pā kpànyĩ,

n né dasi de nɔgbē kũ a zā are dɔa póla.

²⁸ Ákɔnɔ sɔ ma gbēnɔ, Luda lésena nénɔn á ũ lán Isaaku bà. ²⁹ Né kũ ò a ì bisásirikenna gūn wari dɔ né kũ ò a ì kũ Luda Nini gbānaooa. Len à de le kũ a terao. ³⁰ Á kēna Luda yān deramee? Ò pì: N pé zɔɔ piia kũ a néo, zaakũ zò né ni túbi ble kũ zĩdade néoro.*fNaa 21:10* ³¹ Abire yāi ma gbēnɔ, zò nénɔn ó ũro, zĩdade nénɔn ó ũ.

5

Gɔna zĩdadenn ũ Kirisi gūn

¹ Gɔna zĩdadenn ũ yāin Kirisi ó bói. À zɔo gíngin, àsun tó ò era ò bà kááre á yĩn zònn ũ doro.

² Makũ Pɔlu maten oáre, tó a tò ò tɔɔ zɔ́áre, Kirisi ni karana keárero. ³ Ma era ma ò, ma karaáre, gbē kũ à tò ò tɔɔ zɔ́are, séto à mì nate Musa dokane pínki. ⁴ Ákɔnɔ kũ áten wete à bo mana doka gūnnɔ, a á zĩda kè Kirisia, a kè Luda gbēkea. ⁵ Yesu náanikenna gūn ó bona mana támaa vĩ, ó wé dɔi kũ a Nini gbānao. ⁶ Kirisi Yesu gūn tɔ́zɔ́na ke tɔ́zɔ́nasari yáke vĩro, séde Yesu náanikenna kũ ádi yenyĩ íñne.

⁷ Áten gé are yā manamana. Dí mé à tena yāpurai zé zɔ́áre? ⁸ Yā kũ a a zé lè dɔ bo Luda kũ à á sísi à á sé kĩnaaro. ⁹ Lùbene fítinna dɔ flawadēna fute pínki.*f1Kɔ 5:6* ¹⁰ Má á náani vĩ Dikiri gūn, kũ áni nēse pānde daro. Gbē kũ

àteni á likara sɔ, ani a zĩ gbè le, bee díme. ¹¹ Makū sɔ ma gbēnɔ, tó t̄z̄ɔna waazin maten ke ari gbāra, b́yāi òteni ma wé t̄ai dɔɔ? Tó lɛme, de Kirisi gana lía yā ni ũ gbēkearo. ¹² Gbē kū òteni á likara kū t̄z̄ɔna yāonɔ gɛ ó n̄ z̄ida f̄ere ke se.

¹³ Ákōnɔ sɔ ma gbēnɔ, Luda á sísi à gɔ z̄idadenɔ ũme, ama àsun tó á gōna z̄idadenɔ ũ pi gɔ́are poyeinakena zé ũro. Àgɔ mì natekōne kū yenyiŋo, ¹⁴ zaakū yā mèn do díkĩname Musa doka s̄inda p̄inki mì ũ: N̄gɔ ye n gbēdakei lán n z̄ida wèndii bà. ¹⁵ Tó áten saka t̄t̄s̄k̄ōa áten k̄o s̄oso, à laakari ke k̄kakatenaai.

Luda Nini donnena are

¹⁶ Maten oáre, à tó Luda Nini doáre are, á bisásirike poyeina ni láka. ¹⁷ Á bisásirike poyeinaa di k̄o sé kū Luda Nini p̄oro, akūs̄o Luda Nini poyeinaa di k̄o sé kū á bisásirike p̄oro. Òdi ḡik̄ōime, abire yāi adì f̄ō à yā kū á yei kero. *fRom 7:15-23* ¹⁸ Tó Luda Nini ten doáre are, doka iko víáwaro.

¹⁹ Ó ó bisásirike dànɔ d̄ō s̄āns̄ān: P̄āp̄akenaa, gbās̄ikenaa, wé'isariyā, ²⁰ t̄ānagbagbanaa, ḡawākēnaa, z̄āngu, fitii, n̄eseḡōbaa, n̄esewānaa, denlawetēnaa, k̄ēk̄ēk̄ōanaa, k̄ōkpaatēnaa, ²¹ kena kū k̄ōo ñni, wēdenaa, f̄āai p̄āp̄ā bona kū yā bire takanɔ. Ma a lé dàáwa lākū ma dàáwa nà yā, yā bire taka k̄erino ni kpata kū à bò Luda k̄inaa lero.

²² Luda Nini sɔ, àdi yenyī in̄ne kū p̄onnoo kū aafiaa kū menao kū gbēkeo kū manakēnao kū n̄āniŋo ²³ kū busēkenao kū z̄idakūnad̄ōnao. Doka ke di ḡi yā bireno takairo. ²⁴ Gbē kū ò de Kirisi Yesu p̄o ũnɔ n̄ bisásirike d̄āa p̄a lía kū a p̄onidenanɔ kū a poyeinanɔ l̄e. ²⁵ Lākū ó kú Luda Nini ḡāi n̄, ò a d̄oro sé. ²⁶ Òsunḡo ȳōḡō v̄iro, òsun k̄o d̄ok̄ōaro, òsun gb̄ōbaa kpá kū k̄oro.

6

Ɔdana k̄ōa

¹ Ma gbēnɔ, tó á gbēke sù à s̄ate à durunna k̄e, ákōnɔ kū Luda Nini ten doáre arenɔ à ḡōḡō k̄āao busēbuse, à laakari ke de òsun á ȳō ò gwa sero. ² Àgɔ k̄o aso sé. Áten Kirisi doka papan gwe. ³ Tó gbēke teni a z̄ida gwa p̄oke ũ, akūs̄o à kun p̄oke ũro, àteni a z̄ida s̄ateme. ⁴ Baadi a yākena tàasi ká gbasa à ña d̄ā. Àsun a yā lek̄ōa kū gbē p̄ānde p̄oro, ⁵ zaakū baadi ni a z̄ida aso séme.

⁶ Gbē kū òten Luda yā dane, à a aruzeke li a danneriine.

⁷ Àsun á z̄ida kekero, Luda dí sí foboro. P̄o kū gbē t̄ōn àdi k̄e. ⁸ Tó gbē t̄ō a bisásirike dàaa, ani kakatena in̄e. Tó gbē t̄ō Luda Nini donnena are gūn sɔ, ani wèndi kū àdi lākaro in̄e. ⁹ Òsun kpasa kū yāmanakēnaaoro, zaakū tó ódi k̄amma booro, óni àre le a ḡoroa. ¹⁰ Abire yāi tó o zé lè, òḡo a mana ke gbē s̄inda p̄inkine, at̄ensa ó Yesu n̄ānikeri dakeno.

Lézammanaa

¹¹ À wānz̄ān gb̄āgidigbagidi kū ma k̄e kū ma z̄ida ɔo gwa sà.

¹² Gbē kū òten yā ke gbēnɔ wé yāinɔ mé òten ḡā naáwa kū t̄z̄ōna yāo, de òsun wé t̄ānma zena kū Kirisi gana lía yāoro yāi. ¹³ Bee t̄z̄ōrii p̄inɔ se, ò doka kūnaro. Ò ye à t̄ō z̄ō, de ò le ò ña d̄ā á s̄eēdaa p̄ii yā musu yāime. ¹⁴ Mani ña d̄ā p̄oke yā musuro, séde ó Dikiri Yesu Kirisi gana lía yā baasiro, zaakū a yāi andunia ḡōm̄ene ḡe ũ akūs̄o ma ḡo ḡe ũ anduniane. ¹⁵ T̄z̄ōna ke t̄z̄ōnasari yāke v̄iro, séde ḡōna gbē dufu ũ. ¹⁶ Luda gbēke ke gbē kū ò yā p̄i kūnanone, à n̄ gba aafiaa. M̄ók̄ōn̄ome Isaraila yāpuranɔ ũ.

¹⁷ Zaa gb̄aragb̄eke sún ma wé tã doro. Wari kũ ò d̀ma Yesu yãì b̀gbe k̀pé kú ma m̀eεa.

¹⁸ Ma gb̄ε̄n̄, ó Dikiri Yesu Kirisi gb̄eke keáre! Aami.

EFESUDENƆ

Gbêke kù Luda kèwɛɛ Kirisi gùn

¹ Makù Pɔlu, Kirisi Yesu žìrii Luda pɔyenyĩnaa gùn, makù mé ma takada dí kè Luda gbê kù òten Kirisi Yesu náani ke zaa Efesunɔne. ² Ó De Luda kù Dikiri Yesu Kirisio gbêke keáre, à á gba aafiaa.

³ Ó Luda ó Dikiri Yesu Kirisi De sáabu kpá! Ó kunna Kirisi gùn Luda a Nini arubarika sɛnda pínki dàógu zaa musu. ⁴ Á ó sé a gùn andunia katena á, de ó kunna gɔ denɛ adona mamberu sari. Yenyĩ gùn ⁵ à gĩnake à ó díte a nénɔ ù Yesu Kirisi gáí, lákù àten wete a pɔyenyĩnaa gùn nà, ⁶ de à tɔ bo a gbêke gakuride kù à kèwɛɛ a Né yenyĩde gùn yáí. ⁷ A gùn à ó bó kù a aruo. Á ó taarinɔ kèwá a gbêke zɔkɔ ⁸ kù à kèwɛɛ à gè ɔla yáí. Ɔndɔ sɛnda pínki kù wézè sɛnda pínkioo gùn ⁹ à tò o a pɔyenyĩna asiri dɔ, lákù à zèò à ke Kirisi gáí nà. ¹⁰ Tó a pɔyenyĩnaa pi kegɔɔ kà, ani pɔ sɛnda pínki kakara Kirisi n̄ Mídene, pɔ kù à kù musu kù žíteo pínki. ¹¹ Luda kù àdi yá sɛnda pínki ke lákù à zèò a pɔyenyĩnaa gùn nà gĩnake à ó díte lákù àten wete nà, à ó sé a pɔ ù Kirisi gùn, ¹² de ókɔnɔ kù ó wé dɔ Kirisii zaa káakunɔ ògɔ de a tɔ gakuride kpàrinɔ ù. ¹³ Ákɔnɔ sɔ, a yápura yá mà, a baaru nna kù à á sura bàa pìi sì. A gùn Luda a žida sèedaa kèáwa a Nini kù à a lé sè ù. ¹⁴ Àkūmɛ túbi kù òni le zenkpeke ù ari Luda gɔ gé a gbèno bo, de ò a tɔ gakuride kpá yáí.

Pɔlu aduakena Efesudenɔne

¹⁵ Abire yáí zaa gɔɔ kù ma á Dikiri Yesu náanikenaa mà kù yenyĩ kù á vī kù Luda gbèno n̄ pínki, ¹⁶ mádi kámma bo kù Luda sáabukpanaa á yá musuro. Á yá digɔ dɔmagu wéke kù madì ke Ludaaa gùn. ¹⁷ Madì wé ke De gakuride, ó Dikiri Yesu Kirisi Ludaa, de à á gba ɔndɔ, à á wé kèáre kù a Nini gbánao de à le à a dɔ swáswa. ¹⁸ Madì wé kea à á nèse wéáre de à le à támaa kù à á sísia dɔ. Á a túbi gakuride aruzeke pìnɔ díte a gbènoɔne ¹⁹ kù a gbána zɔkɔ bonsare kù àten ží ke ókɔnɔ kù odì a náani kenɔ gùnwo. Gbána zɔkɔ pi ží kè Kirisi gùn ²⁰ gɔɔ kù Luda a vù gan, à a vùte a ɔplai zaa musu. ²¹ Gwen Kirisi de kpatablerinɔ kù ikodenɔ kù gbánadenɔ kù dikirinɔla n̄ pínki kù tɔ kù òdi mì nateńnenɔ pínki. Ádi ke andunia tera díkĩna adonlo, kù a pɔ kù ani suome dɔ. ²² Luda tò à iko vī pɔ sɛnda pínkia, akù à a díte pɔ sɛnda pínki m̀ide ù sɔsi gbènoɔne. ²³ Sɔsi gbè pìnɔmɛ Kirisi mè ù, à de Kirisi kù àdi pɔ sɛnda pínki papa gu sɛnda pínkia papana ù.

2

Vu à bona gan gèna wèndin

¹ Á de yá gènɔ ù Ludane á taarinɔ kù á durunnano yáí. ² Á té andunia díkĩna ágbai, a mùi nàte ía gbánadenɔ kínane, Setan kù à kpé dona lundayadarisarinɔne are pìi. ³ Ó pínki ó de lán n̄ bà yá se. Odi pɔ kù ó mè yeii kù yá kù à ó pɔ gbào ke. Ó inaa gùn ó de gbê kù Luda ni pɔfè kipańmanɔ ù lán dakenɔ bà, ⁴ ama Luda sùru zɔkɔ, à yenyĩ vīwɛɛ manamana. ⁵ Gɔɔ kù ó de gènɔ ù ó taarinɔ yáí, à ó fúte kù Kirisio lèle. Á á sura bà a gbêke gùn. ⁶ Kirisi Yesu gùn à ó sé à ó vùte káao zaa musu, ⁷ de à le à a gbêke zɔkɔ bonsare m̀ɔńne andunia kù ani su gùn yáí yá mana kù à kèwɛɛ Kirisi Yesu

gūn musu. ⁸Luda á sura bà a gbēke gūn Yesu náani kú a kè yāi. Abire dí bo á kīnaanlo, Luda mé à á gbá. ⁹Á surabana dí bo á yáke na gāinlo, de gbēke sún ĩa dāoro yāi. ¹⁰Luda ɔgben ó ũ. Kirisi Yesu gūn à ó ké de ògō kú kú yā mana kú à gīnake à ditewere kenaa.

Gōna mē dokōno ũ Kirisi gūn

¹¹Ákōno kú á de buri pāndenō ũ inaa gūn, à laasun lé á kunna yāa. Tōzōnadeno dì á sísi gyɔfɔrɔdeno, ama n tōzōna de bisāsiri ɔgbe ũme. ¹²Gɔɔ birea á kun Kirisi sari, á de gbē zītōno ũ Isarailanōne. Á baka kú Luda bàka kunna kūrwo kú a lésennenaao gūnlo. Á kú andunia gūn támaa sari ludadōnaa sari. ¹³Kirisi Yesu gūn tera, ákōno kú á zā kú Ludao yāno a nai kāni kú Kirisi aru gbānao. ¹⁴Ákūme ó kunna kú kōo nna ũ, à tò Yudanō kú buri pāndenō gō mē dokōno ũ. A mēe gūn à ibere kú à da n dagura bīni ũ gbōro, ¹⁵à Musa doka nà gui kú a yāditenano de à tó n pla n pínki gō kāao gbē dufu mēn do ũ. Len à tò ò kè kú kōo nna le. ¹⁶À ibere làka, à n pla n pínki kè nna kú Ludao mē dokōno pīi gūn a gana lía yāi. ¹⁷À sù à kena nna kú Ludao baaru kú ákōno kú á zā kú Ludaonōne kú gbē kú ò kāni kāonō do. ¹⁸Kirisi yāi ó pínki ó zé vī ò na De Ludai kú a Nini dokōno gbānao.

¹⁹Abire yāi á de gbē zītōno ke bōasuno ũ dorō, a gō bedeno ũ kú Luda gbēno, a ɔndenō ũme. ²⁰Ákōno me kpé kú Luda bō ē kú zīrinō kú annabinō nāaa ũ, akūsō Kirisi Yesume à epete gbe ũ. ²¹A gūnn kpé pō sīnda pínki dì kō kūn, à digō gbā Luda kpé ũ Dikiri gūn. ²²A gūn ákōno se, á de kpé pī bobōno ũ, ákōno me Luda Nini kúki ũ.

3

Pōlu zīkena buri pāndenō té

¹Abire mé à tò makū Pōlu, má de purusuna ũ Kirisi Yesune ákōno buri pāndenō yāi. ²Ádi ma lākū Luda a gbēkekennena zī dāmene mà ke á téroo? ³Luda a asiriya mōmēne, ma kēáre fīti kò. ⁴Tó a a kyó kè, áni fō à dō lākū ma wé kè nà Kirisi asiriya musu. ⁵Luda dí yā pī o gbēkene yāro, akū tera sà à mò a zīrinō kú a annabinōne kú a Nini gbānao. ⁶Yā kú à utena yā pīn dí: Kirisi Yesu gūn baaru nna mana yāi buri pāndenō gō Luda túbiblerino ũ lēle kú Yudanō, ò gō kūrwo mēdokōndenō ũ. N baka kú lé kú Luda sēe gūn. ⁷Ma gō baaru nna pīi kpārī ũ gba kú Luda dāmene, a gbāna tén zī ke ma gūn yāi. ⁸Makū kú má kīana Luda gbēno té, Luda gba pīi dāmene, akū maten Kirisi aruzeke lakanasari baaru kpá buri pāndenōne, ⁹maten asiriya kú Luda ten wete gbē sīnda pínkine boñne gupuraa. Asiriya pī utena Luda kú à pō sīnda pínki kè kīnaa zaa káaku, ¹⁰akū tera sà à tò kpatablerino kú ikode kú ò kú musuno a ɔndō buri dasino dō sōsi gbēno gāi. ¹¹Luda poyenyīna kú à kun zaa káaku pī lé pāpa Kirisi Yesu ó Dikiri gāi. ¹²A gūn ó zé vī ò na Ludai kú swēo kpatena a náanikena yāi. ¹³Abire yāi ma wé kēáwa, àsun tó á nēse yaka wari kú maten ke á musu yāiro. Á kpetana yāime.

Kirisi yenyī

¹⁴Abire yāi madī kúte De Ludane. ¹⁵A kīnaa a bedē kú ò kú musu kú zīteono n tō lēn n pínki. ¹⁶Madī wé kea à á gba gbāna á nēsee gūn kú a Nini gbānao a aruzeke gakuride lēn, ¹⁷de Kirisi vute á swēn a náani kú átēn ke

yāi, á zīnipetena gō gbāna yenyī gūn, ¹⁸ de à le à a yenyī yàasa kū a gbànao kū a leio kū a lòkotooo gbá dō kū Luda gbēno pínki, ¹⁹ de à le à a yenyī kū oni fō ò a lé dō pínkiro dō, Luda papana pínki pèkeréáwa.

²⁰ Luda zōkō! Aní fō à kewere de lākū odì a wé ke ke odì a laasun lé nàla manamana kū gbāna kū àten zī ke ó gūnwo. ²¹ Ogō a tó kpá sōsi gbēno kū Kirisi Yesuoo gūn wè kū wèeo ari goro sīnda pínki! Aami.

4

Mèdokōnōkenaa

¹ Makū kū má de purusuna ū Dikirine, ma wé kèáwa, á kunna gō de lākū Luda á sísi àgō de nà. ² À kō fō, àgō yekōi zīdabusanaa gūn kū nèseyīdao kū menao. ³ À wé tã àgō lédokōnō kū à bò Luda Nini kīnaa vī bà kū àdi á dōkōa ū. ⁴ Mè mèn dome, akūsō Nini pii mèn dome. Len tãmaa kū Luda á sísiaa mèn do le se. ⁵ Dikiri mèn do, akūsō donyīze mèn do kū da'itekēna mèn doo. ⁶ Luda mèn dome ó pínki De ū. Àkū mé à iko vī ó baadia, àdigō zī ke ó gbē sīnda pínki gūn, à kú kū ó gbē sīnda pínkió.

⁷ Kirisi gbēke kè ó baadine, lākū à gba dàwewe nà lén. ⁸ Abire yāi à kēna Luda yān ò pì:

Kū à fùte à tà musu, à dò zīzōnōne are,
à gba dà gbēnōne.

⁹ A fute à tana musu bire de deramēe? Abire pì à kīpa ari zīte gēi gīa. ¹⁰ Gbē kū à kīpaa piime gbē kū à fùte à tà ludambe musumusū ū, de à gu sīnda pínki pa. ¹¹ Àkū mé à gbēkenō gbá zé ògō de zīrinō ū, gbēkenō annabino, gbēkenō baarunnakparino, gbēkenō pasutonō ke yādannerino, ¹² de Luda gbēno gō kú a zī soru gūn, de Kirisi mè gbāna kū, ¹³ ari ó pínki ògō gé ká Luda Né náani dokōnō kenaa a dōna dokōnō gūn, de ò gō gbē papanano ū Kirisi kū pō sīnda pínki pèkerēa zōkō lén. ¹⁴ Tó lemē ónigō de né fīti kū òdi òndō kū manafikió kēñe ò n sātēno ū doro, kū yā dufu dannena di n sé lán ĩa ke ísō bà. ¹⁵ Oi, óni yāpura o kū yenyīo, ò gbā yā sīnda pínki musu Kirisi kū à de a mì ū gūn. ¹⁶ A gūnn mègu sīnda pínki di kō kūn ò nakōa kū tīnō gbānao, akū mègunō di zī ke a zéa, mèe digō gbá àgō kara kū yenyīo.

Kunna zī kū kunna dufu

¹⁷ Abire yāi maten yā oáre kū Dikiri tōo, mateni á gbao laakarīi. Àsungō kun lán kifiri kū n nèsefutake doñne arenō bàro. ¹⁸ N laasun n kē yōnkō, ò zà kū wèndi kū Luda di kpámmao, kū n wé sira, akūsō n sá gbāna yāi. ¹⁹ Ò nèse vīro, ò n zīda kpá wé'isariyāa, ò dà vāni buri sīnda pínki kena ni vī. ²⁰ Àkōnō sō, ádi Kirisi yā dada lero. ²¹ Yesu gūn a a yā mà, a yāpura kū à vī dàda. ²² Ò óare à o gbare á dà zī kū à doáre arei, kū à yàka á pónidēna vānino yāi. ²³ Ò óare à á nèse lite á laasun gō dufu, ²⁴ áni dà dufu kū Luda kè lán a pō bà sé, á kunna nigō adona kunna yāpurade ū yázedēke gūn.

²⁵ Abire yāi à o gbare manafiki yāi, á baadi gō yāpura o a gbēdakene, zaakū mèdokōnōdenōmē ó ū. ²⁶ Tó á pō fē, àsun durunna kero. Àsun tó ifántē gē kpén àgō kpé pōfēnaro, ²⁷ de àsun Ibilisi gba zéro yāi. ²⁸ Gbē kū àdi kpāni o yā à kpāni tó. À wé tã à zī mana ke kū a o, de à pō le à bo takasidenōne. ²⁹ Àsun tó yā vāni ke bo á lénlo, séde a zéde kū ani gbē kara, à ke àre ū gbē kū òten manōne. ³⁰ Àsun Luda Nini kū à kú adona da pōsiranlo. À de sèeda kū Luda kèáwa ari á bona goro zī ū. ³¹ Àsun ke ĩni kū gbēkeoro. À

ɔɔfɛ tó kú pɛtɛo kú patana gbãnao kú gbɛsɔsɔnaao kú pãsíkena buri sɛnda pínki. ³² Àgɔ gbɛke ke kú kɔo. Àgɔ kɔ wɛnda gwa. À sùru ke kú kɔo lákú Luda sùruu kè kãáo nà Kirisi gūn.

5

Kunna gupuran

¹ Lákú á de Luda né yenyĩdeno ũ nà, à a ágba sé. ² Lákú Kirisi yewái nà à gí a wɛndiĩi ó yãĩ sa'obo kú a gbĩ nna Ludane ũ, à tó yekɔĩ doáre are le se.

³ Lákú á de Luda gbɛno ũ nà, adi kú ò pãpãkena ke dà vãni buri sɛnda pínki ke wákú yã ma á té sero. ⁴ Wé'isariyã'ona kú yã ðro sari onao kú fãai bɛne bonaao mana kãáoro ðo, sé sãabukena yã. ⁵ Àgɔ dɔ sãnsãn kú pãpãkeri ke kesɔ dàvãnide ke kesɔ wákúde ke ni kpata kú à bò Luda kĩnaa blɛ lee kú Kirisioro. Pɔ kú gbɛ di a wákú ke gɔ a dikiri ũme. ⁶ Àsun tó gbɛke á sãte kú yã pã korioro. Yã bire takano mé ani tó Luda ɔɔfɛ kipa a yádarisarinã. ⁷ Àsun tó á bàka gɔ kú kũnwo. ⁸ Á kú gusiran yã, tera sà Dikiri gūn á kú gupuran. Àgɔ kun gupura gbɛno ũ, ⁹ zaakú gupura di mana buri sɛnda pínki iĩne kú yãzedeo kú yãpurao. ¹⁰ À yã kú adi ká Dikirigu dada. ¹¹ Á bàka súnɡɔ kú kú gusira yãkena kú à karana vĩrooro. À yã bireno bobo gupurai. ¹² Bee yã kú gbɛ pino di ke asiri gūn ona bi wé'iyãme. ¹³ Tó ò bò kú yão gupurai, òdi a sūsu dɔ, ¹⁴ zaakú gupura di tó ò pɔ sɛnda pínki e. Abire yã òdi pi:

I'ori ñ vu ñ futɛ bona gan,
Kirisi ni gu punne.

¹⁵ Àgɔ á tãa'ona dɔ manamana. Àsungɔ de yõnkono ũro, sé òndõrino. ¹⁶ Àgɔ yã kú Luda a zé bòare ke, zaakú goro dikinanon vãni. ¹⁷ Abire yãĩ àsungɔ de yõnkono ũro, àgɔ dɔ lákú Dikiri ɔyenyĩna de nà. ¹⁸ Àsungɔ kú kú wɛdekenaaoro, adi pãpã zĩmmame, ama à tó Luda Nini gɔ zĩ ke á guu papana, ¹⁹ gbasa à fãai bo kú kɔo kú zaburao kú Luda tɔkpanaao kú lè kú Luda Nini di daáreo. À lè sí, à Dikiri tɔ kpá á swèe gūn, ²⁰ àgɔ De Luda sãabu ke goro sɛnda pínki yã sɛnda pínki gūn kú ó Dikiri Yesu Kirisi tɔo. ²¹ Á mi natekõne Kirisi vĩna kú á vĩ yãĩ.

Gɔgbɛ kunna kú a nãno

²² Ákõno nɔgbɛno, á baadi gɔ mi nate a zãne lákú Dikiri aten kene bà. ²³ Zaakú gɔgbɛme nɔgbɛ mi ũ, lákú Kirisi de sɔsi gbɛ kú ò de a mè ũno mi ũ nà kú ñ Surabariio. ²⁴ Lákú sɔsi gbɛno di mi nate Kirisine nà, lemɛ se nɔgbɛno gɔ mi nate ñ zãnone le yã sɛnda pínki gūn.

²⁵ Ákõno gɔgbɛno sɔ, á baadi gɔ ye a nãno lákú Kirisi ye sɔsi gbɛno nà, à gí a wɛndiĩi a yã. ²⁶ Á gbã bõne kú ío a yã gãĩ de àgɔ de a pɔ ũ, ²⁷ de à ñ kpan'are ke kú gakurio sãa sari yitorokũnaa sari mamberu sari gbãsi sari taari sari. ²⁸ Len à kú gɔgbɛ sɛnda pínki gɔ ye a nãno le lán a zĩda mèe bà. Gbɛ kú à ye a nãno ye a zĩdaimɛ. ²⁹ Gbɛke di gí a zĩda mèeĩro. Adi pɔble kpãa, adi laakari ða lákú Kirisi di ke sɔsi gbɛno nà, ³⁰ kú ó de a mɛguno ũ yã. ³¹ Abire yãĩ gɔgbɛ ni bo a de kú a dao bea, oni nakɔa kú a nãno, ñ gbɛnon pla ni gɔ mè do ũ. ³² Asiri zɔkɔ kú yã pii gūn, ma è à de le Kirisi dagura kú sɔsi gbɛno. ³³ Bee kú abireo à de á yã ũ se ðo. Á baadi gɔ ye a nãno lán a zĩda bà. Nɔgbɛ sɔ, à a zã yã da.

6

Néno yá

¹ Ákõno néno, Dikiri gūn àgõ á de kũ á dao yá ma, zaakũ abire mé à mana. ²⁻³ À bèere lí á de kũ á daone, de àgõ aafia à gi ke andunia gūn. Yá kũ Luda òtè káaku kũ léseaaon gwe.

⁴ Ákõno deno sõ, àsun á néno po yakaro. À n̄ tũtu ke à lé darĩma Yesude négwana ũ.

Zõno yá

⁵ Ákõno zõno, àgõ á andunia dí dikirinõ yá ma kũ nèsedoo kũ vĩnao kũ lukanaao lákũ Kirisin áten kenene bà. ⁶ Àsun zĩ keĩne n̄ wé yairo. Àgõ Luda poyenyĩna ke kũ yápurao kũ ákõno me Kirisi zõno ũ yái. ⁷ Àgõ zĩ ke kũ kokario lákũ Dikiri áten kenene bà, adi ke bisásirinlo. ⁸ Àgõ dõ kũ Dikiri ni baadi yámanakena fĩna bone, zò kesõ zĩdade.

⁹ Ákõno dikirinõ sõ, àgõ keĩne le se. À yá pásĩ oĩnena tó. Àgõ dõ kũ mókõno kũ ákõno pínki, á Dikiri kú musu, àdi yá ke gbẽke wé yairo.

Gõkebo kũ Luda kpáwáno

¹⁰ Yá kũ à gõn dí: Àgõ gbãna Dikiri gūn kũ a iko gbãna zõkõo. ¹¹ À gõkebo kũ Luda kpááwano da pínki, de à le à ze gĩgin à Ibilisi ɔndõ fĩ. ¹² Zaakũ adi ke bisásirinõn ɔten ɔsi ká kũńworo, sé nini vāni kũ ò kú musunõ. Ò de andunia díkĩna gusira kĩblerinõ ũ kũ n̄ midenõ kũ n̄ ikodenõ. ¹³ Abire yái à gõkebo pìnõ sète à da pínki, de à fõ à ze à gĩ goro vānia, gbasa à gõ zena gĩgin a pínki kenaa gbera. ¹⁴ Àgõ zena gbãna, à yápura do á pi asa ũ, à yāzedeke da mò uta ũ. ¹⁵ À kena nna kũ Ludao baaru nna kpá kyate ũ, de àgõ kú kũ soruo. ¹⁶ Àgõ ludanaanikena kũna sēgbako ũ goro sĩnda pínki, de à fõ à Setan kà tédenõ de pínki. ¹⁷ À surabana sé à kú mò fũra ũ, àgõ Luda yá kũ à de a Nini fēneda ũ kũna. ¹⁸ Àgõ adua ke goro sĩnda pínki, àgõ Luda kpányĩ gbeka yá sĩnda pínki gūn kũ a Nini donnena areo. Àgõ itē ke kũ mena zõkõo, àgõ adua ke Luda gbēnõne n̄ pínki. ¹⁹ À adua kemene do, de tó maten yá o, Luda ma gba lé mà a baaru nna asiri oĩne vĩna sari. ²⁰ Baaru nna pì yái má de Luda wéde kũ ò dà kpésiran ũ. Àgõ adua kemene, de mà baaru nna kpá vĩna sari lákũ à kũ mà kpá nà.

Lézammanaa

²¹ Ó gbēndo yenyĩde Tikiku, Dikiri zĩkeri náanide ni ma baaru kpááre pínki, de à le àgõ ma kunna dõ kũ pó kũ maten keo. ²² Ma a zĩáwa de à ó kunna oáreme, á nèse le à yĩda kũ.

²³ Ó gbēno, De Luda kũ Dikiri Yesu Kirisio á gba aafia, à á yena kõi karaáre kũ á ludanaanikenaao. ²⁴ Luda gbẽke ke gbē kũ ò ye ó Dikiri Yesu Kirisii lakanaa sarinõne n̄ pínki.

FILIPIDENO

Pɔlu aduakena Filipidenone

¹ Makū Pɔlu kū Timotio Kirisi Yesu zɔ̀blerino ókɔ̀no mé o takada dí kè Luda gbē kū ò kú Filipinone kunna Kirisi Yesu gūn kú ñ gbē zɔ̀kɔ̀no kú ñ kpanyirino. ² Luda ó De kú Dikiri Yesu Kirisio gbēke keáre, à á gba aafiaa.

³ Gɔ̀ro kú á yā òmagu pínki, madigɔ̀ ma Luda sáabu kpáme. ⁴ Ma aduakena gūn pínki madigɔ̀ adua keáre á pínki kú pɔ̀nnao, ⁵ kú á ɔ̀ kakarana kúmao baaru nna kpanaa gūn zaa gɔ̀ro kú a mà ari kú a gbārao yāi. ⁶ Má dɔ̀ sánsán, lákú Luda nà zī manaa á té nà, anigɔ̀ ke, ari à gé mì deo Kirisi Yesu sugɔ̀ro zī. ⁷ À mana kú má á yā kúna á pínki le, zaakū á yā kú ma swèn. Má da kpésirann yá, má ze kú baaru nna piio a yāpura ona yāin yá, á pínki á baka vī zé kú Luda ma gba gūn. ⁸ Luda dɔ̀ kú mateni á bege ke á pínki kú Kirisi Yesu yenyī burio. ⁹ Madì adua keáre, de á yenyī gɔ̀ kara àgɔ̀ gé dɔ̀naa gūn kú wékēnaao swáswa, ¹⁰ de à yā kú à kù à ke dɔ̀, àgɔ̀ kun nɛsepuradeno ũ taari sari Kirisi sugɔ̀ro zī. ¹¹ Àgɔ̀ pana kú yā mana kú òdi bo Yesu Kirisi kīnaanɔ̀, de ò Luda tɔ̀ bo, ò a sáabu kpá.

Kirisime Pɔlu wèndi ũ

¹² Ma gbēno, má ye àgɔ̀ dɔ̀ kú yā kú à ma le té kà baaru nna gena areime, ¹³ akū soza kínabe dogarino ñ pínki kú gbē kparano dɔ̀ kú Kirisi yāin ò ma dà kpésiran. ¹⁴ Ma dana kpésiran yāi ó gbēno Dikiri náani kè dasi de yāla, akū ñ kùgbāna kàra, òten Luda yā o gbēnone vīna sari.

¹⁵ Yāpurame, ñ gbēkeno di Kirisi yā waazi ke denlana yāi kú nɛsegɔ̀baao, gbēkeno sɔ̀ kú nɛsemanao. ¹⁶ Gbē díkīnanao di ke kú yenyīome, zaakū ò dɔ̀ kú má zena kú Yesu baarunnakpanaao yāin má yīna la. ¹⁷ Nɛsegɔ̀bade pino sɔ̀, òdi Kirisi yā waazi ke denlamonnena yāime, adi ke kú nɛsepuraonlo. Òten da òteni ñ kunna kpésiran wari karamene. ¹⁸ Yāken yá? Manafiki gūnn yá, yāpura gūnn yá, a pínki dé, òten Kirisi yā waazi kemε. Ma pɔ̀ nna kú abireo, akūsɔ̀ ani era à ke nna dɔ̀, ¹⁹ zaakū má dɔ̀ kú adua kú áten kemene kú Yesu Kirisi Nini kpányio ni tó mà bo. ²⁰ Ma wé dɔ̀, akūsɔ̀ má a náani vī manamana, kú wé'i ni ma kú yāke gūnlo. Tera sà lán yā bà kú kùgbānao mani Kirisi tɔ̀ bo ma mēe gūn, má kunn yá kesɔ̀ ma gan yá. ²¹ Zaakū Kirisi yāin má kún, ga demene àre ũ. ²² Tó ma kunna kú wèndiio demene zī àrede ũ, má dɔ̀ a kú mani séro, ²³ ma laasun kpaatename. Má ye mà tá, de màgɔ̀ kú kú Kirisio. Gwe manamene de gu dila zà. ²⁴ Ama à mana màgɔ̀ kú kú wèndiio á yāi. ²⁵ Abire yā futena vīro. Má dɔ̀ kú mani gɔ̀ la màgɔ̀ kú kááo á pínki, de à le à gé are kú pɔ̀nnao ludanaanikena gūn.

²⁶ Len gɔ̀ro kú mani era mà su á gwa le, áni zé le à ña dā Kirisi Yesu gūn manamana ma yāi. ²⁷ A pínki dé, tó ma su á gwa ke mádi suronlo, à tó á kunna kɔ̀ sé kú Kirisi baaru nnao, de tó mateni á baaru ma, mà ma kú á zena gíngin kú lédokɔ̀no, áten ɔ̀si ká kú nɛse mèn doo baaru nna pi zé yāi. ²⁸ Ásun tó á ibereno yāke vīna á kuro. Abire nigɔ̀ deñe sèeda ũ kú ò miì pè kakatena, ákɔ̀no sɔ̀ áni bo mana. Luda kenan gwe. ²⁹ Zaakū Luda á gbá zé à wari ke Kirisine, adi ke a náanikena adonlo. ³⁰ ɔ̀si kú a è maten ká yá, akūsɔ̀ a mà maten ká ari tera, ákɔ̀no á kú ɔ̀si dokɔ̀no piì gūmme.

2

Zidabusanaa

¹Tó á konna Kirisi gūn lédamma vī, tó a yenyī ten té kpáái, tó á lédokōnō vī kū a Ninio, tó á kō wēnda vī kū sūruuo, ²à laasun dokōnō ke, àgō yenyī dokōnō vī lédokōnōdenō ũ, poyeinayādokōnōdenō ũ, de ma pōnna gō papana. ³Àsun yāke ke denlana ke yōgōkena yāiro. Zidabusanaa gūn à a gbēdake kū kū bèereeo de á zīdala. ⁴Gbēke sūn laasun lé a zīda mēn do yāaro, à gbē pāndenō pō lé dō. ⁵Àgō nēse kū Kirisi Yesu vī vī se.

⁶A ludakenaa gūn adi a zīda kena lele kū Ludao yā daro,

⁷akū à a zīda gwena tòn, à zīrike sè,

à gō bisāsiri ũ, à bisāsirike sè.

⁸À a zīda bùsa,

à mī nāte ari à gēe à gào,

ari lígbāndurukpana ganaa.

⁹Abire yāi Luda a sè musu,

à tó kū à de tó sīnda pínkila kpāne,

¹⁰de tó ò Yesu tó sī,

gbē sīnda pínki ni kútene

ludambē kū zīteo kū zīte gēio,

¹¹gbē sīnda pínki ni o kū a léo

kū Yesu Kirisime Dikiri ũ

De Luda tōbona yāi.

À gu puñne andunia gūn

¹²Abire yāi ma gbē yenyīdenō, lākū adi ma yā ma gōro kū má kú kááo nà, atēnsa kū má kú kááo tera dorō, àgō á bona mana lé papa kū vīnao kū lukanao. ¹³Zaakū Luda mé àten zī ke á gūn de àgō ye a poyenyīnaai gbasà à ke. ¹⁴À yā sīnda pínki ke yākete kū lékpakōanao sari, ¹⁵de àgō taari sari, gbāsī sari, Luda né mamberusaridenō ũ tera gbē sātēna nēspāsīdenō té, kū àten gu puñne andunia gūn lán susunenō bà, ¹⁶àgō wēndi yā kūna, de mà le mà ía dā kááo Kirisi sugōro zī yāi. Tó àten ke le, de mádi bà pā léro akūsō mádi zī pā kero. ¹⁷Bee tó ma aru ni kōte á ludanaanikena sa'o'i ũ, ma pō nigō nna, maten pōnna ke kááo á pínki. ¹⁸Ákōnō sō, à pōnna ke le, ò ke lele.

Timōti kū Epafarōdituo

¹⁹Kū Dikiri Yesu arubarikaao mani Timōti zīáwa tera, de mà le mà á baaru ma, ma laakari kpáte. ²⁰Má gbēke vī kū à ye á yāi yāpura lākū a bàro. ²¹Gbē sīnda pínki zīda yā mé àdi done are, adi ke Yesu Kirisi yānlo. ²²Á dō lākū Timōti a zīda bì nà, à baaru nna zī kē kūmao lán né kū a deo bà. ²³Tó má a zēna dō sūsū, má ye mà a zīáwa gōnō. ²⁴Má Dikiri náani vī kū mani su á gwa tera ma zīda.

²⁵Ma gbē Epafarōditu, ma zīkeri dake, ma zīkari dake kū a a zī à kpámai kū pō kū mateni a ni denō, ma è à mana mà a gbareáwame. ²⁶Àteni á bege ke á pínki, akūsō a nēsee yāka, kū a a gyākēna baaru mà yāi. ²⁷À gyā kē yāpura ari à kà gana, akū Luda a wēnda gwà. Adi ke àkūme adoro, kū makūome se, de ma pōsira sūn kararo yāi. ²⁸Abire yāi maten wā mà a gbareáwa, de á wé sikōle, á pō ke nna, ma laakari kpáte. ²⁹À gbānake kpái Dikiri gūn kū pōnna zōkōo. À bèere lí gbē bire takane. ³⁰À gō fīti kū ani ga

Kirisi zĩ yāi. À a zĩda kpà gaa de à le à kpányĩ kũ áni f̄s̄ à kemenero kemene yāi.

3

Kirisi d̄s̄naa

¹ Ma gb̄en̄o, yā kũ à ḡon̄ dí: À p̄onna ke Dikiri ḡun̄. Mani gí yā kũ ma òare gb̄e sísiro. Àkũme aafia úare. ² À laakari ke lewanna k̄un̄oi, yāvānikeri kũ òdi ñ ke yákiyaki p̄in̄o! ³ Ók̄on̄o kũ odi donyĩ ke Ludane kũ a Nini gb̄anao, odi ña dā Kirisi Yesu ḡun̄, odi náani kpá ó zĩda yāaro, ók̄on̄o mé ó t̄s̄z̄nade yāpurañ ū. ⁴ Makũ, má zé vī mà náani kpá ma zĩdaa. Tó gb̄e ten da a a zĩda náani kè, ma a p̄o kè deala. ⁵ Ma t̄s̄o z̄s̄ ma ḡoro s̄oraak̄ode zĩ. Isarailan ma ū inaa ḡun̄, Biliaminu buri, Eberu buri yāpura. Musa doka musu má kũ Farisin̄o ḡaa ḡun̄. ⁶ Ma ania kè, ma wé t̄a s̄osi gb̄en̄o. Yākena a zéa Musa doka ḡun̄, gb̄eke dí f̄s̄ à ma taari èro. ⁷ Ama yā kũ má kũna àre ū yā p̄in̄o ḡ̄men̄e àree sari tera Kirisi yāi. ⁸ A kũ à deñla ma yā s̄inda p̄ínki dite àree sari ma Dikiri Kirisi Yesu d̄s̄na kũ à de a p̄ínkila yāi. Kirisi p̄i yāi ma o gb̄are yā s̄inda p̄ínkii b̄isa ū, de màḡo a vī, ⁹ màḡo kũ a ḡun̄ kũ yā kũ di tó ò ke nna kũ Ludao a náanikena yāiio. Luda di tó yā bo k̄un̄wo nna dokak̄una yāinlo, àdi tó yā bo k̄un̄wo nna Kirisi náanikena yāime. ¹⁰ Yā kũ má yei mé à de mà Kirisi d̄s̄ kũ gb̄ana kũ à f̄uteo bona ganwo, de ma bàka ḡo kũ a warikena ḡun̄, mà ḡo lákũ a bà a ganaa ḡun̄ ¹¹ gbasa mà ḡo ḡaavu ū.

P̄s̄ kũ nten péa lenaa

¹² Adi ke ma le p̄ínkinlo ak̄us̄o má papana ḡ̄aro. Maten péame, de mà yā kũ Kirisi Yesu ma se a p̄o ū yāi sí ma p̄o ū. ¹³ Ma gb̄en̄o, mádi sí ma le k̄oro. Yā mèn don maten ke, madì n̄on̄o p̄o kũ à kũ ma arei, p̄o kũ à kũ ma kpe laasunlena sari. ¹⁴ Maten pé p̄o kũ ma wé d̄oia, de mà àre kũ Luda ó sísia gena musu le Kirisi Yesu ḡai. ¹⁵ Ók̄on̄o gb̄e papanan̄o, òḡs̄ laasun bire vī. Tó á laasun p̄ande vī, Luda ni á wé k̄éare yā bire musu. ¹⁶ A p̄ínki dé, gu kũ o kan dí, ò gé are zé dok̄on̄o p̄ii ḡun̄.

¹⁷ Ma gb̄en̄o, à ma ágba sé, lákũ o a taka k̄éare nà, á wé ḡo pé gb̄e kũ ñ kunna k̄o s̄ion̄oi. ¹⁸ Madiḡo oare yā ḡen̄ baaak̄o, ak̄us̄o ma era maten oare tera d̄o kũ wé'io, gb̄en̄on̄ kun dasi kũ ñ yākena ñ ké Kirisi gana lía iberen̄o ū. ¹⁹ Ò mi p̄e kakatenaana. N̄ gbereme ñ dikiri ū, wé'iyāme ñ ñadāb̄o ū, andunia yān ñ laasun diḡo kúa. ²⁰ Ók̄on̄o s̄s̄, ludambe gb̄en̄on̄ o ū, ó wé d̄o Surabari kũ ani bo gwea, àkũme Dikiri Yesu Kirisi ū. ²¹ Ani ó mè gb̄anasarin̄o li lán a mè gakturide bà kũ a gb̄ana kũ ani f̄s̄ à tó p̄o s̄inda p̄ínki mì nateareo.

4

Lédammanaa

¹ Abire yāi ma gb̄e yenyide kũ mateni á bege ken̄o, ák̄on̄o kũ á de ma ñadāb̄o kũ madì p̄onna keo ūn̄o, àḡs̄ zena ḡinḡin Dikiri ḡun̄ le, ma gb̄en̄o.

² Ma kúte kè Yuodiane kũ Sintisio òḡs̄ lédok̄on̄o vī Dikiri ḡun̄. ³ M̄ok̄on̄ s̄s̄ ma gb̄endo náanide, ma wé k̄emma, ñ kpá n̄ogb̄e p̄in̄oi, zaakũ ò o si kà kũmao baaru nna kpanaa ḡun̄ kũ Kelementio kũ ma z̄ikeri daken̄o. N̄ tó kũ w̄endi takadan.

⁴ Àḡs̄ p̄onna ke Dikiri ḡun̄ ḡoro s̄inda p̄ínki. Ma òare d̄o, à p̄onna ke. ⁵ À á zĩda busa gb̄e s̄inda p̄ínkine. Dikiri sunaa kà k̄ani. ⁶ Àsun yāke damu kero. Yā s̄inda p̄ínki ḡun̄ à adua ke, à yā gb̄eka Ludaa kũ s̄abukenaanao, à

á yá'ümmananŃ onɛ, 7 ani á nèse kũ á laakaríio kpátéáre Kirisi Yesu gũn. Nèsekpatenaa pìi zŃkŃ, à de bisásiri dŃna la.

⁸ Ma gbĕnŃ, yá kũ à gŃáren dí: Yá kũ à yápara vĭ akũsŃ à bèere vĭ, yá kũ à zé vĭ akũsŃ à gbásĭ vĭro, yá kũ à nna akũsŃ à arubarika vĭ, yá kũ à mana akũsŃ òdi a sáabu kpá, àgŃ laasun lé yá birenŃ musu. ⁹ Yá kũ ma dàáre a sì, yá kũ a mà ma léi akũsŃ a èma, à yá birenŃ ke, Luda aafiade nigŃ kũ kááo.

PŃlu FilipidenŃ sáabukpanaa

¹⁰ Ma pŃ nna à kè zŃkŃ Dikiri gũn, zaakũ á laasun èra à sùma sà. Á ma yá kũna yá fá, zén ádi lero. ¹¹ Mádi o le kũ maten takasi ke yáinlo, zaakũ ma dà ma zĭdane màgŃ sáabu vĭ gwena sĭnda pínki gũn. ¹² Má takasikena dŃ akũsŃ má nnamana dŃ. GŃrŃ sĭnda pínki gu sĭnda pínkia kána ke nàa, pŃdinyĭ ke pŃkĭammana yáke vĭmenɛ doro. ¹³ Mani pŃ sĭnda pínki fŃ Kirisi kũ àdi ma gba gbána yái. ¹⁴ Bee kũ abireo kũ á bàka kũ kũ ma takasikenaao, a yá mana kè.

¹⁵ FilipidenŃ, á dŃ kũ á zĭdao, ma baaru nna kpánaáre káaku gũn, kũ ma bo Masedonia bùsun, sŃsi ke kun kũ à kpàmai kũ ɔgŃ yá bŃkŃtenaaoro, sé ákŃnŃ. ¹⁶ Bee gŃrŃ kũ má kũ Tesalonika, a pŃ kũ mateni a ni denŃ kpàzámene de gĕn dola. ¹⁷ Adi ke gban maten wetero, á àre karana Luda kĭnaan maten wete. ¹⁸ Ma pŃ kũ à kpàzámene lè, à pàpa ari à òre. EpafarŃditu á gbanŃ kpàma, pŃ mŃma sà. À de sa'obŃ kũ a gbĭ nna Ludane akũsŃ àdi káagu à sí ũ. ¹⁹ Ma Luda ni pŃ kũ á a ni vĭnŃ kpàáwa Kirisi Yesu gũn a aruzekɛ gakuride lén.

²⁰ ÒgŃ ó Luda ó De tŃ bo gŃrŃ sĭnda pínki! Aami.

Lézammanaa

²¹ A fŃ kpá Luda gbĕnŃa ní pínki kunna Kirisi Yesu gũn. Ma gbĕ kũ ó kũ leelenŃ fŃ kpàáwa. ²² Luda gbĕnŃ fŃ kpàáwa ní pínki, atĕnsa gbĕ kũ ò kũ Siza beano. ²³ Dikiri Yesu Kirisi gbĕke kéáre á ninin.

KOLSEDENŌ

Sáabukpana kũ aduakenaao

¹ Makũ Pɔlu, Kirisi Yesu z̄irri Luda pɔyenyĩnaa gũn kũ ó gbē Timotio, ókɔnɔ mé o takada dí kè ² ó gbē náanide kũ ò kú adona Kirisi gũn zaa Kɔlɔsenɔne. Luda ó De gbēke keáre, à á gba aafiaa.

³ Gɔɔ s̄inda pínki tó óten adua keáre, odiḡɔ Luda ó Dikiri Yesu Kirisi De sáabu kpáme, ⁴ zaakũ o á Kirisi Yesu náanikena baaru ma kũ yenyĩ kũ á v̄i ó gbēnɔne n̄ pínki, ⁵ kũ á wé dɔ p̄s kũ à ditenaáre ludambeĩ yāi. A yāpura yā mà zaa káaku baaru nna kũ o kpàáre gũn. ⁶ Baaru nna p̄i ten né i àten dagula andunia gũn pínki, lákũ à kè á té nà zaa gɔɔ kũ a mà, akũ a Luda gbēke s̄usu d̄s̄. ⁷ Ó gbē yenyĩde ó z̄ikeri dake Epafara mé à yā p̄i dàáre ó gēne ũ. Kirisi z̄ikeri náanideme, ⁸ akũ mé à yenyĩ kũ Luda Nini á káa òwɛre.

⁹ Abire yāi zaa gɔɔ kũ o á baaru ma, odiḡɔ wé keáre Ludaa lakanaa sari, de à tó à a pɔyenyĩna d̄s̄ swáswa, a Nini á gba ònd̄s̄ kũ wéz̄e pínki, ¹⁰ de àḡɔ kun lákũ Dikiri yei nà, á yā s̄inda pínki káagu, de á yā mana s̄inda pínki kena ḡs̄ dagula, á Luda d̄s̄na ḡs̄ kara, ¹¹ de àḡɔ gbāna yā s̄inda pínki gũn a gbāna gakuride lén, de à p̄s s̄inda pínki f̄s̄ kũ menao kũ p̄onnao, ¹² de àḡɔ De Luda sáabu kpá, zaakũ à ó ká baka kũ à d̄ite a gbēnɔne gupuranwa. ¹³ À ó bó gusira ikon, à ó ká a Né mèn do yenyĩde kpatan. ¹⁴ A gāin o ḡs̄ z̄idadenɔ ũ, ó durunna kèwá.

Kirisi de p̄s s̄inda pínkila

¹⁵ Kirisi bi Luda kũ òdi e kũ wéoro takame, Àkũme daudu ũ Luda p̄okenanɔ té pínki.

¹⁶ Luda p̄s kũ à kú musu kũ z̄iteo kè pínki a gāi, p̄s kũ òdi enɔ kũ p̄s kũ òdi eronɔ, kpatablerinɔn yá ke dikirinɔ ke gbānadenɔ ke ikodenɔ. P̄s s̄inda pínki bò a k̄inaame, ak̄s̄ ò kun a p̄s ũ.

¹⁷ À kun p̄s s̄inda pínki ā, p̄s s̄inda pínki kun a gāime.

¹⁸ Àkũme s̄osi gbē kũ ò de a mè ũnɔ mì ũ.

Àkũme naana ũ, ḡaavu káaku ũ, de à ḡs̄ p̄s s̄inda pínki m̄ide ũ.

¹⁹ Zaakũ à kà Ludagu a k̄ike pínki pekereea. ²⁰ À tó p̄s s̄inda pínki kè k̄āao nna a gāi, p̄s kũ ò kú z̄ite ke musunɔn yá. A aru kũ à k̄ote lía mé à s̄u kũ kena nna p̄io.

²¹ A kè Ludaa yā. A iberenɔn á ũ á laasun kũ á v̄anikenanɔ yāi, ²² akũ Luda tó a ke k̄āao nna Kirisi gana a bis̄asirikeme gũn yāi sà, de à á kpan'are ke gb̄ās̄i sari, mamberu sari, taari sari, ²³ tó á zena gbāna á ludanaanikena gũn yīgānaa sari ḡingin, tó ádi k̄ek̄ōa kũ tāmaa kũ á v̄i baaru nna kũ a màa gũnworó. Ó baaru nna p̄i kpà gbē kũ Luda kè z̄ite lanɔne pínki kũ makũ Pɔlu, ma ḡs̄ a kp̄ari ũ.

Pɔlu z̄ikena s̄osi gbēnɔne

24 Tera sà maten ponna ke kù wari kù maten ke á yáii. Wari kù Kirisi kè sɔsi gbē kù ò de a mè ùnɔ yáin maten pɔ kù à g̃ papa ma mēe gūn. 25 Luda zī dàmenē, akū ma g̃ sɔsi gbē pìnɔ kpanyīri ũ. À ma zī mà a yā oáre papana. 26 Asiriyā kù à utena gbēnɔne zaa káaku zaade Luda dí andunia kátero mé à bò Luda gbēnɔne gupuraa sà, 27 Luda ye ò d̃ lákū asiriyā pì gakuri zók̃ nà buri pāndenɔ kīnaa. Asiri pin dí: Kirisi kú á gūn, akú á wé d̃ɔ gakuria. 28 A waazin odi ke gbē sīnda pínkine, odi lé daoríma, odi yā dao gbē sīnda pínkine kù ɔnd̃ sīnda pínkio, de ò gé kù baadio papana Luda are Kirisi gūn. 29 Abire yāi maten zī ke, maten kokari ke kù a gbāna kù àten zī ke ma gūnwɔ gbānagbāna.

2

1 Má ye àg̃ kokari zók̃ kù maten keáre d̃, ák̃nɔ kù Laodiseadenɔ kù gbē kù ódi wé sik̃leronɔ pínki, 2 de n̄ swè le à kpáte, ò lédok̃nɔ ke kù yenyi, de n̄ wé kē swáswa, òg̃ Luda asiriyā kù à de Kirisi pì ũ d̃. 3 A kīnaan ɔnd̃ kù d̃naao aruzeke sīnda pínki ùten. 4 Mateni abire oáre, de gbēke sún á sáte kù lénna lékpak̃sanaaoro yāi. 5 Bee tó má kú kááoro, ma nini kú kááo, ma è àten yā ke a zéa, akūs̃ á Kirisi náanikena gbāna, akú ma pɔ kè nna.

Pɔ sīnda pínki pèkeremmana Kirisi gūn

6 Lákū a Kirisi Yesu si á Dikiri ũ nà, àg̃ kú a gūn le, 7 á zīni g̃ petena a gūn. À kara a gūn, àg̃ gbāna a náanikena gūn lákū ò dàáre nà. Àg̃ kú kù saábukpanaao manamana. 8 À laakari ke de gbēke sún d̃na gbāna kasaáre à á sáte kù bisásiri ɔnd̃ pā korioro. Yā bireno di bo futekarayānɔ kù andunia yākenanɔ kīnaame, adi ke Kirisi kīnaanlo. 9 Zaakū Luda kíke sīnda pínki pèkere Kirisia a bisásirikemēe gūn. 10 Kunna gbē kù à de gbāna sīnda pínki kù iko sīnda pínkioo mīde ũ pì gūn, a sīnda pínki pèkereáwa. 11 A gūn a t̃ɔ z̃ à bò á dà zīn. Adi ke t̃ kù bisásiri di z̃n̄nenlo, kù Kirisi di z̃n̄neme. 12 Zaakū da'itekēnaa gūn ò á vī káo, akú a fute káo, kù a gbāna kù Luda a fùteo bona gan náani kè yāi. 13 Á de gènɔ ũ yā Luda kīnaa á taarinɔ kù á dà zīn yāi, akú Luda á gbá wēndi dufu lēle kù Kirisio, à sūruu kè kúoo kù ó taarinɔ pínki. 14 Luda ó taari takada kù à ó dá yān gògo, à sè à pà lía. 15 Kirisi gana lía gbāna si dikirinɔ kù gbānadenɔooa, à bò kūnwɔ sarapuraa à n̄ kpe bò, à n̄ kpan'are kè z̃z̃nɔ ũ.

16 Abire yāi àsun tó gbēke á taari e pòblena ke pómīna ke dikpe ke m̃ dufu bona ke kámmabog̃ɔ yā musuro. 17 Yā bireno pínki bi yā kù ò pì ani su takamē, yā pìnɔ b̃k̃ɔtenan Kirisi ũ. 18 Àsun tó gbē kù àdi a zīda busa éke p̃ ũ kù àdi donyī ke malaikanɔne á sáte à á bo p̃ kù á wé péanlo. Wégupu'ena yā mé àdig̃ gbāna gbē bire takane, akú àdi a zīda bi pā a bisásirikeda laasunnɔ yāi. 19 À pena Kirisi kù à de mī ũaro. Kirisi gūn mēgu sīnda pínki di k̃ kù, ò nàk̃s̃a kù t̃n̄o gbānao, mēe p̃i dig̃ gbá lákū Luda ye à gbá nà.

20 Zaakū a ga kù Kirisio andunia yākenanɔ musu, b̃yāin adi n̄ yāditenneenanɔ ma lán andunia gbēnɔ bàa? 21 Òdi pì, òsun adikīna na n̄ ɔīro, òsun adikīna í kero, òsun ɔ na adiaro. 22 P̃ bireno pínki di laka kù n̄ anfānikēnaaomē. Bisásiri yādannēnan abireno ũ. 23 Yā bireno de lán ɔnd̃ yā bāme, zaakū òdi donyī yā tilasi dañne kù zīdabusanao kù warid̃na n̄ zīda mēeao. Bee kù abireno àdi kpá ó dànn̄ero.

3

Kunna wèndi dufu gūn

¹ Lákū a fute kū Kirisio nà, à tó ludambɛ yā doáre arɛ, zaakū gwen Kirisi vutɛna Luda ɔplai. ² À tó á laasun gɔ́ kú ludambɛ yānɔa, àsungɔ́ kú andunia pɔ́aro. ³ Zaakū a ga, á wèndi utɛna kú Kirisio Luda gūn.

⁴ Lákū Kirisi de á wèndi ũ nà, tó à bò gupuraa, ákɔ́nɔ se áni bo káao kú gakurio sà. ⁵ Abire yāi à andunia yā kú ò kú á nèseɛ gūnnɔ de: Pápákenaa, wé'iyā, mɛfutɛnaa, yā vāni nidɛna kú wākūuo. Pó kú gbɛ̀ dì a wākū ke gòne a dikiri ũmɛ. ⁶ Yā bireno yāin Luda ni pɔ́fɛna kipa a yāmarisarinɔa. ⁷ Ákɔ́nɔ se, á kú yā pìnɔ gūn yā, ò doáre arɛ. ⁸ À ɔ gbare yā dí takanɔi sà: Pɔ́fɛnaa, zukakanaa, nèse pásí, gbɛ̀sɔ́sɔ́na kú yāpápá'onaao. ⁹ Àsungɔ́ éke tokɔ́nɛro, zaakū a á dà zĩ kú a yákenanɔ gòala, ¹⁰ a a dufu sè kú à kèke àten dufu kú de à gɔ́ lán a Kèri pɔ́ bà. ¹¹ Gwe Yudanɔ kú buri pāndenɔ dokɔ́nɔmɛ kú tɔ́zɔ́nadɛnɔ kú gyoɔ́rɔ́dɛnɔ kú sɛ̀ntɛ gbɛ̀nɔ kú wésiradɛnɔ kú zònɔ kú zĩdadɛnɔ. Kirisimé ń pínki ũ, à kú ń gūn ń pínki.

¹² Abire yāi, lákū Luda á sé a gbɛ̀ yenyĩdɛnɔ ũ nà, dà kú ò de à daáwanɔn dí: Wènda, gbɛ̀ke, zĩdabusanaa, buseke kú menao. ¹³ À kɔ́ fɔ́. Tó yāke sù à á ká kú kɔ́o, à sùru ke kú kɔ́o. Lákū Dikiri sùru kè kááo nà, à ke kú kɔ́o le se. ¹⁴ A pínki musu à yenyĩ kú àdi yā pìnɔ kakara swáswa daáwa. ¹⁵ À tó aafia kú à bò Kirisi kīnaa kí ble á swèe gūn, zaakū kunna kú kɔ́o aafiaan Luda á sisia mèdokɔ́nɔdɛnɔ ũ. Àgɔ́ Luda sáabu kpá. ¹⁶ À tó Kirisi yā vutɛki le á nèsen manamana. À yā dakɔ́ne, à lé dakɔ́a kú ɔ́ndɔ́ sīnda pínki. Sáabukpanaa gūn à lè sí Ludanɛ á swèe gūn kú zaburao kú tɔ́kpanaa kú donyĩ lè nɔ. ¹⁷ Pó kú áten ke ke kú áten o pínki, à ke kú Dikiri Yesu tóo, à De Luda sáabu kpá a gāi.

Luda gbɛ̀nɔ kunna kú kɔ́o

¹⁸ Ákɔ́nɔ nɔgbɛ̀nɔ, á baadi gɔ́ mì nate a zāne. Len à kú à ke Dikiri gūn le. ¹⁹ Gɔ́gbɛ̀nɔ, á baadi gɔ́ ye a nanɔi. Àsungɔ́ pásí kúnworo. ²⁰ Néno, à á de kú á dao yā ma yā sīnda pínki gūn, zaakū abire mé àdi ká Dikirigu. ²¹ Denɔ, àsun á néno nèse fute à ń pɔ́ yakaro. ²² Zònɔ sɔ́ à á andunia dikirinɔ yā ma yā sīnda pínki gūn. Àsun zĩ keñné ń wé yāiro. À zĩ keñné kú nèse mèn doo, zaakū Dikiri vīnakérinɔn á ũ. ²³ Yā kú áten ke pínki, àgɔ́ ke kú yāpuraa, lándɔ́ Dikirin áten kene bà, adi ke bisāsirinlo. ²⁴ Àgɔ́ dɔ́ kú áni Dikiri láada le á baka ũ. Dikiri Kirisin áten doi. ²⁵ Yāvānikeri ni a vāni gbè le. Luda dì gbɛ̀ke wé gwaro.

4

¹ Ákɔ́nɔ dikirinɔ, à á zònɔ gwa a zéa súsu. Àgɔ́ dɔ́ kú ákɔ́nɔ se á Dikiri vī musu.

² Á á zĩda kpá aduakɛnaaa kú itɛkɛnaao kú sáabukpanaa. ³ À wé kewere Ludaa dɔ, à zé bowere ò a yā waazi ke, ò Kirisi asiriyá oñne. Abire yāin ò ma dai kpésiran. ⁴ À wé kemene mà yā pì o swáswa, lákū à kú mà o nà. ⁵ Àgɔ́ á zĩda kūna dɔ́ Yesusaridenɔ té kú ɔ́ndɔ́o. Àgɔ́ yā kú Luda a zé boáre ke a gɔ́rɔa. ⁶ À tó á légbɛ gɔ́ nna àgɔ́ karana vī, de àgɔ́ dɔ́ lákū áni yā lí baadia nà.

Lézammanaa

⁷ Ó gbě yenyíde Tikiku ni ma baaru kpááre pínki. Àkūme zíkəri náanide ũ, ó zòbleri dakeme Dikiri zĩ gūn. ⁸ Abire yáime mateni a zĩáwa de à ó kunna oáre, à laakari le à kpáte.

⁹ Á gběndo Ɔnesimu, ó gbě yenyíde náanide ten su káao. Oni pó kú ó kú a gūn gu dia oáre pínki. ¹⁰ Arisitaku kú ó kú lele kpésiran fɔ kpááwa kú Baanaba dakūna Maakuo. Ò Maaku yá òáre kò. Tó à sù á kīnaa, à gbānake kpáne. ¹¹ Yesu kú òdi pine Yusutu fɔ kpááwa dɔ. Yuda kú óten kpata kú à bò Luda kīnaa zĩ ke lelenɔ lén gwe. Ma laakari kpatena kūńwo. ¹² Á gběndo Epafara, Kirisi Yesu zòbleri fɔ kpááwa. Àdigò ania ke kú aduakenaáreo gɔɔ sīnda pínki, de à le à kāsara kú àgò papana Luda pɔyenyīnaa gūn. ¹³ Mani fɔ mà a sēeda ke kú àten zĩ kéáre manamana, ákòno kú Laodiseadenɔ kú Ierapɔlidenɔ. ¹⁴ Ó likita yenyíde Luku kú Demasio fɔ kpááwa. ¹⁵ À fɔ kpá ó gbě kú ò kú Laodiseanɔa kú Nimfao kú sɔsi gbě kú òdi kò kakara a beano. ¹⁶ Tó a takada dí kyó kè, à kpá Laodisea sɔsi gběno ò a kyó ke, gbasa à ní pó kyó ke se. ¹⁷ À o Akipune, à laakari dɔ Dikiri zĩ kú ò dāneea, à a mì de. ¹⁸ Makū Polu makū mé ma yá dí kè kú ma zĩda ɔo, ma fɔ kpááwa. À tó ma kunna kpésiran yá gò dɔágu. Luda gběke kéáre.

TESALONIKADENŃ TAKADA KAAKU

TesalonikadenŃ zémōnnēnaa

¹ Makū Pɔlu kū Silasio kū Timōtio, ókōnŃ mé o takada díkīna kē Tesalonika sɔsi gbē kū ò kú De Luda kū Dikiri Yesu Kirisio gūnnōne. Luda gbēke keáre, à á gba aafiaa. ² Ó aduakēnaa gūn á yā digō dɔ́ogu gɔrɔ sīnda pínki, odigō Luda sáabu kpá á pínki yā musu. ³ Lákū áten zī ke á ludanaanikenāaa nà, áten kokari ke yenyī gūn, akūsō áten mena ke wédōna ó Dikiri Yesu Kirisii yāi, yā pìnŃ digō dɔ́ogu Luda ó De are. ⁴ Ó gbē Luda yenyīdenŃ, ó dō kū Luda á sé, ⁵ zaakū kū o baaru nna kpàáre, ódi su kū yā'onaao adoro, o su kū Luda Nini gbānaome, yā pì ó kūna gbāna manamana. Á dō lākū ó kú á té nà á aafia yāi, ⁶ akū a gō ókōnŃ kū Dikirio dàdarinŃ ũ. Wari zókōŃ gūn a yā pìi sī kū pōnna kū Luda Nini dàáguo, ⁷ akū a zé mò Yesude kū ò kú Masedonia bùsu gūnnōne kū Girisi bùsuuo pínki. ⁸ Dikiri yā bò á kīnaa, adi ze Masedonia kū Girisio adoro, á Yesu nāanikēna yā dàgula pínki, à baarukpana vī dorō. ⁹ Òten o lākū o zé lè à kīnaa nà, lākū a kpē lì tānanōne, a are dō Ludaa nà, akū áten do Luda Wēndide Yāpuradei, ¹⁰ áteni a Né Yesu kū à a fùte bona gan dā ari à bo ludambe, à su ó sí pofē kū Luda ni kiparūmaa.

2

Pɔlu zīkēna Tesalonika

¹ Ma gbēnŃ, á dō kū á zīdao, kū ó zé lena á kīnaa dí ke pāro. ² Á dō lākū ò wé tǎwá nà, o wari kē káaku zaa Filipi, akū Luda ó gbá swēe, o a baaru nna kpàáre kokari kū kokario. ³ Ó nakaranaáwa de éke zé yā ũro. Ódi ke laasun vāni ke á takikēna yāinlo. ⁴ Lákū Luda ó ká a baaru nna kpanāaa nà, len odì kpáínne le, adi ke bisāsiri poyeinan óten wetero, sé Luda ó laasun tāsikeri pó. ⁵ Á dō kū ódi yā nnanna o gbēkenero, akūsō ódi yāke ke kū manafikio wākū yāiro. Ludan ó sèedade ũ. ⁶ Ódi sáabu wete bisāsiri kīnaaro, ákōnŃ ke gbē pāndenŃ. ⁷ Bee kū ó a zé vī ò gǎare aso ũ ó Kirisi zīrikēna yāi, o kē kááo busebuse, lākū nŃgbē nérande di laakari dō a néa nà. ⁸ Kū ó yeái manamana yāi, ódi zeo ò baaru nna kū à bò Luda kīnaa kpàáre adoro, kū ó zīda kpááwanāaome dō, zaakū a gō ó gbē yenyīdenŃ ũ. ⁹ Ma gbēnŃ, à tó ó zīkēna kū wario yā dɔ́agu. Gɔrɔ kū óten baaru nna kū à bò Luda kīnaa pì kpàáre, odigō zī ke fānantē kū gwāanio, de òsun gō á gbēkenē aso ũro yāi. ¹⁰ ÁkōnŃme ó sèedadēnŃ ũ, kū Ludao dō, kū ó kú ákōnŃ kū a Yesu nāani kēnŃ té a zéa nēsēpuradenŃ ũ taari sari. ¹¹ Á dō kū o yā kē á baadinē lākū de di ke a nēnōne nà. ¹² O lé dàáwa, o á nēsēe kpàtéáre, o nakaraáwa, de á kunna ke lēle kū gbē kū Luda n ká kpata gakuride kū à bò a kīnaannŃo.

¹³ Kū a Luda yā kū o òáre pìi mà, adi dite bisāsiri pó ũro, a sī lākū à de nà, Luda yā yāpura ũ. Àkū mé áten zī ke ákōnŃ kū áteni a nāani kēnŃ gūn. Abire yāi dō odigō Luda sáabu kpá lakanaa sari. ¹⁴ Ó gbēnŃ, á yā kē lēle kū Luda gbē kū ò kú Kirisi Yesu gūn zaa YudeannŃo, zaakū á bùsudenŃ wé tǎáwa se lākū YudanŃ tǎmīma nà. ¹⁵ YudanŃ Dikiri Yesu dē kū annabinŃ dō, akūsō ò pèwá. N yā di ká Luda guro, ò ibereē sē kū gbē sīnda pínki. ¹⁶ Ódi

kpáwεε ò yā kū Luda ò gbē sura bao o buri pāndenɔε. Len durunna kū òdigō ke gɔɔ sīnda pínki òdigō didikōa le. Luda pɔfē kipa n̄ musu sà.

Timoti zīna Tesalonika

¹⁷ Ó gbēnɔ, kū o kēkōa gɔɔ pla, wé mé adi kō ero, ama ó laasun kúáwa. O á bege kè manamana, o mēε wà kū ò wé sikōle. ¹⁸ Ó ye ò su á gwa dɔ. Makū Pɔlu ma suna zé wētε à de gēn do ke gēn plala, akū Setan kpáwεε. ¹⁹ Tó ó Dikiri Yesu sù, dí mé anigō de ó támaa kū ó pɔnnao kū ó gāzubɔɔ ũ a are á baasii? ²⁰ Zaakū ákɔnɔε ó gakuri kū ó pɔnnao ũ.

3

¹ Kū ódi f̄ ò mena doru, o zεo ò gō Ateni ó tēne, ² o ó gbēndo Timoti, Luda zikeri dake Kirisi baarunnakpanaa gūn zīáwa, de à á gba gbāna à á n̄εε kpátεáre á ludanaanikēnaa gūn, ³ de á gbēke laakari sún fute wétāmmaanaa pì yāiro. Á d̄ kū á zīdao kū Luda abire taka òtεwεε. ⁴ Gɔɔ kū ó kú á kīnaa, o gīnake o óáre kū oni wé tāwá, akū à kè le lākū á d̄ nà. ⁵ Abire yāi kū mani f̄ mà mena doru, ma a zī à á ludanaanikēna gwa. Ke Ibilisi á yō à á gwá, ó zī kè pān yá, ó d̄ro.

⁶ Kū Timoti sù sà, à á ludanaanikēna kū á yenyīo baaruu kpáwεε. Á pì ó yā òdigō d̄águ kū laasun manaa, akūsō átēni ó bege ke lākū ótēni á bege ke nà. ⁷ Ma gbēnɔ, á ludanaanikēna yā mé à tò ó laakari kpatena á yā musu ó wétāmmaana kū ó wario gūn pínki. ⁸ Zaakū á zena gīngin Dikiri gūn, tera o iam pà sà. ⁹ Óni f̄ ò Luda sáabu kpá á yā musu. O ó Luda sáabu kpà manamana kū pɔnna zōkō kū odì ke a are á yāiio. ¹⁰ Gwāani kū fānantēo odigō wé ke manamana, de ò le ò wé sikōle, ò pó kū à kīa á ludanaanikēnaa gūn papaáre.

¹¹ Luda ó De kū ó Dikiri Yesuo zé porowεε ò su ò á gwa. ¹² Dikiri yenyī kū á vī kū kōo kū gbē sīnda pínki karaáre, à dadaála lán yenyī kū ó vī kááo bà, ¹³ à á swē gba gbāna de àgō kun gbāsī sari taarisaridenɔ ũ Luda ó De are ó Dikiri Yesu kū a gbēnɔ pínki sugɔɔa.

4

Kunna lākū Luda yei nà

¹ Yā kū à gōn dí, ma gbēnɔ, a mà ó kīnaa lākū à mana á kunna ká Ludagu nà. Á kunna de le kò, ama ótēn wé keáwa, ótēn kúte keáre ó Dikiri Yesu gūn, àgō kun le àgō géo. ² Á yā kū o dàáre kū Dikiri Yesu tóo d̄. ³ Luda ye á kunna gō adona, à mì kē papākenaa. ⁴ Á baadi gō a zīda kūna d̄ kū bèereεo gbāsī sari, ⁵ adi ke kū dà vāni nidenaa lán kifiri kū ò Luda d̄ronɔ bānlo. ⁶ Yā pii musu gbēke sún a gbēdake taki ke ke à taari kenero, zaakū Dikiri ni wé tā yā bire taka kèrinɔ a lākū o gīnake o óáre nà, o á s̄ gào. ⁷ Luda dí ó sísi ògō kú kū gbāsīoro, séde ó kunna gō adona. ⁸ Abire yāi gbē kū à gī yādannena dí, adi ke bisāsirin à giuro, Luda kū àdi a Nini kū à kú adona daógun à gī.

⁹ Óni le ò yekōina yā oáreru, zaakū kū á zīdao Luda yekōinaa dàáre. ¹⁰ Á kunna de le kò, á ye ó gbē kū ò kú Masedonia b̄su gūnɔi n̄ pínki. Ma gbēnɔ, o lé dàáwa, àgō ke le àgō géo, ¹¹ à zé wete àgō kun yākete sari, á baadi á zīda yā ke à á zīda zī ke, lākū o òtεáre nà, ¹² de á kunna le à ká bàidenɔgu, de àsun fu á zīdaa à da gbēkeiro.

Dikiri sunaa

¹³ Ma gbēnɔ, o ye àgɔ yāpura dɔ gbē kũ ò andunia tònɔ yā musu, de á pɔ súngɔ sira lán gbē kũ ò támaa vīronɔ bàro yāi. ¹⁴ Zaakũ o sì kũ Yesu gà à fùte, len dɔ Luda ni tó gbē kũ ò andunia tò Yesu gũnnɔ era ò su kāao lɛlɛ.

¹⁵ Yā kũ òten oáre dikīna bi Dikiri yādannenaame. Ókɔnɔ gbē kpara kũ ónigɔ kun ari Dikiri sugɔɔ zīnɔ, óni do gbē kũ ò andunia tóo pìnɔne arero. ¹⁶ Dikiri mé ani bo ludambe, à kipa kũ yáditennenaao kũ malaika gbē zɔkɔ kòtooo kũ Luda kākāki ɔo, gbē kũ ò gà Kirisi gũnnɔ ni vu bona gan káaku, ¹⁷ abire gbera ókɔnɔ gbē kpara kũ ó kunnɔ, oni ó sɛte kũnwo lɛlɛ ari ludambe lukun ò da Dikirilɛ ĩa gũn, gbaso ògɔ kú kāao ari gɔɔ sīnda pínki. ¹⁸ Abire yāi à kɔ laakari kpáte kũ yā piio.

5

¹ Ma gbēnɔ, yā pì kena ke a kegɔɔ oárena zé vīro, ² zaakũ á dɔ sānsān lākũ kpāni dì su gwāani nà. Len anigɔ de Dikiri sugɔɔ zī lɛ. ³ Tó gbēnɔ ten pi, ó aafia, ó kun ó laakariia, kakatena ni surīma kānto lākũ né'iwāwā dì su nòsindarea nà, oni boro. ⁴ Ákɔnɔ sɔ ó gbēnɔ, á kú gusiranlo, gɔɔ pì ni suāwa lán kpāni bàro, ⁵ zaakũ gupura gbēnɔ á ũ, fānantɛ gbēnɔ á ũ á pínki. Gwāani ke gusira gbēnɔ ó ũro. ⁶ Abire yāi òsun i o lán dakenɔ bàro. Ó itɛ ke ògɔ kú ó laakariia. ⁷ I'orinɔ dì i o gwāani, wēderinɔ sɔ òdi wēde ke gwāani. ⁸ Ókɔnɔ sɔ, zaakũ fānantɛ gbēnɔ ó ũ, ògɔ kú kũ laakariio, ò ludanaanikena kũ yenyīo da mò uta ũ, ò surabana támaa kú mò fūra ũ. ⁹ Zaakũ Luda dí ó dite à pɔfɛ kipawáro. Á ó dite à ó sura ba ó Dikiri Yesu Kirisi gāime. ¹⁰ Ákũ mé à gà ó yāi de ògɔ kú kāao, tó ó bēne ke o andunia tòn yá. ¹¹ Abire yāi à lé dakɔa, à kɔ gba gbāna, lākũ áten ke nà.

Pɔlu yáditena Tesalonikadenɔne

¹² Ma gbēnɔ, o wé kèáwa, à bèere lí gbē kũ òdi zī ke á ténɔne, kũ ò iko víáwa Dikiri gũn, òteni á da zéanɔ. ¹³ Á n̄ gakuri dɔn̄ne manamana yenyī gũn zī kũ òten ke yāi. Àgɔ nna kũ kɔo. ¹⁴ Ma gbēnɔ, o lé dàáwa, à fayasaridenɔ da zén, à gbē yīdanɔ gba swèè, à laakari dɔ gbānasaridenɔa, à mena kũ gbē sīnda pínki. ¹⁵ À laakari ke, á gbēke sún a vāni fina bo kũ a vānioro. Á zé wete àgɔ a mana kekɔne kũ gbē sīnda pínki gɔɔ sīnda pínki.

¹⁶ Àgɔ kú kũ pɔnnao gɔɔ sīnda pínki. ¹⁷ Àgɔ adua ke lakanaa sari. ¹⁸ Àgɔ Luda sáabu kpá yā sīnda pínki musu. Abire mé à deáre a pɔyenyīna ũ Kirisi Yesu gũn. ¹⁹ Àsun Luda Nini té kũ àdi kángu dederó, ²⁰ àsun annabikéyā gya boro. ²¹ À yā sīnda pínki tàasi ká, àgɔ a mana kũna, ²² à mi kē vānikena buri sīnda pínkia.

²³ Luda Aafiade tó á kunna gɔ kú adona yā sīnda pínki gũn, à á nini kũ á wèndiio kũ á mèeo dākpáare aafia taari sari ari ó Dikiri Yesu Kirisi sugɔɔ. ²⁴ Luda kũ à á sísi à á sé náani vī, ani yā pì keáre.

²⁵ Ma gbēnɔ, à adua kewere. ²⁶ À fɔ kpá ó gbēnɔa n̄ pínki kũ Luda gbēnɔ lépemmaanao. ²⁷ Ma naáre Dikiri, à takada dí kyó ke ó gbēnɔne n̄ pínki. ²⁸ Ó Dikiri Yesu Kirisi gbēke keáre.

TESALONIKADENŃ TAKADA PLADE

Yakpatekena Kirisi sugɔɔa

¹ Makū Pɔlu kū Silasio kū Timotio, ókɔnɔ mé o takada díkína kè Tesalonika sɔsi gbē kū ò kú Luda ó De kú Dikiri Yesu Kirisioo gūnnɔne.

² De Luda kú Dikiri Yesu Kirisio gbēke keáre, à á gba aafiaa.

³ Ó gbēnɔ, à kù ògɔ Luda sáabu kpá á yá musu gɔɔ sīnda pínki, lákū à mana nà, zaakū á ludanaanikena ten gé are manamana, akūsɔ yenyī kú á baadi vī kú kɔo ten kara. ⁴ Abire yāi odi lé gbē á yá musu Luda sɔsinɔ gūn, lákū áten wétámmama kú wari pínkio fɔ nà kú menao kú ludanaanikenaao. ⁵ Abire m̀wewere kú Luda dì yá gɔgɔ kú gbēnɔ a zéame. Abire yāi a ka à gē kpata kú à bò Luda kīnaa gūn kú áten wari ke a yāi. ⁶ Luda dì yá ke a zéame. Ani wé tá gbē kú òten wé tááwanɔ, ⁷ ani ákɔnɔ kú òteni wé tááwanɔ gba ĩampaki kú ókɔnɔ, tó Dikiri Yesu bò ludambe kú a malaika gbānanɔ ⁸ kú tévuraao. Ani wé tá ludad̄risari kú odi ó Dikiri Yesu baaru nna síronɔa. ⁹ Kakatena lakanasarin Luda ni wé táom̄ma. Oni n̄ kpake Dikiri are kú a gbāna gakurideo. ¹⁰ Tó à sù gɔɔ pì zī, ani tó bo a gbēnɔ yá musu, gbasaa a nāanikerii pìnɔ a mana bo n̄ pínki. Anigɔ kú n̄ té, zaakū a yá kú o óáre sí.

¹¹ Abire yāin odigɔ adua keáre baala'i, de ó Luda tó á kunna ká gwena kú à á sísia, à yá mana kú a ze kú a kenaaonɔ kú zī kú áten ke a nāanikenaa gūnnɔ pínki papaáre kú a gbānao. ¹² Dikiri Yesu tó ni bo á musu, ákɔnɔ sɔ á tó ni bo a musu ó Luda kú Dikiri Yesu Kirisi p̄io gbēke yāi.

2

Ludayādarisari

¹ Ó gbēnɔ, Yesu Kirisi suna kú ó kɔkakaranaao de ò daale yá musu, o wé kēáwa, ² àsun tó á laakari fute aragaro. Tó annabi yáke waazi ke takada kú ò pì à bò ó kīnaa pì, Dikiri sugɔɔ kà kò, àsun bídi kero. ³ Àsun tó gbēke á sate kú yá bire takaoro, zaakū gɔɔ bire ni suro, séto gbēnɔ bona Luda kpe gɔɔ kà gīa kú ludayādarisari kú à m̄i pē kakatena zéa bona gupuraao. ⁴ Ani gí pɔ kú òdi n̄ dite dikiri ūnɔi kú pɔ kú òdi donyī kénnenɔ pínki, ani a zīda bi deńla, ani gé à vute Luda kpén, à a zīda dite Luda ū se. ⁵ Gɔɔ kú má kú kááo ma yá p̄i óáre. Ádi dɔnloo? ⁶ Á d̄s pɔ kú àteni a dádá de àsun bo a gɔɔ áro yá? ⁷ Zaakū ludayādanasari ten ɔ tá asiri gūn kò. Ani boro, séto gbē kú áten kpáne gò zén baasiro, ⁸ ludayādarisarii pì ni gbasaa à bo sà. Dikiri Yesu ni a de kú a lé'iao, à a kakate kú a suna gakurio. ⁹ Ludayādarisari pì ni su kú Setan gbānao à daboyānɔ kú yābonsarenɔ ke kú sēda éke buri sīnda pínkio. ¹⁰ Ani manafiki buri sīnda pínki ke gbē kú ò m̄i pē kakatena zéanɔne, kú ò ḡi yāpura kú ani n̄ sura bai yāi. ¹¹ Abire yāi Luda ni likarana pāsī zīńma de ò éke náani ke. ¹² Yá ni gbasaa à vute gbē kú odi yāpura síro kú òdi pɔnna ke kú a vānionɔa n̄ pínki.

Luda á sé de à á sura ba

¹³ Ó gbē Dikiri yenyidenɔ, à mana ògɔ Luda sáabu kpá gɔɔ sīnda pínki á yá musu, zaakū Luda á sé zaa káaku, de à bo kú a Nini kú à tò o gɔ a pɔ ū gbānao á yāpura sina yāi. ¹⁴ Luda á sísi à á sé baaru nna kú o kpááre yāi, de á baka gɔ kú ó Dikiri Yesu Kirisi gakuri gūn. ¹⁵ Abire yāi ó gbēnɔ,

à zε gbāna, àg̃ō yā kū o dàáre kū léo ke takada gūn kūna. ¹⁶ Ó Dikiri Yesu Kirisi kū Luda ó Deo yewáí, a gbēke gūn à ó laakarii kpátewere ari goro sīnda pínki, à tāmaa mana dàógu. ¹⁷ Á á laakari kpátéare, à á gba gbāna yāmanakena kū yāmana'onaa gūn pínki.

3

À adua kewere

¹ Yā kū à g̃on dí, ó gbēno, à adua kewere, de Dikiri yā le à dagula likalika, àg̃ō bèere vīñne lākū à vī á kīnaa nà. ² À adua kewere de à ó bo gbē vāni d̃rosaridenŋ oī, zaakū adi ke gbē sīnda pínki mé à Luda yā siro. ³ Dikiri náani vī, ani á gba gbāna, ani á sí a vānia. ⁴ O á náani kè Dikiri gūn kū áten yā kū o òárenŋ ke, akūs̄s̄ ániḡō ke. ⁵ Dikiri tó à Luda yenyī kū Kirisi menao gbáze d̄s̄ á swèn.

Òsun ma'a kero

⁶ Ó gbēno, o naáre Dikiri Yesu Kirisii, à kē ó gbē kū ò ma'a vīnoa, kū òdi zī ke kū yā kū o dànéoronŋ. ⁷ Á d̄s̄ kū á zīdao, kū à mana àg̃ō té ó ágbai, zaakū ma'ādenŋ ó ū goro kū ó kú á téro. ⁸ Ódi gbēke p̄oble sí o blē fīnabonaa sariro, o zī kè gwāani kū fānantēo, o wari kè ari í siwá, de òsun g̃ō á gbēkene aso ūro yāi. ⁹ Ó a zé vī à kpáwáí, ama o kè le de à ó ágba sé yāime. ¹⁰ Goro kū ó kú kááo, o d̄ite kū gbē kū à ye zīkenaaairo ni p̄o blero. ¹¹ O mà kū á gbēkenŋ ma'a vī, òdi p̄oke kopiro, séde gude. ¹² O d̄ite gbē bire takanŋe, o nañne Dikiri Yesu Kirisii, ò vuteki kū ò zī ke ò n̄ zīda gwa.

¹³ Ák̄onŋ s̄s̄ ó gbēno, àsun kpasa kū yāmanakenaoro. ¹⁴ Tó gbēke dí yā kū o òáre takada dí gūn daro, à a yā bo à d̄ite. Àsun kakara k̄aoro, de wé'i le à a kū yāi. ¹⁵ Ama àsun a sé á ibere ūro, à lé daa á gbēndo ū.

¹⁶ Dikiri Aafiade á gba aafia goro sīnda pínki yā sīnda pínki gūn. Dikiri g̃ō kú kááo á pínki. ¹⁷ Makū P̄olu makū mé ma f̄okpammana d̄ikīna k̄ē kū ma zīda o. Abirekūme ma takada pínki s̄eada ū, len mad̄i k̄ē le. ¹⁸ Ó Dikiri Yesu Kirisi gbēke kéare á pínki.

TIMŌTI TAKADA KAAKU

Yadannerinɔ gbana laakarii

¹ Makū Pɔlu, Kirisi Yesu z̄rii lākū Luda ó Surabari kū Kirisi Yesu kū ó wé d̄iio d̄itemene nà, ² ma takada dí kènne Timŏti, ma né'ina Yesu zé gūn. De Luda kū ó Dikiri Kirisi Yesuo gbēke kenne kū s̄uruu à n gba aafiaa.

³ Lākū ma nakamma nà gɔɔ kū maten gé Masedonia b̄usun, ñ ḡɔ Efesu ñ o gbēkenone òsun yā kū àdi k̄ó sé kū Luda yāoro dañne doro. ⁴ Òsun laakari d̄o gara kū dizinɔ t̄ó k̄nɔwena kū à lé v̄irooa doro. Abire di su kū lékpak̄sanaaome. Àdi t̄ó Luda z̄i kū àdi bo a náanikenaa gūn gé arero. ⁵ Ma yā p̄i d̄ite de òḡɔ yenyī v̄i yāime, yenyī kū àdi bo n̄es̄pura kū laasunl̄ena dok̄n̄o kū ludanaanikena manafikisarioo gūn. ⁶ Gbēkeno p̄à yā p̄inone ò ḡè yā p̄āp̄ā onan. ⁷ Ò ye òḡɔ de Musa doka yadannerinɔ ũ, ama ò yā kū òten o gbāze d̄oro ke yā kū ò z̄eanɔ.

⁸ Ó d̄s̄ kū doka p̄i mana, t̄ó gb̄e ten z̄i kea a z̄éa. ⁹ Ó d̄s̄ d̄o kū Luda dí doka d̄ite gb̄e mananɔ yāiro, séde dokadarisarinone kū s̄āgb̄anadenɔ kū ludawekerisarinɔ kū durunnakerinɔ kū ludad̄risarinɔ kū donyīrisarinɔ kū de kū dao d̄erinɔ kū gb̄ēderinɔ ¹⁰ kū zinakerinɔ kū p̄āp̄āb̄ēnek̄erinɔ kū l̄āgilaginɔ kū éked̄enɔ kū yad̄immarinɔ kū gb̄e kū òdi bo yadannena z̄éde kp̄enɔ ñ p̄inki. ¹¹ Yāzede p̄i k̄ó si kū baaru nna gakuride kū Luda arubarikade a kpanaa n̄amen̄e ma ɔ̄o.

Lākū Luda gbēke k̄e Pɔlun̄e nà

¹² Ma Kirisi Yesu ó Dikiri kū à ma gba gb̄ana s̄áabu k̄e, zaakū à ma náani k̄e à ma se mà z̄i keare. ¹³ Ma a t̄ó b̄ēne s̄i yā, ma wé t̄à a gb̄enɔa, ma gb̄ana m̄òñne. Bee kū abireo à s̄uruu k̄e k̄ūmao, zaakū ma k̄e w̄es̄irak̄enaa gūmme kū a náanikenasario. ¹⁴ Akū ó Dikiri gb̄ēke z̄ók̄o k̄emene, à t̄ò ma a náani k̄e, akū má yenyī kū à de ó p̄ó ũ kunna Kirisi Yesu gūn v̄i. ¹⁵ Yā dík̄ina bi yāpurame, à k̄ú ò sí ɔplapla. Kirisi Yesu s̄u andunia gūn durunnakerinɔ surabana yāi. Makū, ma durunna mé à de dakenɔ p̄óla, ¹⁶ akū Luda ma w̄enda gwà, de mena z̄ók̄o kū Kirisi Yesu k̄e kū makū durunnakeri k̄asaraao bo gupuraa, de àḡɔ de s̄ēda ũ gb̄e kū oni a náani ke ò w̄ēndi kū àdi lākaro lenone. ¹⁷ Luda m̄ēn do légelege, gɔɔ s̄inda p̄inki Kina kū àdi garo ak̄s̄ó òdi a e kū w̄éoro ḡɔ b̄ēere v̄i kū gakurio gɔɔ s̄inda p̄inki, aami.

¹⁸ Ma né Timŏti, lākū ò ḡinake ò annabikeyā ò n yā musu nà, maten yā p̄i danne, de ñḡɔ k̄ūna ñ z̄i mana k̄áo ¹⁹ ludanaanik̄enaa gūn kū laakar̄iio kp̄atena. Gbēkeno yā p̄ino kp̄a s̄akoto, akū ñ ludanaanik̄enaa di lé k̄úte. ²⁰ Im̄eneu kū Alesandao kú ñ té. Ma ñ kp̄a Setanwa, de òḡɔ d̄s̄ kū òdi d̄oke kū Ludaoro.

2

Donyīkenaa

¹ Káaku ḡia ma lé d̄amma, à adua ke gb̄e s̄inda p̄inkine à zé gb̄ekañne, à k̄úte ke Ludane ñ yāi kū s̄ábukpanaa. ² À adua ke k̄inanone kū gb̄anadenɔ ñ p̄inki, de ò le òḡɔ kun aafia yākete sari ludayāmarinɔ ũ, ó kunna ḡɔ b̄ēere v̄i. ³ Abirekū mé à mana, àdi ká Luda ó Surabarin. ⁴ À ye gb̄e s̄inda p̄inki surabana le òḡɔ yāpura d̄s̄.

⁵ Zaakū Luda mèn dome,
akūsō yākekeri kun mèn do
Luda kū bisāsirinŋ dagura,
ākūme bisāsiri Kirisi Yesu ū.

⁶ À a zīda kpà à gbē sīnda pínki bò,
akū ò a sèedaa kè a gɔɔa.

⁷ Abire yāi Luda ma dite a kpàkpakeri kū a zīriio ū, de mà a donyī zé
yāpurade da buri pāndenŋe. Yāpuraan maten o, adi ke ékenlo.

⁸ Má ye gōgbēnŋ adua ke gu sīnda pínkia, ò ɔ sé musu gbāsī sari, pōfē
kū lékpakānaao sari. ⁹ Má ye dŋ nōgbēnŋ n zīda keke a zéa yōgōkenaa
sari, zīdamōnŋnaa baasi. Adi ke kū mī yōgōde tānaao ke wura kū òso
nōmanablebŋ ke biza ɔgōdenŋonlo. ¹⁰ Ò n zīda keke kū yāmanakenaa
lákū à kù nōgbē donyīrinŋ ke nà. ¹¹ Nōgbēnŋ yā dada yītena, ò mī nate
yā sīnda pínki gūn. ¹² Madī we nōgbēnŋ yā dada gōgbēnŋe ke ògō iko
vīrmaro, séde ògō yītena kítikiti. ¹³ Zaakū Adamun Luda kè káaku, a
gbera Awau. ¹⁴ Adi ke Adamun ò sàtero, nōgbēn ò sàte à gō taaride ū.
¹⁵ Ama tó nōgbēnŋ mena fō kū ludanaanikenaa kū yenyīo kū kúadonaa
zīdamōnŋnaa baasi, oni né i aafia.

3

Sosi gbē zōkōnŋ

¹ Yā dīkīna bi yāpurame: Tó gbē ye à ke gbē zōkō ū, àten zī mana ni de.
² Gbē zōkō gō kun taari sari, nōmendode ū, laakaride ū. Àgō a zīda kūna dō
gbē fayade ū, nibōkūri ū, gbē kū ani fō à yā dañne ū. ³ Àsungō de wēderi ke
gbē pāsī ūro. Àgō de nēsēdode yāketesaride ū. ɔgō sún done arero. ⁴ Àgō a
ɔn kūna dō, a néno gō mī natene ògō a ɔdōki gwa. ⁵ Zaakū tó gbē a ɔn kūna
dōro, ani ke dera à fō à Luda sosi gbēnŋ gwaa? ⁶ Àsungō de Yesude dufu ūro,
de àsun ĩa dā à a zīda da yān lán Ibilisi bàro yāi. ⁷ Àgō tó nna vī Yesusaridenŋ
kīnaa dŋ, de òsun a tó ĩni sí, à zu Ibilisi tankutenlo yāi.

Sosi kpanyīrinŋ

⁸ Leme dŋ kpanyīrinŋ gō de gbē bēerēdenŋ ū. Òsungō de lépladenŋ ūro. Wē
yā sún doñne arero. Òsungō de ɔgō vāni weterinŋ ūro. ⁹ Ògō Yesu yā asirinŋ
kūna kū nēsēpurao. ¹⁰ Ò n yā gwa gīa, tó ódi yāke lermaro, gbasa ò n dite
kpanyīrinŋ ū. ¹¹ Leme dŋ n nŋnŋ gō de nōgbē bēerēdenŋ ū, laakaridenŋ ū,
ògō náani vī yā sīnda pínki gūn. Òsungō de kŋrŋmŋtŋdenŋ ūro. ¹² Kpanyīri
gō de nōmendode ū, àgō a ɔn kū a néno kūna dō. ¹³ Gbē kū ò n zī kè a zéano
gwena nigō mana, n laakari nigō kpatena n Kirisi Yesu náanikenaa gūn
manama.

Ó donyīze asiri zōkō

¹⁴ Bee kū maten yā dínŋ onne, ma dite mani su n gwa saa. ¹⁵ Tó ma suna
sù à gii kè, má ye ògō dō lákū à kù ògō kun Luda ɔndenŋ ū nà. ɔnde pīnŋme
Luda Wēndide sosi ū, yāpura pétéki ū kū a gbānalekio. ¹⁶ Ó donyīze asiri
kū à bò gupuraa zōkō yāpurame:

À bò à sù bisāsiri ū,
Luda Nini yāpura kpàa,
malaikanŋ a è.
Ò a yā waazi kè burinŋ té,

ò a náani kè andunia gūn,
Luda a sè à tà k̄āo gakuri gūn.

4

Tē yānɔ

¹ Luda Nini ò swáswa kū gɔɔ kpɛde gbēkenɔ ni p̄á kpá Yesu zéi, ò té yā kū t̄ānānɔ dì ékedenɔ da a onanyī ò n̄ s̄āte. ² Manafikide p̄inɔ a mana d̄sk̄one kū a v̄ānioro, n̄ n̄ese gana lākū ò pi gē wānan ò k̄eò bà. ³ Òdi gbēnɔ dādā n̄senaai kū zākēnaao, akūs̄ òdi p̄oble tēbona d̄ite gbēn̄one, p̄oble kū Luda k̄e a n̄ānikeri kū ò yāpura d̄n̄o yāi, kū à de ò ble kū s̄ābukpanaao. ⁴ P̄ó kū Luda k̄e s̄inda p̄inki manam̄e. Òsun a ke t̄e boro, ò ble kū s̄ābukpanaao, ⁵ zaakū Luda yā kū ó aduakēnaao gbāsī b̄on.

Kirisi Yesu z̄ikeri mana

⁶ Tó n yā p̄inɔ dà n gbēn̄one, ñiḡo de Kirisi Yesu z̄ikeri mana ū kū ò gwà kū ó donyīze yānɔ kū yādanne mana kū n̄ t̄eiiio. ⁷ Ñ m̄i k̄e fut̄eokaragara kū àdi k̄ó sí kū Luda yāoroa. Ñ n z̄ida t̄utu ke de ñḡo de ludayāmari ū. ⁸ M̄etutukēnaa àre v̄i f̄iti, ama dena ludayāmari ū àre v̄i yā s̄inda p̄inki gūn, zaakū abire dì su kū w̄end̄iio gbāra kū ziao. ⁹ Yā d̄ík̄ina bi yāpuram̄e, à kà ò sí ɔplapla. ¹⁰ Òdi z̄i ke òdi ɔsi ká a musu, zaakū ó wé d̄o Luda W̄end̄idei. Àkūme gbē s̄inda p̄inki Surabari ū, at̄ensa a n̄ānikerin̄o.

¹¹ Ñ yā p̄inɔ d̄iteñe ñ dadañe. ¹² Ñsun tó ò n kefennakēna gya boro. Ñ tó n k̄unna zé m̄o Yesu n̄ānikerin̄one yā'onaa gūn kū yākēnaao kū yenyīo kū ludanaanikēnaao kū k̄unna gbāsī sario. ¹³ Ari m̄àḡo su ñ wé t̄ā ñ Luda yā kyó ke gbēn̄one, ñ dañe ñ lé daor̄ma. ¹⁴ Gba kū Luda d̄anne gɔɔ kū ò annabikēyā ò n yā musu, akūs̄ gbē z̄ōk̄n̄o ɔ n̄ānamma, ñsun p̄á kp̄airo. ¹⁵ Ñ laakari d̄o yā p̄inɔa ñ m̄e kp̄aa, de gbē s̄inda p̄inki n gena are e. ¹⁶ Ñ n z̄ida yā kū n yādannēnaao t̄āsi ká. Ñḡo gé are kū yā p̄inɔ. Tó n k̄e le, ñni n z̄ida sura ba kū gbē kū òten s̄á kpá n yāin̄ome.

5

Gyaanɔ kū don'ar̄edenɔ yā

¹ Ñsun kp̄ak̄e mare z̄ōk̄ōiro. Ñ lé daa lán n de bà. Ñ lé da kefennan̄o lán n v̄ini kū n dakūnanɔ bà. ² Ñ lé da n̄ogbē z̄ōk̄ōa lán n da bà, ñ lé da n̄o gbānaa lán n d̄are bà kū n̄esepurao.

³ Ñ kpá gyaanɔ kū ò gbēke v̄iron̄o. ⁴ Tó gyaanɔ n̄énɔ v̄i ke daikorenɔ, ò n̄ dan̄n̄o gwanaa dada ḡia n̄ donyīkēnaa gūn, ò f̄ina bo n̄ den̄one kū n̄ dan̄o, zaakū abirekū dì ká Ludagu. ⁵ Gyaanɔ kū à gbēke v̄iro wé d̄o Ludai, àḡo adua ke àḡo kp̄ányī gbekaa gwāani kū f̄ānant̄e. ⁶ Gyaanɔ kū a z̄ida p̄oyeinaa dì done are bi ḡem̄e, bee tó à b̄ēne. ⁷ Ñ yā p̄inɔ dañe de gbēke s̄ún n̄ taari ero. ⁸ Tó gbē teni a dan̄n̄o gwaro, at̄ensa a ɔndenɔ, à b̄o Luda yā kp̄em̄e, Yesusaride deala. ⁹ N̄ogbē kū à de ò da gyaan̄n̄o t̄én di: N̄ogbē kū à kà w̄ē baaak̄s̄, akūs̄ à z̄ā k̄e ḡēn̄ do, ¹⁰ ò a d̄s̄ yāmanakeri ū, n̄egwari mana ū, nib̄okūri Luda gbēn̄o gbá pipiri ū, takaside kp̄anyīri ū, n̄ogbē kū à m̄e kp̄a yāmanakēna p̄inkia ū. ¹¹ Ñsun gyaanɔ n̄o gbānan̄o danlo, zaakū tó n̄ ḡs̄ nidēnaa fut̄e, n̄ nana Kirisia ni busame, oniḡo ye ò z̄ā ke, ¹² ò n̄ z̄ida da yān, kū ò lé kū ò s̄ēne yā gb̄oro yāi. ¹³ Abire gbera òdi ma'á dada, òdiḡo ḡēḡe ɔn kū ɔnnwo. Adi ke ma'āden̄om̄e n̄ ū adoro, òdi ḡs̄ gb̄epiri gud̄erin̄o

ũme dɔ, òdi yā kū à de ò oro o. ¹⁴ Abire yāi má ye gyaanɔ nɔ gbānanɔ zā ke, ò né i ò laakari dɔ bea, de òsun ó iberenɔ gba zé ò ó tó vāni síro yāi. ¹⁵ N gbēkenɔ bò ò tè Setanyī kò. ¹⁶ Tó Yesude nɔgbē ke gyaanɔnɔ vī a bea, àgɔ kpányī. Àsun tó ò gɔ sɔsine aso ũro, de ò le ò kpá gyaanɔ kū ò gbēke vironɔi yāi.

¹⁷ Gbē zɔkɔ kū àdi doñne are a zéaa kà ò fīna bone leu pla, atēnsa gbē kū à waazikena kū yādannenaao kokari vī. ¹⁸ Luda yā pì: Àsun lésɔ da zù kū àten pɔ gbēnero. À pì dɔ: Zīkerii kà à a làada le. ¹⁹ Nsun gbē kū à sù kū gbē zɔkɔ káarao yā síro, séto sèedadeno kà gbēnon pla ke aakɔ baasiro. ²⁰ N kpākē gbē kū ò durunna kēnɔi gbē sīnda pínki wára, de vīna le à gbē kparanɔ kū. ²¹ Ma nanne Luda kū Kirisi Yesuooi kū malaika kū à n sēnɔ, ngɔ yā pìnɔ kūna, nsun gbēke tè boro. Nsun yāke ke gbēkene úblembē yairo. ²² Nsun wā n ɔ na gbēa n a da Luda zīnlo. Nsun tó n ɔ gɔ kú gbēke durunna gūnlo. Ngɔ n zīda kūna gbāsī sari. ²³ Nsun í pā mi atēnero. Ngɔ sèwē gá fiti n nēse yāi kū n gyākēna gēn baaakɔo.

²⁴ Gbēkenɔ durunna di bo gupuraa ari ògɔ gé a yā gɔgɔ kūnwo, gbēkenɔ sɔ n pɔ di bo likalikaro. ²⁵ Lemε dɔ yāmanakenaa di bo gupuraa, bee a kū odi ero ni le à gɔ utenaro.

6

¹ Gbē kū ò de zò ũnɔ n dikirinɔ dite gbē bèeredenɔ ũ ò mì nateñne a sīnda pínki gūn, de òsun Luda tó kū yā kū odi dañneo vāni boro yāi. ² Gbē kū n dikirinɔ de Yesu náanikeri ũnɔ sún dɔke kūnwo kū ò de kɔ gbēnɔ ũ yairo. Ó zò bleñne manamana, zaakū gbē kū òteni n zī àre blenɔ bi Yesu náanikerinome, n gbē yenyidenome. N yā pìnɔ dañne, n lé daomma.

Yena ɔɔi

³ Tó gbēke ten yā pānde dañne, akūsɔ adi ze kū ó Dikiri Yesu Kirisi yāzedeo kū ó zé yādannenaao, ⁴ ãdāriime, à yāke dɔro, lékpakɔana kori kū yāgwana lakanasario a kú gyā ũ. Yā bireno di tó gbēnɔ nēsegɔba kpá, ò fiti ke, ò kɔ sɔsɔ, ò laasun vāni lé kú kɔo, ⁵ ògɔ ãni kú kɔo. Gbē pìnɔ laasun kotina, yāpura n kē, òdigɔ da donyīkena bi ɔɔwetezeme. ⁶ Donyīkenaa àre zɔkɔ yāpura, tó gbē zè kú pɔ kú à vīo. ⁷ Zaakū ódi su kú pɔkeo andunia gūn laró, óni tá kú pɔkeo sɔro. ⁸ Tó ó pɔble kú pɔkasanɔ vī, abirekū mò le. ⁹ Gbē kū ò ye ò gɔ aruzekede ũnɔ di n zīda da yōogwana tankuten. Pónidena misari kari di gēngu à n kpá kisira kú kakatenaooi. ¹⁰ Yena ɔɔi mé à de yā vāni sīnda pínki zīni ũ. Gbēkenɔ a kòde kè ari ò kè ó donyīzea ò wāwā zɔkɔ kú pà n zīdai.

Nɔsi mana ká

¹¹ Zaakū Luda gbēme n ũ, n bàa sí yā pìnɔne, n tó yā mana gɔ donne are kú yākēna a zéaa kú ludanaanikēnaao kú yenyīo kú menao kú busekenaa. ¹² N ó donyīze ɔsi mana ká, n wēndi kú àdi lākaro sí, zaakū abirekūn Luda n sisia ɔɔro kú n lé mana sēne pari wára. ¹³ Ma nanne Luda kú àdi wēndi kpá pɔ sīnda pínkiaai kú Kirisi Yesu kú à yā mana ò Pōntiu Pilatineo, ¹⁴ ngɔ yā kú ò ditēne kūna gbāsī sari taari sari ari ó Dikiri Yesu Kirisi sugɔro zī. ¹⁵ Gbānade mēn do Arubarikade, kīnanɔ Kína, dikirinɔ Dikiri mé ani Kirisi pì bo gupuraa a ɔɔroa. ¹⁶ Àkū mé àdi garo ado,

àdigõ kú gupura kú òdi f̄s ò nairo gūn. Gbēke dí wé sialero, oni f̄s sero. Àkū mé à gakuri kú gbānao vī gɔrɔ sīnda pínki, aami.

¹⁷ Ñ o andunia tera díkīna aruzekedenɔne, òsun ĩa dāro. Òsun gbāna le ɔgɔda náanisariaro, ò gbāna le Luda kú àdi p̄s sīnda pínki kpáwá z̄sk̄s ò p̄nna keooa. ¹⁸ Ñ oñne ò a mana ke, ò nna keñne, ò ɔ poroñne, òḡs gbēke vī. ¹⁹ Lán abirekū bà oni zàna mana di n̄ zīdane aruzenna p̄s ũ, oni wèndi kú à de wèndi ũ yāpura le.

²⁰ Timoti, ñ yā kú Luda nàñne n ɔĩ kú gbāna. Ñ mì kē ludayādanasari yā pāpā onaaa kú yālekperε'ona kú òdi pi d̄snaao. ²¹ Gbēkenɔ z̄e, akū ò p̄s ó donyīzenε.

Luda gbēke keárε.

TIMŌTI TAKADA PLADE

Pɔlu tɛkpana Timŏtigu

¹ Makū Pɔlu, Kirisi Yesu z̄rii Luda pɔyenyĩnaa gūn w̄endi kū à a lé sè Kirisi Yesu gūn yā musu, ² makū mé ma takada dí k̄enne, ma né yenyĩde Timŏti. De Luda kū ó Dikiri Kirisi Yesuo gb̄eke kenn̄e kū sùruuo, à n gba aafiaa.

³ Ma sáabu k̄e ma dizin̄o Ludan̄e kū madì doi kū n̄esepurao, zaakū n yā diḡo d̄magu lakanaa sari ma aduak̄ena gw̄aani kū f̄anant̄oo gūn. ⁴ Tó w̄et̄e kū à b̄omma yā d̄magu, madì n b̄ege kem̄e, madiḡo ye ò w̄é sik̄ole, de ma p̄onna ke z̄ók̄s̄. ⁵ N ludanaanik̄ena kū n̄es̄e m̄èn doo yā d̄magu. N dai Loisi kū n da Yunisio Luda náani k̄e le se, akūs̄ó má d̄s̄ s̄ans̄an kū nten ke le se.

⁶ Abire yāi maten d̄nḡu, ñ fute ñ ze kū gba kū Luda d̄ann̄eo ḡoɔ kū ma o n̄amma, ⁷ zaakū Nini kū àdi ó gba gb̄ana kū yenyĩo kū z̄idakūnad̄s̄naaon Luda kp̄awá, adi ke nini v̄inadenlo. ⁸ Abire yāi ñsun w̄é'i kū kū ó Dikiri yā onn̄enaoro. Ñsun w̄é'i kū kū ma yāoro, makū kū ò ma da kp̄ésiran Kirisi yāi. Ñ wari kū òdi ke a baaru nna kpana yāi ke kūmao kū Luda gb̄anao. ⁹ Àkū mé à ó sura bà, à ó sísi o ḡo a p̄ó ũ. Adi ke yā kū o k̄e yāinlo, a z̄ida pɔyenyĩna yāime kū gb̄eke kū à k̄ew̄erezo zaade ḡoɔ dí naaro. ¹⁰ Gb̄eke p̄i b̄o gupuraa ó Surabari Kirisi Yesu p̄i sunaa gūn sà. À ga gb̄ana k̄akate, à w̄endi kū m̄ev̄anasarioo b̄ow̄ere gupuraa a baaru nna kū òdi kpá gūn. ¹¹ Luda ma dite a z̄iri ũ, de mà baaru p̄i kp̄akpa ke mà a yā dañ̄e. ¹² Abire yāin maten wari dí kei, ama w̄é'i d̄i ma k̄uro, zaakū má gb̄e kū ma a náani k̄e d̄s̄, akūs̄ó má d̄s̄ s̄ans̄an kū ani f̄s̄ à yā kū à n̄am̄ene ma oĩ d̄akp̄a ari a suḡoɔ z̄i. ¹³ Ñḡo yā kū n mà ma lén ari a z̄iniaa p̄i kūna yāzededann̄ena ágba ũ kū ludanaanik̄enaao kū yenyĩ kū ó v̄i Kirisi Yesu gūnwo. ¹⁴ Ñ yā mana kū Luda n̄am̄e n oĩ kū gb̄ana kū a Nini kū à kú ó gūn gb̄anao.

¹⁵ N̄ d̄s̄ kū Asia b̄usud̄en̄o ma zukūna ñ p̄ínki. Figelu kū Em̄ogen̄eo kú ñ té. ¹⁶ Dikiri w̄enda d̄s̄ On̄esif̄oru bed̄en̄e! Zaakū à sù à ma n̄es̄e kpat̄enam̄ene lé v̄iro, adi w̄é'i kū kū ma dana kp̄ésiran yāoro. ¹⁷ Kū à sù Romu ḡon̄o, à ma w̄ete ari à ḡēe à b̄oma. ¹⁸ Dikiri w̄enda d̄s̄ne ȳakpatek̄eḡoɔ z̄i. N̄ kp̄ányi z̄ók̄s̄ kū à k̄em̄ene zaa Efesu yā d̄s̄ s̄ans̄an.

2

Kirisi Yesu z̄ikari mana

¹ M̄ok̄n̄ s̄s̄ ma né, ñḡo gb̄ana kū gb̄eke kū Luda v̄i k̄ūoo Kirisi Yesu gūnwo. ² Yā kū n mà ma ò pari w̄ara, ñ na gb̄e n̄aaniden̄ene ñ oĩ, kū oni f̄s̄ ò dada gb̄e p̄anden̄ene. ³ Ñ warik̄ena f̄s̄ k̄ūoo Kirisi Yesu z̄ikari mana ũ. ⁴ Andunia yā b̄ok̄ot̄enaa d̄i do z̄ikari kū à kú z̄illan̄e arero, de a yā ká a dikirigu yāi. ⁵ B̄àkpakūs̄uri s̄s̄, tó adi bàa lé a z̄éaro, ani z̄iblena f̄ura lero. ⁶ À kū búbari kū à z̄i gb̄ana k̄e a baka sé káaku. ⁷ Ñ laasun lé yā kū ma òo p̄in̄o, zaakū Dikiri ni n gba ñnd̄o a p̄ínki gūn.

⁸ Ñ d̄on̄ kū Yesu Kirisi bi Dauda burime, akūs̄ó à vù bona gan. Baaru nna kū madì kpán gwe. ⁹ Abire yāin maten wari ke. Ò m̄ò k̄ama lán d̄akerii bà, ama Luda yā dí sí m̄ò káaro. ¹⁰ Abire yāi madì yā s̄inda p̄ínki f̄s̄ gb̄e kū Luda

ń sɛno yāi, de mókɔno se Luda ń sura ba, ò gakuri kũ àdi lákaro le konna Kirisi Yesu gũn. ¹¹ Yā díkĩna bi yápurame:

Tó o ga káao, ónigɔ kú káao.

¹² Tó o mena fɔ, óni kí ble káao.

Tó o ledi kpài, ani ledi kpáwái se.

¹³ Tó ó náani víro, à kpé náani ví, zaakũ ani we à ledi kpá a zĩdairo.

Dikiri zĩkeri mana kũ lékpakɔanaaoro

¹⁴ Ẹn yā pìnɔ do n gbɛnoḡu, ń nańne Ludai òsun lékpakɔana ke yāno musuro. À àre víro, àdi gbɛ kũ òten manɔ yakame. ¹⁵ Ẹn kokari ke de Luda n sáabu kpá, zĩkeri kũ àdi yā yápura wɛkɔańne súsu ũ, kũ wé'i dì a kũ a zĩ yā musuro. ¹⁶ Ẹn pá yābotena pá kũ àdi kɔ sé kũ Luda yáoronɛ. Àdi gbɛno ludayādanasari karańne, ¹⁷ akũ yā kũ òdi dańne dì dańla lán fɔnna bà. Imeneu kũ Filetuo kũ ń té. ¹⁸ Ò kè yápuraa, òdi pi ò fùte bona gan kò, òdi gbɛkeno ludanaanikena yakańne. ¹⁹ Bee kũ abireo ɛ kũ Luda kpàte zena gbāna, ò yā díkĩna kèa: Dikiri gbɛ kũ ò de a pɔ ũno dɔ. Gbɛ kũ àdi Dikiri sísi mì kè yā vānia.

²⁰ On da diḡɔ póno ví dasi. Ò a kenɔ kè kũ wuraa kũ andurufuuo yātikisikebo ũ, akũsò ò a kenɔ kè kũ lío kũ gbliio yāfitikebo ũ. ²¹ Tó gbɛ ɔ bòte yā bèresari gũn, ani gɔ yātikisikebo ũ, anigɔ anfani ví Dikiri, anigɔ kú adona yāmanakena pínki soru gũn. ²² Ẹn baa sí kefenna pónidenanone, ń tó manakena kũ ludanaanikenaao kũ yenyĩo kũ konna kũ kɔo nnao donne are leele kũ gbɛ kũ òdi Dikiri sísi kũ nèsepuraono. ²³ Ẹn ɔ bote mìsari lékpakɔana kũ à dɔna ke víron. Ẹn dɔ kũ àdi fiti da. ²⁴ À mana Dikiri zòbleri gɔ fiti víro. A nèse gɔ do kũ gbɛ sɛnda pínki, yādanneri mana kũ àdi gbɛ fɔ ũ, ²⁵ à gbɛ kũ òdi a yā sírono gba laakari busebuse. Òdigɔ dɔro ke Luda ni fɔ à ń gba zé ò nèse lite ò yápura sí, ²⁶ ò bo Ibilisi kũ à ń kũ à ń dá a poyenyĩnaa gũn bàn, ń laakari surúma.

3

Bisásirinɔ yakena ḡoro kpɛdenɔa

¹ Ẹngɔ dɔ kũ ḡoro kpɛdeno nigɔ pásĩ. ² Gbɛno zĩda yā ni dońne are, oḡo ni ń swè ble. Onigɔ de karambaanidenɔ ũ, zĩdabirinɔ, gbɛsɔsɔrinɔ, de kũ dao yādarisarinɔ, guturunɔ, ludayādarisarinɔ, ³ gbɛyakerisaridenɔ, sùrusaridenɔ, gbɛyakarínɔ, fayasaridenɔ, aniapásidenɔ, yā mana ibereno, ⁴ bonkpɛdeno, laasunsaridenɔ, yòḡɔdeno. Onigɔ ye pónnakenaai de Luda yāla. ⁵ Òdi donyĩ ke, ama ò ye a gbānairo. Ẹn ke zà kũ gbɛ bire takano. ⁶ Ẹn gbɛkeno dì gè noḡbɛ kũ òdi mì gbákenneronɔ, ò ń fu kũ léo. Durunna sàa dà noḡbɛ pínɔn, dà vāni mé à ḡòńne, ⁷ òdigɔ yā dada ḡoro sɛnda pínki, ama òdi fu yápura kúnaa. ⁸ Lákũ Yane kũ Yamberesio bò Musa kpe nà, len gbɛ pìnɔ dì bo yápura kpe le. Ẹn laasun lékpereme, ó donyĩze gũn pɔ ginyĩnanome. ⁹ Ò gena are ví dororo, zaakũ gbɛ sɛnda pínki ń yónkoke dɔ, lákũ ò Yane kũ Yamberesio pɔ dɔ nà.

Luda yā àree

¹⁰ Mókɔn sɔ, ń témai. Ẹn ma konna dɔ kũ ma yādannenaao kũ yā kũ maten péaao kũ ma ludanaanikenaao kũ ma menakeo kũ ma yenyĩo kũ

ma zena gbānao ¹¹ kū wé kū ò tãmao kū wari kū ma kèeo. N̄ yā kū à ma le Antiokū kū Ikōniuo kū Lisitirao d̄s kū wétāmmana z̄sk̄ kū ma f̄ōo. Ama Dikiri ma bo a s̄inda p̄inki gūn. ¹² Gbē kū ò ye òḡō kun lodayāmarin̄o ū Kirisi Yesu gūnn̄o ni wétāmmana le. ¹³ Gbē vānin̄o kū manafikiden̄o vānikena niḡō karamē. Oni gbēn̄o s̄ate, m̄ōkōn̄o se oniḡō s̄atena. ¹⁴ M̄ōkōn̄ s̄ō, n̄ z̄e kū yā kū n̄ dàda n̄ s̄i yāpura ūo. N̄ gbē kū ò dàdannen̄o d̄s, ¹⁵ zaakū n̄ Luda yā d̄s zaa n̄ n̄éf̄itik̄eḡōra. Ani f̄ō à n̄ gba ònd̄s à n̄ ká Kirisi Yesu n̄aanikena kū àdi n̄ sura baa. ¹⁶ Yā kū à kú Luda yān̄ b̄o Luda k̄inaa p̄inkime. À àre v̄i, zaakū àdi yāpura dañne, àdi n̄ éke káñne n̄ ōi, àdi n̄ gba laakar̄ii, àdi lé dañma yākena a z̄éaa gūn, ¹⁷ de Luda gbē sorukena ma yāmanakena s̄inda p̄inki z̄é gūn.

4

¹ Ma nann̄e Ludai kū Kirisi Yesu kū ani era à su à kpata ble à yākpate ke kū gbē bēnen̄o kū gyāwānden̄o, ² n̄ Luda yā waazi ke. À z̄é k̄e kes̄ō adi kero, ònḡō kúo. N̄ yā diteñne, n̄ kpākēñȳi, n̄ lé dañma, n̄ yā dañne kū mena z̄sk̄ōo. ³ Zaakū ḡōroke ni su kū gbēn̄o ni we ò s̄ā kpá Luda yāz̄ededannen̄aairo. Oni yādannerin̄o kakarañȳi n̄ z̄ida p̄oyeinaaame, de ò yā kū à kàngu dañne. ⁴ Oni n̄ k̄ōk̄ōto zu yāpurane ò are d̄o garan̄o. ⁵ M̄ōkōn̄ s̄ō, ònḡō laakari v̄i yā s̄inda p̄inki musu. N̄ wari f̄ō, n̄ baarunnakpari k̄ena ke, n̄ n̄ z̄i lé papa.

P̄lu kunna ga léi zaa Romu

⁶ Ma ḡōro p̄apa k̄ō, oni ma aru k̄ote sa'o'i ū tera. ⁷ Ma ōsi mana kà, ma bàa l̄e ma b̄ote. Má Yesu yā k̄una ma a lé p̄apa. ⁸ Kunna mana f̄ura dit̄ena, àt̄eni ma d̄ā s̄ā. Dikiri yākpatekeri mana mé ani k̄umene yākpatekeḡōro z̄i. Adi ke mak̄ūme ma adoro, kū gbē kū ò ye a sunaain̄o n̄ p̄inkime.

⁹ N̄ z̄é wete n̄ su ma k̄inaa likalika. ¹⁰ Demasi ma ton à tà Tesalonika, kū à ye anduniaiȳi. Keresensi tà Galatia b̄usun, ak̄us̄ō Titu tà Dalamatia b̄usun. ¹¹ Luku mé à ḡō k̄ūmao ado. N̄ Maaku sé à m̄ō l̄e l̄e, zaakū àdi kp̄amai z̄i gūn manamana. ¹² Ma Tikiku gb̄are Efesu. ¹³ Tó n̄ten su, n̄ ma utagyaba kū ma tò Kaapu bea zaa Toroasi sé n̄ suomen̄e kū ma takadan̄o, at̄ensa a kū ò k̄e kū b̄araon̄o.

¹⁴ Alesanda sia yā vāni k̄emen̄e manamana. Dikiri ni yā kū à k̄e p̄i f̄ina bone. ¹⁵ N̄ laakari kei, zaakū à b̄o ó yā k̄pe p̄ās̄ip̄ās̄i. ¹⁶ Yākpatekena k̄ūmao k̄áaku gūn gb̄eke dí z̄e k̄ūmaoro, ò ma ton n̄ p̄inki. Luda s̄un̄ n̄ yā p̄i daro. ¹⁷ Dikiri z̄e k̄ūmao à ma gba gb̄ana, ak̄ū ma z̄é l̄e ma waazi k̄e ma a lé p̄apa, buri p̄anden̄o mà n̄ p̄inki. À ma bo músu léi. ¹⁸ Dikiri ni ma bo yā vāni gūn p̄inki, ani ma sura ba ari mà gé k̄áo a k̄patan musu. Àk̄ū mé à gakuri v̄i ḡōro s̄inda p̄inki, aami.

L̄é zammana

¹⁹ N̄ f̄ō kpá Pirisila kū Akilaooa kū Ōnesif̄ōru bedeno. ²⁰ Erasatu ḡō K̄orinti. Ma Torofimu tò kū gyāo Miletu. ²¹ N̄ z̄é wete n̄ su ari bunsire ḡō ká. Yubulu kū Pudenio kū Linuo kū Kalaudiao kū ó gbēn̄o p̄inki f̄ō kp̄amma. ²² Dikiri ḡō kú k̄ūnwō. À gb̄eke kéare.

TITU

Titu zīkena Kereti būsun

¹ Makū Pōlu, Luda zòblerii, Yesu Kirisi zīriin ma ũ. À ma zī mà gbē kū Luda n̄ sēno kara a náanikenan mà tó ò a donyīze yāpura d̄s, ² de n̄ wé ḡs d̄o wēndi kū àdi lákaroī kū Luda a lé sè zaade andunia dí kátero. Àdi éke to s̄oro. ³ Akū yā pii bō gupuraa a ḡoɔa waazi kū Luda ó Surabarii dāmene ma ke gūn lákū à dite nà. ⁴ Makū mé ma takada dí kēnne Titu, ma né yāpura Yesu zé kū ó kú lēle gūn. De Luda kū Kirisi Yesu ó Surabariio gbēke kenne, à n̄ gba aafiaa.

⁵ Ma n̄ to Kereti, de n̄ yā kū ò ḡs gweno ḡs̄ḡs, n̄ gbē z̄sk̄no dite wēte kū wēteo lákū ma ònne nà. ⁶ À mana gbē z̄sk̄ ḡs kun taari sari nomendode ũ. A nēno ḡs ludanaanikerino ũ, òsunḡs n̄ d̄s né zāzāde sāgbānadeno ũro. ⁷ Zaakū gbē z̄sk̄ bi Luda zīgwarime, àsunḡs de taaride ke ñadāri ke p̄fēri ke wēderi ke gbē pāsī ke ɔḡvāniweteri ũro. ⁸ Séde àḡs de nibókūri ũ, laakaride kū à zè kū yāmanakenaao ũ, gbē sūsu kū à kú adona akūs̄ à a zīda kūna d̄s ũ, ⁹ gbē kū à zè sūsu kū yā náanide kū òdi dañneo ũ, de à le à lé da gbē pādeno kū yāzededannenaao p̄io, à gbē kū à bō a yā kpeno éke káñne n̄ ɔī.

¹⁰ Zaakū sāyāmarisaride kū òdi gbēno likara kū n̄ yā'onaanon̄ dasi, atēnsa gbē kū ò zè kū t̄z̄yāono. ¹¹ Òdi on̄ būnu yaka. À mana ò lēso dañne. Òdi yā kū à de ò dañnero dañne ɔḡ bēne lena yāi. ¹² Kereti būsū annabi ke p̄i, Keretino bi ékedenome, n̄b̄o pāsino, ye'uide p̄oke kopirisarinome. ¹³ Yā p̄i bi yāpurame. Abire yāi n̄ kpākēnyī manamana, de ò zé sé sūsu. ¹⁴ Òsun laakari d̄o Yudan̄o garaaro ke gbē kū ò k̄ē yāpuraa yāditenano. ¹⁵ P̄oke diḡs gbāsī gbāsīsaridenonero, akūs̄ p̄oke diḡs gbāsīsari ludayādarisari gbāsīdenonero, kū n̄ laasun kū n̄ n̄es̄eo vāni yāi. ¹⁶ Òdi pi ò Luda d̄s, akū n̄ yākenaa di n̄ éke bo. Bēgirinome, òdi yā maro, òdi f̄s ò yā mana ke kero.

2

Yādannena zéde

¹ M̄ok̄n̄ s̄s, n̄ yā kū àdi k̄s sé kū yāzededannenaao dañne. ² N̄ da mare z̄sk̄no òḡs n̄ zīda kūna d̄s gbē b̄ere deno ũ, laakarideno ũ. Ò zé sé sūsu kū yenyīo kū menao. ³ N̄ da n̄gbē z̄sk̄no d̄o n̄ kunna ḡs de donyīri manano kunna ũ. Òsunḡs de guderī ke wē z̄no ũro. Ò yā mana dañne, ⁴ de ò lé da n̄zāreno n̄ baadi ḡs ye a zāi kū a nēno, ⁵ òḡs de laakarideno ũ gbāsī sari, ò laakari d̄o n̄ on̄ zīa, n̄ baadi m̄i nate a zāne de òsun Luda yā vāni boro yāi.

⁶ N̄ lé da kefennano d̄o òḡs laakari v̄i. ⁷ N̄ yāmanakena zé m̄oñne a p̄inki gūn. N̄ yādannena ḡs b̄ere v̄i à k̄s sí kū n̄ yākenaa ⁸ kū yāzede kū oni f̄s ò a éke boroo, de wé'i gbē kū ò bō n̄ kpeno kū, òsun yā vāni le ò ò ó yā musuro yāi.

⁹ N̄ lé da z̄no ò m̄i nate n̄ dikirinone yā s̄inda p̄inki gūn, ò yā kū ani kángu ke. Òsun yā liñmaro. ¹⁰ Òsun kpāni oñmaro. Ò tó òḡs n̄ d̄s gbē náanideno ũ manamana, de Luda ó Surabari yā kū òdi dañne wé bo yā s̄inda p̄inki gūn.

¹¹ Zaakū Luda gbēke kū à sū kū surabanaao gbē s̄inda p̄inkine bō gupuraa. ¹² Gbēke p̄i ten dawere ò kpe li yā kū adi k̄s sí kū Luda yāoronē kū

andunia pónidenanɔ, de ògɔ́ ó zīda kūna dɔ́ gbě mananɔ ũ, ludayāmarinɔ ũ andunia tera díkīna gūn, ¹³ ó wé gɔ́ dɔ́ gɔrɔ arubarikade kū óten dāa. Ākūmɛ́ ó Luda zɔ́kɔ́ ó Surabari Yesu Kirisi sugɔrɔ́ gakuride ũ. ¹⁴ À a zīda kpà ó yāi, à ó bó vāni sīnda pínki gūn, à ó gbāsī gògo, de ò gɔ́ a zīda gbě kū ò yāmanakena ania vīnɔ ũ. ¹⁵ Ñ yā pìnɔ dañne ñ lé daoríma. Ñ kpākěnyī kū iko kū ñ vīo pínki. Ñsun tó gběke n gya boro.

3

Ò laakari dɔ́ yāmanakenaana

¹ Ñ dɔ́ n gběngɔ́ ò mì nate gbānadenɔne kū ikodenɔ, ò ñ yā ma, ògɔ́ kú kū yāmanakena sīnda pínki soruo. ² Òsun gběke tɔ́ vāni síro. Ògɔ́ de nèsedode yāketesaridenɔ ũ kū ò busana gbě sīnda pínkinɛ. ³ Zaakū ókɔ́nɔ se, ó faya vī yāro, ludayādarisarinɔn ó ũ. O sàte, ó de pɔnnakena kū dà vāni sīnda pínki zònɔ ũ. Odìgɔ́ kú nèse vānio kū nèsegòbao. Ó de begirinɔ ũ, o zākògu. ⁴ Bee kū abireo kū Luda ó Surabari gběke kū a yenyīo bò gupuraa, ⁵ akū à ó sura bà. Adi ke ó yāmanakena yāinlo, kū à ó wēnda dɔ́ yāime. À ó zú ò à ó í dufu, à tò o gɔ́ gbě dufunɔ ũ kū a Nini ⁶ kū à pìsiwá gbānao Yesu Kirisi ó Surabarii gāi, ⁷ Abire yāi yā bò kūoo nna a gběke yāi, o gɔ́ túbiblerinɔ ũ, ó wé dɔ́ wēndi kū àdi láraroi. ⁸ Yā pì bi yāpuramɛ.

Má ye ñ gā na yā pìnɔ onaaa manamana, de ludanaanikerinɔ le ò mè kpá yāmanakenaana. Abirekū mana, à karana vī gběnɔne. ⁹ Ñ pā mīsariyā yāgaganaane kū dizinɔ tɔ́ kɔ́nɔwēnaao kū fitiio kū lékpakɔ́ana Musa doka yā musuo, zaakū yā pānɔmɛ, ò karana vīro. ¹⁰ Ñ kpākě gbě kū àdi tó ò kēkɔ́aai bee gènn pla, gbasa ñ péa. ¹¹ Ñgɔ́ dɔ́ kū gbě bire taka sàte. Durunnakeriime, à a zīda bòbɔ.

Lézammanaa

¹² Tó ma Atema ke Tikiku zìmma, ñ zé wete ñ su ñ ma le Nikɔ́pli, zaakū ma zɛo mà bunsire láka gwe. ¹³ Ñ ania ke ñ zàna ke bùsu dokadōri Zenasinɛ kū Apoloo de pòke sún kíam̄maro ñ tá gūn. ¹⁴ À mana ó gběno yāmanakenaana dada ò ñ zīda kpáa, ò yā kū à kɔ́ sionɔ bokote de òsungɔ́ kun pāro. ¹⁵ Gbě kū ó kú lēelenɔ fɔ́ kpamma ñ pínki. Ñ fɔ́ kpá gbě kū ò yewái Yesu zé gūnnɔa. Luda gběke keáre á pínki.

FILIMO

Pɔlu Filimo sáabukpanaa

¹ Makū Pɔlu kū ò ma da kpésiran Kirisi Yesu yāi kū ó Yesude dake Timotio, ókɔnɔ mé o takada díkína kènnɛ, ó zíkɛri dake yenyíde Filimo ² kū sɔsi gbɛ kū òdi kɔ kakara n beano kū ó nɔgbɛ yenyíde Afiao kū ó zíkari dake Akipuo. ³ Luda ó De kū Dikiri Yesu Kirisio gbɛkɛ kenne, à n gba aafiaa.

⁴ N yā digɔ dɔmagu gɔɔ sɛnda pínki ma aduakɛnaa gūn, madigɔ ma Luda sáabu kpá, ⁵ zaakū ma Dikiri Yesu náani kū nten kɛ baaruu mà kū yenyí kū n vī kū Luda gbɛnɔ n pínki. ⁶ Madigɔ wé kɛ, de ó kunna kɔo Yesu zén tó n wé kɛ yā mana kū ó vī kunna Kirisi gūn pínki musu. ⁷ Ma gbɛ, n yena Luda gbɛnɔi ma pɔ kè nna manamana, à ma laakaríi kpátɛmɛnɛ, zaakū n n laakaríi kpátɛnɛ.

Pɔlu kutekɛna Filimone Onesimu yá musu

⁸ Abire yāi, bee kū ma zé kà Kirisi gūn mà yā kū à mana n kɛ ditennɛ, ⁹ bee kū abireo ma kúte kènnɛ kū yenyí. Makū Pɔlu, ma mare zɔkɔ ina kū ma kunna kpésiran tera Kirisi Yesu yāiio, ¹⁰ ma kúte kènnɛ Onesimu yá musu kū à gɔ ma né ũ Yesu zé gūn kpésiran la yāi. ¹¹ À anfāni vīnne yāro, ama tera à anfāni vī makū kū mɔkɔnwoonɛ. ¹² Ma a gbàɛmma, àkūmɛ ma swè ũ. ¹³ Ma kunna kpésiran baaru nna kpana yāi, má ye àgɔ kú ma sare, de àgɔ kpámai n gɛnɛ ũ, ¹⁴ ama má ye mà yāke kɛ n lé sariro, de ñsun yā mana kemɛnɛ tilasiro, séde kū n pɔyeinaao. ¹⁵ Ke anigɔ Onesimu kɛmma yā gɔɔ pla de à era à summa àgɔ kú kúnwo gɔɔ sɛnda pínki yāimɛ. ¹⁶ À kun lán zò bà doru, zaakū à de zò la, à de n gbɛ yenyíde ũ kunna Kirisi gūn. Ma gbɛ yenyídemɛ. Oni mɔkɔn kú à de n zò ũ, akúsɔ à gɔ n gbɛ ũ Dikiri gūn pɔ o dɔ yá?

¹⁷ Abire yāi tó n ma dite n gbɛndo ũ, n gbānake kpáí, lákū ñni kpámai nà. ¹⁸ Tó à zànnɛ yākea ke tó à n fīna kūna, abire gɔ ma yā ũmɛ. ¹⁹ Makū Pɔlu makū mé ma yā díkína kè kú ma zīda ɔo, mani n fīna bonnɛ. Kū n ma fīna kūna n zīda wèndi ũ, mani lé páaro. ²⁰ Tò, ma gbɛ, kunna Dikiri gūn n yā mana kemɛnɛ, n ma laakaríi kpátɛmɛnɛ ó kunna Kirisi gūn yāi.

²¹ Ma takada dí kènnɛ, kú má dɔ kú ñni ma yā ma, akúsɔ ñni kɛ de yā kú ma ònnɛla. ²² Abire gbɛra n kipaki kekɛmɛnɛ dɔ, zaakū má wé dɔi Luda ni ma boáre wéke kú áten kea yāi.

Lézammanaa

²³ Epafara kú ó kú lɛɛɛ kpésiran Kirisi Yesu yāi fɔ kpàmma ²⁴ kú ma zíkɛri dakenɔ Maaku kú Arisitakuo kú Demasio kú Lukuo. ²⁵ Dikiri Yesu Kirisi gbɛkɛ kɛáɛ.

EBERUNO

Kirisi de malaikanola 1:1-2:18

Kirisi de Musala 3:1-4:13

Kirisi de Haruna buri sa'orinola 4:14-7:28

Kirisi sa'orikena deñla 8:1-10:39

Ò Luda náani ke 11:1-12:25

Lédammanaa 13:1-13:25

Luda Né de malaikanola

¹ Luda yā ò ó dizinone yā káaku annabinò gāi gèn baaakò zénò gūn dasi,
² ama à yā òwèrè a Né gāi gòrò kpède dīkīnanòn sà. Né pì gāin Luda andunia
 kèò, à dīte kù àkù mé anigò pò sīnda pínki vī. ³ Àkù mé à Luda gakuri tékèna
 ũ, à de a kunnā ũ sānsān. Àkù mé à pò sīnda pínki kūna kù a yā'ona gbānao.
 Durunnānò kēmmana gbera à vùtè musu Luda zòkòde oplai. ⁴ Lákù tó kù
 à blèè pì de malaikanò pòla nà, len a zòkò deñla le. ⁵ Luda yā dí ò malaika
 kenè yā yá?

Ma Néme n ũ, ma n i gbāra,

Kesò:

Manigò de a De ũ,

anigò de ma Né ũ.

⁶ Kù Luda tò a dauduu sù andunia gūn à pì:

A malaikanò donyī kenè ní pínki.

⁷ Malaikanò yā musu à pì:

Adì a zìrinò lí ìa ũ,

a zīkerinò sò tévura ũ.

⁸ A Né yā musu sò à pì:

Luda, ìnigò vutena kíblegbaaa gòrò sīnda pínkime,

ndìgò n kíkègo kūna yázede ũ.

⁹ Ní ye yāmanakènaai, n zā vānikèna gu.

Abire yāi Luda, n Luda, n ka kín,

à pònna pìsimma de n gbèñola.

¹⁰ Ò pì dò:

Dikiri, n andunia zīni pète zaa káaku,

mùsu bi n zōzīme.

¹¹ Ní pínki ní gēte, ama ìnigò kun.

Oni zī kù lán pókasa bà,

¹² ìni ní koko lán uta bà,

ìni ní lite lán pókasa bà.

Mòkòn sò, n kuuna dīgò dokònò,

n gòrò lakana víro.

¹³ À yā dí ò malaika kenè yā yá?

Ní vutè ma oplai

ari màgò n ìberenò kenè n tintin ũ.

¹⁴ Malaikanò bi nini zīkerinòme ní pínki. Luda dì ní zī de ò kpá gbè kù oni
 surabana lenòime.

2

Surabana zòkò

¹ Abire yāi ò yāpura kù o mà kù ɔplapla gíngin, de òsun kē zéaro yāi. ² Zaakū yā kù Luda dìte malaikanɔ gāi bi tilasime, akū ò fīnaa bò gbē kù ò gì mai ò pànenɔne a zéa, ³ tó ódi surabana zókɔ pì yā da sōro, óni bo yá? Surabana yā pìi bò Dikiri kīnaame, akū gbē kù ò màno yāpura kpàawere. ⁴ Luda èra à yāpura kpà yā piia kù sèedanɔ kù yābonsarenɔ kù daboyā dasi kenanɔ kù a Nini gba kù à kpàateteñnenɔ a pɔyenyīnaaa.

Yesu gōna bisāsiri ũ lán ó bà

⁵ Adi ke malaikanɔn Luda andunia zia kù óteni a yā o nàñne n̄ ɔĩro. ⁶ À kù Luda yān gukea ò pì:

Bón bisāsiri ũ kù a yā digō dɔnguu?

Bón a ũ kù ndi laakari dɔaa?

⁷ N a kē kīana malaikanɔi fēte, n a kà kpatan kù gakurio kù bèereeo,

⁸ n tò pó sīnda pínki m̀i nàtenɛ.

Kù Luda tò pó sīnda pínki m̀i nàtenɛ, adi a ke tó m̀natenanee sariro. Tera lán dí bà, ódi e kù pó sīnda pínki m̀i nàtenɛ gīaro, ⁹ ama o è kù Yesun ò téa. Luda a kīa malaikanɔi ari gɔrɔ pla, de Luda gbēke gūn à ga gbē sīnda pínki gēne ũ, akū à a kà kpatan kù gakurio kù bèereeo ga wari kù à kē yāi.

¹⁰ Lákū pó sīnda pínki bò Luda kīnaa nà, akūsó pó sīnda pínki de a pó ũ, kù à ye à gē kù gbēno dasi a gakuri gūn a néno ũ, à kō s̄i k̄āao à gbē kù à surabana zé bóñne papa warikenaa gūn. ¹¹ Gbē kù ò ḡs̄ Luda gbēno ũ kù gbē kù àdi n̄ ke Luda gbēno ũo, n̄ pínki de dokōnoɔme. Abire yāi n̄ s̄isina a gbēno ũ di a wé'i kũro. ¹² À pì:

Mani n tó bo ma gbēno té,

mani n sáabu kpá kōkakaranaa gūn.

¹³ À pì dɔ:

Mani a náani ke.

À pì dɔ:

Makūme la kù né kù Luda kpàmanɔ.

¹⁴ Zaakū né pino bi bisāsirinɔme, akāa se à gō bisāsiri ũ lán n̄ bà, de à ga à Ibilisi kù àdi su kù gao kakate, ¹⁵ à gbē kù òten vīna ke ganɛ òten zò ble ari n̄ wèndi lénno bo. ¹⁶ Yāpura gūn malaikanɔn àten ɔ darímaro, Ibrahim̄ burinɔme. ¹⁷ À kō s̄iò à gō lán a dakūnanɔ bà yā sīnda pínki gūn, de à gō Sa'oriki s̄urude náanide ũ Luda z̄i gūn, gbēno durunna kútekebo ũ dɔ. ¹⁸ Lákū à wari kē à yōgwanaa f̄s̄ nà, ani f̄s̄ à gbē kù òteni n̄ yō ò n̄ gwano faaba ke.

3

Yesu de Musala

¹ Abire yāi ma gbēno, ákōno kù Luda á sísi a su a kīnaano, à laasun lé Yesu kù Luda a z̄i Sa'oriki kù o z̄eo ũa. ² Náanideme Luda kù à a d̄itene lákū Musa de nà Luda onn. ³ Lákū onkaterii bèereɛ digō de onla nà, len Yesu gakuri zókō de Musa póla le. ⁴ On sīnda pínki a k̄ateri v̄i, akūsó pó sīnda pínki K̄aterin Luda ũ. ⁵ Luda on z̄ikeri náaniden Musa ũ, yā kù Luda ni o sèedademe. ⁶ Kirisi s̄s̄ bedɛ pì néme. Luda a on n̄ane a ɔĩ. Ókōnoɔme on pì ũ, tó ó kpé òten t̄āmaa kù ó v̄i lé gbē kù kù gbānao.

Luda gbēno kámmaboki

⁷ Abire yāi lákū Luda Nini ò nà:

Tó a Luda kòtoo mà gbàra,
 8 àsun sàgbàna ke lákū á dizinò kè nàro,
 kū ò ma le ò ma gwa gɔɔ kū ò bò ma kpɛ gbàrannan.

9 Bee kū ò ma yàkenanò è wè bupla,
 ò ma le ò ma gwa gwe, ò ma gbàna lé gwà.

10 Akū ma pɔ fè gbè pìnɔi,
 ma pì gbè sàsánanò me ní ũ,
 odi ma zéno dšro.

11 Akū ma la dà ma pɔfè gūn ma pì,
 oni gè ma kámmabokinlo fá.

12 Ma gbèno, à laakari ke á gbèke súnḡ swè vāni ludanaanikenasari vī ari à gé kēo Luda Wèndidearo. 13 Gu kū àdi dɔ kū adi pi Gbàra pínki, àḡḡ lé dakša, de durunna sún á gbèke sàte à sàgbàna kuro yāi. 14 Zaakū Kirisi gbèno ò ũ, tó ó náani kū ó vī zaa káaku kūna gbānagbāna ari a léa. 15 Lákū ò ò nà:

Tó a a kòtoo mà gbàra,
 àsun sàgbàna ke lákū á dizinò kè nà
 gɔɔ kū ò bò ma kpɛro.

16 Dínɔn gbè kū ò Luda kòtoo màa ò bò a kpɛno ũ, tó adi ke gbè kū Musa ní bóte Misilano baasiroo? 17 Dínɔn Luda pɔ fènyī ari wè bupla, tó adi ke gbè kū ò durunna kè, ní gèe ḡḡ katena gbàranna gūno baasiroo? 18 Dínɔn à la dàinne kū oni gè a kámmabokinlo, tó adi ke gbè kū ò gí a yā mainò baasiroo? 19 O è kū odi le ò gèno ní ludanaanikenasari yāi.

4

1 Zaakū gēna kámmabokin kū Luda a lé sè kpé kun, ò laakari ke, de ó gbèke sún kurairo. 2 Zaakū o baaru nna mà lán ní bàme, ama yā kū ò màa pìi àre vīnɛro, kū odi ma kū ludanaanikenaoro yāi. 3 Ókōno kū o yā pìi sínò, odì gè kámmaboki pìn. Mókōno sō Luda pì:

Ma la dà kū pɔfè ma pì,
 oni gè ma kámmabokinlo,

À yā bire ò bee kū à a zī m̀i dè zaa anduniakatena gɔɔ, 4 zaakū ò gɔɔ supplade yā ò Luda yān gukea ò pì, gɔɔ supplade zī Luda kámma bò kū zī kū à kèe pínki. 5 O mà tera à pì, oni gè a kámmabokinlo. 6 Zaakū gbè kū ò baaru nna pìi mà zaa káakunò dí gèno, kū odi síro yāi, akū a gēnaa ḡḡ gbè pāndenone. 7 Akū Luda èra à gɔɔ ke d̀te dɔ òdi pi Gbàra, abire gbera a g̀i kè akū à Dauda gbà lé, à ò lákū ò ò nà tera:

Tó a a kòtoo mà gbàra,
 àsun sàgbàna kero.

8 Tó Yɔsua gè kũnwo kámmaboki pìn yā, de Luda dí gɔɔ pānde yā o kpɛkpɛro. 9 Akū mé à tò kámmaboki ḡḡ Luda gbèno pɔ ũ. 10 Zaakū gbè kū à gè Luda kámmabokin kámma bò kū a zīome, lákū Luda kámma bò kū a zīo nà. 11 Tó leme, ò wé tã ò gè kámmaboki pìn, de ó gbèke sún gí Luda yā mai, à fu lán ní bàro yāi. 12 Luda yā bēne, akūsō à gbàna, a lé nna de fēneda kpa plaplala. Àdi ní zō à gè nèsee gūn ari ninin, àdi gè m̀pepekerekin ari wá bórɔḡɔn, àdi laasun kū nèsee yāo gwagwa. 13 Luda pókēna ke utenanero, a ke kpáne guiro. Luda kū óni ó yāno sète ò one d̀i pɔ sīnda pínki e ari a bia.

Yesu de sa'orikinla

¹⁴ Zaakū ó sa'oriki zókō kū ludambe wèkōa ari Luda kīnaa vī Luda Né Yesu ū, ògō zé kú o sè yā kūna gíngin. ¹⁵ Zaakū ó sa'oriki vī kú ani fō à ó wēnda dō ó gbānasarike gūn. Ò a yō ò gwà lán ó bà yā sīnda pínki gūn, adi durunna kero. ¹⁶ Abire yāi ò na Luda Gbēkēkēneri kiblegbaai kū swēeo kpatena, de à ó wé gwa à gbēke kēwēre a γρωα.

5

¹ Òdi sa'oriki sīnda pínki sé gbēno téme, òdi a dite n wéde ū Luda kīnaa, àgō gba kpáa, àgō a gbagbañne n durunnano yāi. ² Ani fō à ke kú gbē kú ò sàte n dōnasarike gūnnō busebuse, zaakū àpii kú kú gbānasarikeome se. ³ Abire yāi séde à sa o a zīda durunna yā musu, lākū àdi o gbē kparano pō musu nà dō. ⁴ Gbēke di a zīda ká kpataa pīi gūnlo. Luda mé àdi a ká, lākū à Haruna kàn nà.

⁵ Len se Kirisi dí a zīda ká sa'oriki kpataa gūnlo, Luda mé à a kàn à pì: Ma Néme n ū, gbāran ma n i.

⁶ À pì Luda yān gukea dō:

Īnigō de sa'ori ū γρω sīnda pínki lán Melekizēdeki bà.

⁷ Γρω kú Yesu kú andunia gūn à adua kē kú wiki gbānao kú wé'io, à kúte kē Luda kú ani fō à a sí gaaane, akū Luda a yā mà, kú àdi a yā da yāi. ⁸ Bee kú a Ludanekēo, à mīnatena Ludane dàda a warikēnaa gūn. ⁹⁻¹⁰ Kū mana pēkerēa à làka, Luda a kà sa'oriki ū lán Melekizēdeki bà, akū à gō surabana kú àdi lākaro boki ū gbē kú òdi a yā manōne n pínki.

Laakarikēna funaai

¹¹ Yā bire musu ó yā vī dasi ò oáre, ama a bokōtena zī'ūme, zaakū adì yā dōro dō likaro. ¹² Ákōno kú a gīi kēn lán dí bà, à mana àgō de yādannerino ūme, ama ari tera á kpé kú ò era ò Luda yā kú òdi dada gbē dufunōne daáre dō. Yō'i mé à kō si kááo, adi ká à yūku pō blero. ¹³ Zaakū yōmiri sīnda pínki bī néme, adi ká à ɔe dōkōne kú ɔplaoro. ¹⁴ Yūku sō, gbē kāsara kú ò dōne kēono pōme. Ò a mana dōna kōne kú a vānioo dàda.

6

¹ Abire yāi ò Kirisi yādannena káakupōno kpá kpe, ò gé are ari ò gō gbē pēkerēnāno ū. Adi ke óni era ògō yātákpātena dīno gbē sísi dōnlo: Kpelina yā gēnōne, ludanaanikēnaa, ² da'ite yādadanaa, ɔnammanaa, gēno vuna ke zia yākpatekēnaa. ³ Tó Luda wē, óni yā bireno kpá kpado ò gé are. ⁴ Zaakū tó gbē wé kē, à Luda gba lè, a baka kú Luda Nini gūmme, ⁵ tó à Luda yā kú andunia kú àten su gbānao í kē, à a nna dō ⁶ tó à fūa, zé kun kú à era à nèse lite doro, zaakū àten Luda Né pá lía dōme, àten wé'i daa gupuraame. ⁷ Tó legū ten ma zīte gēn baaakō àten mōto le, akū à pō kú à àre vī búbarinōne būte, Luda di arubarika dan. ⁸ Tó à lè kú lèkaraaoo būte sō, à ginaame, à zā kú lékēnēnaaoro. Ani mì de kú téome.

⁹ Ákōno sō ma gbē yenyīdeno, bee kú o ò le, ó laakari kpatena á yā musu kú á kú kú yā mana kú ò bō surabana zé gūnnō. ¹⁰ Luda di yā ke a zéa, á yākenāno kú yenyī kú á vī káaoo ni sāaguro, zaakū a kpányī kē a gbēnōne, akūsō á kpé àten ke. ¹¹ Ó ye á baadi gō ania vī le ari a léa, de ásun sika ke pō kú á wé dōi yā musuro. ¹² Ásun ma'á kero. À gbē kú òten Luda náani ke kú menao òten pō kú Luda a lé sè leno ágba sé.

Lé kú Luda sè sika vīro

¹³ Goro kú Luda ten lé sé Ibrahīne, kú gbēke kun deala à sí kãaoro, a yāin à sí kú a kunnaao ¹⁴ à pine, áni arubarika daagu yápura à tó a buri karane. ¹⁵ Ibrahī mena f̄, akū à pó kú Luda a lé s̄ene lè. ¹⁶ Òdi la da kú gbē kú à deñla tóme. Ladana mé àdi tó ò yā yápura d̄, akūs̄ àdi lékpak̄sana k̄k̄s̄aīne. ¹⁷ Luda ye à mó gbē kú a lésena ni ḡó ní pó ūn̄ne swáswa kú a lé litena vīro, akū à sí kú a kunnaao. ¹⁸ Leme yā mèn pla kun kú à litena vīro, Luda ni f̄ à éke to a musuro. Yā p̄n̄o teni ók̄n̄o kú o nain̄o gba swè manamana, de ò támaa kú ó wé d̄i ke sikaa sari. ¹⁹ Ó támaa bire vī ó w̄endibad̄o ū. À náani vī, akūs̄ à gb̄ana, àdi ḡe kūoo Luda kúkia lábure kpe, ²⁰ gu kú Yesu ḡinake à ḡen ó yāi, à ḡò sa'oriki ū ari goro s̄inda p̄inki lán Melekiz̄edeki bà.

7*Sa'oriki Melekiz̄edeki*

¹ Melekiz̄edekime Salemu kína ū yā, Luda Musude sa'oriime. Goro kú Ibrahī z̄i blè k̄inan̄a àten su, akū Melekiz̄edeki ḡe à dàale, à sa mana òne, ² akū Ibrahī aruz̄eke kú àten suo p̄inki kuride kp̄aa. Melekiz̄edeki tó pii p̄i, yāzede kína. Abire gbera Salemu kína bire p̄i, aafia kína. ³ À de kú dao kú dizin̄o vīro, a w̄endi naana ke m̄idena vīro. À bò lán Luda Né bàme, sa'orin̄o a ū goro s̄inda p̄inki.

⁴ À gwa lākū à z̄k̄ò nà. Ó dizi káaku Ibrahī aruz̄eke kú à s̄ete z̄ilan kuride kp̄aa. ⁵ Musa doka d̄ite Levi buri kú ò de sa'ori ūn̄ne, ò pó kuride sí ní Isaraila daken̄a, bee kú ní Ibrahī burik̄eo. ⁶ Melekiz̄edeki bi Levi burinlo. Bee kú abireo à Ibrahī p̄n̄o kuride s̄i, à sa mana ò Ibrahī kú Luda lé s̄ene. ⁷ Sikaa sari gbē kú à sa mana ò gb̄ene z̄k̄ò de gbē kú à sa mana ònela. ⁸ Sa'ori kú òdi pó kuride sí p̄n̄o bi gbē kú òdi gan̄me. Melekiz̄edeki s̄, gbē kú ò p̄i àdiḡo kun goro s̄inda p̄inkin a ū. ⁹⁻¹⁰ Goro kú Melekiz̄edeki ḡe à dà Ibrahīle, odi Levi i k̄oro, à kú a dizi de Ibrahī wógbamme. Abire yāi oni f̄ ò p̄i sé, goro kú Ibrahī pó kuride pii kp̄a, Levi buri kú òdi pó kuride kp̄áim̄ano mé ò kp̄a.

Yesu de lán Melekiz̄edeki bà

¹¹ Levi buri sa'orii p̄in̄me doka kú Musa kp̄a Isarailan̄a z̄ini ū. Tó oni f̄ ò tó gb̄en̄o ḡo papana, oniḡo sa'ori p̄ande ni vī lán Melekiz̄edeki bà doru, sé Haruna buri sa'ori ḡaa. ¹² Tó sa'orin̄o lite, séde doka lite. ¹³ Gbē kú ò yā biren̄o ò a musu bi Isaraila buri kú a gbēke dí sa'ona z̄i ke zikirome. ¹⁴ Zaakū ó d̄s̄ s̄ans̄an̄ kú ó Dikiri bò Yuda buri ḡumme. Ódi ma kú Musa sa'ona yā ò buri pii musuro. ¹⁵ Yā kú yā p̄i wé b̄on dí: Sa'ori p̄ande bò lán Melekiz̄edeki bà. ¹⁶ A ḡona sa'ori ū bi doka ke burike yānlo. A w̄endi kú àdi lākaro gb̄ana yāime. ¹⁷ Zaakū ò p̄i: Ìniḡo de sa'ori ū goro s̄inda p̄inki Melekiz̄edeki ḡan.

¹⁸ Ó doka kú à kun yā pii kp̄a kp̄ado, kú à gb̄anaro, akūs̄ à kun p̄oke ūro. ¹⁹ Zaakū doka p̄i dí tó gbēke ḡò papanaro. Akū támaa kú à s̄ana zé bòw̄ere, kú o nao Ludai.

²⁰ Abire gbera Luda dí abirekū ke ladanaa sariro. Gbē kparan̄o ḡò sa'orin̄o ū ladanaa sarime, ²¹ ama Yesu ḡò sa'ori ū kú ladanaao, kú Luda pine:

Dikiri la dà ani lé sukparo,

à pì anigõ de sa'ori ù gɔɔ sɪnda pínki.

²² Ladanaa pì yáí Yesume zenkpɛke ù kũ Luda bàka kunna kũńwo dufu de a zɪla. ²³ Abire gbera sa'orinɔn dasi yá, zaakũ ga dì tó ògõ kú ñ zĩ gũn gɔɔ sɪnda pínkiro. ²⁴ Ama kũ Yesu kun gɔɔ sɪnda pínki yáí, a sa'orikena gɛnɛblena víro. ²⁵ Abire yáí ani fõ à gbɛ kũ òdi na Ludai kũ a gbánaonɔ sura ba mámmam, zaakũ à kun gɔɔ sɪnda pínki de àgõ kúte keńne Ludane.

²⁶ Sa'oriki bire taka mé à kõ si kũoo. A kunna adona. À yá vāni ke gbāsĩ víro. Luda a kèkõa kũ durunnakerinɔ, à a sè à tào musu ari a kĩnaa. ²⁷ A bàka kú kũ sa'onu lákũ gu digõ dɔ nào lán sa'oriki kparanɔ bàro. Gbɛ pinɔ dì sa o ñ zida durunnano yáí kũ ñ gbɛnɔ pɔnɔ dɔ. Àkãa sɔ, à ò gèn dome, kũ à a zida kpà. ²⁸ Musa doka dì gbɛnɔ ká sa'orikinɔ ù ñ gbánasarike gũmme, ama kũ Luda si kũ a kunnao doka pì ditena gbera, akũ à a Né kũ à gõ papana ari gɔɔ sɪnda pínki kàn.

8

Yesume ó Sa'oriki u

¹ Yá kũ óten o mìn dí: Ó sa'oriki bire taka vĩ vutena kiblegbaaa musu Luda zõkõde ɔplai. ² Àdi zĩ ke Ludakukia, bizakuta yápura kũ Dikiri dòn, adi ke pó kũ bisásirinɔ dònlo. ³ Zaakũ suna kũ gbanɔ kũ sa'onaa yáin òdi sa'oriki sɪnda pínki kái, à mana àpii gõ pó vĩ à kpá se. ⁴ Tó à kú andunia gũn, anigõ de sa'ori ùro, zaakũ sa'ori kũ òdi su kũ gbanɔ lákũ doka dìte nàno kun kò. ⁵ Zĩ kũ óten ke bi pó kũ à kú musu takame, a ninime. Abire yáí kũ Musa ye à bizakuta dɔ, Luda pinɛ à laakari ke à pó kũ a a taka m̀ne kpi musu ke lákũ à de nà pínki. ⁶ Yesu mé à Luda bàka kunna kũoo yákekeri ù. Zaakũ Luda bàka kunna kũoo pì de a bàka kunna kũńwo zɪla, zĩ kũ ò dànɛ de sa'oriki pinɔ póla. Luda bàka kunna kũoo pì lésena de a zɪla dɔ. ⁷ Tó Luda bàka kunna kũńwo zĩ pì papaname yá, de a plade zé víro. ⁸ Kũ Dikiri Isarailanɔ taari lè à pì:

A gɔɔ ten su kũ mani ma bàka

kunna kũ Isarailanɔ kũ Yudanɔ dufu ke.

⁹ Anigõ de lán ma bàka kunna kũ ñ dizinɔ

gɔɔ kũ ma ñ kũ ñ ɔa ma ñ bóte Misila bàro.

Zaakũ odi ze kũ ma bàka kunna kũńwooro,

akũ ma ñ tón.

¹⁰ Ma bàka kunna kũ Isarailanɔ gɔɔ bireno gbera yān dí:

Mani ma dokayānɔ dańne ñ nèsen,

mani kè ñ swèea.

Manigõ de ñ Luda ù,

onigõ de ma gbɛnɔ ù.

¹¹ Ñ gbɛke ni yá dada a dakenɛro,

ñ gbɛke ni ma dõna da a gbɛnɛro,

zaakũ ñ pínki nigõ ma dõme,

né fíti gbɛ zõkõ ñ pínki.

¹² Mani sùru ke kũńwo kũ ñ taarinɔ,

mani ñ durunnano yá da doro.

¹³ Kũ Luda bàka kunna kũńwo dufu pì yá ò, à a káakupɔ zĩ bò. Pó kũ à zĩ kũ à bùsa, a kpana gui zàro.

9

Luda bàka kunna kũńwo zĩ sa'ona

¹ Luda bàka kunna kũńwo káaku donyĩ zé vĩ kũ Ludakuki kũ à kú zĩteo. ² Fítala kũ teburu kũ òdi burodi kátea Ludan̄eo kú kpéda kũ òdi pi gu kũ à kú adonan. ³ Kpéne kũ òdi pi Ludakuki pì kú lábure plade kpe. ⁴ A gũnn turaretitikipataki kũ ò pì kũ wuraaò kun kũ Luda bàka kunna kũńwo àkpati kũ wura kútea mámmamwo. Wura lo kũ mana kú a gũn kú àkpatii pìi gũn kũ Haruna gò kũ à lá bòtò pàao kũ Luda yáditena gbè anlonò. ⁵ Àkpatii pìi musu kerubu gakuridenon kú durunnakẽmmakila. Pó pìno bòkòtena dodo gòron díro.

⁶ N̄ katena le gũn, sa'orinò digõ gẽ kpéda gũn gèn baaakõ ò n̄ sa'ona zĩ ke. ⁷ Sa'oriki mé àdi gẽ kpéne wè do gèn do, akũsõ àdi gẽ aru sariro. Àdi aru pì fáfà a zĩda durunna yá kũ a gbèno pó kũ ò kè dõnasariki gũnwo. ⁸ Luda Nini ten m̄wewere, gòro kũ kpé káaku pì kun, Ludakuki zé wènarò. ⁹ Abirekũ ten yá lek̄awere kũ tera yáo à pì, pó kũ donyĩrii d̄i Luda gbanò kũ sa'opò kũ àdi kpáano d̄i f̄s̄ à a nèse dan̄e dok̄onò swáswarò. ¹⁰ Yá ditena pìno bi mèbarayám̄e. Póble kũ pómínaao kũ gbàbona buri s̄inda pínkiò yám̄e. Ò d̄ite ari zé dufu gòro gõ kám̄e.

Luda bàka kunna kũńwo dufu sa'ona

¹¹ Akũ Kirisi sù yá mana kũ à kà tera sa'oriki ù. À gè bizakuta kũ à zõkõ akũsõ à papana de a káakupòla gũn, kũ bisásiri mé à d̄òro, andunia d̄íkĩna pón s̄oro. ¹² Adi gẽ Ludakukin kũ blè ke zù aruoro, à gè kũ a zĩda aruo gèn dom̄e, à gbèno b̄oo ari gòro s̄inda pínki. ¹³ Zaakũ òdi blè aru kũ zùsa aruo kũ zùnunu kũ ò kpàta túbuo fáfà gbè kũ ò gbàs̄inò a ò gbà boón̄e, ¹⁴ oni Kirisi pó o d̄o yá? À a zĩda kpà Ludaa mamberu sari kũ Nini kũ àdigõ kun gòro s̄inda pínki gbánao. A aru d̄i ó swè pípiwewere bona yá pà kekena pìno gũn, de ò zĩ ke Luda Wèndidene.

¹⁵ Abire yá Kirisi mé à Luda bàka kunna kũńwo dufu yákeri ù, de gbè kũ Luda n̄ s̄isino wèndi kũ àdi láraro kũ à a lé sè le yá. À gà de à n̄ bo, à taari kũ ò kè Luda bàka kunna kũńwo káakupò yá musunò kèr̄ma. ¹⁶ Tó ò ye ò zĩ ke gbè légbeditenaaa, sé ògõ d̄s̄ s̄ans̄an kũ ade gà, ¹⁷ zaakũ ga gberan légb̄e digõ gbána v̄i. Tó légb̄editeri kpé b̄ene, légb̄e digõ gbánaro. ¹⁸ Abire yáin odi Luda bàka kunna kũńwo káakupò pì sa ke aru sariro. ¹⁹ Kũ Musa doka yáditenanò ò gbè s̄inda pínki wára, à s̄ak̄a t̄era zónzon kũ s̄ès̄v̄l̄áo sè à z̄s̄ zùsane b̄òro kũ blèkof̄ini aru kũ ò yàkate kũ íooa, à fáfà Musa dokaa kũ gbèno d̄o n̄ pínki ²⁰ à pì, Luda bàka kunna kũńwo arun gwe, kũ à d̄iteáre à kũna. ²¹ Len Musa aru fáfà bizakutaa kũ sa'ona z̄ikeb̄onò d̄o pínki. ²² Doka gũn aru mé àdi gbà bo pó daside pínkin̄e. Aruk̄otena sari durunnano kèmmaa kunlo.

Kirisi a zĩda kpà sa'opò ù durunna mìdena yá

²³ Zaakũ à k̄s̄ s̄io ò gbà bo pó kũ ò kú ludambe taka p̄in̄one lán abire bà, sa'opò kũ à de abirekũla k̄s̄ si kũ ludambe pó p̄in̄o. ²⁴ Zaakũ Kirisi dí gẽ Ludakuki taka kũ bisásiri b̄on̄lo, à gè a yápuran ludambeme, gu kũ à kun tera ó Zek̄unwode ù Luda are. ²⁵ Sa'oriki d̄i gẽ Ludakukin kũ p̄ók̄ade aruo wè kũ wèeo, ama Kirisi dí gẽ de à a zĩda kpá gèn baaakõ yáiro. ²⁶ Tó adi ke lero, de àten wari ke gèn baaakõ zaa anduniakatena gòroa. Yápura gũn à sù gèn dom̄e gòro kũ andunia kà a kákia sà, à a zĩda kpà sa'opò ù, de à

durunna mì deo. ²⁷ Luda dìte bisāsirine à ga gènn do, gbasa à yākpate ke kāao, ²⁸ len Kirisi a zīda kpà gènn do le, à gbēno durunna di a mīa dasi. Ani era à su a gènn pladeo, adi ke durunna yāin doro, de à gbē kū n wé doino sura ba yāime.

10

¹ Musa doka bi yā mana kū àten su takame, adi ke yā pīnlo. Abire yāi sa dokōno pī ona gènn baaakō wè kū wèeo di f̄ à gbē kū òten na Ludaino ke papana zikiro. ² Tó sa pī onaa gbà bò donyīrinone gènn do ari goro sīnda pīnkime yā, de n kù gbāna, ò a onaa tò. ³ Yāpura gūn sa'onaa pī mé àdigō gbēno durunna yā doṅgu wè kū wèeo. ⁴ Zaakū zusa kū blèkofinioo aru di f̄ à durunna kēm̄ma zikiro. ⁵ Abire yāi kū Kirisi ten su andunia gūn, à pī Ludane:

N̄ ye sa'opo ke gbairo,

akū n bisāsiri m̄e kēm̄ene.

⁶ Sa'opo kū òdi ká tén à té kū

kū sa'opo kū òdi o durunna yā musuo

dì kánguro.

⁷ Akū ma pī: Makūme la!

Lákū ò kè takadan ma yā musu nà

ma su n poyenyīna keme, Luda.

⁸ Káaku gīa à pī, sa'ona kū gbao kū sa kū òdi ká tén à té kūo kū sa kū òdi o durunna yā musuo di ká Ludaguro, à yeiro, bee kū doka mé à dìte. ⁹ Akū à pī, akāame dí, a su a poyenyīna keme. À a káakupo kpà kpado a plade ditena yāi. ¹⁰ Luda poyenyīnaa pī kenaa gūn Yesu Kirisi a zīda kpà sa'opo ù gènn do, à tò ó kú adona Luda gbēno ù.

¹¹ Goro sīnda pīnki sa'orino digō kú n zī gūmme, ògō sa dokōno kū àdi f̄ à durunna kēm̄ma zikiro o gènn baaakō. ¹² Kirisi s̄, à sa ò durunna yā musu gènn dome ari goro sīnda pīnki, akū à gèe à vùte Luda oplai. ¹³ Zaa goro kua à kú gwe, àten dā Luda a iberenō keare a tintin ù. ¹⁴ Zaakū sa'ona gènn do pīi gūn, à tò gbē kū à gbà bōnneno gō papana ari goro sīnda pīnki. ¹⁵ Luda Nini era àten yā pī owere do à pī:

¹⁶ Ma bàka kunna kūnwo goro bireno gbera yān dí:

Mani ma dokayāno dañne n̄ nèsee gūn,

mani kē n̄ swèea.

¹⁷ Akū gbasa à pī:

Mani n̄ durunna kū n̄ taarinō yā da doro.

¹⁸ Lákū à n̄ durunna kēm̄ma nà, sa'ona n̄ yāi zé vī doro.

Ò na Ludai

¹⁹ Abire yāi ma gbēno, kū Yesu aru gbānao ó gēna Ludakukin zé vī kū swèeo kpatena. ²⁰ À wèndi zé dufu bōwere a m̄e gāi à gè kūoo lábure kpe ari Ludakukia. ²¹ Lákū ó sa'ori zōkō vī nà Luda onkūri ù, ²² ò na Ludai kū nèse doo kū a náanikena sikaa sario kū swè kū ò pīpi ò taari laasun bò a gūnwo kū m̄e kū ò a zú ò kū í swáswao. ²³ Ògō tām̄aa kū o zeo kūna gíngin, zaakū Luda a lé sè, akūs̄ à náani vī. ²⁴ Ò laakari dokōa, ò té kákōgu yenyī kū yāmanakenaao yā musu. ²⁵ Òsun pā kpá ó kōkakaranaai lákū gbēkeno di ke n̄aro. Ò lé dakōa, atēnsa lákū a è Dikiri sugoro ten ká k̄ani nà.

²⁶ Tó o yāpura mà o dḡ, tó o gi óten durunna ke, sa'ona kú ani durunna kēwá kun doro. ²⁷ Pó kú à gḡwewe mé à de ògḡ wé dḡ yākpatei ũ kú swèkēnguo kú té gbāna kú ani Luda iberenḡ kakateo. ²⁸ Òdi gbē kú à gi Musa doka dai de a wé gwanaa sari gbēnḡn pla ke aakḡ sèedakpanaa musu. ²⁹ Tó gbē gèsee pète Luda Néa, akú à Luda bàka kunna kúnwo aru kú à gbà bòare gya bò, akú à Nini Gbēkekeneri sḡsḡ, àgḡ dḡ kú a wétamma nigḡ zḡkḡ de abirekúla manamana. ³⁰ Zaakú ó yā díkīna òri dḡ à pì, akāa mé áni fīna bońma, akāa mé áni fīna bońne. Ò pì dḡ, Dikiri ni yākpate ke kú a gbēnḡ. ³¹ Yā pāsīme, tó n lete n da Luda Wèndide ō.

³² À laasun lé á kunna yāa. Á wékēnaa gbera a wari fḡ á osi zḡkḡ kanaa gūn. ³³ Zikenḡa òdi á sḡsḡ, òdi á wé tā pari gūn. Zikenḡa adì ze kú gbē kú òteni wé tā lenḡ. ³⁴ A purusunanḡ wēnda dḡ. Kú ò á pḡnḡ siáwa, a we kú pḡnnao, zaakú á dḡ kú á aruzeke mana kú anigḡ kun gḡḡ sīnda pínki vī. ³⁵ Abire yāi àsun tó á wḡrḡḡ kú à àre vīare zḡkḡ gḡtēáwaro. ³⁶ Séde àgḡ mena vī de à pḡ kú Luda a lé sè le a pḡyenyīnakenaa gbera.

³⁷ Zaakú à gḡ fítīme, ani gi kero, kú gbē kú àten su ni kipa.

³⁸ Gbē mana nigḡ kun ma náani kú àten ke yāi, ama tó à èra kpe, ma pḡ nigḡ nnaro.

³⁹ Gbē kú òdi boru kú kpeo ò ní zīda kakatenḡn ó ũro. Gbē kú ò Luda náani kè ò surabanaa lenḡn ó ũ.

11

Gbē káakunḡ ludanaanikēnaa

¹ Ludanaanikēnaame támaa kunna Luda kínaa sikaa sari ũ, yā kú òdi wé sialero sina yāpura ũ. ² Gbē káakunḡ ludanaanikēna mé à tò Luda ní sáabu kpà.

³ Ó ludanaanikēna mé à tò ó dḡ kú a yā'ona mé à andunia kàte. Pó kú òdi wé sialeron à pḡ kú òdi wé siale kèo.

⁴ Habila ludanaanikēna mé à tò a sa'ona Ludaa mana de Kainu pḡla. A ludanaanikēna yāin Luda a sáabu kpà, à a dìte gbē mana ũ, akú à a gba si. Bee kú à gà, ó kpé óteni a yā ma Luda náani kú à kèe pì yāi.

⁵ Enḡku ludanaanikēna mé à tò Luda a sè, de àsun garo yāi. Odi a e doro, kú Luda a sè bona andunia gūn yāi. Ari Luda gḡ a sé, à a sáabu kpà, à pì a yā kàagu. ⁶ Gbēke yā dì ká Ludagu a náanikēnaa sarīro. Séde gbē kú àten nai sí kú à kun akūsḡ àdi fīna bo a ki weterinḡne.

⁷ Kú Luda lé dà Nuhua yā kú odi e yāro musu, akú à Luda náani kè, à a yā mà, à gó'ite kè, à a ondenḡ sura bào. A ludanaanikēna mé à tò yā vùte andunia, akūsḡ Luda tò yā bò káao nna a náani kú à kèe pì yāi.

⁸ Kú Luda Ibrahī sīsi de à gé bḡsu kú áni kpáa àgḡ vī gūn, akú Ibrahī Luda náani kè, à Luda yā pīi mà. À bò be, bee kú à gu kú àten gén pì dḡro. ⁹ À Luda náani kè, akú à be pète bizakuta ũ bḡsu kú Luda a lé sēneε pīi gūn nibḡ ũ. Len Isaaku kú Yakubuo dḡ, zaakú Luda lésēnaa pīi gḡ ní pḡ ũme. ¹⁰ Zaakú wēte kú Luda kàte à bò a zīni petēnaan Ibrahī wé dḡi.

¹¹ Sara ludanaanikēna mé à tò à zé lè à nḡo sì, bee kú paramε, akūsḡ à zī kù, zaakú à dḡ kú Luda kú à lé sèare náani vī. ¹² Bee kú à zī kù, gḡgbē mèn do pì buri kè dasi lán susunenḡ ke ísirale bḡsu'atē bà, oni fḡ ò a lé dḡro.

¹³ Gbē pìnɔ gàga n̄ pínki n̄ ludanaanikena a gūn, pɔ kũ à a lé sèñnɛnɔ lenaa sari. Ò è zà dire ò gbānake kpài. Ò pì, nibɔ bòasunɔme n̄ ũ zĩtea la. ¹⁴ Gbē kũ òdi o lenɔ ten mɔwɛɛ kũ òteni n̄ zĩda bũsu ni demɛ. ¹⁵ Tó bũsu kũ ò bòn bɛgɛn òten ke yā, de ò zé lè ò ɛra ò tà gwe. ¹⁶ Ama bũsu kũ a mana de abirekũlan òteni a ni de, àkũ ludambe pɔ ũ. Abire yāi tó ò Luda sìsi n̄ Luda ũ, àdi kenɛ wé'iyā ũro, zaakũ à wéra kàte n̄ pɔ ũ.

¹⁷⁻¹⁸ Kũ Luda Ibrahĩ yò à gwà, akũ Ibrahĩ Luda náani kè, à Isaaku kpà sa'opɔ ũ. Luda lé sènɛ yā à pì, Isaaku burinɔn onigɔ piĩne a burinɔ ũ. Bee kũ abireo à zè kũ a né mèn do pì kpanaa. ¹⁹ À sì kũ Luda gbāna ni fɔ à gèñɔ vu bona gan, akũ à de lākũ ò pì à ɛra à Isaaku lè bona gan bà. ²⁰ Isaaku Luda náani kè, akũ à sa'ole kè Yakubu kũ Isauone. ²¹ Kũ Yakubu kũ ga léi, akũ à Luda náani kè, à sa'ole kè Yusufu n̄nɔne, akũ à gbāna lè a gòoa à donyĩ kè. ²² Kũ Yusufu kà gana, akũ à Luda náani kè, à Isarailanɔ bona Misila yā ò kũ lākũ oni ke kũ a gèwao nà.

²³ Musa de kũ a dao Luda náani kè, akũ ò a ùte ari mɔ aakɔ a inaa gbɛra, kũ ò è a àlesi mana yāi. Odi vīna ke doka kũ Firi'auna ditenɛro. ²⁴ Kũ Musa kè zɔkɔ, akũ à Luda náani kè, à gì ò a sísi Firi'auna n̄nɔgbē né ũ. ²⁵ À sì ò a wé tã kũ Luda gbēnɔ de kunna kũ pɔnnao durunna gūn gɔɔ plala. ²⁶ À dīte kũ wé'i kũ òdi darĩma Kirisi yāi de Misila aruzekela, zaakũ ziakepezĩ láadan a wé kúa. ²⁷ A ludanaanikena mé à tò à bò Misila, adi vīna ke Firi'auna pofɛnɛro, à zè gíngin lākũ à Luda kũ òdi e kũ wéoro èe bà. ²⁸ A ludanaanikena mé à tò à Vīnla dikpe dīte kũ aru mamana kpé lé gb̄iao, de gb̄ɛderi súnɔ na n̄ daudunɔaro yāi. ²⁹ Isarailanɔ Luda náani kè, ò bikũ Isira Tēraa lán zīte kori bà. Kũ Misilanɔ yò a le, akũ í dàńla. ³⁰ Isarailanɔ Luda náani kè, ò taa ò ò lika Yerikoi ari gɔɔ suppla, akũ a bīni kòte. ³¹ Karua Rahabu Luda náani kè, à gu'asirigwarinɔ dīte à n̄ gwá manamana, akũ adi kakate kũ ludayadarisarinɔoro.

³² Mani pi dera dɔɔ? Mani zé le mà Gidion yā oro ke Baraki ke Samusi ke Yefeta ke Dauda ke Samuɛli ke annabinɔ. ³³ Ò Luda náani kè, akũ ò zĩ blè kınanɔa, ò yā gògɔ gbēnɔne a zéa, ò lé kũ Luda sèñnɛ gbē le, ò músunɔ lé nàkɔa, ³⁴ ò té pāsĩ dè, ò bò fɛnɛda léi, ò gbāna lè n̄ gbānasarike gūn, ò pāsĩ kũ zĩ gūn, ò pè buri pānde zĩkarinɔa, ³⁵ ò nɔgbēnɔ né gèñɔ fute bona gan ò kpàĩmma. Ò m̀e ù n̄ gbēkenɔa, akũ ò gì ò n̄ gbare, de ò vu bona gan ò bo mana yāi. ³⁶ Ò n̄ gbēkenɔ fobò, ò n̄ gbē kũ flāao. Ò m̀ò kà n̄ gbēkenɔa, ò n̄ ká kpésiran. ³⁷ Ò n̄ pápa kũ gbēeo ò n̄ dede, ò n̄ zɔkɔre pla kũ sákasakaa, ò n̄ dede kũ fɛnɛdao. Ò kurè sã bára kũ blè bárao dana. Ò gɔ kori, ò n̄ wé tã, ò wari d̄rĩma. ³⁸ Andunia kunna dí kɔ sí kũńworo. Ò likaralikara sèn kũ kpi musunɔ, ò kũ gbēwɛɛnɔn kũ t̄nɔwɛɛnɔ. ³⁹ Bee kũ Luda gbē pìnɔ sáabu kpà n̄ pínki a náani kũ ò kè yāi, odi pɔ kũ à a lé sèñnɛ lero, ⁴⁰ Luda gĩnake à dīte, ò gwena mana le de n̄ póla, de òsungɔ papana ó sariro.

12

Luda a gbēnɔ totonaa

¹ Abire yāi ók̄nɔ se, lākũ sèedadɛnɔ diwái nà le, ò ɔ kpá pɔ kũ òdi kpáwɛɛnɔi kũ durunna kũ àdi ó kakũn aragao pínki, ò bàkpakũsũna kũ Luda dītewɛɛ lé kũ menao. ² Ò wé pé Yesua kũ à bò kũ ó ludanaanikena zéo akũs̄ à zé pìi kè papana. À gana líaa f̄s̄, adi a wé'iyā daro pɔnna kũ à

ditenane lena yāi, akū à gèè à vùte Luda kiblegba oplai. ³ À laasun lé a yāa, lākū à mena f̄s kū durunnakeri kū ò ibere bire taka sè k̄āaon̄o, de àsun k̄pasa á n̄es̄e yakaro yāi. ⁴ Zaakū á osikana kū durunnao gūn, ádi ze a gi ari a ge a gaoro. ⁵ N̄es̄eȳidakūna yā kū ò óare lán n̄en̄o bà s̄áágun yá? Ò p̄i: Ma né, tó Dikiri teni n toto, ñsun dite p̄aro.

Tó à kp̄ak̄enyī, ñsun tó n k̄a garo.

⁶ Zaakū gb̄e kū Dikiri yeiin àdi toto, àdi wé t̄a gb̄e kū à s̄i a né ūa.

⁷ À wétamma dite totona ū. Luda mé àten abirekū k̄eáre, kū a n̄en̄o á ū yāi. Né ke kun kū a de ni gí à a totoi yá? ⁸ Tó adi á toto lán a né k̄parano bàro, á de a n̄en̄o ūro, ȳigisarin̄en̄o á ū. ⁹ Ó den̄o v̄i andunia la kū ò ó toto, akū o n̄ yā mà. Lākū à de le nà, ò mì nat̄e ó De kū à kú musu de abirekūla òḡs̄ kun. ¹⁰ Ó den̄o ó toto ḡoro pla p̄s̄ ū n̄ ònd̄s̄ lén. Luda dì ó toto ó karana yāime, de ó kunna le àḡs̄ adona lán a bà. ¹¹ Totonna ke p̄onna v̄i a ḡoro, sé p̄osira, ama gb̄e kū totonna p̄i n̄ k̄éken̄o dì a gb̄e le z̄a bona mana kū aafiao ū.

¹² Abire yāi à á o kū ò ḡs̄ d̄oáino kū á gb̄a kū ò ḡs̄ tereren̄o gba gb̄ana, ¹³ à zé sé s̄usu, de ák̄on̄o kū àten t̄ōten̄o s̄un kak̄unlo, ò ḡs̄ kū aafiao.

¹⁴ À wete àḡs̄ nna kū gb̄e s̄inda p̄inkio, á kunna ḡs̄ adona, zaakū tó gb̄e kunna adonaro, ani Dikiri ero. ¹⁵ À laakari ke, á gb̄eke s̄un kura Luda gb̄ekeken̄nenaai à ḡs̄ ḡonna ū á té, à wari d̄o gb̄en̄o a dasi à n̄ yakaro. ¹⁶ Á gb̄eke s̄unḡs̄ de p̄ap̄akeri ke ludaȳadarisari ū lán Isau bàro. Á a dauduk̄eze yia p̄s̄ ḡen̄ do blena yāi. ¹⁷ Á d̄s̄ kū à sa'ole w̄ete a dea z̄a, akū Luda ḡine. Bee kū à w̄ete kū w̄é'io, adi zé le à yā kū à k̄e litero.

Luda bàka kunna k̄un̄wo z̄i k̄u a dufuo

¹⁸ Adi ke Sinai kpi kū oni f̄s̄ ò o naaan a nairo, kū àten té kū, à gusira v̄i kū gu b̄ugubuguuo kū z̄aga'iao ¹⁹ kū k̄ak̄aki ȳis̄ampanaao kū Luda k̄oto gb̄anao. Kū Isarailano k̄otoo p̄i mà, ò k̄ute k̄ene ò p̄i, àsun ȳake oñne doro, ²⁰ zaakū oni yā kū à diteñne d̄ik̄ina f̄oro à p̄i: Bee p̄ok̄ade mé à nà kpi p̄ia, ò pápa kū gb̄eò ò de. ²¹ Luda kipanaa p̄i bi v̄ina yāme manamana ari Musa p̄i, v̄ina a kū, àten lukaluka.

²² Ama a na Zaīs̄ kp̄ii kū Luda W̄endide w̄ete Yurusalemu kū à kú musuo kū a malaika dasidasi kū ò kakarana gwen̄o ²³ kū daudu kū n̄ t̄o k̄ena gwen̄o k̄okakaranao kū Luda kū à de gb̄e s̄inda p̄inki ȳak̄patekeri ūo kū gyāw̄an̄ gb̄e mana kū ò ḡs̄ papanano ²⁴ kū Yesu kū à de Luda bàka kunna k̄un̄wo dufu ȳakekeri ūo kū a aru f̄af̄ana kū àten yā mana o de Habila p̄olao.

²⁵ À laakari ke, àsun gí yā'orii p̄i yā mairo. Lākū gb̄e kū ò gi Luda lédamma mai z̄ite lan̄o dí boro nà, ók̄on̄o se, lākū Luda ten lé dawá zaa musu, tó o k̄pe line, oni ó p̄s̄ ò d̄o yá? ²⁶ A k̄oto z̄ite l̄ukaluka yā, akū à lé s̄e à p̄i, áni gu lukaluka ḡen̄ do d̄o, adi ke z̄ite adonlo, kū musuome s̄a. ²⁷ Kū à p̄i, ḡen̄ do d̄o, abirekū ten piw̄ere Luda p̄ók̄ena kū ani lukaluka p̄ino ni ḡe z̄elame, de p̄s̄ kū àdi lukarano le àḡs̄ kun. ²⁸ Abire yāi lākū óten kpata kū àdi ȳiḡaro ble nà, ò Luda s̄áabu kp̄a, òḡs̄ donyī k̄ene lākū à yei nà, òḡs̄ mì natene v̄inakenane gūn. ²⁹ Zaakū ó Luda bi té kū àdi k̄un̄mame.

13

Lédammanaa

¹ À wé tã àgõ gbêke vī kũ k̄so. ² À laakari d̄o nibokūnaaa, zaakū len gbêkeno malaikan̄o yàrii kè d̄snaa sari le. ³ À tó gbē kũ ò ñ ká kpésira gūnn̄o yā d̄oágu, lákū á kú kūn̄wo kpésiran bà, kũ gbē kũ òten wé t̄árn̄mano, lákū ák̄on̄ome òten wé t̄ááwa bà. ⁴ Baadi ḡõ n̄osena da yā bèereede ũ. Òsun ñ wúteki gbāsī kpáro, zaakū Luda ni yākpate ke kũ zinakerin̄o kũ p̄ap̄akerin̄o. ⁵ Yena ōgoi sún doáre arero. À ze kũ pó kũ á v̄io, zaakū Luda p̄i:

Mani n tónlo,
mani p̄a kpányī zikiro.

⁶ Abire yāi odì kùgbāna ke ò pi:

Dikirime ma kpanyīri ũ,
v̄ina ni ma kũro.
Bón bisāsiri ni f̄õ à kemenee?

Sayāpura onaa

⁷ À tó á don'arede kũ ò Luda yā òáren̄o yā d̄oágu. À ñ kunna tàasi ká ari a léa, á Luda náani ke lán ñ bà. ⁸ Yesu Kirisi dok̄on̄o ḡia kũ gbárao ari ḡoro s̄inda p̄ínki. ⁹ Àsun tó ò á s̄ate kũ yā nib̄o dasi dannenan̄ooro. À mana ó swè gbāna le Luda gbêke gūn, adi ke sa'opóble kũ àdi àre ke ke gbē kũ ò z̄ēon̄on̄eronlo. ¹⁰ Bizakuta sa'orin̄o zé v̄i ò sa'oki kũ ó v̄i p̄óble blero. ¹¹ Sa'oriki d̄i ḡē Ludakukin kũ p̄ókāde aruo durunnan̄o k̄emm̄ana yāi, akū òdi a gè kpata b̄ura kpe. ¹² Abire yāi Yesu gà w̄ete kpe se, à gb̄a b̄o gb̄ēn̄one kũ a z̄ida aruo. ¹³ Ò bo ò gé a k̄inaa b̄ura kpe, wé'i ó kũ k̄āao se. ¹⁴ Zaakū ó w̄ete kũ aniḡõ kun v̄i laro, w̄ete kũ àten sun ó wé d̄oi. ¹⁵ Abire yāi òḡõ Luda sáabu kpá lakanaa sari kũ Yesu gbānao ó sa'ona ũ. Gba kũ a sisirin̄o d̄i suon gwe. ¹⁶ À laakari d̄o yāmanakena kũ k̄ogb̄ek̄enaaoa. Sa bire taka ona mé àdi ká Ludagu. ¹⁷ À á don'arden̄o yā ma, à mì nateñne, de ò le ò z̄i ke kũ p̄on̄nao, zaakū ò de gbē kũ oni ñ z̄i yā baba Ludanen̄o ũ. Tó òten z̄i ke kũ lésuruo, ani àre keárero.

Lézammanaa

¹⁸ À adua k̄ewere. Yāke teni ó swè v̄iro, odiḡõ ye òḡõ kũ ó d̄or̄ōa yā s̄inda p̄ínki gūn. ¹⁹ Ma wé k̄éáwa à adua kemene, at̄ensa mà le mà su á kia likalika.

²⁰ Luda aafiade kũ ó Dikiri Yesu f̄ute bona gan s̄ad̄ariki ũ a bàka kunna k̄oo ḡoro s̄inda p̄ínki aru ḡai, ²¹ à á keke kũ mana p̄ínki, de à a p̄oyenyina ke, à yā kũ à k̄āagu ke ó gūn Yesu Kirisi ḡai. Àkū mé à gakuri v̄i ḡoro s̄inda p̄ínki, aami.

²² Ma gb̄ēn̄o, ma wé k̄éáwa, àḡõ lédamma yā p̄i kũna kũ menao, zaakū takada kũ ma k̄éare z̄ok̄oro. ²³ Àḡõ d̄õ kũ ò ó gbē do Tim̄oti gb̄are. Tó à kà la tera, óni su á gwa lele. ²⁴ À f̄õ kpá á don'arden̄o ñ p̄ínki kũ Luda gb̄ēn̄o p̄ínki. Itali b̄usuden̄o f̄õ kp̄ááwa. ²⁵ Luda gbêke keáre á p̄ínki.

YAMISI

Yōgwanaa

¹ Yamisi, Luda kù Dikiri Yesu Kirisio z̀b̀bleri mé à f̀ kpà Isaraila buri m̀en kuri awεεpla kù ò f̀ak̀sananaɔ.

² Ma gbēɔ, wari burinɔ dasi. À p̀ kù ani á le ditε p̀nna yā ũ, ³ zaakū á d̄s kù á ludanaanikεna yōgwana ni mēna iáre. ⁴ À tó mēna papaáwa, de àḡɔ de gbē k̀asarana ũ swáswa yáke k̀ianaáwa sari. ⁵ Tó ònd̄s ten k̀ia á gbēkea, à wé ke Ludaa, ani a gba, zaakū àdi gbē s̄inda p̀inki gba p̀ kù n̄sεεo do taari'ena sari. ⁶ Tó à wé k̀ea s̄, à a náani ke sikaa sari, zaakū sikade de lán ko vl̄a bàme. Gu kù ïa k̀akan, gwen àdi liten. ⁷ Gbē bire taka s̀unḡɔ da áni p̀ le Dikiriaro, ⁸ zaakū a n̄sε kun plaplame, akū àdiḡɔ sika ke yā kù àten ke g̀un p̀inki.

⁹ Takaside kù à kù ó té p̀nna ke, kù Luda a k̀ara yāi. ¹⁰ Aruzekede p̀nna ke, kù Luda a làgo yāi, zaakū aruzekedenɔ ni ḡεte lán lávu kotenaa bàme. ¹¹ Ifant̄e di futε kù a puusu gb̀anao, à lánɔ di kori ke, a vu di k̀óte, a manake di láka. Len aruzekede ni kp̀agui a b̀kotenanao g̀un le.

¹² Arubarikaden gbē kù àdi yōgwana f̀ ũ, zaakū a bona mana g̀bera Luda ni ẁendi kù à a lé s̀e gbē kù ò yeainɔne kenε ỳari ũ. ¹³ Tó yōgwana gbē l̄e, àsun pi Ludamero, zaakū oni f̀ ò Luda lé ò gwà kù a v̀anioro, akūs̄ àpii di gbēke ȳ ò gwa kù a v̀anioro. ¹⁴ Baadi yōgwanaa di bo a p̀nidena k̀inaame, akū àdi a wé ble à a g̀ate. ¹⁵ Akū p̀nidenaa pii di nò sí à né i durunna ũ. Tó durunna z̀k̄s kù s̄, àdi ga ime.

¹⁶ Ma gbē yenyidenɔ, àsun á z̄ida s̀atero. ¹⁷ Gba mana swáswa s̄inda p̀inki di bo musu, De Luda p̀ogupurinɔ K̀eri k̀inaame. Àdi litero, a gupura i di lagoro. ¹⁸ A p̀yenyinaa g̀un à ó í kù a yā ỳapuradeo, de ò le òḡɔ are a p̀ kù à k̀enɔ té.

Yamana kù a kenaa

¹⁹ Ma gbē yenyidenɔ, à yā dí ma. Àḡɔ yā ma likalika á p̀inki, ama àsun yā ò likalikaro, àsunḡɔ p̄ f̀e likalikaro. ²⁰ Zaakū bisásiri p̄f̀e di su kù yā mana kù Luda yeiioro. ²¹ Abire yāi à ɔ g̀bare dà v̀ani kù yā pás̄i kù à dàgulanɔi p̀inki. À yā kù ò t̄s̄ á sẁen, kù ani f̀ ò á sura ba sí kù z̄idabusanaao.

²² Àsun á z̄ida s̀atero, àsun yā p̀i ma kù s̄ao p̀aro, à z̄i kea. ²³ Zaakū gbē kù àdi yā ma, akū àdi z̄i keoro de lán gbē kù àteni a z̄ida gwa dígi g̀un bàme. ²⁴ A z̄ida gwanaa g̀bera, tó à g̀è z̀éla, lákū à de nà di s̄aagu g̀ɔnɔme. ²⁵ Gbē kù a wé pé Luda doka papanaaa kù àdi tó ò ḡs̄ z̄idadenɔ ũ, akū àdiḡɔ g̀éo are, àdi ma à s̄aaguro, àdi z̄i keame, Luda ni arubarika da adegua ỳakēnaa g̀un.

²⁶ Tó gbē a z̄ida ditε donȳiri ũ, akū àdi a lé f̀oro, àteni a z̄ida kekeme, àten donȳi ke p̀ame. ²⁷ Donȳikεna swáswa kù à taari v̄i De Ludaneron dí: Ò tonenɔ kù gyaanɔnɔ gwa ñ ẁendake g̀un, òḡɔ ó z̄ida k̀una d̄s gb̀as̄i sari andunia yā musu.

2

Gbē wé gwanaa

¹ Ma gbēɔ, ák̄nɔ kù àteni ó Dikiri gakuride Yesu Kirisi náani kenɔ, àsun gbē wé gwaro. ² Tó gbē g̀è á k̀kakaranaa g̀un wura t̀anka kù p̀kasa

tékēnaao dana, tó takaside kú à bizakasa gbāsī danaa gè se, ³ tó á wé té gbē kú à pókasa tékena danaai, tó a pìne à mós à vute gu manan, tó a pì takasidene à gé à ze dire, kesō à mós à vute á gbá sare, ⁴ áten kō tè bome, áten yā gwa kú manafikion gweroo?

⁵ À ma, ma gbē yenyīdeno. Luda gbē kú ò de gbānasaridenō ū andunia gbēno ne sè ògō gbāna a náanikenaa gūn, de ò kpata kú à a lé sè gbē kú ò yeino ne ble. ⁶ Ákōno sō, áten gbānasaride pino kpe bo. Aruzekedenō mé òdi gbāna bleáwaroo? Mókōno mé òdi á gáte ò gé kááo yákpatekikiaroo? ⁷ Mókōno mé òdi tó nna kú à kúáwa yakaroo? ⁸ Luda dokayā mide pì, àgō ye à gbēdakei lán á zīda wèndii bà. Tó á yā pì kúna yāpura, áten yā ke a zéame. ⁹ Tó áten kō wé gwa sō, áten durunna keme. Doka pìi vùtéáwa, a gō taaridenō ūn gwe. ¹⁰ Zaakū tó gbē doka kúna pínki, tó à fù mèn doa, à gō taaride ū a pínki gūmmē. ¹¹ Luda pì, àsun zina kero. À pì do, àsun gbē dero. Bee tó ndi zina kero, tó n gbē dè, n gō dokadarisari ūmē. ¹² Ákōno kú Luda ni yā gōgō kááo doka kú àdi tó ò gō zīdadeno ū musu, àgō yā o, àgō yā ke lákū à kō sī kááo nà. ¹³ Luda ni yákpate ke kú sūrusaridenō sūruu sari, ama yā ni bo kú sūrudeo nna.

Ludanaanikena kú yāmanakēnaao

¹⁴ Ma gbēno, tó gbē pì, áten Luda náani ke, tó àdi póke kero, bó yān gwee? Ludanaanikena bire taka ni fō à a bo yá? ¹⁵ Tó á gbē mèn do, gōgbē ke no gbē ten pókasa kú póbble takasi ke, ¹⁶ tó á gbēke pìne: Luda n gba aafiaa! Ñsun tó ía n dero, n pó ble n ká, tó adi wèndibadobō kpáaro, bón abire ūu? ¹⁷ Lemē se ludanaanikena ado pókekēnaa sari bi yā gēemē.

¹⁸ Tó gbē n pì, nten Luda náani ke, akūsō maten yā ke, mani pinne, n ludanaanikena pókekēnasari mōmēne, mani ma ludanaanikena mōnne ma yākenaa gūn. ¹⁹ N sī kú Luda mèn dome. À mana. Bee tānanō se, ò dō le, akū òdigō lukaluka. ²⁰ Yōnkō! Pó kú à tò ludanaanikena pókekēnasari pā, n ye mà onne yá? ²¹ Kū ó dizi káaku Ibrahī a né Isaaku kpà sa'opō ū, yā dí bo kááo nna a yākena yáiroo? ²² N è yá? A ludanaanikena kú a yākenaa kpákōime. A yākena mé à a ludanaanikena pāpai. ²³ Akū Luda yā díkīna pāpa kú à pì, Ibrahī Luda náani kè, akū Luda tò yā bò kááo nna a náani kú à kè yāi. Akū ò tó kpāne Luda gbēnna. ²⁴ A è yá? Yākena mé àdi tó yā bo kú gbēo nna, adi ke ludanaanikena adonlo. ²⁵ Lemē do karua Rahabu kè nna kú Ludao a yākena yāi, gōrō kú à gu'asirigwarino dìte à n gbarē zé kpāni gūn. ²⁶ Lákū mè ninisari de gè ū nà, len ludanaanikena pókekēnasari de gè ū le se.

3

Léfnāa

¹ Ma gbēno, àsun ke yādannerino ū dasiro, zaakū á dō kú Luda ni wé piti ókōno yādannerino a yákpatekegōrō zī de gbē kparanola. ² Ó pínki òdigō zā yāa baala'ime. Tó gbē lé dì a ásarū kero, taarisarideme, ani fō à a mè pínki gbāna fō. ³ Odì sōmō ká sōne de à ó yā ma yāime, akū odì a mile ble. ⁴ Kesō à gó'ite gwa ísirala. Bee kú a zōkōkeo kú zāga'ía gbāna kú àdi a yīpao, a fībō de fītinleme. Akū mé àdi a mile ble, akū a fīrii dì a poyeina dane. ⁵ Lemē sō, néne bi mēgu fītinleme, akū àdi ía dā kú yā zōkōo.

À gwa lákū té fīti dì sè dasi kpáta nà. ⁶ Néne de lán té bàme, àkūme andunia vāni ū ó mèe gūn. Àdi tó gbāsī gō kpá ó mèea pínki. Gyāwān

té mé àdi nakara néne, akū néne di té kpá ó andunia kunan. ⁷ Bisásiri nòbòsèntenò tùtuu kè pínki kù bānò kù pò kù òdi taa o kù kùaaonò kù kpònò, à kpé àten ke ari tera, ⁸ ama gbēke di f̄s̄ à a néne tùtu kero. Àkūme pò vāni kù àdi ze teniro ū. À pana kù s̄ewet̄eō, ⁹ nénen odì Dikiri ó De sáabu kpáo, akū odì era ò bisásiri kù à a kè lán a bà káo d̄o. ¹⁰ Lédoḱn̄o piin sáabukpana kù gbēkanaao di bon. Ma gbēn̄o, àsunḡs̄ de lero. ¹¹ Íboki di í nna kù í kyàkyāao bo w̄e dok̄n̄o gūn yá? ¹² Ma gbēn̄o, kaka lí ni né i kù ū yá? Geepi lí ni né i kaka ū yá? Leme d̄o bia í s̄ukusukude ni í nna boro.

Ḷnd̄s̄ kù àdi bo musu

¹³ Á té, dí mé à yād̄s̄ri Ḷnd̄s̄de ūu? À m̄oñne a kunn̄a mana gūn kù a yākenan̄o kù z̄idabusana kù àdi bo Ḷnd̄s̄ gūnw̄o. ¹⁴ Tó á nèseḡs̄ba pás̄i kù denlawet̄enaao v̄i á sw̄è gūn s̄s̄, àsun ïa dāro, àsun gí yāpurairo. ¹⁵ Ḷnd̄s̄ bire taka di bo musuro, andunia p̄ome, á dà p̄ome, Ibilisi p̄ome. ¹⁶ Zaakū gu kù nèseḡs̄ba kù denlawet̄enaao kún, gwen k̄yāmasari kù yā b̄ène p̄inkio diḱs̄ kún. ¹⁷ Tó gb̄ē Ḷnd̄s̄ kù àdi bo musu v̄i, káaku àdiḡs̄ gbās̄i v̄iro, a gbera àdiḡs̄ yāket̄e v̄iro, àdi a z̄ida busañne, àdi gb̄ē yā ma, à s̄uru papana kù yāmanakenaao. Àdi gb̄ē t̄è boro, akūs̄s̄ àdiḡs̄ manafiki v̄iro. ¹⁸ Iberemiderii di kena kù k̄s̄o nna t̄s̄, akū àdi yā mana k̄e.

4

Gbēnnakpana kù anduniao

¹ Bó mé àdi fiti kù lékpak̄s̄anaao da á t̄eē? Òdi bo á p̄oyeina kù òten òsi ká á m̄eē gūnn̄o k̄naano? ² Adiḡs̄ ye p̄ói, ama adì ero, akū adì gb̄ē de. Adì p̄o ni de, akū adì p̄o kù àten péa lero. Akū adì lékpak̄s̄a ke, adì fiti ke. Á a v̄iro, kù adì wé ke Ludaaro yāime. ³ Tó à wé k̄e, adì ero, kù adì wé ke kù nèsemanaoro yāime, zaakū adiḡs̄ ye à a b̄ok̄te ke á p̄onidenan̄o gūmm̄e. ⁴ Náanisariden̄o, á d̄s̄ kù gbēnnakpana kù anduniao bi iberesena kù Ludaonloo? Gb̄ē kù à ye à ke andunia gb̄ē ū ḡs̄ Luda ibere ūme. ⁵ Kù ò k̄e Luda yān ò p̄i, Nini kù Luda dà ó gūn nèseḡs̄ba v̄i, àten da yā p̄an yá? ⁶ Ama gb̄ēke kù Luda v̄i k̄oo de abirek̄ula, zaakū ò k̄e Luda yān ò p̄i:

Luda di ibere sé kù z̄idabirin̄o,
ama à gb̄ēke v̄i kù z̄idabusarin̄o.

⁷ Abire yāi à mì nate Ludane. À gí Ibilisine, ani bàa síare. ⁸ À na Ludai, ani naái. Durunnakerin̄o, à o bo durunnan. Nèsepladen̄o, à á sw̄è pípi. ⁹ À s̄o d̄o kù p̄osirao kù w̄endayāo. À á yáad̄na lite s̄od̄na ū, à á p̄onna lite nèseyakana ū. ¹⁰ À á z̄ida busa Dikiri are, ani á kara.

¹¹ Ma gbēn̄o, àsun k̄s̄ t̄s̄ b̄ène síro. Gb̄ē kù à a Yesude dake t̄s̄ b̄ène si ke à a b̄ène b̄o, à Luda doka s̄èda vāni k̄e, à a vāni b̄o. Tó n Luda doka vāni b̄o s̄s̄, a m̄ariime n ūro, a vāniboriime n ū. ¹² Ludan dokaditeri ū kù yākpatekeriio. Àkū mé à gb̄ē surabana kù a kakatenaao gbāna v̄i. M̄ok̄n̄ s̄s̄, díme n ū, kù ndi n gb̄ēdake vāni boo?

Luda bàka bonaa

¹³ À yā ma sà, ák̄n̄o kù adì pi, gbāra ke zia áni gé w̄eran, áni vute gwe w̄è do, áni laga tá à àre le. ¹⁴ Á yā kù ani á le zia d̄s̄ yá? Á d̄s̄ lákū á w̄endi de nà yá? Á de lán suka bàme. Tó à kpà f̄iti, akū àdi ḡete ḡn̄o. ¹⁵ Yā kù à de à on dí: Tó Dikiri w̄e, akū ó aafia, óni ke lán dire bà ke lán dí bà. ¹⁶ Tera

sõ átén Ìa dā, a Luda bàkaa bò. Ìadāna bire taka buri manaro. ¹⁷ Gbē kū à yāmanakena dō, akū adi kero durunna kè.

5

Kpakēna aruzekedenɔ

¹ Ákōnɔ aruzekedenɔ, à yā ma sà. À ɔɔ dɔ, à wiki lé kisira kū ani á le yāi. ² Á aruzekeno yāka, kòkɔnɔ á pókasanɔ sòso. ³ Á ɔɔ dāa kpà, akū a dāakpanaa pì ni á da yān, ani á mē piti lán té bà. A aruzeke di ɔɔnɔ kpede zī. ⁴ Á ma! A ɔɔzíkèri kū ò á burapɔnɔ kèárenɔ blè, akū ɔɔ pì yā Luda ki lè. Pókèrii pìnɔ wikilēnaa gè Dikiri Zìkaride sān. ⁵ A á mēna mà zīte la á poyeinakēnaa gūn. A mēe kpà kùtukpana ɔɔnɔ pò ũ. ⁶ A yā dà gbē mananɔla, a n̄ dede, odi gíáfero.

Mena

⁷ Abire yāi ma gbēnɔ, àgɔ mēna fɔ ari Dikiri sugɔnɔ. À gwa lán búbarii di a burapɔ bèereɗe kègɔnɔ dā nà. Àdi mēna fɔ zaa kaburagɔnɔ ari sakare. ⁸ Ákōnɔ sɔ, à mēna fɔ à ze gbāna, zaakū Dikiri sugɔnɔ kà kāni. ⁹ Ma gbēnɔ, àsun yākete kákōiro, de Luda sún yākpate ke kāáoro yāi. Yākpatekerii pì zena kpéleleá fá! ¹⁰ Ma gbēnɔ, annabi kū ò yā ò yā kū Dikiri tɔnɔ, à mēna kū ò kè warikēnaa gūn zé dí taka sé. ¹¹ Odi pi ò arubarika vī, kū ò mēna fɔ yāime. A Ayuba mēnakēna baaruu mà, a mà lākū Dikiri kēne nà kpekpe, zaakū wēnda kū sùruuo papana Dikiria.

¹² Atēnsa ma gbēnɔ, àsun la daro. Àsun pi a sì kū ludambɛo ke kū zīteo kesɔ kū pò pāndeoro. À tó á ee gɔ ee. À tó á oi gɔ oi, de yā sún vuteáwaro yāi.

Aduakēna ludanaanikēnaa gūn

¹³ Á gbēke ten wari ke yá? À adua ke. Á gbēke pɔ nna yá? À Luda sáabu kpá. ¹⁴ Á gbēke ten gyā ke yá? Ade sɔsi gbē zókōnɔ sísi ò adua kēne, ò nísi máa kū Dikiri tɔo. ¹⁵ Adua kū ò kè ludanaanikēnaa gūn ni gyāre pì werekōa. Dikiri ni a fute. Tó à durunna kè yā sɔ, ani kēa. ¹⁶ Abire yāi à á durunnanɔ okōne, à adua kekōne de à le àgɔ aafia. Gbē mana aduakēna gbāna, àdi zī ke manamana. ¹⁷ Iliasu bi bisāsirimē lán ó bà. À adua kè manamana, de legū sún maro, akū legū dí tó zītearo ari wè aakō kū mɔ suddoo. ¹⁸ À èra à adua kè dɔ, akū legū'i bò manamana, zīte pòble kè.

¹⁹ Ma gbēnɔ, tó á gbē mēn do zà yāpura zéa, akū á gbēke èra à a dà zén, ²⁰ àgɔ dō kū gbē kū à tò durunnakerii pì bò sātēna zén à èra à sù, à a sì gaame, akūsò à lá kù durunna dasinɔla.

PITA TAKADA KAAKU

Tāmaa kū àdi ní n̄ero

¹ Makū Pita, Yesu Kirisi z̄iri mé à takada dí k̄è Luda gb̄e kū ò de nib̄oño ù andunia dí ḡun, kū ò f̄ak̄ōana bùsu d̄ik̄īnan̄o ḡunn̄oñe: P̄ontu, Galatia, Kapadosia, Asia kū Bitinia. ² De Luda ḡīnake à á d̄ō, akū à á sé, a ḡō a p̄ó ù kū a Nini gb̄anao, de à mì nate Yesu Kirisine, a aru gb̄à boáre. Luda gb̄e kū aafiao karaáre.

³ Ó Luda ó Dikiri Yesu Kirisi De s̄áabu kp̄á! A s̄uru z̄ōk̄ō ḡun à ó í dufu kū Yesu Kirisi vuna gan gb̄anao, akū ó tāmaa kū àdi ní n̄ero v̄i, ⁴ zaakū túbi kū à ditenaáre ludam̄e p̄ii dì l̄ákaro, àdi gb̄āsī kp̄áro, a mana dì l̄ákaro. ⁵ Luda soru k̄è à l̄àka de à á sura ba a náani kū át̄en ke ȳái, akū át̄eni á d̄ákp̄á kū a gb̄anao ari à gé bo kū surabanaa p̄iio gupuraa ḡor̄o kp̄ede z̄i. ⁶ Áten p̄onna ke kū ȳá p̄iio, bee kū áni wari ke ḡīa f̄it̄i ȳōgwana buri s̄inda p̄ínki ȳái. ⁷ Lákū òdi wura mana d̄ō té ḡun n̄à, len òteni á ludanaanik̄ena ȳō à gwa le, zaakū á ludanaanik̄enaa p̄ii b̄èere v̄i de wura kū a gakuri dì l̄álala manamana. Tó a bo mana, Luda ni á s̄áabu kp̄á Yesu Kirisi suḡor̄o z̄i, ani á kpe ta kū gakurio. ⁸ Bee kū ádi a ero, á yei. Bee kū ádi wé ke pla k̄āao zik̄iro, át̄eni a náani ke, akū át̄en p̄onna z̄ōk̄ō kū à ḡè onala ke, ⁹ kū át̄eni á ludanaanik̄ena gb̄e le á surabana ù ȳái.

¹⁰ Annabin̄o ḡīnake ò gb̄e kū Luda ni ke k̄āáo ȳá ò, ò surabanaa p̄i ȳá gwà, ò a t̄āsii k̄à. ¹¹ Kirisi Nini kū à kú ní ḡun ḡīnake à wari kū Kirisi p̄i ni ke òñne kū gakuri kū ani le a gberao, akū ò w̄ete ò ȳá p̄i z̄é d̄ō kū a ḡor̄o. ¹² Akū Luda tò ò d̄ō kū ȳá kū òten o p̄i de ní ḡor̄o p̄ó ùro, á p̄óme. Tera s̄a baarunnakparin̄o ȳá p̄ii òáre kū Luda Nini kū Luda p̄ii z̄i bona ludam̄e gb̄anao. Bee malaikan̄o se òten òsi ká ȳá p̄i d̄ōnaai.

Kunna adona

¹³ Abire ȳái àḡō kú á laakariia, àḡō á z̄ida kūna d̄ō, á wé ḡō d̄ō gb̄e kū Luda ni keáre Yesu Kirisi suḡor̄o z̄i s̄ikaa sari. ¹⁴ Lákū á de Luda né kū òteni a ȳá man̄o ù n̄à, àsun tó dà v̄āni kū á v̄i ȳá á w̄esiraḡor̄o doáre arero. ¹⁵ Luda kú adoname. Lákū à á sisi à á sé n̄à, àḡō kú adona á ȳák̄ena s̄inda p̄ínki ḡun le se. ¹⁶ Zaakū ò k̄è Luda ȳān ò p̄i:

Àḡō kú adona,

zaakū má kú adoname.

¹⁷ Zaakū Luda dì ȳákpate ke kū baadio a ȳák̄enaaa ní wé gwanaa sari, tó át̄eni a s̄isi De, à v̄īna keñe á nib̄okenaa ḡun la. ¹⁸ Á d̄ō l̄ákū Luda á bó kunna kori kū à de á futeokaraȳá ù ḡun n̄à. Luda dí á bo kū p̄ó kū a gakuri dì l̄ákaoro, l̄án wura ke andurufu bà, ¹⁹ à á bó kū Kirisi aru gakurideome, kū à de l̄án s̄ene b̄or̄o kū à mamberu v̄īro à gb̄āsī v̄īro bà. ²⁰ Luda ḡīnake à a d̄ite zaade adi andunia k̄átero, akū à bòáre k̄āao gupuraa ḡor̄o kp̄ede d̄ik̄īnan̄o z̄i. ²¹ A ȳá musun át̄en Luda náani ke. Luda a bò gan à gakuri kp̄aa, de à le à a náani ke, á wé ḡō d̄oi.

²² Lákū m̄inatena ȳāpurañe gb̄à bòáre n̄à, akū a ḡō k̄ō gb̄ēño ù manafiki sari, àḡō yek̄ōi kū n̄ese m̄en doo. ²³ Luda á í dufu kū a ȳá w̄endide kū àdiḡō kun gb̄anao. Ȳá p̄i de p̄óburi kū àdi ga ùro, p̄óburi kū àdi garome.

²⁴ Gb̄ē s̄inda p̄ínki de l̄án s̄èe bàme, ní gakuri de l̄án s̄èvu bàme p̄ínki.

Sèè dì kori ke, a vù dì kóte,
 25 ama Dikiri yá digō kun gɔɔ sīnda pínki.
 Yá pì mé à de baaru nna kù ò kpááre ù.

2

Gbè wèndide

¹ Abire yáì à yá vāni sīnda pínki tó kù éketona sīnda pínki kù manafikio kù nèsegōbao kù kōyakanaao. ² Lákù nékpántēno digō yō'i ni de nà, àgō Luda yá kù à de lán vī'ipu swáswa bà ni de le se, de à le à gbá á surabana zé gūn, ³ tera sà kù a dō kù Dikiri mana. ⁴ À nai, àkūme gbè wèndide kù ò giì ù, ama Luda a sè bèere de ù. ⁵ Ákōno sō á gbè wèndide kù Luda teni a kpé ē boono ù. Ákōnōme a gbàgbarino ù, adì sa kù àdi káagu o kù a Nini gbānao Yesu Kirisi gāi. ⁶ Zaakū ò kè Luda yān ò pì:

Ñ gwa, maten gbè dite Zaiō,
 ēpetena gbè bèere de kù ma sè ù.

Wé'i ni gbē kù àteni a náani ke kuro.

⁷ À de gbè bèere de ù ákōno kù áteni a náani kenōne, ama à de le gbē kù òteni a náani keronoero.

Gbè kù kpéborino pā kpàì

mé à gō kpé kusuru gbè mìde ù.

⁸ Len dō à de:

Gbè kù òdi gè sía ù,

gbèsi kù òdi kpáala ò léte ù.

Ò gèè sía, kù odi Luda yá daro yāi. Len Luda dìteíne le.

⁹ Ákōnōme buri kù Luda n sēno ù, kīnāno kù sa'orino ù, a gbē kù ò kú adonano ù, de à Luda kù à á sisi a bo gusiran, à gè kááo a gupura bonsarede gūn sáabu kpá.

¹⁰ Á de Luda gbēno ù yāro,
 ama tera sà a gō n ù.

Luda dí sūru ke kááo yāro,
 ama tera à kè kááo.

Kunna ludanaanikerisarinō té

¹¹ Ma gbē yenyidenō, lākū á de nibo kù bōasuno ù nà andunia dí gūn, maten lé daáwa, à mì kē á dà vāni kù òdi zì ká kááonōa. ¹² Àgō kun gbē bèeredeno ù kifirino té. Lemē dō bee tó ò á dite yāvānikerino ù, tó ò yá mana kù áten kenō è, oni Luda sáabu kpá gōɔ kù ani suíyí.

¹³ À mì nate ikode kù bisāsiri ditenōne n pínki Dikiri yāi, kīna kù à gbāna vī deñlan yá, ¹⁴ ke gbānade kù à dite à wé tā yāvānikerino à yāmanakerino sáabu kpá. ¹⁵ Luda poyenyīnaan dí: Á yāmanakenaa gūn, áni yōnkō wésiradeno lé yīteíne. ¹⁶ Àgō zīdadeno ù, ama àsun tó á gōna zīdadeno ù gōáre vānikena zé ūro. Àgō kun Luda zōblerino ù. ¹⁷ À bèere li gbē sīnda pínkinē. Àgō ye á Yesude dakenoi. À vīna ke Ludane. À bèere lí kīnane.

¹⁸ Zikerino, à mì nate á dikirino, à zōkōke dōíne yá sīnda pínki gūn. Adì ke dikiri mana nèsedodenōne ntēnenlo, ama kù n gbē pásinoome se. ¹⁹ Tó ò wé tǎáwa pā, tó a mena fōo Luda yāi, abirekū sáabu vīáre. ²⁰ Tó ò á gbē á taari yāi, tó a mena fōo, abirekū tó nna vī máa? Ama tó a wari kè yá mana

kū a kè yāi, tó a mēna f̄so, Luda ni á sáabu kpá. ²¹ Abire yāin Luda á sisi à á sé. Kirisi wari kèáre, à zé m̀áre de àḡó té a gèsegbēi yāi.

²² Adi durunna kero, odi ma à éke t̄oro.

²³ Kū ò a s̄s̄s̄, adi yā sínlaro. Kū à wari kè, adi yā pāsī ke oñnero, à zè kū Luda yákpatekeri manaomé. ²⁴ Àkū mé à ó durunna ò dì a m̀ia, à gào lía, de ó bàka s̄unḡó kú kū durunna ò doro, òḡó kú yāmanakēnaa gūn. A fl̄agbeno mé ò ó gbá aafia. ²⁵ Zaakū a s̄ate lán s̄āno bà yā, akū a arē d̀ò á D̀ari kū á D̀akp̄ariiooa tera sà.

3

Kunna k̄so

¹ N̄ogbēno s̄s̄, à á z̄ida kpá á z̄āno. Tó n̄ gbēkeno ten Luda yā daro, á kunna ni n̄ lite. Bee tó ádi yáke oñnero, ² oni e kū á kun gbāsī sari, akūs̄ a á z̄ida kp̄ām̄ma. ³ Àsun tó á n̄omanakē ḡó m̀è yā ūro, mitāna ke n̄omanablebono ke p̄okasadanaan yā. ⁴ Ama àḡó de á n̄èseḡunyā kū àdi lākaro ū, n̄èseyīda kū z̄idabusanaao. Abirekū mé à bèere v̄i Ludané. ⁵ Zaakū len n̄ogbē donyīri kū n̄ wé do Ludai yāno n̄ z̄ida kèke le, ò n̄ z̄ida kpá n̄ z̄āno. ⁶ Len Sara de le, àdi Ibrahī yā ma, àdi a sisi Baa. Tó áten yā mana ke, tó áten p̄ó kū òdi v̄ina kenē yā daro, a Sara dàa s̄en gwe. ⁷ Ḡogbēno s̄s̄, àḡó kú k̄ūnwo n̄ogbēke d̄ōnnēnaa gūn, àḡó yā mar̄ma, de p̄óke s̄un kp̄áare á aduakēnaa gūnlo, zaakū á de w̄ēndi ḡbablerino ū lelelele.

⁸ Abire gbera àḡó lédok̄no v̄i k̄so á p̄inki. Àḡó k̄s̄ w̄ēnda d̄s̄, àḡó yek̄si, àḡó gbēke v̄i k̄so, à busak̄ne. ⁹ Àsunḡó a v̄āni f̄ina bo kū a v̄ānioro. Àsunḡó gbē kū à á s̄s̄s̄ s̄s̄s̄ro. À sa mana onē, zaakū Luda á sisi de à arubarika daágu yāime.

¹⁰ Gbē kū à ye àḡó kú n̄namanan, akūs̄ à ye a kunna ḡó mana, à a lé kū kū yāvāni'onaao, àsun tó éke bo a lēnlo.

¹¹ Ade kpe li a v̄āninē, à a mana ke, à aafia zé wete àḡó téi.

¹² Zaakū Dikiri diḡó gbē manano tàasi ká, a s̄ā kpá n̄ aduakēnaai, ama àdi m̄ikp̄ere zu yāvānikerinone.

Wétāmmana yāmanakēna yāi

¹³ Tó á kokari v̄i kū yāmanakēnaao, dí mé ani wé t̄ááwaa? ¹⁴ Bee tó a wari kè yāmanakēna yāi, á arubarika v̄i. Àsunḡó v̄ina ke n̄ wétāmmananero, àsun tó á sw̄è k̄éáguro. ¹⁵ À Kirisi d̄s̄ Dikiri ū á sw̄èe gūn. Àḡó kú soru gūn ḡoro s̄inda p̄inki, de à le à yā we gbē kū àteni á la yā kū á wé doii m̄iia. ¹⁶ Àḡó oñne busebuse kū bèerelinnēnaao. À oñne kū n̄èsepuraò do, de wé'i gbē kū òteni á s̄s̄s̄ á yāmanakēna Kirisi gūnno kū. ¹⁷ Warikēna Luda p̄oyenyīnaa gūn yāmanakēna yāi mana de warikēna yāvānikēna yāila.

¹⁸ Kirisi gà ḡēn do durunnakēmmana yāi. Taarisaride gà ók̄no taarideno yāi, de à le à gé k̄ūoo Luda k̄inaa. Ò a d̄è m̄èe gūn, akū Luda a v̄u ninikē gūn. ¹⁹ A ninikē p̄i gūn à ḡèe à waazi kè gyāwānde kū ò n̄ ká kp̄ésirannone. ²⁰ Ò bò Luda yā kp̄eme yā, ḡoro kū à mēna ari Nuhu ḡèe à gó'ite kè à làkao. Gbē kū ò bò ín aafia gó p̄i ḡāinon dasiro, gbēnon s̄oraak̄s̄. ²¹ Í p̄i mé à de á

da'itekēna kū àdi á sura ba tera taka ũ. Da'itekēnaa pì bi mè gbāsīworona yānlo, lése_{na} Ludanē kū nèsepuraome. Àdi n̄ sura ba, kū Yesu Kirisi bò gan yāi. ²² À gbāna blè malaikan̄o kū tānan̄o kū n̄ gbānadēn̄o kū n̄ ikodēn̄o, akū à tà ludambē, à kú Luda oplai.

4

Bona kunna zīn

¹ Lákū Kirisi wari kè a mèn nà, ákōn̄o se à nèse bire buri sé, zaakū gbē kū à wari kè a mèn, ade mì kè durunnaame. ² Goro kū à gšáre á kunnaa gūn, á dà vāni sūngō doáre are dorō, séde Luda poyenyīnaa. ³ Á kunna kifirin̄o yākenaa gūn yā mò le. Yā á kú wé'isariyākenaa gūn kū dāvāninidenāao kū wēdekenāao kū pāpā kōkōo kū wēmikōkō bēnēeo kū tānagbagbana kū Luda zāguo. ⁴ Kū adi kakara kūn̄wo n̄ pāpā zōkōo pì kenaa gūn dorō, àdi kēn̄e yābonsare ũ, akū òdi á tó vāni sí. ⁵ Oni n̄ yākenāo baba Ludanē, kū à yākpatekena kū gbē bēnēn̄o kū gyāwāndēn̄o soru kè. ⁶ Ò baaru nna kpà bee gyāwānde p̄n̄o_{ne} se, de ò le ògō kú ninike gūn lán Luda bà, bee kū yā vūtemma mēe gūn lán gbē sīnda p̄n̄ki bà.

Ludayāmarin̄o

⁷ Pó sīnda p̄n̄ki lakanaa kà kāni. Abire yāi àgō de laakariden̄o ũ, àgō á zīda kūna dō de àgō adua kē yāi. ⁸ Yā kū à de a p̄n̄kilan dī: Àgō yekōi kū nèse mèn doo, zaakū yenyī dī pó kúte durunnāo_{na} dasi. ⁹ À yāri kekōne yāketekanaa sari. ¹⁰ Lákū Luda gba dà á baadinē nà, à kpákōi kū gba p̄n̄o Luda gba buri donadona zīkeri manan̄o ũ. ¹¹ Gbē kū à de waazikeri ũ, à Luda yā oñnē. Gbē kū à de kpānyīri ũ, à kpānyīri kū gbāna kū Luda a gbào, de à Luda tó kpá yā sīnda p̄n̄ki gūn Yesu Kirisi gāi. Àkū mé à gakuri vī kū gbānao goro sīnda p̄n̄ki! Aami.

Warikēna Yesudeke yāi

¹² Ma gbē yenyīden̄o, àsun tó yōgwana pāsī kū àteni á le bo á sare lākū yā dufu mé à á lé bāro. ¹³ Lákū á bàka kú Kirisi warikēnaa gūn nà, à p̄n̄na keo de à le àgō p̄n̄na zōkō vī goro kū Kirisi pì ni bo gupuraa kū gakurio. ¹⁴ Tó ò á sōsō Kirisi tó kū à kúáwa yāi, á arubarika vī, zaakū Luda Nini gakuride kúáwa. ¹⁵ Á gbēke sún wari kē gbēdena ke kpāni'ona ke yābēnekēna ke gude yāiro. ¹⁶ Tó a wari kè á Yesudeke yāi, àsun keáre wé'iyā ũro. À Luda sáabu kpá kū Yesu tó kúáwa yāi. ¹⁷ Zaakū wētāmmagoro kà, Luda gbēn̄o à nàa kūn̄wo. Lákū ókōn̄ome à nàa kūoo káaku nà, ani láka kū gbē kū ò gī Luda baaru nna main̄o deramee?

¹⁸ Zaakū gbē manan̄o surabana zī'ū,

yā ni bo kū ludayādarisin̄o kū durunnakerin̄o deramee?

¹⁹ Abire yāi gbē kū òten wari kē Luda poyenyīnaa gūnn̄o n̄ zīda na n̄ Kèri náanidene a oī, ò kpé ògō yā mana kē.

5

Luda sà kpàsa gwanaa

¹ Maten lé da ákōn̄o gbē zōkōn̄o_{na} sà. Gbē zōkōn̄o ma ũ se. Má de wari kū Kirisi kēe sèedade ũ, akūsō ma bàka nigō kú kū gakuri kū ani bo gupuraa_{ao} se. ² Àgō de kpàsa kū Luda kàteáre dārin̄o ũ. À ò likai kū poyeinaao, adi kē tilasinlo, lākū Luda yei nāme. Adi kē ogowetena yāinlo. À kē kū nèse mèn

doo dé. ³ Àsungõ gbāna mɔ gbē kū ò n nááre á ɔĩ pìnɔaro. À tó á kunna gõ á sã pìnɔ da a zéa, ⁴ áni kífura kū a gakuri ò láraro le gɔɔ kū Sádárikí ni su.

⁵ Ákõnɔ kefennanɔ sõ, à á zīda kpá gbē zõkõnɔa. Á pínki à á zīda busakõne à kpákõi, zaakū

Luda ò ibere sé kū zīdabirinɔ,
ama à gbēke vī kū zīdabusarinɔ.

⁶ Abire yāi à á zīda busa Luda gbānadenɛ, ani á kara gɔɔ kū à òtɛa. ⁷ À á yā'úmmananɔ tónɛ pínki, zaakū à òdi laakari dɔáwa.

⁸ Á wé gõ dɔ, àgõ kú á laakariia. Á ibere Ibilisi de lán músu ɔɔdɔrii bàme. Àtɛn kpáte keáí, àtɛn gbē wetɛ à kū. ⁹ À gíne, à ze gbāna ludanaanikɛnaa gūn, zaakū á dõ kū á Yesude dake kū ò kú andunia gūnnɔ n pínki tɛn wari dokõnɔ pì kemɛ se. ¹⁰ Luda Arubarikasīndapinkide á sisi a gakuri kū à òdi láraroa Kírisi gūn. Tó a wari kè fíti, ani á bo mana, ani á ze gíngin, ani á gba gbāna, ani á zīni pété. ¹¹ Àkū mé à gbāna vī ari gɔɔ sīnda pínki! Aami.

Lézammana

¹² Ma takada fíti dí kèáre kū ó gbēndo Silasi ɔome. À demɛne gbē nánide ũ. Ma lé dàáwa, má de a sèedade ũ kū yā kū ma ò de Luda gbēke yápura ũ. À zeo gíngin. ¹³ Babilõnu gbē kū Luda n sé lán á bànɔ fɔ kpàáwa. Ma né Maaku fɔ kpàáwa dɔ. ¹⁴ À fɔ kpákõa kū lépɛmmanaao yenyī gūn. Luda ákõnɔ kū á kú Kírisi gūnnɔ gba aafia á pínki.

PITA TAKADA PLADE

Yapurakpana síkina kù Luda ó síkina

¹ Makù Simo Pita, Yesu Kirisi zòblerii, a zìrii, makùme ma takada dí kè gbè kù ó Luda ó Surabari Yesu Kirisi n' gbá zé ò a náani kè lán ó bà à manake gāinon. ² Gbèke kù aafiaao gō papanaáwa Luda kù ó Dikiri Yesuo dōnaa gūn.

³ Luda ó sé ògō kù a gakuri kù a manakeo gūmme, à tò ó a dō, akù a Ludakegbāna ó gbá pō kù à kù ògō vī, de ó konna le à ke lele kù a yāo. ⁴ Len à yā zōkō bēereede kù à a lé sēwerenō kè le, de a yāi ò bo andunia dà vāni kù àdi n' yaka gūn ò Luda konna taka sé. ⁵ Yā bire yāi à kokari ke manamana, à Luda náani ke manakenaa gūn, à yā mana ke dōnaa gūn, ⁶ àgō dōna vī á zīda kūnaa gūn, àgō á zīda kūna dō mēna gūn, àgō mēna vī nana Ludaii gūn, ⁷ àgō nana Ludai kōgbēke gūn, àgō gbēke vī kōo yenyī gūn. ⁸ Zaakū tó á yā bireno kūna, akù òten kara, áni gō kun pā karanaa sariro ó Dikiri Yesu Kirisi dōnaa gūn. ⁹ Gbè kù à yā bireno kūna sōro, à a wé nākōa, à gō vīna ūme. À sàñ kù Luda durunna kù à kè yāno kēare. ¹⁰ Abire yāi ma gbēno, à kokari ke à yāpura kpá síkina kù Luda á sísi à á séa. Tó áten yā bireno ke, áni fu zikiro. ¹¹ Lemē oni gbānake kpáái manamana le, áni gō kù kù ó Dikiri ó Surabari Yesu Kirisio a kpata kù àdi lākaro gūn.

¹² Abire yāime, bee kù á yā bireno dō, akūsō á zīni petena yāpura kù á kūnaa gūn, manigō yā pīno dōágu. ¹³ Gōro kù má kpé kù ma sōo gūn, maten da à mana mào té káágu yā pīno dōnaágu yāi. ¹⁴ Má dō kù ma bona ma sōn gōro ni ká tera, lākū ó Dikiri Yesu Kirisi gīnake à òmēne nà. ¹⁵ Mani kokari ke, de yā pīno le àgō dōágu gōro sīnda pīnki ma ga gbera.

Kirisi gakuri sēedadeno

¹⁶ Kù ó ó Dikiri Yesu Kirisi suna kù gbānao òáre, ódi té gara kù ò dà kù òndōoiro. O wé kè pla kù a zōkōkeome, ¹⁷ gōro kù De Luda bēereē line à a tō bō. À Luda zōkō gakuride kōtoo mà à pī a Né mēn do légelege yenyīden a ū, a yā di káagu. ¹⁸ O kōto kù à bō ludambe pīi mà gōro kù ó kù káao kpi kù à kù adona musu. ¹⁹ Abirekù mōwēre kù yā kù annabinō ò bi yāpurame. À mana à laakari dō yā pīia fitila kù áten gu būruburu pu ūme ari gudōo susune gō gé fute á swēn, de gu le à dōáwa. ²⁰ À kù à deñla sà àgō dō kù gbēke di fō à yā kù annabii kè Luda yān bokote a zīdaro. ²¹ Annabinō yāke di bo bisāsiri poyeinaa gūnlo, ò Luda yā ò lākū a Nini dōñne are nāme.

2

Ekeyādannerino

¹ Annabi ékenō bō yā Isarailano té. Lemē ékeyādannerino ni bo á té le se. Oni éke kù àdi tó ò kakate ká Luda yādannenano, ò ledi kpá Dikiri kù à n' bóii, oni n' zīda kakate kānto. ² Onigō tényī dasi n' wé isariyākenaa gūn, oni yāpura zé vāni bo n' yāi. ³ N' wākūkenaa gūn oni á ble kù éke kù òdi bleao. Yākpate vūtemma à gūi kè, i di na n' Kakateri wénlo.

⁴ Zaakū Luda dí malaika kù ò durunna kēno tōro, à n' ká tōnōwē sira kù à kù zīte zīte gūn, àgō n' kūna ari yākpatekegōro zī. ⁵ Adi andunia zī kù a yādarisari kù ò kù a gūnno tōro, à tò í dāñla. Ama à Nuhu kù àdi manakena

waazi ke bò kù gbēnɔn suppla pāndenɔ. ⁶ À yā dà Sɔɔɔmu kù Gɔmɔraola à n kákate ò gò túbu ũ, à n ké le yā kù ani ludayādarisarinɔ le sèeda ũ. ⁷ Ama à Lutu bò, gbē mana kù a nèsee yàka dokadarisari pìnɔ wé'isariyākena yāi. ⁸ Gbē mana pì kù n té, yā vāni kù àten e akūsɔ àten ma lākū gu dīgɔ dɔ nà ũa kù a nèsemana yāi. ⁹ Lemɛ dɔ Dikiri gbē kù ò naainɔ bona yōogwanaa gūn zé dɔ, akūsɔ à gbē vāni kùna dɔ de à wé taa yākpatekɛgɔ zī. ¹⁰ A pāsīn sà gbē kù òdi iko gya bonɔ ũ, n mè dà vāninɔ mé àdi doñne arɛ gbāsīkenaa gūn.

Ekeyādannerii pìnɔ bi kùgbānade karambaanidenomɛ. Dɔkena kù malaika gakuridenɔ di n gba vīnaro. ¹¹ Malaika kù n gbāna kù n ikoo de gbē pìnɔlanɔ di we ò n tó bène sí ò yā dirīma Dikiri arero. ¹² Gbē pìnɔ di yā kù ò a gbá dōro bène bome. Bisāsiri bára mé à kúmma, ò laasun vīro. Ò n í, de ò n kúkū ò n dede yāime. Oni kakate lán nòbɔnɔ bà, ¹³ oni a vāni kù ò kè fīna boñne. Dāvānikena fānantē di kēñne nna. Gɔɔ kù òten pò ble kāáo, òdi ponna ke kù n pónidenanɔ. N konna á té bi mamberume kù gbāsīo. ¹⁴ Zinakena kù n wéa, durunnakena di móm̄maro. Òdi manafiki ke gbē kù Luda yā dí zīni péte n gūnlonɔne. Wākū n swèe blè. Luda lé kēñneme. ¹⁵ Ò sàte, ò kè zé súsua, ò zé dokɔnɔ sè kù Beɔ né Balamu kù à ye ɔgɔ vāni lenaai. ¹⁶ Zaaki pòlebūnu'ina yā òne lán bisāsiri bà, à kpākēi a vānikena yā musu, à gīne kù a yōnkəkennaao. ¹⁷ Gbē abirenɔn de lán isēboki kù n í bābanɔ bàme, lán luku kù à gēte kù ĩao bà. Gusira níkinikin Luda dīteñne yāri ũ. ¹⁸ Òdi ĩa kori zókɔ dá, òdi òndɔ ke gbē kù ò bò sātɛna zén dufunɔne kù dāvāniyāo kù wé'isariyāo. ¹⁹ Yā kù àdi n yaka zònɔme n ũ, akū òdi gōna zīdadɛnɔ ũ lé séñne. Zaakū gbē sīnda pínki bi yā kù à a swèe blèe zòomɛ.

²⁰ Tó ò bò andunia yāgbāsīkenan ó Dikiri ó Surabari Yesu Kirisi dōnaa gāi, akū ò tò yā pīi era à n daguraa kè, à n swèe blè, n konna kpɛde vāni de a káakupɔla. ²¹ Tó odi yāpura zé dɔ yāro, de abirekū manañne de kù ò dɔ, gbasa ò kpɛ lī Luda yā kù ò dàñnenela. ²² Yāasi kù ò kè dīkīnanɔ pàpa n musu yāpura: Gbēda di era a pisii. Lemɛ dɔ: Alɛde kù ò a zú ò di era à mātɛmate bokotomɛ.

3

Dikiri sugɔɔ zī

¹ Ma gbē yenyīdenɔ, takada plade kù ma kēáren dí. Takada mèn pla pínki pìnɔ gūn ma yā dōágu de à vu in kù laasun manaomɛ. ² Má ye yā kù Luda annabinɔ ò yānɔ dōágu kù yā kù ó Dikiri ó Surabarii dīte a zīrinɔne ò óáreɔ. ³ Ágɔ dɔ zaa káaku kù gɔɔ kpɛde zī zīdapoyeinakerinɔ ni su ò á fobo ⁴ ò pi: Adi a suna lé séroo? Á kú máa? Ó denɔ gà, ama pò sīnda pínki kù a gbèn zaa lākū Luda andunia kàte nàme. ⁵ Kù Luda yā ò yā à musu kù anduniao kè, ò yā pīi kpà sákoto. Á zīte bò ín, à a kè í pīi gāime, ⁶ akū í pīi dà andunia káakupɔla, à a kákate. ⁷ Luda yā'ona dokɔnɔ pì mé à tò musu kù andunia tera dío dītena té pò ũ ari gɔɔ kù ani yākpate ke kù a yādarisarinɔ, à n kákate.

⁸ Ma gbē yenyīdenɔ, àsun tó yā dīkīna sááguro: Gɔɔ do de Dikirine lán wè wàa sɔɔro bàme, wè wàa sɔɔro sɔ denɛ lán gɔɔ do bàme. ⁹ Dikiri mēfē vī kù yā kù à a lé sè kennaao lākū gbēkenɔ ten da nàro, àten mena ke kāáoome. À ye gbēke kakatero, à ye gbē sīnda pínki nèse liteme. ¹⁰ Dikiri sugɔɔ nigɔ

de lán kpāni suna bàme. Zì birea musu ni gēte fioo, a póno ni té kù ò pia, zīte kù pó kù ò kú a gūnnò nigò kun dorò. ¹¹ Zaakù pò sīnda pínki ni kakate le, gbē kpate burin ániḡò de a ũu? À tó á kunna ḡò adona ludayāmarinò ũ ¹² wédona a sugorò, à wé tã gorò pì ká likalika. Zì pīia musu ni té kù, a puusu wāna ni a póno yó. ¹³ Ókōnò sò, ó wé dɔ ludambe dufu kù zīte dufuooi kù Luda a lé sèwεε. Gwen manakεna nigò kún.

¹⁴ Abire yāime ma gbē yenyīdenò, á wédona gorò pīii gūn à kokari ke àḡò kun mamberu sari taari sari, àḡò nna kù Ludao. ¹⁵ À ó Dikiri menake dite surabana ũ, lákù ó gbē yenyīde Pòlu takada kèáre nà kù òndò kù Luda a gbào. ¹⁶ Yā pìnò Pòlu ò takada kù à kēnò gūn pínki. A takada pì gukenò dōrò dōna zī'ũ. Wésiradenò kù gbē kù n zena gbānaronò dī yā pìnò lite kpedangara, lákù òdi ke nà kù Luda yā takada kparanò. Len òdi n zīda da kakatεnan le.

¹⁷ Ákōnò sò ma gbē yenyīdenò, lákù á yā pì dō nà kò, à laakari ke, de dokadarisarinò sún á sáte kù n ékeoro. Àsun bo á zena gbānan à létero. ¹⁸ Àḡò gbā ó Dikiri ó Surabari Yesu Kirisi gbēke kù a dōnaaoo gūn. Àkù mé à gakuri vī tera ari gorò sīnda pínki! Aami.

YUHANA TAKADA KAAKU

Yā wëndide

¹ Yā kū à kun zaa káaku kū o a yā mà, akū o a è kū wéó, o a gwà, o ɔ nàa, yā wëndide pì baaruun óten kpááre. ² Wëndide pì bò gupuraa, o a è, ókɔnɔmɛ a sèedadenɔ ũ. Wëndide pì kú De Luda kīnaame yā, akū à bò à sùwá. A baaruun óten kpááre. ³ Yā kū o mà, akū o èen óten oáre, de ákɔnɔ se à le àgɔ kú kúoo kɔ gbɛnɔ ũ, zaakū ó kun kɔ gbɛnɔ ũ kú De Ludaome kú a Né Yesu Kirisi pìio. ⁴ Óten yā dínɔ oáre de ó pɔnna le àgɔ papana.

Luda bi gupurame

⁵ Baaru kú o mà a kīnaa, óten kpááren dí: Luda bi gupurame, gusira kú a kīnaaro, bee fiti. ⁶ Tó o pì ó kú kāao kɔ gbɛnɔ ũ, akū ó kú gusiran, éken óten to, óten zī ke yāpuraaro. ⁷ Tó ó kú gupuran, lākū Luda kú gupuran nà, gbasá ó kun kɔ gbɛnɔ ũ, a Né Yesu aru dī ó durunna sīnda pínki kēwá.

⁸ Tó o pì ó durunna vīro, óteni ó zīda kekeme, yāpura kúwáro. ⁹ Tó o ó durunnao ò Ludane, à náani vī, àdi yā ke a zéa, ani ó durunna pínɔ kēwá, ani yā bène pínki gowá. ¹⁰ Tó o pì ódi durunna kero, o Luda dìte ékede ùme, a yā kú ó swèe gūnlo.

2

¹ Ma né yenyīdenɔ, maten yā bire oáre de àsun durunna kero yáime. Ama tó á gbēke durunna kè, ó Zekūnwode vī De Luda kīnaa, àkūme taarisaride Yesu Kirisi ũ. ² Àkūme ó durunnao kútekebo ũ. Àdi ke ó durunnao adoro, kú andunia pínki gbɛnɔ póome.

³ Tó ó yā kú à ditenɔ kūna, abirekū m̀wewere yāpura kú ó a dɔ. ⁴ Tó gbē pì á a dɔ, akū à a yā kú à ditenɔ kūnaro, ékedeme, yāpura kú a swèe gūnlo. ⁵ Gbē kú à a yā kūna sɔ, Luda yenyī papana a gūn yāpura. Pó kú ani tó ò dɔ kú ó kú a gūnn dí: ⁶ Gbē kú à pì á kú a gūn, séde àgɔ kun lākū Kirisi kun nà yā.

Yā dufu ditenaa

⁷ Ma gbē yenyīdenɔ, adi ke yā dufun maten oárero, yā zī kú ò dīteáre zaa káakume. Yā zī pìime yā kú a mà ũ. ⁸ Bee kú abireo yā kú maten oáre dufume dɔ, òdi a yāpura e a kīnaa kú á kīnaao, zaakū gusira ten gēte, akū gupura yāpura ten pu sà.

⁹ Gbē kú à pì a kú gupuran, akū à zā a gbēdakegu, ade kú gusira gūmme ari tera. ¹⁰ Gbē kú à ye a gbēdakei kú gupuran, a yāke dī tó gbēke furo. ¹¹ Gbē kú à zā a gbēdakegu kú gusiran, à té gusiran, à dɔ gu kú àten génlo, kú gusira a vīna kú yāi.

¹² Ma né yenyīdenɔ, mateni abirekū oáre kú á durunnao kèáwa a tó gāi yáime.

¹³ Mareno, mateni abirekū oáre kú á gbē kú à kun zaa káaku dɔ yáime.

Kefennano, mateni abirekū oáre kú a zīi blè Setanwa yáime.

Ma né yenyīdenɔ, ma òáre kú á De Luda dɔ yáime.

¹⁴ Mareno, ma òáre

kū á gbě kũ à kun zaa káaku dõ yáime.
 Kefennanɔ, ma óáre
 kū á gbãna vĩ, Luda yã kú á swěe gũn dɔ,
 akũsɔ a zĩi blè Setanwa yáime.

¹⁵ Àsungõ ye anduniairo, kesõ pɔ kũ ò kú a gũnnɔ. Tó gbě ye anduniai, à ye De Ludairo. ¹⁶ Zaakũ yã kũ à kú andunia gũn pínki, mè pónidena kũ wépio kũ aruzeke Ìadãnaao, adi bo De Luda kĩnaaro, à bò andunia kĩnaame. ¹⁷ Andunia ten gête kũ a pónidenaao, ama ludapɔyenyĩnakeri nigõ kun gɔɔ sĩnda pínkime.

Kirisi ibere

¹⁸ Ma né yenyĩdenɔ, gɔɔ kpeden ó kun dí. Lákũ a mà kũ Kirisi ibere ten su nà, a ibereɔ gĩnake ò kè dasi. Abirekũ m̀wewere kũ ó kú gɔɔ kpede gũn. ¹⁹ Gbě pìnɔ bò ó kĩnaame, ama ó gbẽnɔnlo. Tó ó gbẽnɔme yã de ò kú kũo. Ò bò de ò dõ kũ ñ gběke de ó gbě ũro yáime.

²⁰ Ákõnɔ s̄, Luda a Nini diáre, akũ á yãpura dõ á pínki. ²¹ Ma abire óáre, kũ á yãpura dõ yáime, adi ke kũ á dõro yáinlo. Á dõ kũ éke ke di bo yãpura gũnlo. ²² Dín ékede ũu? Gbě kũ à gĩ Yesu Arumasihukenaime. Gbě bire takan Kirisi ibere ũ, à gĩ De Ludai kũ a Néome. ²³ Gbě kũ à gĩ Luda Néi De Luda vĩro. Gbě kũ à zè kũ Luda Néo mé à De Luda vĩ dɔ.

²⁴ Á tó yã kũ a mà zaa káaku gõ kú á swěe gũn. Tó yã kũ a mà zaa káaku pì kú á swěe gũn, ákõnɔ s̄, anigõ kú Luda Né gũn kũ a Deo. ²⁵ Pɔ kũ Kirisi a lé s̀eweren wèndi kũ àdi láraro ũ.

²⁶ Ma yã bire óáre gbě kũ òteni á sãtenɔ yã musu. ²⁷ Ákõnɔ s̄, Nini kũ a lè Kirisia kú á gũn. Á bàka kú kũ gběke yã dadanaáreoro, zaakũ a Nini ten yã sĩnda pínki dadaáre, à yãpura vĩ, éke kú a gũnlo. Lákũ àten dadaáre nà, àgõ kú Kirisi gũn le.

²⁸ Tera sà ma né yenyĩdenɔ, àgõ kú a gũn, de gɔɔ kũ à bò gupuraa, ó swěe gõ ditena, wé'i sún ó kũ a sugɔɔ zĩro.

²⁹ Zaakũ á dõ kũ Luda mana, àgõ dõ kũ yãmanakeri sĩnda pínki bi a néme.

3

Luda nénɔ

¹ Á gwa lákũ De Luda yewái à kè zõkõ nà ari àdi ó sísi a nénɔ. Ó a ũ s̄! Andunia ó dõro, kũ adi a dõro yái. ² Ma gbě yenyĩdenɔ, Luda nénɔn ó ũ tera, lákũ ónigõ de nà dí bo gupuraa k̄oro. Ó dõ kũ gɔɔ kũ ani bo gupuraa, ónigõ de lán a bà, zaakũ óni a e lákũ à de nà. ³ Gbě kũ à wé d̄i le di a swěe pu, lákũ Kirisi swěe punaa nà.

⁴ Gbě kũ à durunna k̄e bò doka kpeme, zaakũ durunnak̄ena bi bona doka kpeme. ⁵ Á dõ kũ Kirisi sù durunnak̄emmana yáime, durunna s̄ à kú a swěe gũnlo. ⁶ Gbě kũ à kú a gũn d̄igõ kpé àgõ durunna k̄ero. Durunnakeri ke dí a ero, adi a dõro.

⁷ Ma nénɔ, àsun tó gběke á sãtero, yãmanakeri mé à mana, lákũ Kirisi mana nà. ⁸ Gbě kũ àdi durunna ke bi Ibilisi p̄ome, zaakũ Ibilisi durunna k̄e zaa káakume. Ibilisi yãnɔ kakatena yáime Luda Né sù. ⁹ Gbě kũ Luda a ì d̄igõ kpé àgõ durunna k̄ero, zaakũ Luda buri mé à kú a gũn. Ani f̄s̄ àgõ kpé gõ durunna k̄ero, kũ Luda a ì yái. ¹⁰ Lákũ ó Luda nénɔ d̄sk̄one kũ Ibilisi

nénɔon dí: Gbē kū àdi yá mana kero kesō gbē kū à ye a gbēdakeiro bi Luda nénlo.

Yekšinaa

¹¹ Yá kū a mà zaa káakun dí: Ògō yekšī. ¹² Àsungō de lán Kainu bàro. À de Setan pō ūme, akū à a dakūna dè. Bó yá mé à tò à a dèe? Kū a yákena bène, akūsō a dakūna pō mana yáime. ¹³ Ma gbēnɔ, tó andunia zāágu, àsun tó à bo á sarero. ¹⁴ Ó dš kū o bo gan o gē wèndii gūn, kū ó ye ó Yesude dakenɔi yái. Gbē kū à ye gbēiro bi gēeme ari tera. ¹⁵ Gbē kū à zà a gbēdakegu bi gbēderiime. Á dš kū gbēderi ke digō wèndi kū àdi lákaro vī a gūnlo.

¹⁶ Yá kū ó yenyī pì dšaan dí: Kirisi a zīda kpá ó yái. Ókōnɔ sš, séde ò ó zīda kpá ó Yesude dakenɔa. ¹⁷ Tó gbē andunia pō vī, akū à è a Yesude dake kú pónidenaa gūn, tó adi a wènda gwaro, Luda yenyī kú a swèe gūn yá? ¹⁸ Ma né yenyīdenɔ, òsungō yekšī kú léoro. Ògō yekšī yápura gūn ó yákenaa. ¹⁹ Abire mōwēre kú yápura gbēnɔn ó ũ, gbasá ó swè le àgō ditena Luda are. ²⁰ Tó ó laasun teni ó kú vī sš, ó dš kū Luda zškš de ó laasunla, à yá sīnda pínki dš.

²¹ Ma gbē yenyīdenɔ, tó ó laasun teni ó kú vīro, ó swè nigō ditena Luda are, ²² kū ó yá kū à diteno kūna, akū óten yá kū àdi kene nna ke yái, óni pō kú o gbēkaa e. ²³ Yá kū à diteweren dí: Ò a Né Yesu Kirisi náani ke, ógō yekšī lákū à ditewere ná. ²⁴ Gbē kū à yá kū à diteno kūna kú a gūn, Luda pì kú ade gūn se. Ó dš kū à kú ó gūn a Nini kū à kpàwá yái.

4

Nininɔ dškšenaa

¹ Ma gbē yenyīdenɔ, àsun nini sīnda pínki náani kero. À nininɔ tàasi ká à gwa, tó ò bò Luda kīnaame, zaakū annabi ékenɔ dasi kù andunia gūn. ² Yá kū ani tó à Luda Nini dšn dí: Nini kū à pì Yesu Kirisi sù bisāsiri ũ bò Luda kīnaame. ³ Nini kū àdi ze kú Yesuo lero dí bo Luda kīnaaro. Kirisi ibere kú a mà àten sun gwe. Á kú andunia gūn kò.

⁴ Ma né yenyīdenɔ, Luda gbēnɔn á ũ, a zīlè blè annabi éke pìnɔa, zaakū gbē kū à kú á gūn zškš de gbē kū à kú andunia gūnla. ⁵ Andunia gbēnɔme n̄ ũ. Abire yáin òdi yá o andunia ágbán, akū andunia gbēnɔ di n̄ yá ma. ⁶ Luda gbēnɔn ó ũ. Gbē kū à Luda dš di ó yá ma, gbē kū à de Luda pō ũro di ó yá maro. Ákū mé à tò ó Nini yápurade dškšne kú nini ékeo.

Ludame yenyīde ũ

⁷ Ma gbē yenyīdenɔ, ògō yekšī, zaakū yenyī di bo Luda kīnaame. Gbē kū à yenyī pì vī bi Luda néme, à Luda dš. ⁸ Gbē kū à yenyī vīro Luda dšro, zaakū Ludame yenyīde ũ. ⁹ Lákū Luda a yenyī mōwēre gupuraa nàn dí: À a Né mèn do légelege zī andunia gūn, de ò wèndi le kú a gbānao. ¹⁰ Yenyī pīin dí: Adi ke ókōnɔ mé ó ye Ludairo, Luda mé à yewái, akū à a Né zī ó durunnano kútekebo ũ. ¹¹ Ma gbē yenyīdenɔ, lákū Luda yewái le ná, séde ògō yekšī. ¹² Gbēke dí wé ke pla kú Ludao zikiro, ama tó ó yekšī, Luda kú ó gūn, akū a yenyī pì papana ó gūn.

¹³ Ó dš kū ó kú a gūn akūsš à kú ó gūn, kū à a Nini kpàwá yái. ¹⁴ O è, a sèedadenɔn ó ũ, kú De Luda a Né zī andunia Surabari ũ. ¹⁵ Gbē kū à ò

gupuran kú Yesu bi Luda Néme, Luda kú a gūn, akūsō à kú Luda gūn. ¹⁶ Ó Luda yenawái dō, akū ó a náani vī.

Ludame yenyīde ũ. Gbē kū àdigō yenyī vī kú Luda gūn, akū Luda kú a gūn. ¹⁷ Pó kú à tò yenyī pì papana ó gūnn dí: Ó swē nigō ditena yákpatekegōrō zīme. Zaakū lákū Kírísí de nà, ókōnō se, len ó de le andunia dí gūn. ¹⁸ Yenyī pì digō vīna vīro. Yenyī swása wà pé vīnaa, zaakū vīna bi wētamma yāme. Vīnade yenyī digō swáswaro.

¹⁹ Ókōnō, ó yenyī vī, kú Luda gīnake à yewái yāime. ²⁰ Tó gbē pì á ye Ludai, akū à zà a Yesude dakei, ékedeme. Zaakū gbē kú à ye a Yesude dake kú à a èi-ro, ani fō àgō ye Luda kú adi a eroi yá? ²¹ Yā kú à diteweren dí: Gbē kú à ye Ludai, séde àgō ye a Yesude dakei.

5

Luda Né náanikena

¹ Gbē kú àdi Yesu náani ke Arumasihu ũ, Luda mé à ade ì. Gbē kú à ye dei ye a néime se. ² Tó ó ye Ludai, akū ó yā kú à diteno kūna, abire mé à mōwera kú ó ye Luda néno. ³ Zaakū yena Ludai mé à de yā kú à diteno kūna ũ. Yā kú à ditè pino de aso ũ sōro. ⁴ Zaakū gbē kú Luda a ì dì zī ble anduniaame. Ó ludanaanikena mé àdi tó ò zī ble anduniaa. ⁵ Dí mé àdi zī ble anduniaaa? Séde gbē kú à sì kú Yesu bi Luda Néme.

Yesu Kírísí sèedadeno

⁶ Yesu Kírísí piin gbē kú à sù à da'ite kè à a aru kòte ũ. Adi ke da'iteme adoro, à da'ite kè à a aru kòte se. Luda Ninin a sèedade ũ, zaakū àkūme yāpurade ũ. ⁷ Sèedadeno kun mèn aakōme. ⁸ Luda Nini kú í pìo kú aru pìo. Pó mèn aakō pino pínki dokōnōme. ⁹ Lákū odi bisāsiri sèedakena sí nà, Luda sèedakena de abirekūla, zaakū Luda yā pìi ò a Né yā musume. ¹⁰ Gbē kú àdi Luda Né náani ke sèedaa pì vī a swēe gūn. Gbē kú adi Luda yā síro Luda pìi ditè ékede ũme, zaakū adi yā kú Luda ò a Né musu síro. ¹¹ Yā kú à òon dí: Luda ó gba wèndi kú àdi lákaro, wèndii pì sō à kú a Né kīnaame. ¹² Gbē kú à Luda Né vī wèndi kú àdi lákaro vī. Gbē kú à Né pì vīro wèndii pì vīro.

Wèndi kú àdi lákaro

¹³ Maten yā birenō oáre, ákōnō kú áten Luda Né náani kenō, de àgō dō kú á wèndi kú àdi lákaro vī. ¹⁴ Pó kú à tò ó swēe digō ditena Luda aren dí: Tó o pó wé kèa lákū à pō yei nà, àdi sí kūoo. ¹⁵ Lákū ó dō kú àdi ó wéke ma nà, ó dō kú pó kú o wé kèaa pì o gīnake o lè kò.

¹⁶ Tó gbē a Yesude dake è, àten durunna kú àdi ní kakatero ke, à wé ke de Luda a gba wèndii. Durunna kú àdi ní kakateron má téa. Durunna kú àdi ní kakate kun, adi ke abirekūn ma pì à wé ke a musuro. ¹⁷ Yāvānikena sīnda pínki bi durunname, ama durunna kú àdi ní kakatero kun.

¹⁸ Ó dō kú gbē kú Luda a ì digō kpé àgō durunna kero, zaakū Luda Né dì a dākpá, Setan dì fō à ò naaro. ¹⁹ Ó dō kú Luda gbēnōn ó ũ, bee kú andunia pínki kú Setan òime. ²⁰ Ó dō kú Luda Né sù, akū à ó wé kè, de ò le ò Yāpurade dō. Ó kú Yāpurade pìi gūn kú a Né Yesu Kírísio. Àkūme Luda yāpurade pì ũ. Àkūme wèndi kú àdi lákaro ũ.

²¹ Ma né yenyīdenō, à laakari ke tānanōi.

YUHANA TAKADA PLADE

Yapura kù yenyĩ

¹⁻² Makū gbē zōkō, makūme ma takada dīkīna kē nōgbē kū Luda sēene kū a nēno. Má yeái yapura gūn, yapura kū à kú wá gūn, akūsō anigō kú kūoo gōro sīnda pínki yāi. Makūme madoro, kū gbē kū ò yapura pì dōnōme n pínki. ³ De Luda kū a Né Yesu Kirisio gbēke keáre kú sūruuo, ò á tó kú aafiao yapura kú yenyīoo gūn.

⁴ Kū ma è á né keno kú yapura gūn lākū De Luda dītewere nà, ma pō kē nna manamana. ⁵ Tera sà nōgbē, mateni wé kemma. Adi ke dokayā dufun maten onnero, yā kū ó vī zaa káakume. Ògō yekōi. ⁶ Yenyīn dí: Ògō yā kū Luda dītēno kūna. Yā kū Luda dīte pīin dí: Ògō kú yenyī gūn lākū a mà zaa káaku nà.

⁷ Gbēkerinō dāgula andunia gūn dasi, òdi pi Yesu Kirisi dí su bisāsiri ūro. Gbē bire takanō bi gbēkerinōme, Kirisi iberenōme. ⁸ À laakari ke, àsun tó zī kū a kē ke pāro. À tó à á láada le papana. ⁹ Gbē kū à vī Kirisi yādannenala Luda dōro. Gbē kū à zē kū yā pīio De Luda vī kū a Néno n pínki. ¹⁰ Tó gbē sù yā dadaáre, tó à yā bire kūnaro, àsun a síro. Àsun gbānake kpái sero. ¹¹ Zaakū gbē kū à gbānake kpà: bàka kú kū a vānikenanōme.

Lézmananaa

¹² Má yā vī dasi mà oáre, ama má ye mà kēáre takada gūnlo. Má támaa vī mà su wé kpátéai, ò yā o kōo wédewe, de ò pōnna le àgō papana. ¹³ N vīni kū Luda sē nēno fō kpàáwa.

YUHANANA TAKADA AAKƆDE

Luda zikerinɔ sinaa

¹ Makū gbē zōkō, makūme ma takada dīkīna kè ma gbē yenyīde Gayusine. Má yenyī yāpura gūn. ² Ma gbē yenyīde, madigō adua kenne, de ngō aafia, yā sīnda pínki le à bo kúnwo nna, lákū n kunna mana nà. ³ Kū ó gbēnɔ sù, ò òmēne lákū n yāpura kūna nà, n kú a gūn, akū ma pɔ kè nna manamana. ⁴ Gɔɔ kú ma mà kú ma nēnɔn kú yāpura gūn pínki, pɔnna ke demene abirelaro.

⁵ Ma gbē yenyīde, n náani vī zī kū ndi ke ó gbēnɔne gūn, atēnsa nibɔnɔ. ⁶ Ò n yenyī yā ò sɔsi gbēnɔne. N zàna keñne, lákū à mana ò ke Luda zī gūn nà. ⁷ Zaakū ò dà zén kú Kirisi tso, odi kpányī le Yesusaridenɔ kīnaaro. ⁸ À kō sio ògō gbē dí takanɔ yari ke, de ògō de n zikeri dakenɔ ũ yāpura baarukpanaa gūn.

⁹ Ma takada ke kè n sɔsi gbēnɔne, ama Dioterefe denlaweteri ye ó yairo. ¹⁰ Abire yāi tó ma su, mani bo kú yā kú àdi kenɔ kú yā vāni kú àdi diwānɔ. Yā pīi di káne pōke ũro, àdi ó gbēnɔ síro, bee se àdi gi gbē kú ò ye ò n sínɔne, àdi sɔsi zé zōñne.

¹¹ Ma gbē yenyīde, n̄sun yā bēne dadaro, sé yā mana. Gbē kú àdi yā mana kemē Luda pō ũ, gbē kú àdi yā vāni ke Luda dōro. ¹² Gbē sīnda pínki di Demeteriu tó nna sí. Bee yāpura a zīdanda di a sáabu kpá se. Ókōnɔ odi a sáabu kpá dɔ, akū n dō kú ó sèedakena náani vī.

Lézammanaa

¹³ Má yā vī dasi mà onne, ama má ye mà kenne takada gūnlo. ¹⁴ Má támaa vī ò wé ke pla tera, ò yā o kōo wédewe.

¹⁵ Luda n tó kú aafiao. N gbēnnanɔ fɔ kpamma. N fɔ kpá ó gbēnnanɔa dodo.

TIRE TE YUDU U YORUA

Yudu u s̄awa Yesu Kirisin w̄on̄o turo. Yesugibu kpurowa u tire te yorua. Saa ye, gaba seewa ben suunu s̄o ba s̄osi weesuginu s̄osim̄o ni nu koo de ben Yesun yigb̄enu nu karana. T̄on be ba s̄osi ni m̄o mi, ba w̄awa kom bereteke s̄o. Adama Gusun̄o u koo bu kam koosia nge m̄e u yeruku t̄ambu gabu kua be ba ñ n̄n̄ m̄em̄ n̄ōwe. N ween̄wa Yesugibu bu ka tii yina. Domi ba Gusun̄an gari m̄o yi yi s̄a gem sere ka baadommāo. Yiya n ween̄e ba n da dendi.

Tire ten kpunaa

1. T̄obiribu, naasu 1-2.
2. Keu koosio weesugibu, naasu 3-16.
3. Yiirebu ka kir̄o, naasu 17-23.
4. Siara d̄aakibu, naasu 24-25.

T̄obiribu

¹ N̄e Yudu, Yesu Kirisin yoo, n̄e wi na s̄a Yak̄obun w̄on̄o, na b̄ee tire teni yoruamme, b̄ee be Gusun̄o Baaba u soka. U b̄ee k̄i, ma u b̄ee k̄osu Yesu Kirisin s̄o.

² Gusun̄o u n b̄ee w̄onw̄ondu ka alafia ka k̄iru sosiamme.

Keu koosio weesugibu

(I maa m̄erio Pīe II, 2:1-17)

³ N̄en k̄inasibu, na raa k̄i n b̄ee tireru yorua, n̄e ka b̄een faaban garin s̄o, adama wee t̄e n kua tilasi n ka b̄ee tire teni yorua n ka b̄ee hania koosia kpa i ka gari yi i naane doke suna yi Gusun̄o u wigibu w̄e n̄n̄ teeru sere ka baadommāo. ⁴ Domi t̄on k̄sobu gaba dua gb̄enum b̄een suunu s̄o be ba Gusun̄an durom ḡosikia, bu ka ben kom k̄osum gafara wa, ma ba Yesu Kirisi yina, wi u s̄a b̄esen Yinni boko. Saa gas̄o gas̄an diya ba yorua ye n koo bu deema siribun biru.

⁵ Baa m̄e i ye kpuro ȳe s̄a s̄a, ka m̄e, na k̄i n b̄ee yaayasia ma ye Yinni Gusun̄o u Isirelin̄ t̄ambu w̄ara saa Egibitin tem di u kpa, yen biru u be ba ñ naane doke kam koosia. ⁶ I maa w̄ollun ḡradoba yaayo b̄en ayera kun bu turie, ma ba ben tiin w̄a yeru gema ba deri. Gusun̄o u ka bu ȳoni b̄okua, u kp̄e yam w̄okuru s̄o ba ka siribun t̄o bentembereru mara. ⁷ M̄eya maa Sodomu ka Gom̄ara, ka wuu si su su sikerene, si kpuron t̄ambu ba maa daa bereteke kua, t̄on dur̄abu ka t̄on dur̄abu ba tii sankunam̄o. Ba wuu si kpeerasia ka d̄o wi u ku ra gbi, ma n kua ȳireru t̄ambun s̄o.

⁸ Ka m̄e, t̄on k̄so be maa, ben bwisikunu s̄o ba ka toranu tii disi dokem̄o, ba ñ wirugibu wiru kp̄iyamme ma ba w̄ollun ȳikogibu w̄omm̄o. ⁹ Adama Miseli, wi u s̄a Gusun̄an ḡradoban wirugii, u ñ k̄aka u Setam taare w̄e ka w̄amburu d̄ama te ba sanna ba M̄owisin goru sikirine, adama u Setam s̄owawa u n̄e, “Yinni Gusun̄owa u koo nun gerusi.” ¹⁰ Adama t̄on k̄so be, ye ya kun bu yeeri yeya ba w̄omm̄o, ye ba maa m̄o ka marumaruru nge ȳe yeya ya bu kam koosiam̄o. ¹¹ N̄oni sw̄aarugiba ba s̄a. Domi ba Kaenin̄ yira sw̄i, ba tii sure toraru s̄o bu ka are wan s̄o nge m̄e Balamu u kua, ma ba Gusun̄o seesi nge m̄e Kore u kua, ma ba tii kam koosia. ¹² T̄on be, ba s̄awa sankara kowobu b̄een t̄o baka ni i ra ko k̄irun s̄o s̄o, ba ka b̄ee dim̄o, ka sekuru sariru, ba ben tii n̄orim̄o t̄ona. Ba s̄awa nge guru winu ni woo ga b̄arikiam̄o, ni nu ku ra ka gura n̄e. Ba s̄a nge d̄a ni nu d̄erura nu ñ binu

mə, ni ba wuka ka gbiniə, ni nu gu mam mam. ¹³ Ba sāawa nge nim wōkun nim kure ni nu kukumə. Nge me nu nin yakeru kōmə meya ba maa ben sekuru sari kom sōsimə. Ba sāawa nge wöllun kperi yi yi yin swaa bie, Gusunə u bu yam wōku te ta kpā yiye tē səə ba koo du ka baadomma.

¹⁴ Enəku maa, wi u sā Adamun sikadobun tōka nōba yiruse u Gusunən gari gerua ben sō u nēē, wee, Yinni u sisi ka win gōrado dēero dabi dabiru ¹⁵ u ka baawure kpuro siri kpa u ka Gusunən bēere yēru sarirugibu kpuro taarē wē ben kom kōsum kpuron sō me ba kua Gusunən gendun sō, ka maa gari kōsin sō yi torobu be ba n Gusunən bēere yē ba nūn gerusi. ¹⁶ Tən be, ba ra n wure, gāanu sari ni nu ra bu wēre, ben binē bu kpare. Ba ra woo kana gari gere, ba maa tambu gari dori sōmə bu ka yērobun gāanu wa.

Yiirebu ka kirə

¹⁷ Adama bēē nēn kīnasibu, n weene i gari yi yaaya yi bēsen Yinni Yesu Kirisin gōroba raa gerua. ¹⁸ Domi ba bēē sōwa ma sanam dāakim səə tən yaako kowoba koo na be Gusunən bēere yē sarira koo de ben binē ya n bu kpare. ¹⁹ Beya ba ka karanāa naamə, ba ben tiin bwisikunu mə, ba n Hunde Dēero mə. ²⁰ Adama bēē nēn kīnasibu, i tii tāsisi bēen naane doke dēerabu səə i n kanaru mə ka Hunde Dēeron dam. ²¹ I tii nenuə Gusunən kīru səə, i n ka bēsen Yinni Yesu Kirisin wənwəndu mara te ta koo ka bē wāaru te ta ku ra kpe naawa.

²² I ben wənwəndu waawo be ba gōrusu yiru yiru mə. ²³ I n gabu gawamə dō sōn di i n bu faaba mə. I maa gabun wənwəndu waawo ta n ka bērum mēne, adama i n ben toranu tusa sere ka ben yabenə ni ben daa ya disinu tēni.

Sīara dāakibu

²⁴⁻²⁵ Gusunə turo sāa bēsen Faaba kowo wi u koo kpī u bēē kōsu i ku ka wəruma, kpa u bēē terasia win yiiko səə taarē sariru səə ka nuku dobu. Wiya u yiiko ka kpāaru ka dam ka girima mə saa bēsen Yinni Yesu Kirisin min di, yee yellun di, ka tē, sere ka baadomma. Ami.

ZIA YÁ BIRINA YUHANANE

Kirisi ena wégupu gūn 1:1-1:20

Takadakēna sɔsi mèn supplanɔ gbēnɔnɛ 2:1-3:22

Takada kokona kù a káni'ɔ mèn supplanɔ gogonaa 4:1-8:1

Kákāki mèn supplanɔ penaa 8:2-11:19

Kwā kù nòbɔ pāsī mèn planɔ 12:1-14:20

Luda pɔfē kerɛ mèn supplanɔ atēna anduniaa 15:1-19:5

Kirisi suna à kí ble zīte 19:6-20:15

Musu dufu kù zīte dufuo 21:1-22:21

Takada díkīna boki

¹ Luda yá kù àten su ke mò Yesu Kirisine de à biri a zòblerinɔnɛ, akù à a malaika zī makù Yuhana a zòbleriia, à tò ma yá pìi dḡ. ² Luda yá kù Yesu Kirisi de a sèedade ūn ma è, akù maten o. ³ Arubarikadenɔn gbē kù à zia yá díkīna kyó kè ū kù gbē kù ò a yá mà ò kūnanɔ, zaakù a gɔɔ kà káni.

⁴ Makù Yuhana makù mé ma takada díkīna kḡ sɔsi mèn suppla kù ò kù Asia būsuu gūnnɔnɛ. Luda kù à kun yá, à kun tera, akūsḡ àten su kù a Nini mèn suppla kù ò kù a gbà arenɔ ⁵ kù Yesu Kirisi kù à de sèedade yāpura ū ò gbēke keáre, ò á gba aafia. Yesu pìime gāavu káaku ū, àkūme andunia kīnanɔ gbānade ū. À yewáí, à ó bo ó durunnnanɔn kù a aru gbānao, ⁶ à ó ká kpatan Luda a de gbàgbarinɔ ū. Àkù mé à gakuri kù gbānao vī gɔɔ sīnda pínki! Aami. ⁷ Ñ gwa, àten su ludambe lukun. Gbē sīnda pínki ni a e, bee gbē kù ò a zḡnɔ, andunia buri sīnda pínki ni wēnda ɔɔ dɔ a yá musu. Lemé! Aami.

⁸ Dikiri Luda pì: Makūme Alafa kù Omegao ū, Gbānasīndapinkide kù má kun yá, ma kun tera, akūsḡ maten su.

Yesu Kirisi bo à suna Yuhanaa

⁹ Makù Yuhana á gbē do kunna Yesu gūn kḡ gbēnɔn ó ū wari gūn, kíblenaa gūn, menake gūn. Ma kù ísira luan kù òdi pì Patamɔ Luda yá kù Yesu de a sèedade ū yái. ¹⁰ Dikiri gɔɔ zī Luda Nini sùma, akù ma kòto gbāna mà ma kpe lán kákāki'ū bà ¹¹ à pì: Ñ pó kù n è kḡ takada gūn, ñ kpāzā sɔsi mèn suppla kù ò kù wēte dínɔ gūnnɔnɛ: Efesu, Simiina, Pēegamumu, Tiatira, Saadí, Filadēfia kù Laodiseao.

¹² Akù ma lite, de mà gbē kù àten yá o kūmaoo pì e. Kù ma lite le, ma wura fitiladibɔ è mèn suppla. ¹³ Ma gbēke è fitiladibɔ pìnɔ té lán bisāsiri né bà. À utagyaba dana, àten gáte a gbá léa, à wura asa dɔ a gbān. ¹⁴ A mikā de púu táitai lán sākā ke buu bà, a wé de lán ténenɛ bà. ¹⁵ A gbá ten té ke lán mògotē kù òten baasa tévura gūn bà. A kòto de lán ísókēna kīni bà. ¹⁶ À susunenɔ kūna a ɔplan mèn suppla, fēneda lénna kpa plapla ten bo a lén. A ān ten té ke lán ifántē gbāna bà.

¹⁷ Kù ma a è, ma letɛ a gbá sare, ma gḡ sāii. Akù à a ɔpla nàma à pì: Ñsun tó vīna n kūro. Makūme Arede kù Kpēdeo ū, ¹⁸ gbē kù àdigḡ kun ū. Ma ga, akù má kun, akūsḡ manigḡ kun ari gɔɔ sīnda pínki. Má ga kù gyāwānwɔ mḡnenɔ kūna. ¹⁹ Ñ pó kù n è kḡ, pó kù ò kunnɔ kù pó kù oni su a kpenɔ pínki. ²⁰ Susunɛ mèn suppla kù n è ma ɔplan pìnɔ kù wura fitiladibɔ mèn suppla pìnɔ asirin dí: Susunɛ mèn suppla pìnɔ bi sɔsi mèn suppla pìnɔ zīrinɔme, fitiladibɔ mèn suppla pìnɔ bi sɔsi mèn suppla pìnɔme.

2

Efesudenɔ yá

¹ N kē Efesu sɔsi z̄iriine: Makū kū má susune mèn supplanɔ kūna ma ɔplan, maten kure wura fitiladibɔ mèn supplanɔ tɛ, makū mé ma yá dík̄ina ò. ² Má n yákenanɔ d̄s kū z̄i kū nten keo kū n menakenaao. Ndì we ñ gbē b̄n̄enɔ ditero. Gbē kū òdi ñ z̄ida dite Luda z̄irinɔ ũ, akūs̄ ò de a ũro, n ñ lé n gwà n è ékedenome ñ ũ. ³ N mena f̄s̄, n wari kè ma t̄s̄ yāi, ñdi kpasaro. ⁴ Ama má yá vī kūnwo. Yenyī kū ñ vīmene káaku bùsa. ⁵ N̄ tó n kunna z̄i zaa ḡɔɔ kū ñdi busaro yá d̄ɔngu. N̄ n̄ese lite, ñḡs̄ yá kū ndì ke yānɔ ke. Tó ñdi ke lero, mani sunyī, mà n fitiladibɔ go. ⁶ Bee kū abireo ñ yá dík̄ina vī, ñ zā Nikolaitānɔ yákenanɔn lākū ma zāngu nà. ⁷ Gbē kū à s̄a vī, à yá kū Luda Nini ten o sɔsi gbēn̄one ma: Mani gbē kū à z̄i blè gba zé à lí w̄endide kū à kú Luda aruzenna gūn né ble.

Simiinenadenɔ yá

⁸ N kē Simiina sɔsi z̄iriine: Makū kū má de Arede kū Kp̄edeo ũ, ma ga ma era ma vu, makū mé ma yá dík̄ina ò. ⁹ Má w̄et̄amma kū òten m̄on̄ne d̄s kū n takasikenaao. Bee kū abireo aruzekedeme n ũ. Gbē kū òdi pi Yudanome ñ ũ akūs̄ ò de a ũronɔ, kū ñ aduakekpe de Setan p̄s̄ ũ, má d̄s̄ lākū òdi yá dimma nà. ¹⁰ N̄sun vīna ke wari kū ñni ken̄ero. N̄ ma, Ibilisi ni á gbēkenɔ ká kp̄ésiran de à á ȳs̄ à gwa, ani wé t̄ááwa ari ḡɔɔ kuri. Ñḡs̄ náani vī ari ñḡs̄ gé gao, mani aruzenna kenne yàri ũ. ¹¹ Gbē kū à s̄a vī, à yá kū Luda Nini ten o sɔsi gbēn̄one ma: Ga plade ni wari d̄s̄ gbē kū à z̄i blèearo.

P̄egamumudenɔ yá

¹² N kē P̄egamumu sɔsi z̄iriine: Makū kū má f̄eneda lénna kpa plapla kūna, makū mé ma yá dík̄ina ò. ¹³ Má n kúki d̄s̄, gu kū Setan gbà kumme. N̄ ma yá kūna, ñdi ledi kp̄amáiro, bee ḡɔɔ kū ò ma s̄eɔda yāpurade Antipa d̄e n w̄eten, gu kū Setan kunn p̄i. ¹⁴ Ama má yá vī kūnwo fiti. N̄ gbēn̄o vī gwe kū ò Balamu yá kūna. Balaamu p̄i mé à dà Balakin̄e à Isarailanɔ ḡate à ñ dá t̄ana p̄blen kū p̄ap̄akenaao. ¹⁵ Leme d̄s̄ ñ gbēn̄o vī gwe, ò Nikolaitānɔ yá kūna. ¹⁶ Abire yāi ñ n̄ese lite. Tó ñdi ke lero, mani sunyī tera mà z̄i ká kúnwo kū f̄eneda kū à kú ma lénwo. ¹⁷ Gbē kū à s̄a vī, à yá kū Luda Nini ten o sɔsi gbēn̄one ma. Mani gbē kū à z̄i blè gba mana kū à utena, mani a gba gbè pura kū ò t̄s̄ dufu k̄eà d̄s̄. Gb̄eke t̄s̄ p̄i d̄s̄ro, séde gbē kū ma kp̄aa p̄i.

Tiatiradenɔ yá

¹⁸ N kē Tiatira sɔsi z̄iriine: Makū Luda Né kū ma wé de lán t̄enene bà akūs̄ ma gbà de lán m̄ogot̄e bà, makū mé ma yá dík̄ina ò. ¹⁹ Má n yákenanɔ d̄s̄, n yenyī, n ludanaanikena, n z̄ikena kū n menakenaao. Má d̄s̄ d̄s̄ kū yá kū nten ke kpekepe mana de a káakup̄la. ²⁰ Ama má yá vī kūnwo. N n̄ogbē Yez̄ebeli kū à a z̄ida dite annabi ũ gbà zé. Àteni ma z̄òblerinɔ s̄ate, àten dañne ò p̄ap̄a ke ò t̄ana p̄s̄ ble. ²¹ Ma a gbà zé à n̄ese lite, ama à ye à a n̄ese lite à p̄ap̄akena t̄oro. ²² N̄ ma, mani a wúte gyān, mani tó gbē kū ò p̄ap̄a k̄e k̄aonɔ wari z̄k̄s̄ ke, tó odi n̄ese lite ò a yá t̄oro. ²³ Mani a íbanɔ dede kū gagagyāo, sɔsi gbē s̄inda p̄ínki ni d̄s̄ kū makū mé madi gbēn̄o laasun kū ñ sw̄eɔo gwa, mani f̄ina bo á baadin̄e a yákenaaa. ²⁴ Á Tiatira gbē kpara kū á yá p̄i kūnaro, akūs̄ á yá kū òdi pi Setan asiri z̄k̄s̄ d̄s̄ronɔ, mani aso

pánde diáero. ²⁵ À ɔ didi yá kú á kúnaa ari màgō gé su. ²⁶ Gbē kú à z̄i blè, akūs̄ à yá kú má yein̄o kúna ari a léa, mani a gba zé à gbāna ble burin̄o. ²⁷ Ani kí bler̄ma kú mò gòo à n̄ wíwi lákū òdi ε oro wíwi nà, lán ma De ma gba zé nà. ²⁸ Mani a gba gud̄na susun̄e d̄o. ²⁹ Gbē kú à sá vī, à yá kú Luda Nini ten o s̄osi gbēn̄ne ma.

3

Saadiden̄o yá

¹ N̄ kē Saadi s̄osi z̄iriine: Makū kú má Luda Nini mèn supplan̄o kúna kú susun̄e mèn supplan̄o, makū mé ma yá díkīna ò. Má n̄ yákenan̄o d̄o. Kunna bēne t̄ó mé à d̄omma, ama gēeme n̄ ū. ² N̄ vu, n̄ gbē kú ò ḡōnn̄en̄o lé kú fl̄āo ari ògō gé ga, zaakū ma è n̄ yáke papana ma Ludan̄ero. ³ Abire yá mé à tò yá kú n̄ mà akū n̄ si, n̄ t̄ó àgō d̄ongu, ñgō kúna, n̄ n̄ese lite. Tó n̄di vuro, mani sunyī lán kpāni bā, ñigō ḡoɔ zaka kú mani su d̄oro. ⁴ Bee kú abireo n̄ gbēn̄o vī Saadi gwe f̄iti kú odi n̄ p̄okasan̄o gbāsī kpáro. Óni kure lee kú p̄ó purao dana, zaakū ò kà a léi. ⁵ Len gbē kú à z̄i blè nigō p̄okasa pura dana le. Mani a t̄ó dede w̄ēndi takadan zik̄iro. Mani ze k̄āo ma De kú a malaikan̄o ar̄e. ⁶ Gbē kú à sá vī, à yá kú Luda Nini ten o s̄osi gbēn̄ne ma.

Filad̄elefiaden̄o yá

⁷ N̄ kē Filad̄elefia s̄osi z̄iriine: Makū kú má kú madona yápurade ū, má Dauda m̄ōne kúna, madì zé wē gbēke d̄i f̄o à a tataro, madì zé tata gbēke d̄i f̄o à a w̄ero, makū mé ma yá díkīna ò. ⁸ Má n̄ yákenan̄o d̄o. N̄ ma, ma zé w̄ēnne n̄ ar̄e, gbēke ni f̄o à a tataro. Bee kú n̄ gbāna f̄iti, n̄ ma yá kúna, n̄di ledi kpámairo. ⁹ Setan̄ aduakekpe gbē kú òdi n̄ z̄ida dite Yudan̄o ū, akūs̄ ò de a ūron̄o, mani t̄ó ékede p̄in̄o su ò kút̄enne, oni d̄o kú má yenyī. ¹⁰ Zaakū n̄ yá kú ma d̄itenne kúna n̄ f̄o n̄ mena, mani n̄ sí wari kú àteni su andunia p̄ínki gūnwa, de à gbē kú ò kú z̄iten̄o ȳs̄ à n̄ gwa. ¹¹ Mani su tera. Ñgō p̄ó kú n̄ vī kúna gbāna, de gbēke sún n̄ láada símmaro yāi. ¹² Mani gbē kú à z̄i blè ke ma Luda kpé gbēgba ū. Ani bo zik̄iro. Mani ma Luda t̄ó k̄ea kú ma Luda w̄ete Yurusalem̄u dufu kú ani kipa bona a k̄inaa zaa musu t̄ó kú ma t̄ó dufuo. ¹³ Gbē kú à sá vī, à yá kú Luda Nini ten o s̄osi gbēn̄ne ma.

Laodiseaden̄o yá

¹⁴ N̄ kē Laodisea s̄osi z̄iriine: Makū Aami, s̄èda náanide yáपुरa kú má de p̄ó kú Luda k̄en̄o m̄ide ū, makū mé ma yá díkīna ò. ¹⁵ Má n̄ yákenan̄o d̄o. N̄ yīdaro, akūs̄ n̄ wānaro. Má ye ñgō yīda kes̄ wāna. ¹⁶ Lákū n̄ lóḡoɔḡo nà, n̄ wānaro akūs̄ n̄ yīdaro, mani n̄ pisime. ¹⁷ Nd̄i pi ɔḡode aruzekede kú n̄ p̄oke ni v̄irome n̄ ū. N̄ d̄o kú gbē p̄á p̄ótompo barakeri w̄ēndade takaside v̄inaame n̄ ūro. ¹⁸ Maten lé damma, n̄ wura baasana lú ma k̄inaa, de n̄ ke ɔḡode ū. N̄ p̄okasa pura lú n̄ da, de n̄ n̄ p̄ótompoke ute n̄ bo wé'in. N̄ wé eze lú n̄ ká n̄ wén, de n̄ gu e. ¹⁹ Madì kpākē gbē kú má yeñȳn̄ci mà n̄ toto. Abire yá mé à tò, n̄ wé t̄á n̄ n̄ese lite. ²⁰ N̄ gwa, má zena kpélele, maten gbà lé. Tó gbē ma k̄otoo mà, akū à zé w̄ēmene, mani gē mà p̄ó ble k̄āo, ani ble k̄ūmao. ²¹ Mani gbē kú à z̄i blè gba zé à vute k̄ūmao ma gbàaa, lákū makū ma z̄i blè ma vute kú ma Deo a gbàaa nà. ²² Gbē kú à sá vī, à yá kú Luda Nini ten o s̄osi gbēn̄ne ma.

4

Donyĩkena Ludane zaa musu

¹ Abire gbera ma zé è wēna ludambe. Akū ma kòto kū ma mà káaku lán kākāki'ù bàà mà dɔ à pì: Ñ mós la, mani yā kū ani su abire gbera mɔnne. ² Gwe g̃ɔɔ Luda Nini dīma, akū ma gbàa è ludambe gwe, gbēke vutea. ³ Gbē kū à vutena pi ten té ke lán gbē bēere de kū òdi pi diamɔɔ bà kesō kaanelia. Ludambefēneda lika bára pīii, a í de lán lá'i taka bà lán emeradi bà. ⁴ Gbà mèn baro awēesiikōnɔn likai, gbē zōkō gbēnɔn baro awēesiikōnɔn vutevutena bára pìnɔa. Ò pó pura dadana, ò wura fūra kúkuna. ⁵ Legū ten pí, àteni bo bára pì kīnaa, àteni pūtā, àteni pata. fitila nana gbàa pì are mèn suppla, mós kōmē Luda Nini mèn supplanɔ ũ. ⁶ Dígi kú gbàa pì are lán ísira bà. A í kè gárangaran lán gbèdigi bà.

Gbàa pìnɔ daguran pó bēne mèn siikōnɔn lika gbàa pīii. Wé dɔdɔrúma kpé kú areo. ⁷ Pó bēne pìnɔ káakupɔ de lán músu bà, a plade de lán zùsaa bà, a aakōde an de lán bisásiri ann bà, a siikōde de lán vau kū àten vura bà. ⁸ Pó bēne mèn siikō pìnɔ baadi dēmbere vī mèn suddodo. Wé dɔdɔ n dēmbere pìnɔa, a gūn kū kpé. Fānantē kū gwāanio òdigō ò lakanaa sari: Kúadona, kúadona, kúadona, Dikiri Luda Gbānasīndapinkide.

Ñ kun yā, n kun kū a terao, akūsō nten su.

⁹ Gɔɔ kú pó bēne mèn siikō pìnɔ gbē kū à vutena gbàaa, akūsō àdigō kun gɔɔ sīnda pínki pì tó kpà, ò bēere line, ò a sáabu kpà, ¹⁰ gbē zōkō gbēnɔn baro awēesiikō pìnɔ di wútewute a are ò donyĩ kene, òdi n fūra gogo ò káte gbàa pì are ò pi:

¹¹ Dikiri ó Luda, n ka ò n tó kpá,
ò bēere kú gbānao linne,
zaakū n pó sīnda pínki kè,
n kena kú n kunnao bi n poyenyīnaame.

5

Sāne B̃ɔɔ kú takada kokonaao

¹ Akū ma takada kokonaa è na gbē kū à vutena gbàaa pì ɔplan, ò yā kēa are kú kpé pínki, ò a lé kùkū kū kání'ɔ leu supplao. ² Akū ma malaika gbānade è, àten kpàkpa ke kú kòto gbānao à pì: Dí mé à kà à kání'ɔ dínɔ gogo à takada dí poro? ³ Ama gbēke kú ludambe ke zīte ke zīte gbáru kū ani f̃ à takada pīi poro à gwaro. ⁴ Ma ɔɔ d̃ manamana, zaakū odi gbēke e kū à kà à takada pīi poro à gwaro. ⁵ Akū gbē zōkō pìnɔ doke pimenen: Ñsun ɔɔ d̃ɔɔ. Ñ gwa, Yuda buri Músu kū à de Dauda kpata kū à b̃ɔɔ pà Kína ũ z̃li blè. Akū mé ani f̃ à kání'ɔ mèn suppla pìnɔ gogo à takada pīi poro. ⁶ Akū ma Sāne B̃ɔɔ è zena gbàa pīia pó bēne mèn siikō pìnɔ kú gbē zōkō pìnɔ té. À de lákū ò a kùtu kpàa bà. A bēne vī mèn suppla kú wéo mèn suppla. Luda Nini mèn suppla kú à n zī andunia gu sīnda pínkianɔn gwe. ⁷ À gēè à takada pīi sì gbē kū à vutena gbàa pì ɔ. ⁸ Kú à takada pīi sì, akú pó bēne mèn siikō pìnɔ kú gbē zōkō gbēnɔn baro awēesiikō pìnɔ kùtekute Sāne B̃ɔɔ pì are. N baadi m̃ɔɔ kūna kú wura kere kú turaretiti kán à pào. Turaretiti pì bi Luda gbēnɔ aduakenanɔmē. ⁹ Ò lè dufu sì òten pi: N ka n takada pì sí n kání'ɔ pìnɔ gogo, zaakū ò n de,

n gbēno bò Ludane kū n aruo
buri sīnda pínki gūn, buriyā sīnda pínki gūn,
gbē sīnda pínki gūn, būsu sīnda pínki gūn.

¹⁰ N n ká kpatan,
ò gō ó Luda gbàgbarino ũ,
onigō kí ble zīte.

¹¹ Akū ma malaikano è likana gbàa piiri kū pò bēne pino kū gbē zōkōo pino
dasidasi, n dasi kà dūbu ũgbangba, oni fō ò n lé dōro. Ma n kīni mà, ¹² ò pì
kū kòto gbānao:

Sāne Bòro kū ò dēe kà ò iko dōne
kū aruzekēo kū ōndōo kū gbānao kū bèereeo
ò a sáabu kpá, ò a tó kpá.

¹³ Akū pò kū Luda kè musu kū zīteo kū zīte gbáruo kū ísira gūnwō pínki,
bee pò kū ò kú gu sīnda pínkinō, ma mà ò pì:

Ògō bèere kū gbānao dō
gbē kū à vutena gbàaane kū Sāne Bòroo,
ónigō n sáabu kpá, ògō n tó kpá goro sīnda pínki.

¹⁴ Pò bēne mēn siikō pino pì, aami. Akū gbē zōkōo pino wùtewute ò donyī
kēne.

6

Kāni'ogogonaa

¹ Ma è Sāne Bòro kāni'ò mēn suppla pino káakude gò. Akū ma mà pò bēne
mēn siikō pino doke yā ò lán legūpūtānaa bà à pì: N mós! ² Akū ma sō pura
è, gbē kū à dia sá kūna. Ò kífuraa kùne, akū à bò zībleri ũ, de à gé zī ble.

³ Kū Sāne Bòro kāni'ò plade gò, ma mà pò bēne plade pì: N mós! ⁴ Sō pānde
bò do, à de tēe zónzon. Ò gbē kū à dia gbà zé à aafia sí anduniaa, de gbēno
kō dēde. Ò fēneda zōkōo kpāa.

⁵ Kū Sāne Bòro kāni'ò aakōde gò, ma mà pò bēne aakōde pì: N mós! Akū
ma sō sira è, gbē kū à dia zaka kūna. ⁶ Ma kīni mà lán gbē kòtoo bà, à bò pò
bēne mēn siikō pino té à pì: Ése zaka lé dome goro do zī ogo ũ. Gbado zaka
lé aakōme goro do zī ogo ũ. Nsun tó kù lino kū geepi lino yakaro.

⁷ Kū Sāne Bòro kāni'ò siikōde gò, ma pò bēne siikōde kòtoo mà à pì: N mós!
⁸ Akū ma sō pufau è, gbē kū à dia tón Ga, Gyāwān téi. Ò n gbá zé ògō iko vī
andunia gbēno leu siikōdea, ò n dēde kū zīio kū nāao kū gagagyāo kū nòbo
pāsīno.

⁹ Kū Sāne Bòro kāni'ò soorode gò, gbē kū ò n dēde Luda yā ona kū Yesu
sèedakpanaao yāi, ma n gyāwāndenō è turaretitikpataki gbáru. ¹⁰ Ò wiki
gbāna kè ò pì: Dikiri kū à kú adona yāpurade, boren ñni yākpatē ke kū
gbē kù ò kú zītenō ñ ó dena fīna borūmaa? ¹¹ Akū ò utagyaba pura dàda
n baadine, ò piñne ò mena fō fiti ari n Yesu zōbleri dake kū oni n dēde lán
n hànō lé gé káo.

¹² Kū Sāne Bòro kāni'ò suddode gò, ma è zīte yīgāyīgā pāsīpāsī, ifāntē
sira kù níkiniki lán biza kū ò dà òsin bà, mōvura tēra kù lán aru bà
māmman. ¹³ Susunenō bò ludambe, ò kòte zīte lán zàgā'ia di līne ísi woro
nà. ¹⁴ Ludambe kēkōa, à kòkokoko lán pēe bà. Kpino kū ísira luanno sō
n kúkia pínki. ¹⁵ Andunia kīnanō kū kpatablerino kū soza gbē zōkōno

kū aruzekedenᵛ kū gbānadenᵛ kū gbē sīnda pínkiᵛ zòᵛ kesᵛ zīdadenoᵛ ùte
gbèwεεnᵛn kū gbèsᵛkᵛnᵛ. ¹⁶ N̄ wiki gò dᵛ:

Kpínᵛ kū gbēnᵛ à daóla,
à ó ute gbē kū à vutena gbāaane,
à ó sí Sāne Bòrᵛ pᵛfēa.

¹⁷ Zaakū n̄ pᵛfēkipamma gᵛrᵛ zᵛkᵛᵛ kà. Dí mé ani fᵛ à bonn?

7

Sèedakeᵛna Luda zᵛblerinᵛᵛa

¹ Abire gbera ma malaika gbēnᵛn siikᵛᵛ è zεzena andunia kusuru
siikᵛᵛᵛa, n̄ baadi a kusuru ïa kūna, de ïa sún pá zīte ke ísira ke lí kearo
yāi. ² Akū ma malaika pānde è, à bò à fùte ifāboki kpa, à Luda Wēndide
sèedakeᵛᵛ kūna. À lé gbāna zù malaika gbēnᵛn siikᵛ kū ò n̄ gbá zé ò zīte
kū ísiraᵛ yaka pìnᵛᵛ ³ à pì: Àsun zīte ke ísira ke línᵛ yakaro ari ò sèeda ke ó
Luda zᵛblerinᵛᵛ mì'arenᵛᵛa. ⁴ Akū ò gbē kū ò sèedaa pìi kèrᵛmanᵛᵛ lé òmene, n̄
gbēnᵛn dúbᵛᵛ basuppla awεεsiikᵛᵛme. Ò bò Isaraila buri sīnda pínki gūn.

⁵ Yuda burinᵛᵛ gbēnᵛn dúbᵛᵛ kuri awεεpla
Rubeni burinᵛᵛ gbēnᵛn dúbᵛᵛ kuri awεεpla
Gada burinᵛᵛ gbēnᵛn dúbᵛᵛ kuri awεεpla

⁶ Asa burinᵛᵛ gbēnᵛn dúbᵛᵛ kuri awεεpla
Nafatali burinᵛᵛ gbēnᵛn dúbᵛᵛ kuri awεεpla
Manase burinᵛᵛ gbēnᵛn dúbᵛᵛ kuri awεεpla

⁷ Simeᵛᵛ burinᵛᵛ gbēnᵛn dúbᵛᵛ kuri awεεpla
Levi burinᵛᵛ gbēnᵛn dúbᵛᵛ kuri awεεpla
Isaka burinᵛᵛ gbēnᵛn dúbᵛᵛ kuri awεεpla

⁸ Zεbuluni burinᵛᵛ gbēnᵛn dúbᵛᵛ kuri awεεpla
Yusufu burinᵛᵛ gbēnᵛn dúbᵛᵛ kuri awεεpla
Biliaminu burinᵛᵛ gbēnᵛn dúbᵛᵛ kuri awεεpla.

Buri sīnda pínki kakarana ludambe

⁹ Abire gbera ma gbēnᵛ è dasidasi, oni fᵛ ò n̄ lé dᵛro. Ò bò bùsu sīnda
pínki gūn, buri sīnda pínki gūn, gbē sīnda pínki gūn, buriyā sīnda pínki gūn.
Ò zεzena gbà kū Sāne Bòrᵛᵛᵛ are. Ò utagyaba pura dadana, ò zaa lánᵛ
kūkūna n̄ ᵛ. ¹⁰ Òten wiki gbāna lé òten pì:
Surabanaa dī bo ó Luda kū à vutena gbāaa
kū Sāne Bòrᵛᵛᵛ kiamε.

¹¹ Malaikanᵛn zεzena ò lika gbà kū gbē zᵛkᵛᵛn kū pᵛ bēne mèn siikᵛᵛᵛ n̄
pínki, akū ò kùtekute gbāa pì are ò donyī kè Ludane ¹² ò pì:

Aami! Ó Luda mé à tᵛ vī kū gakurio
kū òndᵛᵛᵛ kū sáabuo kū bēεεεᵛᵛ
kū ikooᵛ kū gbānaᵛ gᵛrᵛ sīnda pínki. Aami!

¹³ Akū gbē zᵛkᵛᵛᵛ pìnᵛᵛ doke ma la à pì: Dínᵛn gyabapuradari díkīnanᵛᵛ
úu? Ò bò máa? ¹⁴ Ma pìne: Baa, mᵛkᵛn mé n̄ dᵛ. Akū à òmene: Gbē kū ò
bò wétamma zᵛkᵛᵛᵛ gūnnᵛᵛme. Ò n̄ utagyabaa pìnᵛᵛ pìpì Sāne Bòrᵛᵛᵛ aru gūn
à pura kū.

¹⁵ Abire yāin ò kú Luda gbà are,
òten doi a kpén fānantē kū gwāanio.
Gbē kū à vutena gbāaa pìi dī a kuta kúríla.

16 Nà ke ími ni n̄ de doro,
ifántē ni n̄ léro, gu ni wārm̄maro,
17 zaakū Sāne Bòro kū à kú gbà guragura ni ke n̄ Dāri ũ,
ani doñne are ari ísē wèndide bokia,
gbasa Luda ni n̄ wétē warawarañne pínki.

8

Kāni'ò supplade gonaa

¹ Kū Sāne Bòro kāni'ò supplade gò, ludambe kè kítikiti lákū minti baraakuri taka bà. ² Akū ma malaika gbēn̄on suppla kū òdigō zezena Luda areno è, ò kākāki kpām̄ma mèn suppla.

³ Akū malaika pānde sù à zè turaretitikpataki kū ò pì kū wuraaο sare, à tésibo kū ò pì kū wuraaο kūna. Ò turaretiti kpāa dasidasi de à kakara kū Luda gbēn̄o pínki aduakenaao à kpata, akū à kpāta gbà are turaretitikpataki piia. ⁴ Akū turaretiti túsukpe kū Luda gbēn̄o aduakenaao fūte malaika ōi Luda are. ⁵ Akū malaikaa pì tésibo sè, à té sio turaretitikpatakia à pà, akū à zù zīte. Legū ten pata, àten pūtā, àten pí, akū zīte yīgāyīgā.

Kākāki mèn supplan̄o penaa

⁶ Malaika gbēn̄on suppla kū ò kākāki mèn suppla kūnaa pino a pena soru kè. ⁷ A kākakude a kākāki pè, akū ò legūgbē kū téo kakarana kū aruo kòte zīte. Zīte leu aakōde té kù, lino leu aakōde té kù, sè ísi té kù míomiō.

⁸ Malaika plade a kākāki pè, akū pò téde bō à sì ísiran lán kpi zōkō bà. Ísira leu aakōde lì aru ũ, ⁹ akū ísira pò bēnen̄o leu aakōde gāga, gó'iteno leu aakōde yāka.

¹⁰ Malaika aakōde a kākāki pè, akū susune zōkō kū àten té kū lán sēnte bāa bō ludambe, à lète à dà swano kū ísēbokino leu aakōdela. ¹¹ Susune pì tón Sewe. Í leu aakōde lì sewe ũ, akū gbē kū ò í pì mìn̄o gāga dasi a kyākāyā yāi.

¹² Malaika siikōde a kākāki pè, akū ò ifántē leu aakōde lè kū m̄vuraaο leu aakōde kū susunen̄o leu aakōde, de n̄ leu aakōde sira kū yāi. Akū fānantē leu aakōde gō gupurakūnaa sari, len à kun le gwāani d̄o. ¹³ Akū ma vāu è, àten vura musumus̄u. Ma mà, à wiki gbāna lè à pì: Waiyoo, waiyoo, waiyoo gbē kū ò kú zīten̄o malaika gbēn̄on aakō kū ò gō pino kākāki'ū kū àten gé bo yāi.

9

¹ Malaika soorode a kākāki pè, akū ma susune è, à bō ludambe à lète zīte. Akū ò Zīngowee lòkoto m̄ne kpāa, ² akū susune pì Zīngo wēe lòkoto pì zé wē. Túsukpe bòn lán tām̄ate zōkō túsukpe bà, akū Zīngo wēe pì túsukpe ifántē sira kù, gu kè sí níkiniki. ³ Kwano bōte túsukpe pì gūn, ò dà zītela. Ò n̄ gbá gbāna lán andunia fīno gbāna bà. ⁴ Ò pīn̄e òsun wari d̄o sēaro ke lá ke lí ke, séde gbē kū ò Luda sēeda vī n̄ m̄'arearon̄o. ⁵ Odi n̄ gba zé ò gbēno dedero, ama oni n̄ da m̄'ummanan ari m̄o sooro. N̄ wāwā de lán fī gbēpana wāwā bàme. ⁶ Goro biren̄o gbēno ni ga wete, oni ero. Ga ni ni n̄ de, ama ga ni bà léñne.

⁷ Kwa pino de lán s̄o kū ò soru mà kū z̄ion̄o bà. Ò pōke kúkuna lán wura fūraa bà, n̄ ān de lán bisāsiri ānn bà. ⁸ Ò mikā vī gbānagbāna lán n̄ogbē

mikā bà, ò sakanɔ vī lán músu saka bà. ⁹ N kùse de lán mò uta bà, n dèmbere kīni dɔ lán gó dasi kù sɔnɔ ten gáte z̄i gūn kīni bà. ¹⁰ Ò vlā vī kù kàao lán fī pɔ bà. N gbāna kú n vlā pìnɔ, de ò wari dɔo gbēnɔ ari mɔ sɔɔro. ¹¹ Z̄ingowee lókoto malaikaa pime n kina ũ. Kū Eberu yāo a tón Abad̄. Kū Giriki yāo s̄ Ap̄olīs̄. ¹² Yā pāsī káakupɔ gēt̄e, a mèn planɔ ten su a kpe dɔ.

¹³ Malaika suddode a kākāki pè. Ma kòtoo mà à bò Luda ar̄e turareti-tikpataki kù ò pì kù wuraaò bēne siik̄nɔ kpa. ¹⁴ À pì malaika suddode kù à kākāki kūnaane: N malaika gbēnɔn siik̄ kù ò yīyīna swada kù òdi pì Yuflati sar̄enɔ poro. ¹⁵ Akū à malaika gbēnɔn siik̄ kù ò n soru kè wē birea mɔ birea gɔɔ birea gɔɔ zaka bire yāinɔ pòro, de ò bisāsirinɔ leu aak̄ode dede yāi. ¹⁶ Ò soza s̄denɔ dasi lé òmene, ò gbēnɔn milī wàa dome. ¹⁷ Wégupu'ena p̄i gūn lán ma s̄ p̄inɔ kù n òrinɔ è n̄an dí: Ò mò utanɔ dadana t̄e lán té bà, búgu lán buluu bà, kp̄à'ikpa'i lán ifant̄gb̄ɔɔ bà. S̄ p̄inɔ mì de lán músu mùi bà. Té kù túsukpeo kù ifant̄gb̄ɔɔ ten bo n lén. ¹⁸ Kisira mèn aak̄ dík̄inanɔ, té kù túsukpeo kù ifant̄gb̄ɔ kù àten bo n lé gūnwɔ mé à bisāsirinɔ leu aak̄ode dede. ¹⁹ Zaakū s̄ p̄inɔ gbāna kú n lé gūn kù n vlāo dɔ. N vlā de lán ml̄ē bà, ò mì vī kù òdi wari dɔo gbēnɔ.

²⁰ Gbē kp̄ara kù odi gaga kisira p̄i musuronɔ, odi n̄ese lite ò pɔ kù ò kè yā tòro. Ò kpé òten kúte t̄anan̄e kù pɔ kù ò kè kù wuraaò kù andurufuuo kù m̄ogot̄eo kù gb̄eò kù lío. Pɔ p̄inɔ d̄i gu ero, òdi yā maro, òdi t̄aa o s̄ro. ²¹ Odi n̄ese lite ò n gb̄ed̄ena tòro ke n p̄odamma ke n gb̄āsik̄ena ke n kp̄ani'ona.

10

Malaika kù takada porona f̄itinn̄ao

¹ Akū ma malaika gbānade p̄ande è, à bò ludambe, àten kipa. Ludambe luku likai, ludambef̄eneda kù a mila. A an de lán ifant̄e bà, a gbānɔn de lán t̄enene bà. ² À takada f̄itinna kūna porona. À a ɔpla gbá z̄e ísira, à a ɔze gbá z̄e z̄itea. ³ À wiki gbāna lè lán músu p̄ūtānaa bà. Kù à wiki lè, legūp̄ūtāna mèn supplanɔ yā ò. ⁴ Kù legūp̄ūtāna mèn suppla p̄inɔ yā ò le, má ye mà k̄e takada gūn, akū mà kòtoo mà, à bò ludambe à p̄i: N̄ḡ yā kù legūp̄ūtāna mèn suppla p̄inɔ ò kūna asiri gūn, n̄sun k̄ero. ⁵ Malaika kù ma è zena ísira kù z̄iteoaa p̄i a ɔpla s̄e à d̄s̄ musu, ⁶ akū à si kù Luda kù à kun gɔɔ s̄inda p̄inkio kù à musu kù z̄iteo kù ísiraoo kè kù pɔ kù ò kú n gūnnɔ p̄inkio à p̄i: Ani ḡi k̄e doro. ⁷ Malaika supplade kākāki p̄egɔɔ z̄i, tó àten su pé, Luda p̄oyenyīna kù à utena ni k̄e, lán à a baaruu kp̄a a z̄òbleri annabin̄ene nà.

⁸ Akū ma kòto kù ma mà à bò ludambe p̄i mà dɔ à p̄i: N̄ gé n̄ takada porona kù à na malaika kù à zena ísira kù z̄iteoo musu ò sí. ⁹ Akū ma ge malaikaa p̄i k̄ina, ma p̄ine à takada f̄itinna p̄i kp̄ama, akū à p̄imene: N̄ sí n̄ só. Aniḡ nna n lén lán z̄s̄ bà, ama ani k̄e n n̄eseenero. ¹⁰ Akū ma takada f̄itinna p̄i s̄i malaikaa p̄i ɔ̄i, ma sò. À kè nna ma lén lán z̄s̄ bà. Kù ma mò, adi k̄e ma n̄eseenero. ¹¹ Akū ò p̄imene mà annabikeyā o dɔ manamana burinɔ kù b̄usunɔ kù buriyānɔ kù k̄inanɔ yā musu.

11

S̄edade gbēnɔn planɔ

¹ Akū ò leba kp̄ama p̄oȳb̄o ũ, ò p̄imene: N̄ fute n̄ Luda kpé ȳ kù a gbagbakio, n̄ donyīri kù ò kú gwenɔ n̄aro. ² N̄ a ɔn tó, n̄sun ȳro, zaakū

ò kpà kifirinɔaame. Oni gèse pétepete Luda weraa ari mɔ bupla awεεpla. ³ Mani ma sèedade gbɛ̀nɔn planɔ gba zé ò annabikeyá o gɔɔ wàa suddo kú baaakɔo pìi gún kú uta kasanɔ dadana. ⁴ Gbɛ̀ pìnɔn kú lí mèn pla kú fitiladibɔ mèn pla kú ò zena andunia Dikiri areno ù. ⁵ Tó gbɛ̀ ten wete à wari dɔ́m̀ma, té ni bo n lén à n iberεε pìnɔ kpáta. Len gbɛ̀ kú àten wete à wari dɔ́m̀ma ni ga le. ⁶ Ò ludambe zé tatana gbána vī, de legū sún ma gɔɔ kú òten annabikeyá oro yáì. Ò í litena aru ù gbána vī dɔ. Oni kisira buri sinda pínki kpá andunia gɔɔ kú ò yeiia.

⁷ Tó ò n sèedaakena laka, nɔ̀bɔ pāsī kú àdi bo Zīngo wεε lòkoto gún ni zī ká kúnwo à zī bleríma à n dede. ⁸ N gènɔ nigɔ katena wera zɔkɔ kú ò n Dikiri pà lía zéda gún. Yáasi gún òdi wera pì sísi Sɔdɔmu ke Misila. ⁹ Gbɛ̀ sinda pínki kú buri sinda pínki kú buriyá sinda pínki òrinɔ kú busu sinda pínki gbɛ̀nɔ ni n gènɔ gwagwa ari gɔɔ aakɔ kú a kusuo, oni we ò n vīro. ¹⁰ Gbɛ̀ kú ò kú zītenɔ ni pɔnna ke, oni dikpe ke, oni gba dakɔne, kú annabi gbɛ̀nɔn pla kú ò wari dɔ́m̀ma pìnɔ gága yáì.

¹¹ Gɔɔ aakɔ kú a kusuo pìi gbera Luda tò wisa wèndide gèngu, akú ò fùte ò zè. Vīna gbɛ̀ kú ò n éno kú manamana. ¹² Akú annabii pìnɔ kòto gbána mà à bò ludambe, à pìnne: À fute à mɔ la. Gɔɔ kú n iberεno wé fírma, akú ò fùte ò tà musu ludambe luku gún. ¹³ Zī kú zīte yīgāyīgā pāsīpāsī, wera pì leu kuride gbòro, akú gbɛ̀nɔn dúbú supplanɔ gága zīteyīgāyīgānaa pìi gún. Vīna gbɛ̀ kparano kú, akú ò bèεεe lī Luda Musudene. ¹⁴ Yá pāsī plade gète, a aakɔde ten ká sà.

Kakaki supplade pɛnaa

¹⁵ Malaika supplade a kākaki pè. Kòto gbánanɔ bò ludambe ò pì:

Andunia kpataa gɔ́ ó Dikiri pɔ ù

kú kína kú à kàao,

anigɔ kí ble gɔɔ sinda pínki.

¹⁶ Gbɛ̀ zɔkɔ gbɛ̀nɔn baro awεεsiikɔ kú ò vutevutena n gbàaa Luda are pìnɔ kùtekute ò donyī kènε ¹⁷ ò pì:

Dikiri Luda Gbānasīndapinkide

kú n kun yá akūsɔ n kun ari tera,

o n sáabu kè,

zaakū n bo kú n gbána zɔkɔome,

gbasa n na kíblenaa.

¹⁸ Bùsu sinda pínki gbɛ̀nɔ pɔ fè,

akū n pɔfè kīparíma.

N yákpatekena kú gyāwāndeno gɔɔ kà.

Īni fīna bo n zòbleri annabinɔne

kú n gbɛ̀ kú òten vīna kenneno,

né fīti gbɛ̀ zɔkɔ,

īni anduniaderino dede.

¹⁹ Akú ò Luda kpé kú à kú musu wè, akú ò Luda bàka konna kúnwo àkpatii è a gún. Legū ten pí, àten pata, àten pūtā. Zīte yīgāyīgā, legūgbε pāsī kòte.

12

Nɔgbɛ̀ kú kwā zɔkɔo

¹ Akú ma wé sī sèeda zɔkɔ bonsarele ludambe. Nɔgbɛ̀ ke ifantē yīna biza ù, mɔvura kú a gbá gbáru, à susune mèn kuri awεεplanɔ kuna kífura ù.

² À nòsina, akū nòwāwā fùtea, àten né'iwāwā wiki lé. ³ Akū ma wé sù pò pàndele ludambe sèeda ũ. Kwā zōkō tēra zónzon kú gwe, a mii mèn suppla, a bēne mèn kuri. À kífura mèn supplanō kúkuna. ⁴ À susunenō leu aakōde wōwo ludambe kú a vlāo, à kòte zīte, akū à sù à zè nōgbē kú à ye à né i pì are, de à le à né kú ani i pì só yāi. ⁵ Akū nōgbē pì nēgōgbē kú ani kú ble buri sīnda pínkia kú mò gōoo Ì. Akū ò né pìi sè ò tà káao Luda kú a gbāao kínaa. ⁶ Nōgbē pìi bàa lè à tà sēn, gu kú Luda kèkene, de ò a gwa gɔɔ wàa suddo kú baaakōoo gūn.

⁷ Akū zì fùte ludambe, Mukaila kú a ìbanō zīi kà kú kwā pìio, kwā kú a ìbanō zīi kà kúnwo. ⁸ Akū nì gbāna kàa, odi vuteki e ludambe dorō. ⁹ Ò pè kwā zōkō pìia ò a bò. Àkū mé à mlē zī kú òdi pì Ibilisi kesō Setan, andunia pínki sàteri ũ. Ò a bò ò zù zīte kú a ìbanō lēle. ¹⁰ Akū ma kòto gbāna mà ludambe à pì:

Ó Luda zīi blè sà,
a gbāna kú a kpataao bò gupuraa,
à ikoo kpà kína kú à kàa.

Zaakū ò pè yādimmariia ò a bò.

Akū mé àdigō ó gbēno yaka ó Ludane fānantē kú gwāanio.

¹¹ Ó gbēno zīi blèa kú Sāne Bōɔ aru gbānao
kú nì sèedadekeyāo.

Ò gi nì wēndiii ari ò gēe gào.

¹² Abire yāi ákōno kú á kú ludambeno,
à ponna ke.

Waiyoo zīte kú ísira,
zaakū Ibilisi kipaáwa kú pofē zōkōome,
kú à dō kú gɔɔ kú à gōare kpáaro yāi.

¹³ Kú kwā è ò a zu zīte, akū à pète nōgbē kú à nēgōgbē ì pìii. ¹⁴ Akū ò vāu zōkō dēmbere mèn pla kpà nōgbē pìia à vurao à ke zā kú mlēe pìio, à tá gu kú ò kèkene sēn, de ò a gwa gwe wē aakō kú a kusuo. ¹⁵ Mlēe pì í pisi nōgbē pìi kpē lán swa bà, de ísō le à a sé, ¹⁶ akū zīte nōgbē pìi mii sù, à a lé wē, à í kú à bò kwā lén pìi mii. ¹⁷ Akū kwā pì pō fē nōgbē pìii, à gēe zī ká kú a buri kú ò gōno, gbē kú ò Luda yā kūna, kú ò kun Yesu sèedade ũno. ¹⁸ Kwā pì zena ísira léa.

13

Nbò pásì mèn planō

¹ Akū ma nbò pásì è, àten bo ísira pìi gūn, a mii mèn suppla, a bēne mèn kuri. Bēne mèn kuri pìnon kífura kúkuna. Dōkena kú Ludao tó kēna a mii pìna. ² Nbò pásì kú ma èe pìi bò lán sàboo bà, a ɔ pásì manamana. A lé de lán músu lé bà. Kwā a gbāna kpàa kú a gbāao kú a iko zōkōo. ³ A mii pìno doke de lán ò a kari kē ari à kà ganaa bà, akū a bōo pìi làka. A yā bò andunia gbē sīnda pínki sare, akū ò tēi. ⁴ Akū ò donyī kē kwā pìine, kú à a ikoo kpà nbò pásì pìia yāi. Ò kùte nbò pásì pìine dō ò pì: Dí mé à kà nbò pásì pì ũu? Dí mé ani fō à zī ká káao?

⁵ Ò karambaani yā'ona lé kpà nbò pásì pìia, à Luda tó bēne sío, akū ò a gbà zé à iko ke ari mō bupla awēepla. ⁶ Akū à nà dōkena kú Ludaooa, à a tó bēne sù kú a kúkió kú gbē kú ò kú gweno. ⁷ Ò a gbà zé à zī ká kú Luda

gbēno à zì bleríma. Ò a gbà zé do àgō iko vī buri sīnda pínkia kú gbē sīnda pínkio kú buriyā sīnda pínki òrinō kú būsu sīnda pínkio. ⁸ Tó adi ke gbē kú n tó kú wēndi takada gūnnō baasiro, gbē kú ò kú zītenō ni donyī ke nòbo pāsī piine n pínki. Takada pì bi Sāne Bòro kú ò dè zaade Luda dí andunia kátero pómē. ⁹ Gbē kú à sá vī yā pì ma.

¹⁰ Gbē kú Luda dìte ò a kú zìzo ū oni a kūmē.

Gbē kú Luda dìte ò a de fēnedao fēnedan oni a deo. Abire ten o Luda gbēno ògō mena vī, ògō náani vī.

¹¹ Akū ma nòbo pāsī pānde è, àten bo zīten. A bēne vī mèn pla lán sāne bōro pò bà, ama à yā ò lán kwā bàme. ¹² À nòbo pāsī káakupō pì iko pínki kè a wára. À tò zīte kú gbē kú ò kúano donyī kè nòbo pāsī káakupō kú ò a kari kè ari à kà gana a bōo làka piine. ¹³ À daboyā zōkōno kè, ari se à tò té bō ludambe, à lète zīte bisāsirinō wára. ¹⁴ À gbē kú ò kú zītenō sàte kú daboyā kú ò a gbà zé à kè nòbo pāsī káakupō pì wáranō. À piinne ò nòbo pāsī kú ò a kari kè kú fēnedao, akū à kpé bēne taka ke. ¹⁵ Ò a gbà zé à wēndii kpà nòbo pāsī taka piia, akū nòbo pāsī taka pì yā ò, à tò ò gbē kú ò gi donyī kenēino dède. ¹⁶ À tò ò sēeda kè n gbē sīnda pínki opla kesō n m'are, né fíti gbē zōkō, aruzekedenō kú takasidenō, zōno kú zīdadeno. ¹⁷ Gbē kú à nòbo pāsī pì tó sēeda vīro kesō à tó lambaa, ade ni fō à pò yía kesō à lúro. ¹⁸ Ōndōyān dí. Gbē kú à wézé vī, à nòbo pāsī pì lambaa dōdo, zaakū bisāsiri tó lambaame. À lamba bi wāa aakō kú baaakō awēesuddome. (666)

14

Sāne Bòro kú gbē kú à n bōno

¹ Akū ma Sāne Bòro pìi è zena Zaiō kpia. Gbēnon dúbu wāa suppla awēesiikō kú káao. A tó kú a De tóo kēna n m'arenōa. ² Ma kīni mà à bō ludambe lán ísōkena kīni bà, lán legūpūtāna gbāna bà. Kīni kú ma màa pì de lán mōrolerinō mōro'ū bà. ³ Gbēnon dúbu wāa suppla awēesiikō pino ten lè dufu sí gbà kú pò bēne mèn siikōno kú gbē zōkōno are. Gbēke dí fō à lèe pìi dàdaro, tó adi ke gbē kú ò n bó andunia gūn pino baasiro. ⁴ Mókōno me gbē kú odi gbāsī ke kú nōgbēnono ū, kú ò kun lési. Ōdigō té Sāne Bòroo gu kú adi gén pínki. Ò n bó gbē káakunō ū Ludane kú Sāne Bòroo pìio. ⁵ Odi ma ziki kú ò éke tòro, akūsō ò taari vīro.

Yākpatekēgōro baarukpanaa

⁶ Akū ma malaika pānde è, àten vura musumusu. À baaru nna kú à kun gōro sīnda pínki kūna, de à kpá gbē kú ò kú zītenōne, būsu sīnda pínki, buri sīnda pínki, buriyā sīnda pínki kú gbē sīnda pínkio. ⁷ À kòtoo sè gbānagbāna à pì: À vīna ke Ludane, à bèere líne, zaakū a yākpatekena kú gbēnoo gōro kà. À donyī ke Luda kú à musu kú zīteo kú ísirao kú ísēbokino kēne.

⁸ Malaika plade té a kpe à pì: Babilōnu gbōro! Wera zōkōo pìi gbōro! À tò buri sīnda pínki a pāpākena wē gbāna kú àdi su kú Luda pōfēoo mī.

⁹ Malaika aakōde té n kpe, à kòtoo sè gbānagbāna à pì: Tó gbē donyī kè nòbo pāsī piine kú a takao, à a sēedaa si a m'area kesō a o, ¹⁰ akū mé ani Luda pētē wē kú ò kà atēne a pōfē tokon mī, ani wāwā ma té kú ifāntēgbōo gūn Luda malaikanō kú Sāne Bòroo are. ¹¹ N wētāmma túsukpe nigō bo gōro sīnda pínki. Gbē kú ò donyī kè nòbo pāsī piine kú a takao, ò a tó sēedaa

kènɔn Ìampana vīro fānantē kū gwāanio. ¹² Abire ten o Luda gbēnɔne ògō mēna vī, gbē kū ò yā kū à ditēnɔ kūna, òten Yesu náani kenɔ.

¹³ Akū ma kòtoo mà, à bò ludambe à pì: Ñ adikīna kē. Arubarikadenɔme gbē kū oni ga kunna Dikiri gūn zaa teranɔ ũ. Luda Nini pì: Leme! Oni kamma bo kū n̄ zīo, zaakū n̄ yāmanakena gbè tēnyī.

Zīte pónɔ kēkēnaa

¹⁴ Akū ma ludambe luku è, póke vutēnaa lán bisāsiri bà. À wura fūra kuna, à kòma lénna kūna. ¹⁵ Akū malaika pānde bò Luda kpén, à lé gbāna zù gbē kū à vutena ludambe lukuaai à pì: Ñ kòma ká pói n̄ kē, zaakū zīte pónɔ mà, à kà kēna. ¹⁶ Akū gbē kū à vutena ludambe lukua a kòmaa màte zīte, à zīte pónɔ kēkē.

¹⁷ Malaika pānde bò musu Luda kpén, à kòma lénna kūna dɔ. ¹⁸ Akū malaika pānde kū à té iko vī bò sa'okia. À lé gbāna zù gbē kū à kòma lénna kūnaa pii à pì: Ñ n̄ kòma lénna ká geepi yō kū ò kú zītenɔi n̄ zōzō, zaakū n̄ nénɔ mà. ¹⁹ Akū malaikaa pì a kòmaa màte zīte, à geepi yōnɔ zōzō, à ká geepi'ifēki zōkō kū à de Luda pɔfēkipabɔ ũ gūn. ²⁰ Ò gèsee pèterete geepi yō pìnɔa wēte kpe, akū aru bôte geepi'ifēki gūn, à dàgula ari kiloo wàa do kpé basɔro, à lei kà s̄s̄ s̄m̄o léi.

15

Kisira kpekpe mèn supplanɔ kpányīnaa

¹ Akū ma sèeda pānde è ludambe, à zōkō, à bò ma sare. Malaika gbēnɔn supplanɔn kisira kpekpe mèn supplanɔ kūna. Abirekūn Luda ni a pɔfēkipamma lākao.

² Akū ma póke è lán sèbee bà, à de lán dígi bà kakarana kū téo. Ma gbē kū ò zīi blè n̄bɔ pāsī piia kū a takao kū a tó lambaasonɔ è zena sèbe kū à de lán dígi bàa pii sare, ò mɔrɔ kū Luda kpámmanɔ kùkūna. ³ Òten Luda zòbleri Musa lè sí kū Sāne Bòrɔ lèeò ò pì:

Dikiri Luda Gbānasīndapinkide,
n yākenanɔn zōkō, ò bò ó sare.

Buri sīnda pínki Kína,
ndi yā ke a zéa kū yāpurao.

⁴ Dikiri, dí mé à n̄ vīna vīroo?

Dí mé ani gí n̄ tó kpáii?

Zaakū n̄ mèn do n̄ kú adona.

Buri sīnda pínki ni su à donyī kenne,

zaakū n̄ yāmanakenanɔ bò gupuraa.

⁵ Abire gbera ma Luda kpé è wēna musu, bizakuta kū à doka kun ũ.

⁶ Akū malaika gbēnɔn suppla kū ò kisira mèn suppla kūnanɔ bôte kpé pii gūn. Ò táaru biza pura táitai kū àten té ke dadana, wura asa dɔdɔna n̄ kùseea. ⁷ Akū pó bēne mèn siikōnɔ doke wura kere kpà malaika gbēnɔn suppla pìnɔ baadia. Luda kū àdigō bēne gɔrɔ sīnda pínki pɔfē kán à pà.

⁸ Luda gakuri kū a gbānao túsukpe kpé pii pà. Gbēke ni f̄s̄ à gēnlo ari malaika gbēnɔn suppla kisira mèn suppla pìnɔ gèe à làkao.

16

Luda pɔfēkipana anduniaa

ò pì kù wuraaonɔ dana kù gbè bèɛɛdenɔ kù òsonɔ. À wura toko kùna, tɛ̀ pónɔ kù a pāpākena gbāsīnɔ kán à pà. ⁵ Ò tó asiride kɛ̀ a mì'area ò pì:

Wéra zókɔ Babilɔnu,

pāpākerinɔ kù andunia tɛ̀ pónɔ da.

⁶ Ma è nɔgbɛ̀ pì Luda gbɛ̀ kù ò n̄ dɛɛɛ Yesu sèedakpana yāinɔ aru mì à kà, àteni a de lán wɛ̀ bà.

Kù ma a è, yā pì bò ma sare manamana. ⁷ Akù malaikaa pì ma la à pì: Bó yā mé à tò yā pì bò n sareɛ? Mani nɔgbɛ̀ pì asiri onne kù n̄bɔ pāsī kù à a sɛna asirio, kù a mìnɔ mèn suppla a bēnɛnɔ mèn kurii pì. ⁸ N̄bɔ pāsī kù n̄ èe pì kun yā, à kun tera doro, akūsɔ ani bo Zingo wɛ̀ lòkotoo gūn à mì pé kakatɛnaaa. Gbɛ̀ kù ò kú zīte, akūsɔ n̄ tó kú wɛ̀ndi takadan zaa andunia naanagɔɔaronɔ, tó ò n̄bɔ pāsī kù à kun yā, akū à kun tera doro, ama ani era à su pì è, a yā ni bo n̄ sare. ⁹ Laasunde kù à ɔndɔ vī yān dí. Mì mèn suppla pìnɔ bi sīsī mèn suppla kù nɔgbɛ̀ pì vutenaanɔmɛ. Kína gbɛ̀nɔn supplanɔmɛ dɔ. ¹⁰ N̄ gbɛ̀nɔn sɔɔro lète, gbɛ̀ mèn do kun, gbɛ̀ mèn do kpé. Tó à sù, ani gī kero. ¹¹ N̄bɔ pāsī kù à kun yā, akū à kun tera doro pì bi kína sɔraakɔdemɛ. Gbɛ̀nɔn suppla pìnɔ dokemɛ dɔ. Àten mì pé kakatɛnaaa. ¹² Bēne mèn kuri kù n̄ èe pìnɔ bi kína gbɛ̀nɔn kuri kù odi kpata ble k̄ronɔmɛ. Ama oni kī ble gɔɔ fitinle gūn kù n̄bɔ pāsīo lɛɛɛ. ¹³ N̄ gbɛ̀nɔn kurii pìnɔ lédok̄nɔmɛ. Oni n̄ gbāna kù n̄ ikoo kpá n̄bɔ pāsī pīa. ¹⁴ Oni zī ká kù Sāne B̄rɔɔo, ama ani zī blér̄ma, zaakū dikirinɔ Dikirimɛ, kīnanɔ Kīnamɛ. A gbɛ̀ nāanide kù à n̄ sīsī à n̄ sɛnɔn kú k̄aa. ¹⁵ Akù malaikaa pì òmɛnɛ: Swa kù n̄ è karua vutenaanɔ bi gbɛ̀nɔ kù parinɔ kù burinɔ kù buriyānɔmɛ. ¹⁶ N̄bɔ pāsī kù bēne mèn kuri kù n̄ èe pìnɔ ni zā karuaa pìgu. Oni a kakate, ò à tó pótompo. Oni a só, oni té s̄a. ¹⁷ Zaakū Luda a p̄yenyīnaa dànnɛ n̄ swɛ̀n ò lédok̄nɔ kemɛ. Oni n̄ kpata kpá n̄bɔ pāsī pīa ari Luda yā gé papao. ¹⁸ Nɔgbɛ̀ kù n̄ èe pì bi wéra zókɔ kù à iko vī andunia kīnanɔaamɛ.

18

Babilɔnu gboronaa

¹ Abire gbera ma malaika pānde è bona ludambɛ. À iko zókɔ vī, à gakuri andunia pura kù. ² À wiki gbāna lè à pì: Babilɔnu gbòro, wéra zókɔ pì lète.

À ḡ t̄ananɔ kúki ũ, t̄ana buri s̄inda pínki tò ũ,

bā kù òdi n̄ tɛ̀ bo ò zāngunɔ be ũ.

³ Zaakū buri s̄inda pínki a pāpākena wɛ̀

kù àdi su kù Luda p̄f̄ɛoo mì.

Andunia kīnanɔ gbāsī kè k̄aa,

akū andunia lagatarinɔ kè aruzekɛdenɔ ũ

a nnamana zókɔ gūn.

⁴ Akù ma kòto pānde mà bona ludambɛ à pì:

À b̄te wɛ̀te pì gūn ma gbɛ̀nɔ,

de á ɔ s̄unḡɔ kú a durunnannɔ gūn

yā kù oni m̄nɛnɔ sún á lero yāi.

⁵ Zaakū a durunnannɔ gbà ò z̄ò ludambɛa,

akū a dàkenannɔ d̄ò Ludagu.

⁶ À fīna bonɛ yā kù à k̄èñnea,

à kene a yākenaaa leu pla.

À pētē wē káne a tokon

de pó kú à kànnela leu pla.

⁷ À wāwā kú wēndayāo kpái,

lákū à tó bò nnamanaa gūn lén nà.

Zaakū àdi o a swēe gūn,

saraunian a ū vutena a gbàaa,

gyaanɔ takasiden a ūro,

āni wēnda ke zikiro.

⁸ A yā mé à tò kisira díkīnanɔ ni a le gɔɔ do,

ga kú wēndao kú nāao.

Té mé ani kūa,

zaakū Dikiri Luda a yākpatekeri gbāna.

⁹ Andunia kína kú ò gbāsī kē káao, ò nna mà káaonɔ, tó ò a tékūna luku

è, oni ɔɔ do, oni ní zīda kēkē. ¹⁰ Oni ze zà vīna gūn wāwā kú ò kpài yāi ò pi:

Waiyoo, waiyoo, wéra zōkō!

Wéra ikode Babilɔnu!

Yā vùtemma gɔɔ do gōnɔgōnɔ yā!

¹¹ Andunia lagatari ni ɔɔ do sō, oni wēnda kene, kú gbēke ni ní laga

díkīnanɔ lúrīma doroyāi: ¹² Wura, andurufuu, gbè bèeredenɔ, òsonɔ, biza

ɔgɔdenɔ, biza tēra kú a gaaruradenɔ, siliki, lí mana buri pínkinɔ, pó kú

òdi ke kú wisa sakaaonɔ kú lí bèeredenɔ kú m̀ogotēnɔ kú m̀sinɔ kú gbè

puranɔ pínki, ¹³ líteke gbīnnadenɔ, dò pónɔ, turaretitinɔ, lí'ɔnɔ, wē, nísi,

flawa, póblewēnɔ, zùnɔ, sānɔ, sōnɔ kú ní gónɔ, zònɔ kú bisāsiri wēndinɔ.

¹⁴ Oni pine: Pó mana kú ndi a ni denɔ lākamma pínki. N nnamana kú n

gakurio pítimma pínki, ĩni kara ò ní e ziki doroyāi.

¹⁵ Lagatari kú ò kè aruzekedenɔ ū wéra p̀i gāinɔ ni ze zà vīna gūn wāwā

kú ò kpài yāi. Oni ɔɔ do ò wēnda ke ¹⁶ ò pi:

Waiyoo, waiyoo wéra zōkō!

À táaru biza yā yā

kú biza gaaruradeo kú a wé tēradeo.

À záblebɔ kú ò pi kú wuraaonɔ dà yā

kú gbè bèeredenɔ kú òsonɔ.

¹⁷ À aruzeke sīnda pínki lāka gɔɔ do gōnɔ.

Gó'ite dikirinɔ kú táa'orinɔ kú gó gbēnɔ kú gbē kú òdi zī ke ísira musunɔ ni

ze zāzā ní pínki. ¹⁸ Tó ò wéra p̀i tékūna luku è, oni wiki lé ò pi: Wéra ke kun

yā kú a zōkō kà wéra díkīna ūro. ¹⁹ Oni ɔɔ do, oni ní zīda kēkē, oni wēnda

ke, oni wiki lé ò pi:

Waiyoo, waiyoo wéra zōkō!

Gbē kú ò gó'ite vī ísira musunɔ pínki

kè aruzekedenɔ ū kú aruzeke kú à p̀isiaao,

akū à gō bezi ū gɔɔ do gōnɔ.

²⁰ À ponna ke a yā musu ludambedenɔ kú Luda gbēnɔ kú a zīrinɔ kú a

annabínɔ, zaakū Luda mé à fīna b̀oaáre.

²¹ Akū malaika gbānade gbè kú à kà wísilgbē gbèntē ū sè à zù ísira gūn

à pi:

Lén oni wéra zōkō Babilɔnu zun le kú gbānao,

oni wéra p̀i e ziki doroyāi.

²² Oni m̀ɔɔ ke gāgā

ke kutε kesō kākāki'ū ma n gūn ziki doro.
 Oni ɔzīkeri ke le n gūn ziki doro.
 Oni wísilɔgbε kīni ma n gūn ziki doro.
 23 Oni fitila gupura e n gūn ziki doro.
 Oni nɔsekīni ma n gūn ziki doro.
 N lagatarinɔ bi andunia gbε zōkōnɔme yā,
 n pɔ dà buri sīnda pínkia, n n̄ m̄i lite.
 24 Ò annabinɔ kū Luda gbēnɔ aru lè a gūn
 kū gbē kū ò n̄ dεdε andunia gūnnɔ n̄ pínki.

19

Pɔnnakεna ludambe

1 Abire gbεra ma koto gbāna mà ludambe lán pari yā'onaa bà à pì:
 Aleluya! Ó Luda mé à zīi blè!
 Àkū mé à gakuri kū gbānao vī ado,
 2 zaakū àdi yākpate ke kúnwo
 a zεa kū yāpuraome.
 À yākpate kè kū karua zōkō
 kū à andunia yāka kū a pāpākεnaao.
 À a zòblerinɔ dεdεna fīna bòa.
 3 Ò pì dɔ:
 Aleluya!
 A túsukε nigō dɔ gɔrɔ sīnda pínkime.
 4 Gbε zōkō gbēnɔn baro awεesiikōnɔ kū pɔ bēne mèn siikōnɔ wùtεwute ò
 donyī kè Luda kū à vutena a gbāaane ò pì:
 Aami! Aleluya!

Sāne B̄rɔ nɔsepɔble

5 Akū ma kotoo mà bona gbàa pì kīnaa à pì:
 À ó Luda tó kpá a zòblerinɔ á pínki,
 ákōnɔ kū á a vīna vīnɔ,
 né fiti gbε zōkō.
 6 Akū ma kotoo mà lán pari yā'onaa bà, lán isōkena kīni bà, lán legūpūtāna
 gbāna bà à pì:
 Aleluya!
 Dikiri ó Luda Gbānasīndapinkide nà kíblenaaa.
 7 Ò pɔnna ke, ò yāa dɔ, ò a tó kpá,
 zaakū Sāne B̄rɔ nɔsegɔrɔ kà, a nɔ sorumii mà.
 8 Ò táaru biza pura táitai kū àten té ke kpāa à yī.
 Táaru biza pì bi Luda gbēnɔ yāmanakεnanɔme.
 9 Malaikaa òmene: N̄ kē. Arubarikadenɔn gbε kū ò n̄ sísi Sāne B̄rɔ pì
 nɔsepɔbleanɔ ũ. À òmene dɔ: Luda yā yāpuran gwe. 10 Ma wute a are de
 mà donyī kene, akū à òmene: N̄ abire tó. N̄ donyī ke Ludane. N zòbleri
 daken ma ũ kū n gbε kū ò yā kū Yesu de a sèedade ũ kūnanɔ. Zaakū yā kū
 Yesu de a sèedade ũme annabikeyā'ona m̄i ũ.

Kirisi suna dina sō puraa

11 Akū ma ludambe è wēkōana, akūsō pura bò, gbε kū à dia tón Náanide
 Yāpurade. Àdi yākpate ke kúnwo, àdi zī ká kúnwo a zεa. 12 A wé de lán
 tévuraa bà, à kífura kúkuna dasi. Tó ke kēna a m̄i'area, gbεke tó pì yāasi d̄ro,

akāa baasiro. ¹³ À uta kū ò dà aru gūn dana. À tón Luda Yā. ¹⁴ Ludambe zìkarinon tēi, ò didi sō puranɔa kū táaru biza pú táitaio dadana. ¹⁵ Fēneda lénna ten bo a lén, de à burinɔ léo. Ani kí blerímma kū mò gòoo, ani gèse péte geepi nénɔa geepi'ifēki gūn, àkūme Luda Gbānasīndapinkide pɔfē pāsī ũ. ¹⁶ Ò tó díkīna kē a utaa kū a gbádao:

Kínano Kína, dikirinɔ Dikiri.

¹⁷ Akū ma malaikaa è à zena ifántēn. À lé gbāna zù bā kū òten vura musumusunoi pínki à pì: À mós à kakara à pòble zòkò kū Luda kēare ble, ¹⁸ de à le à kínano gè só kū soza gbē zòkòno kū gbānadeno kū sōno kū n dirino kū gbē sīnda pínkinɔ, zīdadeno kū zòno, né fíti gbē zòkò. ¹⁹ Akū ma nòbo pāsī è kū andunia kínano kū n zìkarinɔ, ò kò kākara ò zì ká kū gbē kū à di sōa pìio kū a zìkarinɔ. ²⁰ Ò nòbo pāsī pìi kù lēle kū annabi éke kū à daboyāno kè a arɛo. Daboyā pìnɔn à gbē kū ò nòbo pāsī sèeda vī, ò kùte a takaneno sàteo. Ò n zú té sèbe kū àten kū kū ifántēgbòo gūn bēne n pla n pínki. ²¹ Gbē kū à di sōa gbē kparano dède kū fēneda kū à bò a lé gūnwo, akū bāno n gèno blè ò kà pínki.

20

Kirisi kīblena andunia gūn wè wàa sɔɔro

¹ Akū ma malaikaa è bona ludambe, à Zīngo wèe lòkotoo mōne kūna kū mòkakòana gbìgiriio. ² À kwā kū à de mlè zī ũ, kū òdi pi Ibilisi ke Setan kū, akū à mòbo kàa ari wè wàa sɔɔro. ³ Malaikaa pì a zù Zīngo wèe lòkotoo pìi gūn, à zé tàre à mòda kài à kà de àsun burinɔ sàtero ari wè wàa sɔɔro pì gé papao. Abire gbera oni a gbarɛ fíti.

⁴ Akū ma gbàno è kū gbē kū ò vutenaano. Ò n gbá zé ò yākpate ke kū gbēno. Ma gbē kū ò n mī zò Luda yā kū Yesu de a sèedade ũ ona yāino è. Odi kùte nòbo pāsī ke a takanero. Odi a sèeda ke n mī'are ke n ɔaro. Ò vù gan, ò kí blè kū Kirisio wè wàa sɔɔro. ⁵ Gèno vuna káakupɔn gwe. Gè kparano dí vuro ari wè wàa sɔɔro pìi gèe à pàpao. ⁶ Arubarikadenon gbē kū n baka kú gèno vuna káakupɔ gūnno ũ, ò kú adona. Ga plade iko vīmmaro. Onigò de Luda kū Kirisio gbàgbarinɔ ũme, onigò kí ble kàao ari wè wàa sɔɔro.

Setan zuna tén

⁷ Tó wè wàa sɔɔro pìi pàpa, oni Setan bo ò a gbarɛ. ⁸ Ani gé buri kū ò kú andunia kusuru siikòano sàte, Gɔgu kū Magɔguo, ani n kakara, de ò zì ká. N dasi de lán Ísiraie bùsu'atē bà. ⁹ Ò dà anduniala, ò lika Luda gbēno bùraai kū wéra kū Luda yeiio, ama té bò ludambe à kùrma. ¹⁰ Ò Ibilisi kū à n sàte sè ò zù té sèbe kū àten kū kū ifántēgbòo gūn, gu kū ò nòbo pāsī kū annabi ékeo zùn. Onigò wāwā ma fānantē kū gwāanio gɔɔno sīnda pínki.

Yākpate kpede kenaa

¹¹ Akū ma gbà pura zòkò è kū gbē kū à vutenaanao. Zīte kū musuo dibi lè a arɛ, gu kuníne doroo. ¹² Akū ma gyāwāndeno è, né fíti gbē zòkò, ò zena gbàa pì arɛ. Ò takadano wèwè, akū ò takada pānde wè do wèndi takada ũ. Ò yākpate kè kū gyāwāndeno n yākenaaa, lākū a kēna takada pìno gūn nà. ¹³ Ísira gyāwānde kū ò kú a gūnno kpà. Ga kū Gyāwānwò gyāwānde kū

ò kú ñ gūnno kpà se. Akū ò yákpate kè kū baadio a yákenaaa. ¹⁴ Ò ga kū gyāwānwō zù té sèbēē gūn. Té sèbēē pì bi ga plademē. ¹⁵ Gbē kū odi ñ tó le wēndi takada gūnlonon ò ñ zù té sèbēē pìi gūn.

21

Zīte dufu kū musu dufuo

¹ Akū ma zīte dufu kū musu dufuo è, zaakū zīte káakupō kū musu káakupō gēte, akūsō ísira kun dorō. ² Akū ma Luda wéra Yurusalemu dufu è bona musu Luda kīnaa, àten kipa. Ò a kèke lán nōgbē kū a zāke sorumii màa bà. ³ Akū ma kòto gbāna mà bona gbà kīnaa à pì: Luda vùte kū bisāsirinō sà, anigō kú kúnwō, onigō de a gbēnō ũ. Luda pì nigō kú kúnwō a zīda ñ Luda ũ. ⁴ Ani ñ wētē warawarañne pínki. Ga nigō kun dorō ke wēnda ke sōdona ke wāwā, zaakū yā zīnō gēte.

⁵ Akū Gbē kū à vutena gbāaa pì: Ñ ma! Maten pō sīnda pínki ke dufu. Akū à òmene: Ñ kē, zaakū yā dīnō náani vī, akūsō yāpuramē. ⁶ Akū à òmene: À kèn gwe. Makūmē Alafa kū Omegao, Naana kū Lakanaao ũ. Gbē kū ími ten de, mani a gba ísē wēndide boki. ⁷ Gbē kū à zīlè mé anigō pō dīnō vī pínki. Manigō de a Luda ũ, anigō de ma né ũ. ⁸ Ama vīnadeno kú náanisarideno kú yāvānikerinō kú gbēderinō kú zinakerinō kú ezedenō kú tánagbagbarinō kú manafkidenō pínki, ñ baka nigō de té sèbe kú àten kú kú ifántēgbōo ũmē. Ga pladen gwe.

Yurusalemu dufu

⁹ Malaika gbēnon suppla kú ò kerē mèn suppla kūna, kisira kpēde mèn suppla kán à pà pīnō doke sù à òmene: Ñ mō mà Sāne Bōrō nō dufu mōnne. ¹⁰ Luda Nini dinamā pīi gūn malaikaa pì ma se à gēe kūmao kpi lei zōkōa. À Luda wéra Yurusalemu mōmene bona musu Luda kīnaa, àten kipa. ¹¹ Àten té ke kú Luda gakurio, àten pí lán gbè bèere de bà, lán diamōo bà. ¹² À bīni lei zōkō vī. À gānu mèn kuri awēeplamē, malaika gbēnon kuri awēeplanōn zezenan. Isaraīla buri mèn kuri awēeplanō tó kēna gānu pīnōa. ¹³ Gānu mèn aakō kú ifāboki kpa, mèn aakō kú gugbānduru kpa, mèn aakō kú gēnōmidōki kpa, mèn aakō kú ifālete kpa. ¹⁴ Ò bīni pì ē pēte gbè mèn kuri awēeplanōa. Sāne Bōrōo zīri gbēnon kuri awēeplanō tó kēna gbēe pīnōa.

¹⁵ Malaika kú àten yā omene pōyōbō kú ò pì kú wuraaō kūna, de à wéra pì yō kú a gānunō kú a bīnio. ¹⁶ Wéra pì kusuru siikōmē, a gbāna kú a yāasaao lēelēmē. Akū à wéra pīi yō kú pōyōbōo pīio. A gbāna bi kiloo wāa kuri awēeplamē. A gbāna kú a yāasaao kú a leio pínki lēelēmē. ¹⁷ À a bīni yō dō, a lei gāsākuru basuppla awēesiikō. Malaikaa pì a yō bisāsiri gāsākuru gbāna lēmme. ¹⁸ Ò bīni pīi kè kú diamōo. Wéra pì bi wuraaame atēne swāswa lán dīgi bà. ¹⁹ Ò gbè kú ò wéra pì bīni pēteaa kèke kú gbè bèere de buri sīnda pīnkio.

Ò gbè káakupō kèke kú diamōo,

a plade kú safiaao,

a aakōde kú agataao,

a siikōde kú emeradiio,

²⁰ a sōrode kú onisiio,

a suddode kú kaaneliaao,

a supplade kũ kisolitio,
 a sɔraakɔde kũ berilio,
 a kɛndode kũ topazaao,
 a kuride kũ kisopazaao,
 a kuri awɛɛdode kũ yasintio,
 a kuri awɛɛplade kũ ametisiio.

²¹ Gãnu mèn kuri awɛɛpla pìnɔ bi òso mèn kuri awɛɛplanɔmɛ. Ò n pínki kè kũ òsooo mèn dodo. Wéra pì zéda bi wuraamɛ atɛne, òdi gu en lán dígi bà.

²² Mádi Luda kpé e wéra pìi gũnlo, zaakũ Dikiri Luda Gbãnasĩndapinkide kũ Sãne Bòrɔɔomɛ kpé pì ù. ²³ Wéra pì bàka kú kũ ifántɛ ke mɔvura gupunaaoro. Luda gakuri mé àdi wéra pì pu, akúsɔ Sãne Bòrɔ de a fitila ù. ²⁴ Burinɔ ni táa o a gupurai, andunia kɛnanɔ ni gɛn kũ n aruzekɛnɔ. ²⁵ A gãnunɔ nigɔ tatana fãnantɛ zikiro, gwãani nigɔ kú gwe sɔro. ²⁶ Oni gɛn kũ burinɔ aruzekɛnɔ kũ n pɔ ɔgɔdenɔ. ²⁷ Ama pɔ gbãsi ke ni gɛnlo ke wé'iyãkeri ke manafikide, tó adi ke gbɛ kũ Sãne Bòrɔ n tɔ kè wèndi takada gũnnɔ baasiro.

22

¹ Akũ malaikaa pì swa'i wèndide kũ àten bo Luda kũ Sãne Bòrɔɔo gbà kĩnaa mòmene, àten té ke lán gbèdigi bà. ² Àten bàa lé wéra zéda guragura. Lí wèndide kú a bara dire kũ a bara lao, àdi né i wè do gɛn kuri awɛɛpla, mɔ kũ mɔo gɛn dodo. Lí pì lánɔ bi burinɔ aafialekiamɛ. ³ Pɔ kũ Luda lé kène ke nigɔ kun doru. Luda kũ Sãne Bòrɔɔo gbà nigɔ kú wéra pìi gũn, a zòblerinɔ sɔ oni doi. ⁴ Oni a e wédewe, akúsɔ a tɔ nigɔ kú n mì'area. ⁵ Gwã nigɔ kun doru, gbɛke bàka nigɔ kú kũ fitila ke ifántɛ gupuraoro, kũ Dikiri Luda ni gu puñne yã. Onigɔ kí ble ari gɔrɔ sɛnda pínki. ⁶ Akũ à òmene: Yã birenɔ náani vɛ, akúsɔ yãpuramɛ. Dikiri Luda kũ àdi do annabinɔne are mé à a malaikaa zì, de a zòblerinɔ yã kũ ani su tera dɔ.

Yesu ni su tera

⁷ N gwa, mani su tera. Arubarikaden gbɛ kũ à zia yã takada díkina yã kũna ù.

⁸ Makũ Yuhana makũmɛ ma yã birenɔ mà, ma è. Kũ ma mà, akúsɔ ma è, ma kutɛ malaika kũ à yã pìnɔ mòmene gbá sare mà donyí kɛne. ⁹ Akũ à òmene: N abire tó. N donyí ke Ludane. N zòbleri daken ma ù kũ n annabi gbèdakenɔ kũ gbɛ kũ ò takada díkina yã kũnanɔ. ¹⁰ Akũ à òmene: Nsun pɔ kúte zia yã kũ à kú takada díkina gũnwaro, zaakũ a gɔrɔ kà kãni. ¹¹ Gbɛ vãni wé tã àgɔ a vãni ke. Gbãside wé tã àgɔ gbãsi. Gbɛ mana wé tã àgɔ a mana ke. Gbɛ kũ à kú adona wé tã àgɔ kú adona.

¹² N gwa, mani su tera, manigɔ láada kũna, de mà fĩna bo baadine a yãkenaaa. ¹³ Alafa kũ Omegaon ma ù, Arɛde kũ Kpɛdeo, Naana kũ Lakanaao. ¹⁴ Arubarikadenɔn gbɛ kũ ò n utagyaba pipinɔ ù. Onigɔ zé vɛ ò gɛ wéra pì gãnunɔ gũn, ò lí wèndide né ble. ¹⁵ Ama kifirinɔ nigɔ kũ gwero, ezedenɔ kũ pãpãkerinɔ kũ gbèderinɔ kũ tánagbagbarinɔ kũ gbɛ kũ ò ye manafiki yãkenaainɔ.

¹⁶ Makũ Yesu ma a malaikaa zì àgɔ deãre yã pìnɔ sèedade ù sɔsine. Makũmɛ Dauda buri kpata kũ à bòtɔ pà Kina ù, gudɔna susune i nna ù. ¹⁷ Luda Nini kũ Sãne Bòrɔ nɔ dufuo dì pi, n mɔ. Gbɛ kũ à yã pìi mà sɔ, à pi, n mɔ. Gbɛ kũ ími ten de, à mɔ. Gbɛ kũ à ye í wèndidei, à sí gba ù.

18 Maten pi gbě kū ò annabiketakada díkĩna yā mànɔne ń pínki, tó gbě yáke kàra a gūn, Luda ni kisira kū ń yā kú takada díkĩna gūnnɔ kara adenε.
 19 Tó gbě yáke bò takada díkĩna gūn s̄, Luda ni ade baka bo a wéran kū lí wèndide kū a yā kú takada díkĩna gūnwo.

20 Gbě kū à de yā pìnɔ sèedade ũ pì: Yápurame, mani su tera.

Aami! Dikiri Yesu, ñ mós!

21 Dikiri Yesu ḡs gběke v̄ĩ kū a gběno ń pínki. Aami!

ZABURA TAKADA KAAKU

1

Zabura 1-41

Arubarikade

¹ Arubarikaden gbē kū àdi gbē vāninɔ lédamma maro ũ,
àdi kifirinɔ zé séro,
àdi vute kū gbē foborinɔoro.

² Dikiri doka mé àdi káagu,
àdigɔ laasun léa fānantē kū gwāanio.

³ À de lán lí kū ò pète swa sare bà,
a lá dì kori kero,
àdigɔ né i a gɔrɔa,
yā kū àdi ke pínki karana vī.

⁴ À de lēle kū gbē vāninɔoro,
ò de lán ése ũkā kū ìa dì sétē bà.
⁵ Gbē vāninɔ ni bo mana yākpatekεgɔrɔ zīro,
kifirinɔ ni ze gbē mananɔ sarero.

⁶ Dikiri dì gbē mananɔ zé dākpáíne,
gbē vāninɔ zé sɔ à mì pé kakatenaaa.

2

Kína kū Luda kà

¹ Bóyāi burinɔ ten zuka káa?
À kè dera òten lé pā kpákūsūu?

² Andunia kínanɔ ten zì soru ke,
kpatablerinɔ ten kakara Dikirii
kū Kína kū à kào.

³ Òten pi: Ò n m̀kakɔananɔ kēkē,
ò n bà porowá.

⁴ Dikiri teni n fobo,
à vutena musu, àteni n yáa dɔ.

⁵ Àten pataríma kū pɔfɛo,
a pētē dì n gba vīna.

⁶ Á pì a a Kína kà a kpi Zaiɔ musu.

⁷ Mani yā kū Dikiri dìtemene o kū à pì:
Ma Néme n ũ, gbāran ma n i.

⁸ N wé kema,
mani buri sīnda pínki kpámma n pó ũ,
mani n gba andunia kusuru siikō.

⁹ Īni kí bleímma kū m̀ gòoo,
īni n wíwi lākū òdi oro wíwi nà.

¹⁰ Kínanɔ, à lédamma díkīna ma,

andunia kpatablerinɔ, à ɔ̀ndɔ̄ kũ sà.

¹¹ À do Dikirii kũ vĩnao,
à pɔ̀nna keo kũ lukanaao.

¹² À lé pé a Néa
de a pɔ̀ sún fě́ái à gaga zénlo,
zaakũ a pɔ̀ di fě́ kántomε.

Arubarikaden gbě́ kũ à nài ũ.

3

Lézuna Ludai ibereɛɔ̄ yā musu
(2Sa 15:13-17)

Lè kũ Dauda dà gɔ̀ɔ̄ kũ à bàa lè a né Abusalomunε.

¹ Dikiri, ma weterinɔ̀n dimmε fá,
gbě́ kũ ò ibereε sè kũmaonɔ̀n dasi.

² Òtenì ma yā o dasidasi,
òten pi Luda ni ma sura baro.

³ Mɔ̀kɔ̀n sɔ̄ Dikiri,
ndì ɔ̀ likamai sēgbako ũ,
ma gakurimε n ũ,
ndì tó ma mì gɔ̄ dana íla.

⁴ Madi wiki lé Dikiria,
àdi wema zaa a kúkia kpi musu.

⁵ Madi wúte mà i o mà vu,
zaakũ Dikirimε ma kũna ũ.

⁶ Gbēɛɔ̀n dúbu kurinɔ̀ teni ma wε kpa sīnda pínkia,
ama madi vīna keínεro.

⁷ N̄ fute, Dikiri,
n̄ ma sura ba, ma Luda,
n̄ ma ibereɛɔ̄ sán keke,
n̄ gbě́ vāninɔ̀ saka é'ε.

⁸ Dikiri mé àdi gbě́ sura ba.
N̄ arubarika da n gbēɛɔ̀gu.

4

Ɔ̀kɔ̀si aduakεnaa

Dauda lèε. Òdi sí kũ mɔ̀ɔ̀lenaaomε.

¹ Tó ma n sisi, n̄ wema Luda ma zekūnwode,
tó má kakūnna, n̄ ma gba ìampaki,
n̄ ma wēnda gwa n̄ ma aduakεna sí.

² Gbēɛɔ̀, áni gí àgɔ̄ wé'i da ma Luda gakuridea ari bɔ̀remεε?
Ánigɔ̄ ye pɔ̀ pānoi àgɔ̄ té tānanɔ̀in yá?

³ Àgɔ̄ d̄s kũ Dikiri a gbēɛɔ̀ dìte adona,
tó ma a sisi, ani ma yā ma.

⁴ Tó a pɔ̀ fě́, àsun durunna kεro,
à laasun lé á wutebɔ̄ musu à yíte.

⁵ À sa kù à de à o o,

à Dikiri náani ke.

⁶ Parinɔ di pi: Dí mé ani yā mana kewereε?

Ñ ān werewá, Dikiri, ñ arubarika daógu.

⁷ Bee tó pɔblewe kù sèwēo dińyĩ,

pɔnna kù ñ dàmenε ma swèn de ñ pɔla.

⁸ Madì wúte mà i o nnanna,

zaakū Dikiri, mɔkɔmmε ndi tó màgɔ kú ma laakariia.

5

Kɔnkɔ aduakεnaa

Dauda lèε. Òdi sí kù kutεpenaaomε.

¹ Ñ sá kpá ma yāi, Dikiri,

ñ laakari dɔ ma ndanaaaa.

² Ma Kína, ñ ma ɔɔdɔna ma,

ma Luda, maten wé kemma.

³ Dikiri, ndi ma kòto ma gudɔɔ,

madì ma yānɔ dɔdɔnne kɔnkɔ,

ma wé diğɔ dɔnyĩ.

⁴ Mɔkɔn Luda ñ ye yā vāniiro,

ndiğɔ kù lεεε kù gbē vānioro.

⁵ Īadārii di le à ze n arero,

n zā yāvānikerinɔi ñ pínki.

⁶ Dikiri, ndi ékedεnɔ mì de,

ñ ye gbēderinɔ kù gbēblerinɔ kairo.

⁷ Makū sɔ, mani gē n ɔnn n gbēke zɔkɔ yāi,

mani kúte mà arε dɔ n kpéa mà mì natεnne.

⁸ Dikiri, ñ ma da zén n náanikεna yāi,

ñ zé poromε ma weterinɔ yāi.

⁹ Zaakū ñ yāke náani vīro,

ñ nεεε de lán kaka be bàme,

ñ kòto de lán mira wēnaa bàme,

òdi lénna keńne.

¹⁰ Ñ tó yā vutεńma Luda,

ñ tó yā vāni kù òten kpákpanɔ wí ñ musu.

Ñ péńma n arε ñ taari dasinɔ yāi,

zaakū ò gi n yā mai.

¹¹ Ñ tó gbē kù ò utεna n kīnaano yáa dɔ,

ògɔ lè sí kù pɔnnao gɔɔ sīnda pínki.

Ñ ɔ kù gbē kù ò yenyĩnɔa,

de ò pɔnna ke n yā musu.

¹² Dikiri, ndi arubarika da gbē mananɔgu,

ndi likañyĩ kù yenyĩo lán sēgbako bà.

6

Faaba wikilεna Luda

Dauda lè. Òdi sí kù mɔɔlεnaaomε.

1 Dikiri, ñsun patama kũ pětëoro,
ñsun ma toto kũ pofëoro.

2 Ñ ma wēnda gwa, Dikiri,
zaakũ ma gō fēfēna,
ñ ma gba aafiaa, Dikiri,
zaakũ ma wāno ten wime.

3 Ma pō yàka manamana,
Dikiri, ñni kpámai bōremεε?

4 Ñ era ñ ma mì sí, Dikiri,
ñ ma sura ba n gbēke yāi.

5 Zaakũ gè ni le à n tó kpáro,
oni n sáabu kpá mira gūnlo.

6 Ma ndana ma kpasa,
ma mibokoo di yaku kũ wé'io,
ma wutebo di yīda kũ ari gu gé dōo.

7 Ma wé kakana kũ pōsira ódōnaao,
àten ga kũ ma iberenon dasi yāi.

8 À go ma kīnaa yāvānikerinō,
zaakũ Dikiri ma óo dō mà.

9 Dikiri ma wikilēnaa mà,
Dikiri ma aduakēnaa sì.

10 Wé'i ni ma iberenō kũ ò gō bídi gūn,
oni fua kānto ò kpe li n pínki.

7

Ñyá nna kpáma, Dikiri!

Lè kũ Dauda sì Dikirine Biliaminu buri Kusu yā musu.

1 Dikiri ma Luda, ma nanyĩ,
ñ ma mì sí ñ ma sura ba
gbē kũ ò pētemainō oĩ.

2 Tó lenlo, oni ma ke yákiyaki
lán músuu di kéñne nàme,
oni ma kēkēkōre,
gbēke ni ma mì síro.

3 Dikiri ma Luda, tó ma taari ke kè,
tó ma o kú yā vānin,

4 tó ma a vāni kè ma gbēdakenε,
ke tó ma gbāna mò ma iberenε pā,
5 ñ tó ma ibere pì pētēmai à ma kũ,
à gèse pētepetema zíte,
à ma vī bùsu'atēn.

6 Ñ fute ñ ze kũ pofëo, Dikiri,
ñ fute ma iberenoi n nèse kpàkpā yāi.

Ñ vu, ma Luda,
ñ yā gōgō a zéa.

7 Ñ tó gbēno kakaranyĩ,

̀n ḱí blémma zaa musu.

⁸ Dikiri, ndì yákpate ke kù gbēn.

Dikiri, ̀n tó yā bo kúmao nna ma yāzedeke lén.

Luda Musude, ̀n yā kemene ma nēsepura lén.

⁹ Luda, m̀ok̀omme mana,
ndì nēse kù laasunnwo kpáte ke.

̀N gbē vāniǹo pāsikenaa mì de,
̀n gbē manaǹo gba zeki.

¹⁰ Luda Musudeme ma sēgbako ũ,
̀adi gbē kù ̀n nēse manaǹo sura ba.

¹¹ Luda dì yákpate ke a zéa,
̀adi tó yā g̀o vutem̀ma g̀o s̀inda pínki.

¹² Tó gbē dí a nēse litero,

Luda dì a f̀eneda lé keke
̀adi a sá kù à ká.

¹³ Àdi a g̀okeb̀o kù ̀adi ga ínēǹo keke,
̀adi a kà tédeǹo kpá sála.

¹⁴ ̀N gwa, yā vāni dì nò d̀o gbēn,
akū ̀adi wari nò sí à né i éke ũ.

¹⁵ Àdi wēe ỳo gbēǹone zāzā tankute ũ,
akū ̀adi zu wēe kù à ỳo pìi gūn.

¹⁶ A àlesi pāsī dì doi,
a wétāna gbēǹo a dì wí a m̀ia.

¹⁷ Mani Dikiri sáabu kpá a manake yāi,
mani Dikiri Musude tó bo kù lēsinaao.

8

Luda gakuri yā'onaa

Dauda lēe.

¹ Dikiri ó Dikiri, n tó b̀o andunia gūn pínki,
n gakuri b̀o gupuraa musu.

² N dà né f̀itiǹone kù nékpántēǹo ò n sáabu kpá
de n íberēǹo kù n zānguri m̀arakariǹo yīte.

³ Kù ma n zì gwà musu,
m̀ovura kù susune kù n p̀epe gweǹo,

⁴ ma pì b̀on bisásiri ũ kù a yā dig̀o d̀onguu?
Bóme a ũ kù n laakari d̀aa?

⁵ N a kè kīana malaikaǹo f̀iti,
n a kà kpatan kù gakurio kù b̀ereeo.

⁶ N tò à ḱí blè pó kù n kēǹo,
n tò pó s̀inda pínki mì nàtene,

⁷ sāǹo kù zùǹo kù ǹob̀osēntēǹo pínki,

⁸ bāǹo kù kp̀oǹo kù pó kù ò kú ísira gūnǹo.

⁹ Dikiri ó Dikiri, n tó b̀o andunia gūn pínki.

9

Luda sáabukpana kú àdi yā kẹkẹ gbēnōne yāi

Dauda lèe.

¹ Dikiri, mani n sáabu kpá kú nèsedoo,
mani n yābonsarẹkenanọ kpàkpa kẹ́nẹ.

² Mani ponna ke mà ìa dà n yā musu,
Luda Musude, mani n tó kpá kú lèsinaao.

³ Ma iberenọ dì kpe li,
òdi léte ò gaga n are.

⁴ Zaakū n ze kūmao n yā nna kpàma,
vutena n tintinnwa n yā gògò a zéa.

⁵ N kpàkẹ burinọ,
n gbē vāninọ kàkate n ní tó dède míómíó.

⁶ N kisira kú àdi lákaro kpà ma zāngurinọ,
n ní wētẹnọ gbòro, ní yā dọ gbēkegu doro.

⁷ Dikiri dì kí ble goro sīnda pínki,
à a kpata dite yākpatekẹna yāi.

⁸ Ani yākpate ke kú andunia gbēnọ súsu,
ani kí ble burinọ a zéa.

⁹ Dikirimẹ uteki ũ gbē kú òten gbāna mọ́nẹnẹnẹ,
à deńne aafialeki ũ warikegoro.

¹⁰ Dikiri, gbē kú ò n tó dōnọn n náani vī,
ndi n ki weterinọ zukúnaro.

¹¹ À lè sí Dikirinẹ, àten kí ble zaa Zaiō,
à a yākenanọ kpàkpa ke buri sīnda pínkinẹ.

¹² Zaakū àdi mọraa ká gbēderiia, yā dì sánlo,
àdi takasidenọ wikilena yā da.

¹³ Dikiri, ò gwa lákū ma iberenọ ten wari dọma nà,
n ma wēnda gwa ò ma bo ga léi,

¹⁴ de mà n tó kpá Zaiō bīnilẹa,
mà ponna ke kú n ma sura bà yāi.

¹⁵ Burinọ sì wēe kú ò yòń,
ní gbá zù bà kú ò kpàkpan.

¹⁶ Ò Dikiri dō kú yākpatekẹna a zéaao,
àdi tó gbē vāni yākẹna era a musu.

¹⁷ Gbē vāninọ dì tá gyāwān,
buri kú òdi Luda yā daro pínọ.

¹⁸ Wēndadenọ yā ni sāagu zikiro,
takaside sō à wédọina lakana vīro.

¹⁹ N fute Dikiri, òsun tó bisāsiri n gá fīro,
n buri sīnda pínki kakara ò yākpate ke kúńwo.

²⁰ Dikiri, ò tó vīna burinọ kú,
de ò le ò dō kú bisāsirinọmẹ ní ũ.

10

Wékena Luda a yákpate ke bisasirinɔne

¹ Dikiri, b́oyáí n zena zázáa?

À kè dera ndi n zída ute warikεgɔɔaa?

² Gbē vāni dī gbānasaride wetε à de zīdabi gūn,
àdi manafiki kεne à a kù.

³ Gbē vāni dī a pónidenanɔ ĩa dā,

àdi sánkarade sáabu kpá àdi Dikiri tó yaka.

⁴ Gbē vāni zīdabi mé à tò àdi Dikiri ki wetεro,
à Luda laasun vīro.

⁵ Yā kù àdi kε pínki dī bonε maname,

àdi a zída kara, àdi n doka daro,

àdi lézuki kε a ibεrenɔa.

⁶ Àdi pi áni kpáguaro,

ánigɔ kù kù pɔnnao warikεnaa sari.

⁷ Eke kù gbēkanaao kù yā pāsio a lé pà,

àlesi pāsī kù yā vānio mé àdigɔ da a lén.

⁸ Àdi nate taarisaridene lakutu kpe

de à le à a de asiri gūn,

àdi àleside kpákpa gukpado.

⁹ Àdi nate gbēnɔne asiri gūn lán músu bà,

àdi nate lákpen de à le à gbānasaride kù.

Tó à a kù, àdi a gáte kù a bàao.

¹⁰ Gbē kù à a lè à kù digɔ wutena sùum,

gbāna mé à a nè.

¹¹ Gbē vāni dī pi Luda dī yā tàasi káro,

àdi ɔ kù a wéame àdi gu ero.

¹² Dikiri, n fute n su kù n gbānao,

Luda, ngɔ takasidenɔ tàasi ká.

¹³ Luda, b́oyáin gbē vāni dī dɔke kúnwo lee?

Àdi pi a swèε gūn ĩni wari dɔáwaro.

¹⁴ Bee kù abireo ndi gbēnɔ yá'úmmana e sánsán,

ndi n pɔsira yā da de n le n ɔ darúma.

Gbānasaride dī a zída kpámma,

tone kù à gwàri vīro kpànyĩriime n ũ.

¹⁵ N gbē vāninɔ kù gbē pāsīnɔ gàsá éíne,

n n yā vāni kù òten da ò d̄ro eramúma.

¹⁶ Dikiri digɔ kí ble gɔɔ sīnda pínki,

a yádarisarinɔ ni kakate a b̄usun.

¹⁷ Dikiri dī takasidenɔ wékena sí,

àdi n gba swèε, àdi sá kpá n ɔɔ d̄oi.

¹⁸ Àdi ze kù tone kù à gwàri vīronɔ

kù gbē kù òten wé tárúmano,

de bisásiri kù à de b̄usutiti ũ

sún tó swè kē gbēnɔgu doru yāi.

11

Laakarikipatēnaa

Dauda lèe.

¹Ma na Dikirii.

Bó yā mé à tò átēn pimēnē mà vura
mà tá kpi musu lán bà bàa?

²À yāvānikerinɔ gwa, ò kàa kpà sála,
ò nàte gusare ò ní sá gà,
ò kàa dɔdɔ nēsēmanadenɔa.

³Tó futeokarayā tēn kakate,
gbē mananɔ ni ke deramēe?

⁴Dikiri kú a kpé kú à kú adonaa gūn,
à vutēna kpatan musu gwe.

Àdi wé pé bisāsirinɔla à ní tàasi ká.

⁵Dikiri dì gbē mananɔ gwagwa,
ama à zā yāvānikerinɔgu
kū gbē kū yā pāsī dì keñne nnanɔ.

⁶Ani téyɔ kū ifántēgbɔɔo kú yāvānikerinɔa,
īa wāna mé anigɔ de ní baka ũ.

⁷Zaakū Dikiri dì yā ke a zéa,
yāmanakenaa dì kenē nna,
gbē mananɔ ni wé ke kāao pla.

12

Bisāsiri yānikē

Dauda lèe. Òdi sí kú mɔrɔlēnaaomē.

¹N ma sura ba, Dikiri,
zaakū gbē mana ke kun doro,
nāanide làka bisāsirinɔ té.

²Baadi dì éke to a gbēdakene,
àdi lēnna kásañne kū nēsēplao.

³Dikiri, ò lēnnade lé kò é
kū zīdabiri pínki pɔo.

⁴Òdi pi ní lé mé ani tó ò zī ble,
ò ní lé vī, dí mé ani kí blerímaa?

⁵Wétāna gbē busenɔa
kū wēndadenɔ ndanaao yāi
Dikiri pì áni fute sà
à ní gba zéboke kū òteni a ni de.

⁶Dikiri yā mamberu vīro,
à de lán andurufu kū ò yò tévuraa gūn
ò bàasa gēn suppla bà.

⁷Mòkɔn Dikiri, ònigɔ ó dākpā gɔrɔ sīnda pínki,
ní ó sí gbē bire takanɔa.

⁸Tó gbēnɔ yā bēñe kù ɔplapla,
gbē vāninɔ òngɔ kure kū zīdabio gu sīnda pínkia.

13*Wikilena Luda*

Dauda lèe.

¹ Ari bɔrɛɛ, Dikiri?

Ma yā nigõ sāngu gɔɔ sīnda pínkin yá?

Ɔni kpɛ limɛnɛ ari bɔrɛmɛɛ?

² Manigõ ɔsi ká kũ ma laasunnɔ ari bɔrɛmɛɛ?

Ma pɔ ðigõ sira lákũ gu ðigõ dɔ nà,
ma ibɛɛ nigõ gbāna blema ari bɔrɛmɛɛ?

³ Dikiri ma Luda, ñ ma gwa ñ ma yā ma,

ñ ma ān weremɛnɛ de māsun garo yāi,

⁴ de ma ibɛɛ sún pi a ma nɛro yāi,

de ma zāngurino sún pɔnna kɛ ma fuana yā musuro.

⁵ Mateni n gbēke náani kɛ,

ma pɔ kè nna kũ n ma sura bà.

⁶ Mani lè sí Dikirine,

zaakũ à yā mana kɛmɛnɛ.

14*Yɔnkɔ yá'onaa*

Dauda lèe.

¹ Yɔnkɔ ði o a swɛñ Luda kunlo.

Gbɛnɔ yàku kpà, ñ yākɛna vāni,
yāmanakeri ke kú ñ tɛro.

² Zaa musu Dikiri ði bisāsirinɔa tàasi ká
à gwa tó gbēke ɔndɔ ká à a ki wete.

³ O sàte ñ pínki ò gò ðɔrɔɔ sari míɔmíɔ,
yāmanakeri ke kú ñ tɛro, bee mèn do.

⁴ Vānikerinɔn dōna vīnloo?

Òdi ma gbɛnɔ mómɔ lán ú bà,

òdi Dikiri sísiro.

⁵ Gwen vīna ñ kũn manamana,

zaakũ Luda kú kũ gbē manano.

⁶ Òdi kpá takasidenɛ a pɔyeinakenaa,

ama Dikirime a uteki ũ.

⁷ Luda, ñ bo Zaiɔ ñ mɔ ñ Isarailanɔ sura ba!

Tó Dikiri sù kũ a gbɛnɔ ñ gwena zīn,

Yakubu burinɔ ni pɔnna kɛ,

Isarailanɔ ni yāa dɔ.

15*Ludayamari yá'onaa*

Dauda lèe.

¹ Dikiri, dí mé à zé vī à gɛ n bɛ ɔnnn?

Dí mé ani fɔ àgõ kú n kpi musuu?

² Gbē kũ àdigõ kun taari sari,

àdi yā ke a zéa,
 àdi yāpura o zaa a nèsen.
 3 Àdi yā di gbēkearo,
 àdi taari ke a gbēdakenero,
 àdi a gbē do sōsōro.
 4 Àdi lodayadarisarinᵒ gya bo,
 àdi bèere li lodayāmarinᵒne.
 Àdi a légbēna papa, bee tó à kènè zī'ū.
 5 Àdi ᵒgᵒ sákáñne kū a íoro,
 àdi bo taarisaride kpe gusaregba yáiro.
 Gbē kū àdi ke le ni kpágula zikiro.

16

Nana Ludai aduaa

Dauda lèe.
 1 N ma dākpā Luda, mᵒkᵒn ma nanyī.
 2 Ma pì Dikirine: Mᵒkᵒmme ma Dikiri ū,
 n baasiro má pᵒ mana ke vīro.
 3 N gbē kū ò kú bùsu dí gūnnᵒ,
 mᵒkᵒnᵒme gakuride kū ò kāmagonᵒ ū.
 4 Gbē kū òdi wā ò gé tāna kīnaanᵒ
 dī yā'ūmmaa kpá n zīdaimē.
 Mani sa'o'aru kóte kūrūworo,
 oni n tānanᵒ tó ma ma lénlo.
 5 Dikiri, mᵒkᵒmme má n vī ndo,
 n ma ka ma bakaaa,
 ma wèndi kú n ɔ́ime.
 6 N zīte lézekinᵒ dāmenē gu mana gūn,
 gba kū n dāmenē kāmagu.
 7 Mani Dikiri sáabu kpá kū àdi lé dama yāi,
 bee gwāani àdi tó ma swè ma gba laakarīi.
 8 Madigᵒ Dikiri e ma wén baala'i,
 lākū à kú ma ɔ́plai nà, péke ni ma lukaro.
 9 Abire yāi ma pᵒ digᵒ nna,
 ma nèsēgūn pù.
 Má tāmaa vī kú ma mē nigᵒ kun,
 10 zaakū ĩni ma tó mira gūnlo,
 ĩni we n gbē kū à kú adona yagi kūro.
 11 N ma da wèndi zéa,
 ma pᵒnna nigᵒ pana n kīnaa,
 pᵒ mananᵒ nigᵒ kú n ɔ́i gᵒrᵒ sīnda pínki.

17

Taarisaride aduakēnaa

Dauda aduakēnaa
 1 Dikiri, n ma yāzede ma,
 n sá kpá ma wikilēnaai,

ò ma wékena sí,
 zaakū maten ke kū manafikioro.
² N kīnaan manī yā nna len,
 n wé ten yā kū à zé vī e sānsān.
³ N ma swèè gwà, n wé témai gwāani,
 n ma tàasii kà, nídi yāke emaro,
 zaakū ma zèo kū ma lé ni ma kari boro.
⁴ Madi té bisāsiri yākenanairo,
 madi gbē pāsīno turuba séro.
⁵ Ma kure n zén sūsu,
 mádi pā n yānero.

⁶ Maten lé zunyī, zaakū ìni wema.
 Luda, ò sã kpá ma aduakēnai.
⁷ Ì n gbēke yābonsare kemene,
 ò gbē kū ò nānyīno bo ní iberenno ò.
⁸ Ì laakari òma lán n wéne bà,
 ò ma soto n orun.
⁹ Ì ma sí gbē pāsī kū òdi wari òmanoa,
 ma ibere kū ò likanamai pino.
¹⁰ Òdi gbēke wé gwaro,
 ní lé di zīda sēna lei yā o.
¹¹ Ò pètemai ò likamai,
 ò wé pitima de ò le ò ma pāte zīte.
¹² Ò ye ò ma ke yákiyaki
 lākū músu nàderi di ke nà,
 lán músu kū à natena gukpado bà.

¹³ Dikiri, ò fute ò dañle ò ní ne,
 ò ma sí gbē pāsīno kū n fēnedao.
¹⁴ Ì ma bo ní òi kū n gbānao.
 Ní baka kú andunia díkīna gūn,
 ní aruzeke digō diñyī, ní nēno di ká,
 òdi pó kū à diñyīno káte ní nēno.
¹⁵ Makū sō, manī wé ke pla kúnwo ma nēsemana yāi,
 tó ma n e ma vugoroa, abirekū ni ma ká.

18

Zìble sáabukpanaa
 (2Sa 22:1-51)

Lè kū Dikiri zòbleri Dauda sìnè goro kū à a bò Solu kū a ibere kparano ò.
¹ Má yenyī Dikiri, mōkōmme ma gbāna ū.
² Dikirime ma gbèsi ū kū ma zeki gbānao,
 ma surabariime.
 Ma Ludame ma zeki gbāna ū, madi nai.
 Àkūme ma sēgbako ū,
 ma surabari gbāna kū ma guleio.
³ Dikiri kà ò a sáabu kpá.
 Madi a sísi, àdi ma bo ma iberenno ò.

4 Gó'ite vlè kúmao,
ípaka kú àdi n̄ kakate teni ma ble.

5 Mira bàno likamai,
ga tankute kpàkpamene ma are.

6 Kú má kakúnna, ma Dikiri sisi,
ma wiki lè ma Ludaa,
akú à ma kòtoo mà zaa a bea,
ma wiki kà à kīnaa, à gè a sán.

7 Zīte lùkaluka à yìgāyīgā,
kpinò dègedege ari n̄ zīnin.

Ò lùkaluka kú à pò fè yāi.

8 Túsukpe bò a yīn,
té kú àdi n̄ kpata bò a lén,
a yòno ten té ke a are.

9 À musu wè à kipa,
legū sisi a gèse gbáru.

10 Àten vura dina kerubu kpe,
àten yàa ke ìala.

11 À gusira dà a zīdala,
ludambe sira kù a kúkila.

12 Zaa a gakuri tékenaa gūn legū ten sisi,
legūgbè ten kote, legū ten pi pásipāsī.

13 Dikiri pàta zaa musu,
Luda Musude kòto do legūpūtāna ũ.

14 À kàa fà ma iberenoa à n̄ fákōa,
à tò legū pīmma à pèrīma.

15 Kú n̄ patarūma Dikiri,
kú n̄ pò bò n̄ yīn,
ísira zīte bò gupuraa,
andunia zīni gò katena punsi.

16 À ɔ̀ bò zaa musu à ma kú,
à ma bo swada gūn.

17 À ma si ma ibere gbāna ōi
kú ma zānguri kú n̄ gbāna demalanò.

18 Ò lètema ma sunyīkegɔ̀ɔ̀a,
ama Dikiri zè kúmao.

19 À ma bo à ma gba mēporoki,
à ma sura bà kú à yemai yāi.

20 Dikiri yā kēmene ma nēsēmana lén,
à fīna bōmene ma gbāsīsarikena lén.

21 Zaakū má Luda yāditenano kūna,
mádi yā vāni ke ma a Luda tōnlo.

22 A dokayāno dīgō domene are pínki,
mádi kpe li yā kú à ditenonero.

23 Ma kunna taari vī Dikirinero,
má a zīda kūna durunna sari.

24 Dikiri fīna bōmene ma nēsēmana lén,

zaakū à è má kun gbāsī sari.

25 Náanidemε n ũ náanidenɔnε,
taarisaridemε n ũ taarisaridenɔnε.

26 N̄ swáswa gbē swáswanɔnε,
ama ndì kisira li gbē d̀̀̀̀̀saridenɔi.

27 Ndì zìdabusarinɔ sura ba,
ndì zìdabirinɔ lago.

28 Dikiri, ndì ma fitila té tó nana,
ma Luda, ndì ma gusira litε gupura ũ.

29 Kū n gbānao mani f̄̀ mà kùsε kpá karaa,
ma Luda gāi mani f̄̀ mà v̄̀ gb̄̀la.

30 Luda díkīna s̄̀ a yākεna bɔtena.
Dikiri yā mamberu v̄̀ro, à swáswa.

À de sēgbako ũ gbē kū ò nàinɔnε.

31 Dikiri baasiro, díme Luda ũu?
Ó Luda baasiro, dín gbèsi ũu?

32 Luda mé àdi ma gba gbāna,
àkū mé àdi zé poromεnε s̄̀usu.

33 Àdi tó ma gbá kái ḡ̀ nna lán z̄̀ p̄̀ bà,
àdi tó màḡ̀ t̄̀a o guleinɔ musu.

34 Àdi z̄̀kanaa dadamεnε
ari ma gāsā ni f̄̀ à m̀̀gotē sá gá.

35 Ndì n z̄̀iblesēgbako kpáma,
ń ma kūna n ɔplaa,

ndì nate ò ma t̄̀ bo.

36 Ndì ma zé yāasa k̄̀mεnε
de ma gbá sún sataro.

37 Ma petε ma ibεrɔnɔi ma ń k̄̀kū,
mádi era ma suro, sé ma gε ma ń dεdε.

38 Ma ń z̄̀z̄̀, odi f̄̀ ò f̄̀tε doro,
ò l̄̀tε ò ḡ̀ katena ma gbá léi.

39 N ma gba gbāna ma z̄̀i kào,
n tò ma ibεrɔnɔ m̄̀i natεmεnε.

40 N tò ma zāngurinɔ kpε lì,
akū ma a ibεrε pinɔ k̄̀katε.

41 Ò wiki l̄̀, gbēke dí ń sura baro,
ò lé z̄̀ Dikiri, adi wεr̄̀maro.

42 Ma ń ké nékuneku lán bùsutiti k̄̀ ĩa s̄̀tε bà,
ma t̄̀a òr̄̀ma lán zé ḡ̀n b̄̀k̄̀t̄̀ bà.

43 N ma bo gbē kū ò f̄̀tε k̄̀maonɔ ò,
n ma kε buri k̄̀ burio m̄̀dε ũ.

Buri k̄̀ má ń d̄̀ronɔ dì z̄̀ blemεnε,
44 buri z̄̀t̄̀nɔ dì k̄̀ natεmεnε.

Tó ò ma yā mà, òdi m̄̀ natεmεnε.

45 N̄ k̄̀ dì busa,

òdi bo k̄̀ lukanaao ń zeki gbānanɔn.

46 Dikiri kun! Arubarikademε ma gbèsi ũ!

Ò Luda ma surabari tó bo.

47 Luda mé àdi mɔra kámmamεne,

àdi tó burinɔ̀ mì natεmεne,

48 àdi tó mà piti ma ibεrenɔ̀a.

N ma gba gbāna de ma zāngurinɔ̀la,

n ma bo gbὲ pásĩnɔ̀ ɔ̀ĩ.

49 Abire yāi mani n sáabu kpá burinɔ̀ té,

mani n tó kpá, Dikiri.

50 Dikiri dì zĩ zókɔ̀ ble kína kũ à a sèεne,

àdi gbὲke ke kína kũ à a kàane,

makũ Dauda kũ ma burinɔ̀

ari gɔ̀rɔ̀ sĩnda pĩnki.

19

Ludambe gakuri kũ Luda yā gakurio

Dauda lèε.

¹ Musu dì Luda gakuri bo gupuraa,

sarapurapɔ̀nɔ̀ dì a ɔ̀zĩ mɔ́nne.

² Àdigɔ̀ yā o'ónne lán gu òigɔ̀ dɔ̀ nà,

àdi dōna kpáinne gwāani kũ gwāanio.

³ Àdi yā oro, a yā'ona buri ke kunlo,

òdi a kĩni maro.

⁴ A kòtoo dì da anduniala pĩnki,

a yā'onaa dì gé ari zĩte léa.

Luda kpé bò ifántēne gwe,

⁵ àdi bo kpén à fute lán nɔ̀serii bà,

àdi fute táo kũ pɔ̀nnao lán gōsa gbāna bà.

⁶ Àdi fute ludambεlea la,

àdi bikũ à gé ari a léa òire,

póke òigɔ̀ utena a puusuiro.

⁷ Dikiri doka papana,

àdi ñ kunna keke à keńne dɔ̀.

Dikiri yā náani vĩ,

àdi lé da ɔ̀ndɔ̀saridenɔ̀a.

⁸ Dikiri dì ɔ̀dɔ̀ki dɔ́nne súsu,

àdi ñ pɔ̀ ke nna.

Dikiri yāditenanɔ̀n gbāsĩ vĩro,

àdi ñ ǎn wereńne.

⁹ Mĩnatena Dikirine zé pì wébona,

onigɔ̀ téi gɔ̀rɔ̀ sĩnda pĩnki,

Dikiri yákpatekena yāpura vĩ,

àdigɔ̀ mana swáswa.

¹⁰ A mana de wurala, bee wura mana,

a nna de zó'ila, bee zó búsu.

¹¹ Abire musu ndi lé da makũ n zòbleriia,

gbὲ kũ à n yā kũnaa àree òigɔ̀ zókɔ̀.

¹² Dí mé ani fɔ̀ à yā kũ à zāanɔ̀ dɔ̀ɔ̀?

Ñ sùru ke kúmao kú ma taari kú ò utenanò.
 13 Ñsun tó makū n zòbleri taari kenne gbĩnighĩniro,
 ñsun tó durunnano kí blemaro,
 manigõ kun swáswa taari zòkõ sari.

14 Ñ tó yā kú àten bo ma lén kángu
 kú laasun kú à kú ma swèe gūnwo,
 Dikiri, ma gbèsi, ma surabarii.

20

Zìble wékenaa

Dauda lèe.

¹ Dikiri sí kúnwo n warikegɔɔa,

Yakubu Luda ɔ kúmma.

² À n sura ba bona a kúkia,
 à kpányĩ bona zaa Zaiõ.

³ À n sa'ona sí pínki,
 n sa'opo kú òdi ká tén à té kúnɔ dɔn.

⁴ À pɔ kú n pɔ yei kpámma,
 à tó ñ pɔ kú nten péa le.

⁵ Óni ayuwii ke zì kú n blè yā musu,
 óni tuta dɔ musu kú ó Luda tóo.
 Dikiri wéke kú n kè sí pínki.

⁶ Má dõ sà kú Dikiri di kína kú à à kà sura ba,
 àdi yā sí káao zaa a be kú à kú adona,
 àdi tó à zì ble kú a gàsā gbānao.

⁷ Gbēkenɔ di sɔgonɔ náani ke,
 gbēkenɔ di sɔnɔ náani ke,
 ókɔnɔ sɔ, Dikiri ó Ludan odi náani ke.

⁸ Oni sata ò léte,
 ókɔnɔ sɔ ónigõ zena gíngin.

⁹ Dikiri, ñ tó kína zì ble.
 Tó o n sisi, ñ wewá.

21

Zìble sáabukpana

Dauda lèe.

¹ Dikiri, kína ten pɔnna ke kú n gbānao,
 a pɔ nna manamana kú n tò à zìi blè.

² Ñ pɔ kú a pɔ yeii kpàa,
 nídi gí a wékena síiro.

³ Ñ daale kú arubarika zòkɔɔo,
 n wura fùraa kùne.

⁴ À wèndii gbèkamma, akū n kpàa,
 n tò àgõ kun ari gɔɔ sɔnda pínki.

⁵ A gakuri zòkõ kú n tò à zìi blè,
 n bèere kú zòkõkeo kpàa.

⁶ Ndigõ arubarika daagu gɔɔ sɔnda pínki,

n kunna k̄āao tò a p̄o k̄è nna.

⁷ Zaakū k̄ina Dikiri náani k̄è,
kunna Luda Musude gb̄ēken ani yīḡāro.

⁸ N̄o ni n ib̄er̄en̄o k̄ū n̄ p̄ínki,
īni n z̄āngurin̄o k̄ū k̄ū n̄ ōplao.

⁹ Īni n̄ ke t̄āmate ȳāka ū n̄ suḡōra.
Dikiri ni n̄ kakate a p̄of̄ēḡōra,
ani t̄ó t̄é n̄ ble.

¹⁰ Īni n̄ n̄én̄o d̄ede andunia ḡūn,
īni n̄ burin̄o k̄ē bis̄āsirin̄o.

¹¹ Bee t̄ó ò lé kp̄āk̄ūs̄unyī,
n̄ p̄oyeinayā ni zī k̄ero.

¹² Īni k̄à d̄ōd̄o n̄ w̄éa,
īni t̄ó ò k̄pe li.

¹³ N̄ gb̄ānake ḡūn, Dikiri, n̄ n̄ zīda sé lei,
óni l̄é sí ò n̄ z̄ōk̄ōke s̄áabu kp̄á.

22

ጌጌና ሌዳ

Dauda l̄ē.

¹ Ma Luda, ma Luda,
à k̄è d̄era n̄ ma tonn?

Ma wiki l̄è,
à k̄è d̄era n̄di su ma sura baroo?

² Ma Luda,
ma lé z̄ūnyī f̄ānant̄ē, ama n̄di wemaro,
ma wiki l̄emma gw̄āani d̄o, m̄ádi yītero.

³ N̄ k̄ú adona n̄ vutena kpatan,
m̄ok̄ōn k̄ū Isarailan̄o d̄i n̄ s̄áabu kp̄á.

⁴ M̄ok̄ōmm̄e ó dizin̄o náani k̄è,
ò n̄ náani k̄è, akū n̄ n̄ m̄i s̄i.

⁵ Ò lé z̄ūnyī, akū ò boki l̄è,
ò n̄ náani k̄è, akū w̄é'i dí n̄ k̄ūro.

⁶ K̄ōk̄o f̄itinnan ma ū, bis̄āsirim̄e ma ūro,
òteni ma s̄ōs̄ō, òteni ma gya bo.

⁷ Gb̄ē k̄ū òteni ma gwano teni ma fobo,
òten l̄ézuki k̄ema,
òteni n̄ m̄i ke d̄ék̄ūdekū òten pi:

⁸ Lákū àten Dikiri náani ke nà, à a sura ba,
t̄ó a yā k̄àagum̄e, à a m̄i sí.

⁹ M̄ok̄ōmm̄e n̄ ma bo ma da n̄ēsen,
n̄ ma gwa aafia ma ȳōmiḡōra.

¹⁰ Má na n̄ oī zaa né'is̄ōmm̄e,
ma Ludame n̄ ū zaade má k̄ú ma da n̄ēsen.

¹¹ N̄sunḡō k̄ú k̄ūmao z̄āro,
zaakū wari k̄è k̄āni k̄ūmao,
gb̄ēke kun à kp̄ámairo.

12 Ò likamai dasidasi lán zùsano bà,
ò ma kaguraa kè lán Basā bùsu zùsa gbānana bà.

13 Òten lé atēma lán músu ɔ̀dɔ̀ri
kū òten pɔ́ kɛ yákiyakinɔ̀ bà.

14 Ma gbāna tà lán í kɔ̀tenaa bà,
ma mɛ̀ gupekinɔ̀ bɔ̀kūn pínki,
ma mɛ̀ yò lán zòsaa bà.

15 Ma kòto kori kè lán kpɛ̀ne kaso bà,
ma néne nà ma lé musu,
ò ma wute lán gɛ̀e bà lukutɛ̀n.

16 Lewannanɔ̀ gà likanamai,
gbɛ̀ vāni pìnɔ̀ nākarama,
ò ma ɔ̀nɔ̀ kū ma gbánɔ̀ zòzò.

17 Mani fɔ̀ mà a wánɔ̀ naro pínki,
ò wé bìribiri, òteni ma gwa.

18 Ò ma pɔ̀kasanɔ̀ kpàatekɔ̀ne,
ò kàpaa kpà ma uta yā musu.

19 Dikiri, òsungɔ̀ kú kūmao zàro,
mɔ̀kɔ̀mmɛ ma gbāna ũ,
n mɔ̀ n kpámai likalika.

20 N ma bo n fɛ̀nɛda léi,
n ma wɛ̀ndi sí lewanna pìnɔ̀a.

21 N ma bo músu pìnɔ̀ léi,
n ma si zùsɛ̀nte pìnɔ̀ bɛ̀nɛa.

22 Mani n tɔ̀ bo ma gbɛ̀nɔ̀ té,
mani n sáabu kpá kɔ̀kakaranaa gūn.

23 Ákɔ̀nɔ̀ Dikiri vīnakerinɔ̀, à a sáabu kpá,
ákɔ̀nɔ̀ Yakubu burinɔ̀, à a tɔ̀ bo,
ákɔ̀nɔ̀ Isarailanɔ̀, à mi natene.

24 Zaa kú adi takaside gya boro,
adi a wɛ̀ndake foboro,
adi mìkpèe zunero,
à sá kpá a wikilɛnaai.

25 Mani n sáabu kpá pari kɔ̀kakaranaa gūn,
mani lé kū ma gbɛ̀nne papa n vīnakerinɔ̀ wára.

26 Takasidenɔ̀ ni pɔ̀ ble ò ká,
Dikiri ki wɛ̀terinɔ̀ ni a sáabu kpá,
onigɔ̀ kú kū wɛ̀ndiio gɔ̀rɔ̀ sīnda pínki.

27 Andunia lézekidenɔ̀ nigɔ̀ Dikiri dɔ̀ ò are dɔ̀a,
buri kū ò kunnɔ̀ ni kútene n pínki,

28 zaa kú kíblena bi Dikiri pɔ̀me,
àdi kí ble buri sīnda pínkia.

29 Andunia aruzekedenɔ̀ ni donyī kene n pínki,
kū gbɛ̀ kū ò kú ga léinɔ̀,
gbɛ̀ kū ò gɛ̀e gékianɔ̀ ni mì natene n pínki.

30 Zia gbɛ̀nɔ̀ ni donyī,

oni Dikiri yā baba gbē kū oni sunᵋne.

³¹ Ò surabana yā o gbē kū òdi ní i kòronᵋne,
zaakū à gīnake à kè.

23

Dikirimε ma dāri ũ

Dauda lèε.

¹ Dikirimε ma dāri ũ,
póke ni kīamaro.

² Àdi ma wúte sèla bòtᵋnᵋn,
àdi gé kūmao í katena kítikiti sare.

³ Àdi ma kunna keke dᵋ,
àdi domene are zé mananᵋ gūn a tóbona yāi.

⁴ Bee tó ma taa ò guvute sira pásīn,
mani yā vāni vīna kero, zaakū ní kú kūmao,
n sári kú n gòo dì ma laakari kpátémene.

⁵ Ndi póble káte ma are ma ibereᵋnᵋ wára,
ndi nísi gbīnnade kú ma mīa,
ndi í ká ma tokon ari à pa yéereε.

⁶ Yápura Dikiri gbēke kú a yenyīo nigᵋ kú kūmao gᵋrᵋ sīnda pínki,
manigᵋ kú a ᵋnn ari ma wèndi lén.

24

Dikiri gēna a kpé gūn

Dauda lèε.

¹ Zīte kú pó kú ò kúnᵋnᵋ bi Dikiri póme,
andunia kú gbē kú ò kúnᵋnᵋ ní pínki.

² À zīte zīni pète ísiran,
à andunia káte kú swanᵋ.

³ Dí mé à zé vī à didi Dikiri kpīaa?
Dí mé ani fᵋ à gē a ᵋnnn?

⁴ Gbē kú à taari vīro akūsᵋ a nèε mana,
gbē kú a laakari dì tá tānanᵋ kparo
akūsᵋ àdi sí kú tāna tóoro.

⁵ Dikiri ni arubarika da adegū,
Luda a surabari ni tó yā bo káao nna.

⁶ Len à de le kú a ki weterinᵋ,
Yakubu burinᵋ Luda are weterinᵋ.

⁷ À bīnilenᵋ wēwē,
à gbà zīnᵋ wēwē,
à tó Kína gakuride gē.

⁸ Díme Kína gakuride pì ũu?

Dikiri gbānazᵋkᵋdeme,
àkūme Dikiri zīkari gbānade pì ũ.

⁹ À bīnilenᵋ wēwē,
à gbà zīnᵋ wēwē,
à tó Kína gakuride gē.

¹⁰ Dí n Kína gakuride pì ũu?

Dikiri Žikarideme Kína gakturide pì ũ.

25

Luda ó dākpārii

Dauda lèe.

¹ Dikiri, ma a swèè kpàmma,

² Ma Luda, mateni n náani ke,
 òsun tó wé'i ma kũro,

òsun tó ma ibereño ma nero.

³ Wé'i ni gbè kũ ò wé ònyĩño kũ zikiro,
 sé gbè kũ ò bò n kpe sèeda ke sarino.

⁴ Dikiri, ò n zé mòmene,

ò n yā dadamene.

⁵ Ò ma da n yāpura zén,

ò a yā dadamene,

zaakũ Luda ma surabariime n ũ,
 ma wé ògõ ònyĩme gɔɔ sīnda pínki.

⁶ N wēnda kũ n yenyĩo gõ òngũ,
 zaakũ abirekũño kũ kũnwo zaa zĩ, Dikiri.

⁷ Òsun taari kũ ma kēño yā daro
 ke durunna kũ ma kè ma kefenakengɔɔano.

Ò tó ma yā gõ òngũ yenyĩ gũn,
 kũ n mana yāi, Dikiri.

⁸ Dikiri mana, àdi yā ke a zéa,
 abire yāi àdi a yā dada durunnakerinone.

⁹ Àdi zīdabusarino da a zéa,
 àdi yā mana dadañne.

¹⁰ Dikiri ògõ yenyĩ kũ náanio vī
 kũ gbè kũ ò a bàka kunna kũnwo yā kũnano.

¹¹ Bee kũ ma durunna zõkõ Dikiri,
 ò kēma n tōbona yāi.

¹² Dí mé à Dikiri vīna vīi?
 Dikiri òi ade da zé kũ à de à séa.

¹³ Ade nigõ kũ nnamanaa gũn,
 a burino mé onigõ n bũsu vī.

¹⁴ Dikiri nna kũ a vīnakerino,
 àdi tó ògõ a bàka kunna kũnwo yā ò.

¹⁵ Ma wé ògõ ò Dikiria baala'i,
 àkũ mé àdi ma gbá bo bàn.

¹⁶ Ò are òma, n ma wēnda gwa,
 zaakũ má kũ mado wétamma gũn.

¹⁷ Ma yā'ũmmanano kàra ma nèsese gũn,
 ò ma bo ma wari pìn.

¹⁸ Ò ma wétamma kũ ma pɔsirao gwa,
 ò ma durunnaño kēma pínki.

¹⁹ Ò gwa lākũ ma ibereño dàgula nà,
 ò zāmagu pāsīpāsī.

20 Ñ ma wèndi dâkpá, ñ ma sura ba,
 ñsun tó wé'i ma kũro, zaakũ ma nanyĩ.
 21 Ñ tó yápura kũ kunna manao gõ ma dâkpá,
 zaakũ ma wé digõ dɔnyĩ.
 22 Luda, ñ Isarailanɔ bo ñ warikenanɔn pínki.

26

Gbē mana aduakɛnaa

Dauda lèɛ.

1 Ñ yá nna kpáma Dikiri,
 zaakũ ma yá kè a zéa,
 ma n náani kè sikaa sari.
 2 Ñ ma yõ ñ ma gwa Dikiri,
 ñ ma nɛɛ kũ ma laasunɔ gwa,
 3 zaakũ n yenyĩ digõ domɛnɛ arɛ,
 madi zĩ kɛ n yápura.
 4 Madi vutɛ kũ ékɛdenɔoro,
 madi gɛ manafikidenɔ téro.
 5 Ma zã durunnakerinɔ kɔkakaranan,
 madi vutɛ kũ gbɛ vāninɔoro.
 6 Ma ɔ pìpi ma taarisarikɛ sèeda ũ,
 maten lika n gbagbakii, Dikiri,
 7 de mà le mà n sáabu kpá lèsinaa gūn,
 mà n yábonsarenɔ kpàkpa kɛ.
 8 Dikiri, má ye n kpé kũ ndigõ kunyĩ,
 gu kũ n gakuri di kipan.
 9 Ñsun ma kakara kũ durunnakerinɔoro,
 ñsun ma baka kakara kũ gbɛderinɔ póoro.
 10 Laasun vāni mé àdigõ doñnɛ arɛ,
 ñ ɔ digõ pa kũ ɔɔnkpegbanɔ.
 11 Makũ sɔ, madi yá kɛ a zéa,
 ñ ma wènda gwa, ñ ma sura ba.

12 Ma zɛki è gu manan,
 mani Dikiri sáabu kpá pari kɔkakaranaa gūn.

27

Dikirimɛ ma gupura ũ

Dauda lèɛ.

1 Dikirimɛ ma gupura ũ kũ ma surabariio,
 dín mani vīna kɛnɛɛ?
 Dikirimɛ ma uteki ũ,
 dí vīnan mani kɛɛ?
 2 Tó gbɛ vāninɔ simagu de ò ma kɛ yákiyaki
 ke tó ma iberenɔ kũ ma zāngurinɔ lètɛma,
 ò gɛ sí ò létɛ.
 3 Bee tó zīkarinɔ likamai,
 ma kũ ni vīro,
 bee tó gbɛnɔ fùtɛma kũ zìio,

ma laakari nigõ kpatena.

⁴Yã mèn don maten gbeka Dikiria,
yã pìn maten wete manamana.
Má ye màgõ kú Dikiri ònn ari ma wèndi lén,
de mà le màgõ a are wete a kpén gwe,
má wé dɔ a manakenaai.
⁵Ani ma ute a kpén warikewɔɔa,
ani ma gwa a bizakutan,
ani ma ze gbèe musu aafia.
⁶Ma mì ni bo ma iberɛ kú ò likamainɔ póla,
má sa o Dikiri ònn kú ayuwiikenaao,
má lè sí mà a sáabu kpá.

⁷Tó ma n sisi Dikiri, ò wema,
ò ma wènda gwa, ní ma yã ma.
⁸Ma nèse ten lé dama mà n are wete,
Dikiri, mateni n are wete.
⁹Ñsun n mikpere zu makū n zòbleriinero,
ñsun kpe domene kú pɔfɛoro.
Ma kpanyiriime n ũ, ñsun ma zukūnaro,
Luda ma surabarii, ñsun ma tónlo.
¹⁰Tó ma de kú ma dao pã kpàmai,
Dikiri ni ɔ likamai.
¹¹Dikiri, ò ma da n zéa,
ò domene are zé súsu gūn ma wétāmmarinɔ yāi.
¹²Ñsun tó ma iberenɔ pɔyeina kemenero,
zaakū sèeda ékedenɔ ten yã dima,
gbè pāsīnɔ ten yī fēma.
¹³Má yã díkīna náanikena,
kú Dikiri ni yã mana kemene andunia díkīna gūn.
¹⁴Ñ wé dɔ Dikirii,
ò ze gbāna, ní laakari kpáte,
ò wé dɔ Dikirii.

28

Wékena kú sáabukpanaao

Dauda lèe.
¹Dikiri, mɔkɔmme ma gbèsi ũ, mateni n sísi,
ñsun n sã tatamenero.
Tó n yītema dé,
maní gõ lán gbè kú ò sì gyāwānnnɔ bàme.
²Maten kpányī ɔɔ dɔnnɛ,
ò sã kpámai,
mateni ma ɔ sé n kúkia.
³Ñsun ma gáte lee kú gbè bènenɔ ke vānikerinɔoro.
Òdi yã nna o ní gbèdakenɔne,
ama zāngu mé à kú ní swèn.
⁴Ñ keñne ní yākenaaa kú ní vānikenaao,

ñ fīna boñne ñ dàaa
de a gbè wí ñ musu.

⁵ Òdi Dikiri yákena kú à zíkēnaao yā daro,
ani ñ lite kpédangara, ani ñ fute doru.

⁶ Arubarikademe Dikiri ũ,
zaakū à sá kpà ma wēnda wikilēnaai.

⁷ Dikirimē ma gbāna ũ kú ma sēgbakoo,
má a náani vī ma swèn.
Àdi kpámai, ma pɔ̀ dì kē nna,
madì a sáabu kpá kú lēsinaao.

⁸ Dikirimē a gbēno gbāna ũ,
à de uteki ũ kína kú à kàane, àdi a sura ba.
⁹ Ñ n gbēno sura ba ñ arubarika dañgu,
ñ ñ dākpā ñgō ñ kūna gɔ̀ɔ̀ sīnda pínki.

29

Dikiri ya'ona zàga'ia gūn

Dauda lèe.

¹ Ákōno malaikanɔ̀, à Dikiri tó kpá,
à gakuri kú gbānao dō Dikirimē.

² À Dikiri tó kpá,
à kúte Dikirimē a kúadona gupuran.

³ Dikiri kòto kú íno musu,
Luda Gakuride dì tó legū pūtā,
Dikiri kòto kīni dɔ̀ íno musu.

⁴ Dikiri kòto gbāna dɔ̀,
Dikiri kòto gakuri vī.

⁵ Dikiri kòtoo dì sida línɔ̀ para,
Dikiri dì Lebana bùsu sida línɔ̀ para.

⁶ Àdi tó Lebana kpino vīvī lán zùne bà,
Emo gbè sō lán zùsane bɔ̀ɔ̀ bà.

⁷ Dikiri kòtoo dì bo kú legūpinanɔ̀,

⁸ Dikiri kòtoo dì gbáranna yīgāyīgā,
Dikiri dì Kadesi gbáranna yīgāyīgā.

⁹ Dikiri kòtoo dì línɔ̀ yīgāyīgā,
àdi líkpeno pura kú,

gbē kú ò kú à onno ten pine,
Gakurideme a ũ.

¹⁰ Dikiri kú í kú à da anduniala musu,
Dikiri vutena Kína ũ gɔ̀ɔ̀ sīnda pínki.

¹¹ Dikiri dì a gbēno gba gbāna,
Dikiri dì arubarika dañgu ògō aafia.

30

Dikiri sáabukpanaa

Lè kú Dauda dà Luda on sakēna yāi.

¹ Mani n tó sé lei Dikiri,
zaakū n ma kara,

ńdi tó ma iberenɔ ma nero.

² Dikiri ma Luda, ma ɔɔ dɔnnɛ,
akū n ma gba aafia.

³ Dikiri, n ma si miraa,
ńdi tó ma si gyāwānnlo.

⁴ Dikiri gbɛnɔ, à a tó kpá,
à a tó kú à kú adona sáabu kpá.

⁵ Zaakū a pɔfɛnaa di la kū lao lero,
à arubarika mé àdigɔ kun ari gbɛ wèndi lén.
Ɔɔɔnaa digɔ kun gwāani,
akū gu di dɔ kū pɔnnao.

⁶ Kū má kú nnamanaa gūn ma pì:
Mani kpágula zikiro.

⁷ Dikiri, kū n arubarikaa dāmagu,
n ma zɛ gíngin lán kpi bà.
Ama kū n kpe limenɛ,
ma gɔ bídi gūn.

⁸ Mɔkɔn Dikiri, ma n sisi,
ma kúte kè ma dikiriine ma pì:

⁹ B́ àreen ma gana ke ma sina gyāwān vī?
Ma mira ni n tó kpán yá?
Ani n náani kpàkpa ken yá?

¹⁰ Ñ ma yā ma Dikiri ñ ma wènda gwa,
Dikiri, ñgɔ de ma kpanyīri ũ.

¹¹ N ma ɔɔɔnaa litɛ ũwāna ũ,
n ma uta kasanɔ b̀tɛma,
n pɔnna dāmɛnɛ pókasa ũ.

¹² Manigɔ yītenaro, manigɔ n tó kpámɛ,
Dikiri ma Luda,
manigɔ n sáabu kpá gɔrɔ sīnda pínki.

31

Zidakpana Dikiria

Dauda lèɛ.

¹ Dikiri, mɔkɔnn ma nanyī,
ñsun tó wé'i ma kú zikiro.
Ñ ma sura ba n manakena yāi.

² Ñ sá kpámai ní ma faaba ke likalika,
ñ gɔ ma uteki gbè ũ,
zeki gbāna kú ani ma faaba ke ũ.

³ Ma gbèsi kú ma zeki gbānaoome n ũ,
ñ domɛnɛ arɛ ní ma da zéa n tó yāi.

⁴ Ñsun tó mà zu bà kú ò kpàkpamenenlo,
zaakū ma surabariime n ũ.

⁵ Ma a nini nannɛ n ɔi,
ñ ma sura ba Dikiri Luda yāpurade.

⁶ Ma zā gbɛ kú òdi na tānanɔinɔn,
Dikirin ma náani kè.

7 Mani yáa dɔ mà pɔnna ke kũ n yenyĩo,
 zaakũ n ma yá'ũmmanaa è,
 n ma warikɛnaa dòmɛnɛ.
 8 Ndi ma na ma ibɛɛnɔnɛ n ɔĩro,
 n ma gba mɛporoki.

9 N ma wɛnda gwa Dikiri,
 zaakũ má kú wari gũmmɛ,
 pɔsira tò ma wé gɔ̀ sũkusuku,
 ma pɔ sira kũ ma nɛsɛɛ yàka.

10 Pɔsira tɛni ma swè ble,
 ndana tɛni ma wè lago,
 laasun tò má gbãna vĩ doro,
 ma wánɔ̀ bùsa.

11 Ma gbɛdakenɔ̀ dì ma gya bo ma ibɛɛnɔ̀ yái,
 ma yá dì ma gbɛnɔ̀ gba vĩna manamana,
 gbɛ kũ odi dakarɛ batunɔ̀ dì pãmɛnɛ.

12 Ma yá dí dɔ gbɛkegu doro,
 ma gɔ̀ lán gɛɛ bà,
 ma gɔ̀nɛ lán oro kaso bà.

13 Madì ma kũ gbɛnɔ̀ tɛni ma pi dasi,
 vĩnapɔ̀nɔ̀n likamai.
 Òdi kakara ò lé kpákúsũmai,
 òdi lédokɔ̀nɔ̀ ke ma wèndibona yái.

14 Ama ma n náani kè Dikiri,
 madì pi ma Ludamɛ n ũ.

15 Ma wèndii digɔ̀ kú n ɔĩ gɔ̀rɔ̀ sĩnda pínki,
 n ma sí ma ibɛɛ kũ òtɛni ma wɛtɛ
 ò ma dɛnɔ̀ ɔĩ.

16 N an were makũ n zòbleria,
 n ma sura ba n yenyĩ gũn.

17 Dikiri, n̄sun tó wé'i ma kũro,
 zaakũ ma wiki lɛmma.

N tó wé'i yāvānikerinɔ̀ kũ,
 n tó n lé gɔ̀ nakɔ̀ana gyāwānn,

18 n tó éketorii pìnɔ̀ néne natɛ.
 Òdi dɔ̀ke kũ gbɛ mananɔ̀,
 òdi n gya bo kũ ïadānaao.

19 Aruzekɛ kũ n kākara n vīnakerinɔ̀nɛ zɔ̀kɔ̀,
 ndi arubarika da gbɛ kũ ò nanyĩnɔ̀gu
 gbɛ sĩnda pínki wára.

20 Tó gbɛnɔ̀ lé kpákúsũnyĩ, ndi n ute n kuru,
 tó òtɛn lékpakɔ̀a ke kũnwo, ndi n dákpá n kukia.

21 Arubarikademɛ Dikiri ũ,
 zaakũ à yenyĩ zɔ̀kɔ̀ mòmɛnɛ
 wɛtɛ kũ ò likaii gũn.

22 Swèɛ kèmagu gwe,

akū ma dà, n ma zukūname.
Kū ma faaba lé zūnyĩ,
n ma wēnda ɔɔɔnaa mà.

²³ Àgɔ ye Dikirii, ákɔnɔ á gbɛnɔ.
Dikiri dì a náanikerinɔ dákpá,
àdi fīna bo zīdabirinɔnɛ pāsīpāsī.
²⁴ Ákɔnɔ kū á wé dɔ Dikiriinɔ,
àgɔ gbāna à á swè kpáte.

32

Durunna'ona Ludane

Dauda lèe.

¹ Arubarikademe gbē kū Luda a taarinɔ tònɛ

à a durunnaɔ kēnɛ ũ.

² Arubarikademe gbē kū Dikiri dì a durunna yā daro ũ,
akūsɔ manafiki kú à nèseɛ gūnlo.

³ Kū ma yīte kū ma durunnao, ma fēfē,
ma wiki digɔ dɔ zaa kɔnkɔ ari ɔkɔsi.

⁴ N ɔ digɔ tɔnama fānantē kū gwāanio,
ma gbāna làka lākū guwānagɔɔ ifāntē ma le bà.

⁵ Akū ma wenne ma durunnaɔ,
mádi ma yā vāni utenne doro.

Ma pì, mani ma taarinɔ o Dikirine,
akū a ma durunna kēmenɛ.

⁶ Abire yāi n náanikeri wé kemma a gɔɔa,
tó kisira ten su, ani a lero.

⁷ Ma utekime n ũ,
ndi ma bo wētāmmanaa gūn,
ndi likamai ñ ma sura ba.

⁸ Mani yā danne mà n da zé kū à de ñ séa,
mani lé damma, ma wé gɔ ténnyĩ.

⁹ Ñsungɔ kun laasunn sari
lán sɔ ke baragbāsɔ bàro,
tó ndi sɔmɔ káñne kū a bàaoro,
òdi da n dɔɔaro.

¹⁰ Yā'ummanaa dì da gbē vāninɔla,
Dikiri yenyĩ dì lika a náanikerinɔa.

¹¹ Gbē mananɔ, à pɔnna ke Dikiri yāi,
nèsepuradenɔ, à ayuwii ke à yáa dɔ.

33

Luda sáabukpanaa

¹ À ayuwii ke Dikirine gbē mananɔ,
à kù nèsepuradenɔ a sáabu kpá.

² À Dikiri tó kpá kū gidigboo,
à le síne kū mɔɔo.

³ À lè dufu síne,
à pɔ'ùborinɔ lé kù dɔnaao kù pɔnna wikio.

⁴ Zaakū yā kù Dikiri ò bi yāpurame,
à náani vī a yākenaa gūn pínki.

⁵ À ye yā manai kù yāzedeo,
Dikiri yenyī andunia pà.

⁶ Dikiri yā'ona mé à musu kè,
a lé'ia mé à musupɔnɔ pèpe.

⁷ À í kàte gu dokɔnɔ, à gò ísira ũ,
à inɔ kàkara, à gò í lòkoto ũ.

⁸ Andunia gbē sīnda pínki, à vīna ke Dikirine,
gbē bēnenɔ pínki, à mì natenɛ.

⁹ Zaakū à yā ò, akū andunia gò katena,
à yā dìte, akū pɔ sīnda pínki gò kun.

¹⁰ Dikiri dì lé kù burinɔ kpàkūsū ke pā,
àdi kpá būsudenɔne kù pɔ kù òten péaa.

¹¹ Yā kù Dikiri zèò dìgɔ zena gíngin,
yā kù à a pɔ gbà dìgɔ kun gɔɔ sīnda pínki.

¹² Arubarikaden buri kù Dikiri de a Luda ũ ũ,
gbē kù à n sɛ a pɔ ũnɔ.

¹³ Zaa musu Dikiri dì gu gwa zīte,
àdi bisāsirinɔ e n pínki.

¹⁴ Zaa gu kù à kun àdi wé pā
gbē kù ò kù andunia gūnnɔla n pínki.

¹⁵ Àkū mé à gbē sīnda pínki swèè kè,
àdi n yākenanɔ dɔ pínki.

¹⁶ Kína ke dì zī ble a zīkari gbānanɔ yāiro,
zīkari ke dì bo a gɔsagbānake yāiro.

¹⁷ Sɔ náanikena à n mì sí bi ékeme,
bee kù a gbānakenao ani fɔ à gbē sura baro.

¹⁸ Dikiri wé kù a vīnakerinɔa,
gbē kù n wé dɔ a yenyīanɔ.

¹⁹ Ani n bo ga léi,
ani n gwa nàgɔɔ.

²⁰ Ó wé dìgɔ dɔ Dikirii,
àkūme ó kpanyiri ũ kù ó sɛgbakoo.

²¹ Zaakū Dikirin ó pɔ dìgɔ nna kāao,
ó a tɔ kù à kù adona náani vī.

²² Dikiri, n tó n yenyī gɔ kù kūoo
lákū ó wé dɔnyī nà.

34

Dikiri manakenaa

Lè kù Dauda dà gɔɔ kù à a zīda dìte ìade ũ Abimeleki are, ari Abimeleki pèa
à tà.

¹ Manigɔ Dikiri tó sɛ lei lakanaa sari,

manigõ a tó kpá lákū gu ògõ dɔ nà.

² Manigõ ïa dā Dikiri yā musu,
takasidenɔ ni ma ò pɔnna ke.

³ À zõkõke dõ Dikirinε kūmao,
ò a tó bo lele.

⁴ Ma Dikiri ki wète, akū à wèma,
à ma bo ma vīnanɔ gūn.

⁵ Gbē kū n̄ wé dɔinɔ ãn nigõ werena,
wé'i ni n̄ kū zikiro.

⁶ Gbē takaside dí Dikiri sìsi, akū à wèa,
à a bò a warinɔ gūn pínki.

⁷ Dikiri Malaika ògõ kú a vīnakerinɔ sare,
àdi n̄ mì sí.

⁸ À lé ke à gwa, áni dõ kū Dikiri nna,
arubarikaden gbē kū à nài ũ.

⁹ Dikiri gbēnɔ, à vīna kene,
póke dì kīa à vīnakerinɔaro.

¹⁰ Nà dì músunɔ de, póble dì kīaríma,
ama pó mana ke dì kīa Dikiri ki weterinɔaro.

¹¹ Gbēnɔ, à mó à ma yā ma,
mà vīnakena Dikirinεe dadaáre.

¹² Ákõnɔ kū á ye á wèndi gõ mana
akūsõ á ye á kunna gõ nna,

¹³ à á lé kū kū yāvāni'onaaɔ,
àsun tó éke bo á lénlo.

¹⁴ À kpε li yā vāninε à yā mana ke,
à aafia zé wete àgõ téi.

¹⁵ Dikiri ògõ wé té gbē mananɔi,
àdi sã kpá n̄ sɔdɔnaai.

¹⁶ Dikiri dì kpε li yāvānikerinɔne,
de n̄ yā sún dɔ gbēkeguro yāi.

¹⁷ Tó gbē mananɔ lé zù Dikirii, àdi ma,
àdi n̄ bo n̄ warinɔ gūn pínki.

¹⁸ Dikiri káni kū gbē kū n̄ pɔ yàkanɔ,
àdi kpá gbē kū n̄ ãn sisinanɔi.

¹⁹ Wari ògõ gbē mana le gèn baaakõ,
ama Dikiri dì a bo a gūn pínki.

²⁰ Àdi a wánɔ dákpã pínki,
a ke dì éro, bee mèn do.

²¹ Kisira ni gbē vāninɔ dede,
yā ni vute gbē mana iberenɔa.

²² Dikiri dì a zõblerinɔ mì sí,
yā ni vute gbē kū à naiaro.

35

Gbē mana ɔ̀dɔna Dikirine

Dauda lɛɛ.

¹ Dikiri, ñ ibere sé kũ ma ibereɲɔ,
 ñ zĩ ká kũ gbē kũ òten zĩ ká kũmaonɔ.

² Ñ n sēgbako kũ n zĩkabɔɲɔ sɛte,
 ñ fute ñ kpámai.

³ Ñ n sári kũ n fēnedao sé dɔ,
 ñ gé ñ da gbē kũ òten pétemainɔɛ.

Ñ omene ma surabariime n ũ.

⁴ Gbē kũ òteni ma wete ò ma denɔ,
 ñ tó ò kpe li, wé'i n kũ.

Gbē kũ òten kisira gōgōmainɔ,
 ñ tó ò fua, mà n kpe e.

⁵ Ōgō de lán ése ũkã kũ ña sète bà,
 Dikiri Malaika péřma.

⁶ Ñ zé gō gusira ũ kũ guzāreɛɔ,
 Dikiri Malaika ɔ sōnyĩ.

⁷ Zaakũ ò wēɛɛ yōmene pã,
 mádi yáke keńero, akũ ò bàa kpàkpaɲene.

⁸ Ñ tó kisira n le kãnto,
 ñ tó bà kũ ò kpàkpaɲene n kũ
 de ò léte wēɛ kũ ò yṑ̀ pìi gũn.

⁹ Ma pɔ ni gbasa à ke Dikiria nna,
 mani pɔnna ke kũ à ma sura bà yã.

¹⁰ Mani pi kũ nèsedoo,
 Dikiri, dí mé à de lán n bàa?
 Ndi takasidenɔ sí gbānamɔnnerinɔ,
 ndi wēndadenɔ bo n wētāmmarinɔ ɔĩ.

¹¹ Sèeda ékedenɔ di futɛmai,
 òdi yã kũ má a yã dōro lalama.

¹² Òdi yã mana fĩna bomenɛ kũ yã vānio,
 akũ ma gō boado ũ.

¹³ Tó ò gyã kè sō, ma uta kasa dà,
 ma ma zĩda bùsa kũ léyĩnaao,
 ma adua kēńne lakanaa sari,

¹⁴ lákũ ò de ma gbēnna ke ma danɛ ũ bà.
 Ma kure má mīpetena kũ posirao,
 lákũ ma dan maten wēnda kenɛɛ bà.

¹⁵ Ama kũ ma gēɛ si,
 ò likamai kũ pɔnnao,
 ò ma ke pã ò lètema,
 ò ma yaka lakanaa sari.

¹⁶ Ò ma fobò pāsīpāsī,
 ò saka pitima.

¹⁷ Dikiri, ñigō ma gwa ɛ ari bɔreɛ?
 Músu pìɲɔ teni ma ke yákiyaki,
 ñ ma símma màgō kú wēndiio.

18 Mani n sáabu kpá pari kōkakarana gūn,
mani n tó kpá gbēnɔ wára.

19 Ñsun tó ma ibeɛnɔ ma yáa dɔro,
ñsun tó gbē kú ò zámagu pānɔ
ma gwa kú wé vānioro.

20 Yá nna dì bo í lénlo,
òdi yá di yāketesaridenɔa.

21 Òdi lé atē ò pi:
Ɛhē, Ɛhē, ó wé è.

22 Dikiri, n wé è, ñsungɔ yītenaro,
ma Dikiri, ñsungɔ zà kūmaoro.

23 Ma Luda, ñ futē ñ zε kūmao,
ma Dikiri, ñ tó yá bo kūmao nna.

24 Ndì yá ke a zéa,
Dikiri ma Luda, ñ yá nna kpáma,
ñsun tó ò ma yáa dɔro.

25 Ñsun tó ò o í swèn ò ma nero,
ñsun tó ò pi ò ma mɔ bēnero.

26 Lákū òten pɔnna ke ma wétāmmanaa musu nà,
ñ tó wé'í í kú, mà í kpe e.

Lákū òten zókōke mɔmene nà,
ñ wé'í daríma ñ í kpe bo.

27 Gbē kú ma bona mana dì keíne nnano
ñ tó ò pɔnna ke ò ayuwii ke.

Gbē kú ma bona aafiaa dì kángunɔ
ñ tó ògɔ pi baala'í, Dikiri mé à zókɔ.

28 Makū sɔ, mani n náani yá o,
manigɔ n sáabu kpá gɔrɔ sīnda pínki.

36

Bisásiri vāni

Dikiri zɔbleri Dauda lèe.

1 Gbē vāni durunna yá dɔ ma swèɛa,
à wé digɔ Luda wé'í víro.

2 Zaakū àdigɔ a zīda e gbē mana ūme,
àdi a durunna dɔ gbas a zānlo.

3 Ɛke kú manafikio kú a lén,
à ɔndɔ kú manakenaao tò.

4 Àdi yá vāni laasun lé a wútekia,
àdi gí yá pásīro,
àdi a zīda da zé fayasariden.

5 Dikiri, n yenyī zókɔ kà ludambea,
ñ náani ví manamana, à zò susunenɔa.

6 N manakena zókɔ lán kpínɔ bà,
n yāzedeke lé víro lán ísira lòkotoo bà.

Dikiri, ndi bisásirinɔ kú nɔbɔnɔ bo pínki.

7 Luda, n yenyī bèere ví fá,

bìsásirinɔ dì ute n orun.

⁸ Òdi n ɔn póbìle nísìde ble ò ká,
ndì n swa'ì pɔnnade kpámáma ò mí.

⁹ Zaakū mɔkɔmmɛ wëndiboki ũ,
ó konna n gupuran mé à ó wé kè.

¹⁰ Ñgõ yenyĩ mɔ gbē kū ò n dɔnɔnɛ,
ñgõ nèsepuradenɔ sura ba ñgõ gè.

¹¹ Ñsun tó zĩdabirinɔ gèse pétepetemaro,
ñsun tó yāvānikerinɔ ɔ sōmaĩro.

¹² Ñ gwa, manafikide pìnɔ lète,
ò gò wutena sòrɔrɔ, oni fɔ ò futero.

37

Gbē mananɔ kū gbē vāninɔ ziakpɛ zĩ

Dauda lèɛ.

¹ Ñsun tó gbē vāninɔ yā n kū gbānaro,
ñsun yāvānikerinɔ gwena ni dero,

² zaakū ò kori ke tera lán sèè bàme,
ń manakɛna ni láka lán sèla ísi bà.

³ Ñ Dikiri náani ke, ñgõ yā mana ke,
ñgõ kú bùsu dín, ñgõ nna ma.

⁴ Ñ tó n pɔ gõ nna kū Dikirio,
ani pó kú n nèse yei kpámáma.

⁵ Ñ ze kū Dikirio ò a náani ke,
ani yā dínɔ kenne.

⁶ Ani tó yā bo kúnwo nna lán gudɔnaa bà,
ani tó ò bo mana lán fānantè gupurakūnaa bà.

⁷ Ñ ze kū menao Dikiri are ò a dá,
ñsun tó aruzekede yā n kū gbāna
gɔrɔ kú à bò kú a wézè vānioro.

⁸ Ñ pɔfè tó ò mì kè pètèa.

Ñsun tó yā birenɔ n kū gbānaro,
àdi su kū yāvānikenaaoɛ.

⁹ Zaakū gbē vāninɔ ni kakate,
gbē kū ò wé dɔ Dikiriinɔ mé ògõ bùsu vĩ.

¹⁰ À gè fíti kū gbē vāninɔ nigõ kun doro,
bee tó n ń wéte, ìni ń lero.

¹¹ Zĩdabusarinɔ mé onigõ bùsu vĩ,
onigõ pɔnna ke kū aafia zòkɔɔo.

¹² Gbē vāni dì yā vāni kpákpa gbē mananɛ,
àdi sakaa pitia.

¹³ Ama Dikiri ògõ a yáa dɔ,
zaakū à dõ kú a gɔrɔ ni papa.

14 Gbē vāninɔ̀ dì fēnɛda woto,
 òdi ń kà kpá sála,
 de ò le ò takasidenɔ̀ kù wēndadenɔ̀ dɛdɛo,
 ò gbē kù ń yākɛna mananɔ̀ kakatɛ.

15 Ẹ́ zīda fēnɛda ni ń zō ń swèn,
 oni ń sánɔ̀ é'éńɛ.

16 Pó fíti kù gbē mana vī
 de gbē vāni dasinɔ̀ aruzɛkɛla,

17 zaakù gbē vāninɔ̀ gbāna ni mì dɛ,
 ama Dikirimɛ gbē mananɔ̀ kùna ũ.

18 Dikiri taarisaridenɔ̀ yā dō,
 ń bakaa ògō de ń pó ũ gɔrɔ̀ sīnda pínki.

19 Wé'i ni ń kù yā pásí gɔrɔ̀ zīro,
 bee tó nàa kà, onigō kána.

20 Gbē vāninɔ̀ sō oni kakatɛ,
 Dikiri ibɛrenɔ̀ ni láka lán sēla bòtɔ̀ bà,
 ò gēte lán túsukpɛ bà.

21 Gbē vāni dì pó sākāńma à a fīna boro,
 gbē mana sō àdi gba da yōnkoyōnkɔ̀.

22 Gbē kù Dikiri arubarikaa òngunɔ̀ mé ògō bùsu vī,
 gbē kù à lé kèńnenɔ̀ sō oni kakatɛ.

23 Dikiri mé àdi zémile kù gbēnɛ,
 a pò ògō nna a kunnaaa.

24 Bee tó à gēɛ sì, ani léte sɔrɔ̀rɔ̀ro,
 kù Dikiri a kùna yāi.

25 Kefennan ma ũ yā, akù ma zī kù,
 mádi e Luda gbē mana zùkùna zikiro,
 mádi e à nénɔ̀ ten bara kero.

26 Àdigō gba da gɔrɔ̀ sīnda pínki
 àdigō pó sākāńɛ,
 a nénɔ̀ nigō de arubarikadenɔ̀ ũ.

27 Ẹ́ kpɛ li yā vāninɛ ògō yā mana kɛ,
 ńigō kù bùsu dín gɔrɔ̀ sīnda pínki.

28 Zaakù Dikiri ye yāzɛdei,
 ani a nánikerinɔ̀ zukúnaro.

Onigō kun aafia gɔrɔ̀ sīnda pínki,
 gbē vāninɔ̀ sō oni kakatɛ.

29 Gbē mananɔ̀ mé ògō bùsu vī,
 onigō kun gɔrɔ̀ sīnda pínki.

30 Ẹ́ndōyā dì bo gbē mana lén,
 a lé dì yāzɛde o.

31 A Luda doka kù a swèn,
 a gbá dì sata pókearo.

32 Gbē vāni dì gbē mana kpákpa
de à le à a de,
33 ama Dikiri ni a tó a ɔĩro,
ani we yákpate a blero.

34 Ñ Dikiri dá ñgõ a yā kūna,
ani n kara de ñgõ būsu vī,
ĩni gbē vāninɔ midena e.

35 Ma gbē pāsī gbānade ke è yā,
àten ɔ tá lán lí kū zíte kène nna bà.
36 Kū tá kà kūmao gwe, à kú gwe doro,
ma a wète, mádi a lero.

37 Ñ taarisaride yā gwa,
ñ wé pé gbē mana yāi,
zaakū nēseyídade burinɔ ni gõ buri ũ.
38 Durunnakerinɔ sõ oni kakate lēlelelele,
gbē vāninɔ buri ni mì de.

39 Dikiri mé ani gbē mananɔ sura ba,
anigõ deñne uteki ũ warikεgɔɔa.
40 Dikiri ni kpáyī à ñ bo,
ani ñ sí gbē vāninɔa à ñ sura ba
kū ò nài yāi.

38

Takaside aduakεnaa

Dauda lē.

¹ Dikiri, ñsun ma toto kū pɔfēoro,
ñsun ma sã fi kū pētēoro.

² N kànɔ ma papa,
n ɔ tōma.

³ Ma mē gbāna làka n pētē yāi,
ma wá aafiaro ma durunna yāi.

⁴ Ma taarinɔ dàmala,
ò tōma lán aso tìkisii bà.

⁵ Ma bònɔ lì fōnna ũ,
ò yagi kè ma yōnkòke yāi.

⁶ Má kuna, ma gõ zólòlò,
madigõ té ànsisiname gɔɔ sīnda pínki.

⁷ Ma kpεwa ten wí yápura,
ma mē gbāna vīro.

⁸ Má gbāna vīro, ma mēe kè búgubugu,
maten wiki lé ma poyakana yāi.

⁹ Dikiri, ñ pó kū má yei dõ pínki,
ndi ma ndana ma sãnsã.

¹⁰ Ma kú ten vī gbì gbì, ma gbāna làka,
ma wé ten té ke doro.

¹¹ Ma gbēnnanɔ kū ma gbēnɔ dì gbātemene,

ma danɛnɔ dì bàa lémenɛ ma bònɔ yāi.

12 Gbē kū ò wete ò ma denɔ di bà kpákpaɛnɛ,
ma weterinɔ dì yā vāni kpákūsū kūmao,
òdigɔ manafikiyā gwa kū kɔɔ gɔɔ sīnda pínki.

13 Ma gɔ lán sāto bà, madì yā maro,
lán gbē kū a néné nàte bà, madì lé wēkɔaro.

14 Má de lán gbē kū àdi yā maro bà,
madì weńmaro.

15 Dikiri, mɔkɔmmɛ ma wé dɔnyī,
ĩni ma yā ma, Dikiri ma Luda.

16 Ma pì, ñsun tó ò ỳgɔ kemaro,
ñsun tó ò ĩa dā ma satana yāiro.

17 Ma ka letena,
madigɔ kú yā'úmmanaa gūn.

18 Mani ma yā vāninɔ onne sà,
zaakū ma durunna yāin ma pɔ yakana.

19 Ma ibere pásīnɔn lé vīro,
gbē kū ò zāmagu pāpānɔn dasi.

20 Òdi yā mana fīna bomɛnɛ kū yā vānio,
yā manan má téi, akū ò ibere sè kūmao.

21 Dikiri, ñsun ma zukūnaro,
ma Luda, ñsungɔ kú kūmao zāro.

22 Ñ mɔ ñ kpámai likalika,
ma Dikiri, ma surabarii.

39

Takaside ɔɔɔna Ludane

Dauda lèɛ.

1 Ma pì, manigɔ ma zīda kūna dɔ,
mani tó ma lé ma da durunnakɛnaa gūnlo.
Tó gbē vāni kú kūmao, mani ma lé kū.

2 Ma lé nakɔana, ma yīte kítikiti,
mádi yāke oro, bee yā mana se,
akū ma yā'úmmanaa èra à kàra.

3 Ma swèɛ puusu bò ma gūn,
kū ma laasunn lè, ma nèseɛ wà,
akū ma lé bò ma pì:

4 Dikiri, ñ tó mà a wèndigɔɔ lé dɔ
kū ma gɔɔ dasi léo.

Ñ tó màgɔ dɔ lákū ma wèndii ni láka nà araga.

5 N ma wèndi lé ỳ n ɔla lén,
ma konna de wé kū yīola n kīnaaro.

Gbē sīnda pínki dì gēte lán ĩa bàme,
6 bisāsiri tena dìgɔ de lán uraa bàme.

Àdi ke gàragara à aruzekɛ kakara,

ama à dš ke dín ani gšnero.

⁷ Tó lεμε, bó tšmaan manigš vīi?
Mokšmme ma wé donyī, Dikiri.

⁸ Ñ ma taarinɔ kšma,
ñsun tó yšnkɔnɔ ma foboro.

⁹ Ma lé nakšana, mádi ma lé wškšaro,
zaakū mokšn mé n yā bire kè.

¹⁰ Ñsun ma lé doro,
n okū teni ma ká gaa.

¹¹ Ndi gbē toto ndi wé tša a durunna yāi,
ndi a aruzekε ble lán blé bà.
Gbē sīnda pinki di gēte lán ia bàme.

¹² Ñ ma aduakεna sí Dikiri,
ñ sá kpá ma wikilεnaaa.
Ñsun sá tata ma šɔdɔnaanero,
zaakū n nibɔɔn ma ũ,
má de gbē žtɔ ũ lán ma dizinɔ bà.

¹³ Ñ wé goma de ma pɔ le àgš nna dɔ,
ari màgš gé andunia tó.

40

Dikiri sáabukpanaa

Dauda lèε.

¹ Ma wé dš Dikirii manamana,
akū à are dšma à ma šɔdɔnaa mà.

² À ma bo tšnɔwεεε gūn,
à ma bo fokon.

À ma gbá pète gbèsi musu,
à ma ze gwe gíngin.

³ À lè dufu dàmεnε ma lén
ó Luda sáabukpana pó ũ.

Gbēnɔ ni e dasi, vīna ni ní kū,
ò Dikiri náani ke.

⁴ Arubarikaden gbē kū à Dikiri náani vī ũ,
akūsš àdi are dɔ židabirinɔ kū tánagbagbarinɔaro.

⁵ Dikiri ma Luda, n yābonsarekenanɔn dasi,
oni fš ò yā kū nten péawεε dɔdɔro.

Tó maten babanne, à lé vīro,
mani fš mà o pínkiro.

⁶ Ñ ye sa'opɔ ke gbairo,
akū n ma gba sá mà yā mao.

Ñdi sa'opɔ kū òdi ká tén à té kū
ke durunna kútekeɔ gbekaro.

⁷ Akū ma pi: Makūme la,
ma su lákū à kēna takadan ma yā musu nà.

⁸ Má ye n pɔyenyīna kεme, ma Luda,

n doka kú ma swèè gūn.

⁹ Mani yāzede baaru kpá pari kōkakaranaa gūn,
mani ma lé nakšaro, lákū n̄ dš nà Dikiri.

¹⁰ Mádi n yāzedeke utéñnero,
ma n náani kū n surabanaao yá ò.
Mádi gí n yenyī kū n yāpurao oi
pari kōkakaranaa gūnlo.

¹¹ Dikiri, ñsun gí ma wēnda gwairo,
n yenyī kū n yāpurao gō ma dákpá.

¹² Zaakū yā vāni kū à likanamai lé vīro,
ma taarinō dāmala, maten gu ero,
à dasi de ma mikāla, swèè kèmagu.

¹³ Dikiri, n̄ sùru ke n̄ ma sura ba,
Dikiri, n̄ ke likalika n̄ mós n̄ kpámai.

¹⁴ Wé'i gbē kū òten wete ò ma denō kū,
ò n̄ m̄ péte.

Gbē kū ò ye mà kisira enō kpe li,
n̄ ān gō sisina.

¹⁵ Gbē kū òdi pimene, taare, taarenō,
wé'i n̄ kū ò gō ḡiri.

¹⁶ Gbē kū òteni n ki wetenō,
n̄ tò n̄ pō kemma nna ò yāa dō.

Gbē kū ò ye n surabanainō
gō pi Dikiri zōkō.

¹⁷ Takaside wēndademe ma ū,
n̄ laasun lé ma yāa, Dikiri.

Mōkōmmē ma kpanyīri ū kū ma m̄sirio,
ma Luda, ñsun ḡi kero.

41

Gyāre aduakēnaa

Dauda lèe.

¹ Arubarikaden gbē kū àdi gbānasaride yā da ū,
Dikiri d̄i a bo warikenagōra.

² Dikiri ni à dákpá à a gba wēndi gbàna,
ani arubarika daagu a b̄sun,
ani a kpá a iberenōa ò n̄ poyeina kearo.

³ Dikiri ni ze kāao tó à wutena gyān,
ani tó à fute gyā pin aafia.

⁴ Ma p̄i: Dikiri, ma durunna kènne,
n̄ ma wēnda gwa, n̄ ma gba aafiaa.

⁵ Ma iberenō teni ma wete kū gao ò p̄i:
Boren ani ga de a tó sātēe?

⁶ Tó ò sù ma gwa, yā pān òdi omene,
òdi baaru vāni wete ma yā musu,
gbasa òdi fute ò gé ò yā p̄i fā bàai.

7 Ma zāngurinɔ dì ma kpákpa kũ yā vānio,
 ñ pínki òdi àlesi vāni dɔma ò pi:

8 Gagagyā mé à a lè,
 ani fute a wutena bire gūn doru.

9 Bee ma gbēnna kũ ma a náani kè,
 kũ odi ɔ kakara ta dokɔnɔ gūn bò ma kpe.

10 Mɔkɔn sɔ Dikiri, ñ ma wēnda gwa,
 ñ ma gba aafiaa de mà fina boíne.

11 Tó ma ibereɔ dí ma yǒgɔ kemaru,
 manigɔ dɔ sà kũ ma yā kangu.

12 Ñ ma kũna ma nēsemana yāi,
 ñ tò màgɔ kú n are gɔɔ sinda pínki.

13 Arubarikade Dikiri, Isarailanɔ Luda
 zaa káaku ari gɔɔ sinda pínki!
 Aami! Aami!

TAKADA PLADE

Zabura 42-72

42

Zìzɔ ɔɔdɔnaa

Kora burinɔ lèe.

1 Lákú zɔ dì swa sare ni de nà,
 len n ni dì ma de le, Luda.

2 Ma nini ten Luda ni de, Luda Wēndide pìi.
 Bɔren mani le mà gé daalee?

3 Wétē mé à gɔ ma pɔble ũ
 fānantē kũ gwāanio,
 òdigɔ pimene gɔɔ sinda pínki:

N Luda kú máa?

4 Ma nēsee wēnne, akũ yā díkīnanɔ dɔmagu,
 lákú madì gé pari gūn nà ari Luda ɔnn,
 gbēnɔ òdigɔ tété ma kpe kũ ayuwiiu,
 dikpekerinɔ dì dodomai kũ sáabukpanaa.

5 Bóyāin ma nēsee yàkaa?

À kè dera ma laakarìi fùtēe?
 Séde màgɔ wé dɔ Ludai,
 zaakũ mani era màgɔ à sáabu kpá,
 ma Surabari, ma Luda.

6 Ma nēsee yàka, akũ n yā dɔmagu
 zaa Miza kpigereei ari Yoda mìa,
 zaa Emɔ kpínɔ musu.

7 Ndi tó ísɔkena kīni gɔ dɔ,
 í lòkotonɔ ten lé zukɔi.
 N tò í ten damala,
 a sɔ ten tá kũmao.

8 Dikiri dì yenyī mɔmene fānantē,
 a lèe òdigɔ dɔ ma lén gwāani,

maten wé ke Luda kú à de ma wèndi ũa.

⁹ Madi pi Luda ma gbèsine:

Bóyáin ma yá sànguu?

À kè dera n tò màgõ té kú pɔsirao
ma ibere wétámmana yáii?

¹⁰ Ma waridɔmmarinɔ di ma sɔsɔ,
akū ma wáno digõ wí,
òdigõ pimeɛe ɔrɔ sɪnda pínki:
N Luda kú máa?

¹¹ Bóyáin ma nèsee yàkaa?

À kè dera ma laakaríi fùtɛɛ?

Séde màgõ wé dɔ Ludai,
zaakū mani era màgõ a sáabu kpá,
ma Surabari, ma Luda.

43

¹ Ñ ma yá nna kpáma Luda,
n zɛ kúmao buri ludadɔrisarinɔ yá musu,
n ma bo gbɛ vāni manafikidenɔ ɔĩ.

² Luda, mɔkɔmmɛ ma uteki ũ,
bóyáin n gimaii?

À kè dera n tò ma gõ té kú pɔsirao
ma ibere wétámmana yáii?

³ Ñ n gupura kú n yápuraɔ zĩma,
à domɛɛ are n kpi musu,
à gé kúmao ari n kúkia gwe.

⁴ Gbasa mà gé n gbagbakia Luda,
ma pɔ ni kemma nna, Luda ma pɔnna,
mani n tó kpá kú mɔrɔɔɔ,
Luda ma Luda.

⁵ Bóyáin ma nèsee yàkaa?

À kè dera ma laakaríi fùtɛɛ?

Manigõ wé dɔ Ludai,
zaakū mani era màgõ a sáabu kpá,
ma Surabari, ma Luda.

44

Isarailanɔ faaba wékenaa

Kora burinɔ lèɛ.

¹ Luda, yá kú n kè zaa gikɛna ó dizinɔ ɔrɔɔa,
ò òwɛɛ ó sã mà.

² N ɔ sɔ burinɔi n wari dɔm̃ma,
n ó dizinɔ kàtɛ n gbèn,
n ñ kara ò dàgula.

³ Adi ke ñ fɛnɛda mé à ñ ká bùsu díaro,
ñ gàsã gbānan ò z̃li blèoro.

N z̃ida gàsã gbāna mé à tò,
n are dɔm̃ma kú ñ yeñyĩ yāi.

4 Mòkòmme ma Kína ũ ma Luda,
 ndì tó Yakubu burinɔ zì ble.
 5 N gáin odi ɔ s̄s̄ ó iberenɔi,
 kũ n t̄son odi gbá pétepete ó zāngurinɔa.
 6 Adi ke ma sá náanikenanlo,
 adi ke ma f̄neda mé àdi ma boro.
 7 Zaakũ mòk̄n mé ndì ó sí ó iberenɔa,
 ndì wé'i da ó zāngurinɔa.
 8 Luda, odìḡɔ n sáabu kpá ḡɔɔ s̄inda pínki,
 odìḡɔ n tó kpá lakanaa sari.

9 Bee kũ abireo n giwái n tò wé'i ó kũ,
 ndì bo kũ ó z̄ikarinɔ doro.
 10 N tò o boru kpe ó iberenɔne,
 n tò ó zāngurinɔ ó p̄nɔ nàk̄sa.
 11 N ní gbá zé ò ó dede lán s̄anɔ bà,
 n ó f̄ák̄sa burinɔ té.
 12 N n gbēnɔ yla araga,
 ndi àre le a gūnlo.

13 N tò ó gbēdakenɔ ó s̄s̄s̄,
 gbē kũ ò kú ó sarenɔ ó lalandii kè.
 14 N tò o ḡɔ baaru p̄ ó burinɔne,
 gbēnɔ dì ní m̄i yīḡawere.
 15 Madìḡɔ kú kũ wé'io ḡɔɔ s̄inda pínki,
 ma gasuu ḡɔ kpá ma wéi
 16 ma lalandikerinɔ kũ ma s̄s̄s̄rinɔ yāi
 kũ ma iberɛ kũ ò ye ò f̄ina bomanɔ yāo.

17 Abirekũ ó lé pínki,
 bee kũ n yā dí s̄aóguro,
 ódi n bàka kunna kũoo yā gbororo.
 18 Ó laasun dí kēmmaro,
 ódi kē n zéaro.
 19 N ó ké dúgudugu,
 n ó búsu kè gbēgbonnɔ kureki ũ,
 n gusira níkiniki dàóla.

20 Tó ó Dikiri tó s̄aógu yā,
 ke tó ó wé d̄ò buri z̄it̄nɔ t̄ananɔi,
 21 Luda ni gí ei yá?
 Zaakũ àkũ mé à ó n̄esegūnyānɔ d̄s̄ pínki.
 22 N yāi ó kú ga léi zaa k̄onk̄o ari okosi,
 òdi ó dite lán s̄a kũ oni ní k̄utu kpánɔ bà.

23 N̄ vu Dikiri! À kè dera nten i oo?
 N̄ fute! N̄sun gíwái ḡɔɔ s̄inda pínkiro.
 24 À kè dera n k̄òk̄t̄ɔ d̄òw̄ereɛ?
 Ó wēndake kũ ó wét̄ammanaao s̄angun yá?

25 O ḡɔ yīna lukutēn,

o gō wutena zīte.

²⁶ Ñ futε ñ kpáwái,
ñ mó ñ ó bo n yenyī yāi.

45

Kína nɔsena lèε
Yenyī lè kù Kora burinɔ dà.

¹ Yā nna ten pípi ma swèε gūn,
lákū maten lè díkīna da kīnane nà.
Ma lé nna lán takadakēri mana takadakēbɔɔ bà.

² N manake de gbē sīnda pínkila,
n légbεε digō nna,
arubarika kù Luda dàngu lakana vīro.

³ Mɔkɔn zìkari pásī, ñ n fēneda sé
ñ loko n kíkεgakuri sèeda ũ.

⁴ Ñ di sōa ñ gé zì ble n gakurike gūn
yāpura kù nèsedoo kù yāzεdeo yāi,
ñ yā náasidenɔ ke kù n ɔpla gbānao.

⁵ Kí, n kànɔ lé sōnte,
àdi gē à n ibεrenɔ swè zō,
burinɔ di léte n gbá sare.

⁶ Luda, ñigō vutena kpatan gɔrɔ sīnda pínki,
ñigō n kíkεgo kúna yāzede ũ.

⁷ Ñ ye yāmanakenaai, n zā a yāvānikenagu.
À yā mé à tò Luda, n Luda, n ka kín,
à pɔnna pīsīmma de n gbēnɔla.

⁸ Lí'ɔ gbī nnanna pīsī n pókasanɔa,
mɔrɔ ũ di n pɔ ke nna
n kpé kù ò kèke kù wisa sakaao gūn.

⁹ Kína nénɔgbēnɔn kù n nɔ yenyīdenɔ té,
n nɔ dufu kù n ɔplai,
à Ofi bùsu wurapɔnɔ dana.

¹⁰ Nénɔkpare, ñ sã kpá ñ ma!
N de bε kù n gbēnɔ yā sún donne arero.

¹¹ N nɔmanake ten kína mēε luka,
ñ mì natεne, zaakú n dikirimε a ũ.

¹² Tayadenɔ ni su ò gba danne,
aruzekedenɔ ni n wé wete.

¹³ Kína nénɔkpare vutena kpéne gūn kù gakurio,
ò ɔzī kè a pókasanɔa kù wura bàao.

¹⁴ Òten su kāao kīnane
kù a pókasa wānzāndenɔo dana.

Nénɔkpare zennerinɔ téi,
òten su kāao a kīnaa.

¹⁵ Òten gē kūńwo kīnabea,
òten pɔnna ke kù ayuwīikenaa.

¹⁶ N négōgbēnɔ ni gō n denɔ gēne ũ,
ñni ñ ditedite kīnanɔ ũ andunia gūn pínki.

à lè sí ó Kínane, à lè síne.

⁷ Zaakū andunia pínki Kínane a ũ,
à lè síne kū dōnaao.

⁸ Luda ten kí ble burinɔa,
à vutena a kpata kū à kú adonaaa.

⁹ Burinɔ kpatablerinɔ ten kɔ kakara
gbē kū ò de Ibrahī Luda gbēnɔ ũ,
zaakū andunia kínanɔ bi Luda pómē.

À deńla n pínki.

48

Zaiš bi Luda wēteme

Kora burinɔ lēe.

¹ Dikiri zókɔ, à kà ò a sáabu kpá manamana
ó Luda wēte gūn a kpi kū à kú adonaa musu.

² Zaiš gbè katena mana,
à de andunia gbē sīnda pínkine ponna ũ.
Kína zókɔ wēte pì kú kpi gugbānduru kpa.

³ Luda kú a gudākpákinɔ gūn,
à tò ò a dō aafialeki ũ.

⁴ Kū kínanɔ lédokōnɔ kè
de ò su ò létea leele,

⁵ kū ò wēte pì è le, akū à bò n sare,
vīna n kū, akū ò bàa lè.

⁶ Ò gō kū lukanaao
lán nɔgbē nɔwāwākerii bà.

⁷ N n kè dúgudugu
lákū ifāboki ĩa dì lagatarinɔ gó'iteno kakate nà.

⁸ Yā kū o maaan ó wé è
Dikiri Zikaride ó Luda wēte gūn.
Luda wēte pì kàte àgō kun gɔɔ sīnda pínki.

⁹ Luda, ó kú n kpé onn,
óten laasun lé n yenyīkenaaa.

¹⁰ Luda, lākū n tó dàgula ari andunia lén nà,
len n sáabukpanaa dàgula le dɔ.

Ndì yā gōgō n gbēnɔne a zéa.

¹¹ Zaiš kpidenɔ ten ponna ke,
Yudanɔ bùsu wētedenɔ pɔ kè nna,
yākpate kū n kènɔ yāi.

¹² À dɔdɔkōa à lika Zaiši,
à a bīni dākpāki lei dasinɔ nara.

¹³ À a bīninɔ tàasi ká kū a zeki gbānanɔ
de à le à baba zadenɔne.

¹⁴ Zaakū Luda díme ó Luda ũ gɔɔ sīnda pínki,
àdi dowerε are ari ò gé gao.

49

Aruzeke náanikena bi yōnkoyame

Kora burinɔ lɛɛ.

¹ Buri sīnda pínki, à yā díkīna ma,
andunia pínki, à sā kpá,

² kīnanɔ kū talakanɔ,
aruzekedenɔ kū takasidenɔ á pínki.

³ Ɔndōyā kú ma lén,
dōna kú ma swèn.

⁴ Mani sá dɔ yáasi yāi
mà a bɔkɔte ke kú mɔɔlenaaɔ.

⁵ Mani vīna ke yā pásī gɔɔnɛro,
bee tó ma zāngurinɔ likanamai.

⁶ Ò ní aruzeke náani vī,
òdi ní ɔgɔda ãa dā.

⁷ Gbēke ni fɔ à gí a gbēdakenɛ ga kú ani gairo,
ani le à póke kpá Ludaa à a wèndi booro.

⁸ Zaakū gbē wèndi bona zī'ū,
aruzeke ni fɔ à bo zikiro.

⁹ Ani fɔ à tó àgɔ kun gɔɔ sīnda pínkiro,
ani fɔ à gíne àsun wé ke pla kú gyāwānworo.

¹⁰ Zaakū ò dō kú bee ɔndōrinɔ dī ga,
mīsaridenɔ kú yōnkɔnɔ dī mī de le se,
òdi ní aruzeke tó gbē pāndenɔne.

¹¹ Bee kú ò ní tónɔ kpà būsunɔne yā,
ní mira nigɔ de ní be úme gɔɔ sīnda pínki,
anigɔ ní kúki ũ ari ní buria.

¹² Bisāsiri kú a bèerekeo
dīgɔ kun gɔɔ sīnda pínkiro,
ani kakate lán nòbɔnɔ bàme.

¹³ Mīsaridenɔ lakanaan gwe,
leme à de le dɔ kú gbē kú ò té ní ágbainɔ.

¹⁴ Oni si gyāwānn lán sānɔ bà,
ga mé anigɔ de ní dāri ũ,
gbē mananɔ ni kí bleńma gudɔɔ.

Ní mènɔ ni yagi kú miran,
gyāwān mé anigɔ de ní be ũ.

¹⁵ Ama Luda ni ma wèndi sí gyāwānnwa
à gbānake kpámai.

¹⁶ Tó gbē ten gɔ aruzekede ũ
akūsɔ a be tó ten bo nna,
n̄sun tó à kenne yāke ũro,

¹⁷ zaakū ani le à póke sé à táo a gagɔɔro,
a aruzekenɔ ni bó téiro.

¹⁸ Bee tó à a zīda dō arubarikade ũ a wèndi gɔɔ
akūsɔ ò a sáabu kpà a nnamana yāi,

¹⁹ ani ká a dizinɔlame,

ani wé ke pla kū gupurao ziki doro.

²⁰ Bisāsiri kū a bèerekeo,
tó a wé dí kéro,
ani gēte lán nòbòno bàme.

50

Donyĩkena yapura

Asafa lèe.

¹ Dikiri Luda Gbānasīndapinkide ten yā o,
àten lé zu andunia gbēñi
zaa ifáboki kpa ari a léte kpa.

² Luda gakurí ten bi Zaiṣ,
wēte kū a manake papana.

³ Ó Luda ten su, anigō yītenaro.
Té kū àdi ní ble kú a are,
zàgaṛa pásí likai.

⁴ Àten musudeno sísi kū zītedenoo
de à le à yákpate ke kū a gbēno.

⁵ À pì: À ma yāmarino kakaramene,
gbē kū ma bàka kú kúńwo sa'onaa gāino.

⁶ Ludame yákpatekeri ũ,
musudeno di a yākena a zéa kpàkpa ke.

⁷ À ma, ma gbēno, má yā ví mà oáre,
Isarailano, mani á dà bobo,
makūme Luda á Luda ũ.

⁸ Maten zuka káái á sa'ona yairo,
ke sa'opo kū adigō ká tén à té kū.

⁹ Má zùsa kū à kú á kpàsan ni vīro,
kesō blè kū à kú á karaa gūn,

¹⁰ zaakū nòbòsēnteno bi ma pónome
kū pókāde kpàsa kū ò kú sīsī dasino musuo.

¹¹ Má kpi musu bāno dō pínki,
sēnte pō keteno kun ma pō ũme.

¹² Tó nà teni ma de, mani oáero,
zaakū makūme má andunia ví
kū pō kū ò kunnō pínki.

¹³ Madì zùsa nòbò sòn yá?
Madì blèkofīni aru min yá?

¹⁴ À sa oma kennakūkō pō ũ,
à lé kū a gbē makū Luda Musudea fīna bo.

¹⁵ À ma sísi warikegōra,
mani á bo, áni bèere límene.

¹⁶ Akū Luda pì yāvānikerinone:

À kè dera átēni ma yāditenano dōdō?
Bóyāi ma bàka kunna kúńwo yā da á lénn?

¹⁷ Á ye ma yādannenaairo,
a ma yāno kpà kpe.

18 Tó a kpāni è, adì a ke á gbēnna ũme,
á bàkaa òḡḡ kú kũ zinakerinḡ.

19 Á légbēē vāni,

adì lénna keñne.

20 Adigḡ á gbēndo pi,

adì á da né éke bo.

21 A yā birenḡ kè, akũ má yītēna.

Átēn da má de lán á bàme,
ama mani kpākēái mà á dà bobo.

22 Ákḡnḡ kũ ma yā sàágunḡ, à yā pì ma.

Tó len sōro, mani á ke yákiyaki,

gbēke ni fḡ à á símaro.

23 Gbē kũ à kennakūkḡḡ sa òma zḡkḡke dḡmenē,

àtēni ma gba zé mà mḡáre

lákũ madì gbēnḡ sura ba nà.

51

Sùrukpana Luda

Lè kũ Dauda dà ḡḡḡ kũ annabi Natā ḡèe a kīnaa a zinakēna kũ Basebao
gbera

1 Luda, ò ma wēnda gwa n yenyī ḡũn,

ò ma taarinḡ gogo n mana zḡkḡ yāi.

2 Ò ma durunna kēma mà ḡḡ swáswa,

ò ma durunna kēma míḡmḡ.

3 Má a taarinḡ dḡ sà,
ma durunna òḡḡ sāmāguro.

4 Mḡkḡmme ma durunna kēnne,

ma yā kũ í yeiro kè.

Tó n yā ò, n yā nigḡ zé vī,

tó n yákpate kè kũmao, n yā nigḡ nna.

5 Zaa ma da nēsen má vāni,
má durunna vī zaa ma ina ḡḡḡme.

6 Nēsemana mé àdi kángu,

ò òndḡ damēne ma swèe ḡũn.

7 Ò ma zú o kũ sakoo mà pu swáswa,

ò ma nēse pípimēne mà ḡḡ púu táitai.

8 Ò tó mà pḡnna ke kũ yáadḡnaao,

ò tó ma wá kũ n bùsanḡ were.

9 Òsun ma durunnānḡ yā daro,

ò ma yā vāninḡ bo ò zukũna pínki.

10 Luda, ò nēsepura damēne,

ò era ò tó ma laakari ḡḡ kpatēna.

11 Òsun ma zukũnaro,

òsun n Nini símaro.

12 Ò era ò tó ma pḡ ke nna

kũ n ma sura bà yāi.

Ñ ma nini gba màgõ n yā ma,
 13 gbasà mà n yā dàdà yāvānikerinone,
 durunnakerinõ ni era ò are òmma.

14 Ñ ma bo gbēdena yān,
 Luda, Luda ma surabarii,
 mani lè sí n yākena a zéa musu.

15 Dikiri, ñ ma gba lé
 mà n sáabu kpá.

16 Sa'onaa dì kenne nnaro,
 tó lenlo de ma ò.
 Sa'opõ kũ òdi ká tén à té kũ di kánguro.

17 Sa kũ maten ommame ma nèseyĩda ũ,
 ndì wēndade sùrude gya boro.

18 Luda, ñ arubarika da Zaiõgu
 n poyeina mana gūn,
 ñ Yurusalemu bini gba gbāna,
 19 gbasà sa'ona a zéa ni kángu
 kũ sa'opõ kũ òdi ká tén à té kũo,
 oni sa o kũ zùsanenõ n gbagbakia.

52

Aruzeke de ìadānaa

Lè kũ Dauda dà gõrõ kũ à gèe Aimelèki bea, akũ Edõmu gbē Doegi gèe à ò
 Solunee

1 Gõsa gbāna, Luda gbēke kun gõrõ sīnda pínki,
 à kè dera nten ìa dà kũ yā vānioo?

2 Ndigõ léfõtõ ke kũ gbēnõ gõrõ sīnda pínki,
 n lé nna lán gē mibobõ bà,
 ndì gbēnõ gbákĩ zõo.

3 Ñ ye yā vānii de a manala,
 éketonaa dì kenne nna de yāpurala.

4 Ñ ye gbēkakatena yāi,
 manafikiyā mé à da n lén.

5 Luda ni n gbāna kò é ari gõrõ sīnda pínki,
 ani n kũ à bo kúnwo n kpén,
 ani n bo gbē bēnenõ té.

6 Tó gbē mananõ è, vīna ni n kũ,
 oni n lalandi ke ò pi:

7 Gbē kũ adi Luda ke a uteki ũron dí!
 À náani kpà a aruzeke zõkõõa,
 à gõ gbānade ũ gbēkakatēnaa gūn.

8 Má de lán kũ lāsirade kũ à kũ Luda õnn bà,
 manigõ ze kũ Luda yenyĩõ gõrõ sīnda pínkime.

9 Manigõ n sáabu kpá gõrõ sīnda pínki
 yā kũ n kè yāi,
 mani n tó sé lei n yāmarinõ wára,
 kũ n mana yāi.

53

Yōnkɔ yá'ona

Dauda lèè.

¹ Yōnkɔ dì pi a swèn Luda kunlo.

Gběnɔ yàka, n̄ yākɛnaa vāni,
yāmanakeri ke kú n̄ téro.

² Zaa musu Luda dì bisāsirinɔ tàasi ká
à gwa tó gbēke ɔndɔ kà à a kīnaa wete.

³ Ō sâte n̄ pínki ò g̃ɔ̀ d̀rɔ̀ sari míómíɔ,
yāmanakeri ke kú n̄ téro, bee mèn do.

⁴ Yāvānikerinɔ d̃na vīroo?

Ōdi ma gbēnɔ mómɔ lán ú bà,

òdi Luda sísiro.

⁵ Gwen vīna n̄ kūn manamana,
vīnapɔnɔn kú gwe sōro.

Luda tò gbē kú ò lètéáwanɔ g̃ɔ̀ katena gènɔ ũ,
a wé'i dàímma kú Luda g̃ínýī yāi.

⁶ Luda, n̄ bo Zaiš n̄ mós n̄ Isarailanɔ sura ba!

Tó Luda èra à sù kú a gbēnɔ n̄ gwena zīn,

Yakubu burinɔ ni pɔnna ke,

Isarailanɔ ni yáa dɔ.

54

Gbē kú òten wé taa aduakɛnaa

Lè kú Dauda dà gɔ̀ kú Zifidenɔ gèè ò pì Solunɛ, Dauda utena n̄ bùsun.

¹ Luda, n̄ ma sura ba n̄ tó yāi,

n̄ yā símenɛ kú n̄ gbānao.

² Luda, n̄ ma aduakɛna ma,

n̄ sá kpá ma yá'onaai.

³ Zaakú buri pāndenɔ fùtemai,

gbē pásínɔ teni ma wè ò ma de,

òdi Luda yā daro.

⁴ Ludame ma kpanyīri ũ,

Dikiri mé à ma kūna.

⁵ N̄ ma zāngurinɔ vāni eraímma,

n̄ n̄ dúgu zɔ̀ n̄ náani yāi.

⁶ Mani sa omma kú ma poyeinaao,

mani n̄ tó bo Dikiri, zaakú n̄ mana.

⁷ À ma bo ma warinɔ gūn pínki,

à tò ma yògɔ̀ kè ma iberenɔa.

55

Aduakɛna kunna wétammanaa gūn

Dauda lèè. Ōdi sí kú guruminɔme.

¹ Luda, n̄ ma aduakɛna ma,

ñsun lá kú ma yálaro.

² Ñ sã wē ma yāi ñ wema,
ma laasun ma likara ma gō bídi gūn,
³ ma ibereṅo yá'ona yāi
kū gbē vāninṅo wēbirimanaao,
zaakū òten wari òmame,
ò ma kúna kū pɔfēo.

⁴ Swēē kèmagu,
ga vīna gèmagu.

⁵ Vīna ma kū, maten lukaluka,
ma nini vūra.
⁶ Tó má òmbere vī lán potēne bà,
de mani vura mà gé kámma bo,
⁷ mani bàa lé mà gé zàzā,
mani gé mà vute gbárannan.
⁸ Mani wā mà gé mà uteki wete,
de zàga'ia gbāna sún ma lero yāi.

⁹ Ñ ñ yā gboro, Dikiri, ñ ñ yā yákatēne,
zaakū ma è zuka kū fitiio kú wēte gūn.

¹⁰ Òdi kpáte ke bīni musu fānantē kū gwāanio,
yā vāni kú yā gbānao di wēte gūn.

¹¹ Gbēdedeyā mé à wēte pìi pà,
gbānamōnna kú manafikio dì kē a batunlo.

¹² Tó ma ibere mé àteni ma sōsō yā, mani mena,
tó ma zānguri mé à fūtemai, mani utene.

¹³ Ama mɔkōn, mɔkōn kū ó sára léle,
ma gbēndo, ma gbēnna!

¹⁴ Odi fāai bo kū kōo yā nnanna,
odigō tékōi pari té Luda onn.

¹⁵ Ga ni zāmba ke ma ibereṅone,
ò si gyāwān ñ gbānagɔɔ,
zaakū vāni vuteki è ñ gūn.

¹⁶ Makū sō, madì Luda sísi,
akū Dikiri dì ma sura ba.

¹⁷ Kōnkō, fānantē kū ɔkōsio
madigō ma yā'ummananṅo bōtene kū ndanaao,
akū àdi ma yā ma.

¹⁸ Bee kū ma ibereṅon dasi,
àdi ma sí à ma bo fitin aafia.

¹⁹ Luda digō vutena kpatan gɔɔ sīnda pínki,
ani ma yā ma, ani wé'i daríma,
zaakū òdi ñ dà litero, ò Luda vīna vīro.

²⁰ Ma gbē pìi fiti kè kū a gbēnṅo,
à bò lédokōnṅo kū ò kè kū kōo kpe.

²¹ Àdi yā nna o lán zó bà,

ama fiti laasun kú a swèn.
 Àdi lénna keńne páipai,
 ama yáadómma bà da a bòkómme.

22 Ñ n yá'úmmananɔ tó Dikirine,
 anigõ n kúna,
 àdi tó gbě mana fu zikiro.
 23 Gbēderi náanisaridenɔ ni ní gɔɔ dagura lero,
 Luda, ĩni tó ò si gyāwān t̃nɔwɛɛn.

Makū s̃, manigõ n náani ṽ.

56

Zidakpana Ludaa

Lè kú Dauda dà gɔɔ kú Filisitininɔ a kú zaa Gata.

1 Ñ ma wēnda gwa Luda, òten péma,
 òdigõ z̃i ká kúmao ògõ wé t̃ama gɔɔ s̃inda pínki.
 2 Ma kpàkparinɔ digõ péma gɔɔ s̃inda pínki,
 ní karambaani yáin òten z̃i ká kúmao.

3 Tó ṽina teni ma kú, mani n náani ke.

4 Mani Luda tó kpá yá kú à ò yái,
 má Luda náani ṽ, mani ṽina kero.
 Bón bisāsiri ni f̃ à kemeneɛ?

5 Òdigõ ma yá lite kpedangara gɔɔ s̃inda pínki,
 òdigõ ma kpákpa kú yá ṽanio.

6 Òdi k̃ kakaramai ò natemene,
 òdi ma kpákpa ògõ ye ò ma de.

7 Luda, ñsun tó ní gběke boro,
 ñ burinɔ ne kú p̃f̃eo.

8 Ñ ma warikena yá da,
 ñ ma wét̃ek̃otena ká n t̃uruu gūn.
 À kú n takada gūnloo?

9 Tó ma lé zù Ludai,
 ma iberenɔ ni boru kú k̃peo,
 manigõ d̃s̃ kú à yá s̃imene.

10 Mani Luda tó kpá yá kú à ò yái,
 ee, mani Dikiri tó kpá yá p̃i ona yái.

11 Má Luda náani ṽ, mani ṽina kero.
 Bón bisāsiri ni f̃ à kemeneɛ?

12 Luda, mani lé kú ma gb̃enñenɔ f̃ina bo,
 mani kennakūk̃õ sa omma.

13 Zaakū n ma si ga léi,
 nídi tó ma g̃̃e s̃iro,
 de màgõ kure kūnwo
 gupura kú àdi w̃endi kpár̃ma gūn.

57

Wikilena Luda Musudei

Lè kù Dauda dà gɔɔ kù à bàa lè Solune à ùte gbèwèen.

¹ Ñ ma wēnda gwa Luda, ñ ma wēnda gwa,
zaakū mɔkōmmē ma nanyĩ.

Ñ ma sɔɔ n orun ari ma bo ga léi.

² Maten wiki lé Luda Musudei,
Luda kù àdi yá kù à ò papamene pìi.

³ Ani tó kpányĩ bo zaa musu à ma sura ba,
ani wé'i da gbē kù òten pémanɔa,
ani a gbēke kù a náaniyāo kemene.

⁴ Má kú músunɔ té,
ma gō wutena nòbɔ pāsĩnɔ dagura.

Gbē pìnɔ néne nna lán fēneda bà,
ń saka bi sárimē kù kàao.

⁵ Luda, ñ n zīda tó sé lei ari musumusu,
ñ tó n gakuri da anduniala pínki.

⁶ Ò tankute kpàkpamene ma zén,
akū ma gō wari gūn,
ò wèee yō ma are, akū ò zù wèee pìn.

⁷ Ma laakari kpatena Luda, ma laakari kpatena,
mani lè sí mà n táaki lé.

⁸ Ñ vu, ma swē!
Ma mɔɔ kù ma gidigboo kú máa?
Mani gudɔ pá mīio.

⁹ Dikiri, mani n sáabu kpá burinɔ té,
mani n táaki lé gbēnɔne.

¹⁰ Zaakū n gbēke zōkɔ kà n kīnaa,
n náani ludambe luku lè.

¹¹ Luda, ñ n zīda tó sé lei ari músumusu,
ñ tó n gakuri da anduniala pínki.

58

Gbē vāninɔ tona kù Ludao

Dauda lèe.

¹ Gbānadenɔ, adì yā o a zéa sō yá?
Adì yākpate ke kù gbēnɔ sūsu yá?

² Adì yā vāni laasun lé á swèe gūn,
adì gbāna mɔ gbēnɔne á būsun.

³ Gbē vāninɔn sātēna zaa ń ina gɔɔme,
ékedēnɔn yakana zaa ń da nēsēn.

⁴ ń légbē de lán mlē sewe bà,
ò de lán káre kù à a sā tātāa bà,

⁵ de mlē pì sún a kōkō'ori úra ũ maro,
de àsun a dabukeri gonike ero.

6 Luda, ò ò saka é'èíne ò lén,
 Dikiri, ò músuu pìno saka sònteno é'èíne.
 7 Ò tó ò gète lán í bàasinaa bà.
 Tó ò sá gà, ò ò kàno é'èíne.
 8 Ò tó ò kori ke zén lán kònto lé'i bà,
 ògò de lán nòbòtene kù adi ifántè ero bà.

9 Ari yàka té gò oro wá,
 gbè vānino ni gète kù ïao.
 10 Gbè manano ni pōnna ke
 zī kù Luda fīna bōíne gbè vānino,
 kù ò ò gbá pipi ò aru gūn.
 11 Gbēno ni pi: Gbè manano láada vī fá!
 Luda kun, adi yákpate ke andunia gūn.

59

Ò ma sí ma íbereno

Lè kù Dauda dà goro kù Solu gbēno zì ò a dādā a bea ò a de.

1 Ma Luda, ò ma sí ma íbereno,
 ò ma bo gbè kù ò fùtemaino ò.
 2 Ò ma sí yāvānikerinno,
 ò ma bo gbēderino ò.
 3 Ò gwa, òteni ma kpákpa,
 gbè pásino ten fiti ke kūmao.
 Dikiri, mádi taari ke durunna keínero,
 4 mádi záíne yákearo,
 akù ò kù kù soruo ò nakarama.
 Ò ma wēnda gwa ò fute ò mó ò kpámai!
 5 Mòkōn Dikiri Luda Zīkaride, Isarailano Luda,
 ò fute ò wé tá buri kūno ò pínki.
 Òsun bonkpède vāni kūno wēnda gwaro.

6 Òdi era ò su okosi do,
 òdi likara zò wēten,
 òdi hūu kema lán gbēno bà.
 7 Ò gwa, ò lé'i ten to,
 fēne kpá ò lén,
 òdi pí gbēke teni ò maro.
 8 Mòkōn sò Dikiri, ndi ò yáa do,
 ndi buri pino lalandi ke ò pínki.

9 Luda ma gbāna, ma wé donyī,
 mòkōmmē ma aafialeki ū.
 10 Luda ni domene are a gbēke gūn,
 ani tó mà yògò ke ma zāngurino.
 11 Dikiri ó sēgbako, òsun ò dedero,
 de ò yā sún sá ma gbēnguro yāi.
 Ò tó ò likara zò ò ò kóte kù n gbānao.

12 Yā kū àdi bo n lén bi durunna yāme.

N tó n karambaanikena n kū,
zaakū òdi éke to òdi gbē ká.

13 N n kakate kū pɔfēo,
n n dúgu zɔ, òsungɔ kun doro,
gbasa ògɔ dɔ ari andunia léa
kū Luda ten kí ble Yakubu burinɔa.

14 Òdi era ò su ɔkɔsi dɔ,
òdi likara zɔ wēte gūn,
òdi hūu ke lán gbēnɔ bà.

15 Òdi likara ògɔ pɔble wete,
tó odi káro, òdi wiki lé.

16 Makū sɔ, mani lè sí n gbāna yā musu,
mà ayuwii ke kɔnkɔ n gbēke yāi,
zaakū mɔkɔmme ma aafialeki ũ,
mɔkɔmme ma uteki ũ warikegɔɔa.

17 Luda ma gbāna, mani n táaki lé,
zaakū mɔkɔmme ma aafialeki ũ,
Luda kū àdi gbēke kemene.

60

Óni zì ble kū Luda gbānao

Lè kū Dauda dà gɔɔ kū à zīi kà kū Siria kū ò kú Mesopotamia būsun kū
Zoba būsuu gūnnɔ, akū Yoabu sù à Edɔmunɔ dèdè Guvute Wisiden gbēnɔn
dúbu kuri awεεpla.

1 Luda, n pɔ fēwái,
n ɔ gbàewái n ó zukūna.

N era n are dɔwá sà.

2 N tò ó būsuu yīgá ari à pàra.

N era n tata a gbèn,
zaakū à gɔ̀ kpámme.

3 N tò yā zī'ū sù n gbēnɔa,
n ó káka kū í gbānao,
akū óten tātantatan ke.

4 Ama n tuta dò n vīnakerinɔne,
de ò le ò bo gbēnɔ ságana léi.

5 N wewá n ó sura ba kū n gàsá gbānao
de ókɔnɔ n gbē yenyīdenɔ le ò bo.

6 Luda yā ò zaa a kúkia à pì:
Mani Sekemu kpaate kū kùwikio,
mani gba da kū Suko guvuteo.

7 Giliada būsui bi ma pómé,
Manase burinɔ būsui bi ma pómé,
Eflaimu burinɔ būsui bi ma mɔfuraame,
Yudanɔ būsui bi ma gòome.

8 Mɔabunɔ būsui bi ma ɔpipibɔɔme,
madi ma kyate káte Edɔmunɔ būsui,

madi kùwiki dɔ Filisitiniɔ b̀usuua.

⁹ Dí mé ani gē kũmao wēte b̄nide gūnn?
Dí mé ani domene are ari Edmunɔ b̀sunnn?

¹⁰ Luda, à de mɔkɔn mé n ɔ gbàrewái,
ndi bo kũ ó z̀karinɔ doroo?

¹¹ N̄ ɔ dawá ó iberenɔ yái,
zaakũ bisāsiri kpányĩ bi yā pāme.

¹² Óni z̀ ble kũ Luda gbānao,
àkũ mé ani gèse pétepete ó iberenɔa.

61

Kína aduakena

Dauda lèe.

¹ Luda, n̄ sã kpá ma wikilenaai,

n̄ ma aduakena ma.

² Kunna zaa andunialea ma wiki lèmma,
kũ ma wèndii gò leeke, akũ ma n sisi.

N̄ gé kũmao gbèsi kũ à lei demala kīnaa.

³ Zaakũ mɔkɔmm̄e ma aafiaeki ũ,
ma uteki gbāna ũ ma iberenɔ are.

⁴ Má ye màgɔ kú n ɔnn gɔɔ s̄inda pínki,
màgɔ sɔtɔna n orun.

⁵ Luda, zaakũ n lé kũ ma gbènne mà,
n n v̄nakerinɔ bakaa kpàma.

⁶ N̄ kína d̄s kũ aafiaao,
n̄ tó à ká a gɔɔa.

⁷ Àgɔ kpata ble n d̄naa gūn gɔɔ s̄inda pínki,
n̄ a dákpa n gbēke kũ n náanikenaao yái,

⁸ gbasa màgɔ n táaki lé lákũ gu ògɔ dɔ nà,
manigɔ lé kũ ma gbènne fina bo gɔɔ s̄inda pínki.

62

Ludame uteki ũ

Dauda lèe.

¹ Luda ado mé à tò ma laakari kpátena,
àkũ mé àdi ma sura ba.

² Àkũme ma gbèsi ũ ma surabari ũ,
madi gbāna lea, mani yīgā zikiro.

³ Gèn ũgban ániḡ fute gbēaa?

Áni a ne lán gb̀ kũ à è à kpán
ke kara zĩ bàn yá?

⁴ A gona a tía lén áten kpákũsũ,
éketona mé àdi keáre nna.

Adi sa mana o gbēne kũ léome,
akũ adi n̄ ká á swèe gūn.

⁵ Luda ado mé à tò ma laakari kpátena,

zaakū àkūme ma wé dɔi.

⁶ Àkūme ma gbèsi ũ ma surabari ũ,
madi gbāna lea, mani yīgā zikiro.

⁷ Ma aafia kū ma bɛɛɛɛo di bo a kīnaame,
àkūme ma gbèsi gbāna ũ, ma uteki ũ.

⁸ Gbēno, àgɔ a náani vī gɔɔ sīnda pínki,
à á swè wēne, àkūme ó uteki ũ.

⁹ Talakanɔn de lán lé'ĩa bàme,
gbānadenɔn kú pòke léiro.

Tó ò ñ yɔ kilooa,
ń pínki nigɔ de fáuunle.

¹⁰ Àsun gbēble'ɔgɔ náani kero,
àsun ìa dā kū kpāni póoro.

Tó á aruzeke ten kɔ,
àsun tó à á swè blero.

¹¹ Yā mèn don Luda ò,
yā mèn pla dínɔn ma mà:

Luda, mɔkɔn mé ń gbāna vī,

¹² Dikiri, mɔkɔn mé ń gbēke vī,
akū ndi fīna bo baadine a yākenaaa.

63

Luda nidēnaa

Lè kū Dauda dà gɔɔ kū à kú Yuda gbárannan.

¹ Luda, ma Ludame n ũ,
mateni n are wete,
ma nini yenyī, mateni lukanyī
lán zīte kori kú à ye íi bà.

² Ma n e n kúkia,
ma wé sì n gbāna kú n gakuriole.

³ Zaakū n gbēke manamene de wèndila,
n sáabukpana nigɔ da ma lén.

⁴ Manigɔ n tó kpá ari ma wèndi lén,
mani ɔ sé musu mà ñ sísi.

⁵ Ma nèse ni ká lákū òdi pó nna ble ò ká nà,
n táakilena nigɔ da ma lén kú ayuwiikenaa.

⁶ N yā di dɔmagu ma wútekia,
madi laasun lémma gwāani.

⁷ Ma sɔtɔna n orun, maten lè sí,
zaakū mɔkɔmme ma kpanyīri ũ.

⁸ Ma nini namma,
ń ma kúna n ɔplan.

⁹ Gbē kú òteni ma weno ni kakate,
ò gē zīte.

¹⁰ Luda ni tó ò ñ dede kú fēndaome,
ò gɔ gbēgbonno pòble ũ.

¹¹ Kína sɔ ani pɔnna ke kú Ludao.

Gbē kū òdi la da kū Ludaonɔ ni a sáabu kpá,
 ékedenɔ s̄s̄, n̄ lé niḡs̄ nak̄s̄ana.

64

N̄ ma sí gbē vāninɔ ɔĩ

Dauda l̄εε.

¹ Luda, n̄ ma ndana ma,
 n̄ ma bo ma ibere kū òteni v̄ina damainɔ ɔĩ.

² N̄ ma ute gbē vāni kū ò lé kpàkūsūmainɔε,
 yāvānikeri zukade pinɔ.

³ Òdi n̄ lé keke lán f̄ēneda bà,
 yā pās̄inɔ di bo n̄ lén lán kà sewede bà.

⁴ Òdi taarisaride dādā ò a pá,
 òdi a pá k̄anto, v̄ina di n̄ k̄uro.

⁵ Òdi té kákōgu n̄ vānikena gūn,
 òdi bàkpakpannena gusare yā ḡs̄ḡs̄
 òdi pi: Gbēke ni ó ero.

⁶ Òdi vānikena yā ḡs̄ḡs̄ ò pi,
 yā kū o a lé kpàkūsū papana.
 Bisāsiri n̄εεgūnyānɔ asiri z̄s̄k̄s̄.

⁷ Ama Luda ni n̄ pá kū k̄aao,
 ani n̄ k̄inna k̄anto.

⁸ Ani tó yā kū ò ò wí n̄ musu,
 gbē kū à n̄ é pínki niḡs̄ mì ke dékūdekū
 ò pi taare.

⁹ V̄ina ni gbē s̄inda pínki kū,
 oni Luda yākenanɔ baba,
 oniḡs̄ yā kū à k̄enɔ laasun lé.

¹⁰ Gbē mananɔ, àḡs̄ p̄onna ke Dikiri gūn ò nai,
 n̄εεpuradenɔ, àḡs̄ a táaki lé n̄ pínki.

65

Buri s̄inda pínki wé d̄o Ludai

Dauda l̄εε.

¹ Luda, à kū ò n̄ táaki lé Zaīs̄
 ò lé kū ò gb̄ēnnanɔ f̄ina bo.

² M̄ok̄s̄n̄ kū ndi aduakena ma,
 n̄ k̄inaan buri s̄inda pínki ni sun.

³ Ó yā vāninɔ ó fú,
 akū n̄ ó taarinɔ k̄ēwá.

⁴ Arubarikademe gbē kū n̄ s̄ε
 n̄ ḡε k̄aao n̄ ɔnn ũ.

N̄ kpé p̄ó mananɔ m̄òwá,
 n̄ kpé kū à kú adona p̄i.

⁵ Ndi wewá kū yā mana naasidenɔ,
 Luda ó Surabari.

Andunia lézekidenɔ kũ ísirabaradeno
wé dɔnyĩ n̄ pinki.

⁶ N gbāna dānla,
n kpino kè kũ n ikoo.

⁷ Ndì ísira kũ a s̄onɔ k̄ini kpáte,
ndì burinɔ zuka lákañne.

⁸ N daboyānɔ dì swè kē
gbē kũ ò kú zíteleanon,
òdi ayuwii dɔmma zaa ifāboki kpa
kũ a léte kpao.

⁹ Ndì laakari dɔ anduniaa, ndi a gba í,
ndì taaki ká z̄itene, n swanɔn pana kũ ío,
ndì tó p̄weno ke, zaakũ len n òte le.

¹⁰ Ndì í dagula ari búgbano pa,
ndì gunɔ foko f̄s kũ legũo,
ndì arubarika da p̄ó kũ à bùtenɔgu.

¹¹ Ndì arubarika da buraz̄in wè kũ wèeo,
p̄oble n̄iside dì k̄ote n ágban.

¹² P̄ódádakinɔ s̄èla b̄òtɔ kũ s̄ente,
s̄is̄inɔ p̄onna dà uta ũ.

¹³ P̄ókādenɔ dàgula n̄ dādākinɔa,
p̄owe dàgula s̄is̄igerēei.
Òten p̄onna wiki lé, òten lè sí.

66

Luda sáabukpanaa

¹ Andunia gbē s̄inda p̄inki,
à ayuwii ke Dikiria.

² À lè sí a t̄ó gakurike musu,
à a táaki lé à a t̄ó bo.

³ À o Ludane: N yākenanɔn naasi v̄i,
n gbāna z̄sk̄ɔ dì tó n iberenɔ k̄a nate.

⁴ Andunia p̄inki dì kútenne,
òdi n táaki lé ò n t̄ó bo.

⁵ À m̄ó à Luda yākenanɔ gwa,
yā kũ àdi ke bisāsirinɔne naasi v̄i.

⁶ À ísira lì gukori ũ,
ò swa bikù gèse.

Ò p̄onna ke a yā musu.

⁷ Àdiḡó kí ble kũ a gbānao ḡoro s̄inda p̄inki,
a wé òdiḡó kú burinɔa.
Sāgbānadenɔ sún d̄oke k̄aaoro.

⁸ Burinɔ, à ó Luda sáabu kpá,
a táakilena ḡó dɔ á lén.

⁹ À ó wèndi dàkpāwere,
adi tó ó gbá sataro.

10 Luda, zaakū n ó lé n ó gwá,
n ó baasa lán andurufuu bà.

11 N ó ká kpésiran,
n aso tìkisii dìwεε ó kpe.

12 N tò ò dìwá lán s̄bà,
ó wé té mà, í dàóla,
akū n su kúoo nnamana kīnaa.

13 Mani su n ɔnn mà sa'opɔ kū òdi ká tén à té kū o,
mani lé kū ma kèmmannɔ fīna bo,

14 yā kū à bò ma lén ma warikεgɔɔa.

15 Mani sa omma kū pɔ mèkpanannɔ,
mani sákaronnɔ kpátanne,
mani n gbagba kū zùsannɔ kū blèkofīninɔo.

16 Ákōnnɔ kū á Luda vīna vīnnɔ,
à mós à ma á pínki,
mani yā kū à kèmmennε oáre.

17 Ma wiki lèa,
a táakilenna da ma lén.

18 Tó ma yā vāni dà ma swèn,
de Dikiri gí ma yā mai.

19 Ama à ma yā mà,
akū à ma aduakenna s̄i.

20 Arubarikademε Dikiri ū,
adi gí ma aduakenna mairo,
adi gí gbēke kemennεiro.

67

Arubarika gbekana Ludaa

Lè kū òdi sí kū guruminɔo.

1 Luda, n ó wēnda gwa,
n ān werewá n arubarika daógu,

2 de andunia pínki ḡs n zé d̄s,
buri s̄inda pínki d̄s lákū ndi gbē sura ba nà.

3 Ò n táaki lé Luda,
gbē s̄inda pínki n táaki lé.

4 Burinnɔ ponna ke à ayuwii ke,
zaakū ndi yákpate ke kū gbēnnɔ a zéa,
ndi do andunia burinnε are.

5 Ò n táaki lé Luda,
gbē s̄inda pínki n táaki lé,

6 gbasá z̄ite p̄oble ke,
Luda ó Luda ni arubarika daógu.

7 Luda ni arubarika daógu,
andunia lézekidenɔ ni vīna kenne í pínki.

68

Luda z̄sk̄ske

Dauda lèe.

1 Luda fute, a ibereṅṅo fākōa,
a zāngurino baa léne.

2 Lákū túsukpe di gēte kū ĩao nà,
n̄ tó ò gēte le.

Lákū zōsaa di yó té sare nà,
yāvānikerin̄o ni kakate Luda are le.

3 Gbē manan̄o s̄ ò p̄nna ke,
ò yáa do Luda are,
ò vīvī kū p̄nna zōkōo.

4 À lè sí Ludane à lé maa,
à di ludambe lukua, à a tó bo,
a t̄n Dikiri, à p̄nna wiki lé a are.

5 Kunna a kpé kū à kú adonaa gūn,
Luda bi tonen̄o dem̄e,
gyaan̄o zekūnwodem̄e.

6 Luda di be ke gbē kū à gbē vīrone,
àdi purusunan̄o b̄ote à n̄ da nnamanan,
sāgbānaden̄o s̄ oniḡō kú gu kori gūmm̄e.

7 Luda, kū n do n gbēn̄o are,
ḡo kū n t̄aa ò kūn̄wo gbárannan,

8 z̄ite yìḡayīḡā, ludambe legū gbàre n are,
m̄ok̄n Luda kū n yā ò Sinai kpi musu,
Luda, Isarailan̄o Luda.

9 Luda, n mùseε p̄isi n̄ b̄usuua baala'i,
n n gbē busanan̄o gbà gbāna.

10 N gbēn̄o v̄ute a gūn Luda,
akū n wēndaden̄o gbà p̄o n manake yāi.

11 Dikiri yā ò,
akū n̄gbēn̄o ḡō a baarukparin̄o ū dasi.

12 Kínan̄o kū n̄ z̄ikarin̄o ten̄ b̄aa lé likalika,
n̄gbē kū ò ḡō ben̄o teni n̄ p̄on̄o kpaatete.

13 Bee kū a wute a kp̄asa guragura,
andurufu í kú ma potēne d̄emberen̄o,
a k̄an̄o ten̄ té ke lán wuraa bà.

14 Kū Gbānas̄indapinkide k̄inan̄o fākōa,
ò k̄ote Zalaman̄o kpia lán legūgb̄e bà.

15 Basā kpi gakuri vī,
Basā kpi m̄is̄nt̄en̄on̄o dasi.

16 Ák̄on̄o kpi m̄is̄nt̄en̄o,
b̄oyāi át̄en̄ kpi kū Luda s̄e
a k̄ibleki ū gwa kū n̄es̄eḡbaao?
Gwen Dikiri niḡō kun̄ ḡo s̄inda p̄inki.

17 Luda s̄ogon̄o lé vīro,
à kà d̄ubu leu ūgbangba,
Dikiri b̄oo zaa Sinai,
à s̄u à k̄ipa a gu kū à kú adonan.

18 N fute n ta musu dona z̄ìz̄on̄one are,
n gba si gb̄en̄o ari k̄ū sāgb̄anaden̄o,
akū n vute gwe, Dikiri Luda.

19 Arubarikadem̄e Dikiri Luda ó surabari ũ,
àkūme àdiḡō ó ason̄o sena lākū gu òiḡō d̄o nà.
20 Ó Luda bi Luda k̄ū àdi n̄ sura bame,
Dikiri Luda mé àdi ó bo ga léi.

21 Luda ni a iberen̄o mì wíwiñne,
bisāsiri mikā d̄ore k̄ū ò té n̄ durunnaano.
22 Dikiri p̄i: Mani n̄ b̄ote Basā b̄usun,
mani n̄ b̄ote ísira l̄n,
23 de à á gbá ya á iberen̄o arun,
á gb̄edan̄o ni néne maten ò n̄ baka ble.

24 Luda, o n gb̄en̄o è ò t̄étek̄oi,
ma Luda ma Kína, òten su n kúkia.
25 L̄esirin̄on té are, batan̄on té n̄ kpe,
n̄okpare s̄eḡēs̄eḡēparin̄on té n̄ guragura.
26 À Luda t̄o bo pari k̄okakaranaa ḡun,
à Dikiri sáabu kpá ák̄on̄o Isaraila burino.
27 Né kp̄ede Biliaminu burin̄on té are gwe,
abire gbera Yudan̄o k̄inen̄o k̄ū n̄ gb̄en̄o
k̄ū Z̄ebuluni buri k̄inen̄o
k̄ū Nafatali buri k̄inen̄o.

28 Luda, n̄ n gb̄ana m̄owere,
Luda, n̄ bo k̄ū n gb̄ana k̄ū n m̄owere yāo.
29 K̄inan̄o ni sunne k̄ū n̄ gban̄o
n kp̄é k̄ū à k̄ū Yurusalemu yāi.
30 N̄ kp̄ak̄ē Misila íten̄ob̄oi,
n̄ pata burino z̄usan̄o k̄ū n̄ gb̄en̄o.
N̄ andurufu gò t̄óm̄ma,
n̄ gb̄ē k̄ū z̄ìkanaa òi kéne n̄nan̄o fāk̄ōa.
31 Misilan̄o ni z̄irin̄o gbar̄emma,
Etioṗian̄o ni ò d̄omma, Luda.

32 Andunia kpatablerin̄o, à lè sí Ludane,
à Dikiri táaki lé,
33 àkū k̄ū à di ludambe k̄ū à kun zaa z̄iz̄ia.
À ma, àten p̄ūtā gb̄anagb̄ana.
34 À Luda gb̄ana kp̄àkpa ke,
ò a z̄ōk̄ōke d̄s̄ Isarailan̄o,
a gb̄ana k̄ū ludambea.
35 Luda, n̄ naasi v̄i n kúkia,
Isarailan̄o Luda òi gb̄ana k̄ū ikooò kpá a gb̄en̄o.

Arubarikadem̄e Luda ũ!

69

Wétammaṅa gūn aduakēnaa

Dauda lèè.

¹ Luda, ñ ma sura ba,
zaakū í ma kū ma wakale.

² Foko teni ma mó ma ka zà,
gèsepeteḱi kunlo,
ma kpatε í lòkoton,
ísō ten damala.

³ Ma wiki lè ma kpasa,
ma kòtoo nà,
ma wé dò ma Ludai
ari ma wé ten sira kū.

⁴ Gbē kū ò zāmagu pānṅn
dasi de ma mikāla.
Ma iberenṅn lé vīro,
ò ye ò ma de pòke wínnε sari.
Pó kū mádi a kpāni oron
ò pì mà kpáímma.

⁵ Luda, í ma yōnkṅyānṅ dō,
ma taarinṅn utenannero.

⁶ Dikiri Luda Zīkaride,
gbē kū í wé donyīnṅ
ñsun tó wé'í í kū ma yāiro.
Isarailanṅ Luda,
gbē kū òdi n ki wetenṅ
ñsun tó í tó yaka ma yāiro.

⁷ Zaakū n yāin maten sōsōna fō,
akū ma gasuu gò kpá ma wéi.

⁸ Ma gō zītṅ ũ ma gbēnṅ té,
ma gō boado ũ ma da bedenṅ té.

⁹ N ṅn yā ma kū gbāna manamana,
gbēnṅ dōkēna kūnwo gōmēnε.

¹⁰ Tó ma lé yī pōsira gūn,
òdigō ma sōsō.

¹¹ Tó ma uta kasanṅ fīfīma,
òdigō ma lalandi ke.

¹² Gbē kū ò vutēna gānuleanṅ di ma pi,
ígbanamirinṅ di lè da ma yāi.

¹³ Ama tó à gō ma yāi, Dikiri,
mōkōn manigō wé kemma a gōrṅa.
Ñ wema Luda n gbēke zōkō yāi,
ñ ma sura ba yāpura.

¹⁴ Ñ ma bo fokon,
ñsun tó mà vlēnlo.
Ñ ma bo í lòkoton,
ñ ma sí ma zāngurinṅa.

¹⁵ Ñsun tó ísō damalaro,

̀̀sun tó mà kpátε í lòkotonlo,

̀̀sun tó wèε tatamalero.

16 ̀̀ wema Dikiri, zaakū n gbēke mana,
̀̀ are doma n sùru zòkòò gūn.

17 ̀̀sun mìkpeεε zu n zòbleriinero,

̀̀ wema likalika,

zaakū ma gò kagura gūmmε.

18 ̀̀ namai ̀̀ ma mì sí,

̀̀ ma sura ba ma ibεεnna.

19 ̀̀ ma sòsòna dō

kū ma wé'idammanaao kū ma kpebonaao,

ntεn gbē kū ò ma kūna kū yáonò e.

20 Sòsònaa ma swèε zò, ma gò gbāna sari,

gbē kū ani ma wēnda gwan ma wèεε,

mádi lero,

gbē kū ani ma nèε kpátεmenen ma wé dòi,

à kunlo.

21 ̀̀ εze vāni kàmenε pòblen,

kū ími ma kū, ò sèwē kpàkpāa kpàma mà mi.

22 ̀̀ dikpekena gòíne tankute ũ

à ní kū à yā lúíne.

23 ̀̀ wé sira kū de òsun gu ero,

̀̀ wó gò kokona.

24 ̀̀ n pētē kipaíma,

̀̀ n pòfē pásí pisííma.

25 ̀̀ bε gò bezi ũme,

̀̀ gbēke súnɡò kun de à vute ̀̀ kpén doro.

26 Zaakū òdi wé tā gbē kū n ní lénna,

òdi gbē kū n ní kínnanò wāwā yā o.

27 ̀̀ ní yā sīnda pínki taari dííne,

̀̀ baka súnɡò kú n surabanaa gūnlo.

28 ̀̀ ní tó gogo wèndi takada gūn,

̀̀ ní tó súnɡò kú kú gbē mananò tóoro.

29 Luda, má kú wāwā kū yā'ümmanaao gūn,

̀̀ ma sé lei de mà bo aafia.

30 Mani Luda tó bo lèsinaa gūn,

mani a saabu ke mà a tó sé lei.

31 Abirekū ní ká Dikirigu de sa'oná kū zùuola,

bee zùsanε kū à bēne ví.

32 Takasidenò ní e ò ponna ke,

ákònnò Luda ki weterinnò nigò wèndi ví.

33 Zaakū Dikiri dì wèndadenò yā ma,

àdi a gbē kū ò de zìzò ũnò gya boro.

34 À a táaki lé musu kū zíteo,

ísira kū pò kú ò kú a gūnnò pínki.

³⁵ Zaakū Luda ni Zaiš sura ba,
ani era à Yuda wēteno káte,
a gbēno ni vuten n̄ pó ũ.

³⁶ A zòbleri néno mé ògō vī,
gbē kū ò ye a tó nnaino nigō kún.

70

Wikilena surabarii
(Zab 40:14-18)

Dauda lèè.

¹ N yā nna Luda, n̄ ma mì sí,
Dikiri, n̄ ke likalika n̄ mō n̄ kpámai.

² N̄ tó wé'i gbē kū òteni ma we ò ma deno kū,
ò n̄ mì péte.

N̄ tó gbē kū ò ye mà sunyī leno kpe li,
n̄ an̄ gō sisina.

³ Gbē kū òdi omene, taare, taareno,
n̄ tó ò era kū wé'iyāo.

⁴ Gbē kū òteni n̄ ki weteno po kemma nna ò yáa do,
gbē kū ò ye n̄ surabanaaino gō pi Luda zōkō.

⁵ Takaside wēndademe ma ũ,
Luda, n̄ ke likalika.
Mōkōmme ma kpanyīri ũ kū ma surabariio,
Dikiri, ñsun gi kero.

71

Mare zōkō aduakēnaa

¹ Dikiri, mōkōnn ma nanyī,
ñsun tó wé'i ma kū zikiro.

² N̄ ma bo n̄ ma mì sí n̄ manakēna yāi,
n̄ sá kpámai n̄ ma sura ba.

³ N̄gō de ma uteki gbē kū manigō gé uten ũ.
N̄ dite n̄ ma sura ba,
ma gbèsi kū ma zeki gbānaoome n̄ ũ fá!

⁴ Ma Luda, n̄ ma bo yāvānikerino oī,
n̄ ma sí gbē vāni pásīnoa.

⁵ Mōkōnn ma wé dōnyī, Dikiri Luda,
mōkōnn má n̄ náani vī zaa ma kefennakegoroa.

⁶ Ma gbāna lèmma zaa ma igoro,
mōkōn mé n̄ ma bo ma da nēsen.
N̄ táakin madigō lé.

⁷ Ma kunna de yābonsare ũ gbēnoe dasi,
zaakū mōkōmme ma uteki gbāna ũ.

⁸ N̄ táakilēna digō da ma lén,
madigō n̄ manake bo kōnkō kū okosio.

⁹ N̄sun pā kpámai ma zīkūkena yāiro,
ñsun ma zukūna ma gbāna lakana yāiro.

¹⁰ Zaakū ma ibereno teni ma pi,

ma weterinɔ ten lé kpákūsūmai ma wèndi bona yāi.

¹¹ Ò pì: Luda g̃ime, ò péa ò kù,
gbēke kun kù à a sura baro.

¹² Luda, òsungõ kù kūmao zàro,
ma Luda, ò ke likalika ò mò ò kpámai.

¹³ Ò tó wé'i gbē kù òten yā dimanɔ kù
de ò kakate,
ò tó s̃s̃ona da gbē kù òten wé tãmanɔla
de ò tó yaka.

¹⁴ Makù s̃s̃, ma wé nigõ donyĩ,
manigõ n táaki lé màgõ gé.

¹⁵ N manakena nigõ da ma lén gɔɔ s̃inda pínki
kù n surabana kù má a lé d̃roo.

¹⁶ Mani su mà n z̃k̃keyãɔ o Dikiri Luda
n mèn do manaken mani da gbēnɔne.

¹⁷ N yā d̃amene zaa ma kefennakegɔɔa,
Luda, ari tera mateni n yābonsarenɔ o'o.

¹⁸ Bee kù ma z̃i kù, ma mìkã pura,
òsun ma tónlo, Luda,
de mà le mà n gbãna baba teradenɔne,
mà n gbãnakayã da gbē kù òten futenɔne ò pínki.

¹⁹ Luda, n manakena z̃s̃ susunenɔa,
n yā z̃k̃k̃ kè, d̃in oni lek̃sa k̃unwoo?

²⁰ N tò wari pási ma le dasidasi,
ama òni era ò ma gba wèndii d̃o,
òni era ò ma bo z̃ite.

²¹ Òni ma bèere karamene,
òni era ò ma laakari kpátemenɔ d̃o.

²² Ma Luda, mani n s̃abu kpá
kù m̃ɔɔɔ n náani yāi.
Isarailanɔ Luda kù ò kù adona,
mani n táaki lé kù gidigboo.

²³ Ayuwii nigõ d̃o ma lén,
makù kù n ma mù s̃i mani n táaki lé.

²⁴ Manigõ n manakena o gɔɔ s̃inda pínki,
zaakù wé'i gbē kù ò ma wete kù ṽanionɔ kù,
ò g̃s̃ bídi g̃un.

72

Aduakena k̃inane

Sulemanu l̃e.

¹ Luda, ò dada k̃inane à yākpate ke kù yāpuraɔ,
ò tó k̃ina yā mana ke lákù ndi ke nà,

² de à do n gbēnɔne are a z̃éa,
à yā g̃õg̃ talakanɔne s̃usu,

³ g̃basa kp̃inɔ ni su gbēnɔne kù aafiaaɔ,
s̃s̃inɔ ni tó òg̃ kù nmananaa g̃un.

4 Kína ni tó yā bo kū talakanɔ nna,
ani takaside nénɔ sura ba,
ani gbānamɔnnerinɔ dúgu z̄s.

5 Aniḡs kun lākū ifāntē diḡs kun nà,
lán mɔvura diḡs kun nà wè kū wè̄eo.

6 Aniḡs de lán kabura legū bà,
lán mɔtɔ kū àdi pisi z̄tēaa bà.

7 Gbē mananɔ ni ɔ tá a gɔrɔa,
nnamana niḡs z̄sk̄s ari mɔ súniḡs kun doro.

8 Ani kí ble zaa ísira bara la kū bara direo,
sena zaa Yuflati ari gena andunia léa.

9 Buri kū ò kú gbáranna gūnnɔ ni su ò kútene,
a ibereɔ ni wúte kū kúaa a are.

10 Tasisi kína kū ísira bara kínanɔ ni táfe bone,
Seba kū Seba kínanɔ ni su ò gba dane.

11 Kínanɔ ni su ò kúte a are n̄ pínki,
buri s̄inda pínki ni donyĩ.

12 Zaakū ani wēndade kū n̄ wiki dɔnɔ bome,
ani takaside kū ò kpanyĩri v̄ironɔ sura ba.

13 Ani gbānasaridenɔ wēnda gwa,
ani takasidenɔ bo ga léi.

14 Ani n̄ bo gbānamɔnnerinɔ kū gbē pās̄inɔ ɔĩ,
zaakū à ye n̄ arukɔtenaairo.

15 Luda kína d̄s kū aafiaao!
Òḡs a gba Seba b̄usu wuraa,
òḡs wé keɔ Luda lakanaa sari,
òḡs sa mana one gɔrɔ s̄inda pínki.

16 N̄ tó burapɔnɔ ke a b̄usun manamana,
a lánɔ ḡs da s̄is̄inɔ musu sí,
ò né i ò pia lán Lebana lákpe bà,
ò gbā lán kàsapli bà s̄ente.

17 N̄ tó a tó ḡs kun gɔrɔ s̄inda pínki
lán ifāntē bà,
buri s̄inda pínki ni arubarika le a gāi,
oni a tó nna sí.

18 Arubarikaden Dikiri Luda, Isarailanɔ Luda!
Àkū mé àdi yābonsareɔ ke ado.

19 Òḡs a tó gakuride bo gɔrɔ s̄inda pínki!
À tó a gakuri da anduniala pínki!
Aami! Aami!

20 Yese né Dauda aduakena lén gwe.

TAKADA AAKɔDE

73

Yāvānikerinɔ nmananaa

Asafa lɛɛ.

¹ Luda di yā mana ke Isarailanɔne yāpurame,
atēnsa nɛɛpuradenɔ.

² Makū sɔ, ma ka kāni letena,
ma gbá ye à satame yā.

³ Kū ma yāvānikerinɔ kunna mana è,
ma ãadārii pìnɔ gwena ni dè.

⁴ Yāke di kpáínero,
aafia mòm̄ma akūsò ò mèkpana.

⁵ Òdi wari ke lán dakenɔ bàro,
òdi gyā ke lán dakenɔ bàro.

⁶ Òdi ãadāna da n wakan lán m̀wakare bà,
òdi pās̄ike da pókasa ũ.

⁷ N̄ swèè kè gbāna kū yāvānikenaao,
yā bèn̄e n̄ n̄sɛɛ pà.

⁸ Òdi gbē lalandi ke òdi yā vāni lim̄ma,
òdi gbāna m̄n̄ne n̄ zókōke yāi.

⁹ Òdi pi: Luda kipa ò ɔsi ká,
akūsò n̄ yā mé àdi ble andunia gūn.

¹⁰ Abire yāi òdi era n̄ kpa,
òdi yā kū ò ò pínki sí yāpura ũ.

¹¹ Òdi pi: Luda d̄s̄ mámeɛ?
Luda Musude d̄s̄na kà le yá?

¹² N̄ yāvānikerinɔ gwa, òdi yāke damu kero,
n̄ gwena d̄iḡɔ kara gɔɔ s̄inda pínki.

¹³ Ase ma n̄sɛɛ pura pān yá?
Ma a ɔ b̄òte taarin swáswa pāme yá?

¹⁴ Nd̄iḡɔ ma gbē gɔɔ s̄inda pínki,
nd̄iḡɔ ma s̄a gágamene lákū gu d̄iḡɔ d̄o nà.

¹⁵ Tó ma ze kū yā dí taka onaa,
abirekū niḡɔ de bona n gbēnɔ kpɛ yā ũme.

¹⁶ Kū ma laasunn lè yā piia de mà d̄s̄,
à k̄emene z̄i'ũ.

¹⁷ Sé kū ma ḡɛ Luda kúkia,
gbasa ma wé kè lákū oni láka nà.

¹⁸ N̄ n̄ dá guzāre kpa yāpura,
nd̄i ɔ s̄ón̄yī ò léte ò kakate.

¹⁹ Òdi ḡɔ kakatena p̄ó ũ k̄anto,
v̄inapɔnɔ di n̄ le ò láka.

²⁰ Lákū nana di ḡɛte kū ãao nà tó gbē vù,
tó n fute Dikiri, n̄ tó ò ḡɛte le.

²¹ Kū ma n̄sɛɛ yāka,

akũsõ ma pɔ sira kũ,
 22 ma ke yõnkɔ, má yáke dõro,
 ma gõnne lán nɔ̀bɔ̀sẽnte bà.

23 Bee kũ abireo madigõ kú kũnwo,
 ñ ma kũna ma ɔplaa.
 24 Ndì domene are kũ n lédammao,
 ñni láka ñ ma sí n gakuri gũn.
 25 Dín ma wé dɔi musu n baasii?
 N baasiro póke ni teni ma de andunia gũnlo.
 26 Bee tó ma mè kũ ma swẽeo ten láka,
 Ludame ma swẽ gbãnaleki ũ,
 àkũme ma baka ũ gɔɔ sĩnda pínki.

27 Gbẽ kũ ò kèmmannɔ ni láka,
 ñni gbẽ kũ ò bò n kpenɔ kakate.
 28 Luda, ma nanyĩna mé à kèmene nna,
 Dikiri Luda, ma n ke ma uteki ũ,
 mani n yákenannɔ babañne.

74

Wikilena Ludai a kpé kũ ò wì yáí

Asafa lèe.
 1 Luda, bõyáí n giwáí ari gɔɔ sĩnda pínkii?
 À kè dera n pètẽ ten fute n kpása sãncii?
 2 Ñ tó gbẽ kũ n ñ sí zaa zĩnɔ yã dɔngu,
 buri kũ n bò ò gõ n pɔ ũnɔ
 kũ Zaiõ kpi kũ n kè n kúki ũo.
 3 N iberenɔ n kúki wì ò dâte mámmam,
 ñ dɔdɔi ñ gwa, à gbòro pínki.

4 N zãngurinɔ zuka kàkara gu kũ odì danlen,
 ò ñ zĩda tutannɔ pète gwe sèeda ũ.
 5 O è, ñ kpása dɔ musu,
 òten ke lákũ òdigõ dàko gbẽ nà.
 6 Lí ana mana kũ ò nàna n kpé kpataaa,
 ò gbè ò gbòro kũ kpásao kũ adao.
 7 O té sõ n kúkia à kòte,
 ò tò kpé kũ n tó kúaa pìi gbãa lè.
 8 Ò ò ñ nèsen: Ó ɔ tõĩmma mámmam.
 Ò té sõ ó bùsu aduakɛkpenɔa.
 9 N kpé sèedanɔ kun doro,
 annabi ke kun doro.
 Ónigõ kun le ari bɔremee?
 Ó gbẽke dõro.

10 Luda, ñni tó n iberenɔ gõ n yáa dɔ ari bɔremee?
 N zãngurinɔ nigõ n gya bo lakanaa sarin yá?
 11 Bõyáin n ɔ kakũnnaa?
 Ñ ɔ go n kúaaa ñ ñ dède.

12 Ludame ma kína ũ zaa káaku,
 àkū mé àdi gbē sura ba andunia gūn.
 13 Mòkōn mé n ísira zòkōre kū n gbānao,
 n kwā kàsaraa mìnò wìwi í gūn.
 14 N Misilano kàkate gwe,
 n ñ gèno kpà gbáranna nòbònoa pòble ũ.
 15 N swano bò n zé wè ísèbokinone,
 n swa kū a í babana víro zòkōre.
 16 Fānantē kū gwāanio de n pò ũ,
 n mɔvura kū ifāntēo kúki kèñne.
 17 Mòkōn mé n andunia lézekino dà pínki,
 n sakare kū bunsireeo goro dìte.

18 N yá kū n iberenò dò yā dɔngu Dikiri,
 yònkono n tó gya bò.
 19 Ñsun n potēne kpá nòbò pāsínaro,
 n gbē wēndadenò yā sún sānguro.
 20 Ñ laakari dɔ n bàka kunna kūooa,
 zaakū ó bùsu gusarenò pāsí kū pínki.
 21 Ñsun tó ó gōnawēndadenò boru kpe kū wé'ioro,
 ñ tó wēndadenò kū takasidenò n táaki lé.
 22 Luda, ñ fute ñ gí kū n zīdao,
 ñ n yá kū yònkono ten dɔ zēnaa sari ma dé!
 23 Ñsun zuka kū n iberenò ten kányí kpá sākotoro,
 n zāngurinò kīni dīgō dɔ lakanaa sari.

75

Ludame yákpatekeri ũ

Asafa lèe.

1 O n sáabu kè Luda, o n sáabu kè.
 Tó ò n yābonsarenò bàba, ndīgō kú kāni.

2 Luda pì: Ma goro dìte
 kū mani yákpate ke a zéa.
 3 Tó andunia yìgā kū gbē kū ò kunnò ñ pínki,
 makū mé madì a gbègbano kū gíngin.
 4 Madì o zīdabirinone òsun ía dāro,
 madì o yāvānikerinone òsun kua biriro.
 5 Àsun kua biri ludambearo,
 àsun waka nonomairo.
 6 Zaakū gbāna dì bo ifáboki kpa ke a léte kparo,
 àdi bo gbárananno,
 7 Ludame yákpatekeri ũ,
 àkū mé àdi gbē do ligo à gbē do kara.
 8 Toko kú Dikiri ɔí, í gbāna kán à pà,
 àten sén a pɔfē ũ fūuu.
 Àdi atē andunia yāvānikerinò ñ pínki,
 òdi mi à láka láí kú a gbòo.

⁹ Makū sō, manigō yā pì o gōrō sīnda pínki,
mani Yakubu Luda táaki lé.
¹⁰ Mani yāvānikerinō bēne é'ε,
gbē mananō bēne sō, mani sé musu.

76

Ludame zìblena gbāna ũ

Asafa lèε. Òdi sí kù guruminō.

¹ Ò Luda dō Yudanō b̀summe,
a tó zōkō Isarailanō té.

² A bizakuta kù Salemu,
a kùki kù Zaiō.

³ Zaa gwen à kà wānanō é'εn
kū sēgbakonō kū fēnedanō kū z̀kabanō.

⁴ Ndì gu pu ndìgō té ke,
n zōkōke de kpì kù ò kun gōrō sīnda pínkinla.

⁵ N kùgbānadenō gōkebonō s̀mma,
ò wutena kū ga'io,
gō gbāna pìnō doke dí fō à a ɔ sèro.

⁶ Yakubu Luda, n kpákēnyī,
akū sōdenō kū n sōnō gō katena gēnō ũ.

⁷ Mōkōn mé n naasi vī ndo,
tó n pō bō n yīn,

dí mé ani fō à ze n arεε?

⁸ Zaa musu n yákpate kē,
akū vīna andunia kù, à yīte kítikiti,
⁹ zī kù Luda, n fute n yā gōgō anduniane
de n gbānasaridenō sura ba.

¹⁰ N pōfēna gbēnōi dì n tó bo,
n pōfē kpara dìgō dō n pi.

¹¹ À lé ke Dikiri á Ludaa à a fīna bo.
Ákōnō kū á likanawáinō, à mō
à Luda kū à de ògō a vīna vī gba pō.

¹² Àdi kpatablerinō kã kpáte,
àdi tó vīna andunia kīnanō kū.

77

Luda kpányī begekēna wari gūn

Asafa lèε.

¹ Ma lé zù Ludai ma a sisi,
ma wiki lè Ludaa de à ma yā ma.

² Kù má kù wari gūn ma Dikiri ki wète,
ma ɔ sè musu gwāani kámmabonaa sari,
ma laakari gì kpátei.

³ Kù ma laasun tà Luda kīnaa, akū ma á'á,
kù ma dō a yān, ma gō kpam lεεεε.

⁴ N tò ma wé tē i'onaa,
ma gō bídi gūn má dō deran ma ò nàro.

5 Ma do yā zīnōn
 kū wè kū ò gètenō.
 6 Ma laasunn lè ma swèe gūn gwāani,
 ma a zīda là mà wete mà dō.
 7 Ma pi: Dikiri giwai sānsān yá?
 A pō ni ke nna kūoo doroo?
 8 A gbèke làka mámmann yá?
 A yā nigō futena gōrō sīnda pínkin yá?
 9 Ó wēndagwana yā sà Ludagun yá?
 A pō fèwái, ani wēnda kewere doroo?
 10 Akū ma pi: Yā kū à ùman dí.
 Luda Musude o būsawere.
 11 Mani laasun lé Dikiri yābonsarenōa,
 mani do yā kū à kè yānōn.
 12 Mani n daboyākenano laasun lé pínki,
 mani n yāzōkōkenano da ma swēn.
 13 Luda, n zé kú adona.
 Dikiri kpate zōkō mé à kà lán ó Luda bàa?
 14 Mōkōmmē Luda yābonsarekeri ũ,
 n n gbāna mō burinōne.
 15 N n gbēnō sura bà kū n gāsā gbānao,
 ókōnō Yakubu kū Yusufu burinō.
 16 Kū ísira wé sìnle Luda,
 kū ísira wé sìnle, akū à kótō kpà,
 à yìgāyīgā ari a lòkoton.
 17 Ludambē í kòte,
 surapatana kīni do musu,
 n kànō ten fā legūpina ũ.
 18 N pūtāna kīni do zàgā'ia gūn,
 n legūpinaa andunia pù pínki,
 zīte kè giri à yìgāyīgā.
 19 N zé dà ísiran,
 n gēki kè í zōkōnō dagura,
 odi n gèsegbē ero.
 20 N do n gbēnōne are lán sā kpāsaa bà
 Musa kū Harunao gāi.

78

Lè kū Isarailanō yā ó gbáo laakarīi

Asafa lèe.
 1 Ma gbēnō, à ma yādannēna ma,
 à sā kpá ma yāi.
 2 Mani yā oáre kū yáasio,
 mani yā kū à utena zaa zī bōkōtéare,
 3 yā kū o mà akūsō ó dō,
 yā kū ó denō bàbawere.
 4 Óni yā pì ute ó nēnōnero,
 óni Dikiri táakilena da ó daikorenōne,

a gbāna kū yābonsarε kū à kènɔ.

⁵ À yā dìte Yakubu burinɔne,

à a doka dà Isarailanɔne,

à dìte ó dizinɔne ò tó n' n'énɔ dɔ,

⁶ de à gɔ n' buri kū ò kpénɔne futεokarayā ũ,

gbasa ò futε ò dada n' n'énɔne se,

⁷ de ò le ò Luda náani ke,

a yākenanɔ sún sǎnguro,

ama onigɔ a yāditenanɔ kūna.

⁸ Ógɔ de lán n' dizinɔ bàro,

zaakū ò sāgbāna kè ò gi Luda yāi,

n' swě kú Ludaaro, ò yāpura vīnero.

⁹ Eflaimu burinɔ bi kàzurinɔme,

akū ò bòru kpε zǎi gūn.

¹⁰ Odi ze kū Luda bàka kunna kúnwo yāoro,

ò gi té a dokaiii.

¹¹ A yākenanɔ sǎngu

kū yābonsarε kū à mòńnenɔ.

¹² À daboyānɔ kè n' dizinɔ wára

Zoā wεte gūn, Misila busun.

¹³ À ísira zǎkɔre à bikù kúnwo,

à tò í gɔ zena lán bīni bà.

¹⁴ À dòńne are téluku gūn fānantě,

gwāani sɔ kū té gupurao.

¹⁵ À gbèsi pàra gbárannan,

à í kpàńma zǎkɔ lán ísira'i bà.

¹⁶ À tò í bòńne gbèn,

à tò í bàa lè lán sèβεε bà.

¹⁷ Akū ò kpé òten durunna kene,

ò gi Luda Musude yā mai gbárannan.

¹⁸ Ó Luda lè ò gwà kū nèse plao,

ò n' pɔyeina pɔble gbèkaa.

¹⁹ Ó Luda vāni bò ò pì:

Luda ni fɔ à ó gbá pɔble gbárannan la yá?

²⁰ Bee kū à gbèε lè, í bò à dàgula,

ani fɔ à pɔble ke nɔbɔ kpáwá dɔ yá?

²¹ Kū Dikiri yā pìi mà, à pɔ fè,

akū té fùte à dà Yakubu burinɔla,

à pɔfè kipa Isarailanɔa.

²² Zaaakū odi Luda yā síro,

odi a surabana gbāna náani kero.

²³ Bee kū abireo à yā dìte ílukune,

à musu zé wě,

²⁴ akū à mana kòteńne ò blè,

à pɔble kū à bò musu kpàńma.

²⁵ Ó malaikanɔ pɔble blè,

à zānaa kèńne, à gè ɔla.

26 À tò ìa gbāna bò ifāboki kpa,
 à pè gèno mido ki kpa ìaa do kù a gbānao,
 27 akū à nòbòò kòtèíne dasi lán lukutē bà,
 bāno dàńla lán ísirale búsu'atē bà.

28 À tò ò kìpakipa ń b̀uran,
 ò g̃ kátè likana ń kpénòí.

29 Luda pò kù òtèni a ni dèno kpàńma,
 akū ò blè ò kà ǵngin.

30 De a ni kpé à bońma,
 goro kù pòble pì kpé da ń lén,

31 Luda pofè fùtèńyí,
 à Isaraila g̃ gbānanao dèdè,
 à ń kefennanao lè à nè.

32 Bee kù abireo ò kpé òtèn durunna ke,
 bee kù a yābonsarekenanao, odi a náani kero.

33 Akū à ń wèndii kèńne pā lán lé'ia bà,
 à tò sunyí ń lé.

34 Tó à ń gbèkeno dèdè, òdi a ki wete,
 òdi era ò are do a kù wānao.

35 Akū ò dòn sà kù Ludame ń gbèsi ũ,
 ò d̃ kù Luda Musudemè ń surabari ũ.

36 Goro kù sà òdi lé maa,
 òdi éke tone,

37 ń swè kúaro,
 ò a bàka kunna kúnwo yā gbòro.

38 Àpi s̃ à ń wènda gwà,
 à ń durunnao kèńma, adi ń kakatero.
 Àdig̃ a z̃da mile ble baala'i,
 àdi a pofèkipammao lago.

39 À ń bisāsirike d̃ńma,
 kù òdi g̃te sunaa sari lán ìa bà.

40 Ò s̃gbāna kène gbáranna g̃èn ũgbangbaa!
 Ò a pò yàkane sènte gwe à kè dasi.

41 Ò Luda lè ò gwà, ò Luda lè ò gwà,
 ò Isarailanao Luda kù à kú adonaa fè.

42 A iko gbāna s̃ńgu,
 lákū à ń sí ń íberenaa nà,

43 lákū à daboyāno kè Misila nà,
 akūs̃ à yābonsarenno kè Zoā búsun.

44 À ń swa íno lì aru ũ,
 akū odi f̃ ò a í mì doro.

45 À ífinino k̃ńgu, ò ń soso,
 kù kaso kù ò kisira kpàńyĩno.

46 À tò kwanò ń bú pòbleweno blè,
 à sutēno kà ń burapona.

47 À tò legūgbe ń geepi líkpeno kè búgubugu,
 zàga'ia ń kaka lino è'è.

70 Akū à a zòbleri Dauda sè,
à a bò sákpasan.

71 À a bò sādānan, à dò Isarailanɔne are,
Luda gbē Yakubu burinɔ kiname.

72 Dauda n̄ kpá a kpε kū nèsedoo,
à dōrine are kū a ɔ arubarikadeo.

79

Ɔdɔna Yurusalemu wina yā musu

Asafa lèe.

1 Luda, burinɔ s̄i n b̄usun,
ò n kpé kū à kú adona yàka,
ò Yurusalemu w̄iw̄i ò dāte.

2 Ò n zòblerinɔ gēe kpà bāna,
ò n yamarinɔ mēe tò n̄bɔ pās̄inɔne p̄oble ū.

3 Ò n̄ aru k̄ote lán í bà Yurusalemu b̄inikpe,
gbēke kun à n̄ v̄iro.

4 O ḡs̄ s̄s̄ona p̄ó ū ó saradenɔne,
o ḡs̄ lalandi p̄ó ū gbē kū ò likawáinɔne.

5 Dikiri, ìniḡs̄ p̄o fē k̄ūoo ari b̄ɔremεε?
N pētē té niḡs̄ kū ḡɔɔ s̄inda p̄inkin yá?

6 N̄ p̄ofē kipa buri kū ò n d̄ɔronɔ,
gbē kū òdi n̄ s̄isironɔ b̄usunɔa.

7 Zaakū ò Yakubu burinɔ blè,
ò n̄ b̄usu yàka.

8 N̄sun ó denɔ durunnanɔ w̄í ó musuro.
N̄ wēnda d̄w̄ere likalika,
zaakū o busa o ḡs̄ b̄ugubugu.

9 N̄ kpáwái, Luda ó surabari,
n̄ ó sura ba de n̄ t̄s̄ bo,
n̄ ó durunnanɔ kēwá n̄ t̄s̄ yāi.

10 B̄óyāi ìni tó burinɔ ó lá ò pi:

Ó Luda kú máme sée?
N̄ tó burinɔ ḡs̄ d̄s̄ ó wára
kū ndi n̄ zòblerinɔ d̄ed̄ena f̄ina bor̄ma.

11 N̄ tó z̄iz̄nɔ Ɔdɔna gē n̄ s̄ān,
n̄ gbē kū ò kú ga léinɔ bo
kū n̄ ḡàsā gbānao.

12 N̄ lalandi kū buri kū ò likawáinɔ k̄enne
f̄ina bor̄ma ḡēn suppla, Dikiri.

13 Ók̄nɔ n̄ gbēnɔ, n̄ kpàsa s̄ānɔ,
óniḡs̄ n̄ s̄ábu kpá ḡɔɔ s̄inda p̄inki,
óniḡs̄ n̄ t̄s̄ babañne ari ó buria.

80

Isarailanɔ suna n̄ gwena z̄in̄ aduakēnaa
Asafa lèe.

1 Ì sǎ kpá, Isarailanɔ Don'arede,
 mɔkɔn kũ ndi Yusufu burinɔ dǎ lán sǎ bà.
 Ì bo ñ mós, mɔkɔn kũ ñ vutena kerubunɔ dagura,
 2 ñ do Eflaimu burinɔne are
 kũ Biliaminu burinɔ kũ Manase burinɔ.
 Ì fute kũ n gbānao, ñ mós ñ ó sura ba!

3 Luda, ñ tó ò era ò su ó gwena zĩn,
 ñ ǎn werewá, ñ ó sura ba.

4 Dikiri Luda Zìkaride,
 ìni fē ñ gí n gbēnɔ aduakena síi ari bɔremee?
 5 N wé'í dǎñne ñ pómína ũ,
 n ñ wé'í yǎñne a pós pà, ò mì.
 6 N tò o gǔ fobona pós ũ ó saradenɔne,
 ó ibereenɔ teni ó lalandi ke.

7 Luda Zìkaride, ñ tó ò su ó gwena zĩn,
 ñ ǎn werewá ñ ò sura ba.

8 N geepi lí wò Misila,
 n pe burinɔa, akũ n lí pì pè ñ gbèn.
 9 N gu kèkenɔ à zĩni pète,
 akũ à ɔ tà à gu sì.

10 A uraa dà kpínɔla,
 a gǎnɔ de sida lí zǔkɔnɔla.

11 À ɔ tà à gèe ari ísira léa,
 a ɔnenɔ kà ari Yuflati.

12 Bóyáin n a karaa gbòro
 de gbē kũ òten gētɔnɔ gǔ ɔ máte a néii?

13 Sàkpanɔ dì lé kái ò bí,
 nòbòsèntenɔ dì su ò a lá ble.

14 N yá nna! Luda Zìkaride, ñ era ñ are dɔwá!
 Zaa musu ñ wé kpáte ñ gwa!

Ì laakari dɔ geepi lí día,
 15 pós kũ n pè kũ n ɔplao,
 né kũ n tütuu kè n zìdanee.

16 Ò n geepi lí pì zǔ ò té sǎa,
 ñ wé tēra pitimma de ò kakate.

17 Ì ɔ kú gbē kũ à kú n ɔplaiia,
 bisásiri né kũ n sè n pós ũ pì,

18 óni kēmma doró.

Ì ó konna kèkè ñ keweɔ, óni n sísi.

19 Dikiri Luda Zìkaride,
 ñ tó ò su ó gwena zĩn,
 ñ ǎn werewá ñ ó sura ba.

81

Isarailanɔ dikpe læε

Aʒafa læε.

¹ À ayuwii ke Luda ó gbānaa,
à pɔnna wiki lé Yakubu burinɔ Ludaa.

² À lè dɔ à bata lé
kū mɔrɔ'ũ nnao kū gidigboo.

³ À kuru pé mɔ dufu bonaao,
à pé tó mɔ kè papana ó dikpeɔrɔ,

⁴ zaakū à de doka ũ Isarailanɔneme,
yā kū Yakubu burinɔ Luda diten gwe.

⁵ À yā p̄i dà Yusufu burinɔne
ɔrɔ kū à v̄i Misila būsula.
Ò kòto kū ò d̄ɔro mà à p̄i:

⁶ Ma aso gò á ḡaa,
ma á ɔ bò èbona z̄in.

⁷ A ɔɔ d̄ɔm̄ene warikɔɔrɔa, akū ma á bó,
ma weáwa zaa legūv̄inaa gūn,
ma á lé ma á gwá zaa Meriba í k̄inaa.

⁸ À s̄a kpá ma gb̄enɔ, mani lé daáwa,
ák̄onɔ Isarailanɔ, tó áni ma yā ma dé!

⁹ Àsunḡɔ buri z̄it̄onɔ t̄ana v̄i á téro,
àsun k̄ute dikiri p̄anden̄ero.

¹⁰ Makūme Dikiri á Luda ũ,
ma á bóte Misila.
À á lé w̄e, mani tó à k̄a.

¹¹ Ama Isarailanɔ ḡi ma yā mai,
ma gb̄e p̄inɔ dí mì natem̄enero.

¹² Akū ma n̄ tó kū n̄ s̄agb̄anak̄eɔ,
ò té n̄ z̄ida p̄oyeinaai.

¹³ Tó ò pi Isarailanɔ ni ma yā ma,
tó ma gb̄enɔn̄ té ma yāi,

¹⁴ de mani n̄ iber̄enɔ s̄ɔpete ḡn̄ɔḡn̄ɔ,
mani ɔ s̄ n̄ z̄angur̄in̄ɔi.

¹⁵ Ma z̄angur̄in̄ɔ ni k̄a nate ma are,
n̄ w̄ét̄amm̄ana niḡɔ lakana v̄iro.

¹⁶ Gbasa mà á gwa kū p̄oblewe manao,
mà era mà gb̄e z̄ɔ'í kp̄ááwa à m̄áwa.

82

Yakpat̄ekena kū gb̄anadenɔ

Asafa læε.

¹ Luda vutena pari k̄ɔkakaranaa gūn,
àten yākpate ke kū Ludanɔ à p̄i:

² Ari b̄oren̄ aniḡɔ yākpate keɔ a kp̄edangara
à yā sí yāv̄aniker̄in̄n̄e?

14 Lákū dākoo dì té kū nà,
kesō lákū té dì kpínò ble nà,

15 òn pétényī kū n zàga'īao,
n̄ tó n īa pāsī swè kēngu.

16 Òn tó n̄ gasu gō kpá n̄ wéi,
de ò n gbāna dō Dikiri.

17 Wé'i nigō n̄ kū gōrō sīnda pínki kū bídio,
ò boru kpe ò m̄i de.

18 Òn tó ògō dō kū n tón Dikiri,
mōkōmm̄e Luda Musude ū andunia gūn pínki.

84

Luda on begekēnaa

Kora burinò l̄e.

1 N kúki mana fá, Dikiri Zīkaride!

2 Maten Dikiri on bege ke ari gu ten lima,
ma nini kū ma m̄eō ten luka Luda Wēndidei.

3 Dikiri Zīkaride ma Kína ma Luda,
bee bāntoro sàa dà n gbagbaki sare,
Ludakibebā kpé bō gwe à a n̄nò kàn.

4 Arubarikaden̄m̄e gbē kū ò kú n onnò ū,
òdigō n táaki lé gōrō sīnda pínki.

5 Arubarikaden̄m̄e gbē kū n̄ gbānan n̄ ūnò ū,
n on gena yā kú n̄ swèe gūn.

6 Tó òten gēte Baka guvutea,
àdi gō lán gu kū à ís̄bokinò vī bà,
pótōgōrō legū dì tó arubarika dagula.

7 N̄ genaa gūn n̄ gbāna òigō karam̄e
ari ò gé káo n̄ kīnaa Zaiō.

8 Dikiri Luda Zīkaride, n̄ ma aduakēna sí,
n̄ sá kpá ma yāi, Yakubu Luda.

9 Luda, n̄ kína kū à de ó sēgbako ū gwa,
n̄ wé pé kína kū n̄ kàai.

10 Kunna n on gōrō do manam̄ene
de kunna gu pāndea gōrō wàa sōrōla.

Ma Luda on zédākpārike sì
de kunna on dokōnò kū yāvānikerinòola.

11 Dikiri Luda deñ̄ne ifāntē kū sēgbako ū,
Dikiri òi gbēke keñ̄ne kū bèereō,
àdi gí pó mana kpá taarisaridenòairo.

12 Dikiri Zīkaride,
arubarikademe gbē kū àteni n̄ náani ke ū.

85

Aafia wékena Luda

Kora burinɔ lɛɛ.

¹ N arubarikaa dà n bùsun, Dikiri,
n su kù Yakubu burinɔ n gwena zĩn.

² N n gbɛnɔ taarinɔ gòrɔmma,
n n durunnanɔ kèrɔmma pínki.

³ N n pɔ kpàkpàa tò pínki,
n n pɔfɛ pásí tò.

⁴ N su kùoo ó gwena zĩn, Luda ó Surabari,
n pɛtɛ kù n kè kùoo lagoon.

⁵ N pɔ nigɔ fɛnawái gɔrɔ sɛnda pínkin yá?

Ɔnigɔ n pɔfɛgɔrɔ gága wè kù wèɛon yá?

⁶ Ɔni era n n gbɛnɔ kunna kɛkɛ n kɛnɛ do,
de n pɔ le à kɛmma nnaroo?

⁷ Dikiri, n n gbɛkɛ mɔwɛɛɛ,
n ó sura ba kù n gbãnao.

⁸ Ma sã do Dikiri Luda yã'onaaaa,
zaakù àdi aafia lé sé a yãmarinɔnɛ,
tó odi era ò sù n yɛnkɔyãnaroo.

⁹ A vɛnakerinɔ surabanaa gɔrɔ zãro,
de a gakuri le àgɔ kù ó bùsun yãí.

¹⁰ Gbɛkɛ kù náanio dì dakarɛ,
yãzede kù aafiaao dì ɔ kpákɔa.

¹¹ Náani dì ɔ poro musu,
yãzede dì ɔ nɔnɔ zĩtɛ.

¹² Dikiri ni yã mana kɛwɛɛɛ,
ó zĩtɛ ni pɔble kɛ.

¹³ Yãzede digɔ té a arɛ,
àdi zé kɛkɛnɛ.

86

Kpányĩ wékena Luda

Dauda lɛɛ.

¹ Dikiri, n sã kpá ma yãí n wema,
zaakù takaside wɛndaden ma ũ.

² N ma wɛndi dákpá,
zaakù má a zĩda kpãmma.

N makù n zɔbleri sura ba,
zaakù mateni n náani kɛ,
mɔkɔmmɛ ma Luda ũ.

³ N sùru kɛ kùmao, Dikiri,
zaakù madigɔ n sísi kɔnkɔ kù ɔkɔsio.

⁴ N makù n zɔbleri pɔ kɛ nna,
zaakù ma laakaríi tà n kĩnaa, Dikiri.

⁵ N mana akusɔ n sùru vĩ, Dikiri,
n gbɛkɛ zɔkɔ n sisirinɔnɛ.

6 Dikiri, ñ sã kpá ma wékenaai,
 ñ laakari dɔ ma wɛnda wikia,
 7 Mani n sisi ma warikegɔrɔ zĩ,
 zaakū ndi wema.

8 Tana ke ni sí lekɔa kúnworo, Dikiri,
 gbɛke di fɔ à n kɛna kero.
 9 Buri kū n kɛnɔ ni su ò kútenne,
 ò n tó bo í pínki.
 10 Zaakū n zɔkɔ akúsɔ ndi daboyānɔ ke,
 mɔkɔmmɛ Luda ũ ndo.

11 Ñ n zé mɔmene, Dikiri, manigɔ táa o n yāpura gūn,
 ñ ma laasun kemene do, de mágɔ n vīna vī.
 12 Mani n sáabu kpá kū nɛsedoo,
 Dikiri ma Luda, manigɔ n tó bo gɔrɔ sīnda pínki.
 13 Zaakū gbɛke kū n kɛmene zɔkɔ,
 n ma wɛndii si gyāwān lɔn.

14 Luda, karambaanidenɔ ten futɛmai,
 gbɛ pásīnɔ teni ma wɛ, òdi n yā daro.
 15 Mɔkɔn Dikiri, Luda wɛndadɔnnɛrimɛ n ũ,
 n sùru vī akúsɔ n pɔ di fɛ likalikaro,
 n gbɛke kū n náanio zɔkɔ.
 16 Ñ arɛ dɔma ñ ma wɛnda gwa,
 ñ n zòbleri gba gbāna,
 ñ makū n zònkpare né sura ba.
 17 Ñ yāmanakɛna sèeda kemene
 de ma zāngurinɔ e, wé'i n kū,
 zaakū Dikiri, n kpamai,
 n ma laakarīi kpàtemene.

87

Zaiš bi Luda wɛtɛme

Kora burinɔ lɛɛ.
 1 Luda a wɛtɛ kàtɛ
 kpi kū à kú adona musu,
 2 Dikiri ye Zaiš bīnilenɔ
 de Yakubu burinɔ wɛtɛ kparanɔla pínki.
 3 Luda wɛtɛ,
 Luda gakuriyā ò n musu à pì:
 4 Mani Misilanɔ kū Babilɔnudenɔ da
 gbɛ kū ò ma dɔnɔ té.
 Filisitininɔn kú a gūn dɔ
 kū Tayadenɔ kū Etioṗianɔ.
 Oni pi, ò gbɛ bireno ì gwemɛ.

5 Zaiš yā musu oni pi:
 Ò wāanɛ kū wāanɛo ì gwemɛ,
 Luda Musude mé àdi a zīni péte gíngin.
 6 Tó Dikiri ten gbɛnɔ tó da takadan,

ani pi: Ò gbě dí ì gwemε.

⁷ Lèsirinɔ kũ ũwárinɔ ń pínki ò pi:

Ó manakε pínki dì bo Zaiɔmε.

88

Kunna ga léi aduakεnaa

Ɖzera buri Emani lèε.

¹ Dikiri Luda ma Surabari,
maten wiki lémma fánantē kũ gwāanio.

² Ñ tó ma aduakεna kámma,
n sã kpá ma ɔɔɔnaai.

³ Zaakũ yá'úmmana ma nèsee pá,
ma wëndii kú ga léi.

⁴ Ò ma da gbě kũ òten si gyāwānnnɔ té,
ma gɔ gbānasaride ũ.

⁵ Ò pá kpāmai ò ma da gènɔ té
lán gbě kũ ò wutena miran sɔrɔrɔnɔ bà,
lán gbě kũ ń yá dɔngu dorɔ
ń baka kú kũworonɔ bà.

⁶ N ma zu wèε lòkoton
ari zĩte tú t̄nɔwεε gusiran.

⁷ N pɔfē t̄ma,
a ís̄ɔ dāmala.

⁸ N tò ma gbēnɔ ma zukūna,
n tò ò ye ma kairo.

Ò ma tata, boki kunlo,

⁹ warikena ma wé sira kù.

Mateni n sísi zaa kɔnkɔ ari ɔkɔsi,
ma ɔnɔ dɔnanyĩ.

¹⁰ Gènɔn ndi yābonsarε keíne yá?
Gyāwāndenɔ mé òdi fute ò n sáabu kpá yá?

¹¹ Òdi n gběke baba mira gūnn yá?

Òdi n náanikena yá o gyāwānn yá?

¹² Ò n daboyānɔ d̄ɔ gusira gūnn yá?

N yāmanakenanɔ d̄na kú yāsānguki gūnn yá?

¹³ Dikiri, maten ɔɔ dɔnne,
ma aduakena kɔnkɔ di ká n kīnaa.

¹⁴ Bóyái nten gímaii, Dikiri?

À kè dera n m̄kperε zùmenεε?

¹⁵ Má kú ga léi wëndawēnda zaa ma kefennakεgɔrɔɔ,
n yá pāsīnɔ t̄ma, ma gɔ sàii.

¹⁶ N pɔfēnamai dāmala,
n vīnapɔnɔ ma kakate.

¹⁷ Ò dāmala lán í bà zaa kɔnkɔ ari ɔkɔsi,
ò líkamai māmam.

¹⁸ N tò ma gbēnɔ kũ ma gbēnnanɔ ma zukūna,

gusira mé à gò ma kpàasi ù.

89

Luda lésena Daudane

Èzera buri Etani lèè.

¹ Dikiri, manigò lè sí n gbêke yā musu lakanaa sari,
manigò n náanikena kpàkpa ke wè kù wèèo.

² Mani o kù n gbêke lakana vīro,
n náanikena zīni petena n bea zaa musu.

³ N pì: Ma bàka kù kù gbē kù ma sèèo,
ma lé sè ma zòbleri Daudane.

⁴ Mani tó a buri gò kí ble goro sīnda pínki,
mani a kpata gba gbāna ari a buria.

⁵ Musudeno di n daboyāno sáabu kpá, Dikiri,
malaikano di n náanikena yā o n kōkakaranaa gūn.

⁶ Zaakū gbêke kù musu kù à kà Dikiri ūro,
malaika ke ni sí lèkōa kāaoro.

⁷ Luda vīna di malaikano kù n kōkakaranan,
à naasi vī de gbē kù ò likainola.

⁸ Dikiri Luda Zīkaride, dí mé à lèlè kúnwoo?
N gbāna kù náanio vī yā sīnda pínki gūn.

⁹ Ndì gbāna mo ísirane,
tó à sò fùte kù vīvīnaao, ndì a gbāna fō.

¹⁰ N Misilano dúgu zò, ò gò gèno ù,
n n zāngurino fàkōa kù n gāsā gbānao.

¹¹ Musu bi n pómè, zīte do bi n pómè,
n andunia kàte kù pò kù ò kù a gūnno pínki.

¹² N gughānduru kù gèno midokio kè,
Tabo kù Emò gbèno di ayuwii ke kù n tóo.

¹³ N gāsā bi gbāna pómè,
n o gbāna akūsò n opla do musu.

¹⁴ Yāmanake kù yāzedekeoome n kpata zīni ù,
gbêke kù náanio mé à donne are.

¹⁵ Arubarikadenome gbē kù ò ayuwiikemmano ù,
kù òdigò táa o gupura kù à kù n kurunyī, Dikiri.

¹⁶ Òdigò ponna ke kù n tóo goro sīnda pínki,
òdi ía dá kù n manakeo.

¹⁷ Zaakū n gākuri kù n gbānaome n ù,
n zena kūoo di ó sé lei.

¹⁸ Ó kína bi Dikiri pómè,
ó sēgbako pì bi Isarailano Luda pómè.

¹⁹ N yā ò n yāmarinone yā wégupu'ena gūn
n pì: Ma kpányī kè gōsaane,
ma kefenna sè musu a gbēno té.

²⁰ Ma a zòbleri Dauda lè,
ma a nísí kua ma a òte.

21 Manigõ a kũna ma õĩ,
 ma gàsá gbāna nigõ kú kãao.
 22 Iberε ke ni fõ à táfe síaro,
 gbē vāni ke ni le à gbāna m̄nerο.
 23 Mani a weterin̄o m̄i de a are,
 mani a zāngurin̄o ne.
 24 Mani gbēke kenε kũ náanio,
 oni a sé lei kũ ma t̄so.
 25 Mani ísira nanε a õĩ,
 anigõ iko v̄i swan̄o a.
 26 Ani ma sísi à pi,
 má de a De ũ kũ a Ludao,
 a gbèsi ũ kũ a surabariio.
 27 Mani a ke ma daudu ũ,
 anigõ de andunia k̄inan̄o m̄ide ũ.
 28 Manigõ gbēke v̄i kãao ḡor̄o s̄inda p̄inki,
 ma bàka kũ à kú kãao gborona v̄iro.
 29 Mani tó a buri gõ kí ble ḡor̄o s̄inda p̄inki,
 a kpata nigõ kun lákũ ludambe digõ kun nà.

30 Tó a burin̄o p̄a kpà ma dokai,
 akūsõ odi té ma yāditenan̄oiro,
 31 tó ò bò ma yā kpe,
 akūsõ ò ma yādann̄enan̄o kũnaro,
 32 mani gò t̄m̄ma n̄i taarin̄o yāi,
 mani n̄i ke búgubugu n̄i vānikenaa musu.
 33 Ama gbēke kũ má v̄i kãao ni lákaro,
 mani fõ mà náanisariyā kero.
 34 Mani ma bàka kunna kãao yā gbororo,
 mani yā kũ à bò ma lén litero.
 35 Ma sì kũ ma kunnaao ḡèn do,
 mani éke to Daudanero, kũ ma p̄i,
 36 a buri nigõ kun ḡor̄o s̄inda p̄inki,
 a kpata nigõ kun ma wára lán ifántē bà.
 37 Lákũ m̄ovura de s̄èeda náanide ũ musu nà,
 len a kpata nigõ kun ḡor̄o s̄inda p̄inki le.

38 Bee kũ abireo n gi k̄ina kũ n kài,
 n̄o gbàrei n p̄o f̄ē kãao manamana.
 39 N n bàka kunna kũ n z̄òbleriio yā gbòro,
 n a kífura gya bò n p̄àte z̄ite.
 40 N a w̄ete b̄inin̄o gbòro,
 n a zeki gbānan̄o k̄òte n d̄ate.
 41 Gbē kũ òten ḡeten̄o n̄i baka bòn n̄i p̄inki,
 à ḡò lalandi p̄ó ũ a buri daken̄one.
 42 N a weterin̄o ḡàa s̄è lei,
 n tó a iberen̄o p̄onna k̄è.
 43 N a f̄en̄eda gbāna è,
 n̄di ze kãao z̄l̄i ḡunlo.
 44 N a k̄ikegoo sia,

n a kpataa nè.

⁴⁵ N tò à zī kù a gbānan,
n wé'i dàa arukĩmba ũ.

⁴⁶ Dikiri, ĩnigõ utenawere ari boremeε?
N pɔfɛ té nigõ kù gɔɔ sīnda pínkin yá?

⁴⁷ Ñ laasun lé ma wèndi kutukεa.
N bisāsiri kè pān yá?

⁴⁸ Dí mé anigõ kun à gí gaii?
Dí mé ani fɔ à a zīda sí mira gbānaaaa?

⁴⁹ Dikiri, gbēke kù n vī yā gèε máa?
N yenyī kù n a lé sè Daudanε kù náanio sō bi?

⁵⁰ Ñ tó n zòbleri fobona yā dɔngu,
burinɔ ma sōsō ò ma nèseε yàka.

⁵¹ N ibereɔnɔ kina kù n kà lalandii kè
ari gu kù a gèseε pèten, Dikiri.

⁵² Arubarikaden Dikiri ũ ari gɔɔ sīnda pínki!
Aami! Aami!

TAKADA SIIKODE

Zabura 90-106

90

Luda kù bisasirio

Luda gbē Musa aduakεnaa.

¹ Dikiri, ó utekime n ũ wè kù wèεo.

² De n kpé n kpino ke,
de n kpé n zīte kù anduniaio káte,
Ludame n ũ zaa káaku ari gɔɔ sīnda pínki.

³ N dìte kù bisāsiri era zīte,
ndi piñne ò era bùsun.

⁴ Wè wàa sɔɔro denne lán gɔɔ do bà,
à denne lán gĩa ke gwāani zaka bà.

⁵ Ndi bisāsiri sé kù ga'io,
ò de lán sè yīda bà kɔnkɔ.

⁶ Àdi bute kɔnkɔ à gbā,
àdi yitoro kù ɔkɔsi à kori ke.

⁷ N pɔfɛ di ó kakate,
n patammanaa di swè kèógu.

⁸ Ó yā vāninɔn katena n are,
ó asiriyānɔ bò gupuran n kuru.

⁹ Ó gɔɔ di gète n pètē yāi,
ó wèndii di láka kù ndanaao.

¹⁰ Ó wèε di ká baaakɔ akuri,
tó ó gbāna sō, basiikɔ.

Wari kù pɔsiraoon wèε pino di suowere,
òdi gète likalika, akū odì kpágui.

¹¹ Dí mé à n pɔfɛ gbāna lé dɔɔ?

n pētē zōkō kà vīna kū à de ò kenne ũ.

¹² Ñ dadawere ògō ó wèndi kutuke lé dō,
de ò ãndō le ó swèè gūn.

¹³ Dikiri, boren ïni n pofē kpátē?

Ñ n zòblerinō wēnda gwa.

¹⁴ Ñ tó n gbēke suwá lākū gu digō dō nà,
de ògō pōnna ke kū ayuwiikenaao ari ó gōrō lén.

¹⁵ Ñ ó pō ke nna o kū n tōwá gōrō lén,
wari kū o kè wè lén.

¹⁶ Ñ n yākenanō mō ókōnō n zòblerinōne,
n tó ó nēnō n gbāna gakuri dō.

¹⁷ Dikiri ó Luda, n tó ò n pōnna le,
n tó ó zī àre le,
ee, n tó ó zī àre le.

91

Ludame ó dākpāri ũ

¹ Gbē kū à utena Luda Musude oĩ
nigō kú Gbānasīndapinkide uraai.

² Ani pi Dikirime a zeki gbāna ũ,
a Ludame a uteki ũ, á a náani vī.

³ Ākū mé ani n sí kariia,
ani n sura ba kū gagagyāo.

⁴ Ani n soto a poten, ñigō utena a orun,
a náanikena mé ani n dākpā lán sēgbako bà.

⁵ Gwāani karinō kū fānantē kà vīnlano
ń ke vīna ni n kūro,

⁶ ke gagagyā kū àdigō té gusiran
ke gyāgēwēte kū àdi ń le fānantē gbāna.

⁷ Bee tó gbēnōn wàa soro ten léte n sare,
ke gbēnōn dūbu kuri ten ga n oplai,
póke ni n lero.

⁸ Ìni wé sé ñ gwa,
ïni e lākū òdi wé tā yāvānikerinōa nà.

⁹ Tó n Luda Musude kè n uteki ũ,

tó n Dikiri kè n kúki ũ,

¹⁰ yā vāni ke ni n lero,

kisira ni gē n onnlo.

¹¹ Zaakū ani n yā o a malaikanōne,
de ò n dākpā gu kū nten gén pínki.

¹² Oni n sé ń oĩ
de ñsun gè sí gbèero yāi.

¹³ Ìni gèse ze músuua kū káreo,
ïni gèse pétepete sàbooa kū pitikoo.

¹⁴ Dikiri pi: Zaakū à nàmai, mani a bo,

zaakū à ma dō, mani ɔ kúa.

¹⁵ Ani ma sísi, mani wea,
tó yā nàkaraa, manigō kú káao,
mani a sura ba mà a kpe ta.

¹⁶ Mani a pɔ ke nna kú wèndi gbànao,
mani tó à e lákū madì gbē sura ba nà.

92

Luda sáabukpanaa

Kámmabogɔɔ lèe.

¹ À mana ò n sáabu kpá, Dikiri,
ò lè sí ò n tó bo, Luda Musude,

² ò n gbēke baba kɔnkɔ,

ò n náanikeyā o gwāani,

³ ò n táaki lé kú mɔɔɔɔ
kú gidigboo kú kontigiio.

⁴ N yākenanɔ dì ma pɔ ke nna, Dikiri,
madì ayuwii ke n ɔzīkenanɔa.

⁵ Dikiri, n yākenanɔn zōkō manamana,
n laasunnɔn zā à kè zōkō.

⁶ Yōnkɔ yā pì dōro,
mìsaride ni fō à dōro dōro.

⁷ Bee tó gbē vāninɔ fùte ò gbà lán sèe bà
akūsō yāvānikerinɔ karana lè n pínki,
n zia bi kakatena lakanasarime.

⁸ Mōkōn sō Dikiri,
ndìgō kú musu gɔɔɔ sīnda pínki.

⁹ N gwa, n ibereɔ ten láka,
vānikerinɔ ten fākōa n pínki.

¹⁰ N ma gba gbāna lán zūsente bà,
n nísí mana kú ma mīia.

¹¹ Ma wé sí ma weterinɔ letenale,
ma sã ma ibere vāninɔ wikilenaa mà dɔ.

¹² Gbē mananɔ ni gbā lán domina línɔ bà,
onì ke zōkō lán Lebana sida línɔ bà.

¹³ Ò pena Dikiri be gūn,
onì gbā ó Luda ɔnn.

¹⁴ Bee kú n zīkūkeo onigō né ime,
n lá nigō té ke síi plèple.

¹⁵ Ò pi, Dikirin mana,
àkūme ó gbèsi ũ, vāni ke kú a gūnlo.

93

Dikirime Kína ũ

¹ Dikiri mé àten kí ble,

à zōkōke dana uta ũ.

Dikiri zōkōke dana,

à gbāna dō a pì,

à andunia kàte gíngin,
ani yīgāro.

² N kpata petena zaa zīzī,
ń kun zaa káaku.

³ Í zōkō dāgula Dikiri,
í zōkō kīni dō,
í zōkō ten gāgā lé.

⁴ Dikirin kú musu, à zōkō,
a zōkō de í dasi kīnila,
a gbāna de ísira sō vīvīnala.

⁵ Dikiri, n yāditenanōn gborona vīro,
à kù n kpé gō kú adona ari gōrō sīnda pínki.

94

Ludame yākpatekeri ũ

¹ Dikiri Luda Mōrakari,
Luda Mōrakari, ñ bo gupuran!

² Andunia yākpatekeri, ñ fute,
ñ fīna bo zīdabirinōa ń yākenaaa.

³ Gbē vāninō nigō pōnna ke ari bōremee?
Ari bōremee, Dikiri?

⁴ Yāvānikerinō dì gōsa yā o,
òdi yā bōte òdi ía dā ń pínki.

⁵ Dikiri, òdi n gbēnō dúgu zō,
òdi gbāna mō gbē kù n ń sēnōne.

⁶ Òdi gyaanōnō kù bōasunō dēde,
òdi tonenō kakate.

⁷ Òdi pi Dikiri dí ń ero,
Yakubu burinō Luda laakari kúrīmaro.

⁸ Ákōnō yōnkōnō, à laakari ke!
Ákōnō mīsaridenō, áni ōndō kù bōremee?

⁹ Luda mé à sā pè, ani gí yā mai yá?

À wé kè, ani gí gu ei yá?

¹⁰ Àdi burinō toto, ani ń sā gágaro yá?

Àdi yā dañne, à dōna vīro yá?

¹¹ Dikiri bisāsiri laasun dō,
kù yā pāme.

¹² Arubarikademē gbē kù ndì toto
ñ n doka dadane ũ, Dikiri.

¹³ Ndì a laakari kpátene warikēgōrōa
ari ò gé wēe yō vānikeriine.

¹⁴ Dikiri ni pā kpá a gbēnōiro,
ani gbē kù à ń sé a pō ũnō zukūnaro.

¹⁵ Oni era ò yākpate ke a zéa,
nēsepuradenō nì zēo.

16 Dí mé ani futemene gbě vānināa?
 Dí mé ani ze kūmao yāvānikerinō yā musuu?
 17 Tó adi ke Dikiri kpányī kēmenenlo,
 de má kú miran kítikiti kò.
 18 Kū ma pì guzāre teni ma sēte,
 n ma kū n gbēke gūn, Dikiri.
 19 Kū laasun pà ma swēn,
 n ma laakarīi kpātemene n ma pò kè nna.
 20 N bàka nigō kú kū yālekperεgōgōrinō kpataao yá?
 N yāditenanō dì suñne kū wario.
 21 Òdi lé kpákūsū gbě manai,
 òdi yā da taarisaridela ò a de.
 22 Dikirime ma zeki gbāna ũ,
 ma Ludame gbèsi kū madì uten ũ.
 23 Ani n vānikena erarūma,
 ani n buri bo n taarinō yāi.
 Dikiri ó Luda ni n buri bo.

95

Luda táakilenaa

1 À mós ò ponna lè sí Dikirine,
 ò ayuwii dō Gbèsi kū àdi ó sura baa.
 2 Ò su a are ò a sáabu kpá,
 ò lè sí ò a táaki lé.
 3 Zaakū Dikiri bi Luda kū à zōkōme.
 Kína zōkōme, à de dikiri sīnda pínkila.
 4 Zīte lòkoto kú a oī,
 kpi mīsōntenō bi a pōme.
 5 Ísira bi a pōme, zaakū à kè,
 àkū mé à zīte í kàsa kū a o.
 6 À mós ò kúte ò donyī ke
 ò wúte Dikiri ó Kèri are.
 7 Zaakū àkūme ó Luda ũ,
 a kpàsa gbēnōme ó ũ,
 a sã kū àteni n dānō ũ.
 Tó a a kòtoo mà gbāra,
 8 àsun sāgbāna ke lākū á dizinō kè nà zaa Meribaro
 ke Masa gōrō kū ò kú gbārannan.
 9 Bee kū ò ma yākenanō è,
 ò ma le ò ma gwa gwe.
 10 Akū ma pò fè gbě pìnōi ari wè bupla,
 ma pì gbě sāsānanōme n ũ,
 ò ma zénō dōro.
 11 Akū ma la dà ma pōfè gūn ma pì,
 oni gē ma kámmabokinlo.

96

Dikirimε Kína zōkō ũ

- 1 À lè dufu sí Dikirinε,
andunia gbē sīnda pínki, à lè sí Dikirinε.
- 2 À lè sí Dikirinε à a tó bo,
àgō a surabana baaru kpá lákū gu dīgō dō nà.
- 3 À a gakturikεyā o burinōne,
à a yābonsarēno baba gbē sīnda pínkinε.
- 4 Dikirin zōkō, à kà ò a táaki lé,
à kù ò vīna kenε de tānanōla ní pínki.
- 5 Burinō tānanō bi pó ginanōme,
ama Dikiri mé à musu kē.
- 6 Zōkōkε kù bēereεo kúa,
gbāna kù gakurio kú a kúkiame.
- 7 À gakuri kù gbānao dō Dikirinε,
būsu sīnda pínki gbēno, à dō Dikirinε.
- 8 À Dikiri tó gakuri dōne,
à mó kù gbao à gēo a onn.
- 9 À donyī ke Dikirinε a kúadona manaken,
zītedeno, àgō luka a arε á pínki.
- 10 À o burinōne, Dikiri ten kí ble.
Andunia katena gíngin, à yīgāna vīro,
ani yākpate ke kù gbē sīnda pínki a zéa.
- 11 Musudeno, à pōnna ke,
zītedeno, à vī kù pōnnao,
ísira kù pó kù ò kunnō, à kīni ke.
- 12 Sēnte kù pó kù ò kunnō, à pōnna wiki lé,
lí kù ò kú dākoo gūnnō, à ayuwii ke á pínki.
- 13 Oni pōnna ke Dikiri arε, zaakū àten su,
àten su yākpate ke kù anduniao.
Ani yākpate ke kù anduniao a zéa,
à yā gōgō gbēnoε kù yāpurao.

97

Dikiri sunaa

- 1 Dikiri mé àten kí ble,
zītedeno pōnna ke,
ísirabaradeno gō kù pōnna gūn.
- 2 Legū luku kù gusira níkinikio likai,
manakε kù yāzedeome a kpata zīni ũ.
- 3 Té dīgō kù a arε,
àdi ibere kù ò likainō kpata.
- 4 A legūpinaa di zīte pu,
tó andunia è, àdi luka.
- 5 Kpinō di yó lán zósaa bà Dikiri arε,
andunia pínki Dikiri arε.
- 6 Musudeno di a manakε kpàkpa ke,

huri sīnda pínki dī a gakuri e.

⁷ Wé'i dī tānagbagbarinɔ kū n pínki,
gbē kū òdī ãa dā kū pó ginanɔ.
Tānanɔ ni donyĩ keɛ n pínki.

⁸ Zaiɔdenɔ mà ò pɔnna kè,
Yuda wētedenɔn kú pɔnna gūn
n yākpatekenanɔ yāi, Dikiri.

⁹ Zaakū n kú musu de andunia pínkila,
Dikiri, n de tānanɔla n pínki.

¹⁰ Dikiri ye gbē kū ò zā yā vāninnɔi,
àdigō a yāmarinɔ wēndi dākpā,
àdī n bo yāvānikerinɔ ɔĩ.

¹¹ Gu dī dɔ gbē mananɔa,
nèsepuradenɔn pɔnna vī.

¹² Gbē mananɔ, à pɔnna ke Dikiri gūn,
à a tó kú à kú adona bo.

98

Dikiri suna táakilenaa

¹ À lè dufu sí Dikirine,
zaakū à yābonsarenɔ kè,
à zīi blè kú a ɔpla kú à kú adona gbānao.

² Dikiri tò ò a surabanaa dō,
à a manakēnaa mò burinɔɛ.

³ Gbēke kú nāani kú à vī kú Isarailanɔ dòn,
andunia lézekidenɔ ó Luda surabanaa è n pínki.

⁴ Andunia pínki, à pɔnna wiki lé Dikiria,
à kakūn kú ayuwiikenaao.

⁵ À mɔɔɔlena ũ dɔ Dikirine,
à mɔɔ léne kú lèsinaao
⁶ kú kākākipēnaao kú kuru yīsāmpanaao.
À pɔnna wiki lé Dikiri ó Kínane.

⁷ Ísira kú pó kú ò kunnɔ kīni ke,
andunia kú gbē kú ò kunnɔ n pínki.

⁸ Swanɔ ɔkpa lé Dikiri are,
kpinɔ ayuwii ke lēlē,

⁹ zaakū àten su yākpate ke zīteme,
ani yākpate ke kú anduniao a zéa,
ani yā gōgō gbēnɔɛ kú yāpurao.

99

Luda kú à kú adonaa

¹ Dikiri ten kí ble, burinɔ luka,
à vutena kerubunɔ dagura,
andunia yīgā

² Dikirin zōkō Zaiɔ,

à de buri sīnda pínkila.

³ Ò a tó zōkō à naaside bo,
à kú adona.

⁴ Kína pì gbāna vī, à ye yāzedei,
àkū mé à yākpatekena a zéaa dà,
à yā gōgō Yakubu burinone a zéa.

⁵ À Dikiri ó Luda tó sé lei,
à kúte a tintin are,
à kú adona.

⁶ Musa kū Harunao kú a gbàgbarino té,
Samuelime a sīsirinō doke ũ,
ò a sīsi, akū à wèmma.

⁷ Zaa tēluku gūnn à yā òñne,
ò a doka kū a yādannenano kūna.

⁸ Dikiri ó Luda, n weńma,
mōkōmme Luda kū àdi ní taari kēńma ũ,
bee kú abireo n ní yā vāninō wi ní musu.

⁹ À Dikiri ó Luda tó sé lei,
à donyī kene a kpi kū à kú adona musu,
zaakū Dikiri ó Luda kú adona.

100

Dikiri sáabukena

Sáabukena lèè.

¹ Andunia pínki, à ponna wiki lé Dikiria.

² À donyī ke Dikirinē kū ponnao,
à mó a kīnaa kū ayuwiikenaao.

³ À dō kū Dikirime Luda ũ,
àkū mé à ó ké, ó de a pó ũ,
ó de a gbēno ũ, a kpasa sāno ũ.

⁴ À gē a onlen kū sáabukenaao,
à gē a onn kū a táakilenaao,
à a sáabu ke à a tó sé lei.

⁵ Zaakū Dikiri mana, a gbēke lakana vīro,
àdigō náani vī goro sīnda pínki.

101

Kína lésena Ludane

Dauda lèè.

¹ Mani lè da gbēke kū yāzedeo musu,
mani lè sínne, Dikiri.

² Mani laakari ke mágō kun taari sari,
boreń ñni sumaa?
Manigō kú ma onn kū nēsepura.

³ Ma wé nigō kú pó ginaaaro,
mani zā yāđoro sarikenan, ani namaro.

⁴ Ma nēse nigō manafiki vīro,
ma bàka nigō kú kū yā vānioro.

⁵ Mani gbē kū àdi a gbēdake yaka a kpe kakate,
mani sùrù f̄s kū karambaanidenɔ kū zīdabirinɔoro.

⁶ Ma wé niḡs kú ma búsu náanidenɔa,
de òḡs kú kúmao,
gbē kū àdiḡs kú taari sari niḡs de ma zīkeri ũ.

⁷ Mani we gbēsāteri ḡs kú ma bearo,
mani tó manafikide ze ma arero.

⁸ Maniḡs ma búsu gbē vāninɔ láka lākū gu òḡs dɔ nà,
maniḡs yāvānikerinɔ buri bo Dikiri wēte gūn.

102

Gbānasaride aduakēnaa

Wēndade gbānasaride kū àteni a yā'ūmmananɔ bote Dikirinēe ad-
uakēnaa.

¹ Dikiri, ñ ma aduakēna ma,
ñ tó ma wiki n ki le.

² Nsun wé utemeñe ma warikegɔɔaro,
ñ sã kpámai,
tó ma n sisi, ñ wema likalika.

³ Zaakū ma gɔɔ ten gēte lán túsukpe bà,
ma mè ten puusu bo lán téȳsɔ bà.

⁴ Ma nèsee yàka, ma ḡs lán sè kori bà,
ma sã póbleyān.

⁵ Ma ndana gbāna mé à tò
ma ḡs wàakuu ũ.

⁶ Ma ḡs lán gbāranna tiongo bà,
lán bezi kóro bà.

⁷ I òḡs ma wénlo,
ma ḡs lán bá kū à di kpé musu ado bà.

⁸ Ma iberenɔ òḡs ma s̄s̄s̄ gɔɔ s̄inda pínki,
ma foborinɔ òḡs ká kū ma tóo.

⁹ Túbume ma póblee ũ,
ma wé'i òḡs ká ma ímibɔn

¹⁰ n p̄f̄ē kū n p̄t̄ēo yāi,
zaakū n ma se n ma zukūna.

¹¹ Ma gɔɔ ten gēte lán uraa bà,
akū maten kori ke lán sèe bà.

¹² Mɔk̄s̄n s̄s̄ Dikiri,
ndiḡs kú kpatan gɔɔ s̄inda pínki,
n tó ni garo ari ó buria.

¹³ Ìni fute ñ Zaiš wēnda gwa, zaakū gɔɔ kà,
gɔɔ kū n òḡs kà, kū Ìni a p̄onna wete.

¹⁴ A gbènɔ kè n zòblerinɔne mana,
a gborona búsuu òḡs ká wēnda.

¹⁵ Buri s̄inda pínki ni vīna kenne, Dikiri,
andunia kīnanɔ ni n kīke d̄s̄ n pínki.

¹⁶ Zaakū Dikiri ni Zaiš keke à bo dɔ,
ani bo à suríma kū gakurio.

¹⁷ Ani takasidenɔ aduakēna sí,
ani ñ wékena kpá sákotoro.

18 Ò yā dí kē kpēdeno yāi
de gbē kū ò kpénò Dikiri táaki lé.

19 Dikiri zīte gwà zaa a kúkia,
zaa musu à wé kpàte zīte,

20 de à gbēno zòble ɔɔ do ma
à n bo ga léi yāi.

21 Oni Dikiri tó bo Zaiɔ,
oni a táaki lé Yurusalemu,

22 zī kū bùsu sīnda pínki gbēno ni kò kakara gwe,
kū kpatablerinò ò donyī kene.

23 À ma gbāna bùsa zégbān,

à ma wèndi kè kutu,

24 akū ma pì: Ma Luda,

̀nsun ma wèndi bo gugbānlo,

mòkòn kū n kun ari ó buria.

25 N andunia zīni pète zaa káaku,
m̀usu bi n ɔzīme.

26 N pínki ni gēte, ama ìnigò kun,

oni zī kū lán pókasa bà,

ìni n lite lán uta bà n n zukūna.

27 Mòkòn sò n kunnaa ògò dokòno,
n gɔro lakana vīro.

28 N zòblerinò nénò nigò kun aafia,
n burinò ni zīni péte n kuru.

103

Luda gbēke

Dauda lēe.

1 Ma swē, n Dikiri sáabu kpá,
ma gu sīnda pínki, n a tó kū à kú adona bo.

2 Ma swè, n Dikiri sáabu kpá,
̀nsun sá a yámanakena kenlo.

3 Àdi ma taarinò kēma pínki,
àdi ma werekòsa kū ma gyāno pínki.

4 Àdi ma wèndi bo gyāwān,
àdi a nna diramene a gbēke kū a wèndao gūn.

5 Àdi tó pó mana kū má yeinò móma,
de ma kefennake le àgò dufu lán vāu pó bà.

6 Dikiri dī yā ke a zéa,
àdi tó yā bo gōnawēndadenò nna.

7 À tò Musa a poyeina yā dō,
à a yābonsarenò mò Isarailanone.

8 Dikiri sùru vī kū wèndao,
a pò dī fē likaro, a gbēke dasi manamana.

9 Ani n taari le gèn baaakòro,
ani pofē da a nēsen gɔro sīnda pínkiro.

10 Àdi yā kewere lán ó durunnanon de nàro,

àdi fīna bowá lán ó sātēnanon de nàro.

¹¹ Lákū ludambē lei de nà kū zītēo,
len à gbēke zōkō kū a vīnakerinō le.

¹² Lákū ifaboki zākōne kū a léte kpao nà,
len àdi ó taarinō kēwá le.

¹³ Lákū de dì a nēnō wēnda gwa nà,
len Dikiri dì wēnda dō a vīnakerinōne le.

¹⁴ Zaakū à dō pō kū à ó kéo,
à dōn kū būsuumē ó ũ.

¹⁵ Bisāsiri wēndi kutu lán sēē bà,
àdigō gakuri vī gōō pla lán lávu bà.

¹⁶ Tó ía pàa, àdi gēte,
gu kū à kunn pīi dì dō a yān dorō.

¹⁷ Dikiri dìgō gbēke vī kū a vīnakerinō
zaa káaku ari gōō sīnda pínki,

àdi yā mana ke n nēnōne kū n daikorenō,

¹⁸ gbē kū ò zē kū a bàka kunna kūńwo yāo
akūsō ò yā kū à dītēnō kūnanō.

¹⁹ Dikiri a kpataa dīte musu,
à gbāna vī gbē sīnda pínkia.

²⁰ À Dikiri sáabu kpá, ákōnō a malaikanō,
ákōnō gbānade kū adì a yā ma à zī keanō.

²¹ À Dikiri sáabu kpá, ákōnō ludambē zīkarinō á pínki,
ákōnō a zīkeri kū adì a pōyenyīna yā kenō.

²² À Dikiri sáabu kpá, ákōnō a pōkenanō á pínki
gu kū àtēn kí blennō pínki.

Ma swè, n Dikiri sáabu kpá.

104

Dikiri Póšīndapinkikeri táakilenaa

¹ Ma swè, n Dikiri sáabu kpá.

Dikiri ma Luda, n zōkō manamana,
n gakuri dana pókasa ũ, àtēn té ke,

² n gupura kùnla lán biza bà,
n musu kpàte lán pēē bà,

³ n bē bō ínola musu.
N ludambē luku kē n sōgo ũ,
ndì dī ía ōa.

⁴ Ndì ía ke n zīrinō ũ,
ndì tévura ke n zīkerinō ũ.

⁵ N andunia kàte, n a zīni pēte,
à yīgāna vī zikiro.

⁶ N ísira kùa arukĩmba ũ,
í pīi dà kpínola.

⁷ N kpākē í pīi, akū à bàa lē,
n pataa, akū à nāgui.

⁸ Kpinō bō gupuran, guvutēnō sīkūn,

akū í tà gu kū n dìtenen.

⁹ N lézeki kè í pìine, ani f̄s̄ à v̄ialaro,
ani era à da zītela ziki doru.

¹⁰ Ndì tó ísēbokinɔ í pisi swa'ɔnenɔa,
akū a í diḡɔ bàa lé kpínɔ dagura.

¹¹ S̄ente p̄ó s̄inda p̄ínki diḡɔ a í mi,
a í dì saginɔ ími k̄ēm̄ma.

¹² Bānɔ dì sà da swanɔ sare,
òdiḡɔ kú a dàkoo gūn, n̄ wiki diḡɔ dɔ.

¹³ Zaa n be musu ndì legū gbarɛ kpínɔa,
n zī gbèe dì andunia k̄ā.

¹⁴ Ndì tó s̄è bute p̄ókādenɔne,
ndì tó burapɔnɔ bute bisāsirinɔne,
ndì p̄óble buteíne zītea,

¹⁵ s̄ewē kū àdi n̄ p̄o ke nna
kū n̄isi kū àdi n̄ an té keo
kū p̄óble kū àdi n̄ gba gbānao.

¹⁶ Dikiri línɔ dì m̄ɔtɔ le manamana,
Sida lí kū à bà Lēbananɔ.

¹⁷ Gwen bānɔ dì sà dadan,
zùbaananɔ dì be ke pini lí musu.

¹⁸ Kpi leinɔ de kpasaranɔ kúki ū,
gbè̀s̄okɔnɔ de gbè̀'ēnenɔ uteki ū.

¹⁹ N m̄ɔvura kè ḡɔɔ tàasikabo ū
kū ifāntē kū à a gēna kpén ḡɔɔ d̄s̄o.

²⁰ Ndì tó gu si, akū gwāani dì ke,
lákpe p̄ónɔ dì fute kū táo n̄ p̄ínki.

²¹ Músunɔ dì nàdena s̄o dɔ,
òdi p̄óble wete Ludaa.

²² Tó ifāntē b̄ò, òdi lɔɔte
ò tá wúte n̄ t̄on.

²³ Bisāsiri dì bo à gé zī ke,
àdiḡɔ a zīda yā ma ari ok̄osi.

²⁴ Dikiri, n yākenanɔn dasi fá!
A s̄inda p̄ínki b̄ò n̄ ̄nd̄s̄ gūmm̄e,
andunia pà kū p̄ó kū n̄ k̄enɔ.

²⁵ Ísira kun, à z̄ók̄ akūs̄ò à yàasa,
p̄ó b̄ēne kū ò kú a gūnnɔn lé v̄iro,
a f̄iti kū a z̄ók̄ɔo p̄ínki.

²⁶ Gó'itenɔ diḡɔ táa on
kū kwā z̄ók̄ kū n̄ k̄è à k̄ók̄ o a gūnwo.

²⁷ P̄ó p̄inɔ dì wé d̄onyī n̄ p̄ínki
de n̄ p̄óble kpár̄mma a ḡɔɔa.

²⁸ Ndì kpár̄mma, òdi s̄ete,
ndì ɔ poroíne, akū p̄ó mananɔ dì m̄ór̄mma.

²⁹ Tó n m̄ikpere z̄ùrine, òdi bídi keme,
tó n w̄èndii s̄ír̄mma, òdi ga ò era ò tá bùsutitin.

30 Tó n n Nini gbàre, pónò dì wèndi le,
ndì tó zīte era à ke dufu.

31 Ò tó Dikiri gakuri gō kun goro sīnda pínki,
ò tó Dikiri pò ke nna a yākenanò.

32 Àkū mé àdi zīte gwa, akū àdi yīgā,
àdi ò na kpina, akū túsukpe dì bo.

33 Mani lè sí Dikirine ari ma wèndi lén,
mani ma Luda táaki lé ari ma goro lén.

34 Ì tó ma laasun kánne, Dikiri,
lákū maten ponna ke kúnwo nà.

35 Durunnakerinò mì de andunia gūn,
yāvānikerinò súnḡ kun doru.

Ma swè, ì Dikiri sáabu kpá.
Aleluya!

105

Luda a gbēnò surabanaa

1 À Dikiri sáabu ke à a tó kpá,
à tó burinò a yākenanò dō.

2 À lè sí à a táaki lé,
à a yābonsarekenanò baba pínki.

3 À ìa dā kū Dikiri tó kū à kú adonaa,
ákōnò Dikiri kiweterinò à ponna ke.

4 À Dikiri ki wete à gbāna wé kea,
àḡō a are wete lakanaa sari.

5 À tó yābonsare kū à kènò dōágu,
a daboyākenanò kū a yākpatēkenanò,

6 ákōnò Dikiri zōbleri Ibrahī burinò,
ákōnò Yakubu buri kū à á sēnò.

7 Àkūme Dikiri ó Luda ũ,
a yākpatēkena kú andunia gūn pínki.

8 A bàka kunna kūo yā dì sāagu zikiro,
yā kú à òte nigō kun ari ó buria.

9 A bàka kú kú Ibrahīo,
à era à sī kú a kunnaao Isaakune dō.

10 A yā pī pāpa Yakubune dokayā ũ,
akū à kú kú Isarailanò ari goro sīnda pínki.

11 À pī áni Kanaanò būsū kpámma,
anigō de ñ baka ũ kú òḡō vī.

12 Goro birea ò dasiro, òdi ñ yā daro,
ò kú Kanaanò būsūn bōasunò ũme.

13 Òdigō líkara zō buri kú burionò té,
òdigō kure būsū kú būsūo.

14 Adi we ò gbāna mōñero,

à kpàkē kínanoi ní yā musu à pì,
 15 òsun ɔ na gbē kū a ní sénaro,
 òsun wé tã a annabinaro.

16 Akū à tò nàa gè̀ būsuu pìn,
 à tò ní zànaa làka pínki.
 17 Akū à Yusuflu gbàre à dónne ní are,
 ò a yia zò ũ.

18 Ò mòkpatii kpà a gbáa,
 ò mòkakàanaa kà a wakale
 19 ari yā kū à gīnake à òo gēe à pàpao,
 akū yā kū Dikiri dāneε tò yā bò kãao nna.
 20 Kū kina gbē zì, akū ò a gbàre,
 būsū gbē zòkɔ̀ pì a kè.
 21 À a dīte a būsū don'arede ũ,
 à tò à iko vī a aruzekenɔa pínki.
 22 Yusuflu a kīnanenɔ̀ tòto a poyeinaaa,
 à òndɔ̀ dàda a ibanone.

23 Akū Yakubu sù Misila,
 Isarailanɔ̀n kun nibɔ̀nɔ̀ ũ Hamu burinɔ̀ būsūn.
 24 Dikiri tò a gbēnɔ̀ kò gwe manamana,
 à tò ò dasi kú de ní iberenɔla.
 25 À ní ibereε pìnɔ̀ sã vūrine, akū ò zã a gbēnɔgu,
 de ò òndɔ̀ ke a zòblerinone.
 26 À a zòbleri Musa zīmma
 kū Haruna kū à a sēεo.
 27 Ò dabodabonɔ̀ kè Misilanone,
 ò yābonsarenɔ̀ kè Hamu burinɔ̀ būsūn.
 28 À gusira gbàreímma, gu sì ní būsūn,
 kū ò gí a yā mai yái.

29 À ní ínɔ̀ lì aru ũ,
 akū ní kpònɔ̀ gàga.
 30 Kasonɔ̀ dà ní būsula
 kū ní gbānadenɔ̀ wutekinɔ̀ pínki.
 31 À yā ò, akū ífininɔ̀ dàńla,
 sàanɔ̀ sì ní té ari ní būsū lén pínki.
 32 À legūgbēε kòteńne legū gēne ũ,
 surapatanaa dà ní būsula pínki.
 33 À ní geepi línɔ̀ è'ε kū ní kakapura línɔ̀,
 à ní būsū línɔ̀ kè búgubugu.
 34 À yā ò, akū kwanɔ̀ dàńla,
 kwa zékɔ̀nɔ̀ kà ò lé vīro.
 35 Ò ní būsū sè̀ kū láo blè ò nè,
 ò ní burapɔ̀nɔ̀ blè pínki.
 36 À ní būsū daudunɔ̀ dède ní pínki,
 ní né daudu kū ò ò ní kefennakegɔ̀ranɔ̀.

37 À bò kū Isarailanɔ̀,
 ò andurufu kū wurao sēna,

ń buri gbēke dí gè sí zénlo.

³⁸ Kū ò bòte, Misilano pò kè nna,
kū vīna ń kū Isarailano yā musu.

³⁹ À téluku dà a gbēnola,
à kè té ũ gwāani à gu pùrīne.

⁴⁰ Ò wé kèa, akū à sùnne kū kpekperewino,
à musu pòble kpàmma, ò mòmma.

⁴¹ À gbèsi pàra, akū í bòn,
í bàa lè gbàrannan gwe lán swa'ì bà.

⁴² Zaakū à dò lé kū à sè
a zòbleri Ibrahīne yān.

⁴³ À bò kū a gbēno, òten ponna ke,
gbē kū à ń sēno ten ayuwii do.

⁴⁴ À burino būsuu kpàmma,
ò zī kū dakeno kèe àree blè,

⁴⁵ de ò le ògò a yāditenano kūna,
ò a dokayāno da.

Aleluya!

106

Isarailano ń durunnano ona Ludane

¹ Aleluya!

À Dikiri sáabu ke, zaakū à mana,
a gbēke lakana vīro.

² Dí mé ani fò à Dikiri yāzòkòkenano oo?

Dí mé ani fò à a táaki lé pinkii?

³ Arubarikadenon gbē kū òdi yā ke a zéano ũ,
kū òdi yā mana ke goro sīnda pínki.

⁴ Tó nteni a nna ke n gbēnoe,

ń tó ma yā gò dnggu, Dikiri,
tó nteni ń sura ba, ń ma wé gwa,

⁵ de ma baka le àgò kú n gbēno nmananan,

mà ponna ke kū buri kū n ń sēno,

de mani n táaki lé n gbē pino té.

⁶ O durunna kè lán ó dizino bà,
o taari kè o yā vāni kè.

⁷ Kū ó dizino kú Misila,
odi Dikiri daboyákenano yā daro,

gbēkeyā dasi kū à kènneno sàngu,
akū ò sàgbāna kè Isira Tēra sare.

⁸ Bee kū abireo à ń sura bà a tó yāi,
de à a gbāna zòkò mōnne.

⁹ À kpàkē Isira Tērai, akū gukori bò,
à gè kūrwo a wēen, ò bikù lán ò pi gbàrannan bà.

¹⁰ À ń bó ń ibereño òi,
à ń sí ń zāngurino gbānaa.

¹¹ Í dà ń weterinola,

bee n gbě mèn do adi boro.

¹² Akū ò a yā kū à òo sì,
ò a táaki lè.

¹³ Ama a yākenanɔ sǎngu gǎnɔ,
akū odi ze de à lé darímaro.

¹⁴ Ó póbale pānde ni dè gbárannan,
akū ò Dikiri lè ò gwà sǎnte gwe.

¹⁵ À pó kū ò wé kèawa kpàmma,
akū à mè'ibabagyā zíríma.

¹⁶ Ó gōba kpà kū Musao bùran
kū Haruna kū à kú adona Dikirinεεo.

¹⁷ Zíte pàra à Datani mò,
à nàkōa Abiramua kū a gbēnɔo.

¹⁸ Té fùte n íbanɔ té,
tévuraa kùte gbē vāninɔa à n blé.

¹⁹ Ó mòɔ pì zaa Orebu lán zùsane bòrɔɔ bà,
ò donyí kè n tána kū ò pìine.

²⁰ Ó Luda gakuride lilin kè
kū zù sǎsorii takao.

²¹ Ó sāsā Luda n surabari yān,
kū à yā zókōnɔ kèñne zaa Misila,

²² kū à daboyānɔ kè Hamu burinɔ bùsun,
kū à naasiyānɔ kè Isira Tēra léa.

²³ Abire yāin à pì áni a gbēnɔ kakate,
akū Musa kū à a sèe kpāne,
à tò a pɔ kpàte, adi n kakatero.

²⁴ Ó bùsu nide kù gya bò,
ò gí Dikiri yā náani kei.

²⁵ Ó yāvunu kà n bizakutanɔ gūn,
odi do Dikiri yāiro.

²⁶ Akū à ɔ pàte à la dàñne à pì,
áni tó ò gaga gbárannan,

²⁷ áni tó n burinɔ gaga burinɔ té
áni n fākōa bùsunɔ gūn.

²⁸ Ó dò Peo tānai,
ò pó kū ò sa òo pógεnɔaa blé.

²⁹ N yākenanɔ Dikiri pɔ fè,
akū gagagyā gǎngu.

³⁰ Fineasi fùte à yā pì té dè,
akū gyā pìi zè.

³¹ Akū Dikiri tò yā bò kāao nna,
a bàka kú kāao ari a buria.

³² Ó Dikiri pɔ fè Meriba í kīnaa,
akū yā bò kū Musao vāni n yāi.

33 Zaakū ò a nèsee yàka,
akū à yā ò laasunn sari.

34 Odi b̀̀supidenɔ kakate
lákū Dikiri d̀̀teńne nàro.

35 Ò kè k̄s gb̄enɔ ũ k̄ buri p̄nɔ,
ò ní futeokara ágba sè.

36 Ò dò ní t̄ananɔi,
akū yā p̄i ḡńne tankute ũ.

37 Ò ní néḡs gb̄enɔ kè sa'opɔ ũ,
ò sa ò t̄ananɔa k̄ ní n̄enɔ gb̄enɔo.

38 Ò taarisaridenɔ k̄utu kp̄akpa,
ní néḡs gb̄enɔ k̄ ní n̄enɔ gb̄e p̄nɔ.
Ò sa ò k̄ńwo Kanaanɔ b̀̀su t̄ananɔa,
akū ní b̀̀suu p̄i gb̄aa lè.

39 Ò gb̄aa lè ní yākenanɔ yāi,
ò ḡ̄ n̄aanisaridenɔ ũ ní yākenanɔa.

40 Akū Dikiri p̄of̄e k̄pańma,
à ye gb̄e k̄ à ní s̄enɔ k̄ai doro.

41 À ní kp̄a burinɔa,
akū ní z̄angurinɔ k̄i blè ní musu.

42 N̄ ib̄erenɔ gb̄ana m̄ńne,
ò ɔ t̄ńma.

43 Adiḡs ní bo ḡen baaak̄s,
ama ò zè k̄ ní s̄gb̄anakenaa,
akū ò vl̄e ní durunna ḡun.

44 Bee k̄ abireo tó à ní wiki mà,
àdi ní warikena yā da.

45 N̄ yāi àdi d̄o a bàka konna k̄ńwo yān,
àdi a nèse lite a gb̄eke z̄k̄s yāi.

46 À tò gb̄e k̄ ò ní k̄k̄ z̄l̄z̄ ũnɔ
ní w̄enda gwà.

47 Dikiri ó Luda, ò ó sura ba,
ò ó b̄ote burinɔ té ò ó kakara,
de ò n t̄ó k̄ à k̄ adona bo
ò ĩa d̄a k̄ n táakilenaa.

48 Arubarikade Dikiri, Isarailanɔ Luda
zaa k̄aku ari ḡo s̄inda p̄inki!
Gb̄e s̄inda p̄inki pi aami!
Aleluya!

TAKADA S̄̄RODE

Zabura 107-150

107

Dikiri s̄abukena

¹ À Dikiri s̄abu ke, zaakū à mana,

a gbēke lakana vīro.

² Gbē kū à ní bó ní iberenᵋ ɔĩᵋ.

³ Gbē kū à ní bó búsu kū búsuuo à ní kakara bona ifáboki kpa kū a léte kpao kū gūgbānduru kpao kū gènᵋmidᵋki kpaonᵋ.

⁴ Ní gbēkenᵋ likara zò gbárannan, odi wēte kū oni gé vuten zé dōro.

⁵ Nà ní dé, ími ní kū, n wèndii gò leekeεε.

⁶ Akū ò wiki lè Dikiria ní warikenan, akū à ní bó ní wétēra gūn.

⁷ À ní dá zé súsun arī ò kà wēte kū oni vuten.

⁸ Ò Dikiri sáabu ke a gbēke yāi kū yābonsare kū àdi ke gbēnᵋneεo.

⁹ Zaakū àdi ímiderinᵋ kòto yīda kūíne, àdi pó mana kpá nàderinᵋ ò kà.

¹⁰ Ní gbēkenᵋ kú ga gusiran, òten wari ke yīna kū m̀kakᵋanaao.

¹¹ Zaakū ò gī Luda yā mai, ò Luda Musude lédamma gya bò.

¹² À tò ò ní búsa kū zī gbānao, ò gēε si ò lēte, kpanyīri kunlo.

¹³ Akū ò wiki lè Dikiria ní warikenan, akū à ní bó ní wétēra gūn.

¹⁴ À ní bó ga gusiran, à ní m̀kakᵋananᵋ ga à k̀k̀k̀.

¹⁵ Ò Dikiri sáabu ke a gbēke yāi kū yābonsare kū àdi ke gbēnᵋneεo.

¹⁶ Zaakū àdi bīnile gbà kū ò pì kū m̀gotēoo gboro, àdi m̀si gbāngo zétatabᵋnᵋ é'ε.

¹⁷ Ní gbēkenᵋ likara ní ságbāna yāi, ò wétāmma lè ní taarinᵋ yāi.

¹⁸ Póble ni bò ní pᵋn, ò kà gana.

¹⁹ Akū ò wiki lè Dikiria ní warikenan, akū à ní bó ní wétēra gūn.

²⁰ À a yā zīrīma, akū ò wèrekᵋa, à ní bó ga léi.

²¹ Ò Dikiri sáabu ke a gbēke yāi kū yābonsare kū àdi ke gbēnᵋneεo.

²² Ò kennakūkᵋo sa oa, ò a yākenanᵋ baba kū ayuwiikenaao.

²³ Ní gbēkenᵋ di ísira musu gó gūn, òten laga tá í z̀k̀la.

- 24 Ò Dikiri yákenanò è,
kū yābonsare kū àdi ke í daguranò.
- 25 À yā ò, akū zàga'īa gbāna kàka,
ísira s̄s̄ à fūte musumusu.
- 26 Òten fute musu, òten su zīte,
ò kú kari léi, akū swēe kēngu.
- 27 Gó yīgāyīgā kūnwo,
ò tātantatan kè lán wēderii bà,
íte'ond̄s̄ s̄inda pínki lākāmma.
- 28 Akū ò wiki lè Dikiria n̄ warikenan,
akū à n̄ bó n̄ wētēra gūn.
- 29 À īa gbāna zè, à gò īa fēēē ū,
à ís̄ō kpàte, akū í zè kítikiti.
- 30 Kū gu yī, n̄ p̄ō kè nna,
akū à gèe kūnwo gódoki kū òten wete kpa.
- 31 Ò Dikiri sáabu ke a gbēke yāi
kū yābonsare kū àdi ke gbēnōnēēo.
- 32 Ò a t̄s̄ bo dasi kōkakaranaa gūn,
ò a táaki lé don'arēdenò kakaranan.
- 33 À swa ídenò kè gbáranna ū,
à tò ísēbokinò gò gukori ū.
- 34 À zīte arubarikade lì guwisiide ū
gbē kū ò vutenò yāvānikena yāi.
- 35 À gbáranna lì sēbe ū,
à tò gukori gò ísēbokinò ū.
- 36 À nāderinò kàte gwe,
akū ò wēte kàte ò vūten.
- 37 Ò burap̄ōnò t̄s̄, ò geepi línò bà,
akū à né línē manamana.
- 38 À arubarikaa dàngu, ò kè dasi manamana,
adi tó n̄ pókādenò lāgoro.
- 39 Akū à n̄ lago d̄, ò bùsa
gbānamōnnēna kū kisirao kū p̄ōsirao yāi.
- 40 À wé'i dà kīnēn̄o,
à tò ò likara zò gukori zēsaride gūn.
- 41 Ama à wēndadenò b̄ò takasiken à n̄ sé lei,
à tò n̄ òndenò kè dasi lán kpàsap̄ōnò bà.
- 42 Tó gbē mananò è, òdi p̄ōnna ke,
gbē vāninò s̄s̄ òdi n̄ lé nak̄ōa.
- 43 Ònd̄s̄de laakari d̄o yā p̄in̄o,
à Dikiri gbēke gwa lākū à de nà.

108

Luda mé àdi tó ò zì ble
Dauda lēē.
¹ Ma laakari kpatēna, Luda,

gbē pānde gō a gēne ũ.

⁹ Ñ tó a nénō gō de sari,
a nanō gō gyaano ũ.

¹⁰ A nénō gō likarazōrinō ũ ògō bara ke,
ògō ñ kpake ñ be zīinō gūn.

¹¹ A fīnade a pōnō nakōa pīnki,

buri zītōnō a zī àre sía.

¹² Gbēke sūn gbēke kenero,

òsun wēnda dō a né kū à tònōnero.

¹³ Ñ tó a burinō láka,

ñ tó súngō kú buri kú oni futenō téro.

¹⁴ A dizinō vānikena yā gō dōngu, Dikiri,

ñsun tó a da durunna kēa zikiro.

¹⁵ Ñ durunna gō dōngu, Dikiri,

ñ yā sā gbēnōgu andunia gūn.

¹⁶ Zaakū adi dōn à gbēke ke gbēkenero,
àdi wé tã takasidenōa kú wēndadenō
kú pōsiradenōo ari gyāwān.

¹⁷ À ye sa vāni onnenaai,

ñ tó à wí a musu.

Sa mana onnenaai dī kánero,

ñ tó arubarika ke kãao zà.

¹⁸ À lékennenaai dà lán uta bà,

à a mēe yàku lán í bà,

à gē a wánōn lán nísi bà.

¹⁹ Kanaa pì gō daala lán uta bà,

àgō dō a pì lán asa bà.

²⁰ Dikiri fīna bo ma yādimmarinōa le
kú gbē kú òdi yā vāni o ma musunōo.

²¹ Dikiri Gbānasīndapinkide,

ñ ma wēnda gwa n tó yāi,

ñ ma bo n manake kú n gbēkeo yāi.

²² Zaakū takaside wēndademe ma ũ,
ma pō yàka búgubugu.

²³ Maten gēte lán òkōsi uraa bà,

má de lán kwa kú ìa ten sé bà.

²⁴ Léyīnaa tò ma gbá dī sí sé doro,

ma fēfē ma gō wàakuu.

²⁵ Ma gō yáadōnapō ũ ma yādimmarinōne,
òdi ma gwa ò mì gbāke.

²⁶ Ñ kpámai, Dikiri ma Luda,

ñ ma sura ba n gbēke yāi,

²⁷ de ò dō kú n ò mé à kè,

mōkōn Dikiri, n kēnaame.

²⁸ Bee tó ò ma ka, ìni arubarika damagu,

tó ò fùtemai, wé'i ni ñ kú,

makū n zōbleri mani pōnna ke.

²⁹ Tó vāni ni gō ma yādimmarinōne uta ũ,

oni wé'i darúma lán arukĩmbaa bà.

³⁰ Mani Dikiri sáabu kpá kũ kòto gbānao,
mani a táaki lé dasi kòkakaranaa gūn.

³¹ Zaa kũ àdi ze kũ wēndadenɔ,
àdi n̄ sí gbē kũ òdi yā vúterĩmanɔa.

110

Arumasihu kíkē

Dauda lèe.

¹ Dikiri pì ma dikiriine à vute a ɔplai
ari àgɔ a iberenɔ kene a tintin ũ.

² Dikiri ni tó n iko dagula,
ĩni kí ble n iberenɔa zaa Zaiɔ.

³ N gbēnɔ ni n̄ zida kpámma zĩkagɔɔ
kpi kũ à kú adona musu,
n kefennanɔ ni su n kĩnaa lán gudɔ plíkpanaa bà.

⁴ Dikiri la dà, ani lé sukparo à pì:
Ĩnigɔ de sa'ori ũ ari gɔɔ sĩnda pĩnki
lán Melekizedeeki bàme.

⁵ Dikiri kú n ɔplai,
ani kınanɔ dúgu zɔ a pɔfēgɔɔ.

⁶ Ani yákpate ke kũ burinɔ,
n̄ gènɔ nigɔ kpá,
ani andunia pĩnki kınanɔ dúgu zɔ.

⁷ Ani í mi swai zé léa,
abire yáin a mì nigɔ dana íla.

111

Dikiri tɔbonaa

¹ Aleluya!

Mani Dikiri sáabu kpá kũ nèsedoo
gbē mananɔ kòkakaranaa gūn.

² Dikiri yákenanɔn zɔkɔ,
gbē kũ a yā kēñne nnanɔ dì a laasun lé.

³ A yákenanɔn bèere vī kũ gakurio,
a yámanakena lakana vīro.

⁴ Dikiri tò a yābonsarēkenanɔ d̀òógu,
à s̀uru vī kũ wēndao.

⁵ Àdi p̀òble kpá a vīnakerinɔa,
àdigɔ d̀ɔ a bàka kunna kũñwo yān.

⁶ À a yákenanɔ gbána mò a gbēnɔne,
à buri pāndenɔ b̀usunɔ s̀i à kpámma.

⁷ A yákenanɔn náani vī akūsɔ à zé vī,
a yádannenanɔn yápara vī pĩnki.

⁸ Yā p̀inɔ zĩni petena gɔɔ sĩnda pĩnki,
àdi yā ke a zéa kũ náanio.

⁹ À surabarii zì à a gbēnò bò,
a bàka kú kùńwo gɔrɔ sīnda pínki.
A tó kú adona, à naasi vī.

¹⁰ Vīnakena Dikirineme ɔndɔ zīni ũ,
gbē kú ò a vīna vīnɔme asānsīnideno ũ.
A táakilena nigɔ lakana vīro.

112

Gbē kú à Dikiri vīna vī

¹ Aleluya!

Arubarikademe gbē kú à Dikiri vīna vī ũ,
akusɔ Dikiri yāditenanɔ dì káne manamana.

² A néno nigɔ gbānadeno ũ ní būsun,
nèsepurade burinɔ nigɔ de arubarikadeno ũ.

³ Ɔgɔ kú aruzekɛo di a bea,
a yāmanakena lakana vīro.

⁴ Bee gusiran gu dì pu gbē manane,
nèsepurade kú à sùru kú wēndao vī.

⁵ Gbē kú àdi ɔ poro, kú àdi pɔ sākáńne,
akusɔ àdi yā ke a zéa, yā dì bo kāao nna.

⁶ Póke ni gbē mana lá ble zikiro,
a yā nigɔ dɔńgu gɔrɔ sīnda pínki.

⁷ Baaru vāni dì a vīna kūro,
a laakarii digɔ kpatena, àdigɔ Dikiri náani vī.

⁸ A kùu dì vīro, vīna dì a kūro
ari à gé à yògɔ ke a iberenɔa.

⁹ Àdi pɔ fā takasidenɔne,
a yāmanakena lakana vīro,
a gbāna digɔ kara kú bèereeo.

¹⁰ Gbē vāni dì a e à pɔ fē,
àdi saka kakūn à nagui,
gbē vāni poyeinaa dì ke pā.

113

Dikiri táakilena

¹ Aleluya!

Dikiri zòblerinɔ, à a táaki lé,
à Dikiri tó bo!

² Ò Dikiri sáabu kpá
zaa tera ari gɔrɔ sīnda pínki.

³ Ò Dikiri tó bo
zaa ifáboki kpa ari a léte kpa.

⁴ Dikiri zókɔ de buri sīnda pínkila,
a gakuri dana musula.

⁵ Dí mé à kà Dikiri ó Luda ũu?

À vutena kpatan zaa musu,
⁶ àdi wé zu zīte

à musu kũ zĩteo gwa.

⁷ Àdi gbānasaridenɔ bo b̀usu té à n̄ fute,
àdi wēndadenɔ bo tuburan à n̄ sé lei.

⁸ Àdi n̄ da ḱinanenɔ té,
buri kũ à sè ḱinanenɔ.

⁹ Àdi para kara a ben,
àdi a ke nérande pɔnnade ũ.
Aleluya!

114

Vĩnla dikpe lèe

¹ Kũ Isarailanɔ bò Misila,
kũ Yakubu burinɔ bò gbē zĩtɔnɔ té,

² Yudanɔ b̀usu gò Dikiri kúki ũ,
Isarailanɔ b̀usu gò a ḱibleki ũ.

³ Isira Tēra wé s̄ir̄le à bàa lè,
Yoda í era kpe.

⁴ Kpinɔ v̄ĩv̄ĩ lán sákaronɔ bà,
s̄is̄inɔ kɔɔ lè lán s̄ānenɔ bà.

⁵ Ísira, bó mé à n le n bàa lèe?
Yoda, à kè dera n era kpeε?

⁶ Kpinɔ, bóyāin a v̄ĩv̄ĩ lán sákaronɔ bàa?
S̄is̄inɔ, à kè dera a kɔɔ lè lán s̄ānenɔ bàa?

⁷ Andunia, n̄ yīgāyīgā Dikiri are,
Yakubu Luda are.

⁸ À gbèsi kè íkatēki ũ,
à gbèpu l̄i isēboki ũ.

115

Dikiri mé àdi arubarika daṅgu

¹ Àdi ke ókōnɔnlo Dikiri,
adi ke ókōnɔnlo,
m̄okōmme n̄ de ò n tó bo
n gbēke kũ n nāanio yāi.

² À kè dera burinɔ dì ó la
ò pi ó Luda kú máa?

³ Ó Luda kú musu,
pó kũ à yein àdi ke.

⁴ Ó n̄ t̄ānanɔ pi kũ andurufuuo kũ wuraa,
bisāsiri ɔz̄ime.

⁵ Ò lé v̄ĩ, ama òdi yā oro,
ò wé v̄ĩ, ama òdi gu ero.

⁶ Ò s̄ā v̄ĩ, ama òdi yā maro,
ò ȳĩ v̄ĩ, ama òdi pó gb̄ĩ maro.

⁷ Ó ɔ v̄ĩ, ama òdi pó kũro,

ò gbá vī, ama òdi táa oro,
òdi kòto kekero.

⁸ N̄ pirin̄on leelee kũnwome
kũ gbē kũ òteni n̄ náani ken̄o n̄ pínki.

⁹ Isarailan̄o, à Dikiri náani ke!
Àkũme á kpanyĩri ũ kũ á sēgbakoo.

¹⁰ Haruna burin̄o, à Dikiri náani ke!
Àkũme á kpanyĩri ũ kũ á sēgbakoo.

¹¹ Dikiri v̄inak̄erin̄o, à Dikiri náani ke!
Àkũme á kpanyĩri ũ kũ á sēgbakoo.

¹² Dikiri d̄ò ó yān,
ani arubarika daógu.
Ani arubarika da Isaraila burin̄ogu,
ani arubarika da Haruna burin̄ogu,
¹³ ani arubarika da a v̄inak̄erin̄ogu,
né f̄iti gbē z̄ók̄o.

¹⁴ Dikiri á buri kara,
ák̄on̄o kũ á n̄en̄o.
¹⁵ Dikiri arubarika daágu,
musu kũ z̄ĩteo K̄erii.

¹⁶ Musu bi Dikiri p̄óme,
ama à z̄ĩte nà bisāsirin̄one n̄ ɔĩ.
¹⁷ Adi ke ḡen̄o mé òdi Dikiri táaki léro,
kes̄o gbē kũ n̄ lé ȳiten̄o.
¹⁸ Ók̄on̄o, óniḡo Dikiri sáabu kpá
zaa tera ari ḡor̄o s̄inda pínki.
Aleluya!

116

Gbē kũ à bò ga léi Dikiri sáabukpanaa

¹ Má ye Dikiri, zaakū à ma yā mà,
à ma wikilenaawa mà.
² Maniḡo a sísi ari ma w̄endi lén,
kũ à s̄a kp̄amai yāi.

³ Ga bàa f̄ik̄amai yā,
mira w̄aw̄a t̄oma,
w̄ét̄ammaana kũ p̄osirao dàkala.

⁴ Akū ma Dikiri sísi ma p̄i:
Dikiri, n yā nna, n̄ ma m̄i sí.

⁵ Dikirin s̄uru v̄i akūs̄o à mana,
ó Luda w̄enda v̄i.

⁶ Dikiri d̄i gb̄anasariden̄o d̄ákp̄a,
kũ ma busa, à ma sura bà.

⁷ Ma sw̄è, n̄ keke n̄ kp̄áte,
zaakū Dikiri yā mana k̄enne.

8 Dikiri, n ma bo ga léi,
 n wé'i wàramene, ndi tó ma gè síro,
 9 de màgō té n arε gbē bēnenɔ kukia la.
 10 Bee kŭ wari tōma ma gō búgubugu,
 má kpé a náanikena, akŭ ma yā ò.
 11 Bídi ma kŭ ma pì:
 Gbē sīnda pínki bi ékedenɔme.

12 Bón mani fīna boo Dikirine
 yā mana kŭ à kēmenε pínki musuu?
 13 Mani Dikiri surabana toko sé musu,
 mani a sísisio.
 14 Mani lé kŭ ma kè Dikirianɔ papa
 a gbēnɔ wára n pínki.

15 Dikiri yāmarinɔ gana bèere vīne.
 16 Dikiri, n yā nna, n zòbleriime ma ũ,
 nɔgbē kŭ à zòò blēnne néme ma ũ,
 n ma bo bàn.

17 Mani kennakŭkō sa omma,
 mani n sísisio, Dikiri.
 18 Mani lé kŭ ma kè Dikirianɔ papa
 a gbēnɔ wára n pínki
 19 a kpé ɔnn Yurusalemu gŭn.
 Aleluya!

117

Dikiri táakilena

1 Ákōnɔ buri sīnda pínkinɔ à Dikiri tó kpá,
 ákōnɔ bùsu sīnda pínki gbēnɔ à a táaki lé.
 2 Zaakŭ gbēke kŭ à vī kŭoo kè zōkō,
 Dikiri náani vī gɔɔ sīnda pínki.
 Aleluya!

118

Gená Dikiri ɔnn kŭ sáabukenaao

1 À Dikiri sáabu ke, zaakŭ à mana,
 a gbēke lakana vīro.

2 Isarailanɔ o:
 A gbēke lakana vīro.

3 Haruna burinɔ o:
 A gbēke lakana vīro.

4 A vīnakεrinɔ o:
 A gbēke lakana vīro.

5 Ma lé zù Dikirii ma warikena gŭn,
 akŭ à wèma à ma gba mēporokí.

6 Dikiri kú kŭmao, vīna ni ma kŭro.

Bón bišāsiri ni fō à kēmenεε?

7 Dikiri kú kŭmao ma kpanyĩri ũ,

mani yǝḡḡ ke ma ibeɛnɔa.

⁸ Nana Dikirii mana de bisāsiri náanikenala.

⁹ Nana Dikirii mana de gbānadeno náanikenala.

¹⁰ Buri sīnda pínki likamai, akū ma n kakate kū Dikiri tso.

¹¹ Ò likamai kpa sīnda pínki, akū ma n kakate kū Dikiri tso.

¹² Ò fīma lán zónɔ bà, akū ò làka lán káni tékūnaa bà, ma n kakate kū Dikiri tso.

¹³ Ò ɔ sǝmai kpe, má ye mà léte, akū Dikiri kpāmai.

¹⁴ Dikiri mé à ma gbāna ũ, a táakin madì lé, àkū mé à ḡḡ ma surabari ũ.

¹⁵ À ma, ponna wiki dɔ gbē manano bùran, Dikiri ɔpla zī zǝkǝ kè.

¹⁶ Dikiri ɔpla kú musu, Dikiri ɔpla zī zǝkǝ kè.

¹⁷ Mani garo, manigǝ kun, manigǝ Dikiri yākenano baba.

¹⁸ Dikiri ma toto manamana, ama adi tó ga ma sero.

¹⁹ À zé mana gbàno wēmene, de mà ḡḡ mà Dikiri sáabu kpá.

²⁰ Dikiri on zén dí, gbē manano mé òdi ḡḡn.

²¹ Ma n sáabu kè Dikiri, zaakū n wema, n ḡḡ ma surabari ũ.

²² Gbè kū kpéborino pā kpài mé à ḡḡ kpé kusuru gbè mīde ũ.

²³ Dikiri mé à abirekū kè, akū à kèwewe yābonsare ũ.

²⁴ Goro kū Dikiri diten dí, ò ponna ken ó nèse ke nna.

²⁵ N yā nna Dikiri! Ñ ó sura ba!

Ñ sùru ke Dikiri! Ñ tó ò sa'a le!

²⁶ Arubarikademe gbē kū àten su kū Dikiri tso ũ, zaa Dikiri onn óten gbānake kpányĩ.

²⁷ Dikirime Luda ũ, à gu pùwewe.

À zà lá kpákpa àḡḡ téo dikpekeringi ari sa'oki bēnenɔ kīnaa.

28 Ma Ludame n ũ, mani n sáabu ke,
ma Luda, mani n tó sé lei.

29 À Dikiri sáabu ke, zaakū à mana,
a gbēke lakana vīro.

119

Luda yā sɛna lei

1 Arubarikadenɔme gbē kū ò kun taari sari
ò Dikiri doka kūnanɔ ũ.

2 Arubarikadenɔme gbē kū ò Dikiri yā kūna
ò a ki wete kū nèsɛdoonɔ ũ.

3 Òdi yā kpɛdangara kero,
òdi taa o a zé gūn.

4 N n ɔɔki m̀wɛɛ,
de ògɔ tɛi kū laakariio.

5 Má ye màgɔ kú ma d̀rɔɔa
m̀gɔ n yádannɛnanɔ kūna.

6 Tó má n yáditɛnanɔ kūna pínki,
abirekū ni tó wé'i ma kūro.

7 Gɔrɔ kū mateni n dokayā mananɔ dada,
mani n sáabu kpá kū nèsɛpurao.

8 Manigɔ n yádannɛnanɔ kūna,
̀nsun ma tón sánsánlo.

9 Deran kɛfenna ni fɔ̀ àgɔ kun gbásĩ sari nàa?
Séde a yákena kɔ̀ sé kū n yāo.

10 Mateni n ki wete kū nèsɛdoo,
̀nsun tó mà zā n yáditɛnanɔaro.

11 Ma n yā dà ma swèè gūn
de màsun durunna kɛnnɛro yāi.

12 Arubarikademe m̀kɔ̀n Dikiri ũ,
̀n n yáditɛnanɔ damɛnɛ.

13 Dokayā kū ò b̀ò n lénno pínki,
mani babaíne kū ma léo.

14 Madì p̀onna ke kū n yānɔ
lákū òdi ke kū aruzɛke z̀kɔ̀nà.

15 Madì laasun lé n ɔɔkia,
ma wé kú n zénɔa.

16 Ma p̀ò kè nna n yáditɛnanɔa,
n yā ni sámaguro.

17 Ñ yā mana ke makū n z̀bleriine
de màgɔ kun kū wèndiio, màgɔ n yā kūna.

18 Ñ ma wé kɛmɛnɛ
de mà wé si yábonsarenɔle n dokan.

19 Nibɔɔme ma ũ andunia gūn,
̀nsun n yáditɛnanɔ utemɛnɛro.

20 N dokayānɔ nidɛna baala'i
ma swèè blè.

21 Ndì kpákè karambaanide kū lé n kúnɔi,

gbě kũ ò zà n yāditenanɔnɔ.

22 Ñ ma bo s̄s̄ɔnan kũ gyabonaaɔ,
zaakũ má n yānɔ kũna.

23 Bee kũ k̄inanenɔ vùte ò lé kpàkūsūmai,
ma laasun niḡɔ kũ n yādannenanaɔ.

24 N yānɔ ò di ma pɔ ke nna,
n yā pì di lé dama.

25 Ma ḡɔ wutena z̄ite,

ò ma wèndi dākpā lākũ n ò nà.

26 Ma a yākenanɔ d̄òd̄onne, akũ n wema,
ò n yādannenanaɔ damene.

27 Ñ tó mà n ɔɔkinɔ d̄ɔ,
ma laasun niḡɔ kũ n yābonsarenɔa.

28 Ma pɔ sira à kè z̄ɔk̄ɔ,
ò ma gba gbāna lākũ n ò nà.

29 Ñ ma bo manafiki z̄éa,
ò ma gba z̄é mà ze kũ n dokao.

30 Ma yāpura z̄é s̄è,
ma sw̄èè ò ò ò kũ n dokaa.

31 Má n yānɔ kũna ɔplapla,
òsun tó wé'i ma kũro, Dikiri.

32 Madì wā n yāditenanɔ z̄éi,
zaakũ n ma laakar̄ii kp̄atemene.

33 Dikiri, ò n yādannenanaɔ z̄é m̄omene
de màḡɔ kũna ari ma wèndi lén.

34 Ñ ma gba ɔnd̄ɔ màḡɔ n doka kũna,
màḡɔ z̄i kea kũ n̄es̄edoo.

35 Ñ ma da n yāditenanɔ z̄én,
zaakũ abirekũ mé àdi kámagu.

36 Ñ tó ma sw̄è tá n yānɔa,
àsun tá b̄ini z̄énlo.

37 Ñ ma wé go p̄ɔ p̄anɔa,
ò ma wèndi dākpā lākũ n ò nà.

38 Ñ yā kũ n ò papa makũ n z̄òbleriine,
lé kũ n s̄è n v̄inak̄erin̄one.

39 Ñ tó s̄s̄ɔna kũ madì a v̄ina ke goma,
zaakũ n dokayān̄on mana.

40 Má ye n ɔɔk̄ii fá,
ò ma wèndi dākpā n manake gūn.

41 Dikiri, ò m̄ó ò gb̄eke kemene,
ò ma sura ba lākũ n ò nà,

42 gbas̄a mà yā we ma s̄s̄ɔrinɔa,
zaakũ mateni n yā náani ke.

43 Ñsun yāpura yā sí ma lénlo,
zaakũ n dokayān̄on ma wé òi.

44 Maniḡɔ n doka kũna

ari gɔɔ sɪnda pɪnki.

⁴⁵ Manigɔ tɛ aafia,
zaakū ma n ɔɔɔki wɛtɛ.

⁴⁶ Mani n yānɔ o kɪnanɔ arɛ,
wɛ'i ni ma kūro.

⁴⁷ N yāditenanɔ di ma pɔ gba,
zaakū má yei.

⁴⁸ Ma gāa sɛ n yāditenana kū má yeinɔnɛ,
madi laasun lé n yādannenana.

⁴⁹ N̄ dɔ yā kū n ò n zòbleriinen,
zaakū n tò ma wé dɔi.

⁵⁰ Yā kū àdi ma laakari kpátɛ ma warikenan dí,
n lésena mé àdi ma wèndi dākpā.

⁵¹ Karambaanidenɔ teni ma fobo lakanaa sari,
bee kū abireo madi zā n dokaaro.

⁵² Madi dɔ n dokayā kū à kú zaa zɪnɔn,
akū òdi ma nèse yīda kūmɛnɛ, Dikiri.

⁵³ Madi pɔ fɛ manamana,
kū yāvānikerinɔ di pā kpá n dokai yāi.

⁵⁴ Madi lè sí n yādannenana musu
ma kunna andunia díkīna gūn.

⁵⁵ N yā digɔ dɔmagu gwāani, Dikiri,
madigɔ n dokayānɔ kūna.

⁵⁶ Ma dónɛ kè kū yā birenɔ,
zaakū madigɔ n ɔɔɔki gwa.

⁵⁷ Dikiri, mɔkɔmmɛ ma baka ũ,
ma lé sè kū mani n yā ma.

⁵⁸ Madi kúte kennɛ kū nèsedoo,
n̄ sùru kɛ kūmao lākū n ò nà.

⁵⁹ Ma a yākenanɔ laasunn lè,
akū ma era n dokayānɔ.

⁶⁰ Mani wā, mani zɛzɛro,
de mà n yāditenanɔ da.

⁶¹ Bee kū gbɛ vāninɔ bàa fīkāmai,
n dokayānɔ ni sāmāguro.

⁶² Madi fute mà sáabu kennɛ lizāndo
n dokayā mananɔ musu.

⁶³ N vīnakeri pínki gbɛnname ma ũ,
gbɛ kū òdi n ɔɔɔki gwanɔ.

⁶⁴ Dikiri, n gbɛkɛ andunia pà,
n̄ n yāditenanɔ damɛnɛ.

⁶⁵ N a mana kè makū n zòbleriine,
lākū n ò nà, Dikiri.

⁶⁶ N̄ wézɛ kū dōnaao damɛnɛ,
zaakū ma n yāditenanɔ sɪ.

⁶⁷ De n̄ kpé n̄ ɔ tōma, má sātɛname,
ama tera sà má n yā kūna.

⁶⁸ N̄ mana, akūsɔ n yākenanɔn mana,

̀n n yāditenanɔ damenɛ.

69 Bee kũ karambaanidenɔ yāsira nàma,
madigɔ n ɔɔki gwa kũ nèsedoo.

70 N̄ sã ò, àdi yã maro,
makũ sɔ ma pɔ nna n dokaa.

71 N̄ ɔtɔmanaa kèmenɛ mana,
de mà le mà n yādannenɔ dada.

72 Doka kũ à bò n lén manamenɛ
de wura kũ andurufu mèn dúbu ũgbangbanɔla.

73 N̄ ɔ ma í kàsa à ma ke,
̀n ma gba ɔndɔ mà n yāditenanɔ dada.

74 N̄ vīnakerinɔ ni ma e ò pɔnna ke,
zaakũ n yān ma wé òi.

75 Dikiri, má ò kũ n dokayānɔn mana,
kũ n̄ náani vī yāin n ɔ tɔma.

76 N̄ gbèke kèmenɛ de ma nèse le à yīda kũ,
lákũ n ò makũ n zòbleriine nà.

77 N̄ mɔ n̄ wènda òmenɛ de màgɔ kun,
zaakũ n dokayānɔmɛ ma pɔnna ũ.

78 N̄ tó wé'i karambaanide kũ ò taari kèmenɛ pānɔ kũ,
makũ sɔ mani laasun lé n ɔɔkia.

79 N̄ tó n vīnakerinɔ su ma kīnaa,
gbè kũ ò n yānɔ ònɔ.

80 N̄ tó ma nèse gɔ yāke vīro n yānɔ musu
de wé'i sún ma kũro yāi.

81 N̄ surabana yā teni ma swè ble,
n yān ma wé òi.

82 Ma wé òɔɔnɔ n lésenaai ari ma wé wò,
bɔren̄ ìni ma nèse yīda kūmenɛɛ?

83 Má de lán bára bòkɔ kũ à túsukpe màa bà,
bee kũ abireo n yāditenanɔ ò sāmaguro.

84 Makũ n zòbleri manigɔ n ò ari bɔreɛ?

Bɔren̄ ìni wari ò ma wétāmmarinɔaa?

85 Karambaanidenɔ ò wèe yōmenɛ mà zun,
n̄ yā ò kɔ sé kũ n dokaoro.

86 N̄ yāditenanɔ pínki náani vī,
̀n kpámai, zaakũ òten wé tãma pãme.

87 À gò fíti kũ oni láka kũmao andunian,
makũ sɔ mádi pã kpá n ɔɔkinero.

88 N̄ ma wèndi òkpã n gbèke yāi,
mani n yānɔ da.

89 Dikiri, n yā òigɔ kun gɔrɔ sīnda pínki,
a zīni petena zaa musu.

90 N̄ náani vī wè kũ wèeo,
n andunia kàte, akũ à kpé kun.

91 Pó sīnda pínki kpé kun gbára n doka yāi,
zaakũ pó sīnda pínki ò donyī.

92 Tó n dokame ma ponna ũ yáro,
de ma laka ma warikena gūn.

93 N ɔɔki ni sámagu zikiro,
zaakū a gáin n ma wëndii dákpā.

94 N pómē ma ũ, ñ ma sura ba,
zaakū ma n ɔɔki wētē.

95 Gbē vāninɔ teni ma dā ò ma de,
ama ma laakari kú n yānɔa.

96 Ma è kú pó mana sīnda pínki zaka lé kumme,
ama n yāditenanɔ zōkō lé vīro.

97 Má ye n dokai à kè zōkō fá,
madigō laasun léa zaa kɔnkɔ ari ɔkosi.

98 N yāditenanɔ ò tó ma ɔndō gō de ma ibereɔ póla,
zaakū à kú ma swēn gɔrɔ sīnda pínki.

99 Ma wézē de ma yādannerinɔ póla ní pínki,
zaakū ma laasun digō kú n yānɔame.

100 Ma ɔndō de mareɔ póla,
zaakū madigō n ɔɔkinɔ gwa.

101 Madì mī kē zé vāni sīnda pínkia
de mà le màgō n yā kūna yāi.

102 Mádì kē n dokayānɔaro,
zaakū mɔkɔn mé n dāmene.

103 N yānɔn nnamene à kè zōkō,
à nna de zóla ma lén.

104 N ɔɔki ò ma gba laakarii,
abire yāi ma zā sātēna zé sīnda pínkin.

105 N yāme fitila ũ ma gbáne,
àdi gu pumene zén.

106 Ma la dà ma zεo
kū manigō té n dokayā mananɔi.

107 Ma wētāmmanaa kè zōkō, Dikiri,
ñ ma wëndi dákpā lākū n ò nà.

108 Ñ ma sáabukpana sí,
gbasa ñ n dokayānɔ damene, Dikiri.

109 Madigō ma zīda da kariii gūn,
bee kú abireo n dokayānɔ ò sámaguro.

110 Yāvānikerinɔ tankute kpàkpamene,
ama mádì zā n ɔɔkiaro.

111 N yānɔme ma túbi ũ ari gɔrɔ sīnda pínki,
mɔkɔnɔme ma ponna ũ.

112 Ma swē kú n yādannenana
ari ma wëndi lén.

113 Ma zā nèεpladenɔn,
má ye n dokai.

114 Mɔkōmmē ma uteki kú ma sēgbakoo ũ,
n yān ma wé òi.

115 À gomala ákɔnɔ yāvānikerinɔ
de màgō ma Luda yāditenanɔ kūna.

116 Ñgõ ma kũna lákũ n ò nà, manigõ kun,
 ñsun tó tãmaa ma nero.

117 Ñ ma sé musu de mà bo aafia,
 ma wé nigõ pé n yãdannenana.

118 Ndì gí gbẽ kũ ò zà n yãdannenanaaŋi,
 ñ manafikikena bi pãme.

119 Ndì andunia yãvãnikerino kóte lán m̀ogbõõ bà,
 abire yãin má ye n yãŋi.

120 Ma m̀e di fute n vĩna yã,
 n dokayãŋon naasi vĩme.

121 Ma yã kè a zéa súsu,
 ñsun ma tó ma wétãmmarinonero.

122 Ñ zenkpeke sé makũ n zòbleriine de mà bo mana,
 ñsun tó karambaanidenon ma wé tãro.

123 Ma wé dõ n surabanaai ari ma kpasa,
 mateni n léseña mana dã.

124 Ñ yã kemene n gbẽke gũn,
 ñ n yãdannenano da makũ n zòbleriine.

125 Ñ zòbleriime ma ù, ñ ma gba laakarri
 de mà n yãŋon dõro dõ.

126 Yãkena goro kà, Dikiri,
 zaakũ òten bo n doka kpe.

127 Má ye n yãditenanoni de wurala,
 bee wura baasanaa.

128 Ma è n òdõki mana,
 abire yãi sãtena zé pínki di kemenero.

129 N yãŋon demene yãbonsare ù,
 abire yãi má kũna ma swèn.

130 N yã bokotena di gu puñe,
 àdi ǹesedodenon gba laakarri.

131 Ma lé wẽna, maten wesa bo fẽekuu,
 zaakũ n dokayãŋon ni teni ma de.

132 Ñ are dõma ñ sùru ke kũmao,
 lákũ ndi ke gbẽ kũ ò ye n tóinone nà.

133 Ñ ma da zéa lákũ n ò nà,
 ñsun tó yã vãni ke kí blemaro.

134 Ñ ma bo gbẽ takikerino õi
 de mà n òdõki gwa.

135 Ñ an were makũ n zòbleriia,
 ñ tó mà n yãdannenano dõ.

136 Wé'i ten pla ma wén
 kũ ò n doka kũnaro yãi.

137 Dikiri, ñ mana,
 n dokayãŋon zé vĩ.

138 N n yãŋon dite a zéa,
 ò náani vĩ manamana.

139 Ma iberenon sã n yãn,
 akũ ñ yã ma kũ gbãna manamana.

140 Ò n yā yǝ ò gwà à sǎnkara ke vīro,
makū n zǝbleri, má yei manamana.

141 Pǝken ma ūro, òdi ma gya bo,
bee kū abireo n ɔɔki dì sámaguro.

142 N yāmanakena lakana vīro,
n doka yāpura vī.

143 Wari kū yā'ūmmanaao ma le,
ama n yāditenanɔme ma pɔnna ũ.

144 N yānɔn mana gɔɔ sīnda pínki,
n ma gba laakari de màgɔ kun.

145 Madì n sísi kū nèsɛdoo Dikiri,
n wema, manigɔ n yāditenanɔ kūna.

146 Madì lé zunyī n ma sura ba,
manigɔ n yānɔ kūna.

147 Madì futɛ gudɔo mà wiki lémma,
n yān ma wé dɔi.

148 I dì na ma wéa gwāaniro
de mà le mà laasun lé n yāa yāi.

149 N ma yā ma n gbēke yāi, Dikiri,
n ma wēndi dākpā lākū n yāzedeke de nà.

150 Gbē kū òdi lé kpākūsūmainɔ kāni kūmao,
ama ò zā kū n dokao.

151 N kū kūmao kāni Dikiri,
n yāditenanɔ pínki yāpura vī.

152 Zaa gikena ma dǝ n yānɔa
kū n dìte àgɔ kun gɔɔ sīnda pínki.

153 N ma warikena gwa n ma sura ba,
zaakū n doka dí sámaguro.

154 N ze kūmao n ma bo,
n ma wēndi dākpā lākū n a lé sè nà.

155 N surabanaa zā kū yāvānikerinɔ,
zaakū òdi n yādannenanɔ wetero.

156 N wēnda zǝkɔ, Dikiri,
n ma wēndi dākpā lākū n yāzedeke de nà.

157 Ma ibere kū òdi wé tāmanɔn dasi,
ama mádi zā n yānɔaro.

158 Má ye n náanisaridenɔ kāiro,
kū ò n yā kūnaro yāi.

159 N gwa lākū má ye n ɔɔkii nà.
Dikiri, n ma wēndi dākpā n gbēke yāi.

160 N yā sīnda pínki bi yāpurame,
n dokayānɔn mana ò lakana vīro.

161 Gbānadenɔ di wé tāma pā,
ama n yā vīna dì ma kū.

162 Madì pɔnna ke kū n lésenaao,
lākū ma aruzeke zǝkɔ sète zīi gūn bà.

163 Ma zā manafikin, má ye a yāiro,
 n dokan má yei.
 164 Madìgō n táaki lé gōrō do gèn supplapla
 kū n dokayānōn mana yāi.
 165 Gbē kū ò ye n dokainō aafia zōkō,
 yāke dì tó ò furo.
 166 Ma wé doi ò ma sura ba, Dikiri,
 madì té n yāditenanōi.
 167 Má n yānō kūna,
 zaakū má yei manamana.
 168 Madì n ɔɔki gwa madì n yānō ma,
 zaakū ma yākenā sīnda pínki kú n ɔīme.

169 Ñ tó ma wikilena n kīnaa le, Dikiri,
 ò ma gba laakari lākū n ò nà.
 170 Ñ tó ma aduakēna n ki le,
 ò ma sura ba lākū n lé sè nà.
 171 N táakilēna gō da ma lén,
 zaakū ndì n yādannenānō damēne.
 172 Mani lè sí n lésēnaa musu,
 zaakū n yāditenanōn mana pínki.
 173 Ñgō kú kū soruo ò ɔ dama,
 zaakū ma ze kū n ɔɔkio.
 174 Mateni a ni de ò ma sura ba, Dikiri,
 n dokame ma pōnna ũ.
 175 Ñ tó màgō kun, manigō n táaki lé,
 ò tó n dokayānō gō ma kūna.
 176 Ma zā zēa lán sā kū à sàte bà,
 ò makū n zòbleri wete,
 zaakū n yādannenānō dí sāmāguro.

120

Kunna yāketedenō té

Gēna Yurusalemu lèe.

¹ Ma warikēnaa gūn ma Dikiri sisi,
 akū à wēma.
² Ñ ma sí yāsiradenō ɔī
 kū manafikidenō léo.

³ Manafikide, deran Luda ni ke nà kūnwoo?
 Ke bōn ani kēnnēe?
⁴ Ani wé tāma kū gōsa kà lé nnanō
 kū sē lí sīsī wānao.

⁵ Waiyoo makū kū má kú Mesekinō té,
 má vutēna Kedanō bizakutan.
⁶ Ma vute à gi kē manamana
 kū gbē kū ò zā aafianō.
⁷ Vutēna aafiaan má yei,
 ama tó ma yā ò, fitiin òdi futeomai.

121*Dikiri ó Dákpárii*

Gená Yurusalemu lèè.

¹ Ma wé dɔ sɪ̄sɪ̄nɔ kpa,
gu kú ma kpányĩ dì bon.

² Ma kpányĩ dì bo Dikiri kĩnaame,
àkú mé à musu kú zítèoo kè.

³ Ani tó n gbá sataro,
n dákpári ni idekú dero.

⁴ Isarailanɔ dákpári ni idekú dero fá,
ani i o sero.

⁵ Dikirimè n dákpári ù,
Dikiri denne ura ù n ɔplai.

⁶ Ifantè ni n lé fānantēro,
kesɔ mɔvura gwāani.

⁷ Dikiri ni n sí kisira sīnda pínkia,
ani n wèndi dákpānne.

⁸ Dikiri ni n dákpá n genaa gūn kú n sunaao
zaa tera ari gɔɔ sīnda pínki.

122*Dauda aduakena Yurusalemune*

Gená Yurusalemu lèè.

¹ Kú ò pìmenè ò gé Dikiri ɔnn,
ma pɔ kè nna.

² Ó zena n bīnilea sà Yurusalemu.

³ Ò Yurusalemu kàte nanakōana gíngin.

⁴ Gwen Isaraila burinɔ dì gēn,
buri kú Dikiri sèè pìnɔ.

Òdi gé Dikiri sáabu kpá
lákú à dìtēnne nà.

⁵ Gwen yāgɔgɔrinɔ gbànɔn kátēn,
Dauda burinɔ kpata gbànɔ ù.

⁶ À aafia wé ke Yurusalemune à pi:
Luda tó gbē kú ò yenyĩnɔ arubarika le!

⁷ Aafia gɔ kú n bīninɔ dagura,
n gudákpákinɔ gɔ katena nna.

⁸ Ma gbēnɔ kú ma gbēnnanɔ yāi mani pi,
Luda n gba aafia.

⁹ Dikiri ó Luda kpé yāi
mani yā mana wé kenne.

123*Wédna Ludai*

Gená Yurusalemu lèè.

¹ Ma wé sè, mateni n ki gwa,

mɔkɔ̃n kũ n kpata kú zaa musu.

² Lákũ zò wé ògɔ̃ dɔ pɔ́i a bede ɔ́i nà akũsò zòndɔgbě wé ògɔ̃ dɔ a dai, len ó wé ògɔ̃ dɔ Dikiri ó Ludai le ari à gé ó wěnda gwao.

³ Ñ ó wé gwa, Dikiri, ñ ó wé gwa, zaakũ gběndɔ ó gyabona ó kpasa manamana.

⁴ O zĩdabirinɔ lalandikena a fɛ manamana kũ karambaanidenɔ gyabonaao.

124

Dikiri ó zekunwode

Gena Yurusalemu lè kũ Dauda dàa.

¹ Tó Dikiri kú kũoo yāro,

Isarailanɔ o:

² Tó Dikiri kú kũoo yāro

gɔrɔ kũ ò fùtewái,

³ de ò ó mɔmɔ bēne kũ ò pɔ fɛwái,

⁴ de ò dàóla lán í zɔkɔ̃ bà, de ò ó séte ò tà kũoo lán swa panaa bà,

⁵ de ò ó wára lán swa'i kũ à fɛɛ bà.

⁶ Arubarikademe Dikiri ũ, kũ adi tó ò ó ke yákiyakiro.

⁷ O bo tankuten lán bã bà, bãa kě, o pitimma.

⁸ Ó kpányĩ dì bo Dikiri kĩnaame, àkũ mé à musu kũ zĩteoo kè.

125

Luda gběndɔ kunna aafia

Gena Yurusalemu lèe.

¹ Dikiri náanikerinɔn de lán Zaiɔ kpi bà, à yĩgáyĩgāna vīro, àdigɔ̃ kun gɔrɔ sĩnda pínki.

² Lákũ kpínɔn likana Yurusalemui nà, len Dikiri likana a gběndɔi le zaa tera ari gɔrɔ sĩnda pínki.

³ Gbě vāninɔ ni le ògɔ̃ kí ble gbě mananɔ b̀sun ògɔ̃ géro, de gbě mananɔ sún ɔ da vānikenanlo yāi.

⁴ Dikiri, ñ yā mana ke gbě mananɔne, gbě kũ ñ nèse puranɔ.

⁵ Gbě kũ ò zé kotinaa sèndɔ sɔ, Dikiri ni ñ wara kũ vānikerinɔme.

Luda Isarailanɔ gba aafia!

126

Isarailanɔ suna ní gwena zīn

Gená Yurusalemu lèè.

¹ Kū Dikiri ó bó zòblen à sù kūoo Zaiɔ,
à dewere lán nana bàme.

² O vī kū yáadɔo o ayuwii kè,
akū burinɔ pikɔne,

Dikiri yā zòkɔ kèwewe.

³ Dikiri yā zòkɔ kèwewe,

akū óten ponna ke.

⁴ Dikiri, ò su kūoo ó gwena zīn,

lákū ndi su kū ío gbàrannan nà.

⁵ Gbè kū ò pɔ tò kū wé'ionɔ,
adenɔ ni keke kū ayuwiikenaome.

⁶ Gbè kū à bò kū ɔɔɔɔo kū pɔwe burio kūna,

ade ni era à su kū ayuwiikenaao

kū ése bàkaao sena.

127

Pɔ sīnda pínki bi Luda gbame

Gená Yurusalemu lè kū Sulemanu dàa.

¹ Tó adi ke Dikiri mé à kpé bóro,
a bòrinɔ ten zī pā keme.

Tó adi ke Dikiri mé à wēte dàkpāro,

a dàkpārinɔ ten ibēne ke pāme.

² Futena kɔnkɔkɔnkɔ, wutena lizāndo,

zíkēna bàmbām pɔble yāi bi pāme,

zaakū Dikiri dì a gbè yenyīdenɔ gba ãmpanaa.

³ Néǵǵgbēnɔ bi Dikiri gbame,

nénɔ bi a láadame.

⁴ Lákū kànɔn de nà zìkari ɔĩ,

len kefennakegrɔ néǵǵgbēnɔn de le.

⁵ Arubarikaden gbè kū a gbàta pana kūńwo ũ,

tó a iberenɔ a lè gānulea, wé'i ni a kūro.

128

Yā mana kū Dikiri vīnakerii dì le

Gená Yurusalemu lèè.

¹ Arubarikademe gbè kū à Dikiri vīna vī
akūsɔ à té a zén ũ.

² Īni n zī àre ble,

īnigɔ arubarika vī, īnigɔ kun aafia.

³ N nɔ nigɔ kú n ɔnn

lán geepi lí né'irii bà,

n néǵǵgbēnɔ nigɔ lika n teburuu

lán kù lí ketenɔ bà.

⁴ Len gbè kū à Dikiri vīna vī

dìgɔ arubarika vī le.

⁵ Zaa Zaiš Dikiri arubarika dangu
ari n wèndi lén.

À tó ò wé sí Yurusalemu nmanale,
⁶ à tó ò n daikorenò e kù wéó.

Dikiri Isarailanò gba aafia!

129

Isarailanò sa vāni ona ní iberenòne
Gena Yurusalemu lèè.

¹ Zaa ó néfitikegɔɔò ò wé tàwá a lé vīro.

Isarailanò o:

² Zaa ó néfitikegɔɔò ò wé tàwá a lé vīro,
ama òdi f̄s ò ó fúro.

³ Ò ó kpɛdagura bú kpàte,
ò a d̄ɔɔò kè gbànagbāna.

⁴ Dikirin mana,
à gbē vāninò bāa z̄wɛɛ.

⁵ Gbē kù ò zà Zaišnnò
era kpɛ kù wé'iyāo.

⁶ Òḡs de lán sè kù à bùte kpé musu bà,
ari àḡs gbā à kori kè.

⁷ Ani sèkēri okū paro,
ani bàka ke à sí yī ò da gānlo.

⁸ Gbē kù òten gētenò sún pi,
Dikiri arubarika daŋguro,
ke ò arubarika daŋgu kù Dikiri tóo.

130

Wédona Dikirii
Gena Yurusalemu lèè.

¹ Zaa í lòkoton ma wiki lè Dikiria ma pì,

² Dikiri, ò ma yā ma,
ò sà kpá ma wikilenaai ò ma wé gwa.

³ Dikiri, tó ndi ó durunnanò kē ò dìteme,
Dikiri, dí mé ani boo?

⁴ M̄k̄on mé ò durunnakēmmana zé vī,
abire yāin òdi vīna kenne.

⁵ Ma wé òḡs d̄o Dikirii, mateni a dā,
a yā nānin má vī.

⁶ Lákū gudākpārinò wé òḡs d̄o gudonaai nà,
ma wé òḡs d̄o Dikirii deŋla,
ee, à de gudākpārinò wédona gudonaaila.

⁷ Àk̄onò Isarailanò, à wé d̄o Dikirii,
zaakū Dikiri gbēke vī,
à surabana gbāna vī papana.

⁸ Àkū mé ani Isarailanò bo

ń durunnano ɔ̃n pínki.

131

Nana Dikirii

Gená Yurusalemu lè kú Dauda dàa.

¹ Dikiri, madì ma zīda biro,

madì wé matéñyíro,

madì ɔ̃ ká yā kú à demalairo

kesō yā kú à zī'ūmēne.

² Lenlo! Ma a nēsēe dà dokōno,

ma a laakarīi kpàte

lán né yōmiri kú à kú a da ɔ̃i bà,

ma nēsēe de lán né yōmiri pó bà.

³ Ákōno Isarailano, á wé gō do Dikirii

zaa tera ari ɔ̃ro sīnda pínki.

132

Dauda burino vutena kpatan Zaiš

Gená Yurusalemu lèe.

¹ Dikiri, ń tó Dauda yā gō dōngu

kū wari kú à kēno pínki.

² À la dà Dikirine,

à lé sè Yakubu Luda gbānadene à pì,

³ áni gē kpénlo,

áni wúte a gádoaro,

⁴ áni we à idekū dero,

áni tó i na a wéaro,

⁵ ari à gé gu leo Dikirine

à kpé bo Yakubu Luda gbānadene.

⁶ O a baaruu mà Eflata būsun,

o boa Yarimu bura.

⁷ Ó gé a kúkia,

ò kúte a tìntin are.

⁸ Dikiri, ń fute ń su n kipakia,

mākōn kú n gbānake àkpatiio.

⁹ N gbàgbarino manake da uta ũ,

n yāmarino ayuwii gō do.

¹⁰ Ẹsun mìkperere zu kína kú n kàanero

n zòbleri Dauda yāi.

¹¹ Dikiri sì kú a kunnaao Daudane,

à náani vī, ani lé lítero, à pì:

Mani n burino doke ká n kpatan.

¹² Tó n burino ma bàka kunna kúnwo yā dà,

tó ò yā kú ma dàñneño kúna,

ń burino nigō vute n kpatan ɔ̃ro sīnda pínki.

¹³ Zaakū Dikiri Zaiš sè,

à ye àgō de a vuteki ũ, à pì:

14 Gu dín manigõ kun gɔɔ sɪnda pínki,
lan manigõ vutena, zaakū à ma pɔ gbàmɛ.

15 Mani arubarika dan manamana,
mani pɔble kpá a takasidenɔa à mómma.

16 Mani surabana da a sa'orinɔne uta ũ,
ma yāmarinɔ ayuwii nigõ dɔ.

17 Gwen mani Dauda buri kína gbānade bon,
gwen kína kū ma kà té nigõ kún.

18 Mani wé'i da a iberenɔa,
a kífura nigõ pí a m̀ia.

133

Kunna kū k̄so kū lédok̄ɔnɔ

Gena Yurusalemu lè kū Dauda dàa.

1 À gwa lákū à mana nà akūs̄ à nna,
tó Luda gbēnɔ kun kū k̄so kū lédok̄ɔnɔ.

2 À de lán sakena nísi
kū ò kū Haruna m̀iaa bà,
kū à plà a lékāsai ari à kà a uta léa.

3 À de lákū ò pi
Emɔ plí mé àten kpá Zaiš kpinɔa bà.
Gwen Dikiri a arubarikadangunaa ditɛn
ẁendi lakanasari ũ.

134

Dikiri sáabukpana gwāani

Gena Yurusalemu lèɛ.

1 Ák̄ɔnɔ Dikiri z̄ikerinɔ,
à Dikiri sáabu kpá á pínki,
ák̄ɔnɔ kū áten z̄i ke Dikiri ɔnn gwāaninɔ.

2 À á ɔ sé musu Dikiri kúki kpa,
à a sáabu kpá.

3 Zaa Zaiš Dikiri arubarika daágu,
ákū mé à musu kū z̄it̄eoo kè.

135

Dikiri táakilenaa

1 Aleluya!

À Dikiri tó bo!

À Dikiri sáabu kpá, ák̄ɔnɔ a z̄ikerinɔ!

2 Ák̄ɔnɔ kū adì z̄i ke Dikiri beanɔ,
á gbē kū adìgõ zena ó Luda ɔnnnɔ.

3 À Dikiri tó bo, zaakū à mana,
à a táaki lé, zaakū abirekū mé à nna.

4 Dikiri Yakubu burinɔ sè a pɔ ũ,
à Isarailanɔ dite a gbē yenyidenɔ ũ.

5 Má d̄s kū Dikirin z̄sk̄s,

ó Luda mé à de tǎnanɔla ń pínki.

⁶ Dikiri dì yǎ kǔ à yei ke
musu kǔ zíteo,
ísira gǔn kǔ a b̄nɔ.

⁷ Àdi tó legǔ sisi ari andunia lézekia,
àdi tó legǔ ma kǔ a pinaao,
àdi bo kǔ zàga'iao a pókatekin.

⁸ À Mísila daudunɔ dède
kǔ pókáde né káakunɔ pínki.

⁹ À sèedanɔ kǔ daboyǎnɔ kè Misila,
à wé tà Firi'auna kǔ a ibanɔa ń pínki.

¹⁰ À burinɔ làka dasi,
à kína gbānadenɔ dède,

¹¹ Amɔrinɔ kína Siṣ
kǔ Basā kína Oguo
kǔ Kanaanɔ b̄usu kínanɔ ń pínki.

¹² À ń b̄usu s̄i à kpà
a gbē Isarailanɔa túbi ũ.

¹³ Dikiri, n tó dìḡṣ kun ḡorɔ s̄inda pínki,
Dikiri, n yǎ niḡṣ d̄o gbēn̄ogu ari ó buria.

¹⁴ Zaakū Dikiri ni tó a gbēnɔ bo mana,
ani a zòblerinɔ wēnda gwa.

¹⁵ Burinɔ ń tǎnanɔ p̄i kǔ andurufuuo kǔ wuraaɔ,
bisāsiri ɔz̄inɔm̄e.

¹⁶ Ò lé v̄i, ama òdi yǎ oro,
ò wé v̄i, ama òdi gu ero,

¹⁷ ò s̄a v̄i, ama òdi yǎ maro,
òdi wesa boro.

¹⁸ N̄ p̄irinɔn l̄ēle kǔn̄wome
kǔ gbē kǔ òteni ń náani kenɔ ń pínki.

¹⁹ Isarailanɔ, à Dikiri sáabu kpá!
Haruna burinɔ, à Dikiri sáabu kpá!

²⁰ Levi burinɔ, à Dikiri sáabu kpá!
Dikiri v̄inakerinɔ, à Dikiri sáabu kpá!

²¹ Arubarikadem̄e Dikiri ũ zaa Zaiṣ,
àkū kǔ à kú Yurusalemu.
Aleluya!

136

Dikiri sáabukɛnaa

¹ À Dikiri sáabu ke, zaakū à mana,
a gbēke lakana v̄iro.

² À Luda kǔ à de tǎnanɔla sáabu ke,
a gbēke lakana v̄iro.

³ À Dikiri kǔ à de dikirinɔla sáabu ke,
a gbēke lakana v̄iro.

⁴ Àkū mé àdi daboyā z̄ṣk̄onɔ ke ado,

a gbêke lakana víro.

⁵ À musu kè kù a òndò,
a gbêke lakana víro.

⁶ À zíte kpàte í musu,
a gbêke lakana víro.

⁷ À pógupuri zòkòkè,
a gbêke lakana víro.

⁸ À ifántè kè à kí ble fánantè,
a gbêke lakana víro.

⁹ À mɔvura kù susunenò kè ò kí ble gwāani,
a gbêke lakana víro.

¹⁰ À Misila daudunò dède,
a gbêke lakana víro,

¹¹ À Isarailanò bòte ní té,
a gbêke lakana víro.

¹² À a gāa pòro kù a iko gbānao,
a gbêke lakana víro.

¹³ À Isira Tēra zòkòre pla,
a gbêke lakana víro.

¹⁴ À tò Isarailanò gète a dagura,
a gbêke lakana víro.

¹⁵ À Firi'auna kù a zìkarinò kà Isira Tēran,
a gbêke lakana víro.

¹⁶ À dò a gbēnòne are gbárannan,
a gbêke lakana víro.

¹⁷ À kína zòkòkè lè à nè,
a gbêke lakana víro.

¹⁸ À kína gbānadenò dède,
a gbêke lakana víro.

¹⁹ Amòrinò kína Sī,
a gbêke lakana víro.

²⁰ Kù Basā kína Oguo,
a gbêke lakana víro.

²¹ À ní bùsuu sī à gba dào,
a gbêke lakana víro.

²² À kpà a zòbleri Isarailanòa túbi ũ,
a gbêke lakana víro.

²³ À dò ó yān ó gwena vānin,
a gbêke lakana víro.

²⁴ À ó bó ó ibereenò oī,
a gbêke lakana víro.

²⁵ Àdi pòble kpá pò sīnda pínkia,
a gbêke lakana víro.

²⁶ À Luda Musude sáabu ke,
a gbêke lakana víro.

¹ Kū o vute Babilonu swano sare,
Zaiṣ yā dḡogu, akū o ɔḡ dḡ.

² O ó mɔɔɔnɔ tḡ lokona luba línɔa gwe.

³ Gwen gbē kū ò ó kúnano pì ò lè sííne,
ó wétámmarinɔ ye ò kḡkḡ oíne,
ò Zaiṣ lèno doke sííne.

⁴ Deran óni Dikiri lèno sí nà
buri pāndenɔ būsuu gūnn?

⁵ Tó n yā sāmágu Yurusalemu,
ma ɔpla ga.

⁶ Tó Yurusalemu yā dí dɔmaguro,
tó mádi a dite ma pɔnnakena mède ūro,
ma néne nate.

⁷ Dikiri, ñ dɔ yā kū Edɔmunɔ kèn
zī kū ò yā mḡ Yurusalemune
ò pì: À wíwi,
à wíwi à date manamana.

⁸ Babilonudenɔ bi pḡ kakatenanɔme!
Arubarikademe gbē kū ani yā kū a kèwɛɛ fīna boáɛ ū,
⁹ kū ani á néno kúkū à ñ pápa gbèea.

138

Dikiri sáabukpana a gbēke yāi

Dauda lèe.

¹ Mani n sáabu kpá kū nèsedoo,
mani n táaki lé gbānadeno are.

² Mani kúte mà are dɔ
n kpé kū à kú adona kpa,
mani n tḡ bo n gbēke kū n náanio yāi,
zaakū n n tḡ kū n yāoo sè lei de pḡ sīnda pínkila.

³ Kū ma n sisi, n wema,
ñ ma kù ke gbāna, ñ ma swè kpáte.

⁴ Tó andunia kínano yā kū n òo mà,
oni n sáabu kpá ñ pínki, Dikiri.

⁵ Oni lè sí Dikiri yákenano musu,
zaakū Dikiri gakuri zḡkḡ.

⁶ Bee kū Dikiri kunnamusukɛo,
àdi gbē kínanano wēnda gwa,
àdi wé tá zīdabirinɔla.

⁷ Bee tó wétámmanaa likamai,
ndi ma wēndi dákpá,
ndi ma iberenɔ pḡfē kpáte,
ndi ma sura ba kū n gā gbānao.

⁸ Dikiri ni yā kū à ò papamene.
Dikiri, n gbēke lakana vīro,
ñsun makū kū n ma ke tóro.

139

Dikiri yā sīnda pínki dō

Dauda lèe.

¹ Dikiri, n ma yā gwàgwa n dō,

² í ma vutena kū ma futenaao dō,

zaa zázā í ma laasunnō dō.

³ Ndi ma taa'ona kū ma wutenaao tàasi ká,
n kō dō kū ma yāno pínki.

⁴ Ari yā gō bo ma lén,

Dikiri, í dō sānsān.

⁵ Í likamai kpε kū arεo,

n ɔ kúmala.

⁶ Dōna bire demεne daboyā ũme,

à demala, ma ɔndō dí káaro.

⁷ Mán mani gén mà kê n Niniaa?

Mán mani bàa sí mà gén mà kuranyĩ?

⁸ Tó ma fute ma γε musu, í kú gwe!

Tó ma wuteki kê gyāwān, mɔkōmmε gwe!

⁹ Tó ma fute ma γε ifāboki kpa,

tó ma γε vute ísira bara ifālete kpa,

¹⁰ bee gwemε má na n ɔ,

ĩnigō ma kūna kū n ɔplao.

¹¹ Tó ma pì gusira damala,

ke gupura kū à likamai li gwāani ũ,

¹² gu ògō sirannεro,

gwāani ògō denne lán fānantē bàme,

gupura kū gusirao ògō lεεlennεme.

¹³ Mɔkōn mé n ma gūn kê,

n ma í kàsa ma da nēsεn.

¹⁴ Ma n saabu kê kū ma kεna naasi vī
akūsō à yābonsare vī.

N yākenano di bo í sare,

má dō sānsān ma nēsεn.

¹⁵ Goro kū n ma í kàsa né'isɔɔ gūn,

ma wá ke utenannεro.

Kú ma mè ten li asiri gūn gwe,

¹⁶ n wé sì ma négbīnile.

Lákū n ma goro òtε nà pínki,

a lé kú n takadan

zaade a ke dí naaro.

¹⁷ Luda, n laasunn bèεε vīmεne manamana,

a lé vīro fá!

¹⁸ Tó má ye mà naro,

í dasi de bùsu'atēla,

tó ma vu,

madigō kú kūnwo ari tera.

¹⁹ Luda, tó ĩni gbē vānino dεdε dé?

À gomala, ákõnɔ gbēderinɔ!

²⁰ N iberenɔ dì n yá o kũ nèse vānio,
n tó bèere vī n lénlo.

²¹ Dikiri, madì zā gbē kũ ò zāngunɔguroo?
Madì gí gbē kũ ò fūtenyīnɔ kái.

²² Má yáke vīnnero, se zāngu,
madì n dite ma iberenɔ ūme.

²³ Luda, n ma gwagwa n ma nèse dō,
n ma yó n ma gwa n ma laasun dō.

²⁴ N̄ gwa tó má laasun vāni ke vī,
n ma da zé kũ àdigō kun gɔɔ sīnda pínkiaa gūn.

140

Aduakena gbē vāninɔ musu

Dauda lèe.

¹ Dikiri, n ma sí gbē vāninɔa,
n ma dākpā gbē pāsīnɔ yāi.

² Òdi yā vāni laasun lé n̄ swèe gūn,
fitiin òdigō wete gɔɔ sīnda pínki.

³ Òdi n̄ lé keke lán mlèe bà,
n̄ légbē bi pitiko sɛweme.

⁴ Dikiri, nsun tó gbē vāninɔ ɔ namaro,
n ma sí gbē pāsīnɔa,
òdi lé kpákūsū de ò ma pāte.

⁵ Zīdabirinɔ wèee yōmene,
ò tankute kpàkpamene,
ò bàa kpàmene zén.

⁶ Dikiri, ma pìnne: Ma Ludame n ū,
n sã kpá ma wēnda wikii, Dikiri.

⁷ Dikiri Luda, ma surabari gbāna,
mɔkɔn kũ ndi ɔ kúmala zīlan,

⁸ nsun tó gbē vāninɔ n̄ poyeina zé lero,
Dikiri, nsun tó n̄ lékpákūsūna kō séro.

⁹ Gbē kũ ò likamainɔ,
n tó yā vāni kũ òteni ma kpákpao wí n̄ musu.

¹⁰ N̄ tó téyō wāna kúmama, n tó ò n̄ zu tén,
n tó ò si wèe kũ oni bonlo gūn.

¹¹ N̄sun tó gbēyakarinɔ zeki le andunia gūnlo,
n tó kisira gō gbē pāsīnɔ we zēnaa sari.

¹² Má dō kũ Dikiri dì yā nna kpá wēndadenɔa,
àdi yā keke takasidenɔne a zéa.

¹³ Yāpura, gbē mananɔ ni n tó bo,
nèsepuradenɔ nigō kú n are.

141*Surabana aduakɛnaa*

Dauda lɛɛ.

¹ Dikiri, maten wiki lényĩ, ò kɛ likalika,
tó ma n sisi, ò sã kpá ma yã.

² Ì tó ma aduakɛna ká n kĩnaa
lán turaretiti túsukpɛ bà.

Ì tó ma ɔ dɔna musu gɔ denne
sa ɔkɔsi ona ũ.

³ Dikiri, ò lɛsɔ damɛnɛ ma léne,
ò tó mà a lé fɔ.

⁴ Ìsun tó yã vãni ma swɛ̀ gátero,
de màsun kakara kũ yãvãnikerinɔ
ń yãvãnikɛnaa gũnlo,
de màsun ń pɔ nnanɔ ble kũńworo.

⁵ Tó gbɛ mana ma le, à gbɛke kɛmɛnɛmɛ!
Tó à kpàkɛmai, mani gíiro,
nísi kũ a kpèoomɛ.

Madigɔ adua kɛ baala'i
de gbɛ vãninɔ yãkɛna gboro.

⁶ Tó ò ń gbãnadɛnɔ kà sɛ̀sĩgororo wɛɛn,
yãvãnikerinɔ ni sí kũ ma yã mé à nna.

⁷ Lákũ òdi yàkaa para a bùru fãkɔa nà,
lɛn ń wá nigɔ fãkɔana ń mira léa le.

⁸ Dikiri Luda, mɔkɔmmɛ ma wé dɔnyĩ,
ma nanyĩ, òsun ma kpá gairo.

⁹ Ì ma bo tankute kũ ò kpàkpamɛnɛnɔn,
bà kũ yãvãnikerinɔ kpàkpamɛnɛnɔ.

¹⁰ Ì tó gbɛ vãninɔ si ń zĩda bàa gũn,
makũ sɔ mani gɛ̀te aafia.

142*Aduakɛna gbɛ̀wɛɛn*

Dauda aduakɛna gɔɔ kũ à kũ gbɛ̀wɛɛn.

¹ Maten ɔ gbãna dɔ Dikirinɛ,
maten wɛ̀nda wiki lé Dikiria.

² Mateni ma yã'ũmmana bɔtɛnɛ,
mateni ma warikɛna gbãnɛ.

³ Tó ma nɛsɛɛ yàka manamana,
mɔkɔn, ndigɔ ma gɛ̀sesɛna dɔ.

Ò tankute kpàkpamɛnɛ ma zén.

⁴ Ì wé sé ò ma ɔpla gwa,
gbɛke dì ma yã daro.

Má naki vĩ doro,
gbɛke dì ma aafiaa gbekaro.

5 Dikiri, maten wiki lémma ma pì:
 Mòkòmmè ma uteki ù,
 mòkòmmè ma baka ù andunian.
 6 Ñ sá kpá ma wikilenaai,
 zaakū ma gō múkumukumè.
 Ñ ma sí gbē kū òten pémanɔa,
 zaakū n gbāna demala.
 7 Ñ ma bo kagura díkīnan,
 de mà n tó bo,
 gbasa gbē mananɔ likamai
 kū n yā mana kèmenè yāi.

143

Kunna ibereɔ ò aduakena

Dauda lèè.

1 Dikiri, ñ ma aduakena sí,
 ñ sá kpá ma wènda wikii,
 ñ wema n náani kū n manao yāi.
 2 Ñsun yákpate ke kū makū n zòbleriioro,
 zaakū gbēke taari sari n kīnaaro.
 3 Ma ibere pètemai à ma ne,
 à tò má kú gusiran
 lán gbē kū à gà zaa gikenaa bà.
 4 Akū ma nèseè yàka manamana,
 ma sòpète vāni.
 5 Yā zīzīnɔ dòmagu,
 madi laasun lé n zīkenanɔa,
 madi n yākenanɔ da.
 6 Ma a ɔ dɔnyī,
 madi n ni de lán gukori dì í ni de nà.

7 Ñ wema likalika Dikiri,
 ma gbāna làka.
 Ñsun mìkperè zumenero,
 de màsun gō lán gbē kū ò sì gyāwānɔ bàro.
 8 Ñ n gbēke mòmenè kɔnkɔ,
 zaakū mòkòmmè má n náani vī.
 Ñ ma da zé kū à de mà séa,
 zaakū mòkòmmè ma a swèè kpàmma.
 9 Ñ ma sí ma ibereɔa, Dikiri,
 mòkòmmè ma nanyī.
 10 Mòkòmmè ma Luda ù,
 ñ n pɔyenyīna yā damenè.
 Ñ tó n Nini mana domènè are gusaran.
 11 Ñ ma wèndi dákpá n tó yāi, Dikiri,
 ñ ma bo yā ùmmanaa gūn n manao yāi.
 12 Ñ ma ibereɔ láka n gbēke yāi,
 ñ ma zāngurinɔ dede n pínki,

zaakū n zòbleriime ma ũ.

144

Aduakena surabana yá musu

Dauda lèe.

¹ Arubarikademe Dikiri ma gbèsi ũ,

àdi zìkana dadamene,

àdi ma ɔ tùtu ke zìkana yāi.

² Àkūme ma uteki ũ, àdi gbēke kemene,

à de ma zeki gbāna ũ, àdi ma sura ba.

À de ma sēngbako ũ kū madì nai,

àdi tó burinɔ mì natemene.

³ Dikiri, bón bisāsiri ũ

kū a yā dīgō dōnguu?

Bón a ũ kū ndi laakari dɔaa?

⁴ Bisāsiri de lán kása plí bāme,

a wèndii dì gēte lán uraa bà.

⁵ Dikiri, ñ musu natè ñ kipa,

ñ ɔ na kpina de ò túsukpe bo.

⁶ Ñ tó legū pí ñ gbēnɔ fākōa,

ñ kà fā ñ té ò lekōa.

⁷ Ñ ɔ bo zaa musu ñ ma kū,

ñ ma bo í zókɔ gūn,

ñ ma sí buri zītɔnɔa.

⁸ Éketona ñ lé pà,

òdi ɔ pāte kū lépāgbēnaao.

⁹ Luda, mani lè dufu sínne,

mani n táaki lé kū mɔɔ bà mèn kurideo,

¹⁰ mɔkɔn kū ndi tó kɔnɔ zì ble,

ndi n zòbleri Dauda bo fēneda pásī léi.

¹¹ Ñ ma sí ñ ma bo buri zītɔnɔ ɔī,

éketona ñ lé pà,

òdi ɔ pāte kū lépāgbēnaao.

¹² Ó négōgbēnɔ ni fute í kefennakegɔɔa

lán lí kū à nna màa bà,

ó nēnɔgbēnɔ gō de

lán kɔnabe gbēgba kū ò zā blèaa bà.

¹³ Ó dōnɔ ni pa kū pó buri sīnda pínkio.

Ó sãnɔ ni kō leu wàa do,

oni ká úgbangba ó kpàsan.

¹⁴ Ó zùnɔ nigō de nérandenɔ ũ,

nòbotena nigō kunlo,

lagona nigō kunlo,

wēnda'úɔdɔna nigō kú gānulearo.

¹⁵ Arubarikadenɔme gbē kū í konna de lenɔ ũ,

arubarikadenᵋme gbē kū Dikiri de n̄ Luda ũᵋ ũ.

145

Dikiri táakilena a manakena yāi

Dikiri táaki kū Dauda lèe.

¹ Mani n táaki lé, ma Luda ma Kína,
manigᵋ n tᵋ bo gᵋᵋ s̄inda pínki.

² Manigᵋ n sáabu kpá lákū gu ògᵋ ᵋᵋ nà,
manigᵋ n táaki lé lakanaa sari.

³ Dikiri zᵋkᵋ, à kà ò a táaki lé,
a zᵋkᵋke lé v̄iro.

⁴ Kp̄ainᵋ n̄ n yákenanᵋ sáabu kpá Wurenᵋne,
oni n yāzᵋkᵋkenanᵋ kpàkpa ke.

⁵ Oni n manake zᵋkᵋ gakuride yā o,
mani n yābonsarᵋkenanᵋ laasun lé.

⁶ Oni n yákena naasi gbāna yā o,
mani n zᵋkᵋke gadi keñe.

⁷ Oni n manake zᵋkᵋ baaru kpá,
oni ayuwii ke n yāzᵋdekenanᵋ yāi.

⁸ Dikiri s̄uru v̄i kū wēndao,
àdi pᵋ f̄e likaro, à gbēke v̄i zᵋkᵋ.

⁹ Dikiri òi yā mana ke gbē s̄inda pínki,
àdi a pᵋ kū à k̄enᵋ wēnda gwa n̄ pínki.

¹⁰ Pᵋ kū n k̄enᵋ ni n sáabu kpá n̄ pínki,
n yāmarinᵋ ni n tᵋ sé lei, Dikiri.

¹¹ Oni n kpata gakuri gadi ke,
oni n iko gbāna yā o,

¹² de gbē s̄inda pínki n yāzᵋkᵋkenanᵋ ᵋᵋ
kū n kpata mana gakuride yāo.

¹³ N kpata bi kpata lakanasarime,
ñigᵋ de kína ũ ari ó buria.

Dikirin náani v̄i yā kū à ò musu pínki,
à s̄uru v̄i kū pᵋ kū à k̄enᵋ n̄ pínki.

¹⁴ Dikiri òi gbē kū òten lét̄enᵋ kū,
àdi gbē kū wari t̄òmmanᵋ fute.

¹⁵ Pᵋ s̄inda pínki wé ᵋnyī,
ndi pᵋble kpám̄ma a gᵋᵋa.

¹⁶ Ndì ᵋ poroñne pᵋ m̄óm̄ma,
ndi pᵋ s̄inda pínki pᵋyeina bᵋkᵋtene.

¹⁷ Dikiri yákenanᵋn mana pínki,
à gbēke v̄i a yā s̄inda pínki kēnaa gūn.

¹⁸ Dikiri k̄āni kū a s̄isirinᵋ n̄ pínki,
gbē kū òdi a sísi kū yāpuraᵋnᵋ.

¹⁹ Àdi a v̄inakerinᵋ pᵋyeina bᵋkᵋteñe,
àdi n̄ wikilena ma à n̄ sura ba.

²⁰ Dikiri òi gbē kū ò yeainᵋ ᵋākpā n̄ pínki,
ama ani yāvānikerinᵋ kakate.

21 Dikiri táakilena nigõ da ma lén,
pó sînda pínki gõ a tó kũ à kú adona bo
gɔɔ sînda pínki.

146

Dikiri laakaridɔna wëndadensa

1 Aleluya!

Ma swè, ò Dikiri táaki lé.

2 Manigõ Dikiri táaki lé ari ma wëndi léa,
manigõ lè sí ma Ludanɛ ari ma kunna léa.

3 Àsun náani kpá gbānadenɔaro,
surabaŋa kú bisāsiri kīnaaro.

4 Tó ñ wëndii tà, òdi era ò gē būsun,
zĩ birean yā kũ òten péa dì láka.

5 Arubarikademe gbē kũ Yakubu Luda de a kpanyĩri ũ ũ,
kũ à wé dɔ Dikiri a Ludai.

6 Akũ mé à musu kũ zĩteo kè,
ísira kũ pó kũ ò kú a gūnnɔ pínki.

Dikiri náani vī gɔɔ sînda pínki,

7 àdi yā sí kũ gbē kũ òten gbāna mɔ́nɛnɔo,
àdi póble kpá nàderinɔa.

Dikiri dì bāa poro gbē kũ ò yīnanɔa,

8 Dikiri dì vīnanɔ wé wēínɛ,

Dikiri dì gbē kũ wari tòmmanɔ fute,

Dikiri dìgõ ye gbē mananɔi.

9 Dikiri dì bòasunɔ gwa,

àdi ɔ da gyaanɔnɔa kũ tonɛnɔo,

ama àdi zé yákatɛ gbē vāninɔnɛ.

10 Dikiri dìgõ kí ble gɔɔ sînda pínki,
Zaiɔdenɔ, á Luda dìgõ kun ari á buria.

Aleluya!

147

Pó sînda pínki kú Luda ɔĩ

1 Aleluya!

Lèsina ó Ludanɛ mana,

à nna akūsõ à kũ ò a táaki lé.

2 Dikiri ten Yurusalemu fute dɔ,

à Isaraila zìzɔnɔ kàkara àten era à su kũńwo.

3 Àdi gbē kũ ñ nèsee yàkanɔ laakari kpáteínɛ,
àdi ñ bò pípiínɛ.

4 À susunɛnɔ lé dõ,

àdi ñ baadi sísi a t́a.

5 Ó Dikiri zókõ, à iko vī manamana,
a ɔndõ lé vīro.

6 Dikiri dì zìdabusarinɔ gba gbāna,
ama àdi ɔ tó yāvānikerinɔa ari zĩte.

7 À lè sí Dikirine kū a sáabukenaao,
 à ó Luda táaki lé kū mɔɔɔɔ.
 8 Àdi tó legū sisi,
 àdi zĩte gba legū,
 àdi tó sè bute s̄s̄ĩna.
 9 Àdi p̄s̄ble kpá n̄b̄n̄na
 kū káakáanna n̄n̄n̄, tó òten wiki pé.

10 Àdi ke s̄s̄ gbānake mé àdi kánero,
 adi ke ḡs̄s̄agbānake mé àdi ken̄ero.
 11 Gbē kū ò a v̄ĩna v̄ĩno mé àdi káne,
 gbē kū n̄ wé d̄o a gbēk̄eino.

12 Yurusalemuden̄, à Dikiri tó bo,
 Zaīs̄den̄, à á Luda táaki lé.

13 Zaakū àdi arubarika daágu,
 àdi á w̄ete b̄ĩnilen̄ gbāna karaáre.

14 Àdi á gba aafia ari á b̄usule lén,
 àdi p̄sburi mana kpááwa à k̄a.

15 Àdi yā o à kp̄ázā z̄ĩtene,
 a yā d̄i ká ḡn̄nḡn̄.

16 Àdi tó legūgb̄e k̄ote p̄úu lán buu bà,
 àdi tó pl̄i kpá lán túbu bà,

17 àdi legūgb̄e f̄a lán gb̄ek̄o s̄o bà.
 Dí mé ani f̄s̄ à ze a ïa ȳidaii?

18 Àdi yā o à kp̄ázā, legūgb̄e d̄i yó,
 àdi ïa gbare, a í d̄i bàa lé.

19 Àdi tó Yakubu burin̄ ḡs̄ a yā d̄s̄,
 àdi doka kū à d̄iten̄ da Isarailan̄e.

20 Àdi abirekū ke buri p̄ande ken̄ero,
 ò a yāditenan̄ d̄s̄ro.

Aleluya!

148

Dikiri p̄s̄ kū à k̄en̄ a táakilenaa

1 Aleluya!

À Dikiri táaki lé, a beden̄!

À a táaki lé zaa musu!

2 À a táaki lé, a malaikan̄ á p̄ínki!

À a táaki lé, a ìban̄ á p̄ínki!

3 À a táaki lé, if̄āntē kū m̄ovuraa!

À a táaki lé, susun̄e ìnnan̄ p̄ínki!

4 À a táaki lé, sarapura musumus̄u p̄ón̄
 kū í kū à kú ludamb̄elan̄.

5 Ó Dikiri tó bo,
 zaakū à yā ò, akū ò kun.

6 À n̄ p̄epe n̄ pépek̄ia
 de òḡs̄ kú gwe ḡo s̄ĩnda p̄ínki,

à doka dìteńne, oni f̄ò ò v̄ialaro.

7 À Dikiri táaki lé, p̄ó k̄ū ò k̄ú z̄iten̄o,
 kp̄ò gb̄ènt̄en̄o k̄ū ísira l̄òno
 8 k̄ū leḡūpinaao k̄ū leḡūgb̄eεo k̄ū leḡūsisinaao
 k̄ū z̄àga'ia k̄ū àdi m̄i nate a ȳāneεo,
 9 k̄ū kp̄in̄o k̄ū s̄is̄in̄o p̄ínki
 k̄ū lí né'irin̄o k̄ū sida l̄in̄o p̄ínki,
 10 k̄ū n̄òb̄s̄ent̄en̄o k̄ū p̄ók̄aden̄o p̄ínki
 k̄ū p̄ó k̄ū òdi t̄áa o k̄ū k̄uāon̄o k̄ū b̄ān̄o,
 11 k̄ū andunia k̄inan̄o k̄ū burin̄o p̄ínki
 k̄ū k̄inan̄en̄o k̄ū b̄usu gb̄ānaden̄o ń p̄ínki,
 12 k̄ū kefennan̄o k̄ū n̄okparen̄o ń p̄ínki
 k̄ū gb̄ē z̄òk̄òno k̄ū né f̄itin̄o.

13 Ò Dikiri t̄ó bo,
 zaak̄ū a m̄èn do t̄ó mé à z̄òk̄ò,
 a gakuri de musu k̄ū z̄iteola.

14 À k̄ina k̄à a gb̄ēn̄oε,
 k̄ū a ȳāmarin̄o òdi a táaki lé,
 Isaraila k̄ū ò k̄āni k̄āon̄o.
 Aleluya!

149

Dikiri gb̄ēn̄o ȳākpatekena k̄ū burin̄o

1 Aleluya!

À l̄è dufu sí Dikirine,
 à a táaki lé a gb̄ēn̄o k̄òkakaranaa ḡūn.

2 Isarailan̄o p̄o ke nna ń K̄ēriia,
 Zaīōden̄o p̄onna ke k̄ū ń k̄inao.

3 Ò ū w̄ā ò a t̄ó bo,
 ò a táaki lé k̄ū m̄oɾoɾo k̄ū s̄ēḡēs̄ēḡēo.

4 Zaak̄ū Dikiri gb̄ēn̄o ȳā òdi k̄áagu,
 àdi surabana f̄ura k̄ū z̄idabusearin̄oε.

5 Dikiri ȳāmarin̄o p̄onna wiki lé ń z̄iblena ȳāi,
 ò ayuwii ke ń wuteb̄oɾo musu.

6 Luda táakilena ḡō da ń l̄én,
 f̄ēn̄eda lékp̄ap̄lade ḡō na ń òĩ,

7 de ò m̄oɾa k̄áo burin̄o,
 ò b̄usu s̄inda p̄ínki gb̄ēn̄o wé t̄āo,

8 de ò ń k̄inan̄o ȳīȳī k̄ū m̄òk̄ak̄ōanan̄o,
 ò m̄ò k̄á ń k̄inen̄o,

9 de ò ȳā dańla l̄ákū à k̄ēna takada ḡūn n̄à.
 Gakuri k̄ū Dikiri ȳāmarin̄o ni len gwe.
 Aleluya!

150

Dikiri táakilenaa

¹ Aleluya!

À Luda táaki lé a kúkia,
à a táaki lé sarapura zṣkṣṣ gūn.

² À a táaki lé a gbānake yāi,
à a táaki lé kũ a zṣkṣ deñla yāi.

³ À a táaki lé kũ kurupenaao,
à a táaki lé kũ mṣrṣṣṣṣ kũ gidigboo.

⁴ À a táaki lé kũ gāgāao kũ ūwānaao,
à a táaki lé kũ gugeo kũ úrao.

⁵ À a táaki lé kũ sḡḡḡpanaao,
à a táaki lé kũ sḡḡ ṽ gbānao.

⁶ Pṣ bēne sīnda pínki, à Dikiri táaki lé!
Aleluya!